



গিরিশ-গ্রন্থাবলী

অষ্টম ভাগ

গিরিশচন্দ্র ঘোষ-বিরচিত

প্রকাশক—শ্রীমুরেন্দ্রনাথ ঘোষ

‘গিরিশ-ভবন’

১৩নং বহুপাড়া লেন, বাগবাজার, কলিকাতা।

ফাল্গুন—১৩৩৬ সাল

প্রকাশক—শ্রীমুরেন্দ্রনাথ ঘোষ,
“গিরিশ-ভবন”
১০নং বহুপাড়া লেন—কলিকাতা।

M.S.R.
Acc. No. 5405
Date 7.12.91
Loan No. B/B 3306
Don. by

প্রাপ্তি স্থান—

‘গিরিশ-ভবন’—১০ নং বহুপাড়া লেন, বাগবাজার, কলিকাতা।
গুরুদাস চট্টোপাধ্যায় এণ্ড সন্স, ২০৩/১১ কর্ণওয়ালিস স্ট্রীট, কলিকাতা,
ও অত্রাঙ্গ প্রধান প্রধান পুস্তকালয়।

এ চৌধুরী,
ফিনিশ প্রিন্টিং ওয়ার্কস,
২৯নং কালিদাস সিংহের লেন, কলিকাতা।



শ্রীমদ্রামানন্দ

সূচিপত্র

| বিষয় | | পৃষ্ঠা |
|--|-----|--------|
| ১। অশোক (ঐতিহাসিক নাটক) | ... | ১ |
| ২। ভ্রান্তি (ভ্রান্তিমূলক বৈচিত্র্যপূর্ণ নাটক) | ... | ৮১ |
| ৩। দক্ষ-যজ্ঞ (পৌরাণিক নাটক) | ... | ১৫৬ |
| ৪। সীতার বিবাহ (পৌরাণিক নাটক) | ... | ১৯৮ |
| ৫। হীরক জুবিলী (ভিক্টোরিয়া মহোৎসব) | ... | ২২৭ |
| ৬। ব্যায়সা-ক্যা-ত্যায়াসা (প্রহসন) | ... | ২৫৯ |
| ৭। অশ্রু-ধারা (ভিক্টোরিয়া বিয়োগে রূপক-নাট্য) | ... | ২৬০ |
| ৮। নিত্যানন্দ-বিলাস (প্রেম ও ভক্তিমূলক নাটক) | ... | ২৭০ |
| ৯। সম্পাদক | ... | ২৮৮ |
| ১০। ধর্ম-স্থাপক ও ধর্ম-যাজক | ... | ২৯২ |
| ১১। পলিসি | ... | ২৯৫ |
| ১২। প্রবতারা | ... | ২৯৯ |

মহাকবি গিরিশচন্দ্র ঘোষ-প্রণীত

নিম্নলিখিত গ্রন্থগুলি স্বতন্ত্রাকারে পাওয়া যায়।

| | |
|--|--|
| ১। অশোক (ঐতিহাসিক নাটক। বিশ্ববিদ্যালয়ের বি-এ ও এম-এ শ্রেণীর পাঠ্য) ১৬ | ১১। প্রতিধ্বনি (গিরিশচন্দ্র-রচিত বাবতীর কবিতা-সংগ্রহ) সুন্দর বাঁধাই ৫০, অবঁধাই ১০/০ |
| ২। প্রফুল্ল (সামাজিক নাটক। বিশ্ববিদ্যালয়ের বি-এ ও এম-এ শ্রেণীর পাঠ্য) ১৬ | ১৪। বিশ্বমঙ্গল ঠাকুর (প্রেম ও বৈরাগ্য- মূলক নাটক) ১৬ |
| ৩। বলিদান (সামাজিক নাটক) ১৬ | ১৫। মনের মতন (শিল্পনাট্য নাটক) ৫০ |
| ৪। গৃহলক্ষ্মী (ঐ) ১৬ | ১৬। বাসর (ঐ) ১০ |
| ৫। শান্তি কি শান্তি (ঐ) ১৬ | ১৭। আবুহোসেন (গীতিনাট্য) ১০/০ |
| ৬। জনা (পৌরাণিক নাটক) ১৬ | ১৮। মনিহরণ (ঐ) ১০ |
| ৭। শঙ্করাচার্য (ঐ) ১৬ | ১৯। দেলদার (ঐ) ১০/০ |
| ৮। বুদ্ধদেব-চরিত (ঐ) ১৬ | ২০। আলাদিন (ঐ) ১০ |
| ৯। তপোবল (ঐ) ১৬ | ২১। বেঙ্গল-বাজার (প্রহসন) ১০/০ |
| ১০। পাণ্ডব-গৌরব (ঐ) ১৬ | ২২। আহুনা (ঐ) ১০ |
| ১১। পাণ্ডবের অজ্ঞাতবাস (ঐ) ১৬ | ২৩। স্যাহসা-কা-ত্যাহসা (ঐ) ১০ |
| ১২। ভ্রান্তি (অলৌকিক নাটক) ১৬ | ২৪। ছটাকো (নৃতন প্রকাশিত প্রহসন) ১০/০ |

শ্রীঅবিনাশচন্দ্র গঙ্গোপাধ্যায়-প্রণীত ও সম্পাদিত

| | |
|--|--|
| ১। মেঘনাদ বধ (নটগুরু গিরিশচন্দ্র কর্তৃক নাট্যকারের গঠিত মাইকেলের মহাকাব্য) ৫০ | ৪। চাঁদে চাঁদে (গীতিনাট্য) ১০ |
| ২। অক্ষমাত্রী (সামাজিক প্রহসন) ১০/০ | ৫। শিব-চতুর্দশী ঐ ১০/০ |
| ৩। তুলোটি-পালোটি (ঐ) ১০/০ | ৬। নীতিশতক বা চাণক্য-শ্লোক (বেঙ্গল গভর্নমেন্টের অনুমোদিত স্কুলপাঠ্য) ১০/০ |

রঙ্গালয়ের রঙ্গ-কথা

নাট্যাচার্য অমৃতলাল বসু-লিখিত ভূমিকা সহ

শ্রীঅবিনাশচন্দ্র গঙ্গোপাধ্যায়-প্রণীত

বহু চিত্র-সুশোভিত রসাল গল্পের বহি। সুন্দর সিক্কের বাঁধাই,—মূল্য ১১/০ দেড় টাকা।

গিরিশচন্দ্র

নাট্যসম্রাট গিরিশচন্দ্রের সুবিস্তৃত জীবন-চরিত। নটগুরু গিরিশচন্দ্রের শেষ জীবনের নিত্যসহচর

শ্রীঅবিনাশচন্দ্র গঙ্গোপাধ্যায়-প্রণীত।

মহাকবির ধারাবাহিক জীবন-চরিত, ঔহার কর্মজীবন—নাট্যজীবন—ধর্মজীবন—কি উপাদানে ঔহার প্রকৃতি গঠিত হইয়াছিল—তৎসম্বন্ধে বহুসংখ্যক গল্প ও প্রসঙ্গ, বঙ্গ নাট্যশালার ইতিহাস, অভিনেতা-অভিনেত্রীগণের অভিনয়-কথা, কবির নাটক প্রকৃতি বাবতীর রচনার আলোচনা এবং সে কালের সমাজ ও সাহিত্য ইত্যাদি নানা বিষয় সংযোগে গ্রন্থখানি পরম উপদেশ হইয়াছে। রচনা এবং ঘটনা-বৈচিত্র্যে ইহা উপজ্ঞানের ছায় সর্বস ও সুখপাঠ্য।

সাত শত পৃষ্ঠা এবং ৭২ খানি ফটো-চিত্রে সুশোভিত। কাগজ, ছাপা এবং বাঁধাই অতি সুন্দর। মূল্য ৯/০ তিন টাকা মাত্র।

গুরুদাস চট্টোপাধ্যায় এণ্ড সন্স,

২০৩১১ কর্ণওয়ালিস ষ্ট্রিট, কলিকাতা।

অশোক

(ঐতিহাসিক নাটক)

কলিকাতা, বিশ্ব-বিদ্যালয়ের বি-এ ও এম-এ শ্রেণীর পাঠ্য

[১৭ই অগ্রহায়ণ, ১৩১৭ সাল, মিনার্ভা থিয়েটারে প্রথম অভিনীত]

চরিত্র

পুরুষ

বিন্দুসার ... পাটলিপুত্রের সম্রাট ।
সুসীম ... বিন্দুসারের জ্যেষ্ঠ পুত্র ।
অশোক ... ঐ পুত্র (সুসীমের বৈমাত্রেয় ভ্রাতা) ।
বীতশোক ... ঐ পুত্র (অশোকের সহোদর) ।
কুনাল ... অশোকের জ্যেষ্ঠ পুত্র ।
মহেন্দ্র ... ঐ পুত্র (দেবীর গর্ভজাত) ।
অগ্রোধ ... সুসীমের পুত্র ।
কল্লাটক ... বিন্দুসারের মন্ত্রী ।
রাধাগুপ্ত ... ঐ
আকাল ... আবাসহীন দরিদ্র ।
উপগুপ্ত ... বৌদ্ধ-গুরু ।
মার ... পাপ-প্ররোচক । (সয়তান)
চণ্ডগিরিক ... ঐ অনুচর ।
তক্ষশিলায় সভাপতি (পরে মন্ত্রী), সেনাপতি, ধর্মযাজক
ও সদন্তগণ; তীরন্দাজ, চণ্ডাল-সদর, কলিঙ্গ-সৈনিক, জনৈক
জৈন, আভীর, বোধগাকারী, মার-দূত, ঘাতকধ্বংস, মার-
অনুচর, দ্বারবক্ষকধ্বংস, বৌদ্ধভিক্ষুগণ, রাজকর্মচারীগণ, দূতগণ,
রাজপ্রহরীগণ, সৈন্তগণ, বিন্দুসারের দেহরক্ষকগণ, রাজ-

পারিষদগণ, অত্যাচারী রাজাগণ, চণ্ডালগণ, সেনানায়কগণ,
সভাসদগণ, মার-অনুচরগণ, বৌদ্ধ-উপাসকগণ, লোকগণ,
ব্রাহ্মণগণ, চণ্ডাল-বালকগণ, গ্রীক মিশর প্রভৃতি বিদেশীয়
রাজদূতগণ, বৌদ্ধগণ, পথিকগণ ইত্যাদি ।

স্ত্রী

সুভদ্রাদেবী ... বিন্দুসারের পত্নী ।
চন্দ্রকলা ... সুসীমের পত্নী ।
পদ্মাবতী ... অশোকের পত্নী ।
দেবী ... ঐ দ্বিতীয়া পত্নী ।
সম্মিষিত্রা ... ঐ কন্তা (দেবীর গর্ভজাত) ।
কাঞ্চনমালা ... কুনালের পত্নী ।
চিন্তহরা ... বারবিলাসিনী (পরে 'তিষ্ঠুরক্ষিতা' নামে
অশোক-পত্নী) ।
তুষা ... মারের কন্তা ।
চিন্তহরার পরিচারিকা, পদ্মাবতীর পরিচারিকা, চণ্ডাল-পত্নী,
আভীর-পত্নী, জনৈক বৃদ্ধা, দেবীর সহচরীগণ, নর্তকীগণ,
সম্মিষিত্রার সহচরীগণ, চণ্ডাল-বালিকাগণ ইত্যাদি ।

প্রস্তাবনা

হিমালয়স্থ গিরি-কন্দরের সম্মুখ

বৌদ্ধ ভিক্ষুগণ।

১ম বৌদ্ধ। এক, আত্ম নিৰ্ম্মল হিমাদ্রি প্রদেশে প্রকৃতির একরূপ ভাবান্তর কেন? যেন বায়ু কলুষিত, শুভ্র তুমারানি যেন মলিন, স্বর্য়ালোক দীপ্তিহীন, সহসা এ কি পরিবর্তন! হৃদয় যেন ঘোর ভাবাক্রান্ত!

২য় বৌদ্ধ। আমরাও বার বার ধ্যানস্থ হবার চেষ্টা করছি, কিন্তু মনের বিক্ষেপ কিছুতেই নিবারণ হ'চ্ছে না। সমাধিভঙ্গ হ'য়ে প্রভুও এদিকে আসছেন, দেখছি।

(উপগুপ্তের প্রবেশ)

উপগুপ্ত। বৎস, ধ্যানযোগে অদ্ভুত রহস্য অবগত হ'য়েছি, শ্রবণ কর। অচিরে বিনি পূৰ্ব্বজন্মার্জিত কৰ্মফলে সমাগরা ধরণীর ঈশ্বর হবেন, বিনি বুদ্ধদেবের পরম স্নেহের পাত্র, অশোক নামে সেই পুরুষপ্রবরকে ছরস্ত্র মার ছলনা করবে।

১ম বৌদ্ধ। প্রভু, দূরতীর মার কি এরূপ ক্ষমতামালী?

উপগুপ্ত। বৎস, অবিভাপ্ত মারের স্বভাব—অমঙ্গল সাধন। কিন্তু জগতের উৎপত্তি প্রেমে। প্রেমই জগতের ভিত্তি। সেই প্রেমে অমঙ্গল হ'তে শতগুণ মঙ্গল উৎপাদিত হয়। যেরূপ মহা দৈব-তুর্যোগান্তে বাহুপ্রকৃতি হৃদয় ও নিৰ্ম্মল হয়, সেইরূপ অন্তঃপ্রকৃতিও প্রবল অন্তবিপ্লবান্তে নিৰ্ম্মল ভাব ধারণ করে। মারের প্রলোভনের অন্ত্র—শব্দ, স্পর্শ, রূপ, রস, গন্ধ। বাসনা-প্রভাবে শব্দ-স্পর্শ-রূপ-রসে মানব-দেহ গঠিত। এ নিমিত্ত মানব শব্দ-স্পর্শ-রূপ-রসাদি দ্বারা প্রতারিত হয়। কিন্তু সেই প্রতারণা-জনিত ঘোর অন্তর্দাহ উপস্থিত হওয়ায় যন্ত্রণা হ'তে মুক্তিলাভের চেষ্টা করে। ক্রমে তার উপলব্ধি জন্মে যে, নিৰ্ম্মললাভ ব্যতীত যন্ত্রণার তাড়নায় পরিভ্রাণ পাবার আর উপায় নাই, বাসনা বর্জন পূৰ্ব্বক নিৰ্ম্মাণ-পন্থা অবলম্বন করে; পরিশেষে সাধনার দ্বারা সেই পরমার্থ প্রাপ্ত হয়। মার কর্তৃক প্রলোভিত হ'য়ে বুদ্ধদেবের পরম স্নেহাস্পদ ভূপাল অচিরে নিৰ্ম্মাণ-লুক্ক-চিত্ত হবেন। দেখ দেখ! হৃদয় তার মায়াজাল বিস্তার

ক'রবার জন্ত আমাদের নিকট আগমন ক'চ্ছে। আমরা যাতে জগতের মঙ্গলকার্যে বিরত থাকি, সেই উপদেশ প্রদান ক'রবে এই তার বাসনা।

(মারের প্রবেশ)

মার। আমি বুদ্ধদেবের নিকট হ'তে আসছি। তাঁর ইচ্ছা, তোমরা সকলে, যতদিন না শরীর পতন হয়, ধ্যানস্থ হ'য়ে কাল যাপন কর। আমারও বাসনা, এই নিজ্ঞন প্রদেশে ধ্যানাক্রম হব। আর আমার কার্যে প্রীতি নাই, আমার মনে আত্মপ্রাণি উপস্থিত হ'য়েছে। বৌদ্ধধর্মও অচিরে লুপ্ত হবে। বেদবজ্রিত ধর্ম কখন চিরস্থায়ী হয় না। বুদ্ধদেব কেবল নিজ-প্রভাবে ধর্মস্থাপন ক'রেছেন বই তো নয়। দেখছ না, তাঁর “অহিংসা পরম ধর্ম” লোপ হ'চ্ছে। বুদ্ধ-অবতারের পূৰ্ব্বে যেরূপ পশু-হনন, যাগ-যজ্ঞাদি হ'চ্ছিল, সেইরূপই হ'চ্ছে। তবে তোমরা করজ্ঞন অবশ্য বুদ্ধদেবের কৃপায় নিৰ্ম্মাণ লাভ ক'রবে। কিন্তু তোমাদের পর যারা বৌদ্ধধর্ম অবলম্বন ক'রবে, তারা নিশ্চয় নরকগামী হবে— আমি কোন বেদজ্ঞ ব্রাহ্মণের মুখে শ্রবণ ক'রেছি।

উপগুপ্ত। মার, যতদিন এ কল কল না হয়, তুমি নিজ পাপ-তাপে দগ্ধ হবে। তুমি বুদ্ধদেবের নিকট অহুমতি প্রাপ্ত হ'য়েছ; কিন্তু যতপি সেই রাজ্যধিরাজ অশোককে প্রতারিত ক'রতে অসমর্থ হ'ও, তা'হলে তুমি তাঁর দাসের হ্রায় আক্রমণে বাধ্য হবে। যাও, দূর হ'ও! আমাদের উপর তোমার অধিকার নাই। তুমি অবগত আছ, তোমার প্রতি শাসন-ক্ষমতা বুদ্ধদেব আমার প্রদান ক'রেছেন। যতপি অচিরে এ স্থান পরিত্যাগ না কর, তোমার দণ্ডবিধান ক'রবে।

[মারের প্রস্থান।]

১ম বৌদ্ধ। প্রভু, ব্রাহ্মণেরা যে বলে, বৌদ্ধধর্ম বিনষ্ট হবে, এ কি তাদের দর্পমাত্র?

উপগুপ্ত। বৎস, যদি বৌদ্ধধর্মের প্রকৃত মর্ম অবগত হ'তে, তা'হলে কদাচ এরূপ সন্দেহ তোমার হৃদয়ে উদ্ভিত হ'ত না। যতদিন ধরণী অধর্মের না পরিপূর্ণ হবে, ততদিন বৌদ্ধধর্মের বিনাশ নাই। জগতের সমস্ত ধর্মের সার মর্ম—“অহিংসা—সর্বভূতে আত্মজ্ঞান”। এই জগৎ-প্রেম লাভই সকল ধর্মের লক্ষণ, জগৎ-প্রেমে আত্মবিসর্জন। ভিন্ন ভিন্ন নামে ভিন্ন ভিন্ন ধর্ম প্রচার হ'তে পারে;

কিন্তু যে ধর্ম—ধর্মের এই সার মর্ম বজ্জিত, সে ধর্ম—ধর্ম •
নয়, ধর্মের নামে অধর্ম। চল, আমাদের বহু কার্য। ধরায়
শান্তিদান—‘অহিংসা পরম ধর্ম’ প্রচার। সুসময় উদয়
হ’য়েছে, বুদ্ধদেবের শ্রীমুখ-নিঃসৃত ভবিষ্যৎবাণী সকলে
অবগত আছ যে, দুইশত বৎসর পরে তাঁর প্রবর্তিত ধর্ম •
বিস্তারিত হবে। সেই দুইশত বৎসর গত। সমাগরা
ধরণীর ঈশ্বর আমাদের সহায় হবেন। আমাদের চির
প্রার্থনা পূর্ণ হবে।

[সকলের প্রস্থান।

প্রথম অঙ্ক

প্রথম গর্ভাঙ্ক

পাটলিপুত্র নগরের বহির্দেশস্থ বিজ্ঞান কুঞ্জ

(মার ও চিত্তহরার প্রবেশ)

মার। কর যদি কার্য্য মম উপদেশ মত,
প্রেমে যদি নাহি হও রত,
চিরস্থায়ী রহিবে যৌবন ;
আছিলে কুটীরবাসী,
স্বপ্ন পণে দেহ দান
ছিল তব জীবিকা উপায়।
এবে আমার কুপায়—
পাবে ধন, পাবে জন, পাবে সিংহাসন।
আসিছে সুসীম, তারে করহ ছলনা।
চিত্তহরা। ভুলাইতে বিধিমনে করিব যতন।
কিন্তু ভাবি মনে,
রাজ্যেশ্বর, রাজার নন্দন—
শতশত রূপবতী নারী, সদা আজ্ঞাকারী,
আপনারে ধন্ত সেই মানে—
যে নারী যে দিনে পায় তার সেবিতে চরণ।

মার। চিন্তা নাহি কর,
তুমি মম কন্ঠা আজি হ’তে—
তব হৃদে আমার আসন।

অঙ্গুরারে ঠেলি পায়
তব পায় ধরিবে নিশ্চয়,
যারে তুমি হানিবে কটাক্ষ বাণ।
কোকিলের কুহস্বর কঠোর মানিবে,
তব কণ্ঠস্বর যার শ্রবণে পশিবে।
স্পর্শি তব কায়
কুহুম কঠিন হবে স্তন।
নিম্নত তোমায় মাধুরী-মালায়
ঘেরিয়ে রাখিব আমি।
বসি এই শুভ্র শিলাসনে
কর গান আপনার মনে।
প্রেরিয়াছি অনুচরে আনিতে সুসীমে।

[মারের প্রস্থান।

(চিত্তহরার গীত)

স্বপ্নে থাকিতে কেন আপন দোষে।
যাব অকুলে ভেসে ম’জ্ঞে প্রেম-রসে।
পর আপন কবে, কেন কাঁদিব তবে,
কুহুম-প্রাণে ছি ছি এত কি সবে ;
পরে আপন ভেবে, মিছে ছ’লে কি হবে,
পাব না মণি, কেন ধরিব কণি,
দহিব দশন-বিষে দিবা-রজনী ;
নাথে বাদ সেধে, পড়িয়া কাঁদে,
কেন রব, অবশে পর-প্রেম-পরশে ॥

(সুসীমের প্রবেশ)

সুসীম। কে তুমি রমণী, বসি একাকিনী
ঢালিছ স্বরলহরী বসিয়ে বিরলে ?
কাঁদাইয়ে কোন অভাগায়, এসেছ হেথায় ?
গৃহ কার অন্ধকার তোমার বিহনে ?
চাও বিনোদিনী, রাজার কুমার,
পরিচয় মাগে সবিনয়।

চিত্ত। আমি আপনি কাঁদি, কাঁদাই নি কারে,
আমি আপনি ফিরি, আলো-আঁধারে ;
আমি আপনি আপন, নইকো আর কার,
পরাব না, প’রবো না তো গলার কার হার ;
আমি মনের বেগে পণ করি কঠিন,
একলা হেসে একলা কেঁদে কাটিয়ে দেব দিন।

আমি ক'রতে চুরি কুসুমের হাসি,
 আপন মনে ফুলের সনে হই কাননবাসী ।
 জানি না তো প্রাণ আমার কি চায়—
 মাথ'তে বুঝি চাঁদের কিরণ, ভাসতে মলয় বায় ;
 চাই মেঘের কাছে কেড়ে নিতে দামিনীর মালায়,
 মাধুরী দেখ'বে রেখে সোহাগের ডালায় ;
 আমি কুরূপ দেখে অন্তরে উরাই,
 প্রাণ ঢেলে গান ক'রতে আসি বিরলেতে তাই ।

—সুসীম। শীত-উষ্ণ দেশে, পর্বত প্রদেশে,
 প্রান্তরে, সলিলে, ফোটে যে সুন্দর ফুল—
 বিকসিত মম উপবনে ।
 ধরায় সুন্দর বস্ত্র আছিল যথায়—
 একত্রিত সকল (ই) সে বনে ।
 সুরঙ্গ বিহঙ্গ যত গায় শাখী-শিরে—
 বদ্ধ আছে সুবর্ণ পিজুরে ।
 ধরণী-সাগর-গর্ভ করিয়ে লুণ্ঠন,
 একত্রিত অমূল্য রতন,
 গজশিরে, শুক্রির ঈষ্ঠরে
 মুকুতা আছিল যত—
 একত্রিত ঝালর-বিজ্ঞানে ;
 মুহুমন্দ নির্ঝর-ঝঙ্কারে
 উথলে সুরভি বারি পরশি গগন ;
 বিলায় মলয়-বায় সৌরভ তথায় ;
 করে মুহু কলধ্বনি প্রবাহিণী,
 মম বিলাস আবাস ছন্দরে ধরিয়ে তার
 সুধমার সাগর মাঝারে রাধিব তোমারে,
 এস সাথে আদরিণি !

চিন্ত। যেতে পারি, তোমায় দেখে আমার সাধ হ'চ্ছে—
 বাই ; কিন্তু আমি কুৎসিত দেখলে উরাই ! আমি দেশে
 দেশে ঘুরে বেড়াই—আমার প্রাণের দোষে কোথাও স্থির
 হ'তে পারি না । এখানে তো কেউ কুৎসিত নাই ?

সুসীম। সুন্দরি, আমার উপবন সুধমার আধার ।
 সুন্দর সুন্দরী কিঙ্কর কিঙ্করী ভিন্ন আমার অপর পরিচারক
 পরিচারিকা নাই । কৃপা ক'রে উপবনে এস, দেখ'বে সকলই
 সুন্দর । তুমি সৌন্দর্যের রাণী, আমার উপবনই তোমার
 বোণা রাজ্য ।

চিন্ত। দেখো, আবার তো প্রভারিত হব না ?
 সুসীম। প্রভারণা ! তুমি আমার ছন্দয়ের রাণী,
 তোমার সহিত প্রভারণা ?

চিন্ত। অনেক সুন্দর রাজকুমার, যদিচ তোমার মত
 সুন্দর নয়, অমনি ক'রে আমায় সেবেছে ; অমনি ক'রে আমায়
 ভুলিয়ে নে গিয়েছে ; কিন্তু কুৎসিত দেখে ঘৃণায় সেখান
 থেকে পালিয়ে এসেছি । অনেকে শপথ ক'রে প্রাণ
 দিতে চেয়েছে, অনেকে পায় ধ'রেছে । কিন্তু দেখেছি,
 বুঝেছি—সে সমস্তই প্রভারণা !

সুসীম। আমিও তোমার পায় ধরছি, আমিও তোমায়
 শপথ ক'রে প্রাণ দিচ্ছি, আমি পাটালিপুত্রের যুবরাজ ;
 আমার প্রতি কপটতা আরোপ ক'র না ।

চিন্ত। পায় ধরা, প্রাণ দেওয়া—ও সব পুরণো হ'য়েছে ।
 সকলে মনে ক'রেছিল, আদর করে নিয়ে যাবে, দাসী ক'রে
 রাখ'বে । যখন সভায় যাবে, তার বিবাহিতা স্ত্রী তার পাশে
 ব'সবে । আমি স্বাধীন, স্বেচ্ছায় কেন দাসী হব ?

সুসীম। তুমি আমার ছন্দয়সর্ব্বশ ! সাম্রাজ্যের গৌরব-
 প্রচারার্থ কাল হ'তে সপ্তাহ নগরীতে মহোৎসব । কল্যা
 পশু-ক্রীড়া প্রদর্শিত হবে । আমি তোমায় ল'য়ে সেই সভায়
 সর্ব্বসমক্ষে উপস্থিত হব ।

চিন্ত। আমায় ত কেউ রাজরাণী ব'লবে না ।

সুসীম। তবে, আমি শপথ কচ্ছি, যে দিন রাজ্যেশ্বর
 হব, তুমিই আমার বামে ব'সে মুকুট ধারণ ক'রবে । এহ
 দেখ, যুবরাজের মুকুট, যুবরাজের তরবারি—তোমার পায়
 রাখ'ছি ।

(তদ্রূপ করিতে উত্তত)

(কল্লাটকের প্রবেশ)

কল্লাটক। কি করেন, কি করেন, যুবরাজ ! পাটলি-
 পুত্রের যুবরাজের মুকুট, যুবরাজের তরবারি—এ অপরিচিতা
 নারীর পায় রাখ'বেন না ।

চিন্ত। ইনি সভাই বলেছেন, ইনি সভাই বলেছেন—কি
 করেন, যুবরাজ !

সুসীম। প্রাণেশ্বর, বৃদ্ধ নির্ঝোঁধের কথায় অভিমান
 ক'র না । মস্ত্রি, বাও—যান, মহারাজকে পরামর্শ দিন,—
 আমার কার্যে হস্তক্ষেপ ক'রনা ।

কল্লাটক। যুবরাজ, যুকুটের অসম্মান, তরবারির অসম্মান—আমি এ রাজসংসারে পালিত, আমার সম্মুখে ক'রবেন না।

সুসীম। [অঙ্গুলিত্র (দস্তানা) নিক্ষেপ পূর্বক] তবে দূর হও।

কল্লাটক। (স্বগত) বুদ্ধবয়সে এই অপমান সহ্য ক'রতে হ'ল!

(অশোকের প্রবেশ)

অশোক। (স্বগত) এ কি! এ নিষ্কর্ষন স্থানেও কি আমার অধিকার নাই—এও কি যুবরাজের বিলাস-স্থান?

চিন্ত। ওমা—ওমা, কি কুৎসিত গো! আমি এখানে থাকবো না—আমি এখানে থাকবো না!

[প্রস্থানোত্তত।

সুসীম। যেও না, যেও না, এখনি দূর ক'রে দিচ্ছি।

চিন্ত। আগে রাজ্য থেকে বিদায় ক'রে দাও, নইলে আমার সঙ্গে আর দেখা হবে না! [চিত্তহরার প্রধান।

সুসীম। যেও না, যেও না—

[পশ্চাৎ পশ্চাৎ সুসীমের প্রস্থান।

অশোক। মন্ত্রীমহাশয়, এ কি! আপনি এরূপ অবস্থায় কেন?

কল্লাটক। কুমার, আমার গ্রহ রুগ্ন, তাই অপমানিত হ'তে হেথায় এসেছিলাম। দূত আমার নিকট প্রকাশ করে যে, যুবরাজ মত্ত হ'য়ে কোন বারবিলাসিনীতে আত্ম-সমর্পণ ক'রছেন। আমি তাই নিবারণ ক'রতে এসেছিলাম।

অশোক। আপনি কি যুবরাজের কার্যকলাপ পরিদর্শনের জন্ত দূত নিযুক্ত করেন?

কল্লাটক। না না, সে ব্যক্তি অপরিচিত। তার নিকটে কুৎসিত সংবাদ পেয়ে আমায় উপস্থিত হ'তে হ'য়েছে। চন্দ্রগুপ্তের অন্তঃপুরে বারবিলাসিনী প্রবেশ ক'রবে, এইজন্ত ব্যস্ত হ'য়ে তা নিবারণ ক'রতে এসেছিলাম।

(আকালকে বন্ধন করিয়া লইয়া কয়েকজন

কর্মচারীর প্রবেশ)

কল্লাটক। এ কে এ?

কর্মচারী। মন্ত্রীমহাশয়, এ ব্যক্তি চোর—দুইবার রাজদণ্ডে কোড়া প্রহারে দণ্ডিত হ'য়েছে।

কল্লাটক। কি ক'রেছে?

আকাল। তোমাদের কষ্ট পেতে হবে না, আমিই বলছি। (মন্ত্রীর প্রতি) আমি চোর নই, চোর কি এ'রা ধরেন? আমি সৌখিন। আমি কেমন অট্টালিকায় গুতে পারি না, ছেলেবেলাকার অভ্যাস, রাস্তায়—জঙ্গলে একধারে প'ড়ে থাকি, এই প্রধান দোষ; আর দ্বিতীয় দোষ—ক্ষীর-সর-নবনী আমার পেটে সয় না, তাই ভিক্ষার চেষ্টা করি।

অশোক। তোমার এ দশা কেন?

আকাল। বললুম তো—সখ! এই আপনি রাজ-কুমার হ'য়ে সভায় না ব'সে, বনে-বাদাড়ে একলা বোরেন কেন? তা যখন মন্ত্রীমহাশয় আছেন, আর আপনিও উপস্থিত আছেন, যে ব্যক্তি কোড়া প্রহার করে, তাকে বার বার কেন ছুঁতে দেবেন?—হাত টাটাবে। প্রহরীদের হুকুম দেন, গর্দানীটা কেটে ফেলুক! ওঁদেরও আমোদ হবে, আমিও নিস্তার পাব।

অশোক। ওদের অমোদ হবে কেন?

আকাল। আজ্ঞে, পাঁটা কেটে ঢাক-ঢোল বাজায়, কাঁচা মাছের মাথা কেটে একটু আমোদ ক'রবে না? এরা যেদিন ধ'রে কারেও না মারতে পারে, মন-মরা হ'য়ে থাকে। ওদেরও একটু আনন্দ দেন, আর আমারও রাস্তায় শো'য়া বাইটে নিবারণ করুন।

অশোক। মন্ত্রীমহাশয়, দেখছি—এ ব্যক্তি অবস্থায় দীক্ষিত হ'য়ে সত্য কথা বলতে ভীত নয়। আমার অনুরোধ, আপনি বিচারপতিকে ব'লে একে মার্জনা করুন। এ ব্যক্তি অর্থহীন, আবাসহীন, সংসারে একজন অভাগা, (আকালের প্রতি) তোমার ভয় নাই, তুমি কাঁদছ কেন?

আকাল। কুমার, ভয়ে কাঁদছি না। দেখছি, অভাগা একা আমি নই; রাজপুত্রও অভাগা, নইলে অভাগার ছুঁতে বৃথা নই।

অশোক। তোমার নাম কি?

আকাল। দেশে আকাল হ'য়েছিল, সেই সময় পৃথিবীতে পদার্পণ ক'রেছি, সেই জন্ত পিতামাতা স্মরণ 'আকাল' নাম দিয়েছেন। আকালেই হোক বা স্মরণ ভাগ্যবান পুত্র ভূমিষ্ঠ হওয়াতেই হোক, শীঘ্রই পিতামাতা প্রাণত্যাগ করেন। বিনা বেতনে একজন চাকর রাখা চলবে, চাকর কিনতে হ'তো, তার মিকি খরচে আমি মাছ হ'তে পারবো, আর

দয়া প্রকাশ করাও হবে, সেই জন্ত জমীদার অশ্রয় দিলেন।, রাষ্ট্রচক্রবর্তী-ব্যঙ্গক জটুল-চিহ্নকে কুষ্ঠরোগ-জ্ঞানে ঘৃণা
সেইখানে তো একজন ক্রৌতদাসীর কাছে মাহুয হলেম; করেন।

সে ভাগ্যবতীও আমার পাঁচ বছর বয়সের সময় পঞ্চদ্ব প্রাপ্ত
হ'ল। সেই সময় থেকে মার খেয়ে মারে অকুচি হ'য়ে
গেল। পালিয়ে এদেশ ওদেশ ঘুরে শেষ এই সৌধিন হ'য়ে
প'ড়েছি।

অশোক। তোমার কথাবার্তা শিক্ষিতের ছায়।

আকাল। দীন পিতামাতা বাল্যকালেই মরে গেলেন,
সেই হ'তেই আজীবন শিক্ষা পেয়ে আসছি।

কল্যাটক। এর বন্ধনমুক্ত ক'রে আমার আবাসে নিয়ে
যাও। [আকালকে লইয়া রাজকর্ণচারিগণের প্রস্থান।

(স্বসীমের পুনঃ প্রবেশ)

স্বসীম। দূর হ, দূর হ, বাণীপুত্র, নাপ্তিনী-পুত্র,
চণ্ডালিনী-পুত্র, কুষ্ঠরোগগ্রস্ত!—দূর হ!

অশোক। যুবরাজ, সমস্ত ভোগসুখ পরিত্যাগ ক'রে
আমার ধৈর্যের বন্ধন ছেদন করবেন না। পুনরায় একপ
উক্তি ক'রলে আপনার জিহ্বা নীরব হবে।

স্বসীম। কি, তুই আমার খুন ক'রবি, খুন ক'রবি?
আচ্ছা দেখি, মহারাজ এ কথা শুনে কি বলেন।

[স্বসীমের প্রস্থান।

অশোক। মন্ত্রীমহাশয়, ব'লতে পারেন, আমি অভাগা,
না, ঐ দীন ব্যক্তি অভাগা?

কল্যাটক। যুবরাজ, এ বর্ষের কথায় বিষয় হবেন না।

অশোক। ধিক্ জন্ম—ধিক্ মম মাতৃসুত পান,

ধিক্ হস্ত-পদ, ধিক্ শ্রবণ-নয়ন,

মাতৃ-নিন্দা শুনিবু শ্রবণে!

রক্ত না হইল তাহে শ্রবণ-বিবর,

মস্তক-শোভিত স্বল্প মাতৃনিন্দুকের

হেরি, উৎপাটিত নাহি হইল নয়ন!

হস্ত না স্পর্শিল তরবারি,

পদ না করিল চূর্ণ নিন্দুক-বদন।

ধিক্ ধিক্—শত ধিক্ জীবনে আমার।

[অশোকের প্রস্থান।

কল্যাটক। মহারাজের বুদ্ধিভ্রম—অযোগ্য ব্যাভিচারী
পুত্রের আদর, সর্বগুণসম্পন্ন রাজলক্ষণযুক্ত পুত্রের অনাদর!

(দূতের প্রবেশ)

দূত। মহাশয়! মহারাজ আপনাকে সভায় আহ্বান
ক'রেছেন। উৎসবের কিরূপ আয়োজন হ'য়েছে, জান্‌বার
ইচ্ছা করেন। [উভয়ের প্রস্থান।

দ্বিতীয় পর্ভাঙ্ক

উৎসব-সভার নিকটস্থ নির্জন স্থান

অশোক।

অশোক। কিবা কার্যে রাজবংশে জনম আমার!

ওই হীন বিলাসী আমোদপ্রিয়গণ—

সপ্ত দিবারাত্রি হেয় উৎসবে মগন,

আমিও কি তাহাদের মধ্যে একজন?

হেন হীন প্রকৃতির কুৎসিত আগার

যন্তপি শরীর মম—

এখনি বর্জন প্রয়োজন।

কিন্তু কভু নয়,

হেন নীচাশয় হৃদয় নহেক মম।

এক উত্তেজনা!

সঙ্গাগরা ধরণী কামনা

নিরন্তর অন্তরে আগার—

কিন্তু অবস্থা সম্পূর্ণ বিপরীত।

পিতৃঘৃণা—কুৎসিত বলিয়ে,

মাতৃপ্রেমহে নহে অধিকারী,

উচ্চ কৰ্ম্মচারিগণে করে অবহেলা।

মাত্র মন্ত্রীদ্বয়, জ্ঞান হর, পঞ্চ মম—

মনোভাব রাজ-ডরে প্রকাশিতে নারে!

কিন্তু উপেক্ষায় শত গুণে বৃদ্ধি উত্তেজনা!

একচ্ছত্র রাজদণ্ড করিব ধারণ,

উচ্চ আশ হৃদয়ে বিফল কভু নয়!

নহে মম সামান্ত জীবন,

নহি আমি সামান্ত মানব,

নরমাঝে নরশ্রেষ্ঠ নিশ্চয় মানিবে!

(বিন্দুসার, সুভদ্রাঙ্গী, সুসীম, কল্লাটক ও

রাধাগুপ্তের প্রবেশ)

সুসীম। (জনান্তিকে বিন্দুসারকে স্পর্শ করিয়া বুক্ষান্ত-
রালস্থ অশোককে দেখাইয়া) ওই—

বিন্দুসার। (সুভদ্রাঙ্গীর প্রতি) দেখ, তোমার অশো-
কের যেরূপ আকার—সেইরূপ প্রকার। অতি সামান্য
প্রজ্ঞাকেও উৎসব-দর্শনে আমি অধিকার প্রদান করেছি।
অশোকও উপস্থিত থাকলে আমি বিশেষ আপত্তি ক'রতেন
না, বরং উৎসব-দর্শনেচ্ছু হ'লে আমি ভাবতেন যে, অশোকের
কিঞ্চিৎ মনুষ্যত্ব আছে। কল্লাটক ও রাধাগুপ্ত অশোককে
উৎসব-স্থলে উপস্থিত হ'তে উপদেশ দিয়েছিল, কিন্তু সে
উপদেশ উপেক্ষা করে এই নির্জন প্রদেশে ক্ষিপ্তের তায়
অঙ্গ সঞ্চালন ক'চ্ছে। ধিক্, কি মহাপাতকে এই হীন
সন্তান আমার বংশে জন্মগ্রহণ ক'রেছে ! (অশোকের প্রতি
অশোক, তুমি যদি উৎসব-দর্শনে ইচ্ছুক, সভা-স্থলে উপস্থিত
না হ'য়ে এ স্থানে কেন গুপ্তভাবে অবস্থান ক'ছ ? মন্ত্রীরা
তো তোমায় বাবার অনুমতি দিয়েছিলেন।

অশোক। উৎসব-দর্শন-ইচ্ছা নাহি মহীপাল,
ঘৃণা মম উৎসব-দর্শনে।

বিন্দুসার। তবে কেন চোরের মত একদৃষ্টে উৎসব
লক্ষ্য ক'ছ ?

অশোক। দোঁধতেছি, কত হীন মানব-হৃদয় !

হীন কার্য্য কত প্রিয় তার !

মহুগুপ্ত কিরূপ ক'রেছে পরিহার !

দেখুন সম্রাট,

হেন শক্তি নরের শরীরে,

যাহে—সিংহ, ব্যাঘ্র, ভল্লুক প্রভৃতি

দাস সম আজ্ঞায় চালিত।

কিন্তু সেই মহাশক্তি উপেক্ষা করিয়ে

সপ্ত দিব্যারাত্র আজি বিলাসে বিভ্রত,

যাহে—চিত্ত পশু সম হয় অবনত।

বিন্দুসার। আরে মুঢ়, মহুগুপ্ত কেবল তোমার আছে,
আর এ রাজ্যে কারো মনুষ্যত্ব নাই ?

অশোক। মহারাজ, দাসের মনুষ্যত্ব আছে বা না
আছে—পরীক্ষা করুন।

বিন্দুসার। বিলাস তোমার হীন বিবেচনা হয় ! তক্ষ-

শিলায় বিদ্রোহ উপস্থিত, শ্রুত আছে কি ?

অশোক। মহারাজ, আরও বিস্মিত হ'ছি—তক্ষশিলায়
বিদ্রোহ, আর রাজধানীতে অকারণ উৎসব ! কোন নূতন
রাজ্য সাম্রাজ্যভুক্ত হয় নাই, রাজপুরে কোন রাজপুত্র
জন্মগ্রহণ করে নাই, কোন দেব-দেবীর পূজা নাই,—কেবল
উৎসবের নিমিত্ত উৎসব—যে উৎসবে নর্তকীরা প্রধান—
(জাহ্নু পাতিয়া) ধরণীধর, এ নিমিত্তই এই উৎসবের প্রতি
আমার ঘৃণা !

বিন্দুসার। তোমার উৎসবের প্রতি ঘৃণা নয়, ঘৃণা
আমার প্রতি।

অশোক। না, মহারাজ ! আমার ঘৃণা—হীন পারি-
ষদের প্রতি, ঘৃণা—হীন প্রজাবর্গের প্রতি, বাদের উত্তেজনায়
এই উৎসব-কার্য্যে মহারাজ অনুমতি দিয়েছেন। এ উৎসবে
তারা রাজভক্তি প্রদর্শন ক'চ্ছে না, মনুষ্যত্বহীন বিলাসীরা
রাজসম্মান-ভাণে আপনাদিগের বিলাস-তৃষ্ণা পরিতৃপ্ত
ক'চ্ছিল। তক্ষশিলায় বিদ্রোহ, সে বিদ্রোহ দমনের নিমিত্ত
কারো উৎসাহ নাই। পিতামহ রাজাধিরাজ চন্দ্রগুপ্ত-স্থাপিত
এই বিরাট সাম্রাজ্য যে, অঙ্গহীন হ'চ্ছে—এর প্রতি কারো
লক্ষ্য নাই। তক্ষশিলা যদি দমিত না হয়, তক্ষশিলায় যদি
রাজ-শাসন স্থলিত হয়, দিন দিন অপরূপ প্রদেশও পাটলি-
পুত্রের সিংহাসন উপেক্ষা ক'রতে উত্তেজিত হবে—তক্ষ-
শিলাবাসীর সকলেই অত্যাচার ক'রবে।

বিন্দুসার। দেখ রাজি, বর্ষের স্পর্ধা দেখ ! মন্ত্রীবেষ্টিত
সম্রাটকে কদাচার কুরূপ বাতুল—উপদেশ প্রদান ক'চ্ছে।

অশোক। মহারাজ, দাস তো কোন নীতিবিরুদ্ধ কার্য্য
করে নাই।

বিন্দুসার। তুমি তক্ষশিলা দমন করবার নিমিত্ত প্রস্তুত
না কি ?

অশোক। মাত্র রাজাজ্ঞার অপেক্ষা।

সুসীম। (জনান্তিকে বিন্দুসারের প্রতি) বাবা, অশোককে
পাঠিয়ে দিন না, তা'হলে আপনার আপদ সহজেই চূকে যায়।

বিন্দুসার। আমার আজ্ঞার অপেক্ষা ? আজ্ঞা দিলুম,
তক্ষশিলা দমন কর।

অশোক। সৈন্ত সজ্জিত হ'তে আদেশ প্রদান করুন।

বিন্দুসার। তোমার সৈন্ত তুমি বেছে নাও ; এ হীন

প্রদেশ, হীনচেতা লোক—বিলাসবত, এ প্রদেশের সৈন্ত
তোমার ন্যায় বীরপুরুষের যোগ্য নয়।

অশোক। তবে আমি একা তক্ষশিলা প্রদেশ জয়
ক'রব, এইরূপ কি রাজ্যদেশ ?

বিম্বসার। আদেশ তুমিই প্রার্থী।

হুভদ্রা। ত্বিনির সন্তানকে কি বিসর্জন দেবেন,
মহারাজ ?

বিম্বসার। রাজি, আজ আবার কি নূতন কৌশল ?
তোমার পুত্র কি তক্ষশিলা-দমনে একা অগ্রসর হবে বিবেচনা
ক'রেছ ? তুমি কি বোধ না যে, এই দাস্তিকের দস্ত্র আমায়
অবমাননা ক'রবার নিমিত্ত ? (অশোকের প্রতি) বীরপুরুষ,
বীরত্ব প্রকাশ কর, দণ্ডায়মান কেন ? তক্ষশিলা জয় ক'রে
এস, আমি তোমায় সিংহাসন প্রদান ক'রব। অপেক্ষা কেন ?

অশোক। মাতৃ-আজ্ঞার অপেক্ষায় দণ্ডায়মান, মহারাজ !

বিম্বসার। হ্যাঁ হ্যাঁ, মাতৃ-আজ্ঞা ব্যতীত গমন ক'রতে
পারবে না—তোমার অসীম বীরত্ব ! তোমার পিতার
আজ্ঞা শোন ! তক্ষশিলা জয় না ক'রে নগর প্রবেশ ক'র
না।

[অশোক, হুভদ্রাদ্বী, কল্লাটক ও রাধাশুণ্ড ব্যতীত
সকলের প্রস্থান।

অশোক। মহারাজি, রাজ্যজ্ঞা পালন করি, অনুমতি
দিন।

হুভদ্রাদ্বী। বৎস, জয়যুক্ত হও ! রাজ-আজ্ঞা পালন
কর।

রাধাশুণ্ড। মা, মার্জনা করুন ! মহারাজ যেক্ষণ
কঠোর পিতা, আপনিও কি সেইরূপ কঠোরা জননী ?

হুভদ্রাদ্বী। না রাধাশুণ্ড, আমি কঠোরা জননী নই।
বাবা, তোমরা অশোকের প্রকৃতি জান না। আমি অনুমতি
না দিলে যদি অশোকের প্রতিজ্ঞা ভঙ্গ হয়, অশোক দেহের
মমতা এতনি পরিচ্যাপ্ত ক'রবে।

অশোক। মা মা, তুমি রোদন ক'র না ! আমি
তোমার আশীর্বাদে জন্ম হয়ে প্রতাগমন ক'রব, শাস্ত হও !

হুভদ্রাদ্বী। বৎস,

শাস্ত হ'তে কাহারে কিছ অরোধ ?

কিরূপে করিব শাস্ত অশান্ত হৃদয় ?

নহ নারী,

কিরূপে বুঝিবে তুমি মায়ের বেদনা ?

অশোকের সম পুত্র কর নি প্রসব,

দাও নাই অশোক নন্দনে বিসর্জন,

শাস্ত হ'তে অরোধ কর সে কারণ।

বুঝি বা জানিতে যোরে মমতা-বর্জিত,

বুঝি বা ভাবিতে মম আদরের ক্রটি ;

কিন্তু শোন, বৎস,

অজি করি মনোভাব প্রকাশ তোমারে।

রাজরাজেশ্বর পুত্র জন্মিবে আমার,

দৈবজ্ঞের গণনা এরূপ ;

স্নেহ-দৃষ্টে চাহিলে তোমার পানে

পাছে তব হয় অকল্যাণ,

স্নেহের প্রকাশ নাহি করি সেই হেতু।

অজানিত পুত্রের প্রদেশে

সেই পুত্র, অন্তরের নিধি,

শত্রুমাঝে অসহায় করিব প্রেরণ—

শাস্ত কে করিবে, বৎস, জননীর মন !

অশোক। মাগো, দৈবজ্ঞ গণন, ভিক্ষুর বচন,

মম হৃদয়ের উত্তেজনা—

অবশ্য হইব মাতা রাজরাজেশ্বর,

তব আশীর্বাদে আমি হব সর্বজয়ী।

[প্রণাম পূর্বক অশোকের প্রস্থান।

হুভদ্রাদ্বী। করুণা-আকর যেই দেবতামণ্ডল—

অনাথের নাথ চিরদিন,

রক্ষা ক'র অনাথ নন্দনে।

[হুভদ্রাদ্বীর প্রস্থান।

রাধাশুণ্ড। মহাশয়, সর্বনাশ হ'লো ! কি উপায়ে
রাজকুমারকে রক্ষা করা যায় ?

কল্লাটক। চল, দ্রুতগামী দূত প্রেরণ ক'রে কুমারকে
রাজ্যপ্রান্তে কোন নির্জন স্থানে আবদ্ধ রাখা যাক্। এ
ব্যতীত তো অপর উপায় দেখি না। মহারাজ দিব্যাত্র
এই যোগ্য পুত্রের মৃত্যু-কামনা করেন। দেখ্লে না, এই
পুত্র বিসর্জন দিয়ে মহারাজ পরম আত্মদিত। সতর্কভাবে
কার্য করা উচিত, নচেৎ আমাদের অমঙ্গল হওয়া সম্ভাবনা।

[উভয়ের প্রস্থান।

তৃতীয় গর্ভাঙ্ক

পথ

(অগ্রে অশোক পশ্চাৎ বীতশোকের প্রবেশ)

বীতশোক। দাদা, কোথা যাও ?

অশোক। রাজ্যদেশ পালনে।

বীতশোক। তোমার স্ত্রী-পুত্রদের নিকট বিদায় গ্রহণ
ক'রলেন না ?

অশোক। সে অবকাশ নাই।

বীতশোক। দাদা, তুমি তো বড় কঠিন ?

অশোক। কর্তব্যের পথ তো কোমল নয়, বীতশোক ?

মি আমার হ'য়ে আমার স্ত্রী-পুত্রদের ব'ল, যে আমার
স্নেহের অভাব নয়, তবে রাজকাৰ্য্য বড় কঠোর।

বীতশোক। আমি কি ক'রে ব'লব, আমি তো তোমার
স্নেহে ঘাব। রাজ্যদেশ পালন যদি তোমার কর্তব্য হয়,
যদি তোমার কনিষ্ঠ, তোমার অনুগমন করা আমার কর্তব্য।

অশোক। না, বীতশোক, তুমি ফিরে যাও, আমাদের
। বড় দুখিনী ; আমার অদর্শনে কাতরা হবেন, তুমি সাশ্বনা
ক'র।

বীতশোক। দাদা, তুমি আমায় কর্তব্যপালনে শিক্ষা
য়েছ, কিন্তু সে শিক্ষার পরীক্ষা গ্রহণ কই ক'চ্ছ ? তুমি
কাকী অসহায় শত্রুমাঝে গমন ক'রবে, আমি তোমার
নিষ্ঠ সহোদর, রাজগৃহে রাজভোগে অবস্থান ক'রব ?

অশোক। চিন্তাদূর কর উচ্চাশয়,

জেন, মম কোন কার্য্যে নাহি পরাজয়।

বিশাল সাম্রাজ্যপতি করিয়ে আমায়

প্রেরিয়াছে অদৃষ্ট ধরায় ;

না ধরে ধরণী-বক্ষ হেন কোন জন,

নতশির না হইবে সম্মুখে আমার।

নাহি অসি ভীষ্ণুধার পিধানো কাহার

দেবতা-গঠিত অঙ্গে করিবে প্রবেশ,

দেব-প্রিয়দর্শী আমি জানিহ নিশ্চয়।

নিশ্চিন্ত হইয়ে কর জননীর সেবা ;

ভ্রাতা বলি আলিঙ্গনে পুনঃ সম্ভাষিব।

বীতশোক। হেন দেবকার্য্যে যদি তব আগমন,

তবে কি কারণ—কনিষ্ঠ তোমার—

তাহে করহ বঞ্চন ?

তব উচ্চ গৌরবের অংশমাত্র দানে

আজি যদি করহ বঞ্চনা,

কর মানা সাথী হইবারে—

যেই দেবকার্য্যে তুমি ধরণীমণ্ডলে—

সেই দেবগণে আমি কহি সাক্ষী করি,

তব মহাকাৰ্য্যে হব নিশ্চয় সহায়।

নাহি মম তব সম উচ্চ অভিলাষ,

জ্যোষ্ঠ সেবা একমাত্র পিয়াস হৃদয়ে।

অশোক। কর তবে সৰ্ব্বাপেক্ষা প্রিয় সেবা মম,

মাতার নয়ন-ধার করহ মোচন।

বীতশোক। শিরোধার্য্য আজ্ঞা তব, লজ্জিতে না পারি,

কিন্তু তব অতি নিষ্ঠুরতা ;

নিষ্ঠুর প্রতিজ্ঞা করি সম্মুখে তোমার,

তব কার্য্যে ছার দেহ করিব বর্জন।

[অগ্রে অশোক গরে বীতশোকের অপরদিকে প্রস্থান।]

চতুর্থ গর্ভাঙ্ক

রাজ-অন্তপুর—সুভদ্রাসীর মহল

সুভদ্রাসী ও পদ্মাবতী।

পদ্মাবতী। মা মা, কি হবে ? মহারাজ প্রভুকে বর্জন
ক'রেছেন, নগরে প্রবেশ নিষেধ। কি হবে, মা, কি হবে !

সুভদ্রাসী। আমরা দীন রমণী, আমরা কি ক'রব, মা ?
দাননাথকে ডাক', আর তো উপায় নাই।

পদ্মাবতী। মা, তোমার শ্রীমুখে শ্রবণ ক'রেছি, তুমি
ব্রাহ্মণকুমারী, কোন মহাপুরুষ গণনা করেন যে, তোমার
গর্ভে রাজচক্রবর্তী জন্মগ্রহণ ক'রবেন, সেই জন্তই তোমার
পিতা তোমাকে রাজপুরে রেখে যান। তোমার অসামান্য
সৌন্দর্য্য-দর্শনে দীর্ঘায় রাজীগণ তোমার হীন ক্ষোরকার্য্যে
নিযুক্ত ক'রেছিলেন। পুত্র-আশায় সে সমস্ত তুমি সহ
ক'রে রাজকুপায় পাটরাণী হ'য়েছিলে। সর্ব্বমূলক্ষণ ও রাজ-
চক্রবর্তীর জটল-চিহ্নযুক্ত পুত্র প্রসব ক'রেছ। তবে এ পরি-
ণাম কেন মা ? সকলই কি বিফল হ'ল ?

শুভদ্রাক্ষী। আমি দূরদৃষ্টিহীন অবলা, আমি কি বলব মা ? দেবতার যেরূপ ইচ্ছা, তাই পূর্ণ হবে।

(প্রহরিগণসহ বিন্দুসারের প্রবেশ)

মহারাজ, রাজ-অস্তঃপুরে রাজসম্মুখে অস্থায়ী প্রহরী কি সাহসে উপস্থিত ?

বিন্দুসার। কর্তব্য পালনে; যে দাস্তিক, পিতা ও রাজাকে উপেক্ষা করে রাজ-অস্তঃপুরে লুক্কায়িত আছে, তার অন্বেষণে। তোমার অশোক কোথায় ?

শুভদ্রাক্ষী। আমা অপেক্ষা মহারাজ তো অশোকের অবস্থা অবগত। অশোক রাজ-আজ্ঞায় তক্ষশিলায় যাত্রা করেছেন।

বিন্দুসার। কুৎসিতা নাস্তিনী, আর ক্ষৌরকার্যে আমাকে প্রতারিত করতে পারবে না। তোমার পৈশাচিক মোহিনীতে আর আমি ভুলবো না। যদি নিজের মঙ্গল, কনিষ্ঠ পুত্রের মঙ্গল, পুত্রবধূ, পৌত্রের মঙ্গল কামনা থাকে, অশোককে প্রহরীর হস্তে অর্পণ কর।

শুভদ্রাক্ষী। মহারাজ, মঙ্গল বা অমঙ্গল হোক, পতি-সম্মুখে কখনো এ জিহ্বার মিথ্যা উচ্চারিত হয় নাই। অশোকের পাটলিপুত্র-রাজবংশে জন্ম, প্রতিজ্ঞাভঙ্গ হ'লে সে প্রাণত্যাগ করতে, কদাচ রাজ-আদেশ লঙ্ঘন করে আমার অনুরোধেও অস্তঃপুরে লুক্কায়িত থাকতে সম্মত হ'ত না। অস্তঃপুরে অহেতু রাজ-অনুচর প্রবেশ করেছে।

বিন্দুসার। সত্যবাদিনি, অশোক অস্তঃপুরে নাই ? উত্তম ! কনিষ্ঠপুত্র, পুত্রবধূ, পৌত্রকে ল'য়ে এই অনুচরের সহিত অস্তঃপুর পরিত্যাগ করে গমন কর। রাজ-আদেশে এখন পুরী দগ্ধ হবে।

শুভদ্রাক্ষী। প্রভু, প্রহরীবেষ্টিত হ'য়ে পুত্রবধূ সহিত কোথায় যাব ?

পদ্মাবতী। কেন, মা, রাজরাণী যথায় যাবেন, তাঁর দাসীও তথায় তাঁর সেবার নিমিত্ত থাকবে। কেন বিষণ্ণ হ'চ্ছেন ? শ্রীরামচন্দ্র যখন জানকী-বর্জন করেছিলেন, তখন তপোবনে তো তাঁর স্থান হ'য়েছিল, তাঁর শিশুদ্বটিও দেবতার রূপায় পালিত হ'য়েছিল; দেবতার রূপায় আমা-দেবও স্থান হবে।

বিন্দুসার। ইয়া, কারাগারে !

পদ্মাবতী। যে আজ্ঞে, মহারাজ !

বিন্দুসার। রাক্ষি, তোমার পুত্রবধূও তোমার ভ্রাতৃ দাস্তিকা।

(বীতশোক ও কুনালের প্রবেশ)

বীতশোক, শুনেছি, তুমি সত্যবাদী ! তোমার জ্যেষ্ঠ এ পুরে লুক্কায়িত আছে ?

বীতশোক। মহারাজ, মুখিক অস্তঃপুরে লুক্কায়িত থাকতে পারে, সিংহ কিরূপে থাকবে ? তিনি তক্ষশিলায় গমন করেছেন, আমি তাঁর নিকট বিদায় ল'য়ে আসছি।

বিন্দুসার। কুনাল, তুমি জানো, তোমার পিতা কোথায় ? সত্য বল, আমি অঙ্গীকার ক'ছি, তার প্রাণ-বধ করব না।

কুনাল। মহারাজ, পিতা যদি অস্তঃপুরে থাকতেন, কদাচ তাঁর অপরাধে তাঁর মাতা-ভ্রাতা-স্বী-পুত্র রাজ-কোপে পতিত হ'চ্ছেন দেখে উদাসীন থাকতেন না, রাজসম্মুখে নিশ্চয় উপস্থিত হ'তেন।

বিন্দুসার। খুল্লতাত ও দ্রাক্ষপুত্র উভয়েই রাজসম্মুখে নিজ নিজ স্বাধীনচিত্তের পরিচয় দিতে প্রস্তুত দেখছি। যাও, সকলে রক্ষীর সহিত গমন কর। (প্রহরীর প্রতি) সর্দার—

সর্দার-প্রহরী। মহারাজাধিরাজ—

বিন্দুসার। যে পুরে নন্দবংশীয় রমণীগণ আবদ্ধ ছিলেন, তথায় ল'য়ে যাও, সতর্ক প্রহরী যেন কাকেও সে পুরে প্রবেশ করতে না দেয়। দুইজন প্রহরী এ গৃহে অগ্নি প্রদান কর। প্রত্যেক বস্ত্র ভস্মসাৎ করে আমার সংবাদ দেবে।

প্রহরী। রাজসীমাতা, দাস আজ্ঞা-অপেক্ষায় দণ্ডায়মান।

শুভদ্রাক্ষী। চল, বাবা।

[প্রহরিগণ সহ শুভদ্রাক্ষী, পদ্মাবতী, বীতশোক ও কুনালের প্রস্থান।

বিন্দুসার। (অপর প্রহরীরয়ের প্রতি) গৃহে অগ্নি প্রদান কর।

[বিন্দুসারের প্রস্থান।

১ম প্রহরী। আয় রে, পোড়াবার আগে সিন্দুক-পেড়ায় কি পাই দেখি।

[উভয়ের প্রস্থান।

পঞ্চম গর্ভাঙ্ক

(অশোক ও তৎপশ্চাৎ আকালের প্রবেশ)

মায়া-কানন

(মার ও তুষার প্রবেশ)

তুষা। পিতা, মর্শ্ব তব বৃষিবারে নারি,
কি কারণ মায়া-বন ক'রেছ সৃজন ?
কহ তুমি অশোকের অরি,
কি হেতু না সংহার তাহারে ?
পরিবর্তে তার,
সদাগরা ধরা-অধিকার,
অর্পিলে তাহারে, যে জন পরম শত্রু তব ?

মার। না কর বিচার,
আজ্ঞামত কার্যে রও রত।
অরি—বুদ্ধ মম, চাহে—
অহিংসা তাহার ধর্ম করিতে প্রচার।
কিন্তু আমি অশোকে অর্পিলে অধিকার,
নররক্ত-স্রোতে সিক্ত হবে ধরাতল,
বৌদ্ধ ধর্ম বাবে রসাতলে।

তুষা। দয়াবান অশোক দেখেছি পরীক্ষিয়া,
হেন নরহতাকারী সে কেমনে হবে ?

মার। অবস্থায় হবে দয়া ঘোর নির্দয়তা।
পিতৃ-ঘৃণা,
ভ্রাতা—যার বার বার রক্ষিল জীবন—
করিতেছে মরণ-কামনা অশোকের,
নির্বাসিত তাহারি কোশলে।
মাতা-পত্নী-ভ্রাতা-পুত্র কারাগারবাসী,
পিতৃরাজ্যে উপহাস-ভাজন সবার,
ঘৃণ্য লোকে কুষ্ঠরোগগ্রস্ত বলি।
হেন অবস্থা-পীড়নে, এক বুদ্ধ বিনা
কাহার হৃদয়ে আর দয়া পাবে স্থান !
উল্লাস আমার—
বৌদ্ধধর্ম বাবে ছারখার।
মিত্র মম, অরি নহে অশোক কুমার।
এস, হই অস্ত্রধান।
দিব উপদেশ এবে কি কার্য তোমার।

[মার ও তুষার প্রস্থান।

অশোক। কে তুই ?

আকাল। এই পত্র দিতে এসেছি।

• অশোক। কার পত্র ?

আকাল। দেখতে চাও, না, শুনতে চাও ?

অশোক। কি দেখব ?

আকাল। এই পত্র দেখবে।

অশোক। (পত্র গ্রহণপূর্বক পাঠ করিয়া) যাও, মন্ত্রী-
ম'শায়কে আমার নমস্কার জানিয়ে ব'ল', মাতা-ভ্রাতা-পত্নী-
পুত্র বন্দী,—এ অবস্থায় তাঁর বন্ধুগৃহে লুকায়িত থাকবার জন্য
অশোক জন্মগ্রহণ করে নাই। অচিরে তক্ষশিলায় অধিকার
স্থাপন করে মাতা-ভ্রাতা-পত্নী-পুত্রের কারামোচন করবে।

আকাল। তোমার সঙ্গে আমার সাক্ষাৎ পাতাবার ইচ্ছা
হ'চ্ছে।

অশোক। তুই কে ?

আকাল। তোমারই মত রাজরাজেশ্বর, দেখতে
পাচ্ছ না ?

অশোক। তুমি সেই আকাল না ?

আকাল। সে যবে ছিলুম, তবে ছিলুম। এখন রাজার
চাল চেলে ছ'পা হাঁকিয়ে বরাবর এসেছি।

অশোক। তুমি আমার সঙ্গে ব্যঙ্গ কর ?

আকাল। করি।

অশোক। প্রণেয় ভয় কর না ?

আকাল। গোড়া থেকে সেটা তো বড় দেখেন নি।

অশোক। যাও।

আকাল। যাবার বড় ইচ্ছা নাই।

অশোক। তবে থাক।

আকাল। থাকবারও বড় ইচ্ছা নাই।

অশোক। তবে কি ইচ্ছা ?

আকাল। রাস্তায় একলা শুভুম, এখন জুড়িদার পেলুম ;
হৃদয়ে গল্পগাছা করে ঘুমিয়ে প'ড়ব।

অশোক। তুমি আমার সঙ্গে থাকবে ?

আকাল। সখ হ'য়েছে বটে।

অশোক। পারবে ?

আকাল। পারা তো বড় ভারি কাজ দেখছি নে।

হুঁপায়ে চলা, যা কিছু জোগাড় ক'রে খাওয়া, আর বনে-বাদাড়ে এক পাশে প'ড়ে থাকা।

অশোক। আমি দস্তা।

আকাল। আমার কিসে শাস্ত-শিষ্ট দেখলে?

অশোক। আমার সঙ্গে থাকতে চাও কেন?

আকাল। গেরো; আর বাক্যব্যয় কেন? অনেক তো কথা কাটাকাটি হ'ল, এখন চল না, কোথায় যাবে। দুটা খাবার-দাবার ইচ্ছে থাকে তো বল, জোগাড় ক'রে দেখি।

অশোক। যাও, আমার সঙ্গে ত্যাগ কর। তোমার মনোভাব আমি বুঝেছি, তুমি আমার সামান্য উপকার ভোল নাই; তুমি কৃতজ্ঞ, সেই জন্ত তোমার সঙ্গে ব্যঙ্গ-পরিহাস ক'রেছি। যাও, আমার নিকট থেক' না; আমি দানব, আমার দেহে অস্থি নাই, মাংস নাই, রক্ত নাই, কেবল আপাদমস্তক নিষ্ঠুরতাপূর্ণ। তুমি রাজপুর থেকে আসছ, তুমি কি শোনো নাই, আমি সংসার-পরিত্যক্ত—সংসারকে প্রতিশোধ দেব, এই নিমিত্ত জীবিত?

আকাল। আমিও সংসারে এতদিন কার-কারবার ক'রলুম, আমারও তো সংসারে দেনা-পাওনা আছে; যদি শোধবোধ ক'রতে হয়, তোমার মতন একজন মহাজন খাড়া না ক'রে কি ক'রে কার-কারবার চালাব?

অশোক। পারবে?

আকাল। পরখ ক'রে দেখ।

অশোক। (সহসা উর্দ্ধে দৃষ্টিপাত করিয়া) দেখ' দেখ' কি আশ্চর্য! এ কি আমার চক্ষের ভ্রম! কি দেখছি, মেঘের উপর ষোটকারোহণ ক'রে কে আসছে! এ অরণ্য কি কোন উপদেবতার আবাস-স্থান? (আকালের প্রতি) তুমি স'রে যাও, তুমি এ স্থানে থাকলে, তোমার কোন অমঙ্গল হ'তে পারে।

আকাল। আমারও আপনার মত চারদিকে মঙ্গল ছড়াছড়ি! একটু অমঙ্গলের তার পেলে মুখ বদল হবে।

(আকাশ হইতে অধারোহণ মারের ভূমিতলে অবতরণ)

মার। তুমি না সংসারকে প্রতিশোধ দেবে, মনে ক'চ্ছ?

অশোক। যদি করি?

মার। আমার সাহায্য ব্যতীত পারবে না।

অশোক। আমি কারও সাহায্য-প্রার্থী নই।

মার। আমার অধীনতা স্বীকার কর, নচেৎ এখ প্রাণ হারাবে।

অশোক। অধীনতা স্বীকার অপেক্ষা প্রাণত্যাগ কষ্ট হবে না।

মার। আমি তোমায় সমস্ত পৃথিবীর অধীশ্বর ক'রব।

অশোক। সে আধিপত্য আমার ইচ্ছা বটে, যি তুমি যে সে আধিপত্য দিতে শক্তিমান, এরূপ আমার ধা: জন্মে নাই। মাত্র তুমি কুহকী, এই পরিচয় পেয়েছি।

মার। কর কি কুহকী জানে উপেক্ষা আমায়?

জান কি, কে আমি ভূমণ্ডলে?

পূর্ণ আধিপত্য মম পঞ্চভূত 'পরে;

আজ্ঞায় আমার—

অট্টালিকা আকাশ সৃষ্টিবে,

মলয় মারুত ঘোর ঝটিকা বহিবে,

অগ্নিরাশি প্রজ্জ্বলিত হইবে তুবারে;

উথলিবে সাগর-সলিল—

করিবারে ধরা আচ্ছাদন;

বেরিবে রজনী, কাঁপিবে ধরণী,

এখনি ইঙ্গিতে মম।

তোমা প্রতি হ'য়েছি সদয়,

তাই দানিতে আশ্রয়

আগমন হেথা মম।

ইচ্ছা তব তক্ষশিলা করিতে দমন,

কিন্তু, একাকী কিরূপে কার্য্য করিবে সাধন;

হেব,

সুজি এ কাননে সৈন্ত সাহায্যে তোমার;

যত বৃক্ষ লক্ষ্য হয় তব,

অস্ত্রধারী মানব হইবে।

ধর আজ্ঞা অরণ্য আমার—

(বৃক্ষশ্রেণীর সৈন্তরূপে পরিণত হওন)

অশোক। শক্তিশালী তুমি করি অবশ্য স্বীকার,

কিন্তু আমি পিতার আজ্ঞায়

আসিয়াছি একাকী দমিতে তক্ষশিলা।

ভাগ্য মাত্র সহায় আমার,

পরীক্ষিব ভাগ্যে আছে কিবা;

না ল'ব সাহায্য কারো অধীনতা করি ।
কষ্ট হও, তুই হও, তাহা নাহি গণি,
জীবনে প্রতিজ্ঞা মম হবে না লঙ্ঘন ।

(দৃশ্য পরিবর্তন)

মায়াকাননের পরিবর্তে প্রাস্তর

আশোক । কি আশ্চর্য্য,
বন পরিবর্তে হেরি বিস্তৃত প্রাস্তর !
ভোজবিজ্ঞা-বিশারদ হবে কোন জন ।
কিন্তু কিবা প্রয়োজনে
এসেছিল মম সন্নিধানে ?
সমাগরা ধরাপতি আমি,
হেন বা বুঝিল বিজ্ঞাবলে ।
যে হয় সে হয়,
হইব ধরণীপতি নাহিক সংশয় ।
বেগবান নদে কেবা রোধে,
কে পারে উত্তমশীল পুরুষের গতি !
তক্ষশিলা নিশ্চয় করিব অধিকার ।

[অশোকের গ্রন্থান ।

আকাল । চল, আমিও পেছ নিলুম !

[আকালের গ্রন্থান ।

শত গুণে দস্ত বৃদ্ধি হইল তাহার :
মানব বা দৈবশক্তি কিছু না মানিবে,
হবে নিজ ইচ্ছায় চালিত,
জান না কি স্বেচ্ছাচারী ক্রীতদাস মম ?
তক্ষশিলা-অধিপত্য করিয়া গ্রহণ,
না মানিবে পিতার শাসন,
সাম্রাজ্যে হইবে যোর বিগ্রহ উদয় ।
এবে কার্য্য তব
কলঙ্কিত করিতে অশোকে ।
উজ্জয়িনীবাসী কোন ধনাঢ্য বণিক—
একমাত্র কল্যাণ তার পরমা রূপসী ;
উচ্চ আশ বণিক-হৃদয়ে,
চাহে কোন উচ্চ বংশে অর্পিতে নন্দিনী ।
অশোকের সনে যদি পার মিলাইতে,
পরিণয় হয় যদি অশোকের সনে,
রাজকুল কলঙ্কিত হবে,
ঘৃণিত হইবে তায় ক্ষত্রিয় সমাজে ।
হৃদ্যন্ত অশোক কভু ঘৃণা নাহি সবে,
ক্ষত্ররাজগণ সনে বিবাদ বাধিবে
ক্ষত্রবংশ ক্ষয় হবে তায় ।
পার যদি কোন মতে এ কার্য্য সাধিতে,
মহা তুষ্ট হব তব প্রতি ।

[উভয়ের গ্রন্থান ।

ষষ্ঠ গর্ভাঙ্ক

নগর-প্রাস্ত

(মার ও তুষার প্রবেশ)

তুষা । পিতা, কার্য্য তব বুঝিবারে নারি ।
অধীনতা অস্বীকার করিল অশোক,
তবু হেরি
আনন্দ-উৎফুল্ল তব বদনমণ্ডল !
মার । রাজ্যলিপ্সা মনে জাগে যার,
মুখে অধীনতা মম করি অস্বীকার
নিস্তার কি পায় সেই জন ?
অধীনতা অস্বীকার করিয়ে আমার

সপ্তম গর্ভাঙ্ক

তক্ষশিলা—মন্ত্রণা-কক্ষ

সভাপতি, সেনাপতি, ধর্ম্মযাজক ও সদন্তগণ ।

সভাপতি । এখন কি উপায় ? আমি নিশ্চয় সংবাদ
পেলেম, আমাদের শাসনের নিমিত্ত পাটলিপুত্র হ'তে রাজপুত্র
প্রেরিত হ'য়েছে । পাটলিপুত্রের অসংখ্য সেনা কিরূপে
নিবারণ করব ?

সেনাপতি । কেন চিন্তিত হ'ছেন ? এ বন্ধুর প্রদেশে
পাটলিপুত্রের সেনার যুদ্ধ অসম্ভব । বীরপ্রসবিনী তক্ষশিলার
জনে জনে সহস্র যোদ্ধার সমুদ্বীণ হ'তে সক্ষম । চিন্তা দূর

করুন, অস্ত্র সহকারী সেনাপতি সৈন্ত পরিচালনা ক'রে সেনার মনোভাব অবগত হবেন। যতদূর আমার ধারণা, প্রত্যেক সেনা মরণ সঙ্কল্প ক'রে যুদ্ধে প্রবেশ ক'রবে। স্নেহ বিন্দুনার রাজার সুখ-লালিত সেনাগণ কদাচ আমাদের সমকক্ষ হবেন।

১ম কর্মচারী। তবে কি আপনার যুদ্ধ পণ?

ধর্মযাজক। অবশ্য, তোমরা বীরপুত্র—বীর; রণ তোমাদের জাতিধর্ম; রাজ্যশাসনে অশক্ত স্নেহ সম্রাটের অধীনতা স্বীকারে কেন কলঙ্ক গ্রহণ ক'রবে? যে পর্য্যন্ত তক্ষশিলার উপযুক্ত রাজা নির্ণীত না হয়, আত্মন, আমরা সিংহাসনে রাজস্বকূট স্থাপন ক'রে রাজকার্য্য নিরীহ করি।

সভাপতি। সেইরূপই হোক।

(একজন দূতের প্রবেশ)

দূত। সভাপতি মহাশয়, নিবেদন—এক দেবমূর্তি বীর-পুরুষ সভায় আগমন ক'চ্ছেন।

সভাপতি। তিনি যিনিই হোন, বিনা অনুমতিতে রক্ষীরা কেন তাঁরে নগরে প্রবেশ ক'রতে দিয়েছে?

দূত। তাঁরে নিবারণ ক'রতে কেউ সাহস করে নাই। দুর্গ-সমীপে যখন সেই বীরপুরুষ উপস্থিত, সহকারী সেনাপতি সৈন্ত-পরিচালনা ক'চ্ছিলেন; দৃঢ় অস্ত্রে সজ্জিত সেনাগণ স্পন্দনহীন হ'য়ে তাঁরে পথ প্রদান ক'রেছেন।

সভাপতি। কে সে?

(অশোকের প্রবেশ)

অশোক। তোমাদের রাজা—শাসনকর্ত্তা। রাজ্যে স্থানিয়ম স্থাপনের নিমিত্ত আমি আগত। প্রজারা যা'তে পুত্রের ছায় পালিত হয়, উচ্চ-নীচ প্রজার প্রতি বাতে সমভাবে ছায়-দৃষ্টি স্থাপিত হয়, রাজ্য যা'তে ধনধাত্তে পূর্ণ হয়, বাতে দীনতা রাজ্যে না থাকে, সেই রাজকার্য্য সাধনের জন্ত আমি উপস্থিত। অবনত মস্তকে আমার শাসনাধীন হও। যদি কেহ বিরূপ থাক, নিজ ইষ্টদেবকে স্মরণ কর, রাজদণ্ডে যমপুরে প্রেরিত হবে।

সভাপতি। আপনি একা আমাদের শাসন ক'রবেন?

অশোক। আমি একা—আমি একাই শত সহস্র।

অস্বাচীন সভাপতি। সমাগরা ধরণীর অধিপতি তোমার সম্মুখে—এ ভোমার উপলব্ধি হচ্ছে না? শীঘ্র আসন

পরিভ্যাগ ক'রে রাজসম্মানের নিমিত্ত দণ্ডায়মান হও। রাজপুত্র অশোক সমাগরা ধরণী শাসন ক'রবার জন্ত জন্মগ্রহণ ক'রেছে।

ধর্মযাজক। সত্য—সত্য—সত্য! কুমার অশোক আমাদের রাজা। যে দুর্দান্তপ্রতাপ নির্ভীকহৃদয় বীরপুরুষ একাকী তক্ষশিলায় প্রবেশ ক'রে তক্ষশিলার শাসন-সভায় রাজ-সিংহাসনে উপবেশনের নিমিত্ত উপস্থিত, যে রাজলক্ষ্মীর বরপুত্র, রাজলক্ষ্মীর উত্তেজনার অমিত শৌর্য্য বীর্য্যের পরিচয় প্রদান ক'রেছেন—আমি তক্ষশিলার পুরোহিত—আমি সেই রাজাধিরাজকে তক্ষশিলার অধিপতিরূপে বরণ ক'রলেম।

(পট পরিবর্তন)

রাজসভা।

মহারাজ, এই রাজস্বকূট ধারণ ক'রে সিংহাসনে উপবেশন করুন।

-(অশোকের সিংহাসনে উপবেশন)

ধর্মযাজক। সভাপতির জন্ত অস্ত্র আমি পুষ্পহার এনেছিলাম, মহারাজের গলদেশে প্রদানপূর্ব্বক আশীর্বাদ করি। (রাজ-কণ্ঠে ফুলহার পরাইয়া দিয়া) জয় মহারাজাধিরাজ কুমার অশোকের জয়!

সকলে। জয় মহারাজারাজ কুমার অশোকের জয়! জয় তক্ষশিলার অধীশ্বর কুমার অশোকের জয়! জয় রাজলক্ষ্মীর বরপুত্র কুমার অশোকের জয়!

অশোক।

শুন শুন তক্ষশিলা-মুখপাত্রগণ,
পুত্রের স্থানীয় আজি তোমরা সকলে।
যোগ্যপুত্র রহে যথা পিতৃকার্য্যে রত,
রাজ্যের মঙ্গল হোক হৃদয়ের ব্রত,
জনে জনে পরিচয় প্রদান' সংসারে—
রাজকার্য্যে স্থনিপুণ কিরূপ সকলে।

সভাপতি!—

সভাপতি। মহারাজ!

অশোক। আজি হ'তে মন্ত্রী পদ তব।

সেনাপতি!—

সেনাপতি। মহারাজ!

অশোক। সৈন্তভার তোমায় অর্পিত,

যেবা সেই কার্যে যোগ্য, মন্ত্রীমহাশয়,
সেই কার্যে তাহারে করুন নির্বাচিত।

সকলে। জয় তক্ষশিলা-অধীশ্বরের জয়!

অশোক। মন্ত্রীবর, তক্ষশিলার রাজসিংহাসন যে একরূপ
অমূল্য রত্নাদিখচিত ও রাজমুকুট যে একরূপ রাজত্ববৃন্দের
ঈর্ষ্যা-উৎপাদনকারী, আমি পূর্বে অবগত ছিলাম না।

সভাপতি (মন্ত্রী)। মহারাজ, এই আমাদের ক্ষোভের
কারণ ছিল, পাটলিপুত্র আমাদের অবস্থা অবগত নয়।
আমাদের রাজকোষ অর্থশূণ্য। তক্ষশিলার চতুষ্পাঠী বোধ
হয় পাটলিপুত্র ব্যতীত সকল স্থানে বিখ্যাত। মহারাজাধিরাজ
চন্দ্রগুপ্তের সৈন্তভুক্ত হয়ে আমরা যে সাম্রাজ্য-বিস্তারে
সাহায্য করেছি, ইহা পাটলিপুত্র যে বিস্মৃত হয়েছেন,
ইহাই আমাদের ক্ষোভের কারণ ছিল। আজ রাজকুলভিতলক
মহারাজ অশোক আমাদের সেই ক্ষোভ নিবারণ করেছেন।

(সহচরীগণ সহ দেবীর প্রবেশ)

অশোক। মন্ত্রীবর, কে এ সুন্দরী? দরবারে কি
আবেদন জিজ্ঞাসা করুন।

সভাপতি। মহারাজ, এঁরা আমার পরিচিতি নন, বোধ-
হয় উজ্জয়িনীবাসী।

অশোক। উজ্জয়িনীবাসী! হেথায় কি নিমিত্ত?

দেবী। মহারাজ, অনুমতি হয়, দাসী রাজপদে তাঁর
প্রার্থনা জ্ঞাপন করে।

অশোক। সুন্দরি, তোমার আবেদন শ্রবণে আমি
প্রস্তুত, সিংহাসনের নিকট অগ্রসর হও।

দেবী। মহারাজ, দাসী উজ্জয়িনী-নিবাসিনী, বহুযত্নে
রত্নহার প্রস্তুত করেছে; মহারাজ অশোকের উপযুক্ত কি না,
জানবার নিমিত্ত সভায় দণ্ডায়মান।

অশোক। শ্রদ্ধার উপহার আমাদের সর্বদাই আদরের।

দেবী। তবে দাসীর আবেদন পূর্ণ হোক। রাজকর্ত্তে
এ রত্নহার কিরূপ শোভা প্রাপ্ত হয়, দর্শন করে দাসী চরিতার্থ
হবে, রাজপদে দাসীর এই নিবেদন।

অশোক। ভাল, সুন্দরি, তোমার সম্মুখেই আমি এই
মালা ধারণ করব।

দেবী। তবে ধৃষ্টতা মার্জনা করে মালা গ্রহণ করুন।

(রাজকর্ত্তে রত্নহার প্রদান)

ধর্মযাজক। জয় রাজদম্পতীর জয়! তক্ষশিলাবাসি,
জয়ধ্বনি কর,—মহারাজের উপযুক্ত মহারাণী আমরা প্রাপ্ত
হ'লেম।

সকলে। জয় রাজদম্পতীর জয়!

দেবী। হে তক্ষশিলাবাসি, আমি আমার ইষ্টদেবের
গলদেশে মালা প্রদান করেছি। আজ নতুন নয়, বহুদিন
আমি আমার হৃদয়েশ্বরকে বরণ করেছি, কিন্তু আমার স্থান
রাজ-ঐচরণে, সিংহাসনে নয়। দাসী—হীন-কুলোদ্ভবা
বণিক-কুমারী, মহারাজের গুণগ্রাম শ্রবণে মুগ্ধা। মহারাজ
আমার প্রাণেশ্বর, কিন্তু আমি সেবিকা—দাসী মাত্র।

সভাপতি। জননি—রাজরাজেশ্বর, আপনিই এই
গুণগ্রাম-ভূষিত মহারাজের বামে বসবার উপযুক্ত।

ধর্মযাজক। মন্ত্রীমহাশয় স্বরূপ আজ্ঞা করেছেন।

অশোক। একি! আমার পত্নী আছেন। আমি
রাজ-আজ্ঞায় তক্ষশিলায় আগত। তোমরা এ কিরূপ
ব'লছ?

ধর্মযাজক। এ সাধবী যখন রাজকর্ত্তে মালা-প্রদানে
সাহস করেছেন, যে নর-শাদ্দুলের নিকট তক্ষশিলাবাসী
নতশির, সে মহারাজের রাণীর যোগ্য যদি তিনি না হন,
তবে ত্রিভুবনে মহারাজের যোগ্য নারীরত্ন নাই। মালা-
প্রদানে তক্ষশিলার নিয়মানুসারে ইনি রাজপত্নী। মহারাজ,
ব্রাহ্মণের আদীর্ঘ্য গ্রহণ করুন! ব্রাহ্মণ আপনাকে দান
ক'চ্ছেন, ব্রাহ্মণের দান উপেক্ষা করবেন না।

(সকলের জাহ্নু পাতিয়া উপবেশন)

সভাপতি। (জাহ্নু পাতিয়া করজোড়ে) দামগণেরও
এই প্রার্থনা, রাজ্যীকে সিংহাসনে স্থান দেন।

অশোক। আমি প্রজাগণের বাধ্য। এস, প্রিয়ে,
সিংহাসনে উপবেশন কর।

দেবী। মহারাজ! আমি দাসী—সিংহাসন আমার
স্থান নয়, আমার স্থান চরণতলে। আমি উচ্চভিলাষিনী
নই, প্রাণেশ্বরের সেবা-প্রয়াসী। সাধুর আজ্ঞায় যখন পিতার
সহিত দেশভ্রমণে বহির্গত হই, মহারাজ তক্ষশিলায় গমন
ক'চ্ছেন, কোন এক পরিত্রাজিকার নিকট সংবাদ পেয়ে,
মহারাজকে দর্শন করতে পথিমধ্যে অবস্থান করি। তেজঃপুঞ্জ
বীরমূর্ত্তি দর্শনমাত্রে আত্মসমর্পণ করেছি—পদ্মসেবার কামনায়
—সিংহাসন-প্রত্যাশায় নয়।

অশোক। তুমি আমার সিংহাসনের অনুপমূক্কা নও।
যদি তুমি সিংহাসনে উপবেশন ক'রতে অসম্মত হও, আমি
সিংহাসন হ'তে অবতরণ ক'রে তোমার পার্শ্বে দণ্ডায়মান
হ'ছি। তোমার রত্নহার বিনিময়ের উপযুক্ত রত্ন আমার
নাই। তবে কুমুমরত্ন—দেবপ্রিয়, এই কুমুমরত্নে গ্রথিত
রাজগলদেশের মালা তোমায় অর্পণ ক'রলেম।

সকলে। জয় রাজদম্পতীর জয়!

(সহচরীগণের গীত)

চাঁদ-ধরা ক'দিন পেতেছিল, যতনে মালা গাঁধে।
ধ'রতে গিয়ে পড়লো ধরা, চাঁদ ধ'রেছে বুক পেতে।
কিনেছে বিকিয়ে দিয়ে, ধ'রেছে ধরা দিয়ে,
এ সাধের খেলা দিয়ে-নিরে, নর শুধু নিরে;
দিয়েছে তাই পেয়েছে, কোমল-কঠিন এক হয়েছে,
হুই ধরা এক স্রোতে চলে, ডুবছে প্রাণ তায় মেতে।

দ্বিতীয় অঙ্ক

প্রথম গর্ভাঙ্ক

পাটলিপুত্র—রাজসভা

কহ্লাটক ও রাধাগুপ্ত।

কহ্লাটক। সেই দিনই রাজবৈদ্য ব'লেছিলেন, যদিচ
পক্ষাঘাতে এবার নিস্তার পেলেন, অচিরে জীবনলীলা
সম্বরণ ক'রতে হবে-নিশ্চয়।

রাধাগুপ্ত। কিন্তু আজ কয়দিন মহারাজকে কিঞ্চিৎ
সুস্থ বোধ হ'চ্ছে, না? চ'লে-ফিরে বেড়াচ্ছেন?

কহ্লাটক। বৈজ্ঞ বলেন, এ বায়ু-প্রভাবে, নিক্কোপোমুখ
দীপের ত্রায়। বহুদিন আর এ অবস্থায় অতিবাহিত হবে না।

রাধাগুপ্ত। এখন কি কর্তব্য বিবেচনা ক'চ্ছেন?
কুমার অশোক তো আজও উপস্থিত হ'লেন না। যুবরাজ
সুসীমও তক্ষশিলা পরিত্যাগ ক'রেছেন, সংবাদ পেলেম।
তিনি উপস্থিত হ'লে মহারাজ তাঁরেই সিংহাসন অর্পণ
ক'রবেন, সেই জন্তই ভারতের সমস্ত করপ্রদ রাজন্তবর্গকে
নিমন্ত্রণ ক'রেছেন। তাঁর অভিপ্রায়, নৃপতিরূপের সমুখে
যুবরাজকে সিংহাসন প্রদান করেন।

কহ্লাটক। আমি এই আশঙ্কায় কৌশলে যুবরাজকে
তক্ষশিলায় প্রেরণ ক'রেছিলাম।

রাধাগুপ্ত। আপনার অদ্ভুত কৌশল।

কহ্লাটক। এতে আমার প্রশংসা নাই। তক্ষশিলায়
গোলাপকুঞ্জ-বর্নন শ্রবণে সেই বারবিলাসিনী মুগ্ধা হ'য়ে
যুবরাজকে তক্ষশিলায় তারিগ্রহণে উত্তেজিত করে। সেই
বারবিলাসিনীর সন্তোষের জন্ত মহারাজের শত অমুরোধ
উপেক্ষা ক'রে, তিনি তক্ষশিলায় অধিকার কুমার অশোকের
নিকট হ'তে গ্রহণ ক'রেছেন এবং কুমার অশোকও সেই
কারণে উজ্জয়িনীতে প্রেরিত হয়েছেন। কিন্তু আমাদের
পত্র প্রাপ্ত হয়েছেন—সংবাদ দিয়েছেন; এবং পরদিনই
উজ্জয়িনী পরিত্যাগ ক'রবেন প্রকাশ ক'রেছেন। কিন্তু
আজও কি নিমিত্ত উপস্থিত হ'চ্ছেন না, ব'লতে পারছি না।
পথে কি কোন বাধা প্রাপ্ত হ'য়েছেন? এই যে কুমার!

(অশোকের প্রবেশ)

কুমার, শুভন,—আপনাকে বিশ্রামের সময় দিতেও
আমরা অসম্মত। শুন'ছি, যুবরাজ সুসীম আগতপ্রায়।

অশোক। পিতা কেমন আছেন?

কহ্লাটক। তাঁর অবস্থা শোচনীয়। রাজমুকুট সিংহা-
সনে স্থাপন পূর্বক রাজকার্য্য আমরাই নির্বাহ ক'ছি।
যদি যুবরাজ সুসীম নিক্কুতিবাসন: বেঞ্জার অমুরোধে,
আপনার ঐর্ষ্যে জঁর্ঘাবিত হ'য়ে তক্ষশিলায় না গমন
ক'রতেন, এতদিন রাজ্য-শাসনের ভার তাঁর উপরেই অর্পিত
হ'ত। মহারাজ আপনার নিকট প্রতিশ্রুত আছেন যে,
তক্ষশিলায় জয় ক'রলে সিংহাসন আপনাকে অর্পণ ক'রবেন।
আপনি মহারাজের নিকট সেই প্রার্থনা করেন—আমাদের
আবেদন। যুবরাজ সুসীম অধিকার প্রাপ্ত হ'লে অচিরে
এই বিপুল সাম্রাজ্য হারবারে যাবে।

অশোক। মন্ত্রীবর, আমি পুত্র,—মহারাজের আজ্ঞা
পালন করা আমার কর্তব্য। সেই কর্তব্য-পালনে রাজ-
ইচ্ছায় তক্ষশিলায় সিংহাসন যুবরাজকে অর্পণ ক'রে উজ্জ-
য়িনীতে আমি গমন ক'রেছিলাম, কেবল আপনাদের
অমুরোধে নয়। মহারাজ আমার সিংহাসন দেবেন—
প্রতিশ্রুত ছিলেন সত্য; কিন্তু তাঁর অনিচ্ছায় সিংহাসন গ্রহণ
ক'রতে আমি অসম্মত।

কল্লাটিক। আপনি যদি একরূপ দৃঢ়প্রতিজ্ঞ হন, আমাদের আর উপায়ান্তর নাই। আপনাকে সিংহাসনে বসিত ক'রে আপনার পিতা সত্যব্রট হবেন; আপনার মাতা, ভ্রাতা প্রভৃতি সকলে একরূপ চির কারাবদ্ধ থাকবেন; আমরা রাজকার্য্যে বুদ্ধাবস্থায় উপস্থিত, আমাদের জীবন-সংহার হবে; ব্যভিচার রাজপুরে বিরাজ ক'রবে, বেষ্ঠার পদার্পণে চক্রগুপ্তের সিংহাসন কলুষিত হবে। অধর্ম্মের প্রভাবে ধর্ম্ম পুণ্যভূমি পরিত্যাগ ক'রবেন; অপহরণ, সতীত্ব-নাশ, নিরীহ ব্যক্তির প্রাণ-সংহার—রাজপ্রিয় ব্যভিচারী কর্ম্মচারীর নিত্য-নৈমিত্তিক কার্য্য হবে। এ সকলে যদি আপনি উদাসীন হন, তা'হলে জান্ব যে পুণ্যভূমি দেব-কোপে অভিশাপগ্রস্ত! ভারত-সিংহাসনে একচ্ছত্র রাজা উপবেশন ক'রবেন—সেই একচ্ছত্র রাজ্যেশ্বর কুমার অশোক—এ সাধু প্রচারিত প্রবাদ মিথ্যা। সমস্ত মিথ্যা—চক্র-স্বর্ঘ্য-তারকামালার দীপ্তি মিথ্যা, শ্রামা মেদিনীর শোভা মিথ্যা, দিব্যারাত্রি মিথ্যা। অধর্ম্মের অধিকারী একমাত্র সত্য!

অশোক। যদি সত্যই একরূপ অবস্থা হয়, আপনি রাজনীতি-বিশারদ জগৎপুঞ্জ চাণক্যের শিষ্য, চলুন, আমরা রাজার নিকট তক্ষশিলার অধিকার ল'য়ে স্বজনে তথায় বাস করি। রাজার বৈরূপ ইচ্ছা, রাজ্যভার তাঁরেই অর্পণ করুন।

কল্লাটিক। চক্রগুপ্তের রাজ্য ছাড়বার হবে, আর আপনি উদাসীন থাকবেন?

অশোক। মন্ত্রীবর, কঠিন সমস্যা! কিন্তু আমি নিরুপায়, আমি মাতার নিকট পিতৃ-আজ্ঞা-পালনে প্রতিশ্রুত।

নেপথ্যে বিন্দুসার। না না—আমি একবার স্থলীম এলো কিনা দেখে। সে এসেছে—সে এসেছে—আমি তার কণ্ঠস্বর শুনতে পেয়েছি।

(দেহরক্ষকগণের সাহায্যে বিন্দুসারের প্রবেশ)

অশোক। পিতা, আশীর্বাদ করুন।

বিন্দুসার। কে তুই? দূর হ, আজও তোর মৃত্যু হ'ল না! তুই অস্পৃশ্য, তোর মাতা অস্পৃশ্য, তোর ছায়া অস্পৃশ্য, দূর হ'—দূর হ'—

অশোক। পিতা, যদিচ আমি আপনার বিরক্তিজান, সন্তানের একমাত্র প্রার্থনা গ্রাহ্য করুন। উজ্জয়িনী বা

তক্ষশিলার চির অধিকার আমার উপর অর্পণ করুন। আমি তথায় আমার মাতা, পত্নী, ভ্রাতা, পুত্র ও আত্মীয়-স্বজন ল'য়ে বাস করি, আর আপনার সম্মুখীন হ'য়ে বিরক্তিজান হব'না।

বিন্দুসার। তোরে তক্ষশিলার অধিকার দেব! এ সাম্রাজ্যের একখণ্ড ভূমি তোরে দেব না। আত্মীয়-স্বজন নিয়ে তক্ষশিলায় বাস ক'রবে? তোমার আত্মীয়-স্বজন কারাগারে, তাদের অস্বিদগ্ধ ক'রে বধ ক'রতে আজ্ঞা দেব।

অশোক। আমার স্বজন মহারাজেরও স্বজন, তাঁদের প্রতি কঠোর আজ্ঞায় রাজ্যে কলঙ্ক ঘোষণা হবে।

বিন্দুসার। রাজ্য ছাড়েথারে যাক, সিংহাসন ভস্ম হোক, সমুদ্র পৃথিবী গ্রাস করুক, দিক্ দাহ হোক! দূর হ'—দূর হ'—

অশোক। পিতা, যদি ধর্ম্ম থাকে, যদি জ্যোতিষ-বাক্য সত্য হয়, যদি আমার নির্মূল অন্তরের উত্তেজনা না বিফল হয়, আপনি সীমান্ত রাজ্যের অধিকার দিতে অসম্মত হ'চ্ছেন, আমি এই পাটলিপুত্রের অধীশ্বর হব নিশ্চয়।

বিন্দুসার। অধীশ্বর হবে? অধীশ্বর হবে? দূর হ'! তুই আবার নগরে প্রবেশ করেছিস? তোর যে প্রাণবধের আজ্ঞা দিই নাই, এই তোর প্রতি যথেষ্ট ক্ষমা! কুষ্ঠরোগী, নাপ্তিনী-পুত্র, দূর হ'—দূর হ'—

[দেহরক্ষকগণ সহ বিন্দুসারের প্রস্থান।

অশোক। কোথা ধর্ম্ম! নামে মাত্র আছি কি জগতে?

ভাগ্যহীন বহুজনে ধরে এ ধরনী;

কিন্তু অতি দীন জন

পিতৃ-স্নেহে বসিত নহেক কদাচন।

আত্মহত্যা উপায় কি মম?

বিজোহী হৃদয়,

এত অপমানে ধৈর্য্য না ধরিতে পারে।

মাতৃস্নেহ মাতৃবাক্য বন্ধন কেবল,

নহে প্রজ্জ্বলিত কোপানলে

ভস্মসাৎ করিতাম এ পাপ সংসার।

যেন এ পাপ ধরায়,

পিতা-পুত্র পুনরায় সম্বন্ধ না হয়!

আজীবন পশু বা মানবে

সমুভাবে করিয়াছি দয়া বিতরণ,

কিন্তু এবে রাধি যদি এ ঘৃণ্য জীবন,
স্তুভিত্ত করিব ধরা নিষ্ঠুর আচারে।

দেখিব দেগিব,

প্রবল শোণিত-স্রোতে তিতি' বহুমতী

হয় বা না হয় তার আচারবর্তন!

কহ্লাটিক। কুমার, আর কি নিমিত্ত ইতস্ততঃ ক'চ্ছেন?

শাস্ত্রের বচন—“বীরভোগ্যা বহুকরা”।

অশোক। সত্য।

(বেগে বিন্দুসারের দেহরক্ষকের প্রবেশ)

দেহরক্ষক। রাজকুমার, অবধান, মহারাজ মানবলীলা
সংবরণ ক'রেছেন।

কহ্লাটিক। সে কি?

দেহরক্ষক। মহারাজ হেথা হ'তে নিজ গৃহে প্রত্যাবর্তন
ক'রে “সুসীম, সুসীম” বলে চীৎকার ক'রলেন। অকস্মাৎ
শোণিত বমন হ'য়ে প্রাণবায়ু নির্গত হ'ল।

অশোক। এও আমার কঠোর শিক্ষার অন্তর্গত।
আমিই এক প্রকার পিতার মৃত্যুর হেতু। আমি ভাগ্যবান
বা অভাগা জানি না, কিন্তু রাজ্য-গ্রহণ আমার নিশ্চয় সঙ্গল।

কহ্লাটিক। মহারাজ, সিংহাসন গ্রহণ করুন, রাজ-
সিংহাসন কখন' রাজশূন্য থাকে না।

[অশোকের সিংহাসন স্পর্শ করণ।

কহ্লাটিক ও রাধাশুপ্ত। (অশোকের মস্তকে রাজ-
মুকুট পরাইয়া দিয়া) জয় মহারাজ অশোকের জয়!

রাধাশুপ্ত। কিন্তু বহুকাধ্য সম্মুখে; অনেক রাজ-অমাত্য
এবং সেনাপতি প্রভৃতি অনেক অনাচারী কর্ম্মাধ্যক্ষ কুমার
সুসীমের পক্ষ। তাঁরা সকলেই কুমার সুসীমকে রাজা
ক'রবার জন্ত উজ্জোগী হবেন, তাদের উদ্দেশ্য সিদ্ধ না হয়,
এজন্ত আমাদের বিশেষ যত্ন আবশ্যক।

অশোক। যুবরাজের পক্ষে সেনাপতি ব্যতীত আর কে?

কহ্লাটিক। মহারাজ, আর যুবরাজ ব'লবেন না!
তিনি তক্ষশিলা যাত্রার নিমিত্ত ব্যগ্র হ'য়ে যৌবরাজ্যে অভি-
ষিক্ত হওয়া উপেক্ষা করেছিলেন। এখন যুবরাজ নির্দেশ
ক'রবার ভার মহারাজের।

(কয়েকজন রাজ-পারিষদের প্রবেশ)

১ম পারিষদ। মন্ত্রীমহাশয়, সংবাদ কি সত্য?

২য় পারিষদ। এ কি! সিংহাসনে কুমার অশোক কি
নিমিত্ত?

রাধাশুপ্ত। আপনারা তো জানেন, সিংহাসন রাজশূন্য
থাকে না।

১ম পারিষদ। সিংহাসন যুবরাজ সুসীমের।

কহ্লাটিক। তিনি যৌবরাজ্যে অভিষিক্ত হন নাই।
তিনি যৌবরাজ্য উপেক্ষা ক'রে বারবিলাসিনীর প্ররোচনায়
তক্ষশিলায় গমন ক'রেছিলেন। স্বর্গগত মহারাজ তাঁর
সম্মান-স্বরূপ যুবরাজ ব'লতেন, প্রকৃতপক্ষে তিনি যুবরাজ নন।

১ম পারিষদ। অজ্ঞায় ব'লছেন, উনি মহারাজের
পরিত্যক্ত পুত্র।

অশোক। না, আমি তক্ষশিলাজয়ী—পিতৃসভ্যে
আমারই সিংহাসন।

২য় পারিষদ। আমরা তা স্বীকার করি না।

অশোক। অস্বীকারের ফল মৃত্যু।

পারিষদগণ। না, রাজদ্রোহীর মৃত্যু! (অসি নিষ্কাশন)

(সৈন্তগণসহ আকালের প্রবেশ)

আকাল। আরে সভাসদ ম'শায়েরা, তাও কি হয়!
আমরা যে সব এদিক ওদিক ছিলাম! মহারাজের
তলোয়ারখানা অনেক কাটাকাটি ক'রে হয় তো ভোঁতা
হ'য়ে গিয়েছে।

অশোক। সত্য! আমার অসি বীরের নিমিত্ত, এ
সকল কাপুরুষ-বধের নিমিত্ত নয়। এদের কারাগারে ল'য়ে
যাও। (মন্ত্রীদ্বয়ের প্রতি) মহাশয়, স্বরূপ বলেছেন—
অনেক কাধ্য, বিরামের অবসর নাই, আত্মন।

[সকলের প্রস্থান]

দ্বিতীয় পর্ভাঙ্ক

প্রান্তর-মধ্যস্থ শিবির-অভ্যন্তর

সুসীম, চিত্তহরা ও নর্তকীগণ।

(নর্তকীগণের গীত)

ব'স আদরে বাসে, বহে মধু বাসিনী।

ধর আদরে করে, পাশে ব'সে কামিনী।

প্রেমিক-প্রাণে কত পিরাস জাগে,
চোখে চোখে কথা প্রাণে সোহাগ মাগে—
ধরা ফুলমালিনী, নিশা শশিশালিনী ।
হৃথের নিশি, খেল মদন-রতি,
হৃথের নিশি, খেল' যুব-যুবতী,
হৃথের রতি, খেল' প্রমোদে রতি—
প্রমোদে কলিকা খেলে বৃহহাসিনী ।

চিন্তহরা। নে নে, তোদের আর গাইতে হবে না,
চলে যা ।

[নর্তকীগণের প্রস্থান ।

সুসীম। কেন, শোন না, কি ক'রবে ?
চিন্তহরা। যাও যুবরাজ ! তক্ষশিলার গোলাপকুঞ্জ
আমার মনে প'ড়ছে, আর আমার কিছু ভাল লাগছে না ।
সুসীম। কিন্তু আমার ত ভাল লাগছে ?
চিন্তহরা। তোমার নীরস প্রাণ, তাই তোমার ভাল
লাগছে ।

সুসীম। তুমি গোলাপকুঞ্জ ত্যাগ ক'রে এসেছ ; কিন্তু
আমার গোলাপকুঞ্জ আমার সঙ্গে। তোমার যৌবন—
প্রফুল্ল উপবন—গোলাপকুঞ্জ তোমার কপোলে, গোলাপকুঞ্জ
তোমার অধরে, কুসুমরাশির উপর উষার আভার ছায়া
তোমার বর্ণ-আভা, প্রভাত সমীরে ঈষৎ আন্দোলিত সরোবর-
তরঙ্গের ছায়া তোমার অঙ্গ-তরঙ্গ । তুমি যেখানে, সেই
খানেই আমার নন্দনকানন ।

চিন্তহরা। এখন আর তুমি আমার কোন কথাই
শোন না। কেন বল দেখি, এত তাড়াতাড়ি তক্ষশিলা ত্যাগ
ক'রে এলে ?

সুসীম। না না বোঝ না, কেন চিন্তিত হ'চ্ছ ? পিতা
শীঘ্রই ম'রবেন পত্র লিখেছেন । আমায় সিংহাসন দেবার
অপেক্ষায় বহু যত্নে প্রাণবায়ু বহির্গত হ'তে দেন নাই ।
কেবল সিংহাসন-গ্রহণের বিলম্ব মাত্র । রাজমুকুট ধারণ
ক'রেই আজ্ঞা দেব, পাটলিপুত্রের পরিবর্তে তক্ষশিলায়
রাজধানী হবে ।

চিন্তহরা। তুমি যেমন ঐ বুড়োর কথা বিশ্বাস কর ।
এই তো পক্ষাঘাত আজ ক'বছর হ'য়েছে । এই আজ মরে,
কাশ মরে, বরাবর শুন্ছি । তুমি যখন তক্ষশিলায় যেতে
চেয়েছিলে, বুড়োর তোমার হাতে ধ'রে কান্না, 'যেও না

সুসীম, গেলে আর দেখা হবে না !' সে তো আজ বছর
ফিরতে গেল, কই ম'ল ?

সুসীম। না না, অবস্থা বড় শোচনীয় ! দিন দিন মন্দ
হ'য়ে আসছে, রাজ-বৈজ্ঞ স্বয়ং আমায় পত্র লিখেছেন ।
তা না হ'লে কি আমি তক্ষশিলা ছেড়ে আসতুম ?

চিন্তহরা। আর কতদিন তাঁবুতে তাঁবুতে থাকতে হবে ?
সুসীম। নিকটেই এসেছি, পাটলিপুত্র আর এক দিনের
পথ ।

(পরিচারিকার প্রবেশ)

পরিচারিকা। মহারাজ, পাটলিপুত্র থেকে দূত এসেছে ।
শুনলুম, বড় দুঃসংবাদ ।

চিন্তহরা। তারে এই খানেই ডাক, বুড়ো ম'ল কি না
শুনি ।

[পরিচারিকার প্রস্থান ।

বুড়ো যদি ম'রে থাকে, তোমায় কিন্তু তিন দিনের ভিতর
তক্ষশিলায় ফিরতে হবে । মাথায় মুকুট পরার যা দেবী,
আর দেবী ক'রতে পাবে না ।

(আকালের প্রবেশ : ও ক্রন্দন)

সুসীম। কি হ'য়েছে ? তুমি রোদন ক'চ্ছ কেন ?
আকাল। মহারাজ ম'রেছে ।
চিন্তহরা। খুব ক'রেছে ।
আকাল। অমনি খামকা খুব ক'রবে ? এত অত্যা
সয় ! (ক্রন্দন) বুড়ো হ'লে কি একটু আক্কেল থাকতে
নাই ! ম'লেই হ'লো, একটু তর ক'রতে নাই ! এই
এখানে যুবরাজের তাঁবু, আর বেহায়া বুড়ো সেই খানে তুই
মলি !

সুসীম। পিতা ম'রেছেন ?
আকাল। খুব ম'রেছেন, মুখে রক্ত উঠে ম'রেছেন ।
সুসীম। আমায় রাজ্য দিয়ে গেছেন ?
আকাল। তা বুড়ো তার তর ক'রলে কই ? খামকা
ম'ল। আর সেইটে গো সেইটে, রাণী-মাসী, যেটাকে
দেখে ডরাও, সেই সিংহাসনে চেপে ব'সেছে । কি হবে গো
কি হবে ! (ক্রন্দন)

সুসীম। কে সিংহাসনে ব'সেছে ?
আকাল। কে বল না গো মাসী-রাণী ? বট না
নিম না অশপ ? ঐ যে, কি একটা নাম বলে—

সুসীম। অশোক সিংহাসনে ব'সেছে ?

আকাল। ব'সল' আর সাথে—ঐ বুড়ার আঁক্কেলে !

সুসীম। তার পর ?

আকাল। আমি ভেউ ভেউ ক'রে কাঁদলুম।

সুসীম। আমি যুবরাজ থাকতে অশোক সিংহাসনে ব'সল' ! কেউ কোন আপত্তি ক'রলে না ?

আকাল। আপত্তি ক'রবে ? ঐ ছোটো বুড়ো থেমটা নাচ নাচলে গো !

চিন্তহরা। বুড়ো কে ?

আকাল। তুমি, রাণী-মাসী, থাক' থাক' ত্রাণা হও !

এই একটার নাম কালাটোকা না কি ?

সুসীম। কল্লাটক ?

আকাল। আর তার পৌঁ-ধরাটা।

সুসীম। সেনাপতি কিছু বললেন না ?

আকাল। ব'ল্লে না ! খুব বল্লে ! চুপি চুপি

আমার কাণে কাণে ব'ল্লে !

সুসীম। কি বল্লে ?

আকাল। তাইতো গো ! কি ব'ল্লে, রাণী-মাসী ?

চিন্তহরা। ব'ল্লে তোর গুপ্তির পিণ্ডি।

আকাল। না, ও কথা তো নয়—

সুসীম। আমায় যেতে ব'লেছে ?

আকাল। হ্যাঁ, একেই বলে রাজবুদ্ধি ! যেতে ব'লেছে, যেতে ব'লেছে—পিণ্ডি নয়—পিণ্ডি নয়—যেতে ব'লেছে।

চিন্তহরা। তুমিও যেমন যুবরাজ, তোমার সেনাপতিও তেমনি। বোকা লোক, কিছু ব'ল্লেতে পারে না, একে পাঠিয়েছে।

আকাল। ব'ল্লেতে পারে না ! এইবার হ'স ক'রে বলি। রাণী-মাসী, এই রাতারাতি যুবরাজকে নিয়ে আমার সঙ্গে চল। একেবারে গিয়ে পড়'—আর যায় কোথা—টকাটক শির ওড়াও !

সুসীম। আমার সৈন্তসামন্ত সব সজ্জিত হ'তে বলি। কতক লোকজন পেছিয়ে র'য়েছে, কাল সকালে উপস্থিত হবে। আমি কাল যুদ্ধযাত্রা ক'রব।

আকাল। তবেই বেগোড় ক'রলে !

সুসীম। সেনাপতি আমায় একা যেতে ব'লেছে না কি ?

আকাল। তবে আর মজা কি ? যেমন তোমরা রাতারাতি জোড়ে গে ব'সবে, রাণী-মাসী, অমনি “জয় মহারাজ সুসীমের জয়” হুলা ক'রে টকাটক মাথা ওড়াব। আমি কিন্তু সেই বুড়ো ছ'টোর গদ্দানা টিপে ধ'রব। ছাড়ব' ? তবে আর রাগ প'ড়বে কিসে ?

চিন্ত। চল, চল, যুবরাজ—

আকাল। আরে, এস না গো ! কি ভাবছ মহারাজ ? পূব দোরো জন-মানব নাই। মনে ক'রেছে, খাল কাটা আছে, সে দিক দিয়ে আর কেউ যেতে পারবে না। আমি অমনি তোমাদের নিয়ে স্কট ক'রে গিয়ে নগরে উঠব।

সুসীম। চল'। আমি দূর হ'তে দেখব, যদি তোমার কোন ছুরভিসন্ধি থাকে, তখন তোমার প্রাণবধ ক'রব।

আকাল। মহারাজ, আর দেখবেন কি ? আমি রাণী-মাসীর মুক্তার মালা মাথায় জড়িয়ে নাচব'।

সুসীম। চল। আমার ইচ্ছায় অশোক নির্দাসিত হ'য়েছিল। তার মাতা, পত্নী প্রভৃতি কারাবাসে—আবার আমায় উপেক্ষা ! এবার অশোকের সহিত তার সপার্বারকে তপ্ত তৈলে বিনাশ ক'রব। চল—

[সকলের প্রস্থান।

তৃতীয় গর্ভাঙ্ক

পাটলিপুত্র নগরের পূর্ববর্তোদয়

জলন্ত অঙ্গার ও খদিরপূর্ণ পরিখা—তরুণ অশোক-মূর্তি

কল্লাটক ও রাধাগুপ্ত।

রাধাগুপ্ত। অতি চমৎকার শিল্পী ! দেখুন, একদিনে কি সুন্দর মহারাজের মূর্তি নির্মাণ ক'রেছে ! প্রকৃত যেন মহারাজ অশোক দাঁড়িয়ে আছেন ব'লে ভ্রম হয়। পরিখার নীচে অগ্নিকুণ্ড রেখে কি সুন্দর আচ্ছাদন দিয়েছে। দিনমান্নে যেন সুন্দর রাজপথ আমার অন্তর হ'য়েছিল।

কল্লাটক। কিন্তু সুসীম কি এত অর্ধাটীন হবে ? ব্যক্তির কথায় প্রভাবিত হ'য়ে এই পথে আসবে ?

রাধাগুপ্ত। আপনি চিন্তা দূর করুন। সে অতি চতুর

সুসীম বেরূপ অর্ধাচীন, সে ব্যক্তি নিশ্চয় কৃতকার্য হবে।

চলুন, আমরা অন্তরালে যাই।

কল্ল্যাটিক। কিন্তু তা হোক, সেনাপতি ও সৈন্তেরা তার বনীভূত। সুসীমের অপেক্ষায় এখনো অন্তরের ভাব প্রকাশ করে নাই। সুসীমের সৈন্ত নিকটস্থ হ'লেই সে তার স্বরূপ ব্যক্ত ক'রবে। উজ্জয়িনীর কন্মুজন সৈন্ত মাত্র আমাদের সহায়।

রাধাগুপ্ত। চলুন, আজই সেই উজ্জয়িনীর সৈন্ত দ্বারা পাটলিপুত্রের সৈন্তগণকে অদ্বীন ক'রবার চেষ্টা করা যাক। এ সময়ে সকলেই প্রায় নিদ্রিত, সকলেই অসতর্কভাবে অবস্থান ক'চ্ছে। আমরা গোপনে অস্ত্রাগার অধিকার করি, তা'হলে অস্ত্র কার্য্য সহজ হবে।

[উভয়ের প্রস্থান।]

(সুসীম, চিত্তহরা ও আকালের প্রবেশ)

আকাল। রাণী-মাসী, রাণী-মাসী, চেন' তো! ঐ অশোক—পেছু ফিরে দাঁড়িয়ে র'য়েছে। কেউ কোথাও নাই। (সুসীমের প্রতি) যুবরাজ, যুবরাজ, লাফ দিয়ে প'ড়ে গর্দানটা কেটে ফেল'।

সুসীম। চুপ! (অশোকের মূর্তির প্রতি লক্ষ্য করিয়া) আরে নাপতিনীপুত্র, শমন দর্শন কর! (বেগে ধাবমান ও পরিধায় পতন) আগুন—আগুন—পুড়ে মলুম!

চিত্তহরা। একি হ'ল!

আকাল। পুড়ে ম'চ্ছে আর কি?

চিত্তহরা। অ্যা!

আকাল। অ্যা কি! তুমিও বাঁপ দিয়ে দেখ না, বেশ গম্ভীনে আগুন।

চিত্তহরা। প্রতারণা, প্রতারণা!

আকাল। ঠিক বুঝেছ, মাসী!

চিত্তহরা। দোহাই বাবা, দোহাই বোনপো! আমায় কিছু ব'ল না, আমার সব গয়নাগাটি তোমায় খুলে দিচ্ছি।

আকাল। আর খুলবে কেন? সাজগোজ ক'রে আছ, বাঁপ দিয়ে সহমরণে যাও না! তা কি ক'রবে, দেখ! আমি চলুম। এক একবার বোনপো ব'লে মনে ক'র।

[আকালের প্রস্থান।]

চিত্তহরা। হায় হায়, কি হ'ল! আমি এখন কোথায় যাব!

(মারের প্রবেশ)

মার। চিন্তা কর দূর, কি ভয় তোমার?

সর্বদা র'য়েছি আমি তোমার রক্ষণে।

এক কার্য্য ক'রেছ সাধন,

অস্ত্র কার্য্য করছ গ্রহণ।

তুমি প্রিয় তনয়া আমার—

মম বাহা সম্পূরণ হবে তোমা হ'তে।

চিত্ত। কে তুমি? এই তো আমার পথে বসিয়েছ। এখনি প্রাণবধ হ'ত! কি জানি, কেন সে আমার বধ করে নাই। হয় তো শত্রুপক্ষীয় কেউ দেখলেই আমার প্রাণবধ হবে। আমি বেশ ছিলুম, কেন তুমি আমার প্রতারণা ক'রে আমার মা'র কাছ থেকে নিয়ে এলে?

মার। কেবা আমি পরিচয় চাহ, স্থলোচনে?

বহু নামে পরিচিত আমি,

ধরণী আমার লীলাভূমি,

নর-নারী-হৃদিমাঝে অটলিকা মম।

শুন সুকেশিনি,

কেহ কহে সয়তান আমার;

মার নামে পরিচিত বোদ্ধের নিকটে;

ওই নামে জৈন করে সম্ভাষণ,

হিন্দুগণে বিত্তা মায়ার পুত্র জানে।

মমাপ্রিয় গ্রহণ যে করে—

নারী কিম্বা নরে—

অতুল ঐশ্বর্য্য করি তাহারে প্রদান।

ধন, জন, মান—সৎসারে প্রধান কহে লোকে।

আজ্ঞা মোরে ক'রেছ বিক্রয়,

সর্বত্র ইহাবে ভব জয়।

এস, আছে অস্ত্র বহু কাজ।

চিত্ত। আর আমার তোমায় বিশ্বাস নাই; এই তে তুমি আশা দিয়ে নিরাশ ক'রেছ। এখনি কে আমা প্রাণবধ ক'রবে। ভাগ্যিস সে আমার বধ করে নাই, অ' কেউ দেখতে গেলে আমার প্রাণ নেবে। আমার উপ মন্ত্রীদেব রাগ, অশোকের রাগ, আমার ধ'রতে পারলে আ আমার নিস্তার নাই।

মার। তোমার কোন ভয় নাই, তুমি আমার ক'

কেন অবিধাস ক'চ্ছ? আমার মতাবলম্বী হ'য়ে একটা রাজ্যক্রয় ক'রবার ধনরত্ন পেয়েছ। আমি তোমায় মিথ্যা বলি নাই। তুমি পাটরাণী হবে ব'লেছি; সুসীমের রাজরাণী হবে, এ কথা তুমি আমার মুখে শোন নাই। ব'লেছি, তুমি সাম্রাজ্যেশ্বরী হবে। তোমায় অচিরে অশোকের বামে বসাব।

চিন্তহরা। সে আমার পৈলৈই তো কেটে ফেলবে!

মার। না, তোমার রূপে যুদ্ধ হবে।

চিন্তহরা। তাই যদি হয়, ও মা যেম্নার কথা! ঐ কুরূপ পুরুষকে নিয়ে থাকার চেয়ে আমার মরণ ভাল। কুনাল রাজা হত, তার রাণী হওয়ায় সুখ ছিল। আ মরি মরি! কি ছ'টা চক্ষু—যেন কুনাল পাখী! আমি তোমার কথা শুনবো না। আমি রাজার রাণী হ'তে চাই নি। আমি যেখানে ছিলুম, সেইখানে যাব। সুসীমের কাছে যা পেয়েছি, তাতে আমার এ জন্মটা রাজরাণীর মত কেটে যাবে।

মার। অবাধ্য হ'য়ে না, অবাধ্য হ'লে ধনরত্ন কিছুই থাকবে না। যে কুটীরবাসিনী ছিলে, সেই কুটীরবাসিনী পুনর্বার হবে। সামান্য কপর্দক বিনিময়ে তুমি কুরূপ পুরুষকেও দেহ বিক্রয় ক'রতে, এখন রাজ্যেশ্বরের প্রতি তোমার দ্বণা! রাজরাণী হ'লে—কুনালকে ইচ্ছা কর, কুনালকে বশীভূত ক'রতে পারবে। নচেৎ আমার কোপে সর্ব্ব নষ্ট হবে।

চিন্তহরা। ও মা, যে গোঁয়ার, অশোককে আমি কেমন ক'রে বশ ক'রব?

মার। তার উপায় আমি ক'রব। এস আমার সঙ্গে।

চিন্তহরা। কোথায় যাব?

মার। পুষ্পবনে নানা আনন্দে দিনযাপন ক'রবে; সঙ্গীত-ধ্বনিতে তোমার শ্রবণ তৃপ্ত হবে; স্নানর দৃষ্টে নয়ন রঞ্জিত হবে, স্বাস্থ্য দ্রব্যে দেহ পুষ্ট হবে, সুরভি-কুসুমশয্যায় নিদ্রা যাবে।

[উভয়ের প্রস্থান।

চতুর্থ গর্ভাঙ্ক

পাটলিপুত্র—রাজসভা

অশোক, কল্লাটক, রাধাগুপ্ত, অন্তান্ত রাজাগণ,

সভাসদ ও প্রহরিগণ।

কল্লাটক। সমাগত ভারতের রাজেন্দ্রমণ্ডল, একমাত্র অনাগত কলিঙ্গ-ঈশ্বর ফিরেছেন রাজ্যমুখে অন্ধপথে আসি। দম্ভভরে দূত তাঁর দিল সমাচার—
করপ্রদ রাজা নন অশোকরাজার।
নির্বাচিত যুবরাজ কুমার সুসীম,
সখ্যতায় আবদ্ধ ছিলেন তাঁর সনে।
পিতৃদ্বেহী ভ্রাতৃদ্বেহী—তারে কদাচন সম্রাট-সম্মান নাহি করিবে প্রদান।

১ম রাজা। মন্ত্রীমহাশয়, কলিঙ্গপতির নিতান্ত দাস্তি-কতা, আমি এই সমাগত রাজেন্দ্রবর্গের মুখপাত্র হ'য়ে মহারাজাধিরাজ অশোককে অবনত মস্তকে সম্রাট ব'লে অভিবাদন ক'চ্ছি।

সকলে। জয় মহারাজাধিরাজ অশোকের জয়!

(মারের প্রবেশ)

কল্লাটক। আপনি কে?

মার। আমি মহারাজের নিমিত্ত উপচৌকন আনয়ন ক'রেছি। মহারাজ, কৃপায় গ্রহণ করুন।

[উপচৌকন সম্মুখে স্থাপন।

অশোক। আপনি কে? এ সকল বহুমূল্য উপচৌকন! এ সকল আপনি কোথায় পেলেন?

মার। মহারাজের সহিত আমি পরিচিত, মহারাজের বস্ত্রই মহারাজকে অর্পণ ক'চ্ছি। আর আমার করবোড়ে প্রার্থনা, মহারাজ আমার দাস ব'লে গ্রহণ করুন।

অশোক। আপনি সেই বাজীকর, যার সহিত প্রান্তরে সাক্ষাৎ হ'য়েছিল?

মার। হাঁ মহারাজ, যেরূপ ভবিষ্যৎ গণনা ছিল, তা সত্য—পরীক্ষায় আমার প্রতীতি জন্মেছে। আপনার চির অধীন, তাই অধীনতা স্বীকার ক'রতে উপস্থিত।

কল্লাটক। আপনি কে, তার তো পরিচয় দিলেন না।

মার। অগ্রে মহারাজের পরিচয় শুনুন; মহারাজ, আপনি জিদিবেশ্বর ইন্দ্র। পৃথিবী পাপ পরিপূর্ণ, এই পাপ দমনের নিমিত্ত নররূপে অবতীর্ণ হ'য়েছেন। নরদেহ ধারণে মোহাচ্ছন্ন, সে নিমিত্ত আপনার পূর্বস্মৃতি আবারিত। আপনার চিরদাস আচ্ছা বহন ক'রতে উপস্থিত।

রাধাশুপ্ত। আপনি কে, পরিচয় দিন।

মার। আমি দেব-শিল্পী, সুরপুরে আমার নাম ময়, দেবরাজের কার্যে ধরায় উপস্থিত। রাজদরশনে আমার পূর্বস্মৃতি জাগরিত!

কল্লাটিক। আপনি ক্ষিপ্তের ছায় কি ব'লছেন?

মার। আপনি তীক্ষ্ণবুদ্ধি রাজমন্ত্রী। আমি ক্ষিপ্ত বা সত্যবাদী পরীক্ষা করুন। আমি ভূত-ভবিষ্যৎ অবগত।

কল্লাটিক। আচ্ছা, ভবিষ্যৎ বার্তা কি বলুন?

মার। মুহূর্ত্ত মধ্যে মহারাজের জীবন সংহারার্থে কোন বিপক্ষ তীরনিক্ষেপ ক'রবে, কিন্তু মহারাজের দেবত্ব-প্রভাবে লক্ষ্যভ্রষ্ট হবে।

(অকস্মাৎ অশোকের মস্তকের উপর দিরা তীরের গমন)

নেপথ্যে। ধর ধর—

অশোক। বোধ হয়, তুমিই সেই তীর-নিক্ষেপকারীর উপদেষ্টা।

মার। সমস্ত শ্রবণ করুন, পরে আমায় যেক্রপ বিবেচনা করেন, ক'রবেন। আমার প্রতি দোষারোপ ক'রবেন না। মহারাজের শত্রুর উপদেশে এ তীর নিক্ষিপ্ত। যুবরাজ সুদীপের পত্নী পূর্ণাভবতী, তাঁরই সন্তানকে সিংহাসন প্রদানের জন্য এই তীর নিক্ষিপ্ত হ'য়েছে।

(তীরন্দাজকে ধৃত করিয়া রাজপ্রহরীদ্বয়ের প্রবেশ)

অশোক। তুমি তীর নিক্ষেপ ক'রেছ?

তীরন্দাজ। হাঁ, রাজদ্রোহীর বিনাশার্থে।

অশোক। কার উপদেশে?

তীরন্দাজ। সে কথার উত্তর আমার নিকট প্রাপ্ত হবেন না।

কল্লাটিক। যন্ত্রণায় তোমার জিহ্বায় সত্যবাক্য নিঃসৃত হবে।

তীরন্দাজ। পরীক্ষায় বুঝবেন, কদাচ না।

অশোক। এরে কারাগারে ল'য়ে যাও।

[তীরন্দাজকে লইয়া প্রহরীদ্বয়ের প্রস্থান।]

মার। মন্ত্রীমহাশয়, আমার প্রতি সন্দেহ দূর করুন। আরও ভবিষ্যৎ গণনা শুনুন। মহারাজ মাতৃবিয়োগজনিত শোক-সম্প্রস্তু হবেন; রাজপত্নী অদর্শন হবেন; রাজপুত্র রাজপ্রসাদ উপেক্ষা ক'রবেন; সুদীপ-পত্নীর গর্ভে যে পুত্রসন্তান জন্মগ্রহণ ক'রবে—যদি জীবিত থাকে—সে মহারাজাধিরাজ অশোকের উপর আধিপত্য প্রচার ক'রবে।

নেপথ্যে। রাজমাতা আস'ছেন, রাজমাতা আস'ছেন—

(সুভদ্রাদ্বীর প্রবেশ)

সুভদ্রাদ্বী। অশোক, দৈবজ্ঞ-গণন পূর্ণ আজি—

তোমাতে নেহারি সিংহাসনে।

এ সংসারে আর স্থান নাহিক আমার।

রাজ্যেশ্বর দেখিতে তোমায়,

প্রাণবায়ু আছে মম কায়।

সেই সাধে রাজগৃহে আগমন মম,

সেই বাসনায় আছি এ ধরায়,

সেই হেতু পতি সনে চিতা-আরোহণে

করি নাই একত্রে গমন।

আজি পূর্ণ মনস্কাম,

বক্ষে ধরি পতির পাছুকা,

পতি-পদ সেবিবারে করিব প্রয়াণ।

অশোক। কেন গো জননি, কেন কহ নিদাক্ষণ বাণী?

রাজগৃহে চিরদিন তুমি মা তুংখিনী—

সন্তানের সুখ-কামনায়

কত মাতা, সহেছ লাঞ্ছনা।

হৃদ্বিন হ'য়েছে গত, আগত সুদিন,

কেন, মাতা, কেন তবে স্নেহ পরিহারি,

সস্তাপিত পুত্রেতে ভাঙ্গিয়ে

চাহ দিতে দেহ বিসর্জনে?

সহেছ, মা, বিস্তর আমার তরে,

দেখে যাও সুখী কয় দিন।

সুভদ্রাদ্বী। ধর বৎস, বাক্য মম, তুমি সুপণ্ডিত!

সংস্কার ছদয়ে সবার—

ব্রাহ্মণ-কুমারী আমি, রাজভোগ হেতু

আসি রাজপুরে ব'রেছি রাজ্যে,

কৌরকার্যে ভুলাইয়া নৃপতির মন

প্রতিষ্ঠিত মহিবীর পদে।

সাপুর কথায়, রাজ্যেশ্বর পুত্র-কামনায়
আসিয়াছি রাজপুর প্রত্যয় না করে।

সে প্রত্যয় করিতে স্থাপন,

মাতার কলঙ্ক তব মোচন কারণ,
সতীর কর্তব্য কার্য্য করিতে সাধন,
ভোগ-দেহ ভক্ষাভূত করিব চিতায়।

নহ তুমি অবাধ্য কুমার,

মাতৃ-মহাকাব্যে বাধা ক'রনা প্রদান।

[সুভদ্রাঙ্গীর প্রস্থান।

অশোক। মা, মা—

[অশোকের পশ্চাৎ পশ্চাৎ প্রস্থান।

কল্লাটক। অকস্মাৎ কি হুঁদৈব! সভা ভঙ্গ হ'ক,
রাজত্ববর্ণ নিজ নিজ স্থানে বিরাম লাভ করুন।

[কল্লাটক, রাধাগুপ্ত ও মার ব্যতীত সকলের প্রস্থান।

আপনি কে? কিরূপে এ সকল সংবাদ অবগত?

মার। আমি আপনাকে পরিচয় দিয়েছি। কিন্তু
আমি যে সত্য ভূত-ভবিষ্যৎ-বর্তমান অবগত, সে প্রত্যয়
আপনার জন্মে নাই। যে শিল্পী মহারাজ অশোকের মূর্তি
নিৰ্ম্মাণ করে সুবরাজ স্নানীমকে প্রভারিত ক'রেছিল, আমিই
সেই শিল্পী। আমি মহারাজের শুভাকাঙ্ক্ষী। আমার
বাক্যে অবিশ্বাস করেন করুন, কিন্তু আপনারা রাজনীতিজ্ঞ,
সুসীমের পুত্র জীবিত থাকলে বিদ্রোহের মূল উৎপাটিত
হবে না।

[মারের প্রস্থান।

রাধাগুপ্ত। মহাশয়, এ ব্যক্তি যেই হ'ক, এ কথা সত্য
যে, সুসীমের পুত্র-সন্তান যতপি জন্মগ্রহণ করে, তারে রাজ্য-
প্রদানের জন্ত অনেকেই উত্তোষী হবে। মহারাজ সন্মত
হবেন না। আমাদের কর্তব্য, গোপনে এর মূলোচ্ছেদ
করা! দেখুন, বিবেচনা করুন।

কল্লাটক। রাজকার্য্যে দয়া বা নিষ্ঠুরতা উভয়ই
পরিহার্য্য।

রাধাগুপ্ত। সত্য, কিন্তু কৌশলে রাজ-অনুমতি গ্রহণ
প্রয়োজন।

[উভয়ের প্রস্থান।

পঞ্চম গর্ভাঙ্ক

পাটলিপুত্র—রাজ-অন্তঃপুর

পদ্মাবতী, দেবী, কুনাল, মহেন্দ্র ও সজ্জমিত্রা।

কুনাল। মা, মা, আমি আর এক মা পেয়েছি, আমি
ভাই পেয়েছি, ভগ্নী পেয়েছি। দেখ, মা, দেখ—আমার
নুতন মাকেমন! কেমন চাঁদপানা ভাই, কেমন চাঁদপানা
ভগ্নী! মহেন্দ্র, সজ্জমিত্রা, মাকে গান শোনাও।

(গীত)

মহেন্দ্র ও সজ্জমিত্রা। নর-দেহে তবে কেন এসেছি ভবে,
যদি ভালবাসা নয় বিলা'তে নারি।
আছে মানব-স্বদয়, তবে দিব পরিচয়,
অনাথে ক্ষুদ্রে যদি ধরিতে পারি।

কুনাল [আঁকর দিয়া]। মিছার এ ছার শরীর ধারণ,
করি অনাধ সেবা—
সফল হবে শানব-জন্ম।

মহেন্দ্র ও সজ্জমিত্রা। হেরি দুখ নিশিদিন, যদি রহি উদাসীন,
মুছাতে নয়ন-বারি নারি যতনে।
কর বিকলে দোলে, কেন চরণ চলে,
জন-হিত-ব্রত যদি না থাকে মনে।

কুনাল [আঁকর দিয়া]। স'হে ত্রিতাপ মহন,
কেন মাটির দেহ ক'ব্ব বহন!
মহেন্দ্র ও সজ্জমিত্রা। আশ্র-প্রসাদ, যদি নাহি করি সাধ,
ভঙ্গুর দেহে কিরি কি কল-আশে।
ধন-জন-মান—বিনা আশ্রপ্রদান,
প্রয়োজন কিবা এই পাশ্ববাসে?

কুনাল [আঁকর দিয়া]। আশ্র প্রসাদ আশ্রদানে—
শান্তি দেবী বসেন প্রাণে।

পদ্মাবতী। দিদি, কে তুমি?

দেবী। রাজরাণি, তুমি আমার দিদি, আমি তোমার
দাসী। আমি বণিক-কন্তা, সাধুর আদেশে মহাভাগ্যে মহা-
রাজের গলায় মালা প্রদান ক'রেছি। মহারাজের ঔরসে
এই পুত্র-কন্তা।

পদ্মাবতী। দিদি, দিদি, আমার পরম আনন্দের দিন!
আজ আমি ভগ্নী পেলেম, আমার একটা সন্তান ছিল,
তিনটা হ'ল।

দেবী। না রাজরাণি, আমি তোমার ভগ্নী সখোবনের
যোগ্য নই, আমি ও আমার সন্তানেরা রাজপুরবাসী হ'বার

বাগ্য নয়। আমি পবিত্র রাজরাণী-দর্শনে জীবন সার্থক ক'রব, পুত্র-কন্তা পবিত্র পদধূলি গ্রহণ ক'রবে, সেই বাসনায় হৃথায় উপস্থিত হ'য়েছি।

পদ্মাবতী। কেন, দিদি, কেন, তুমি রাজগৃহের বোগ্যা নও কেন? দুই ভগ্নীতে একত্রে থাকুব। রাজপুত্র রাজকন্তার ছায় তোমার কন্তা-পুত্র প্রতিপালিত হবে।

দেবী। দিদি, আমার কন্যা-পুত্র ভোগের জন্য জন্ম-গ্রহণ করে নাই; এবং ভূমিশয়নে অত্যন্ত, ফল-মূল আহারে তৃপ্ত, রাজভোগ আমাদের নিষেধ। এ বালক-বালিকার পালনভার আমার, সেই নিমিত্তই সংসারে আমার স্থান।

পদ্মাবতী। আহা, দিদি, কেন এ কঠিন পণ ক'রেছ? রাজগৃহ আলো করা বালক-বালিকাকে কেন সন্ন্যাসীর ন্যায় দীক্ষিত ক'ছ? তুমি স্বয়ং রাজসিংহাসনের উপযুক্ত, কি নিমিত্ত সকল স্তুতে বর্জিতা হ'ছ? তোমার কথায় আমার চ'খে জল আসছে।

দেবী। কেন, দিদি, দুঃখিত হ'ছ? তোমার আশীর্বাদে আমার মত ভাগ্যবতী ধরনীতে জন্মগ্রহণ করে না। আমি বামন হ'য়ে চন্দ্র স্পর্শ ক'রেছি, চন্দ্রসুধা পান ক'রেছি, দেবকার্যে সন্তান উৎসর্গ ক'রেছি।

পদ্মাবতী। ভগ্নি, তুমি কি মহারাজের আদেশ-মত সকল ভোগে বঞ্চিত হ'য়েছ, পুত্র-কন্যাকে বঞ্চিত ক'রেছ?

দেবী। না ভগ্নি, মহারাজ পুনঃ পুনঃ আমাদের রাজগৃহে অবস্থান ক'রতে অনুরোধ ক'রেছিলেন। কিন্তু যে মঙ্গলময় সাধুর রূপায় এই দু'টা রত্ন-লাভ ক'রেছি, তাঁরই আদেশে মহারাজের পদে মার্জনা প্রার্থনা ক'রে সেই সাধুর ইচ্ছামত জীবন বাপন ক'ছি। কন্তা ভূমিষ্ঠা হবার পর আর রাজদর্শন আমার ঘটে নাই। আমি মহারাজের অজ্ঞাত স্থানে কুটার-বাসিনী ছিলাম। যদিচ আমি মহারাজের গলে মালাদান ক'রেছি, আমি রাজনীতি-অনুসারে বিবাহিতা নই। আমি রাজপুত্রবাসিনী হ'লে মহারাজের কলঙ্ক হবে।

পদ্মাবতী। তুমি দেবী, কলঙ্ক তোমায় স্পর্শ করে না। তোমায় গৃহে স্থান দিলে গৃহ পবিত্র হয়। তুমি স্বেচ্ছায় কেন ভোগস্বখে বঞ্চিত হ'ছ?

দেবী। ভগ্নি, সেই সাধুর উপদেশে আমার হৃদয়ঙ্গম হ'য়েছে যে, আত্মত্যাগই পরমভোগ, অপর সকল ভোগই কণ্টক-মিশ্রিত।

পদ্মাবতী। ধন্য তোমার সাধু, ধন্য তোমার শিক্ষা, ধন্য তোমার মমতাবর্জিত হৃদয়, ধন্য তোমার আত্মত্যাগ!

দেবী। দিদি, আমার আত্মত্যাগ অতি সামান্য। আমি সেই সাধুর নিকটেই শুনেছি, তোমার আত্মত্যাগে পৃথিবী চমকিত হবে, তোমার আত্মত্যাগে রাজ্যের কলুষ নাশ হবে। আত্মত্যাগ-বলে স্বামীকে ল'য়ে অক্ষয় স্বর্গভোগ ক'রবে। দিদি, আমি আসি। আমার পুত্র-কন্যাকে আশীর্বাদ কর, যেন এদের দ্বারা দেবকার্য উদ্ধার হয়।

পদ্মাবতী। দিদি, একান্ত থাকবে না?

দেবী। না, দিদি, এ আমার স্থান নয়।

কুনাল। মা মা, আমায় তোমাদের সঙ্গী কবে ক'রবে, মা? আমি কবে অমনি ক'রে গান ক'রে বেড়াব, মা!

দেবী। বাবা, মনোবাঞ্ছা দেবতা পূর্ণ করেন। তুমি রাজ্যেশ্বর, রাজগৃহে থাক।

[পদ্মাবতী ব্যতীত সকলের প্রস্থান।]

পদ্মাবতী। আত্মত্যাগই পরম ভোগ—বা'তে রাজভোগ উপেক্ষা করে! আশ্চর্য্য রমণী, আশ্চর্য্য স্বার্থত্যাগিনী, আশ্চর্য্য কুমার-কুমারী!

(পরিচারিকার প্রবেশ।)

পরিচারিকা। রাণী মা, রাণী মা, যেমন কক্ষ তেমনি ফল। যেমন তোমাদের ছ'পায়ে থে'লেছে, তেমনি পেটে-পোয়ে অপঘাতে ম'রবে!

পদ্মাবতী। কে, কে?

পরিচারিকা। কে আর! আপনি অক্লান্ত পেয়েছে, মাগও আজ পেটে-পোয়ে মারা যাবে।

পদ্মাবতী। কি হ'য়েছে?

পরিচারিকা। সেনাপতি বিজ্রোহ ক'রেছিল না? সেই রাগে মহারাজ ছকুম দিয়েছেন যে, হুগীমের যে-যেখানে আছে, বধ কর। আজ রাজেই নাক-নাড়া দেওয়া শুচে যাবে। মনে ক'রেছিলেন, পেটের ছেলে হোক, মেয়ে হোক, রাজ-সিংহাসনে বসাবেন।

পদ্মাবতী। তুই কোথায় সংবাদ পেলি?

পরিচারিকা। কেন, মন্ত্রীম'শায় টাকা দিয়ে তার দাসীদের ব'লেছে, আজ রাজে দোর খুলে রেখে স'রে থাকিস। দ্বারা মারতে যাবে, তাদের একজন আমার

মামাতো ভাই, আমার ছব্ব দে সব খবর ব'লেছে। দেখ' না মা, রক্তে নদী ব'য়ে যাবে। যে-যেখানে শত্রু আছে, কাটা প'ড়বে।

পদ্মাবতী। তুই এখন যা, আমি পূজাগৃহে থাক'ব, কেউ না আমার বিরক্ত করে। [পরিচারিকার প্রস্থান।
বুঝি, আমার আত্মত্যাগের সময় উপস্থিত। পতির মহাপাপ-কার্য্য অবশ্য নিবারণ ক'রব। এতে তাঁর কোপে পতিতা হই, পরিত্যক্তা হই, আমার প্রাণবধ হয়, তথাপি আমি এ নিষ্ঠুর কার্য্য নিষ্পন্ন হ'তে দেব না। আমি সহধর্ম্মিণী, পতির কল্যাণ-সাধন আমার কর্তব্য; কর্তব্য-কার্য্যে কখনও পরাজুখ হই নাই। কর্তব্য-কার্য্যে ঋণঠাকুরাণীর গুণ্ডবার জন্ত কারাবাসিনী হ'য়েছি। আজ উচ্চ কর্তব্যের দিন, এ আমার ভাগ্য।

[প্রস্থান।

ষষ্ঠ গর্তাঙ্ক

পাটলিপুত্র—চন্দ্রকলার কক্ষ

চন্দ্রকলা।

চন্দ্রকলা। এ কি—পুরী শূন্ত! দাস-দাসীরা চ'লে গেছে। আজ সকলেই কথার অবাধ্য হ'য়েছিল। আমার কি বধ ক'রবে? অশোক কি এত নিষ্ঠুর! আমার বধ করুক, তাতে আমি হুঃখিতা নই; যখন আমি পতি-হারি, আমার আর জীবনের মমতা কি? কিন্তু আমার গর্ভের সন্তানের কি উপায় হবে? তেবেছিলুম, সর্ব্ব-স্বলক্ষণ-যুক্ত পুত্রের মুখ দেখে সকল হুঃখ নিবারণ হবে। আমার পুত্রমুখ দর্শন ক'রবেন আশায় মৃত্যুশয্যায়ও আমার ঋণেরের কত অহ্লাদ! আমি আসবামাত্র উৎসবের আজ্ঞা দিলেন। সেই ঋণের আমার নাই। অভাগার জীবন-রক্ষা কিরূপে ক'রব? কোথায় যাব? চতুর্দিকে রাজ-প্রহরী—পালাবার তো পথ নাই। কি হবে, কি হবে—ভগবান্ রক্ষা কর!

(বেগে পদ্মাবতীর প্রবেশ)

পদ্মাবতী। দিদি, দিদি, এই বস্ত্র পরিধান কর, শীঘ্র চ'লে এস।

চন্দ্রকলা। কে তুমি?

পদ্মাবতী। আমার চিন্তে পাচ্ছ না, দিদি?

চন্দ্রকলা। কে, পদ্মাবতী? এ বেশে কেন?

পদ্মাবতী। তুমিও বেশ পরিবর্তন কর। এস, এই

বস্ত্র পরিধান ক'রতে ক'রতে এস। বিলম্ব ক'র না। বিলম্ব ক'রলে গর্ভস্থ সন্তান রক্ষা হবে না, তোমার মৃত্যু সহিত তোমার সন্তান নষ্ট হবে।

চন্দ্রকলা। অশোক কি এত কঠিন! আমার স্বামী প্রাণবধে ক্ষান্ত হ'ল না!

পদ্মাবতী। কথার সময় নাই, সত্বর হও।

চন্দ্রকলা। কোথায় যাব?

পদ্মাবতী। নগর পরিত্যাগ ক'রে যাই চল। নগর রাজ-চরের দৃষ্টিপথ থেকে লুক্কায়িত থাকতে পারবে না।

চন্দ্রকলা। নগর-দ্বার সতর্ক প্রহরী-বেষ্টিত, কিরূপে বহির্গত হব?

পদ্মাবতী। এই সময় চণ্ডালেরা কার্য্য-অবসানে গৃহ প্রত্যাগমন করে, আমরাও তাদের সঙ্গে বহির্গত হব। সেই জন্তে এ-বেশ পরিবর্তন ক'রতে ব'লছি, এস—শীঘ্র এস।

[উভয়ের প্রস্থান।

(ছইজন ঘাতকের প্রবেশ)

১ম ঘাতক। এ কোন মাগী-টাগী দিয়ে বিধ খাওয়া হয়। মজীর যেমন কাজ, আমাদের এই ষণ্ডা ছটোয় পাঠিয়েছে।

২য় ঘাতক। আরে জানিসনে, স্ত্রীম যেমন ছিল, রাগীটে তেমন নয়, এর সব রক্ষকেরা বশ।

১ম ঘাতক। দূর ভেড়ো, এর আবার রক্ষক কোথায় যমালয়ে এর রক্ষা ক'রবে। তাদের কি একজনও বেঁচে ঐ ভূতোর দলে আমিও এসেছিলুম—মজাসে টক্ টক্ ক'র গদীনা ওড়ালুম।

২য় ঘাতক। তবে যে একে মারতে কাঁচু-মাচু ক'ছিলাম

১ম ঘাতক। আরে ছ্যা! মেয়েমানুষকে মার'ব কি

২য় ঘাতক। আরে বুঝিস নি! এও এক মারতে আছে রে—মজা আছে! “বাবা, মেরো না, মেরো না” ব'হাতজোড় ক'রতে থাকে, অমনি বুকে ছুরি বসিয়ে দি'বড়কড় ক'রতে লাগল। এক এক বেটা ম'রবার সময় দেয়, শুনতে ভারি মিষ্টি।

১ম ঘাতক। আরে দেখ, আমাদের মা'রবার আগে

কউ কাজ সেরে গিয়েছে। এইযে গয়নাগাঁটি, কাপড়-চাপড় সব প'ড়ে র'য়েছে।

২য় ঘাতক। তোর যদি এক কাণাকড়ি বুদ্ধি ঘটে থাকে! কাজ সেরে গেলে গয়না কাপড়-চোপড় সব ছেড়ে যেত? রাগী আমাদের দম দেবার জন্ত কাপড়-চোপড় ফেলো কোথায় গুিয়েছে। আয়, খুঁজি আয়।

১ম ঘাতক। রাগীর বেশ না থাকলে চিন্বে কেমন ক'রে?

২য় ঘাতক। জাকা আর কি! দরাজ হকুম—যাকে পাব, তাকে কাটব।

১ম ঘাতক। আরে সব দোর খোলা—কোথাও চ'লে গেল না কি?

২য় ঘাতক। মর ভেড়ো! বাদী বেটাকে দোর খুলে রাখতে মন্ত্রীশায় বলে নাই? সব ভুলে যাসু কেন?

১ম ঘাতক। আয় তবে, কোথায় গেল দেখি আয়।

[উভয়ের প্রস্থান।]

সম্ভ্রম গভীর

বনপথ

পদ্মাবতী ও সম্ভ্রমগত চন্দ্রকলা।

পদ্মাবতী। দিদি, জল খাও।

চন্দ্রকলা। (জলপান করিয়া) আঃ—

পদ্মাবতী। দিদি দেখ, একবার ছেলের মুখপানে চেয়ে দেখ, কি ভুবন-উজ্জ্বল সন্তান প্রসব ক'রেছে দেখ!

চন্দ্রকলা। দেখছি, আর আমার ছেলে নয়। ছেলের মুখ দেখে আমার অনেক সাধ উঠেছিল। কোলে ক'রব, সন্তান করা'ব, চাঁদমুখের হাসি দেখে প্রাণ জুড়াব, কিন্তু সে সকল সাধ আমি তোমায় দিয়ে গেলুম, অন্যথকে তুমি দেখ, আমার দেখবার সময় নাই।

পদ্মাবতী। দিদি, তুমি প্রসব-যাতনায় কাতর হ'য়েছ, এখনই সবল হবে।

চন্দ্রকলা। দিদি, আর আমি কাতর নাই। গর্ভরক্ষার জন্ত কাতর হ'য়েছিলুম। পুত্র প্রসব ক'রেছি, তার রক্ষা-

বেশের ভার নারীকৃপা দেবীকে দিয়ে যাচ্ছি। পরকালের ভয়ও আর আমার নাই। তুমি সাক্ষাৎ লক্ষ্মী—যখন তোমার আমি কৃপাভাজন হ'য়েছি, তখন নারায়ণও আমায় কৃপা ক'রবেন! তুমি বল, আমার ছেলে তোমার হ'ল—এই সংবাদ শোনা'বার জন্ত আমার প্রাণবায়ু বেয়ে'য় নাই।

পদ্মাবতী। দিদি, কেন অমন ক'চ্ছ, তুমি এখনই ভাল হবে।

চন্দ্রকলা। না, দিদি, না। আমি কালের স্পর্শ অমৃত ক'রেছি, এখন: যেতে হবে। হেথা থাকবারও আর আমার ইচ্ছা নাই। নারী-জীবনে সাধের সমুদ্রতরঙ্গ উঠে, কিন্তু পদে পদে নিরাশা। নিরাশাই নারীর জীবন। আমি পাটালিপুত্র-সিংহাসনের যুবরাজ-পত্নী, সাধের শ্রোত কতই ব'য়েছে—স্বামীর বামে ব'সব, স্বামীকে রাজ্যশাসনের উপদেশ দেব, প্রজাদের পুত্রবৎ পালন ক'রব, সাধের সাগর উথলেছিল! কিন্তু সে সাধ-সাগর মন্থন ক'রে হলাহল উঠেছে। স্বামীর উপেক্ষিতা, বারবিলাসিনী কর্তৃক অপমানিতা—কিন্তু তথাপি আমার স্বামী—কপালে সিন্দূর ছিল। ভাব্তেম, আমার গর্ভস্থ সন্তানের পিতা আছে—সে সাধেও বিবাদ। সিন্দূর ঘুচল, তবু সাধ অবসান হ'ল না। আশার কুহকে আমার মনে হ'ত, আমার গর্ভের পুত্র সন্তান—দেই সন্তান রাজ্যেশ্বর হবে। কিন্তু তখন জানিনি, ছদ্মদেব আমায় রাজপুর হ'তে বহির্গত ক'রে অরণ্যে প্রেরণ ক'রবে। তখন জানিনি যে, করুণাময়ী রাজরাণী অভাগিনীর জন্ত অরণ্যচারিণী হবে, তখন জানিনি, অনাখিনীর বনপথ মৃত্যুশয্যা হবে। কিন্তু এক পরম সাধনা, আমার পুত্রের রক্ষণে দেবী জগদ্ধাত্রী মানবীকূপে উপস্থিত হ'য়েছেন। দিদি, বিদায়! (মৃত্যু)

পদ্মাবতী। দিদি, দিদি—কুফল! এই সংসার! রাজরাণীর মৃত্যুশয্যা—ধরণী, অরণ্য—রাজপুত্রের স্মৃতিকাগার! এই রাজ্য, এই ভোগ! এই নিমিও কোলাহল, এই নিমিত্ত অস্ত্র-সংঘর্ষণ, নরহত্যা, ধ্বংসকারী রণ-তরঙ্গ! পরিণাম—মৃত্যু! অজানিত তমোময় সাগরে বম্পপ্রদান! ক্ষণভঙ্গুর দেহে অবস্থান ক'রে ক্ষণভঙ্গুর দেহীর নিপীড়ন—বিবেচক জ্ঞানী-নামে আত্মপরিচয়—এ কি হ্রস্ব কুহক! এ কি ঘোর আত্ম-প্রতারণা! এ অবস্থায় স্নেহের কল্পনা, আশার উত্তেজনা! তম—তম—ঘোর তম—তমোময় ভবিষ্যৎ! (শিশুকে নিরীক্ষণ করিয়া) আহা, শিশু যেন আমার বক্ষে থেকে আমার

অন্তরে ক'ব উপলদ্ধি ক'বে হাত ক'ছে। যেন চাঁদমুখে ব'লছে, “সত্য—সত্য প্রতারণা”। এখন কি করি! কোপার বাব—কোপার আশ্রয় পাব? এ-যে মহাভার আমার মস্তকে! এ অন্যথকে কিরূপে রক্ষা করি? কোন স্থানে রাজ-দূতের চক্ৰ আবার ক'রে এই শিশুকে লালন-পালন করি? স্থানে তুই নাই—সত্ত্বশ্রুত শিশুর উপায় কি ক'রবে? (নেপথ্যে পদশব্দ শুনিয়া) ওই বুঝি রাজ-দূত অধেষণে আসছে, লতা-শব্দে প্ৰকাশিত হই।

[অন্তরালে গমন।]

(অন্তরগগনস্থ চণ্ডাল-সর্দার ও তৎপত্নীর প্রবেশ)

চণ্ডাল। তোরা লোককে চামি ব'ললে যে, মাসীচুটার পিছ লে, ও হামাদের চাঁড়াল ঘরের জেনানা নয়—ডর মায়ে ভাগছে। ভালমাত্রেরে জানানা, দেখতো কত বুঝা বাত হ'লো। বনে কাঁহা খুসে যাবে, বাগা চাঁসাবে।

চণ্ডাল-পত্নী। আরে, মিলে, দেখ্ দেখ্—কাহার জানানা প'ড়ে!

চণ্ডাল। আরে, ছু'স্ না, ছু'স্ না—ভাল আদমির জানানা।

(পদ্মাবতীর পুনঃ প্রবেশ)

পদ্মাবতী। বাবা, বাবা, আমার রক্ষা কর।

চণ্ডাল। তু কে বেটী?

পদ্মাবতী। আমি হতভাগিনী, তোমার কস্তা। আমি এই সন্তান নিয়ে বিপন্ন, আমার রক্ষা কর।

চণ্ডাল। হামার বেটা—হামার বেটা! (পত্নীর প্রতি) এ মাগী, আজ বেটা পেলোবে—চাঁদমতন বেটা—চাঁদমতন নাতি!

চণ্ডাল-পত্নী। চল চল ঘরে নিয়ে যাব। বেটা নাই, বেটা নাই—হামার কাঁকা ঘর আলো ক'রবে! (পদ্মাবতীর প্রতি) আরে ভোর বেটাকে কি খিয়ালি? হামার পাশ মউ আছে, মিলেকে সরবৎ পিরাবো, তাই চাক তুড়েছি। বে বে, নাতি কোলে নে—খিয়াই।

(শিশুকে বক্ষে গ্রহণ)

চণ্ডাল। বেটা, এটা তোর কে? এটা তো মুদ্র হ'য়েছে; তুই ভাল আদমি, আমি লোক তো ছোঁবে না, ইটার কি হবে?

পদ্মাবতী। বাবা, ইনি আমার ভগ্নী, এঁরই এই অনাথপুত্র।

চণ্ডাল। এখন আর এর বেটা নয়—হামার নাতি; তোর বেটা, তুই পালবি।

চণ্ডাল-পত্নী। সর্দার, ইটা জালিয়ে দে না।

চণ্ডাল। দূর মাগী, আমি লোক ছোঁবে কেমন ধরা! তুই দেবছিস্ না, আমি কি হামার বেটাকে হামার হাঁড়ীর ভাত খিলাবো! বেটা রাখবে, হামারা বুড়া-বুড়ী মিলে বেটার সাধ খাব। এ বেটা, এখন কি করি, তুই বাতা না?

চণ্ডাল-পত্নী। এর আর সলা ক'রতে লারলি, কাট-কুটা চাপায়ে দে, বেটা হামার জালান ক'রে দেবে।

(করেকজন বৌদ্ধভিক্ষুর প্রবেশ)

১ম বৌদ্ধ। এই সেই শিশু! (পদ্মাবতীর প্রতি) মা, উদ্বিগ্ন হ'য়ো না, আমরাই শবদেহ সংস্কারের নিমিত্ত আগমন ক'রেছি। (চণ্ডাল-সর্দারের প্রতি) সর্দার, তুমি নিশ্চিন্ত হ'য়ে এঁরে নিয়ে যাও, আমাদের তো জ্ঞান।

চণ্ডাল। ভিক্ষু-বাবারা এয়েছে, মুদ্রের কাম হবে। চল বেটা চল, তোর বাপের ঘরে থাকবি চল।

[বৌদ্ধভিক্ষুগণ ব্যতীত সকলের প্রস্থান।]

১ম বৌদ্ধ। (চক্রকলার মৃতদেহ লক্ষ্য করিয়া) ইনি মহাপুরুষের গর্ভধারিণী। গুরুদেব উপশুশ্রূষার আজ্ঞা, কোন পবিত্র স্থানে এঁর সংস্কার্য সম্পন্ন হবে। চল, আমরা মৃতদেহ ল'য়ে যাই।

[মৃতদেহ লইয়া সকলের প্রস্থান।]

অষ্টম গভাংক

দুর্গ-সম্মুখস্থ প্রাস্তর

অশোক, রাধাশুশ্রূ, সেনানায়কগণ, সভাসদগণ ও সৈন্তগণ।

অশোক। হে ভক্তশিলাবাসী বীরগণ, হে উজ্জয়িনী-বাসী বোদ্ধবর্ণ, তোমাদের অসীম সাহসে পাটলিপুত্রের সেনা নিরস্ত হ'য়েছে; বিদ্রোহী সেনাপতি হত হ'য়েছে। এক্ষণে তোমরা জনে জনে নিজ নিজ দলবলে মমভাপুত্র হ'য়ে চতুর্দিকে শত্রু সংহার কর। যে স্থানীর পক্ষ, তারে সর্বথয়ে নিধন কর; এতে বালক, বৃদ্ধ, নারী বধে ঘৃণা ক'র না।

সেনানায়কগণ। জয় রাজাবিরাজ অশোকের জয়!

অশোক। যাও—বর্ন, গুপ্তহানে, বেধানে শত্রু লুকাইত—সেইখানে অহুসন্ধান ক'রে বধ কর। যাও, চতুর্দিকে অহুসন্ধান কর।

সেনানায়কগণ। জয় মহারাজ অশোকের জয়!

[সেনানায়কগণের প্রস্থান।

অশোক। মন্ত্রী, সুশীম-পত্নীর বধ-সংবাদ পেয়েছ?

রাধাগুপ্ত। না, মহারাজ, তাঁরে কেউ অহুসন্ধান ক'রে পায় নাই।

অশোক। কোন্ অযোগ্য ব্যক্তির হস্তে কার্যভার অর্পণ ক'রেছিলে? পুনরীর অহুসন্ধান ক'রতে বল, কোথাও লুকাইত আছে।

রাধাগুপ্ত। মহারাজ, সর্বত্রই অহুসন্ধান করা হ'য়েছে, কোথাও তাঁর নিদর্শন নাই।

অশোক। নগর-দ্বারে সতর্ক প্রহরী নিযুক্ত কর; কোনরূপ ছদ্মবেশে লুকাইত ভাবে না পলায়ন করে!

রাধাগুপ্ত। মহারাজ, সতর্ক প্রহরীই আছে।

অশোক। পত্নী রাত্রি কে নগরের বাহিরে গিয়েছে, সংবাদ গ্রহণ ক'রেছ?

রাধাগুপ্ত। রাজমাতার সহমরণ-উৎসবে যে সকল চণ্ডালেরা পথ পরিকৃত ক'রেছিল, তারাই কেবল রাজাদেশে নগর পরিত্যাগ ক'রে যায়, অপর জনপ্রাণী নগরের বাহিরে যেতে পারে নাই।

অশোক। তাদের সহিত রমণী ছিল?

রাধাগুপ্ত। আজ্ঞে তারা নর-নারীতেই কার্য্য করে।

অশোক। তাদের মধ্যে অহুসন্ধান ক'রতে দূত প্রেরণ কর।

রাধাগুপ্ত। মহারাজের অভিপ্রায়মত কার্য্য হ'য়েছে, কিন্তু তাদের মধ্যেও কোন অহুসন্ধান পাওয়া যায় নাই।

অশোক। তবে কোথায় গেল?

(বীতশোকের প্রবেশ)

বীতশোক। মহারাজ, অন্তঃপুর হ'তে মহারানী কোথায় গিয়েছেন।

অশোক। সে কি! কোথায় গেল—অহুসন্ধান কর।

বীতশোক। চতুর্দিকে অহুসন্ধান ক'রে কোন সংবাদ পাওয়া যায় নাই।

অশোক। তবে নিশ্চয়ই শত্রু কর্তৃক নিহত হ'য়েছেন।

বীতশোক। মহারাজ, তাঁর কোনরূপ সম্ভাবনা নাই।

অশোক। জাননা, নিশ্চয় শত্রুর কার্য্য। নিশ্চয়ই শত্রু—চতুর্দিকে শত্রু! রাজ-আজ্ঞা এঁচার কর, যদি কল্যাণেতে রাজরাণীর কোন না সংবাদ পাওয়া যায়, সমস্ত পাটলিপুত্র ভস্ম হবে। এখন রাজ্যে শত্রু লুকাইত আছে; যত দিন না তারা সমূলে নির্মূল হয়, দোষী-নির্দোষী বিচার নাই, সকলের প্রাণ সংহার হবে। যাও, আজ্ঞা এঁচার কর; যাও—কি নিমিত্ত দণ্ডায়মান?

বীতশোক। মহারাজ, সকল কার্য্য সকলের দ্বারা সম্ভব নয়, দাস এ কার্য্যে অপারক।

অশোক। তুমিও শত্রু, তোমার প্রাণ বিনাশ হবে।

বীতশোক। আমি শত্রু নই, আমি রাজভৃত্য—রাজ-দাস। কিন্তু নিরীহ ব্যক্তির প্রাণবিনাশ যে জার-সদৃশ নয়, এ কথা মূঢ়া উপেক্ষা ক'রেও মহারাজকে পুনঃপুনঃ নিবেদন ক'রব।

অশোক। বীতশোক, আমার তুমি কঠিন ব'লে ভিন্নকার্য্য ক'চ্ছ,—তুমিও হুংখিনীর পুত্র—সত্য, কিন্তু আমার জার কঠিন শিক্ষায়ে শিক্ষাপ্রাপ্ত হও নাই। নির্ধর্ম শিক্ষক তোমার দীক্ষাদান করেন নাই। যাও মন্ত্রী, আজ্ঞা এঁচার কর।

[রাধাগুপ্তের প্রস্থান।

(আকালের প্রবেশ)

আকাল, তুমি কোথায় গিয়েছিলে?

আকাল। একটা জিনিস খুঁজতে।

অশোক। কি জিনিস?

আকাল। মহারাজের মেজাজ।

অশোক। আকাল, তা আর খুঁজে পাবে না।

ঘোর জদর-বটিকা উড়িয়েছে স্বভাব আমার,

ঘোর ঘূর্ণবায়ু—

শত্রুর উত্তাপে বায়ু অতীব প্রবল—

বহিবে তুমুল ঝড়—

বারিঘারা সম হবে শোণিত বর্ষণ—

তবে শান্ত হবে এ বটিকা।

নহে মহামার—

নিস্তার নাহিক আর কার।

সহিরাছি বিস্তর পীড়ন,
পীড়নে করিব মোর শাসন স্থাপন।

(মারের প্রবেশ)

মার। জয় নরদেহী দেবরাজের জয়!

আকাল। বাবা, দানব না দত্তি যে তুমি হও, মহা-
রাজকে সহস্রলোচন ইচ্ছটা ক'র না। মাথায় গায়ে লোচনের
উপর রাজপোষাক, রাজমুকুট প'রে মহারাজ চোখ-কর-
করানিতে অস্থির হবেন।

মার। সপ্তস্বয়ামপ্রভাব জয় মহারাজ অশোকের
জয়!

আকাল। দানব-বাবা, স্থিয়া দেবতাটাও ছাড়ান দাও।
স্থিয়া হ'লে মহারাজের সমস্ত দিন রোদে ঘুরে মাথা ধ'রবে।
আর গোটা দুই দেবতা ছেড়ে—এই চন্দ্রটা, তাহ'লে রাত্রে
ঘুমেতে হবে, আর কলায় কলায় ফ'ইতে হবে; আর পবনটা,
তাহ'লে স্থষ্টির গোককে বাতাস ক'রে সারা হ'বেন—এই
গোটা চার দেবতা ছাড়ান দিগে মহারাজকে তেত্রিশকোটি
দেবতার মধ্যে যেটা ইচ্ছা হয়, ক'রে দাও।

মার। তুমি আমার সঙ্গে ব্যঙ্গ কর?

আকাল। করি, তোমার আক্কেলে।

মার। মহারাজ, দেখুন—আমার সমস্ত গণনাই সত্য;
দেখুন—রাজরাণী নিরুদ্ধেশ। অপর গণনাও যে সত্য, তা
অচিরে জানবেন।

(কুনালের প্রবেশ)

অশোক। কুনাল, তুমি মলিন কেন? তুমি কি
তোমার মাতৃ-অদর্শনে বিষম হ'য়েছ? শীঘ্র রাজদূত শত্রুর
অভিসন্ধি ভেদ ক'রে তোমার মাতাকে উদ্ধার ক'রবে। তুমি
যে রাজ-প্রসাদ প্রার্থনা কর, যে রাজ্যভার গ্রহণে অভিলাষী,
এই দণ্ডে তা প্রাপ্ত হবে।

কুনাল। মহারাজ, আমি রাজ্য-প্রার্থী নই। মহারাজ
রাজ্যভার প্রদান ক'রলে, সে ভার আমি ত্রিচরণে পুনরর্পণ
ক'রব। স্বর্গগতা রাজ-মাতার উপদেশে দানের হৃদয়ঙ্গম
হ'য়েছে যে, মানবের মার্ক্জনাই একমাত্র রত্ন। আমি
নিশ্চয় ত্রিচরণে নিবেদন ক'ছি, জননী কোন মঙ্গল-কার্যে
আত্মগোপন ক'রেছেন। মহারাজ ভক্শিলার গমনাবধি—
মহারাজের মঙ্গল-কামনায়—অনশনে, অর্জ্জ্বানে দেবকার্যে

নিযুক্ত থাকতেন। কেবল রাজ-মাতার সেবার জন্ত এক
একবার দেব-মন্দির হ'তে বহির্গত হ'তেন।

অশোক। আমার মঙ্গল-কামনায়? তাই আত্মগোপন
কুনাল। হাঁ মহারাজ, রাজ্যে যেকোন অনিষ্ট উৎপ
হ'ছে, রাজ্যের মঙ্গলকামনা নিতান্ত প্রয়োজনীয়।

অশোক। কুনাল, তুমি রাজ-মাতার পরম আদরে
ছিলে। তোমার ও তোমার পিতৃব্যের ভার চিতারোহণ
কালীন তিনি আমার উপর অর্পণ করেন। সেই জ
রাজ-কোণে তোমাদের উভয়েরই নিস্তার; কিন্তু আমি
অনুমতি ব্যতীত যদি তোমার মাতা আত্মগোপন ক'র
থাকেন, তাহ'লে রাজদণ্ডে দণ্ডিত হবেন। যাও, আমি
সম্মুখে অবস্থান ক'র না।

কুনাল। মহারাজ, দাস তো রাজ-প্রসাদ প্রাপ্ত হয় নাই
অশোক। হাঁ, আমি প্রতিশ্রুত—কি প্রসাদ বল?

কুনাল। মহারাজ, নিরীহ পাটলিপুত্রের প্রজাবর্গে
প্রাণনাশের যে কঠিন আজ্ঞা প্রচার হ'য়েছে, তা প্রত্যাহা
করুন।

অশোক। তোমার পিতার বাক্য লঙ্ঘন হয় না
রাজ-প্রসাদ-স্বরূপ আদেশ প্রত্যাহার ক'রব, কিন্তু তোমা
জননীর প্রাণবধ হবে।

কুনাল। মহারাজ, যদি শত-সহস্র ব্যক্তির জীবন রক্ষ
হয়, জননী হস্তমুখে শ্রুতদণ্ড গ্রহণ ক'রবেন।

[প্রণাম করিয়া কুনালের প্রস্থান]

মার। মহারাজ, সুবিচার করুন, আমার সমস্ত গণনা
সত্য কি না, বলুন? দেখুন, আপনার পত্নী নিরুদ্ধেশ
পুত্র রাজ-প্রসাদ-স্বরূপ রাজ্য অবাধ্য হ'য়ে উপেক্ষা ক'রলে
যদি সত্য হয়, আমার কথায় প্রত্যয় করুন, আপনি ইহ
পাপের দণ্ডবিধানের জন্ত ধরাতলে অবতীর্ণ হ'য়েছেন।

অশোক। হাঁ, আমি ইচ্ছ—কিন্তু পাপের দণ্ডবিধা
ক'রব, সে পরামর্শ প্রদান কর।

আকাল। মহারাজ, দাসের মিনতি, দানবের কথ
প্রত্যয় ক'রবেন না; দানব সত্য বলে প্রতারিত করে।

অশোক। আকাল, স্মরণ কর—বধন প্রবাসে তু
আমার সাথী হও, আমি তোমায় নিবেদন ক'রেছিলাম
তুমি কি জান না, আমিও দানব। দানবের পরাম

অবশ্য গ্রহণ ক'রবে। (মারের প্রতি) কি পরামর্শ বল ?
অগ্রে বল, রাজমহিষী কোথায় ?

মার। মহারাজ, রাজরাণী মহারাজের কোন বলবান
শত্রুর শক্তিতে আচ্ছাদিত। সে শক্তি ভেদ ক'রবার আমার
সামর্থ্য নাই, তথায় আমার দৃষ্টি অন্ধ।

অশোক। কে আমার শত্রু জান ?

মার। বুদ্ধ।

অশোক। কোথায় সে শত্রু ?

মার। মহারাজ, সে শত্রু ইচ্ছায় আকারধারী, ইচ্ছায়
নিরাকার হ'তে পারে। তার সহিত শত্রুতার একমাত্র
উপায়—হিংসা। মার্জনা রাজ-হৃদয় হ'তে একেবারে
পরিত্যাগ করুন, নর-হিংসায় দৃঢ় হ'ন, তাহ'লে সে শত্রু
ক্ষুদ্র হবে।

অশোক। আমি দৃঢ়ংকল্প।

মার। মহারাজ, আপনি যে ইচ্ছা, তার আর এক
প্রমাণ প্রদান করি। আজ্ঞা দেন, এই মুহূর্তে প্রাস্তুর বিস্তৃত
হৃদরূপে পরিণত হবে, হৃদ-বক্ষে স্বন্দর পুরী নির্মিত হবে,
সেই পুরীতে পাপীর প্রলোভনের নিমিত্ত অপ্সরাগণের নৃত্য-গীত
হবে। প্রলোভিত হ'য়ে যে ব্যক্তি সেই পুরী প্রবেশ ক'রবে,
জানুবেন সে পাপী, রক্ষকের প্রতি আজ্ঞা দেবেন, তার যেন
প্রাণবধ হয়।

অশোক। কই, তোমার বর্ণনা-অনুসারে পুরী নির্মিত
হ'ক।

(প্রবল ঝটিকা এবং মেঘমালায় আবির্ভাব)

সকলে। এ কি প্রলয় অন্ধকার !

[অশোক, মার ও আকাল ব্যতীত সকলের পলায়ন।

আকাল। দেখি, বেটা দানব তোর কীর্ত্তিটে, একটা
প্রাণ বই তো নয়।

মার। মহারাজ, চিন্তিত হবেন না ; আপনি মেঘবাহন,
মেঘদল আপনার পূজার নিমিত্ত উপস্থিত।

অশোক। না না, তিলমাত্র নহিক চিন্তিত।

কর যোর প্রলয় গর্জনে মেঘদল,

করি নিজ হৃদয়ের ছায়া দরশন ;

বহ বহ প্রবল পবন,

প্রবল ঝটিকা বধা

আলোড়িত করিছে অন্তর—

আলোড়ন কর ধরাভল।

চূর্ণ কর স্বন্দর যে বস্তু আছে যথা ;

ধ্বংস হ'ক মানবমণ্ডল,

মম কোপানল-অনুরূপ প্রলয় দামিনী

সহস্র দলকে দলি উগার' প্রলয় ধারা—

বজ্র-হৃদয়ের মম হেরি ছায়ারূপ !

(সহসা ঝটিকা ও মেঘমালায় অন্তর্ধান এবং প্রাস্তুর হ্রদে
পরিণত হওন, হ্রদ-মধ্যে দৃশ্যমান পুরী)

(চণ্ডগিরিকের প্রবেশ)

মার। মহারাজ, আমার এই ব্যক্তিকে পুরী-রক্ষক
নিযুক্ত করুন। আজ্ঞা দেন, যে পুরী প্রবেশ ক'রবে, তার
প্রাণবধ ক'রবে।

অশোক। যাও, সাবধানে পুরী রক্ষা কর ; কোন
প্রবেষ্টা যেন না বাহির্গত হয়।

মার। মহারাজ, এইবার কলিঙ্গ-দমনের নিমিত্ত শীঘ্র
প্রস্তুত হ'ন। কলিঙ্গরাজের এতদূর দস্ত যে, সে স্বয়ং সম্রাট
ব'লে পরিচয় দিতে কুণ্ঠিত হয় না।

অশোক। কলিঙ্গের অবজ্ঞা আমি বিশ্বস্ত হব না, কি
অগ্রে গৃহ-শত্রু দমন করি। নিশ্চয় জেন'—কলিঙ্গ আমি
কোপে ভস্মসাৎ হবে।

মার। শুনুন, মহারাজ, অপ্সরাগণের সঙ্গীতে—বাঁশী
রবে হরিণ যেমন মুগ্ধ হয়, পতঙ্গ যেমন অগ্নি-অভিমুখী হ
পাপীরা সেইরূপ মুগ্ধ হ'য়ে পুরী প্রবেশ ক'রবে।

(পুরী-মধ্যে মার-সঙ্গিনীগণের নৃত্য-গীত)

এসেছি বড় সাধ ক'রে।

করি গান যনের টানে, শোনাই যার মনে ধরে।

যে বোঝে বেদনা, তার থাক'বে কেনা সখাই বাসনা,

গানে জানাই ব্যথিত জনে, কত ব্যথা অন্তরে।

দরদী মিনে, দরদ কে জানে—

বেদরদীর দরদ নাই প্রাণে ;

ব্যথার ব্যথিত হ'লে পরে, ব্যথার ব্যথা নেয় হরে।

তৃতীয় অঙ্ক

প্রথম গর্ভাঙ্ক

কলিঙ্গ-দুর্গ-সম্মুখ

অশোক, সেনানায়ক ও সৈন্তগণ।

অশোক। হের, শূত্র দুর্গ—প্রাচীরে নাহিক আর অরি;
শূত্র রাজপুত্রী, শূন্য এ নগরী,
কিন্তু নহে শ্রম অবসান।
কলিঙ্গ-ঈশ্বর—গর্জিত বর্ষর
মধ্য-দুর্গ ক'রেছে আশ্রয়।
এখন' আশ্বাস তার মনে,
সুবিশাল পরিখা-বেষ্টনে
আক্রমণ রোধিবে আমার।
কি আশ্চর্য্য। এত দিনে জন্মে নাই জ্ঞান—
বজ্রধারী-অরি-অস্ত্রে চূর্ণ হয় মেরু।

১ম সেনানায়ক। হের, মহারাজ,
দুর্গমাঝে মেঘাকারে উঠিতেছে ধুম।

অশোক। বুঝি, করিবারে মম অসিরে বঞ্চনা,
নেছে পরিবার সনে অগ্নির আশ্রয়।
যাও, কেহ আনহ সংবাদ।

২য় সেনানায়ক। একাকী আসিছে এক সৈনিক এদিকে,
হইতে শরণাগত বুঝি বা বাসনা।

(কলিঙ্গ-সৈনিকের প্রবেশ)

কলিঙ্গ-সৈনিক। আরে দানব, আরে নর-রাক্ষস, বিফল
তোর আকিঞ্চন! তোর অধীনস্থ স্বীকার অপেক্ষা আহত
ভূপাল সবাঙ্কবে, সপরিবারে অগ্নি-প্রবেশ ক'রেছেন। তোর
দানবীয় কর্ণে সংবাদ দেবার জন্ত একমাত্র আমিই জীবিত।
শৌন নরাধম, গর্জ করিস্ নে! জয়-পরাজয় দৈবাবীন,
কিন্তু কলিঙ্গ-গৌরব ক্ষুণ্ণ নয়। বার বার যুদ্ধে কলিঙ্গের
বিক্রমের পরিচয় পেয়েছি। শুনেছি, তুই আপনাকে ইন্দ্র
বলে স্পর্ধা করিস্। যদি সাহস হয়, একাকী আমার সহিত
যুদ্ধে প্রযুক্ত হ; যদি পরাজিত হই, সত্যই তোরে ইন্দ্র

বলে স্বীকার করব; নচেৎ—ভীকু কুকুর নামে জগতে তো
প্রচার হবে।

[অশোকের সহিত যুদ্ধান্তে কলিঙ্গ-সৈনিকের পতন

অশোক। টেনে কেগ দূরে—

কুকুরের ভক্ষ্য হোক রসনা উহার।
কুণ্ঠিত নহিক আর প্রতিজ্ঞা-পালনে—
ভস্মসাৎ কলিঙ্গ হইবে।

যাও চতুর্দিকে—

হন হন, বধ বধ যথা পাও যারে।
আবাল-বনিতা-বৃদ্ধ করহ সংহার,
অগ্নি দাও প্রতি ঘরে ঘরে,
প্রজ্জ্বলিত শিখা দৃষ্ট হ'ক দূরদেশে,
রণশ্রম শান্তি কর শোণিত-প্রবাহে।

[অশোকের প্রস্থান।

১ম সেনানায়ক। মহারাজের এ কি কঠিন আজ্ঞা! শ
পরাজিত, কালব্যাপী যুদ্ধে প্রজা নিপীড়িত, তাদের হত
করা বীরের কার্য্য নয়।

২য় সেনানায়ক। মহাশয় কি রাজ-কোপে হত হ'ক
প্রস্তুত? উনি স্বয়ং ভ্রমণ ক'রে দেখবেন, দয়ায়
তার কার্য্য অবহেলা করে কি না। মহারাজের ক
আজ্ঞা-পালনে হৃদয় বিদীর্ণ হয়। কিন্তু রাজ-আজ্ঞাবা
হব—প্রতিজ্ঞা ক'রে অস্ত্রধারণ ক'রেছি, আমরা অনন্তোপা
[সকলের প্রস্থান

দ্বিতীয় গর্ভাঙ্ক

নর-শোণিত-প্লাবিত ও শবদেহাচ্ছাদিত কলিঙ্গ নগর

(অনুচরণ সহ মারের প্রবেশ)

মার। হের, ওরে বোধহীনগণে,
কি কারণে অশোকে ক'রেছি রাজ্যেধর!
হের, স্থলে স্থলে স্তম্ভাকার শব,
মাংসাহারী-বন্দ দেহ ল'য়ে,
শৃগালের আনন্দের রোল দিবানিশি,
লক লকে অগ্নি-জিহ্বা গগনমণ্ডলে!

শুন, চারিদিকে রোদনের ধ্বনি,
নরশ্রোত ধায় বন পথে,
কেহ অনাহারে পথে প'ড়ে মরে ;
জীবিত আহত দেহ টানিছে শৃগাল !
তথাপিও নহে শাস্ত শানিত আয়ুধ,
বধে বৃদ্ধ-বালক-বনিতা,
টল টল আরক্ত মেদিনী রক্ত-ধারে !
নাচ, গাও, আজি মহা আনন্দ-উৎসব ।
বৃদ্ধ-পর্যাপ্ত—

জয়ধ্বনি তোল' সবে মিলি ।
সকলে । জয় জয় দুহুতি-জনক !
জয় জয় লোকক্ষয়কারি !

(সকলের গীত)

হিংসা-ধেবে ধরা পূর্ণ হবে,
সমর ঘোর ধর শোণিত ব'বে,
ব্যাপিবে দশদিশি হাহা রবে,
জয় জয় জয়—বোধিসত্ত্বপরাজয় !
পর-ঈর্ষ্যা-রত —নর-হৃদয়-ব্রত,
অনলে গরলে হবে দলিলে হত,
শুণ্ড তাক্স ছুরি খেলিবে শত ;
মারে পরাজয় কে করে কবে,
এ বিশাল ভবে —কি ভয় তবে ?
জয় জয় জয়— অস্তর অস্তর—
বৌদ্ধধর্ম পাবে লয় ।

—

তৃতীয় গর্তাঙ্ক

কলিঙ্গ—অশোকের শিবির

অশোক ও আকাল ।

অশোক । আছিলাম দীন, ঘৃণ্য, স্বদেশ-ভাঙিত,
এবে অদৃষ্ট-প্রভাবে আমি ভারত-ঈশ্বর ।
স্বমেরু কুমেরু মম শাসন-অধীন,
বিশাল কলিঙ্গ রাজ্য মম করতল ।
দানব শাসন মানে অধীনে আমার,
নির্দোষ ক'রেছে পুরী ইন্দ্রের সমান ।

সত্য যদি ইন্দ্রের না হই অবতার—
ইন্দ্র যথা স্বর্গপুরে অমর-প্রধান—
ধরায় নাহিক কেহ আমার সমান ।
পণ মম অবশ্য করিব সম্পূরণ,
আধিপত্য করিব স্থাপন
স্থলে জলে পবনে গগনে ।
জলচর ভূচর খেচর
আনত মস্তকে মোরে পুজিবে সকলে ।

আকাল । হ্যাঁ, মহারাজের যে একাধিপত্য—তা ঠিক ।
স্থল—নর-অস্থিতে সাদা, জল—নর-শোণিতে আরক্ত,
গগনে হাহাকার-ধ্বনি উঠছে, আর গৃহ দগ্ধ হ'য়ে সেই
আলোকে জগৎকে দেখাচ্ছে—আপনার কি বিস্তৃত আধিপত্য !
বাকী ছিলেন সূর্য্যদেব, তিনি আপনার কলঙ্ক-ছায়ায় মুখ ঢাকা
দেবেন ।

অশোক । কি ! প্রতিদ্বন্দ্বী রাজার দর্প চূর্ণ ক'রব না ? যে
সমস্ত রাজত্ববর্গের সমুখে আমার উপেক্ষা ক'রেছে, তার
দণ্ডবিধানে পরাভূত হব ?

আকাল । তাও কি হয়, তাতে যে পুরুষার্থে থাটো হ'তে
হবে ! লক্ষ লক্ষ লোক অস্ত্রের দ্বারা বধ, ছুর্ভিক্ষে বধ, অগ্নিদগ্ধ
হ'য়ে বধ, জলমগ্ন হ'য়ে বধ, বনে বন্যপশু কর্তৃক বধ, এ যে
না ক'রতে পারলে, সে কি রাজা ! রাজাকে লোকে দেখ'বে
কেমন ? যেন যমের মাস্তুলতো ভাই । কবে ম'রবে—তাই
আবালবৃদ্ধ কামনা ক'রবে । যে দেশে আপনার মত তেজস্বীন
রাজা থাক'বে, সে দেশের লোক পাখীর গান শুন'বে না, ফুল
ফোটা দেখ'বে না, ঘরে বাস ক'রবে না, মাঠ থেকে শস্ত
কেটে এনে রাঁধ'বে না—তা না হ'লে আর স্থলে, জলে,
পবনে অধিকার বিস্তার কি হ'ল ? পাখী প্রাণ-ভয়ে সাগর-
পারে পালাবে, ফুলের মুখ গুড়ে ছাই হবে, মাঠে লাঙ্গলই
প'ড়বে না—তা শস্ত হবে কি ! আর প্রজার ঘর গুড়ে ধাবে,
দ্বিবি নীল আকাশের তলায় স্নেহে মহানিদ্ৰায় শয়ন ক'রবে ।

অশোক । কিছু কঠোর আজ্ঞা প্রচার ক'রেছি সত্য ।
যদি প্রজারা বশ্যতা স্বীকার ক'রত, এরূপ কঠোর আজ্ঞা
দিতোম না । মূঢ়েরা বুঝতে পারে নাই, আমি কে ?

আকাল । মহারাজ, আগে আমরাই বুঝতে পারি নাই,
এখন ক্রমে বুঝছি ।

অশোক । কি বুঝছিল ? আমি ইন্দ্রের স্তায় পরাক্রম-

শালী নই ?

(আকালের পুনঃ প্রবেশ)

আকাল। আজে তা জানিনে, তবে শুনেছি, ইচ্ছা অহুয়ারি, আপনি অহুরের সখা।

তুই কোথায় ছিলি ?

আকাল। আজে, শিবিরের এক পার্শে।

অশোক। অহুরের সখা !

অশোক। কেন ?

আকাল। মহারাজ সহস্রলোচন হ'তে চাচ্ছেন, কিন্তু ছ'টি চক্ষু যা আছে, তাও অন্ধ। নইলে বৃষ্-তেন, যার কুহকে রাজ্য-মধ্যে অকস্মাৎ হ্রদ হয়, হ্রদ-মধ্যে রক্ত-নির্মিত পুরী হয়, যার যানে শতক্রোশ একদিনে আসা যায়—মহারাজ, সে মানুষ হ'লেও দানব ! দানবের প্ররোচনায় এ রাজ্য ছারখার ক'রেছেন। এর নাম আধিপত্য নয়—এর নাম লংহার।

আকাল। কে জানে, বার বার ভাবি, মহারাজের কাছ থেকে পালাই, কে যেন আবার টেনে আনে।

অশোক। আকাল, আমার মস্তিষ্ক দগ্ধ হ'চ্ছে।

আকাল। এই ক'দিন ধ'রে জাল দিচ্ছেন, ফুটবে না।

অশোক। কত রাত্রি ?

আকাল। অরুণ উদয় হ'য়েছে।

(নেপথ্যে সঙ্গীত-ধ্বনি)

অশোক। যা, এখন আমি রণশ্রান্ত, নিদ্রা যাব।

আকাল। যে আজে।

ক্রোধানল কেন হৃদয়ে জ্বলি,

পরম রতন দিব শান্তি ডালি,

চির শান্তি—শান্তি—শান্তি।

[আকালের প্রস্থান।]

অশোক। মস্তিষ্ক উত্তপ্ত—নহে নিদ্রা-আকর্ষিত।

পটুয়া-চিত্রিত দৃশ্যপটে যে প্রকার

শত শত দৃশ্য হেরে দর্শক সম্মুখে,

সেই মত এই রণক্রিয়া

আনিছে ভীষণ দৃশ্য মনোক্ষেত্রে মগ।

সত্য কথা, অধিকার বিস্তার এ নয় !

পাবে ডর নর মম নাম উচ্চারণে ;

মম ছায়া দরশনে—

মানিবে শমন দরশন !

ভীষণ—ভীষণ দৃশ্য জাগে মনোপটে।

দগ্ধ ঘর, জনশূন্য—সুন্দর নগর,

গগন-পরশি উচ্চ হাহাকার-ধ্বনি,

অভিনীত পুনঃ পুনঃ মস্তিষ্ক-মাঝারে।

করি শাস্ত ভাবে নিদ্রা-উপাসনা,

উত্তপ্ত মস্তিষ্ক যদি স্নিগ্ধ হয় তাহে।

(শয্যা শয়ন)

(অকস্মাৎ উদ্ভিত হইয়া) একি—একি—চতুর্দিকে আমার

মূর্তি ! আমি—আমি—লক্ষ লক্ষ আমি ! ছায়া নয়—

জীবিত মূর্তি ! সুওহীন, অঙ্গহীন, দীন, ক্ষীণ—ভিক্ষাপাত্র

ল'য়ে ভিক্ষা ক'ছি ! শত শত আমি—কোটা কোটা আমি !

—আমার সন্তান অনাথ—আমার পত্নী অনাথ—আমারই

পুত্রের পথে পথে ভিক্ষা ক'ছে, হৃৎপিণ্ডে অন্নভাবে ম'রছে !

একি—একি !—আকাল—

অশোক। কে ও—কে ও—কারা গান গেয়ে যাচ্ছে ?

ডাক, ডাক !

[আকালের প্রস্থান।]

এই তো আমি জাগ্রত—তথাপি তো দূরে ছায়ার তায় সেই

ভীষণ দৃশ্য। সেই কোটা কোটা আমি—শত প্রকারে

হুঃখভোগ ক'ছি ! নিশ্চয় আমি দানব দ্বারা অধিকৃত হ'য়েছি।

হায় হায়, আমিত এমন ছিলেম না ! বাল্যকালে ক্ষুদ্র

পতঙ্গের প্রাণ-বিনাশ দেখে আমার প্রাণে ব্যথা লাগত ;

তৃণের উপর পদবিক্ষেপ ক'রতে মনে হ'ত, তাদের ব্যথা

লাগবে। কি নির্ভরতা আমার প্রাণে প্রবেশ ক'রলে !

আকাল সত্য ব'লেছে ! নিশ্চয় সে দানব—তার দানব-প্রকৃতি

আমায় আশ্রয় ক'রেছে। পিতার বর্জন, সংসারের ঘৃণা,

অনাথ, দীন অবস্থায় একাকী পথে পথে ভ্রমণ—তাতে

আমি শাস্তিচ্যুত হই নাই। কি দৃশ্য—কি ভয়ঙ্কর দৃশ্য !

(উপসংপ্ত, আকাল ও বৌদ্ধ-ভিক্ষুগণের প্রবেশ)

তোমরা কি গান ক'ছিলে—গান কর।

(ভিক্ষুগণের গীত)

ক্রোধানল কেন হৃদয়ে জ্বলি,

পরম রতন দিব শান্তি ডালি,

চির শান্তি—শান্তি—শান্তি !

বহু করি ধরি হৃদয়ে জ্বি,

কেন ধ্বংস-তাড়ন নিয়ত সহি,

একি—একি—জাতি—জাতি !

জ্ঞান চিত্ত, নাহি বাহিরে অরি,
অন্তরে রাখিয়াছ আদর করি,
ঠেকিয়ে শেখ, অরি—কিবকে দেখ,
আসিয়ে ভবে, যদি মানব হবে,
বিমল হৃদে হের শান্তি,
অন্তময় কিবা কান্তি,
কিবা কান্তি—কান্তি—কান্তি !

অশোক । আবার !

উপগুপ্ত । কি মহারাজ ?

অশোক । তোমরা কে ?

উপগুপ্ত । আমরা বৌদ্ধ, বুদ্ধদেবের উপাসক ।

অশোক । বুদ্ধদেব কে ?

উপগুপ্ত । নির্মল হৃদয় ব্যতীত কে তিনি, বোঝা না ।

অশোক । ইস—কি ভীষণ !

উপগুপ্ত । কি মহারাজ ?

অশোক । বলতে পার, আমি তন্ত্রা-আকর্ষিত হ'য়ে
শ্রম দেখেছি—জাগ্রত অবস্থাতেও যেন সেই স্বপ্নের
। দেখছি । আমার যেন কোটা কোটা মূর্তি হ'য়েছে—
ট মস্তকহীন, কেউ অঙ্গ-হীন, কেউ বা দীন দরিদ্র বুড়ু,
' স্ত্রী-পুল অনাভাবে ম'রছে, কার' গৃহ দগ্ধ, গৃহানলে
দ্রায়-স্বজন দগ্ধ—এ কি ভীষণ স্বপ্ন !

উপগুপ্ত । স্বপ্ন নয়—সত্য, মহারাজ, দৃশ্য সম্পূর্ণ সত্য !

অশোক । সত্য ! সত্য ! সত্য কি ?

উপগুপ্ত । মহারাজ, যত কোটা আপনার প্রতিমূর্তি
থছেন, তত কোটা বার আপনাকে জন্মগ্রহণ ক'রতে
। কলিঙ্গে যত ব্যক্তি আপনার পীড়নে হত হ'য়েছে,
সেই এক এক জনের যন্ত্রণা এক এক জন্মে ভোগ ক'রে
ত জীবন অবসান হবে ।

অশোক । কেন ? কেন ? মিথ্যা কথা !

উপগুপ্ত । মিথ্যা নয়, মহারাজ !

শুন, বুঝ, কর্মের প্রভাব ।

কর্মের প্রভাবে

কর্মগত দেহ ধরে জীব,ে,

ভোগে হয় কর্ম অবসান ।

আসিয়ে কলিঙ্গপুরী ক'রেছ শ্রম

তোমার আজায়

অস্ত্র-বায় মৃত যে সকলে—

সেই অস্ত্র অলক্ষ্য নিয়মে

স্পর্শিয়াছে তোমার অন্তরে !

হৃষ্ট সংস্কারে

বিজড়িত করিয়াছে অন্তর তোমার ।

যদবধি কর্মফল না হবে নির্ধারণ,

উৎকট কর্মের ফল অবশ্য ফলিবে—

দেহ ধরি পুনঃ পুনঃ অবশ্য ভুঞ্জিবে—

নিজ ভবিষ্যৎ-ছবি দেখায় অন্তর !

অশোক । একি, একি ! তবে আছে কি উপায় !

কর্মভোগে কিসে আমি পাইব নিস্তার ?

উপগুপ্ত । কথঞ্চিৎ কর্মনাশ কর্মে হয়, নূপ ।

যতদিন দেহে রয়ে প্রাণ,

সংকর্ম যতপি, রাজা, কর অনুষ্ঠান,

হ'তে পারে এক দেহে দণ্ড হৃৎকর্মের ।

দিয়ে আত্ম-বিসর্জন

লহ যদি বুদ্ধের শরণ,

হৃৎকর্মের বজ্র অংশ হইবে মোচন ।

কিন্তু তুমি সমাগরা-পতি,

আত্মত্যাগ কত দূর সম্ভব তোমার ,

মনে মনে বুঝ, মহারাজ !

চাহ তুমি জলে-স্থলে-শূন্যে অধিকার—

সেই অধিকার নাহি ক্রয় হয় বলে ।

প্রেম মাত্র মূলমন্ত্র বিশ্ব-অধিকারে ।

(প্রস্থানোত্তোগ)

অশোক । কোথায় যান—কোথায় যান ? আমার
পরিত্যাগ ক'রে যাবেন না, আমি আপনাদের দাস !

উপগুপ্ত । কর, ছুপ, স্বদেশে গমন,

কালে দেখা হবে আমার সহিত ।

[বৌদ্ধ-ভিক্ষুগণ সহ উপগুপ্তের প্রস্থান ।

আকাল । মহারাজ, উপেক্ষা ক'রবেন না, অন্তই যাত্রা

করুন ।

অশোক । আকাল, তুমি আমার হৃদবদ্ধ—তুমি আমার
উপদেষ্টা । চল, আমি স্বয়ং স্বদেশ-যাত্রার আজ্ঞা দিই ।

[উভয়ের প্রস্থান ।

চতুর্থ গর্ভাঙ্ক

বন-প্রদেশ

পদ্মাবতী ও ত্র্যগ্রোধ ।

ত্র্যগ্রোধ । শুন গো জননি, অস্ত্র আনন্দ সংবাদ !

দানি ত্রীচরণ-ধূলি, কল্যাণ-বচনে
কহিলেন গুরুদেব চিবুক ধরিয়ে—
“হে বৎস, সমাপ্ত অধ্যয়ন-এতদিনে ।”

গুরুবাক্য শিরোধার্য মম !
বাক্যে তাঁর করিলে বিশ্বাস,
জ্ঞানজ্যোতি অবশ্য প্রকাশ
হইবে নাশিতে মম অজ্ঞান-তিমির ।
কেন, মাংগো,

এ শুভ সংবাদে তব চক্ষে হেরি নীর ?

পদ্মা । বৎস, আছি প্রতিক্রান্ত তব গুরুর নিকটে—

যেই দিন সম্পূর্ণ হইবে অধ্যয়ন,
তোমাতে গুরুর কার্য্যে করিব অর্পণ ।
কাঁদে প্রাণ সে দিন স্মরিয়ে,
কেমনে বিদায় দিব তোরে—
ভীষণ সংসারক্ষেত্র-সমর-অঙ্গনে ।

ত্র্যগ্রোধ । মাংগো, জন্ম জন্ম তপস্যা করিয়ে

গুরুপদ একান্ত সেবিলে—
ভাগ্যবানে হয় গুরু-কার্য্য-অধিকারী ।
মহাকাব্যে নন্দনে অর্পণে
কেন, মা, বিষাদ ভাব মনে ?
হেন ভাগ্যোদয় বহু পুণ্যে হয়—
সকলি তো জ্ঞান, মাতা ।

পদ্মা । আরে আরে অভাগী-নন্দন,

গর্ভে তোরে করিনি ধারণ—
এ কঠিন পণ, বুঝি, ক’রেছি সে হেতু ।
নহে, হায়, আপন কুমারে
কেবা প্রাণ ধ’রে—

করে পণ পরকার্য্যে করিতে অর্পণ ।

ত্র্যগ্রোধ । কহ, মাংগো, গর্ভে যদি করনি ধারণ,

কহ, তবে, কোথা মাতা, কোথা পিতা মম ?

পদ্মা । রাজবংশে করিয়াছ জন্ম গ্রহণ ।

পাটলিপুত্রের নৃপ পূজ্য বিম্বসার,
সুসীম নামেতে তাঁর প্রথম কুমার—
তুমি তাঁর ঔরসে উদ্ভব ।

ত্র্যগ্রোধ । রাজবংশে জন্ম যদি, কহগো জননি,
বনে কি কারণে চণ্ডালের সনে
পালিত হইল এ অধম ?

পদ্মা । নিদারুণ বিবরণ শুন, যাহুঁমণি,
ভ্রাতৃহৃদে তব পিতা হত—
গর্ভস্থ সে কালে তুমি ;
করিতে সে বংশোচ্ছেদ হইল মন্ত্রণা,
মন্ত্রিগণে করিল কল্পনা—

রজনীতে বধিবারে তোমার মাতায় ।

চণ্ডালের বেশে মিলি চণ্ডালের দলে—

নর-নারী যাহারা সকলে

এসেছিল রাজপথ-মার্জ্জন-কারণ—

মিলি সেই চণ্ডালের দলে,

ভুলাইয়ে সতর্ক প্রহরী,

তাজি রাজপুরি

লইয়ে মাতারে তব করিছ পয়ান ।

পথশ্রমে ক্লান্ত মাতা তব

বনপথে হইল প্রসব,

পুত্রমুখ অভাগিনী হেরিল বারেক ।

কাতরে তোমাতে সঁপি মম করে

পরলোকগতা অভাগিনী ।

ত্র্যগ্রোধ । জীবনদায়িনী ধাত্রী কে তুমি, জননি ?

পদ্মা । যার সনে হৃদে তব পিতার নিধন,
গৃহিণী তাহার আমি, শুনহ কুমার ।

ত্র্যগ্রোধ । রাজরাণী—কানন-বাসিনী !

কতই সহেছ এই অনাথ-রক্ষণে !

পতিবাসে কি কারণে করনি গমন ?

কেন বা জননী সনে করিলে পয়ান ?

পদ্মা । ক্রণহত্যা, নারীহত্যা, এ অতিপাতকে,

তাজিলাম রাজপুত্রী, রক্ষিতে পতিরে ।

সঁপি তোরে করে, গৃহে যাব ফিরে ?

রাজার কুমারে

কেমনে চণ্ডালে দিব করিতে পালন ?

সে কারণে আছি এ অজ্ঞাতবাসে ।
সদা শঙ্কা চিঁতে, যদি কোন মতে
গুপ্তচরে জানে এ সন্ধান,
নিশ্চয় বধিবে তব প্রাণ—
চণ্ডালের সনে মিলে আছি সে কারণে ।

তুগ্ৰোধ । জগদ্ধাত্রী ধাত্রী-মা আমার !

যদি হয় সম্ভব কখন'
মাতৃধার আংশিক শোধিতে
বহু জন্ম-জন্মান্তরে—
তিলমাত্র ঋণ তব নাহি হবে শোধ !
মহা তপস্বিনী তুমি, বিনা তপস্যায়
আত্মজয় হেন কার সম্ভব সংসারে ?
ধর, মা, সাষ্টাঙ্গ প্রণিপাত !

পদ্মাবতী । হও, বৎস, গুরু-কার্য উদ্ধারে সক্ষম—
আশীর্বাদ অধিক না জানে ধাত্রী তোর ।

তুগ্ৰোধ । মাগো, চণ্ডালের বসতি এ বনে—
সর্বশাস্ত্র-বিশারদ সাধু সদাশয়
আমার শিক্ষার হেতু কোথায় পাইলে ?
কেমনে এ দাস তাঁর কৃপার ভাজন ?

পদ্মাবতী । পেয়েছি তাঁহারে, বৎস, তাঁহার কৃপায় ।

বসি বৃক্ষমূলে তোরে ল'য়ে কোলে—
অঁধি-জলে বক্ষ ভেসে যায়—
হেরিলাম তেজঃপুঞ্জ কায়,
মধুর বচনে সম্ভাষি দাসীয়ে
কহিলেন মহামতি—

“ভাগ্যবতি, সম্বর ক্রন্দন !

তব আত্ম-বিসর্জনে
জগজ্জনে মহারত্ন-লাভে
শাস্তিময়ী ধরায় রহিবে ভ্রাতৃত্বাবে ।
এই কুমারের ভার দেবতার,
আসিয়াছে দাস তাঁর শিশুর রক্ষণে ।
সর্বশাস্ত্র-সুপণ্ডিত হইবে নন্দন,
দেবতার কার্যে পুত্রে কর' সমর্পণ ।
শুদ্ধ-সত্ত্ব-জ্ঞানবান হইবে কুমার,
দেবকার্যে দানিতে করহ অঙ্গীকার ।”
পণে বদ্ধ সাধুর নিকটে—

জানিনে তখন, হুংপিণ্ড করিয়ে ছেদন
সংসার-পাথারে ফেলে দিতে হবে তোরে !

তুগ্ৰোধ । মাতঃ, সম্বর ক্রন্দন,
দেবকার্যে জন্ম যদি—সার্থক জীবন !
সার্থক পালন !
সার্থক, জননি, তব আত্ম-বিসর্জনে,
নারীরূপে দেবী তুমি ধরণী-মাঝারে !

(উপগুপ্তের প্রবেশ)

উপগুপ্ত । রাখ পণ, সমর্পণ করহ নন্দন ।

শুন, সাধি, কিবা মহা উচ্চ প্রয়োজন ।

মহাপাপে লিপ্ত তব পতি—

সিন্ধু ক্ষিতি শোণিত-ধারায়

নিষ্ঠুর আচারে তার ।

নির্ম্মিত স্মন্দর পুরী প্রান্তর-মাঝারে—

নৃত্য-গীত হয় অবিরত ।

মুগ্ধচিত তাহে যে প্রবেশে—

তারি প্রাণ নাশে

হত্যাকারী রাজচরণে ।

কত শত জীবন-সংহার

অহর্নিশি হয় অনিবার !

কুমার তোমার

হত্যাকাণ্ড করিবে বারণ ।

নিষ্ঠুর আত্মায় ভস্ম কলিঙ্গ নগর ।

নিবস্তুর ঘোর পাপ-ক্রিয়া

দমিত হইবে এই বালক-প্রভাবে ।

হবে ভূপতির মহা কল্যাণ সাধন—

পাপলিপ্ত মন বুঝিবে দুর্নীতাচার তার ।

প্রায়শ্চিত্ত-কার্য হবে তবে,

“অহিংসা পরম ধর্ম্ম” দেশে দেশে গা'বে,

“জয় বুদ্ধদেব” উচ্চ হইবে ধ্বনিত !

শাস্তিময় ধর্ম্মের বন্ধনে

একচ্ছত্র ধর্ম্মরাজ্য হইবে ধরায় !

পদ্মাবতী । হীনবুদ্ধি রমণীয়ে করহ মার্জনা !

নহে আজ' অতীত শৈশব,

কানন-নিবাসী শিশু ছিল অধ্যয়নে,

কেমনে সংসার-রণে করিয়ে প্রবেশ
অধর্ম-বিনাশে শান্তি করিবে স্থাপন ?
শান্ত কর—আকুল পরাণ ।

উপগুপ্ত । যোগ-বলে দিব্য দৃষ্টি দিতেছি কুমারে—
সর্বস্ত হইবে যেই দৃশ্য দরশনে ।
স্পর্শ কর বালকে, মা সাধবী ভাগ্যবতি !
যেই দৃশ্য নেহার ধরায়—
হইয়াছে, হয় যাহা, হবে ভবিষ্যতে—
আছে, হয়, হইবে অঙ্কিত ব্যোমপটে,
নর-চক্ষু-অগোচর তাহা—
কভু হেরে ভাগ্যবান জন ।

পট পরিবর্তন

দৃশ্য—আকাশমণ্ডল

[পাণ্ডহস্তে বুদ্ধদেবের প্রবেশ ও কূপ হইতে জল উত্তোলনকারিণী জটনক জ্বীলোকের নিকট মধুর দোকানের সন্ধান গ্রহণ । জ্বীলোকের অদূরে মধুর দোকান দেখাইয়া দেওন । বুদ্ধদেবের মধুর দোকানের সম্মুখে গমন এবং মধু প্রার্থনা । মধুবিক্রেতার বুদ্ধদেবকে পাত্র পূর্ণ করিয়া মধুদান । মধুবিক্রেতার অপর ছই ভ্রাতার প্রবেশ এবং বুদ্ধদেবকে মধু লইতে দেখিয়া এক ভ্রাতার বুদ্ধদেবকে তিরস্কার করণ ও অত্র ভ্রাতার ক্রোধে বুদ্ধদেবকে সমুদ্রগর্ভে নিক্ষেপ করিবার প্রস্তাব । বুদ্ধদেবের সকলকে আশীর্বাদ করণ—ভ্রাতৃদ্বয়ের বুদ্ধদেবের পদতলে পতিত হওন ।]

উপগুপ্ত । দেখ চেয়ে, পাত্র ল'য়ে করে
মধু হেতু কে আসে নগরে ;
হের, কে রমণী মহাপুরুষে দেখায়
কোথা মধুবিক্রেতা-আলয় ।
হের, ভিক্ষু ভিক্ষা করে মধু,
হের, মধু-ব্যবসারী
পাত্র পূর্ণ করে মধু দানে ।
হের ছই ভ্রাতা তার—
এক ভ্রাতা সাধুরে করিছে তিরস্কার,
ফেলিতে সাগরে ধ'রে কহে অস্ত্র জন ।
হের, নিত্য-নির্ভীক নরের আচার,
আশীর্বাদ করিছেন তিন জনে ;

পেয়ে দিব্য জ্ঞান
সাধুর সম্মান করিতেছে ভ্রাতৃদ্বয় ।
(পুনরায় পূর্ব দৃশ্য)
মধুদাতা - রাজ্যোখর অশোক নামেতে ;
তুমি—ওই মধুময়ী—দেবকার্য্যে অশোক-গৃহিণী
ফেলিতে সাগরে তাঁরে যাহার কল্পনা—
পুণ্যভূমি ভারত তাজিয়ে সাগর-মাঝারে
লঙ্কাধামে দিগ্‌হাসনে বসে সেই জন ;
করি তিরস্কার
চণ্ডাল-আবাসে স্থান হ'য়েছে তোমার ;
কিন্তু আত্ম-তিরস্কারে, দেব-দরশনে,
দিব্য জ্ঞানার্জনে, বাসনা বর্জনে,
ল'য়েছ কার্য্যের ভার চরণে মাগিয়ে—
আশৈশব নহ তুমি সংসার-পীড়িত ।
ভোগের কামনা ছিল অপর দৌহার —
ভোগ হেতু দগ্ধ হয় সংসার-কটোহে ।
কিন্তু অচিরে সে মধুদাতা—মধুদান ফলে—
বুদ্ধ-প্রতিনিধি রূপে
বিস্তীর্ণ ধরায় শান্তি রাজ্য করিবে স্থাপন—
বুদ্ধ দরশন বিফল না হবে ।
অধিকার লঙ্কায় যাহার—
মহাকার্য্যে সেও হবে প্রধান সহায় ।

অগ্রোধ । বুদ্ধদেব দেখেন দর্শন !
থুগেছে নয়ন—থুগেছে নয়ন—
বুঝিয়াছি কিবা হে হু জনম গ্রহণ !
জগদ্ধাত্রী মাতা, তব সার্থক পালন ;
কার্য্যে যাই—প্রণাম চরণে ।

পদ্মাবতী । জন্ম তব, ধরার কল্যাণে ;
কিন্তু কাঁদে প্রাণ
রমণীর সহজাত মায়ার বন্ধনে ।

উপগুপ্ত । ত্যজ শোক, মঙ্গলদায়িনি !
মঙ্গলা,—মঙ্গল হেতু জনম তোমার !
অজ্ঞান চণ্ডালগণে জ্ঞান-দান হেতু
অরণ্যবাসিনী তুমি হুরিতহারিণী ।

[সকলের প্রস্থান]

পঞ্চম গর্ভাঙ্ক

হৃদ-মধ্যস্থ মায়াপুরী-সম্মুখ

মার-অনুচর দ্বার-রক্ষকদ্বয়।

১ম রক্ষক। এতদিনে মারের রাজ্য পরিপূর্ণ হ'য়ে গেল।
কত সহস্র লোক বধ ক'রেছি। প্রভুর ইচ্ছা—পৃথিবীর সমস্ত
লোক তাঁর নরকে স্থান পায়।

২য় রক্ষক। অশোক রাজা থাকতে তা হবে। ওই
এক ঝাঁক লোক আসছে। ওরা গান ক'চ্ছে না কেন?

(সেতুপার হইয়া লোকগণের প্রবেশ)

১ম লোক। কি চমৎকার পুরী—যেন ইন্দ্রভবন!

২য় লোক। কত হীরে, মতি—যেন চাঁদ-সুঘ্যি-তারা
—সব বন্ধ বন্ধ ক'চ্ছে।

৩য় লোক। থামের একটা কাণ ভেঙ্গে বেচলে রাজ্য
কেনা যায়।

(পুরীর ভিতর হইতে নর্তকীগণের আগমন)

(নৃত্য-গীত)

সাধ সধা তারে হৃদয়ে ধরি।

বেই যতন জানে, তারে যতন করি।

নীরস প্রাণে কেবা আদর জানে,

জীবন-মৌরবন কি কল দানে,

এ তো মন না মানে—

আগুন আগুন রহি মানে;

রসিক বিনে, সহিব দহিব কত অভিমানে;

কি কাজ মেনে, গ্রেম-আশে কঁাদ যতনে পরি।

১ম নর্তকী। আনন্দ না, আনন্দ না, আনন্দ ক'রবেন

আনন্দ, কা'র মানা নাই। মহারাজ সকলের আনন্দের জন্ত
আনন্দ-ভবন প্রস্তুত ক'রেছেন।

৩য় লোক। ভাই, আমি যাব না, আমার কেমন গা
ছন্দ-ছন্দ ক'চ্ছে! দেখ—এ কোন মায়া—এমন কি পুরী
হয়! এখন আমার মনে হয়, আমাদের প্রাণে যারা এই
পুরী দেখতে এসেছিল, তারা তো কেউ ফেরে নাই?

১ম লোক। তুমি থাক' থাক'—চমকে ওঠ'। এ
আজব সহর, কত সব শোভা দেখে বেড়াচ্ছে। চল না,
যাওয়া থাক'।

[লোকগণের পুরী প্রবেশের উপক্রম।

(বেগে ত্রোগ্রোধের প্রবেশ)

ত্রোগ্রোধ। যেও না, এ মায়াপুরী, গেলে প্রাণবধ হবে।
আমায় স্পর্শ ক'রে দেখ—এরা সব মারের কিঙ্কর-কিঙ্করী।
দেখ—পুরী রত্ন-নির্মিত নয়, নারকী-মায়ায় নির্মিত। ওরা
সুন্দরী নয়, নরকের পিশাচিনী।

লোকগণ। (ত্রোগ্রোধকে স্পর্শ করিয়া) ওরে বাপ'রে!

[লোকগণের পলায়ন।

১ম রক্ষক। (জনাস্থিকে ২য় রক্ষকের প্রতি) দেখ—
ছোঁড়া কি সব মন্ত্রণা দিয়ে ওদের সব ভাড়াগে! বেটাকে
তখু তেলে ভাজতে হবে। (প্রকাশ্যে) আহুন, আহুন—

ত্রোগ্রোধ। চল, তোমাদের আমি চিনি।

২য় রক্ষক। (জনাস্থিকে) ওরে ছোঁড়া কি বলে রে?

১ম রক্ষক। (নর্তকীগণের প্রতি) গাও, গাও, ধাম্লে
কেন?

নর্তকীগণ। না না, আমরা গাইতে পারব না, আমাদের
প্রাণ ছুটুফুটু ক'চ্ছে! কে এ, কে এল?

১ম রক্ষক। রও, কি মন্ত্র জানে—ওর মন্ত্র বা'র কচ্ছি।

২য় রক্ষক। (নর্তকীগণের প্রতি) গাও না, গাওনা—
ওমন ক'চ্ছ কেন?

নর্তকীগণ। না না, গাইতে পারব না, স্বর বন্ধ হ'য়ে
গেছে।

[ত্রোগ্রোধের পুরীমধ্যে প্রস্থান এবং পশ্চাৎ পশ্চাৎ সকলের
গমন।

পট পরিবর্তন

পুরী-অভ্যন্তর

চণ্ডগিরিক

(ত্রোগ্রোধকে লইয়া দ্বার-রক্ষকদ্বয়ের প্রবেশ)

১ম রক্ষক। সর্দার সর্দার, এই ছোঁড়া লোক ভাংগি
দিচ্ছিল, কি পরামর্শ দিচ্ছিল, সব পালাল।

চণ্ডগিরিক। দেয়ালের সঙ্গে গেঁথে ফেল।

(রক্ষকদ্বয়ের তদ্রূপ করিবার চেষ্টা করণ)

১ম রক্ষক। সর্দার, সর্দার, বর্শা ভেঙ্গে গেল!

চণ্ড। কোথা'কার ভাঙ্গা বর্শা এনেছিল?

[ত্রোগ্রোধকে খড়্গাঘাত করণ ও খড়্গা ভঙ্গ হওন

বটে, বটে! বুজুকি শিখেছ—তোমার বুজুকি ভাঙ্ছি!
 নিয়ে আয় তো, তপ্ত তেলের কড়ায় ফেলতো!
 (রক্ষকব্বরের ত্র্যগোথকে তপ্ত তৈলপূর্ণ কটাহে নিক্ষেপ করণ
 তৈল-কটাহ হইতে পদ্ম—তরুণের ত্র্যগোথের
 শূন্তে উত্থান)
 সকলে। ওরে বাপ রে—গা জ্বলে গেল রে, গা জ্বলে
 গেল রে—পালা পালা—

[সকলের পলায়ন।

পুনরায় পূর্ব দৃশ্য

(রক্ষকগণের বেগে প্রবেশ)

রক্ষকগণ। ওরে বাপ রে—পুড়ে মলুম রে—
 নর্তুকীগণ। কি রে—কি রে?
 রক্ষকগণ। পালা—পালা—এখন পুড়ে ম'রবি!
 [সকলের পলায়ন।

ষষ্ঠ গর্ভাঙ্ক

রাজ-প্রাসাদ

অশোক।

অশোক। মিথ্যা স্বপ্ন—উৎসাহিত মস্তিষ্ক-সৃজন—
 কলিজ-সংহার দৃশ্য করি দরশন!
 হৃদয়ের দুর্জলতা-বশে
 হেরিয়াছি কল্পনা-সৃজিত ছবি!
 আত্মত্যাগ শুনি মাত্র ভিক্রুর বদনে—
 আত্মত্যাগী কে আর ধরায়?
 সংসার অঁধার—
 নাহি কোন প্রিয় বস্তু যার,
 আত্মত্যাগ ভাণ তার উদর-পুরণে।
 অলস জীবন—
 আয়াস-ব্যতীত চাহে নিজ প্রয়োজন—
 চাহে মান—আধিপত্য সবার উপর।
 মিথ্যাবাদী—কই তার বচন সকল—
 কোথা উপদেষ্টা মম!

আত্মত্যাগ—আত্মত্যাগ—বাক্য আড়ম্বর!
 কোথা কেবা আত্মত্যাগী আছে এ সংসারে!
 আত্মত্যাগ নাহি হেরি প্রকৃতির রীতি—
 পশু-পক্ষী, জলচর, তরু-লতা আদি
 আত্মপুষ্টি নিরন্তর করিছে সাধন।
 আমি—এই সমাগরা ধরণী-ঈশ্বর—
 তাজি ভোগ, তাজি রাজ্য, আধিপত্য তাজি,
 পীত-বস্ত্র করিব ধারণ!
 প্রেতারক ভিক্ষুগণে নিধন উচিত।
 (কল্লাটকের প্রবেশ)

কহ, মন্ত্রী,
 গুরুতর রাজকাৰ্য্য কিবা উপস্থিত,
 যাহে—বিনাদেশে আসিয়াছ রাজ-দরশনে?
 কল্লা। বার্কিকো হ'য়েছি, প্রভু, আশায় নিরাশ।

হেরি আপনারে সিংহাসনোপরে
 কত সাধ উঠেছিল মনে!
 ভাবিয়াছিলাম চক্রগুপ্তের আসনে
 অধিষ্ঠিত তুষ্টিহস্তা শিষ্টের পালক,
 রামরাজ্য যথা প্রজ্ঞা, আনন্দে রহিবে!
 কিহ, নৃপ, তব ব্যবহার—
 শেল সম বাজে এই বৃদ্ধের হৃদয়ে।

অশোক। করি বহু মার্জনা তোমাগ,
 সেই হেতু শুনি বহু অশ্রুত বাণী,
 কহ, কোন কাৰ্য্য অত্যাঘ আমার?
 রাজ-কাৰ্য্য—তুষ্টির দমন,
 সেই কাৰ্য্যে বার বার বাদী তোমা দোহে;
 তুমি আর রাখাশুপ্ত প্রতি কাৰ্য্য মম
 অত্যাঘ বলিয়ে নিত্য কর আলোচনা।

কল্লা। নাহি, নৃপ, মার্জনা-প্রার্থনা,
 কি কাৰ্য্য অত্যাঘ হেন তব কাৰ্য্য মম?
 কি জানি, কি পৈশাচিক বলে
 নিশ্চিত হ'য়েছে পুরী রতন-মালায়,
 কি জানি, কি পৈশাচিক বলে
 শুদ্ধ স্থলে হৃদের উদয়—
 নর-হত্যা নিত্য শত সে পিশাচালয়ে!
 পুরীর সৌন্দর্য্যে ঘেবা হয় আকর্ষিত,

প্রবেশিলে বাতক সংহারে তার প্রাণ।
 একি প্রলোভন—নর-হত্যার কারণ!
 নরনাশ, বৃদ্ধ তোমা সাধে করষোড়ে,
 কলঙ্ক করহ দূর তথ্য করি পুরী।
 উচ্চ বংশে জনম তোমার,
 উচ্চ কীর্তি করহ প্রচার;
 হ'ক ধরা প্রেমের আগার তব।

অশোক। বুকিলাম উপদেশ তব,
 নাশিব সুন্দর পুরী দেবের বাহিত!
 মম ডরে প্রকম্পিত দেশ-দেশান্তর,
 দূর হ'তে উপহার করিছে প্রেরণ।
 মিরিয়া, মিণর, গ্রীস, এপিরাস,
 গান্ধার, তাতার, লঙ্কা সদা সশক্তিত;
 মম পূজার কারণ
 প্রতিনিধি করিছে প্রেরণ।
 তব বাক্যে আধিপত্য দিয়ে বিসর্জন
 প্রেমরাজ্য করিব স্থাপন—
 হব যায় ভীক-জ্ঞানে উপেক্ষা-ভাজন!
 ভিক্ষুর নিকট হ'তে আনি উপদেশ
 রেখিছ শ্রবণ-পথ মম।
 শুন, মস্ত্রি, নর-নারী—অলস যে জন
 নিজ কার্য্য করিয়ে বর্জন—
 আকর্ষিত হয় পুরী সন্দর্শন হেতু;
 সর্ব্ব অনিষ্টের সেতু—
 অলস-সংহার উদ্দেশ্য আমার।
 নিজ নিজ কার্য্যে রত রহক সকলে—
 প্রাণনাশ কাহার' না হবে।
 হ্রস্বলতা—মানবের আলস্য-প্রভাবে,
 মম রাজ্যে হ্রস্বলতা কত না রহিবে।
 যাও,
 নাহি কর বাহু-আড়ম্বর বহ।

(চণ্ডগিরিকের প্রবেশ)

চণ্ড। মহারাজ, মহারাজ—
 অশোক। কেন গণ্ড ডরে ভোর আতা-বিবর্জিত?
 কেন ভোর বচন জড়িত,

আপাদমস্তক কম্পান,
 ভীকতার কিবা হেন উৎকট কারণ?

চণ্ড। মহারাজ, ভিক্ষু এক জন—
 অশোক। পশিয়াছে পুরে? বধ' তারে।
 প্রের নগরে নগরে দূতগণ—
 ভিক্ষুগণে দানি প্রলোভন
 আত্মক সমীপে ভোর বধের কারণ।

চণ্ড। মহারাজ, শত শত ভিক্ষু বধ ক'রেছি, এক
 বালক ভিক্ষু এল, গায়ে অস্ত্র ভেঙ্গে যায়! তপ্ত তেলে
 ফেলতে গেলুম—মহারাজ, আশ্চর্য্য আশ্চর্য্য! তপ্ত তেলে
 পদ্ম ফুটল—সেই পদ্মফুলে ব'সল, ক্রমে শূণ্ণে উঠল, এক
 অঙ্গ দিয়ে জল প'ড়'ছে আর এক অঙ্গ দিয়ে আগুন রেকছে।
 আমার গায়ে যেন অগ্নিবৃষ্টি হ'চ্ছে! রত্নপুরী কম্পান,
 যেন ঘোর ভূমিকম্প হ'য়েছে।

অশোক। মিথ্যাবাদী—

চণ্ড। মহারাজ, যদি মিথ্যা হয়, জিহ্বা উৎপাটন ক'রে
 বধ ক'রবেন।

অশোক। কে সে ভণ্ড, আমি স্বহস্তে তারে বধ ক'রব।

(হঠাৎ চমকিত হইয়া)

একি দেখি, অকস্মাৎ ঘোর অন্ধকার—
 আচ্ছাদিত দিশা—ঘোর প্রলয়ের মেঘে!
 বলকে প্রলয়ানল ব্যাপি দিগন্তর,
 বজ্রপাত মুহূর্ত্তঃ, উৎপাত ভীষণ!
 গর্জ্জিছে পবন—যেন কোটা দৈত্যে মিলি
 গর্জ্জিছে ঘোর নাদে উলটিতে বসুন্ধরা!

মহাডরে বায়ুস্রী কম্পিত
 পৃথ্বী স্থির রাখিবারে নারে!
 পুন সেই স্বপ্ন ভয়ঙ্কর—
 পুন কোটা কোটা আকার আমার
 তুলিতেছে উচ্চ হাহাকার!
 মস্ত্রি, মস্ত্রি, কোথা ভূমি, ধর মোরে।

কহ্লাটক। মহারাজ, স্থির হ'ন, স্থির হ'ন! অকস্মাৎ
 মেঘ-গর্জ্জনে কেন ভীত হ'ছেন?

অশোক। কেন—কেন ভীত হ'ছি? এ . দৃশ্যে
 অস্থির ভীত হয়! দেখ, দেখ, শত-সহস্র কায়ে আমি যজ্ঞণা
 ভোগ ক'ছি! ঐ দেখ—মস্তক নাই, অঙ্গ নাই, অগ্নি-দহ,

সুখায় ক্লান্ত, জলমগ্ন, ব্যাঘ্রের উদরে প্রবেশ ক'চ্ছে—শত
শত আকারে অশেষবিধ যন্ত্রণা! মজ্জি উপায় কর।

কল্লাটক। মহারাজ, সেই সাধুর নিকট অপরাধী
হ'য়েছেন; তাঁর পায় মার্জনা ভিক্ষা ভিন্ন অপর উপায়
দেখি না।

অশোক। চল চল, আমি সাষ্টাঙ্গে প্রণাম ক'রতে
ক'রতে যাই।

[উভয়ের প্রস্থান।]

সপ্তম গর্ভাঙ্ক

উত্তানের একাংশ

(মার ও তুষার প্রবেশ)

মার। হায় হায়, বুঝি, মম হয় পরাজয়!

বৌদ্ধ-ভিক্ষু ছিল যে যথায়,—

তাজি পর্ত-গহ্বর,

নির্জন অরণ্যবাস করি পরিহার,

একত্রিত অশোকের কল্যাণ-সাধনে।

আজি, বুঝি, প্রমাদ ঘটায়,

ভুলায় রাজ্য;

ভিক্ষুর বচনে সম্ভাপিত মনে

নিষ্ঠুরতা অশোক বর্জ্জবে;

কিন্তু গৃহ শূন্য—নাহিক গৃহিণী।

আদরের তুমি, মা, নন্দিনী—

পাপ-তুষা-উত্তেজিনী!

কাম-পিপাসায় কর অশোকে অধীন,

নহে আর না দেখি নিস্তার।

তুষা। কেন ডর, পিতা, অশোকের মন

হ'য়েছিল ক্ষণিক বর্তন,

উত্তপ্ত হৃদয়-স্রষ্ট চিত্র দরশনে—

রক্তময় পুরে নহে হত্যা নিবারণ।

মার। অস্ত হবে সেই পুরী নাশ;

হ'তেছে হত্যাশ—

পশুশ্রম হবে মম ত্রুণোদ-প্রভাবে।

বাও ঝরা যথা চিত্তহরা,

বিবিধ মোহিনী-বেশে সাজাও তাহারে—

যে ছবি-দর্শনে রূপ-আকর্ষণে

সাধিয়ে অশোক তারে আনে রাজ-গৃহে।

সজ্জিনী হইয়ে সাথে সাথে র'য়ে

কর, মাতা, বিধিমতে অনিষ্ট সাধন;

আজ(ই) কর কার্যের সূচনা।

মম কার্যে বারনারী প্রধান সহায়—

মহা মহা বীর তাহে হয় পরাজয়;

কাঞ্চনে না ভুলে, যশে নাহি টলে—

সেও লুটে কুলটার পায়!

দেখি, যদি প্রতারিতে পারি আকালারে—

সহায়ে তাহার হয় বহু কার্যোদ্ধার,

কথায় তাহার অতি প্রত্যয় রাজ্যার।

[উভয়ের প্রস্থান।]

(আকালের প্রবেশ)

আকাল। বুঝে নিলুম, বাবা, ও নেড়া মাথা, হু
কাপড়ের কণ্ঠ নয়! ও গানই ঝাড়' আর বুলিই ঝাড়'
রাজা এসে নিজ মূর্তি ধ'রেছে। দানোয় পেয়েছে, সে
ছাড়ে! তুই কি ক'রবি, তাই ভাবছিল, না? রা
শোয়া তোর আর পছন্দ হ'চ্ছে না—ভিক্ষে ক'রতে
লাগুচ্ছে না? রাজভোগে আজ, হুঙ্কেন-শয্যায় শুচ্ছ;
ওরে আবাগের বেটা, এ সব তোর মইবে কেন—তা বু
নে! রাজার ওপর মমতা হ'চ্ছে? তা কি ক'রবি!
ভূত ছাড়াতে তোর বাবাও পারবে না!

(মারের প্রবেশ)

মার। কি, ম'শায়, আপনি হেথায়?

আকাল। কই—না।

মার। আপনি কি রকম লোক? র'য়েছেন
ব'লুছেন—না!

আকাল। আর তুমি কি রকম লোক, দেখ্—
জিজ্ঞাসা ক'চ্ছ?

মার। আপনি রাজপুত্রী ছেড়ে এখানে, তাই জি
ক'চ্ছি।

আকাল। বেশ, বাহাবা দিচ্ছি! পথ্-মেথ।

মার। আমার একটা উপকার ক'রতে হবে।

আকাল। সেটা হবে না।

মার। কেন ?

আকাল। আমাদের কোন পুরুষে বা কখন' করে নাই,

কি কেমন ক'রে ক'রব বল ?

মার। আপনি তো রাজ-পারিষদ ?

আকাল। তুমি তো রাজার ঘাড়ের ভূত ?

মার। মশায়, রাজার মহা বিপদ উপস্থিত, দেখছেন না ?

আকাল। দেখছি তো সামনেই।

মার। সত্য বলছি, রাজার মহা বিপদ।

আকাল। আমিও সত্য বলছি, আমি তা বেশ বুঝেছি।

মার। আপনি জানেন না, রাজার কাছে একজন বৃদ্ধক এসেছে।

আকাল। তোমার বৃদ্ধকটিতেই প্রাণ ঠাণ্ডা আছে, আর বৃদ্ধক দেখতে চাই না।

মার। কি বলছেন, মশায়, ধর্ম নষ্ট হবে।

আকাল। ঐ একটু রেখে বললে—তোমার প্রভাবে তা' অনেক দিন হ'য়েছে।

মার। আমি কি ক'রেছি, বল' ? মহারাজ গর্কিতের গর্ক খর্ব্ব ক'রেছেন, আমি পাপীর দণ্ড-বিধান ক'রতে উপদেশ দিয়েছি।

আকাল। পাপীর দণ্ড-বিধান ক'রতে গেলে তোমাকে তো আগে গিয়ে কুপোর ভেতর স্ফুট ক'রে সেঁধোতে হয়।

মার। মশায়, হিন্দুধর্ম নষ্ট ক'রবার জন্ত এসেছে। ব্রাহ্মণের ব্রাহ্মণত্ব যাবে, আবার যাগ-যজ্ঞ লোপ হবে, নাস্তিকতা প্রবল হবে। বৌদ্ধধর্ম—নাস্তিক ধর্ম, তা কি জানেন না ?

আকাল। আহা, তোমার হুংখে আমার কান্না আসছে !

মার। আমার হুংখ কি, রাজাই ধর্মভ্রষ্ট হবেন।

আকাল। তোমার কষ্ট নয় ? একে তো রাজার হুংখে তুমি ভেবে সারা, তার উপর ছাগল, মোষ, মানুষের রক্ত খেতে পাবে না ; আহা, এমন কষ্ট কি কার' হয় গা !

মার। আপনি পরিহাস করেন ?

আকাল। সহ্য না হয়, স'রে গেলেই বেতে পার।

মার। আমি আপনার কাছে এসেছিলাম একটা বিষয় দিতে।

আকাল। কি, কেমন ক'রে মানুষের ঘাড়ে চাপতে হয় ?

মার। পরিহাস ক'রবেন না, শুনুন ! সে বিজ্ঞাবলে আপনি যেখানে মনে ক'রবেন, সেখানে যেতে পারবেন।

আকাল। আরে ছাঃ ! এ বিজ্ঞে নিয়ে কি ক'রব !

মার। তবে কি বিজ্ঞা চান ?

আকাল। এমন বিজ্ঞে যদি দিতে পার যে উড়'ব মনে ক'রলে শুয়ে পড়'ব, আর শোঁব মনে ক'রলে উড়'ব।

মার। সত্য, আমি এমন বিজ্ঞা দিতে পারি—যাতে কুবেরের মত ধন হয় আর অম্বরার মত স্ত্রী পান।

আকাল। কুবেরের ধন, অম্বরার স্ত্রী, আপনি পুত্র-পৌত্রাদিক্রমে ভোগ-দখল ক'রতে থাকুন, আমি পাঠ লিখে দিচ্ছি।

মার। তুমি অবিশ্বাস ক'চ্ছ—আমার শক্তি তো তুমি দেখেছ।

আকাল। তা যাও, ভালয় ভালয় ভালগাছে গে ব'সগে।

মার। আমার তোমার প্রতি পুত্রের মত স্নেহ হ'য়েছে।

আকাল। আচ্ছা, হ'বার বাবা বলছি—শুনে চ'লে যাও।

মার। আমার যদি কথা শোন, তোমার ভাল হবে, নচেৎ তোমার অনিষ্ট ক'রব।

আকাল। আগে ইষ্ট হ'ক, তারপর তো অনিষ্ট ক'রবে।

মার। আমি কে জান ?

আকাল। তোমাদের সঙ্গে তো কুটুস্থিতে নাই, কেমন ক'রে জানবো বল ?

মার। তোমার প্রতি আমার বড় স্নেহ হ'য়েছে।

আকাল। ও গায়ের ঝাল গায়ে মার না, বাবা তোমার স্নেহে যে ফেটে ম'রব—তা' হলে পুত্রশোক পাবে কাজ কি তোমার সে বালা'য়ে !

(বীতশোকের প্রবেশ)

বীতশোক। ওহে আকাল, সর্বনাশ হ'য়েছে, মহারাজ ক্ষিপ্ত-প্রায় ! কে এক বৃদ্ধক এসেছে, সে না কি আগু

পোড়ে না! মহারাজ সান্ত্বন্যে প্রণিপাত ক'রতে ক'রতে তাঁর
দর্শনে যাচ্ছেন, অবিরল জল-ধারায় তাঁর অঙ্গ ভেদে যাচ্ছে!
এ যে ভারি বৃক্ষকি আরম্ভ হ'ল!

আকাল। কিহে, তোমার চেলা-চামুণ্ড ছেড়েছ না কি?

মার। সত্য কথা বললুম, বিশ্বাস তো ক'রলে না—
দেখগে, সর্বনাশ হ'ছে।

বীতশোক। চল চল, বিলম্ব ক'র না। (মারকে
দেখিয়া) কে ও?

আকাল। চিন্তে পাচ্ছেন না? চলুন, বলছি।

[আকাল ও বীতশোকের প্রস্থান।]

মার। আমি কি শক্তিহীন হ'য়েছি! এই সামান্য
ব্যক্তি ধনের প্রলোভন, নারীর প্রলোভন উপেক্ষা ক'রে চ'লে
গেল। একে বশীভূত ক'রতে পারলে অশোক চিরদিনের
জন্ত আমার হৃতগত হ'ত। এইরূপ লোভ-বর্জিত সামান্য
ব্যক্তিই জগতের বেশী উপকার করে। বীতশোক সন্দ্বিগ্ধচিত্ত,
রাজার প্রিয় সহোদর—দেখি, যদি ওর দ্বারা কার্য্য হয়।

(কুনালের প্রবেশ)

কুনাল। এতদিনে সুদিন উদয় হ'য়েছে—মহাপুরুষ
দর্শন দিয়েছেন। আমি এই ভোগ-ঐশ্বর্য্য-পরিবৃত, স্নেহময়ী
জননীর উপদেশে বঞ্চিত, ইন্দ্রিয়ের ছলনায় ভোগ-তৃষায়
পীড়িত—আমায় কি তিনি কৃপা ক'রবেন! মা মা, স্নেহময়ী
জননি! ভোগ-মাগরে সন্তানকে নিক্ষেপ ক'রে কোথায়
গিয়েছ? অকুল সংসার-মাগরে তোমার চরণই আমার
তরণী! মা, ছুস্তরে কে আমায় নিস্তার ক'রবে! আমার
কি সুদিন হবে? সাধুর কৃপা কি পাবে? প্রভু, প্রভু,
দাসের প্রতি কি দয়া হবে!

(গীত)

বিনা তৃতীয় নয়ন, এ বিকল নয়ন

কিবা প্রয়োজন—

যদি বুদ্ধদেবে নাহি করে দরশন।

সত্তত শ্রবণ করে চকল মন,

মধুর মোহিনী করে সধা বিমোহন,

পরম শব্দে দেখে রয়েছে শ্রবণ।

কবে ধন জন ধান, দিবে মোরে আশ,

হবে বুদ্ধদেব-পদে লুপ্তপ্রাণ;

দীনভাবে কবে ভবিষ্য হবে,

যোর অতিমান নাশ হবে।

তৈলধারাবত, বুদ্ধদেবে চিত

হবে শ্রীপাদপরে লীন জীবন।

[কুনালের প্রস্থান।]

মার। আর এই দেখ না—এই এক রাজবংশীয় ভিক্ষু
কি আশ্চর্য্য প্রার্থনা ক'চ্ছে! চক্ষু যাক্, কর্ণ যাক্, সম
ভোগ-সুখ যাক্।—এর ছায়া স্পর্শ করাও চলে না!

[মারের প্রস্থান।]

অষ্টম গভাঙ্ক

মায়াপুরী—শূন্তে শ্রুতগোষ

অশোক, কল্লটিক, আকাল ও রাজ-সভাসদগণ।

অশোক। ভেজঃপুঞ্জ ওহে মহাজন,

কৃপায় রাখহে পায় এই অভাগার!

হৃদাস্ত দানব এই মানব-শরীরে—

পতিতপাবন, কর পতিতে উদ্ধার!

মহাভয়ে এসেছি আশ্রয়ে,

বঞ্চনা ক'র না নিজ গুণে।

শ্রুতগোষ। (শূন্ত হইতে অবতরণ পূর্বক)

কি কাজ হইবে করি ভৃত্যে উপাসনা?

কর যদি মার্জনা-কামনা মহাপাপে,

বুদ্ধদেবে কর উপাসনা।

অপার কক্ৰণা তাঁর—সুচিবে বহুগা,

পাবে ত্রিভাপে নিস্তার।

আকাল। তুমি উড়তেই শেখ আর ধ্যানেরেই
আর গা দিয়ে জলই বা'র কর, আর আশুনই বা'র ক'
কিন্তু তুমি এই ছেলে বয়সেই খুব দম্বাজ্।

শ্রুতগোষ। কেন, বাবা?

আকাল। আর তোমার 'বাবা' ব'লতে হবে
দোরে-দোরে তোমাদের 'বাবা' বলা অভ্যাস, আমি
জানি।

অশোক। কি কর, আকাল!

আকাল। আরে ঠাঁড়াও, মহারাজ, একটু চান্কে
নই—না চান্কাতে বাগ পাবে না।

ভগ্নোথ। বাপু, তুমি কি ব'লছ?

আকাল। এই ঝড়-ঝাপটা তুলতে পার, ভয় দেখাতে
পার, আসমানে উড়তে পার—আর কাতর হ'য়ে রাজা
হলে 'রক্ষা কর'—তুমি বরাতি-চিঠি কাটলে বুদ্ধদেবের
উপর। বললে কি না, সাগরে বাঁপ দিয়ে মাণিক তোল'।
তোমার বুদ্ধদেব কেমন, কোথায় থাকে, সে আসমানে ওড়ে,
কি জলে ডুব ফোঁড়ে—তার কে সাত পুরুষের ধার ধারে বল?

ভগ্নোথ। শুন, বৎস, অপূর্ণ কথন,

কপিলাবস্ততে ছিল রাজার নন্দন—

সিদ্ধার্থ তাঁহার নাম।

দয়ার আধার, রাজ্য-ধন করি পরিহার,

হরিবারে জরা, মৃত্যু, বার্ক্কোর ভয়—

কঠোর সাধনে বুদ্ধ হই গ্রহণে

জীবের নিস্তার হেতু করেন প্রচার—

“অহিংসা পরম ধর্ম” সংসার মাঝারে।

যেই লয় তাঁহার আশ্রয়

ভব-ভয় না থাকে তাহার।

আকাল। বাঃ, বেশ বুঝলুম।

কফ্‌লার্টক। কি বুঝলি, বর্কর?

আকাল। বুঝলুম—কার বাগানে কি গাছ আছে, কিসের
বড় ওষুধ হয়। (ন্যগ্রোধের প্রতি) বলি, ও ঠাকুর, দিবি
গল্প তো শোনালে, এখন তারে কোথায় পাওয়া যায়, বল?
না হয় আপনি কিছু বাতলে দিয়ে চ'লে যাও। নইলে
আসমানে উড়ে পালাবার চেষ্টা করলে আমি ঠ্যাং ধ'রে ঝুলে
পড়'ব।

অশোক। প্রভু, যদি অজ্ঞানের প্রতি কৃপা ক'রে দর্শন
দিয়েছেন, আমায় মহাভয়ে পরিত্রাণ করুন।

ভগ্নোথ। নিজ পরিত্রাণ, নূপ, আছে নিজ স্থানে;

পরিত্রাণ—স্বার্থ-বিসর্জনে।

আমার আমার—পুত্র পরিবার,

রাজ্য-অধিকার, বৈভব আদির অহঙ্কার—

যন্ত্রণার মূল্যধার জানিহ, তূপাল!

তাজি “আমি”—বিশ্বে হও লয়,

বিশ্ব-প্রেমে তুল আপনায়—

প্রেমে পাবে নিস্তার এ ত্রিতাপ-জালায়।

যত দিন ‘আমি আমি’ রবে

যন্ত্রণা না যাবে—

সার কথা শুন, নৃপমণি!

অশোক। দয়াময়, ব'লে দাও—কি রূপে আত্মত্যাগ
ক'রতে হয়?

ভগ্নোথ। ভোগ-তৃষা—স্বার্থ বলিদান দেহ, মতিমান,

জনগণ-মঙ্গল-কামনা

একমাত্র স্বার্থ রাখ ক্ষুদে।

জন-সেবা-মহাত্মতে অভিমান যাবে,

জ্ঞান-রত্ন করগত হবে;

জ্ঞানান্বিতে ভ্রমসাৎ করি সংস্কার

পাপের বন্ধন হ'তে লভহ উদ্ধার।

আকাল। বাঃ সোজা কথাটি বাতলে দিয়েছ! গোটা
ছই তিন বলি দেবে, গোটা ছই তিন ছেড়ে দেবে, টপ্ ক'রে
জ্ঞানটা হাতে ধ'রে নেবে—সিঁদে রাস্তা বাৎলেছেন—সোজা
চ'লে যাও।

ভগ্নোথ। সত্য ব'লেছ, অতি কঠিন পন্থা, একমাত্র
অভ্যাসে সহজ হয়। দৃঢ়পণে অভ্যাস ব্যতীত অপর উপায়
নাই।

অশোক। আজি হ'তে সর্ব-ত্যাগ করি তবে পদে;

আজি হ'তে ধরণী-শয়ন,

অর্দ্ধাশনে অনশনে জীবন-যাপন,

বিলাইব রক্তাগারে আছে যত ধন,

আজি হ'তে দীন-সেবা জীবনের সার।

ভগ্নোথ। মহারাজ, সামান্য ধন-রত্ন-বিতরণে মনস্কামনা
পূর্ণ হবে না। জ্ঞান-রত্নই প্রকৃত রত্ন—সেই রত্ন-বিতরণে
কৃতসংকল্প হ'ন।

অশোক। আমি অজ্ঞান—আমি কি রূপে সে রত্ন
বিতরণ ক'রব?

ভগ্নোথ। ভিক্ষুগণে করিয়ে সন্ধান

রাজ্যে আনি করহ সম্মান;

প্রেরি দেশে দেশে—

অতি দূর দূরান্তরে যথা নর বসে,

‘অহিংসা পরম ধর্ম’ করিতে জ্ঞাপন

মহাজনগণে, রাজা, করহ প্রেরণ।

করি ঘোর কঠোর সাধন—

মহাজ্ঞান করিয়া অর্জন,

জগতের কল্যাণ কারণ

ক'রেছেন বুদ্ধদেব বে ধর্ম প্রচার—

“অহিংসা পরম ধর্ম” সর্ব ধর্মসার।

অশোক। মন্ত্রী ম'শায়, এই পাপপুত্রী এই দণ্ডে ধ্বংস
ক'রতে আজ্ঞা দিন।

(সহসা মারাপুরী অন্তর্হিত হইয়া প্রান্তরে পরিণত হওন)

জগদীশ। তব পুণ্য-সঙ্কলে, রাজন?

মায়ায় সৃজিত পুরী হের নাহি আর,

পূর্ববৎ হের, ভূপ, বিস্তৃত প্রান্তর।

অশোক। একি। সত্যই দানবীর সৃষ্টি! প্রভু, সে
দানব কোথায়?

জগদীশ। একদিন তার কুংসিং স্বরূপ দর্শন ক'রবেন।
জানবেন, বুদ্ধদেবের কৃপাবলে দানবীর শক্তি হ'তে রক্ষিত
হ'রেছেন। রাজ্যভার পরিত্যাগ ক'রবেন না, নির্গুণভাবে
রাজ্য করুন। রাজ-সাহায্য ব্যতীত ধর্মপ্রচার হয় না—
সেই প্রচার-কাণ্ডের নিমিত্ত রাজমুকুট ধারণ করুন।

অশোক। না না, আমার রাজ্যে প্রয়োজন নাই,
আমায় ভিক্ষু-বস্ত্র দিন।

জগদীশ। মহারাজ, ত্যাগ নাহি ভিক্ষুর বসনে,

কমণ্ডলু, করঙ্গ, কোপীনে,

অঙ্গে ভস্ম-বিভূষণে, কিবা

আঁধার গহবরে, তুচ্ছ শৃংগ পরে—

ত্যাগ নাহি বাহু-আচরণে।

বিতাড়িত বাসনাবিষেকে,

সুখহুঃ সমভাব, বৈরাগ্যের বলে—

শোচনা-আকাজকা-বিবর্জিত—

আত্মজর—ত্যাগের লক্ষণ।

তরুমূল, সিংহাসন—তুণ্য জ্ঞান ঘাঁর,

বিদূরিত বার অহঙ্কার,

সেই ত্যাগী—

নহে ত্যাগ ভাণ মাত্র—আত্ম-প্রবঞ্চনা।

দেব-কার্য্য করহ উদ্ধার,

হ'ক ধর্ম ধরায় প্রচার,

সত্যমহাশক্তি, সত্যমহাজ্ঞান, সত্যমহা-বাহুবল।

(দেবী, মহেন্দ্র ও সজ্জমিত্রার প্রবেশ)

দেবী। মহারাজ, দাসীর প্রণাম গ্রহণ করুন। পদানত
পুত্র-কন্তাকে আশীর্বাদ করুন।

অশোক। কল্যাণি, তুমি কে?

দেবী। ভুলেছ কি দাসীরে, ভূপাল!

তব পুত্র, তব কন্তা পালনের ভার

আছিল আমার—

যেই পুত্র-কন্তা-কামনার

ক'রেছিল বরমালা প্রদান কিঙ্করী—

করিয়াছে দাসী, প্রভু, সে কার্য্য সাধন,

আজ তব নন্দিনী-নন্দন,

চরণে অর্পিয়া দাসী মাগিছে বিদায়।

অশোক। দেবী—প্রাণেশ্বরী! আমি তোমার ভুলি
নাই। তুমি আমার শত আহ্বান উপেক্ষা ক'রে রাজপুত্র
এস নাই। তোমার স্থান সিংহাসনে, তুমি তা উপেক্ষা
ক'রে দীন-হীনার স্তায় গোপনে অবস্থান ক'রেছ। আমি
তোমায় ভুলেছি ব'লে অপরাধী ক'র না।

দেবী। মহারাজ, যে দিন দাসীকে চরণে স্থান
দিয়েছিলেন, সেই দিনই দাসী নিবেদন ক'রেছিল যে, দাসী
সিংহাসনের যোগ্য নয়। দাসী বণিক-কুমারী, ক্ষত্রিয়ের
সিংহাসনের অধিকারিণী হ'তে পারে না। পাটলিপুত্রের
রাজবংশে কখন' কলঙ্ক-কালিমা পতিত হবে না। আমি
দাসী—দাসী হওয়া আমার একমাত্র উচ্চাভিলাষ।

কল্লা। মা মা, তুমিই একমাত্র রাজরাণী হবার
উপযুক্ত। পাটরাণী নিকৃদ্দেশ, তুমি শূত্র রাজগৃহ আলো
ক'রে ব'স, মা!

দেবী। আপনি পিতৃতুল্য, অবধা প্রলোভনে যুগ
ক'রবেন না।

মহেন্দ্র। পিতা, মাতৃ-উপদেশে আমি বাণ্যাবধি অবগত
হ'য়েছি, আমি রাজপুত্রের যোগ্য নই; সেই জন্য মাতার
চরণে ভিক্ষুর আশ্রয়-গ্রহণ প্রার্থনা ক'রেছিলেম,—যা'তে
বুদ্ধদেবের মহাধর্ম প্রচারের অধিকার প্রাপ্ত হই। সে
অনুমতি মাতা মহারাজের আজ্ঞা ব্যতীত দিতে অস্বীকৃত
হন। সে কারণে মহারাজের পদে সেই প্রার্থনার সম্ভান
দণ্ডায়মান।

সম্মিত্রা। মহারাজ, কন্যারও রাজপদে ঐ দন। পুত্র-কন্যার আবেদন গ্রাহ্য করুন।

অশোক। তোমরা কুল-তিলক, আমি তোমাদের মহাপাপে পরিভ্রাণ পাব। যাও, বৎস, তোমাদের কার্যে বাধা প্রদান করব না। কিন্তু হৃদয়-তন্ত্রী ছেদর তোমাদের অমুমতি প্রদান করছি; মহাকাৰ্য্যে অভাগাকে ভুল না। যদি জানতে যে, তোমাদের চন্দ্রবদন আমার হৃদয়ে কি ভাব উপস্থিত, তাহলে বোধ হয় তার নিকট বিদায় প্রার্থনা করতে কাতর হ'তে। মরা নির্লিপ্তা মাতার উপদেশে ভোগ-মুখ-বর্জনে পারে নির্লিপ্তভাবে পালিত হ'য়েছে। তোমাদের মহাত্ম্যে সর্গীকৃত হৃদয়ে আমার এ মনোবেদনা অনুভব করবার নাই। (দেবীর প্রতি) দেবি, তুমি প্রকৃত দেবী—হা, কিন্তু নির্ধর জননী!

অশোক। (মহেশ্বরের প্রতি) দাদা, দাদা, আমি আমার জ্যেষ্ঠতাত স্নানীমের পুত্র। চল, চল, আমরা মনে বুদ্ধদেবের কৃপায় বুদ্ধদেবের কার্য্যে দেশে দেশে গ করি।

অশোক। কি, তুমি আমার ভাতৃপুত্র! কি ভ্রম—অজ্ঞানতা! আমি তোমায় গর্ভবস্থায় বধ করতে গি নাই, এ জন্ত ক্ষম হ'য়েছিলেম! হায় হায়, তুমি আমার ভাতা! আমি নরাদম, তখন জানি নে, কি স্ব-সর্দনাশে প্রবৃত্ত হ'য়েছিলেম! তোমার জননী কোথায়, আমি নিজ স্বন্ধে চতুর্দোল বহন করে তাঁরে রাজ্যে ল'য়ে আসি। আমি অনেক মহাপাপ করেছি। কিন্তু ব-জননীকে সংহার করতে প্রবৃত্ত হ'য়ে রাজ্য হ'তে তাড়িত করেছি—এ স্মৃতি জন্ম-জন্মান্তরে লুপ্ত হবে না। হে, এ মহাপাপের কি আমার মার্জনা আছে? তোমার ননী কোথায়, বল, যদি সম্ভব হয়, কথঞ্চিৎ মহাপাপের প্রায়শ্চিত্ত নিমিত্ত তাঁর চরণে শরণাপন্ন হই!

অশোক। মাতা আমার বুদ্ধদেবের চরণ-সেবার নিমিত্ত তার নিকট উপস্থিত। অমৃত্যুপই পরম প্রায়শ্চিত্ত। সমস্ত পাপ আমার বুদ্ধদেবের নিকট প্রাপ্ত হবেন। তিনিই আপনায় প্রকৃত আশ্রয়। সন্তানের প্রতি পিতার যেরূপ মা; আপনায় প্রতি বুদ্ধদেবের সেইরূপ।

অশোক। কে তোমার বুদ্ধদেব?

অশোক। মহাত্ম্য উপস্থিত। তাঁরই কৃপায় বুদ্ধদেবের দর্শনলাভ করবেন।

কহ্লাটক। বাবা, আমিই তোমার জননীকে হত্যা করে মহারাজকে উপদেশ দিই, আমার উপায় কি?

অশোক। আপনি রাজ-কার্য্যে কঠব্য বোধে উপদেশ দিয়েছিলেন—আপনি নির্মলাত্মা।

কহ্লাটক। ধন্ত মার্জনা, ধন্ত মার্জনা!

অশোক। (মহেশ্বরের প্রতি) চল, ভাই, হেথায় কার্য্য অবসান।

মহেশ্বর ও সম্মিত্রা। মহারাজ, বিদায় দিন।

অশোক। কি বল, আমি অজ্ঞান, তোমাদের মহিমা কি জানব!

দেবী। আমিও রাজ-চরণে বিদায় প্রার্থী।

আকাল। বাবা, কখন আমার তাক লাগে নাই, আজ তোমরা তিনজনে তাক লাগালে! তুমি আকাশে ঝুলেও আমায় তাক লাগাতে পার নাই, কিন্তু আজ, বাবা, অবাক হ'য়েছি! লাউ-কুমড়োর মতন আগে ফল ধরে যে ফুল ধরে—ছনিয়া ঘুরে এ আমার জানা ছিল না। সে বেটা মায়া করে সোণার বাড়ী করেছিল কি সামনে মায়ায় খেলা দেখছি, তা আমি কিছু বুঝতে পারছি নে! তোমাদের আমি ছাড়ছি নি! তোমাদের বুদ্ধদেব কোন্ বেটা—আমাকে চিনতে হ'চ্ছে।

অশোক। নিশ্চয় চিনবেন! হৃদয়ের ব্যাকুলতাই বুদ্ধদেবের কৃপালাভের একমাত্র মূল্য।

চতুর্থ অঙ্ক

প্রথম গভাক্ষ

পাটলিপুত্র—রাজবাটীর সম্মুখ

বীতশোক, আকাল ও ব্রাহ্মণগণ।

১ম ব্রাহ্মণ। ছোট রাজা, হ'ল কি! নাস্তিকগুলো এসে দেশ ভরিয়ে ফেললে। “অহিংসা, অহিংসা” এক ঢেউ উঠেছে। যজ্ঞে পশু-বধকে কি হিংসা ব'লে? শাস্ত্র-জ্ঞান নাই, ঋষি-বাক্য অমাত্য! মূর্খেরা জানেনা যে, শাস্ত্রে ব'লছে—সম্মত মাংস ভক্ষণ প্রধান হবিষ্ঠায়।

আকাল। খুড়ো আমার খুব শাস্ত্র মানে—দাঁত নাই, তবু ভক্তি ক'রে পাটীর হাড়খানি চোষেন!

১ম ব্রাহ্মণ। কি, তোমায়ও ভূতে খ'য়েছে না কি?

আকাল। এতদিন ধরে নাই, এবার ব্রহ্মদত্তি খ'ব খ'ব ক'চ্ছে।

১ম ব্রাহ্মণ। আরে যাও যাও, এখন মস্করা রাখ! (বীতশোকের প্রতি) ছোটরাজা, তোমায় এর উপায় ক'রতেই হবে, নইলে আমরা কি অন্যভাবে মারা যাব? মহারাজকে তো উপগুপ্ত না উপদেবতা পেয়ে ব'সেছে। সঙ্গে ক'রে নে সমস্ত ভারতবর্ষটা তো ঘোরালে। সমস্ত হিন্দু-তীর্থ গেল, মহারাজের সে সব তীর্থ-দর্শন হ'ল না। কোথায় ও'র বুদ্ধদেব ব'সেছিল, কোথায় পোষাক ছেড়েছিল, কোথায় ধ্যান ক'রেছিল, কোথায় বেড়িয়েছিল, কোথায় যমের বাড়ী গিয়েছিল, সেই সব জায়গা খুঁজে খুঁজে বেড়ান হ'য়েছে। মাটি খুঁড়ে সব অস্থি বা'র করা হ'য়েছে, সেই সব অস্থির উপর স্তূপ নির্মাণ হবে। সঙ্গে সঙ্গে তাঁর যে সব চেলা-চামুণ্ড ছিলেন, তাঁদেরও অস্থির সব স্তূপ হবে।

২য় ব্রাহ্মণ। এ সব কি সত্যি সব বুদ্ধদেবের অস্থি না কি?

১ম ব্রাহ্মণ। তুমিও যেমন, এতদিন সে সব অস্থি আছে! কোথেকে সব ভাগাড় খুঁড়ে অস্থি বা'র ক'চ্ছে। ঐ উপগুপ্তটা কি বায় কম!

১ম ব্রাহ্মণ। তুমিও যেমন ছোটরাজা! ঐ উপগুপ্ত বেটা চালাদের দিগে পেঁড়া-বন্দী ক'রে রাখিয়েছিল।

বীতশোক। না না, পুরাতন স্তম্ভের গর্ভে স্বর্ণ-পেটিকায় সে সব অস্থি রক্ষিত হ'য়েছিল।

১ম ব্রাহ্মণ। শোনেন কেন! তবে আর নূতন ক'রে স্তূপ হ'চ্ছে কেন?

বীতশোক। সেই অস্থি বিভাগ ক'রে ভারতবর্ষব্যাপী সব স্তূপ হবে।

১ম ব্রাহ্মণ। আর সঙ্গে সঙ্গে বিহার নির্মাণ। হাড়ি, ভুঁড়ি, ম্যাথর, মুদ্রফরাস সব মাথা কামিয়ে হলুদে কাপড় প'রে পায়ের উপর পা দিয়ে থাকে, আর বায়ুনগুলো ভেসে যাবে!

বীতশোক। আচ্ছা, আপনারা তো বলেন, বুদ্ধদেব অবতার?

১ম ব্রাহ্মণ। নাস্তিক অবতার, নাস্তিক অবতার—কলির লোককে নরকগ্রস্ত ক'রতে এসেছেন!

বীতশোক। তবে না গুণ্ডে পাই, অবতার ধর্ম রক্ষা ক'রতে আসেন?

২য় ব্রাহ্মণ। শোন কেন! কেউ বলে অবতার, কেউ বলে নয়।

১ম ব্রাহ্মণ। মহারাজ তো সব বড় বড় বিহার নির্মাণ ক'রে দিয়েছেন, পালে পালে সব বৌদ্ধ ভিক্ষু—নাস্তিকের দল এসে হলুদে কাপড় প'রে মাথা কিনে ব'সেছেন। হাঁড়া হাঁড়া ঘি যাচ্ছে, কাঁথার মত সর, ভার ভার ছুখ, মাখমের পর্কত—এই সব বিহারে চ'লেছে। ব্যাটারি দ্বিবি মজা মেরে পায়ের উপর পা দিয়ে থাকে। রাত্রে দোর দিয়ে থাকেন—বোধ হয়, নিরিবিলা ভিক্ষুীদের সেবা নেন।

বীতশোক। ভিক্ষুগীরা না আগালা থাকে?

১ম ব্রাহ্মণ। তুমিও যেমন ছোটরাজা! ও মাণিক-কোড়ের পাতা—

আকাল। আহা, খুড়োকে তো সমস্ত রাত এ সব তদ্বির ক'রে বেড়াতে হয়! খুড়ো, ঘুমোও কখন?

১ম ব্রাহ্মণ। আরে নে নে, বেলিকপনা রাখ! ছোট রাজা, তুমি থাকতে এ সব কি হ'তে ব'সল? মহারাজকে

দম্বাজী দেখালে। তা যদি গেল, এখন দম্বাজীতে
ছেন। আকাল, ব'লতে পার, খাম্বা ছেলে-মেয়ে,
গাইপো কোথেকে আমদানী হ'ল?

আকাল। গাছে ফলেছিল।

১ম ব্রাহ্মণ। আর যেটা ভাইপো ব'লে এসেছে, আমি
ছি, ওটা চাঁড়াল ছিল।

বীতশোক। চাঁড়াল কি দোষ ক'রেছে বলুন? যে
র ছায় আশ্রুণ্ড, তিনি রাজমহিষী আর তাঁর গর্ভে
মুত্র—রাজকণ্ডা! তবে মা মানা ক'রে গিয়েছেন, দাদার
কোন কথা কব না।

আকাল। আহা, ছোটরাজার ভ্রাতৃভক্তিটুকু খুব!
টিপেই আছেন, দাদার একটা কথাও কন না।

বীতশোক। কি বল! ভাষ্য-অভাষ্য ব'লতে হবে না?

আকাল। হবেই তো! নইলে ভ্রাতৃভক্তি জাহির হবে
!

১ম ব্রাহ্মণ। যেতে দিন, যেতে দিন, ও বর্করের কথা!
নি ঐ হৃদে কাপড়-পরা বদনীদের একটু দাবিয়ে
ন।

বীতশোক। আমার কাছে যে বেঁচে না! জানে শক্ত
। দম্বাজী চ'লবে না। ব্যাটারি কি ভক্তবিটেল!
র খোলা ভাঙার পেয়েছেন, দিনে চর্ক-চোস্ত-লেহ-
সব মারেন, আর রাত্রে দোর বন্ধ ক'রে সব ধ্যানে
।! আপনি ঠিক ব'লেছেন, ওই ভিক্ষুীদের সঙ্গে রাত্রে
-সাক্ষাৎ হয় বই কি!

১ম ব্রাহ্মণ। হয় না ত কি! না হয় তো জিব কেটে
ব!

আকাল। দোহাই ম'শায়! নাক কাটুন—কাণ কাটুন,
বটী কাটবেন না—পরচর্চার ফোয়ারা এমন আর
। জিবে বেরবে না। জিব কেটে কেন আপনার বাক্য-
বিকৃত ক'রবেন?

১ম ব্রাহ্মণ। যথা কথা তোর না সয়, ভুই স'রে বা।

আকাল। সয় না কি ব'লছ, খুড়ো, মধুর শ্রোত ঢালছ।
নার সুখ্যাতি আর পরচর্চার চেয়ে এমন কিছু আর
মষ্টি আছে, খুড়ো—বেন টাটকা চাকের মধু!

সভায় আর ব্রাহ্মণ-সঙ্কনের জায়গা নাই।

বীতশোক। এ কথা ব'লছেন কেন? নিত্য ব্রাহ্মণ-
পণ্ডিতের বাড়ী তো নিয়মমত সিধে যায়। আপনাদের তো
মহারাজা অম্ব ক'রেন না।

১ম ব্রাহ্মণ। করেন না কেমন ক'রে আর? ওদের
কথাই বোল কাহ্ন।

আকাল। তা কি ক'রবেন বলুন, আপনারা তো ঠোঁটই
খোলেন না,—পাছে হ'চারটা কেলে ছাগল বেরিয়ে পড়ে!

১ম ব্রাহ্মণ। আরে নাও, কে ঐ বেল্লিকদের সঙ্গে
তর্ক করে!

আকাল। আহা, খুড়োর ক্ষমা গুণটা বড়!

[ব্রাহ্মণগণের প্রস্থান।

(অশোক, কল্লাটক এবং কয়েকজন বৌদ্ধভিক্ষুর প্রবেশ)

অশোক। বীতশোক, তুমি সভায় যাও না কেন?

বীতশোক। মহারাজ, ও'রাই সভা আলো ক'রে
আছেন।

অশোক। তুমি ব্যঙ্গ ক'ছ! সভাই এঁদের পদার্পণে
আমার সভা উজ্জ্বল!

বীতশোক। আজ্ঞে, দিব্য আহাঙ্গাদি করেন—চেহারা
খুব জলুষ!

কল্লাটক। কুমার, নিম্পাপ দেহ—যে জ্যোতিঃপূর্ণ, এ
তো আপনার অজ্ঞাত নয়।

বীতশোক। তা তো নয়ই—তা তো নয়ই! খুব
সংযম আছে, কাম-ক্রোধাদি রিপু সব দমন ক'রেছেন।
কি অজ্ঞা হয় সব ভিক্ষুঠাকুরেরা?

১ম ভিক্ষু। কুমার, রিপুঞ্জরী এক বুদ্ধদেব। আমরা
রিপুঞ্জরী ব'লে স্পষ্ট ক'রতে সক্ষম নই।

বীতশোক। হাঁ, হাঁ সভা ব'লেছেন। বিশ্বামিত্র,
পরশর প্রভৃতি বাতাসু গণিতগত্র ভক্ষণ ক'রে রিপু জয়
ক'রতে পারেন নাই—রমণীর ললিত মুখদর্শনে মুগ্ধ
হ'য়েছিলেন।

অশোক। (ভিক্ষুগণের প্রতি) মহাশয়, আমার
মিনতি—এ স্থানে এ সকল কথা আন্দোলনের প্রয়োজন
নাই। আপনারা নিজ নিজ স্থানে গমন করুন।

অশোক। বীতশোক, এ কি তোমার আচরণ ?

বীতশোক। কেন, মহারাজ, সত্য কথা বলায় তো আপনার নিষেধ নাই। যদি নিষেধ করেন, বারান্তরে এরূপ ক'রব না।

অশোক। ওঁরা পরম যোগী, ওঁদের প্রতি এরূপ সন্দেহ ?

বীতশোক। মহারাজ, মার্জনা ক'রবেন—ভোগী ব্যক্তি যে ইঞ্জিয় দমন ক'রতে পারেন, এ আমার ধারণা নাই।

অশোক। ভাল, তুমি এস, আমার অপর কার্য আছে। একদিন তোমায় বুঝিয়ে দেব যে, তৃষাবর্জিত ভোগ সম্ভব। বহু তীর্থ ভ্রমণ ক'রে ও বহু পরীক্ষায় এ ধারণা আমার দৃঢ়ীভূত হ'য়েছে; ক্রমে তুমিও বুঝবে।

বীতশোক। মহারাজ, বুঝলে অবশু স্বীকার ক'রব।

[বীতশোকের প্রস্থান।]

অশোক। মন্ত্রী ম'শায়, সাধু-নিন্দায় বীতশোকের যে মহা অকল্যাণ হয় !

কল্লাটক। মহারাজ, আমি বিস্তর তর্ক ক'রে দেখেছি, উনি কোনমতেই স্বীকার করেন না যে, এঁরা সাধু। বলেন, বিজ্ঞান-বলে কতকটা ভেদী দেখিয়ে মহারাজকে ভুলিয়েছেন।

অশোক। আচ্ছা, দেখা যাক! সংবাদ পেয়েছেন যে, যারা আচারপ্রষ্ট ব্রাহ্মণ, তারা রটনা ক'রেছে যে, আমি হিন্দুধর্মসেবী! এতে নিষ্ঠাচার শত শত ব্রাহ্মণ ধর্ম-রক্ষার্থে সভয়ে নির্জনে স্থানে বাস ক'চ্ছেন। আপনি অস্ত্র প্রতি প্রদেশে, প্রতি নগরে, প্রতি পল্লীতে, প্রতি গৃহে প্রচার করুন যে—হিন্দু হ'ক, জৈন হ'ক, যে ধর্ম উপাসক হ'ন—যিনি এ রাজ্যে বাস করেন, যিনি নিষ্ঠাচার, স্বধর্মের প্রতি ধীর অম্লরাগ, তিনি বৌদ্ধ-ভিক্ষুর ভ্রায় আমার সম্মানভাজন, বৌদ্ধের ভ্রায় তাঁরাও রাজ-সাহায্য প্রাপ্ত হবেন।

কল্লাটক। মহারাজ, কিরূপে রাজ্যে ক'চ্ছেন? হিংসা-বর্জিত সনাতন বৌদ্ধধর্ম ব্যতীত সকল ধর্মই কুসংস্কারবৃত্ত। এরূপ সমদৃষ্টি রাজ্যদেশে কুসংস্কার প্রশ্রয় পাবে। তাতে এই মহান্ ধর্মপ্রচারে হানি হওয়া সম্ভব।

অশোক। না মন্ত্রীবর, প্রকৃত ধর্মনিষ্ঠ স্বধর্ম-পালক কদাচ কুসংস্কার-জড়িত হয় না—শুদ্ধদেব বার বার আমার

সদাচারের অপার মহিমা—তাতে মালিন্য স্পর্শ করে না। জ্ঞানার্জনে নিষ্ঠাব্রত একমাত্র অবলম্বন। সম্বর বা'তে এ আদেশ প্রচার হয়, যদ্বান্ হ'ন।

কল্লাটক। যে রাজ্যে, মহারাজ! (প্রস্থানোত্তোগ)

অশোক। আর এক কথা—রাজ্যে বা'তে অনাথ, কুপ ব্যক্তির গুশ্রা হয়, যথায় চিকিৎসালয় আবশ্যক, কিছুমাত্র ব্যয়কুষ্ঠ না হ'য়ে, তাহা যেন স্থাপিত হয়। পশুপক্ষীরাও মনুষ্যের ভ্রায় শারীরিক নিয়মাদান, তাদের রোগ-ভাড়া দূরীকরণের নিমিত্ত ঐরূপ চিকিৎসাগার নির্মিত হ'ক। যে সকল ওষধি হুস্ত্রাপ্য, তার বীজ আনয়ন ক'রে যত্নে রোপিত হ'ক। তীর্থভ্রমণ ক'রে দেখলেম, গমনাগমনের বিস্তৃত পথের অভাব—রাজ্যময় বিস্তৃত পথ নির্মিত হ'ক। পথিকের জল-কষ্ট নিবারণার্থে বহু কুপ খননের আদেশ দিন। যান বহু কার্য—ব্রাহ্ম-দিবা কার্য। রাজ্য—ভার, ভোগ নয়।

কল্লাটক। মহারাজের জয় হ'ক!

[কল্লাটকের প্রস্থান।]

অশোক। আকাল, একটি কাজ ক'রতে পারবে?

আকাল। রাজ্যে ক'রলেই ক'রতে যাব, পারব যি না, জানি না।

অশোক। যদি উড়তে বলি?

আকাল। লাফ মারব।

অশোক। যদি ডুবতে বলি?

আকাল। ডুব হুড়ুব।

অশোক। যদি আগুনে ঝাঁপ দিতে বলি?

আকাল। বোঁ ক'রে চম্পট দেব।

অশোক। শোন, তুই বীতশোককে কোনরূপে রাজ-সজ্জায় আমার সিংহাসনে বসাতে পারিস?

আকাল। আমার নিজে ব'সতে বললে যতটা সোজা হ'ত, ততটা সোজা নয়—তবে দেখি।

অশোক। আচ্ছা দেখু দেখি, যদি পারিস। আমি রাজ-পরিচ্ছদ পরিত্যাগ ক'রে, স্নান-আহারাদি-অস্ত্রে বিরাজ করি, জানিস্ তো? সেই সময়ে বীতশোককে রাজমুকুট পরিয়ে সিংহাসনে বসাতে পারবি? দেখিস্ যেন কেউ টেং পায় না।

অশোক। আচ্ছা আচ্ছা, বুঝেছিল বুঝেছিল, দেখি
তার বাহাছরি।

[আকালের প্রস্থান।]

(উপগুপ্তের প্রবেশ)

শ্রীচরণে সান্ত্বিত দাসের !

কোন ভাগ্যোদয়ে আজ পবিত্র এ পুরী ?

উপগুপ্ত। তীর্থস্থান যথা যথা ক'রেছ ভ্রমণ—

যথা প্রভুর জনম,

যেই যেই স্থানে পর্যটন,

তপস্তা যথায়,

বোধিসত্ত্ব লাভ যে আসনে—

সে সকল পুণ্যস্থলে

স্তুত, স্তূপ বিহার নির্মাণ—

নিরন্তর বাসনা তোমার।

চৌরাশি সহস্র স্তূপ নির্মাণ-কল্পনা

নিরন্তর জাগিছে অন্তরে।

পূর্ণ যাহে হয় তব সাধু মনস্কাম,

সেই হেতু আগমন মম।

অশোক। পরম কৃতার্থ দাস অপার কৃপায় !

কিঙ্ক, দেব, ল'য়ে তবাত্রয়

তবু দ্বন্দ্ব মনে হয়—

প্রতি তীর্থে স্তুত, স্তূপ, বিহার সকল

কেমনে উঠিবে ?

শিল্প-নিপুণতা হেন আছে রাজ্যে কার,

যাহার সাহায্যে হবে এ কার্য উদ্ধার ?

উপগুপ্ত। এস, আছ প্রতিশ্রুত বৃদ্ধদেব-স্থানে,

রাজ্যদেশ-পালনে করহ অঙ্গীকার।

(মারের প্রবেশ)

মার। আমি তো রাজ-কিঙ্কর, আমি তো রাজ-কিঙ্কর
চিরদিনই আছি।

অশোক। প্রভু, এ তো মায়াময়—মায়াপুরী নির্মাণ
ক'রেছিল। কে জানে, কি শক্তি-প্রভাবে এ অমানুষিক
কার্যে সক্ষম। এ মহা পাপাচার, একে কি নিমিত্ত

উপগুপ্ত। না, মহারাজ, এই পাপাচার-নির্মিত স্তূপ
চিরদিনের নিমিত্ত ভারতে মহারাজের মহিমা প্রচার ক'রবে।

আজ্ঞা প্রদান করুন, যে দিন যে তীর্থে অমুমতি ক'রবেন,
তথায় যেন অচিরে স্তূপ নির্মিত হয়। কুণ্ঠিত হবেন না,
যেমন বলবান পশু আরোহণে অনায়াসে ভ্রমণ-কার্য সম্পন্ন
হয়, সেইরূপ পাশব প্ররক্তির সারভূত শক্তির আশ্রয় গ্রহণে
সঙ্কুচিত হবেন না।

অশোক। প্রভু, ভারতের শিল্পীর পরিচয় কি এ স্তূপ
নির্মাণে ধরাবাসী প্রাপ্ত হবে না !

উপগুপ্ত। বৎস, সমস্তই শিল্পীর কৌশলে নির্মিত হবে।
ভারতের শিল্পনৈপুণ্য জগতে অবিদিত থাকবে না।
কেবলমাত্র এর বিদ্য-উৎপাদন-শক্তি হয়ণ করা প্রয়োজন।
(মারের প্রতি) যাও—দূর হও, সময়ে আজ্ঞা পালন ক'র।

[মারের প্রস্থান।]

অশোক। প্রভু, কে এ ব্যক্তি ?—ভূত, প্রেত, পিশাচ
বা দানব ? আকার মানুষ্যের ছায় দেখ্লেম !

উপগুপ্ত। এর স্বরূপ আকার এখনই তোমার দৃষ্টি-
গোচর হবে। দর্শন কর—(অশোককে স্পর্শ করণ)

পট পরিবর্তন

দৃশ্য—কুঞ্জবন

[কুঞ্জবন-মধ্যে স্তম্ভের বেশভূষায় সহচর ও সহচরীগণবেষ্টিত
মারের বিহার। সহসা জ্যোতিঃ প্রকাশ ; জ্যোতিঃ-স্পর্শে
কুঞ্জবন নরকে পরিণত হওন এবং সহচর ও সহ-
চরীগণ সহ মারের কদাচার ও কুংসিং
মূর্তিতে পরিবর্তিত হওন]

অশোক। মরি মরি, কি পুষ্পরাজি-বিকসিত কুঞ্জসারি—
যেন দেব-দেবী আনন্দে বিহার ক'চ্ছেন ! ওই কি অমরা-
বতী ? গোধূলি-ছায়াচ্ছন্ন কেন ? এ কি ! মহান
জ্যোতিঃ-প্রবাহ কোথা হ'তে আসছে ! জ্যোতিঃ-স্পর্শে
সমস্ত শ্রীভট্ট হ'য়েছে ! দেখুন—পৃতি-মাংস-অস্থি-বিকীর্ণ
মলমূত্র-বেষ্টিত কি কুংসিত স্থান ! কোথায় সেই দেব-দেবী
মূর্তি—আলোক-প্রভাবে সকলই বিনষ্ট ! ক্ষতপূর্ণ কদাচার
দেহী—মূর্তিমান ঘৃণার আকার ! শুক্রেদেব, এ সকল কি ?

হের—হিংসা, তৃষা, সংশয় প্রভৃতি
 যত মার-পরিবার, কুরুপ অন্তর
 আচ্ছাদিত মায়ায় মোহিনী-বেশে ।
 মহান্ এ পরম আলোকে
 দগ্ধ আরোপিত কায়া—
 হের, বৎস, স্বরূপ আকার সবার্কার ।

পুনরায় পূর্ব দৃশ্য

অশোক । কোথায় মিশিল সবে আবাস সহিত ?

কহ, প্রভু
 কোথা করে অবস্থান স্বগণে চর্চ্ছন ?
 কেন ধরে সুন্দর মুরতি ?
 কিবা ওই মহা জ্যোতিঃ,
 স্পর্শে যাহা—
 স্বরূপ কুংসিত তহু প্রকাশ পাইয়ে
 আবাস সহিত মিলিল অনিগে যেন ।

উপগুপ্ত । মানব-হৃদয়ে স্থান কেন ও সবার ।

মোহাচ্ছন্ন মানবে সঞ্চালি
 নিত্য করে জীবলোকে কেলি,
 মুগ্ধ করি' মোহিনী-আকার ধরি' !
 কভু বার-বিলাসিনী,
 কভু চাটুকায়
 কহে মুগ্ধ স্তমধুর বাণী ;
 কভু ছুঁ উপদেষ্টা রূপে
 ভায়-পরিচ্ছদে সাজাইয়া রোষে
 নরে আনে বশে,
 প্রেম-ছায়া কামে করে দান ;
 পরনিন্দা, পরচর্চা করে সত্য ভাণে ।
 বলি হৃদে হেন মতে মোহি জনে জনে
 গাপের সংসার তার করে স্থবিস্তার ।
 কিন্তু ওই মহান্ আলোকে
 দীপ্ত যদি হয় হৃদিহল,

হৃদপদ্ম হয় সুপ্রকাশ—

পদ্মাসনে বুদ্ধদেব বসেন ভাহার ।

অশোক । প্রভু, প্রভু—সংশয় দূর করুন ! যদি অন্তরে
 ওদের স্থান, তবে বহির্দৃষ্টিতে কি আকার দেখ্লেম ?
 উপগুপ্ত । জেন, বৎস, বহির্দর্শে অন্তরের ছবি ।

শূন্য—শূন্য—শূন্য সমুদয়

কিছু নাই, কিছু আর নয়,

আত্ম-অভিমান করিয়া আশ্রয়

সহে নর অশেষ যন্ত্রণা ।

কেহ ভোগের আশায়

অন্তরের পাপবৃত্তি করে উত্তেজনা ;

বর্দ্ধিত আকারে

মার কলেবরে দেখা দেয় তারে

তার অন্তরের ছবি ।

অতি তুষ্ট বাহার সাধনে

কুক্ৰিয়ার শক্তি তারে দানে,

স্বার্থের কারণে ইঞ্জিয় চালনে

উৎপাত ঘটায় এ সংসারে—

মায়া-শক্তি পায় সে চর্চ্ছন ।

বাসনার প্ররোচনে

ছুঁটা শক্তি-আরাধনে

পূর্ণকাম সিদ্ধিলাভ করি ।

কিন্তু ওই মহা জ্যোতিঃ নিহিত হৃদয়ে

ধ্যানযোগে হয় দীপ্তমান,

বোধিসত্ত্ব লতে সেই বুদ্ধদেবে হেরি ।

অশোক । প্রভু, প্রভু, আমার হৃদয় কম্পিত হ'চ্ছে !

আমার হৃদয়েও কি ওদের বাস ?

উপগুপ্ত । বৎস, চিন্তা কর না, শীঘ্র বিতাড়িত হবে ।

কোনরূপ আত্মপ্রভারণায় কোষযুক্ত হ'য়ে না । কামের

নিকট সতর্ক থেক' । কাম বহুরূপধারী ।—দয়া, মায়া, প্রেম—

বিশেষ ধর্মের আকারে তার হলনা । কদাচ তারে প্রেম দিও

না । রাজ-কার্য্যে গমন কর, আমি স্বস্থানে বাই

অশোক । প্রভু, প্রণাম গ্রহণ করুন ।

দ্বিতীয় পর্ভাঙ্ক

রাজসভা

ক্রন্দনরত আকাল।

(বীতশোকের প্রবেশ)

বীতশোক। কিহে, আকাল, কাঁদছ কেন?

আকাল। আর যাও, ছোটরাজা, আমার মনের হুংখ মনেই রাখ'ব, কারেও বল'ব না।

বীতশোক। কি বলই না, শুনি?

আকাল। হাঁ বলি, আর মহারাজকে ব'লে ভুমি গর্দানো নেওয়াও।

বীতশোক। না না, বল না?

আকাল। আমি এমন বোকা রাজার মেশে থাক'ব না। তা নয় তো কি! ঐ উল্লুক-ভাল্লুক ব্যাটাদের কথায় মাটিতে শোবে, একবার থাকে, যুগয়ার যাবে না, ছটো আমোদ ক'রবে না, রাত-দিন কাজ—কাজ—কাজ! আমিও হায়রাণ হয়েছি! দিবারাত্র ফরমাস—ঐ ঘি়ের মটকি ক'টা নিয়ে আশ্রমে দিয়ে এস, ঐ ঘন হুধের সরের থান বৈকালিক পাঠাও, ঐ ফলের পর্বত, ছানার টিপি, সব চালান দাও—আমি আজ চম্পট দিচ্ছি। তবে একটা মনের সাধ মনে রইল।

বীতশোক। কি সাধ হে?

আকাল। সে আবার আপ'নি তামাসা ক'রে উড়িয়ে দেবেন।

বীতশোক। না না, তামাসা ক'র'ব না, বল না?

আকাল। আপনাকে একবার মুকুট মাথায় দিয়ে রাজ-সিংহাসনে দেখ'বার আমার বড় সাধ।

বীতশোক। আজ তোমার এ কি তিট্কিলেমি?

আকাল। ঐ জন্তেই বলি নাই, মনের সাধ মনে মেরেছি। আজ, চললুম—নমস্কার!

বীতশোক। কিহে, আজ ব্যাপারখানা কি?

আকাল। সে অনেক কথা।

মাথায় মুকুট দিন। আপনি যেন রাজা, আর আমি যেন ঐ হাড়গিলে মজ্জীটে,—এই যেন আপনি বসেছেন, আর এই যেন আমি দাঁড়িয়ে আছি। দিন, দিন—মুকুট মাথায় দিন।

(বীতশোকের সিংহাসনে উপবেশন এবং আকালের

বীতশোকের মস্তকে মুকুট প্রদান)

দিয়েছেন তো? আর এই আমি দাঁড়িয়ে আছি,—দাঁড়িয়ে আছি তো—আছি।

বীতশোক। দাঁড়িয়ে তো আছ, তারপর?

আকাল। এই—এ দিকে দাঁড়িয়ে আছি, এই ও দিকে দাঁড়িয়েছি; আবার—এ দিকে দাঁড়াচ্ছি তো ও দিকে দাঁড়াচ্ছি। ঐ মহারাজ আস'ছেন, বাপরে—শালি—

[আকালের পলায়ন।

(অশোকের প্রবেশ)

অশোক। বীতশোক, তোর এত বড় স্পর্দ্ধা, আমার মুকুট ধারণ করিস্—আমার সিংহাসনে উপবেশন করিস্?

বীতশোক। মহারাজ, আকাল পরিহাস ক'রে—

অশোক। পাটলিপুত্রের সিংহাসনে উপবেশন—পরিহাস? রাজমুকুট ধারণ—পরিহাস! তুই বিদ্রোহী।

বীতশোক। মহারাজ, আকালকে জিজ্ঞাসা করুন।

অশোক। বুঝেছি—বুঝেছি—আকালের সঙ্গে তোর পরামর্শ, তাই পলায়ন ক'রলে।

(রাধাগুপ্ত ও রাজপারিষদগণের প্রবেশ)

দেখুন, বীতশোকের ব্যবহার দেখুন! ইনি আমার সিংহাসনে—আমার মুকুট ধারণ ক'রে উপবেশন ক'রেছেন। রাজ্যে বিদ্রোহ উপস্থিত, আপনারা সতর্ক হ'ন।

বীতশোক। মহারাজ, দাসের কোনও অপরাধ নাই।

অশোক। আবার নিরপরাধ ভাণ!

বীতশোক। মহারাজ, যদি অপরাধ হ'য়ে থাকে, মার্জনা করুন।

অশোক। বিদ্রোহীর অপরাধ অমার্জনীয়। তবে তুমি

সুগৃহ ভোগান্তে তোমার শিরশ্ছেদ হবে। মস্তি, সাতদিন আমার প্রতিনিধি-স্বরূপ ইনি সিংহাসনে উপবেশন করবেন। যেক্রপ রাজভোগ ওর অভিলাষ, যে সুন্দরী রমণীর প্রতি গুঁর দৃষ্টি, গুঁর বাদনা-তৃপ্তির জন্ত যেন গুঁর অভাব হয় না। গুঁর যেক্রপ অভিপ্রায়, সেইক্রপ গুঁর ভোগের আয়োজন করবেন। নগরে সাতদিন উৎসব হ'ক, উনি উৎসব-আনন্দ করুন।

[অশোকের প্রস্থান।]

রাধাগুপ্ত। মহারাজের কি আজ্ঞা প্রকাশ করুন ?

বীতশোক। আজ্ঞায় আর কাজ নাই, অজ্ঞান হই নাই—এই ঢের !

রাধাগুপ্ত। মহারাজ, গাজোখান করুন, বিরামের সময় উপস্থিত।

বীতশোক। আর বিরাম কাজ নাই! আজই নাইয়ে এনে কপালে সিঁদুরের টিপ দিয়ে যা করবার করুন।

[বীতশোক ব্যতীত সকলের প্রস্থান।]

(তৃষা ও নর্তকীগণের প্রবেশ)

(নৃত্য-গীত)

হয় যদি হবে মরণ, আজ কেন ভেবে

নিছে মজা হারাবে।

কোটে ফুল লোটায় মধু খ'রবে কি ভাবে।

ম'রবে তো সবাই মরে, নিত্য কেবা ভেবে মরে,

মরণ হ'লে কুরিয়ে যাবে, নাও আমোদ ক'রে ;

এসো হে সোহাগ ভরে, সোহাগারে ছেদে ধ'রে

পিয়ে অধর-স্থধা থাক বিভোরে ;

আনন্দ মরণ, থাকলে বিভোরে—কি এসে যাবে।

তৃষা। আনন্দ, মহারাজ, উপবনে বিহার করবেন।

বীতশোক। আর বিহার করব কি! উপদেবতা ঘাড়ে চেপে যে হাড়ে হাড়ে বিহার করচ্ছে!

তৃষা। আনন্দ, আনন্দ, সময় ব'য়ে যায়।

বীতশোক। গেলে আর ক'ছি কি বল ?

তৃষা। তোর যা লো যা, আমি রাজাকে নিয়ে যাচ্ছি।

[নর্তকীগণের প্রস্থান।]

বীতশোক। সুন্দর, জানি না তুমি কে? কি তোমার পাপ-ছায়া আমার অন্তরে-ফেলবার বুধা চেষ্টা ক'চ্ছ। তোমার অভিপ্রায়, আমি রাজাকে বধ করবার উত্তোগ করি। কিন্তু শোন, যদি আমার দেহে হিংসা থাকত, অগ্রে তোমার শিরশ্ছেদ করতাম। যাও, কে তোমায় প্রেরণ করেছে জানি না। তারে বল, মহারাজ আমার ইষ্টদেব। আমি পরিহাস-পরবশ হ'য়ে রাজ-সিংহাসনে উপবেশন ক'রেছি,—পিতা-পিতামহ-জ্যেষ্ঠভ্রাতার সিংহাসন উপেক্ষা! তবে প্রাণের মমতা এখন বর্জিত হই নাই, তাই আমার বিষন্ন দেখেছ। আমি নিকোঁধ, কিন্তু বংশের কলঙ্ক নই।

[বীতশোকের প্রস্থান।]

(অশোক ও রাধাগুপ্তের পরস্পর বিপরীত দিক হইতে প্রবেশ)

অশোক। কোথায় গেল, নর্তকীদের সঙ্গে গেল কি ?

রাধাগুপ্ত। না, মহারাজ, বিষন্নভাবে নিজ মন্দিরে গমন করলেন।

অশোক। কে তুমি ?

তৃষা। আমি মহারাজের নিকট পত্র ল'য়ে এসেছিলুম।

অশোক। কে পত্র দিয়েছে ?

তৃষা। গোপনে মহারাজকে নিবেদন কর'ব।

রাধাগুপ্ত। মহারাজ, রাজাঞ্জা হ'লে কার্যে গমন করি।

অশোক। আনন্দ।

[রাধাগুপ্তের প্রস্থান।]

তৃষা। এই পত্রে সমস্ত অবগত হবেন। যদি ইচ্ছা হয়, দাসীর দ্বারা উত্তর প্রেরণ করবেন।

অশোক। (পত্র পাঠ করিয়া) কি, তিনি বৌদ্ধধর্ম জানতে ইচ্ছুক? বৌদ্ধ-ভিক্ষু বা ভিক্ষুণী দ্বারা জানতে পারেন।

তৃষা। জেনেছেন,—কিন্তু তা'তে তাঁর তৃপ্তি হয় নাই। তাঁর মনে সংশয় যে, ভিক্ষু-ভিক্ষুণী সামান্য অবস্থার ব্যক্তি, হয় তো কোন দীন-দরিদ্র-ভিক্ষু বা ভিক্ষুণী হ'য়ে ভিক্ষা দ্বারা সম্রাটের সহিত প্রয়োজনীয় বস্তু প্রাপ্ত হয়। কিন্তু মহারাজ যদি ভোগ বর্জন ক'রে থাকেন, সে আশ্চর্য! আপনি কি রক্ত লোপ্ত হ'য়ে কার্যের আনন্দ দেখানোর জন্যে আসছেন?

অশোক। আমি প্রতিশ্রুত হ'তে পারি না। তুমি
মর্যাদার, এস, আমি উত্তর দেব।

তুয়া। যে আজ্ঞে।

[অসাবধানতার ভাণে একখানি চিত্রপট নিক্ষেপ
করিয়া তুমার প্রস্থান।

অশোক। কে এ পত্রলেখিকা! কোন উচ্চবংশীয়
বে। অবশ্য একপ সন্দেহ হওয়া সম্ভব; ভোগ-ইচ্ছা
হজেই দমন করা যায় না। একি, পত্রবাহিকা ফেলে
গল না কি? (ভূপতিত চিত্রপট তুলিয়া লইয়া) সুন্দর—
প্যান্থ নারী-মূর্তি! নিম্নে “তিস্মরাক্ষতা” লিখিত; সুন্দরী
যাম কি তিস্মরাক্ষিতা?

(আকালের প্রবেশ)

আকাল। মহারাজ, কি ও!

অশোক। কিছু না। কি সংবাদ?

আকাল। মহারাজ, আমি গুণ্ডতে শিখেছি।

অশোক। বটে!

আকাল। পরীক্ষা ক'রে দেখুন! ওখানা কোন
শ্রীলোকের ছবি।

অশোক। কিসে?

আকাল। আপনায় গোপন করায়, আর শিউরে ওঠায়।

অশোক। যাও, বীতশোক কি ক'ছে, সন্ধান নাও।

আকাল। তা নিচ্ছি। কিন্তু মহারাজা ভূঁয়েই শোন
আর এক সঙ্কেত পান, আমি রাস্তায় গড়িয়ে উপোস ক'রে
দেখেছি, ও মেয়েমানুষের কাঁড়া কাটে না। মহারাজের
ও কাঁড়া কাটে নাই, বোধ হয়।

অশোক। যাও যাও! এ কুল-কামিনীর ছবি, তাই
গোপন ক'রলেম।

আকাল। মহারাজ রুষ্ট হ'ন হবেন! যিনি আপনার
ছবি আঁকিয়ে বিলোন, তিনি কুল-কামিনী নন, কুলের ধ্বজা!

[আকালের প্রস্থান।

দেওয়া না হয়; কিন্তু রাজ-আজ্ঞা অলঙ্ঘনীয়। মহারাজের
আজ্ঞামত প্রচারিত হ'য়েছে যে, সকল ধর্ম্মাবলম্বী অবশ্যে
নিজ নিজ ধর্ম্মানুষ্ঠান করুক, মহারাজ সকলকেই আশ্রয়
প্রদান ক'রবেন। তার ফল দেখুন,—গর্কিত নাস্তিক জৈন,
তাদের উপাস্ত মহাবীরের মূর্তির পদতলে—ব'লতে বিহ্বা
জড়িত হ'চ্ছে—

অশোক। কি কি?

কল্লাটক। বুদ্ধদেবের মূর্তি অঙ্কিত ক'রেছে।

অশোক। কি, এত বড় স্পর্ধা! রাজাজ্ঞা প্রচার
করুন যে, প্রতি জৈনের মন্তকের মূল্য দশ স্বর্ণ মুদ্রা। রাজ-
কর্ম্মচারীর নিকট মুণ্ড আনয়ন মাত্র প্রাপ্ত হবে। আজ
হ'তে জৈন-নিধন আমার সঙ্কল্প।

কল্লাটক। যে আজ্ঞা মহারাজ, দাসও সেই প্রার্থনা
ক'রেছে।

[উভয়ের প্রস্থান।

তৃতীয় গর্ভাঙ্ক

অলিন্দ

বীতশোক।

বীতশোক। এত দিনে জন্মেছে প্রত্যয়,

মৃত্যু মহাভয়—মৃত্যু মহাশিক্ষাদাতা।

বুঝিরাছি—বুঝেছি এখন,

কি কারণে নৃপতি-নন্দন

ব্যাধি, জরা, মৃত্যু, ভিক্ষু করি দরশন।

হইলেন তপাচারী!

বিনা মৃত্যু-জয়

নাহি আর শাস্তির উপায়।

ক'রেছেন বুদ্ধদেব পথ-প্রদর্শন—

করিবারে মৃত্যু পরাজয়,

একমাত্র উপায় সে পন্থাবলম্বন।

এই চক্ষু সুন্দর এ ধরা না হেরিবে,
 শ্রবণ না শুনিবে পাখীর গান,
 পুষ্পভ্রাণ নাসিকায় না স্পর্শিবে,
 রসাস্বাদ বর্জিত হইবে জিহ্বা ;
 কমনীয় কান্তি পরশনে
 আর কায় প্রফুল্ল না হবে—
 ফুরাইবে ফুরাবে সকলি !

(দূতের প্রবেশ)

দূত। মহারাজ, একদিন গত, ছয়দিন অবশিষ্ট।
 চলুন, সুন্দরীরা সুখপাত্র ল'য়ে আপনার অপেক্ষায় র'য়েছে।
 [দূতের প্রস্থান।

বীতশোক। আর আঁখি নিদ্রা না করিবে আকর্ষণ !
 মস্তিষ্ক উত্তপ্ত দিবানিশি,
 স্বপ্নাচ্ছন্ন ব'রে যায় দিন !

[বীতশোকের প্রস্থান।

চতুর্থ গর্ভাঙ্ক

চিত্তহরার কক্ষ

“তিষ্ঠুরমিতা”-রূপী চিত্তহরা।

চিত্তহরা। মা গো, কি ঘেরা—কি ঘেরা ! ঐ তো রূপ !
 মর পোড়ারমুখো, তার উপর একটু সুসন্ধ মাখ—গানের
 বোটিকা গন্ধ বৃচুক ! মাগো, কাছে এলে গা বিন্ বিন্ করে !
 এখন' খেলছেন—মনে ক'ছেন, গাঁথা পড়েন নাই ! টেনে
 তুললেই হয়, ঘুণায় তুলি নাই, যদিও যায়—বাক্। কি
 চমৎকার বেশ ক'রে দিয়েছে ! কি চমৎকার চুলের রং
 ক'রেছে, যেন চাঁদের আলো—চুলে বাঁধা ! কি চমৎকার রং !

(অশোকের প্রবেশ)

অশোক। (স্বগত) কি সুন্দর ! ধ্যানমগ্না—যেন
 ধ্যানে গঠিতা মূর্তি ! কি কঠিন পণ—রূপ-বোবন বিসর্জন
 দিয়ে ইষ্টলাভের জন্ত কুমারীত্বত অবলম্বন ক'রেছে !
 (প্রকাণ্ডে) আমি এসেছি। (স্বগত) গভীর ধ্যানমগ্না !
 (উচ্চ-কণ্ঠে) আমি এসেছি।

চিত্তহরা। (দীর্ঘনিশ্বাস ত্যাগ করণ)

অশোক। (স্বগত) এ দীর্ঘনিশ্বাস কেন ?

চিত্তহরা। কই—কই—কোথা গেল ? (বাহ প্রসার
 করিয়া উত্থান)

অশোক। কি, কি, কার অনুসন্ধান ক'চ্ছ ?

চিত্তহরা। না মহারাজ—না মহারাজ—কিছু না—
 আমি পাগল, আমার মনের ঠিক নাই !

অশোক। সুন্দরি, কার ধ্যানে নিমগ্না ছিলে ? কবে
 হারা হ'য়ে ওরূপ বাহ প্রদারণে আলিঙ্গনে উত্তত হ'য়েছিলে !

চিত্তহরা। মহারাজ, মার্জনা করুন ! জিজ্ঞাসা ক'রবেন
 না, রমণীকে লজ্জা দেবেন না। আমি আত্মহারা, আমার
 বামন হ'য়ে চন্দ্র-আকিঞ্চন।

অশোক। কি—কি বলছ ?

চিত্তহরা। মহারাজ, কেন উপদেশ দিতে আসেন
 আমি কার ধ্যান ক'রব ? আমি অষ্টপ্রহর এক ধ্যানে
 মগ্ন ! আমার হৃদয় হৃদয়-দেবতার পূর্ণ—সেখায় অস্ত্র দেবতা
 স্থান নাই।

অশোক। কে সে ভাগ্যবান ?

চিত্তহরা। মহারাজ, কেন লজ্জা দেন ? আমি দারিদ্র্য
 পদাশ্রিতা, আমার লজ্জা দেবেন না।

অশোক। কি বলছ ?

চিত্তহরা। মহারাজ, আপনি রাজা, আপনার অজ্ঞা
 কি আছে ? আপনি কি সত্যই জানেন না, আমি কার ধ্যান
 মগ্ন ? কে আমার অন্তর অধিকার ক'রেছে, তা কি আপনি
 অজানিত ? এতদিনে যদি বুঝে না থাকেন, তা'হা
 রাজদর্শন-সাধ আমার ফুল ! আর মহারাজকে কষ্ট

অশোক

অশোক। বল বল! যদি সত্য হয়, কেন আমার স্বর্গ-
স্থে বঞ্চিত কর? আমার গৃহ শূন্য, আমার গৃহ আলো
ক'রে, আনন্দদায়িনি, আনন্দ বিস্তার কর!

চিন্তহরা। মহারাজ, বিবেচনা করুন—অজানিত,
অপরিচিতকে গ্রহণ ক'রে তো রাজপুত্রী অপবিত্র হবে না?

অশোক। না, তুমি আমার সহধর্মিণী—সাধনের সহায়।
আমি অশুভই চতুর্দোল প্রেরণ ক'রে তোমায় ল'য়ে যাব।
এস হৃদয়েধরি—হৃদয়ে।

চিন্তহরা। না না, মহারাজ, সময় দিন—বিবেচনা
করুন, উত্তলা হবেন না। না না, আমার স্পর্শ ক'রবেন
না। [চিন্তহরার প্রস্থান।]

অশোক। তিস্তরক্ষিতা—তিস্তরক্ষিতা—

[অশোকের পশ্চাৎ পশ্চাৎ প্রস্থান।]

পঞ্চম গভাঙ্ক

কাল—রাত্রি। স্তূপ-নির্মাণ-রত শিল্পীগণ
দেবী।

(সহচরীগণসহ বোধিবৃক্ষের শাখা-হস্তে সজ্জমিত্রার প্রবেশ)

সজ্জমিত্রা। সারিপুত্র মহোদয় বুদ্ধ-পারিষদ
অস্থি তাঁর প্রতিষ্ঠা করিবে শুভ্র মাঝে—
মহাকাব্য-ভার তুমি ল'য়েছ, জননি,
পতিভক্তি হৃদে ধরি সাহায্যে পতির।
দেহ তনুস্বয় ভার,
সাধ্যমত দেবকার্য্যে জীবন-বাঁপনে।
দিবসরজনী প্রভেদ না মানি
অন্নপানি করিয়ে বর্জন
নিয়োজিত আছ মহাকাব্য-অমুঠানে!

দেব বৎসে,
রাজার সাহায্যে কার্য্য করিব সাধন—
নহি হেন ভাগ্যবতী;
হইয়াছি পিতার সম্পত্তি-অধিকারী,

কিবা কার্য্যে তুমি উৎসাহিতা—

যামিনীতে আগমন তব যে কারণ?

চাঁদমুখ নিরখিয়ে পরিতৃপ্ত হৃদি।

সজ্জমিত্রা। মাতা, আশ্চর্য্য প্রভাব মম মহেশ্বর ভ্রাতার—

লঙ্কাধামে বুদ্ধদেবে পুজে ঘরে ঘরে।

নরপতি তথা উৎসাহিত আদর্শে পিতার,

ব্যস্ত সদা বৌদ্ধসজ্জ নির্মাণ কারণ,

হইয়াছে শত শত শুভ্র উত্তোলিত।

রাজরাশি উন্মাদের প্রায়

সুনির্মল বৌদ্ধধর্ম-দীক্ষা-পিপাসায়।

কিন্তু,

সে দীক্ষা-প্রদানে অসম্মত ভ্রাতা মম—

নারী-সঙ্গ ভিক্ষুর নিষেধ।

সে কারণে ভিক্ষুণী প্রেরণে

ক'রেছেন পত্রে ব্যক্ত নিজ অভিলাষ।

পত্র-পাঠে উৎসাহিত হৃদয় আমার;

তাই আসিয়াছি ত্রিচরণ বন্দিতে, জননি।

পতিসনে, ভিক্ষুণী-বেষ্টিত,

উপনীত হব লঙ্কাধামে।

পিতৃ-আজ্ঞা ক'রেছি গ্রহণ—

প্রস্তুত অর্ণবতরী ল'য়ে যেতে তথা—

নন্দিনীকে বিদাও, জননি!

দেবী। কোন্ বৃক্ষশাখা এই হেরি তোর করে,

প্রয়োজন সিদ্ধ কিবা হবে এ শাখায়?

সজ্জমিত্রা। চিনিতে কি হেতু শাখা নার গো জননি?

পবিত্র বৃক্ষের শাখা লঙ্কাধামে ল'য়ে.

রোপণ করিব তথা অতি সযতনে,

হবে তায় বুদ্ধগয়া সম তীর্থস্থান—

বৃক্ষে পুজি পবিত্র হইবে জনগণ।

যেই বৃক্ষতরুণে বসি ভগবান

লভিলেন বোধিসত্ত্ব ধরার কল্যাণে—

জাহ্নবী পবিত্র শাখা নৈলারী জননি।

কার্যে তার পিতৃলোক পুলকিত।

ব'ল রাজ-মহিবীরে

পুত্র-কত্তা সঁপি তাঁর করে

নিশ্চিন্ত জননী সে দৌহার!

যথাযোগ্য সম্ভাষণে তুষিও রাজায়,

জামাতারে জানাইও কল্যাণ বচন—

(সম্ভবিত্রা ও সহচরীগণের গীত)

বাঁর পদে সঁপেছি জীবন,

তাঁরই কাজে বাই চলে।

চরণ—ধ্যানে ধ'রে হৃদয়-কমলে ॥

কৃপাময় তাঁহার (ই) কৃপায়—

চিনেছি তো তাঁর,

প্রাণ সঁপেছি তাইতে রাজা পায়;

কায়মনে বাঁর শরণ নিলে

চতুর্দর্শ কল কলে;

যাই সকলে গুণনভেদী রোল তুলে।

জয় জয় জয় বৃক্ষদেবের জয় বলে।

[সম্ভবিত্রা ও তৎসহচরীগণের প্রস্থান।

দেবী। আমি কি কঠিনা জননী, পুত্র-কত্তা বিদায় দিয়ে
আমার প্রাণ আনন্দে পূর্ণ হ'চ্ছে, আমি আপনাকে শত ধৃত
জান ক'চ্ছি! যাই, যতক্ষণ দেখা পাই, দেখি।

[দেবীর প্রস্থান।

ষষ্ঠ গর্ভাঙ্ক

রাজসভা

রাধাগুপ্ত ও সভাসদগণ।

(কুনালের প্রবেশ)

কুনাল। মন্ত্রীবর, শুনছি না কি রাজকোপে কাকার
আজ প্রাণদণ্ড হবে। আপনি আমার মিনতি রক্ষা করুন,
আম্বন, মহারাজের চরণে সকলে মিলে মার্জনা-প্রার্থনা করি।

রাধাগুপ্ত। আমরা অনেক প্রার্থনা ক'রেছি, মহারাজ
মার্জনা ক'রবেন না।

(অশোকের প্রবেশ)

অশোক। কি কুনাল, তোমার ধুল্লভাতের প্রতি যে
তোমার বড় স্নেহ!

কুনাল। মহারাজ, কাকা স্বর্গীয়া, রাজমাতার বড়
আদরের ধন, গুঁর প্রাণবধে তিনি স্বর্গে চঞ্চলা হবেন।
পিতা, পিতা, বাল্যকালে কাকার কোলে লালিত হ'য়েছি,
জননীর অদর্শনে কাকা আমার জননীর মত তাঁহার স্নেহভরা
হৃদয়ে স্থান দিয়েছেন। পিতা, সন্তানের প্রার্থনা রক্ষা
করুন।

অশোক। কুনাল, তোমার কি ধারণা যে, তোমার
পিতা তাঁর স্বর্গীয়া জননীকে বিন্মত হ'য়েছেন? তোমার
কি ধারণা, জননীর শেষ বাক্য তিনি রক্ষা ক'রবেন না?
তিনি হাতে হাতে সমর্পণ ক'রেছেন—তা তোমার পিতা
ভুলেছে? তুমি কি জান না, বীতশোক আমার প্রাণের
প্রাণ, আমার রাজ্যের দোসর! শাস্ত হও!

কুনাল। পিতা, পিতা, মার্জনা করুন, সন্তান অজান।

(প্রহরিগণ-বেষ্টিত বীতশোকের প্রবেশ)

অশোক। বীতশোক, মাত দিন রাজ্যভোগ কিরূপ
ক'রলে?

বীতশোক। মহারাজ, দিবা-রাত্র মুত্যা-মুখ দর্শন
ক'রেছি। চতুর্দিকে মৃত্যুচ্ছায়া—স্বপ্নবৎ দিন গত হ'য়েছে।
ভোজ্যবস্তু, মহোৎসব, নৃত্য-গীত কিছুই আমার ইন্দ্রিয়-গোচর
হয় নাই।

অশোক। তোমার কি বোধ হয়, তৃষা-বর্জিত ভোগ
সম্ভব?

বীতশোক। মহারাজ, মৃত্যু বার সম্মুখে, তার তৃষা
কোথায়?

অশোক। জেন, ঐ যে ভিক্ষু—সপ্তাহ পূর্বে যাদের
বাস্গচ্ছলে ব'লেছিলে যে, বিশ্বামিত্র, পরাশর প্রভৃতি
'বাতাছুপর্গাশী' হ'য়েও নারীর ললিত মুখদর্শনে মুগ্ধ
হ'য়েছিলেন, অতএব ভোগীর কাম-জয় অসম্ভব। সেই
ভিক্ষুরা কি অবস্থায় কালযাপন করেন অবগত ছিলে না,
সেই নিমিত্ত ঐরূপ বাক্য প্রয়োগ ক'রেছিলে! যে মৃত্যু-

ছায়া তোমায় রাজ্যভোগে বঞ্চিত ক'রেছিল, সেই মৃত্যু
মুখে রেখে তাঁরা দিবা-নিশি দেবকার্য্যে কালহরণ করেন।
সো আমায় আলিঙ্গন প্রদান কর। তুমি স্বর্গীয়া মাতার
মাদরের ধন—কনিষ্ঠ সহোদর; দোসর হ'য়ে সিংহাসনে
পবেশন কর।

বীতশোক। গুরু, জ্ঞানচক্ষু-উন্মীলনকারী, পিতৃহানী
জ্যষ্ঠ সহোদর—আর আমায় মোহে জড়িত ক'রবেন না।
মাপনার ক্লপায় আমার জ্ঞান-চক্ষু উন্মীলিত—আমি
ক্লদেবের জ্যোতি দর্শন ক'রেছি—দেই জ্যোতি আমায়
হাভয়ে আশ্বাস প্রদান ক'রেছে। মহারাজ, গুরু, আর
ভাগ-বাসনায় আমায় জড়িত ক'রবেন না।

অশোক। কি কি, তুমি ভিক্ষু-ধর্ম গ্রহণ ক'রবে?

বীতশোক। আপনায় আশ্রয়-অপেক্ষা।

অশোক। বীতশোক, তোমার নিদারুণ বাক্যে আজ
আমার সকল কথা মনে প'ড়েছে। শৈশবকালে তোমায়
তার ক্রোড়ে ঘেরুপ দেখেছিলেম, আজ মানস-নেত্রে
দইরূপ দেখছি। চলৎশক্তি প্রাপ্ত হ'য়ে ছায়ার ত্রায়
আমার পাছে পাছে ভ্রমণ ক'রেছে—সে দৃশ্য উদয় হ'চ্ছে।
ধন পিতৃবর্জিত, স্বজনহীন, তোমার সান্ত্বনাবচনে অন্তর-
প শীতল হ'য়েছে। আমায় সিংহাসনে উপবিষ্ট দর্শনে
তামার সেই হর্ষোৎফুল্ল বদন আমার চিত্ত আলোড়িত
হ'চ্ছে। বীতশোক, আমায় পরিত্যাগ ক'রে যেও না।

বীতশোক। মহারাজ, যে দিন বৌদ্ধধর্ম আপনি গ্রহণ
রেন, সেই দিন তো আপনি ভিক্ষু-আশ্রম প্রার্থনা
ক'রেছিলেন—কেবল মহাপুরুষের আদেশে দেবকার্য্যে রাজ-
চক্ররূপে রাজ-গৃহে বাস করেন। যে আশ্রম আপনার
জিত, সেই পরমাশ্রমে নিজ-দাসকে কেন বঞ্চিত করেন?
স্বমতি করুন, আমি সজ্জিত হ'য়ে আসি।

[বীতশোকের প্রস্থান।]

অশোক। কুনাল, কুনাল, তোমার কাকাকে ফেরাও।
আমি কঠোর ভ্রাতা—আমার কথা উপেক্ষা ক'রেছে, তোমার
মহ উপেক্ষা ক'রতে পারবে না। যাও, কুনাল, যাও,
তামার কাকাকে নিবারণ কর, যেন আমার হৃদয়-তন্ত্রী ছিঁড়ে
জ্য শূন্য ক'রে চলে যায় না।

কুনাল। কেন, পিতা, মহানন্দে কেন নিরানন্দ
ছেন? ভক্তুর সংসারে মায়া বর্জন করুন! আপনি

জ্ঞানী, অসারকে সার বিবেচনা ক'রবেন না। আমার জ্ঞান
হ'চ্ছে, পিতৃদেবগণ আনন্দে নৃত্য ক'চ্ছেন—রাজ-বংশে
আবার ভিক্ষু-সন্তান! যেন চতুর্দিকে জয়ধ্বনি আমার কর্ণে
প্রবেশ ক'চ্ছে! যেন দেব-দেবীগণ মহামহোৎসবে নৃত্য
ক'চ্ছেন! যেন বসুমতী আনন্দময়ী, আনন্দ-স্রোত স্থলে-
জলে, পবনে-গগনে-তপনে—মহা আনন্দ! আশীর্বাদ করুন,
আপনার সন্তান যেন ধূলভাতের পথাবলম্বী হয়।

(কুনালের গীত)

নিদারুণ বন্ধন কত দিন সহিব,
ত্রিতাপ-দহনে কত দিন দহিব,
পাশ্ববাসে কত রহিব।
কবে পীতবসন হবে দেহের (ই) ছাদন,
ভ্রমিব স্বাধীন চিতে বিহগ যেমন,
নিত শমন-শাসন, গীড়ার তড়ন,
কবে হইবে মোচন;
একে মাটির কারা, আছে বেড়িয়ে মায়া,
ভূত্যা পাবে কবে চরণ-ছায়া,
শাস্তি-বারি প্রাণ ভরি পিরিষ।

(ভিক্ষুবেশে বীতশোকের পুনঃ প্রবেশ)

বীতশোক। গুরু, জ্ঞানদাতা, বিদায় দিন।

অশোক। (সিংহাসন হইতে অবতরণ পূর্বক
বীতশোককে আলিঙ্গন করিয়া) বীতশোক, বীতশোক, কি
ব'লে বিদায় দেব! তোমার জননী জীবিতা থাকলে কি
এমন নিষ্ঠুর হ'তে পারত?

বীতশোক। দাদা, আর কেন পথ প্রদর্শন ক'রে বাধা
দেন? মৃত্যুসঙ্কুল সংসারে মমতায় আর আবদ্ধ ক'রবেন না।

কুনাল। কাকা, বিদায়ের সময় মহারাজের নিকট
জৈন-বধ ভিক্ষা নেন।

অশোক। কুনাল, ও কথা মুখে উচ্চারণ করিস্নে।
নাস্তিক জিন মহাবীরের পদতলে বুদ্ধদেবের শ্রীমুষ্টি অঙ্কিত
করে। জৈনকুল নির্মূল ব্যতীত এর প্রতিশোধ হবে না।

বীতশোক। দাদা, বিদায় হলুম। যদি মুছাঞ্জয় হ'তে
পারি, কথঞ্চিৎ গুরুদক্ষিণার নিমিত্ত গুরুর সমীপে উপস্থিত
হব।

অশোক। চল চল, কোথায় যাবে চল, আমিও তোমার
সঙ্গে যাব।

[সকলের প্রস্থান।]

সপ্তম পর্ভাক

চণ্ডাল-কুটার

পদ্মাবতী ও চণ্ডাল বালক-বালিকাগণ।

১ম বালক। দেখ্ মারি, আমরা পাখ্ মারি না, হরিণকে খিলাই। তোর বাতটা লিয়ে লিছু।

১ম বালিকা। হামি-লোক চি'উটা ভি মারি না। ধান দিই—পুছ।

পদ্মাবতী। কেন মার না?

১ম বালক। হামরা ভুলি না, ভুলি না, হামি ব'লবে, হামি ব'লবে—

২য় বালক। তুই চুপ! হামি ব'লবে।

পদ্মাবতী। (দ্বিতীয় বালকের প্রতি) আচ্ছা, তুমি বল?

২য় বালক। পাখ-পাখালির দরদ লাগে যে, তুই বললি!

১ম বালক। তুই ঠিক বললি না। হামি-লোককে যদি কেউ মারে, হামিলোকের যেমন ব্যথা লাগে, পাখি ভানোয়ারভি সবকোইকো তেমনি ব্যথা লাগে। তাদের বুলি নাই, ব'লতে শেখে না, তারা আপনার বুলিতে কাঁদে, তাদের মারলে হামাদের পাপ হবে—হামরা ভি জানোয়ার হ'য়ে যাব, হামাদের ভি মারবে।

পদ্মাবতী। আচ্ছা, তোমরা পিপড়ে মার না কেন? তারা তো চোঁচায় না?

২য় বালক। তারা খুদে খুদে, তাদের বুলি শোনা যায় না, লেকেন পুরা ব্যথা লাগে। টিপে দিলে আদমি লোক যেমন হাত-পা ছুড়ে মরে, তেমনি হাত-পা ছোড়ে।

পদ্মাবতী। তাদের ধান দাও কেন?

১ম বালিকা। হাঁ হাঁ, ওদেরভি ভুখ্ লাগে—হামরা সমক্ ক'রেছি, ওরা মাটি খুদে ঘর বানায়। সর্দার যেমন আনাজ জমা করে, ওরা ভি তেমনি শীতের মরহুমে বাহির হয় না, বৈঠে বৈঠে খায়।

পদ্মাবতী। আচ্ছা, তোমাদের যে গানটা শিখিয়েছি, গাও।

(চণ্ডাল বালক-বালিকাগণের গীত)

বুছু বুছু ফুকারনা।

বুছু কেপা হবে, খেছু না খেলাবে,

চিউটা ভি কতি না মার না।

দেখ চিউরা চলে, মিঠি বুলি বেলে

উলিকো আপনা সমক্ না।

কিসিকো বুঝি না মাননা, কোহি নেহি বেগানা,

সবকোই কো আপনা বিচার না।

পদ্মাবতী। বাছা, বুদ্ধদেব তোমাদের খুব কৃপা ক'রবেন।

২য় বালক। সেটা কে মায়ি? তোর বেটাটার মত হামাদের সাথে নাচবে—কুঁদবে—খেলেবে?

পদ্মাবতী। তাঁকে তোমরা ডেক'—তিনি তোমাদের চরণে স্থান দেবেন।

২য় বালিকা। চল্ চল্—ডাকি চল্।

সকলে। এ বে বুছু, এ বে বুছু!

২য় বালক। হামিলোক রোজ ফুকারি—আসবে তো?

১ম বালক। যে দিন আসবে, গউ চরাব না—খেলেবা। আজ যাই, গউ চরাই। তোরা-গুলোন আজভি মালা বানাস, হামি-লোককে দিবি, মায়ীকে ভি দিবি।

২য় বালক। আয় আয়, মাঠে ভি আয়, ধান কুড়াবি।

[বালক-বালিকাগণের প্রস্থান।]

(উপশ্লোকের প্রবেশ)

উপশ্লোক। মা, এ স্থানে তোমার কার্য্য অবসান; তোমার শিক্ষায় আবাল-বৃদ্ধবনিতা চণ্ডাল, হিংসা-দ্বেষ বর্জন ক'রেছে। বন হিংসা-বর্জিত। এখন রাজপুরে চল, কিন্তু এই চণ্ডালিনীর বেশে তথায় অবস্থান ক'রতে হবে। পিশাচিনীর ছলনায় তোমার স্বামী প্রাণ-বিনাশ হওয়ার সম্ভাবনা। তুমি রাজ-গৃহে থেকে তা নিবারণ ক'রবে।

পদ্মাবতী। প্রভু, আপনি ইচ্ছাময়—ইচ্ছা ক'রলে তো স্বামীকে পিশাচিনীর নিকট হ'তে মুক্ত ক'রতে পারেন।

উপশ্লোক। মা, প্রারম্ভ বলবান—ভোগ ব্যতীত তার ক্ষয় হয় না। পূর্বে জন্মে যে সময় মধু প্রদান ক'রেছিলেন, স্বয়ং ভ্রাতৃহর্য অপেক্ষা জ্ঞানবান ব'লে সে সময় যে গর্ক করেন, সেই গর্ক পূর্ণ হবে। যদি আমি নিবারণ করি, মহারাজা আমার কথায় সে পাপিনীকে পরিত্যাগ ক'রবেন, কিন্তু চিরদিনের জন্ত সে পাপ-ছবি তাঁর হৃদয়ে অঙ্কিত থাকবে।

পদ্মাবতী। প্রভু, আপনার কথায় তো তাঁর সম্পূর্ণ বিশ্বাস।

উপগুপ্ত। বিবাস—সত্য! কিন্তু, মা, তুমি নির্মলা—
পেমোহ যে কিরূপ বলবান, তাজান না। তার চরিত্রের
প্রতি দারুণ বিশেষ ব্যতীত রূপ-মোহ দূর হবে না।
বিশেষতঃ, নে মার-সহচরী, ধর্ম-ভাণে মহারাজকে প্রতারিত
হ'য়েছে। তার প্রতারণা প্রত্যক্ষ না ক'রে সে মোহ দূর
বে না। তোমার সাহায্য নিতান্ত প্রয়োজন। স্বার্থভ্যাগিনি,
তোমার আশ্রয়-বঞ্চনা এখন' অবসান হয় নাই—ক্ষুধা
হ'য়ে না।

পদ্মাবতী। প্রভু, আমি সে নিমিত্ত ক্ষুধা নই। আমি
পরম আত্মদে রাজ-সমীপে চণ্ডালিনী-বেশে অবস্থান ক'রব।
রাজার গলায় মালা দিয়ে আমি রাগি, নচেৎ আমি কে ?
কিন্তু, প্রভু, ভাবি—কি উপাদানে মানব-হৃদয় নিশ্চিত যে,
চাপনার শ্রীচরণ-স্পর্শেও মোহ দূর হয় নাই!

উপগুপ্ত। মা, এ ঘোর পরীক্ষার স্থল। প্রবল
হিংস্রাদিকে সামান্য প্রশ্রয় দানে দানবের ভায় বলবান হয়।
রাজা কিরূপ মোহ-জড়িত, তুমি রাজপুত্রের অবস্থান ক'রে
উপলব্ধি ক'রতে পারবে। মহারাজের জীবন-রক্ষার তুমিই
একমাত্র উপায়। জগতে সাধবীর আদর্শ প্রদান তোমারই
দায়—তোমার পূর্ব-জন্মের বুদ্ধ-দর্শনের ফল। সত্বর
প্রস্তুত হও।

পদ্মাবতী। প্রভু, কবে দানী বুদ্ধদেবের দর্শন পাবে?

উপগুপ্ত। স্বামীর সহিত একত্র দর্শন ক'রবে। সেই

দিন তোমার কার্য্য অবসান।

(চণ্ডাল-সদর ও তৎপন্নীর প্রবেশ)

চণ্ডাল। আরে বেটা, তুই টুকরাগুলোকে কি বল্লিরে ?
“বুড়ু বুড়ু” ব'লে হুলা তুলছে। বাপু'রে, আমার ডর
গে! তোর বুড়ুটা তো খাপা হবে না?

উপগুপ্ত। না, বাবা, তাঁর তোমাদের প্রতি পরম শ্রীতি।

চণ্ডাল। ঠিক তো? তবে বেশ! হামি-লোক আর
কাকের বাই না, পুছ কর।

উপগুপ্ত। তোমরা পরম মঙ্গল দাত ক'রবে।

পদ্মাবতী। (চণ্ডাল ও তৎপন্নীর প্রতি) বাবা, মা,
তদিন তোমরা আমার কন্ঠার ভায় রেখেছিলে। আজ আমি
গমী-গৃহে বাব, বিদায় দাও।

চণ্ডাল। না, মা, সেটা হবে না! পরাগ ধ'রে পারবে না।

তুই যে ক'বরব আলি—কাঁড়ি কাঁড়ি ধান হ'ল, বই হ'ল, গম
হ'ল, বুট হ'ল। গডুকে আনাজ খাওয়াই, তবু কমতি
হয় না—গোলা ভ'রে ভ'রে আছে।

চণ্ডাল-পন্নী। তুই বনের লছমী, তোকে ছাড়বে না।

মিস্লে-মাগী বুকের ভেতর ধ'রে রাখবে।

পদ্মাবতী। মা, আমি পতি-সেবায় বাব, তাতে তুমি
কেন বাধা দেবে? হস্তমুখে কতাকে স্বামীর ঘরে যেতে
বিদায় দাও।

চণ্ডাল। হ্যাঁ মা, হামাদের মায়া কাট'বি তো কেমন
ক'রে থাকবো গো? পরাগটা যে ধক্ধক্ ক'রবে! মাগী
মুণ্ডে ভাত তুলবে না। তুই রাঁধাবাড়া ক'রে না খেলে মাগী
খায় না। তুই ঝালি দেখলে তবে খাবে। ও দানা-পানি
ছোড়বে।

চণ্ডাল-পন্নী। না না, মিস্লে, আমি কাঁদবে না।
আয়, বেটা আয়, তোর কুঁটি বাঁধি, ফুলের মালা জড়াই।
পলাশফুলের মত রাঙ্গা ক'রে সিন্দুর দিই, আয়, বেটা আয়।
জামাই-ঘর যাবে না? যাবে—হামি ভি কাঁদবো না, তুই
ভি কাঁদিস নে।

চণ্ডাল। জাখ্ জাখ্, মাগী কাঁদে, আর হামায় মানা
দিচ্ছে, ব'লছে—কাঁদিস না।

চণ্ডাল-পন্নী। ও মিস্লে, ও মিস্লে, কাপড়া বুলি—
কোথায় রাখ'লি? বেটাকে নয়! কাপড়া পিনিয়ে দামাদ-ঘর
ভেজব না? আদমি লোক যে নিন্দা ক'রবে, বুঝা ব'লবে।

উপগুপ্ত। মা মা, কি প্রেমের সংসার স্থাপন ক'রেছিস!

[সকলের প্রস্থান।

অষ্টম গর্ভাঙ্ক

পথ

দেবী ও বীতশোক।

বীতশোক। কহ ঠকুরানি, কেন হেন বিবাদিনী!

শত শত শুদ্ধ-আত্মা প্রচারকশ্রেণী

দেশ-দেশান্তরে, সাগরের পারে,

তুঙ্গ শৃঙ্গ করি উল্লসন

‘অহিংসা পরম ধর্ম’ করেন বিস্তার

আরোপিত যে ধর্ম-প্রভাবে
দুয়োপ, এসিয়া, মিসর, সিরিয়া,
অবনত নৃপ শত শত বৃদ্ধের চরণ তলে।
মহান্ প্রতাপশালী রাজ্যেবরণ
ধর্মতত্ত্ব সংগ্রহ কারণ

দেখিছেন যোগ্য পুত্র ভারতের দ্বারে।
মুক্তবার রাজার ভাগ্যর—

পথ, ঘাট, কুপের খনন, নির্মাণ চিকিৎসাগার—
নয়, পশু, পক্ষীর পৌড়ার শান্তি হেতু।
নন্দিনী নন্দন তব—জন্ম শুভকালে—

লঙ্কাধাম আলোকিত তাদের প্রভাষ,
বোধিবৃক্ষ-পুত্র-শাখা রোপিত তথায়
ক'রেছেন নন্দিনী জামাতা তব—
তবে কেন দুঃখ ভাব, গুণবতি ?

দেবী। ধ্যানমগ্ন আছ নিরন্তর—
সংসারের রোল নাহি পশে কর্ণে তব,
সে হেতু না জান অনর্থ রাজ্যেতে কত।
অষ্টাদশ সহস্র জৈনের শিরশ্ছেদ
হটয়াছে একদিনে।

কিন্তু প্রজাগণে
নৃপতির প্রসাদ—সুবর্ণ প্রলোভনে
করে অবেষণ কোথা কোন জৈন বসে।

নিজের অনরণ্যে কিবা পরিত-কন্দরে।

যারে দেখে তার নাহি জাগ,
মুণ্ড আনে নৃপ বিভ্রম
মহাহিংসা প্রবল ভারতে।

নিষ্ঠুর আদেশে হেন, কহ, উচ্চাশয়,
জনগণে কেমনে অহিংসা-শিক্ষা পাবে ?
উচ্ছেদ পরম ধর্ম হয় বা বণনে !

বীতশোক। মহারাজের ক্রোধ শান্ত হয় নাই ?

দেবী। বরং অধিক উত্তেজিত হ'য়েছেন। আজ
সংবাদ পেয়েছেন যে, পুনরায় জৈনের প্রভুর মূর্তি তাদের
উপাত্ত দেবতার পদতলে অর্পিত ক'রেছে। তিনি বৃহৎ
পর্যবেক্ষণে বহির্গত হ'য়েছেন যে, হত্যাকাণ্ড কঠোররূপে
চালিত হয় কি না ? অস্ত্র-সামগ্রী—যে জৈনের প্রতি দয়া
প্রকাশ ক'রবে বা যে গোপনে রক্ষা ক'রবে, যে কেহ জৈনকে

এক মুষ্টি অন্ন বা এক গণ্ডু বজ্র প্রদান ক'রবে, সে মৃত্যু
বারে বিনষ্ট হবে। ঐ দেখ, ববার্ধে ধ'রে নিয়ে যাচ্ছে
ঐ দেখ, রাজ-প্রসাদগাতার্থে ছিন্নমুণ্ড ল'রে যাচ্ছে !

(জৈনকে লইয়া দুইজন সৈনিকের প্রবেশ)

জৈন। বাপ, এইখানেই বধ কর।

১ম সৈনিক। না, তুমি এক জন সদ্ধার—তুমি

রাজার সম্মুখে কাটবে।

দেবী। বাবা, তুমি বৌদ্ধধর্ম গ্রহণ ক'রে কেন জৈন
রক্ষা কর না ?

জৈন। মা, কেন এমন আজ্ঞা ক'চ্ছেন ? আমি পূর্ণ
জৈন-ধর্ম ত্যাগ ক'রে কুসংস্কার ও নিষ্ঠুরতাপূর্ণ বৌদ্ধ
গ্রহণ ক'রব ? আমার ভুবনিলে দম্ব ক'রলে নয়,
উৎপাটন ক'রে বধ ক'রলে নয়, মৃত্যুকা-গর্ভে আবদ্ধ
প্রাণনাশ ক'রলে নয়। আমি কোন মহাপাপ ক'রেছি
সেই জন্য—“বৌদ্ধধর্ম গ্রহণ কর” এরূপ বাক্য আমার
কুহরে প্রবেশ ক'রলে !

দেবী। (সৈনিকদ্বয়ের প্রতি) তোমরা আমার চেন

১ম সৈনিক। কে, মা রাজরাণী ? আপনি এ ভিক্ষু
বেশে কেন ? আমরা তক্ষশিলা-বাসী, আমাদের সম্মুখে
রাজ-গলে রক্তহার দিয়েছিলেন।

দেবী। তবে আমার এক অমুগোষ, এরে পরিত্যাগ
কর।

১ম সৈনিক। মা, তা'হলে রাজ-রোষে আর
প্রাণবধ হবে।

বীতশোক। শোন সৈনিক, মহারাজকে বল যে, অ
অস্ত্র রাজ-দর্শনে বাব। যতক্ষণ না রাজ-সমীপে উপস্থিত
হই, ততক্ষণ এ ব্যক্তির প্রাণবধ না হয়। আমার
বীতশোক।

জৈন। আপনারা কি জৈন ? তবে এ বৌদ্ধ ভি
ভিক্ষুগীর বেশে কেন ? প্রাণের তত্ত্ব ক'রবেন না, ধর্ম
জন্ত প্রাণ দিতে প্রস্তুত হ'ন। এক দেহ বাবে, অপর
দেহ প্রাপ্ত হবেন।

[জৈনকে লইয়া সৈনিকদ্বয়ের প্রস্থ]

বীতশোক। ভগবতি, আপনি বহানে বান, এ
এ হত্যাকাণ্ড নিবারণ হবে। আমি রাজ-সমীপে প্রতি

র কার্যান্তে রাজার নিকট উপস্থিত হব। অস্ত্র আমার
জঃ পূর্ণ হবে।

দেবী। মৃত্যুঞ্জয় হও।

বীতশোক। দেবি, আপনার আশীর্বাদ বিকল হবে না।

[দেবীর প্রস্থান।

মিথ্যাবাদী কুটীর-দ্বারে বীতশোকের আঘাত এবং কুটীর
হঠাৎ জনৈক আভির-পত্নীর বাহিরে আগমন।

বীতশোক। মা, আজ আমার স্থান দিতে পার ?

আভির-পত্নী। আমার মানুষ সর্দার-বাড়ী দুধ দুইতে
ছ। সে কিরে আশ্রক, তুমি এই দোরে ব'স। আমরা বড়
না—আমার মানুষ দিন খেতে খায়। হু'পা এগিয়ে যাও,
যেন তোমার মত চের সন্ন্যাসী আছে। বেশ খাবে-দাবে
দুখে থাকবে।

বীতশোক। মা, আমার স্থান দাও, তোমাদের চুঃখ-
চিন হবে। আমার মুণ্ড দেখছ—কত ওজনব ? এ
ওজন, তত ওজনের সোণা পাবে।

(আভিরের প্রবেশ)

আভির-পত্নী। আমার ভোলাচ্ছ ! (আভিরকে দেখিয়া)
গো দেখ, এই সন্ন্যাসী আমার ভোগা দিচ্ছে। ব'ল্লে—
আমার মাথার বতটা ওজন, রাজার কাছে ততটা সোণা
পাবে, আমার থাকতে দাও।”

আভির। কি আবল-তাবল ব'কছ ঠাকুর ? যাও,
যানে হবে না।

বীতশোক। শোন, আমি মিথ্যাবাদী নই। তোমায়
পায় বলি, শোন—

(অন্তরালে পরস্পরের কথোপকথন)

আভির। (বীতশোকের প্রতি) যাও, তুমি বাড়ীর
হস্ত যাও।

[বীতশোকের কুটীর মধ্যে প্রবেশ]

বীর্য প্রতি) বা আছে, এক মুঠো খেতে দে।

আভির-পত্নী। ও কি ব'ল্লে ! চুপি চুপি ?

আভির। ও একটা পাগল—ব'ল্লে, আমার মাথাটা
হটে রাজার কাছে নিয়ে চল।

আভির-পত্নী। হ্যারে হ্যা, চাঁড়িয়া দিয়ে গেছে বটে !
মাথাটা কেটে নিয়ে গেলে রাজা টাকা দেয়।

আভির। আহা, ও আমাদের মত কাদাল ! বুঝি,
দল থেকে তাড়িয়ে দেছে। খেতে পার না, তাই পেটের দায়ে
মনে ক'চ্ছে—ম'লেই বাঁচি। চুঃখের জালায় আমারও
একদিন মনে হ'য়েছিল। যা যা, ছা'টি খেতে দিগে।

[আভির-পত্নীর কুটীর-মধ্যে প্রস্থান।

ও দিকে ভার হল হ'চ্ছে !

(আভির-পত্নীর পুনঃ প্রবেশ)

আভির-পত্নী। ওগো, ওগো, পাগল বটে ! বুক চিরে
রক্ত দিয়ে একটা ওকুনো পাতায় নখ দিয়ে কি লিখ'ছে।

(বীতশোকের পুনঃ প্রবেশ)

বীতশোক। বাবা, এস ! আমার শিরশ্ছেদ ক'রে এই
পত্র আর মুণ্ড নিয়ে রাজার কাছে উপস্থিত হও। এই মুণ্ডের
ওজনে সোণা পাবে। আমি সত্য ব'ল্ছি, আমি ভিকু—
আমার কথা মিথ্যা হবে না।

আভির। হ্যাঁ হ্যা, যাও যাও ! ছা'টি খেয়ে নাও—তারপর
কাটব এখন।

বীতশোক। তবে শীঘ্র এস, বাবা !

[বীতশোকের পুনরায় কুটীর মধ্যে প্রস্থান।

আভির-পত্নী। কাটি আর ! ও পাগল—ওর মরাই
ভাল ! ও মিছে নয়—স্বষ্টির লোক সোণা আন'ছে, আর
আমাদের ক'রলেই দোষ।

(রাজাজ্ঞা-বোষণাকারীর প্রবেশ)

বোষণাকারী। যে আশ্রয় দেবে, সবংশে কাটা বাবে।
কেউ আশ্রয় দিও না। দেখ'বামাত্র প্রাণ-বিনাশ করো।
মুণ্ড ল'য়ে গেলে, মহারাজ স্ববর্ণমুদ্রা পুরস্কার দেবেন।

[বোষণাকারীর প্রস্থান।

আভির-পত্নী। এখন দেখ রাজার হাতে মরবি না
কাটবি ?

আভির। আর তবে কাটি।

[উভয়ের প্রস্থান।

(অশোক, রাধাশুগু এবং পশ্চাতে জৈনকে গইয়া

সৈনিকদ্বয়ের প্রবেশ)

অশোক। কই, বীতশোক কোথায় ? তার অনুরোধে
এই পাখাঙকে এখন জীবিত রেখেছি।

১ম সৈনিক। মহারাজ, এইখানে ছিলেন।

(কুটার হইতে পত্র হস্তে আভীরের বহিরাগমন)

আভীর। কেটেছি, মহারাজ, কেটেছি! এই লেখা দেখুন।

অশোক। (পত্র পাঠ করিয়া) কি সর্বনাশ !

(বীতশোকের মুণ্ড লইয়া আভীর-পত্নীর কুটার হইতে বহিরাগমন)

আভীর-পত্নী। এই দেখ, মুণ্ড দেখ! সোণার তাল দাও, রাজা!

অশোক। বীতশোক—বীতশোক— (মুচ্ছা)

(উপশুপ্তের প্রবেশ)

উপশুপ্ত। মহারাজ, প্রকৃতিস্থ হ'ন।

অশোক। প্রভু, সর্বনাশ হ'য়েছে। বীতশোক ছেড়ে গিয়েছে—আমার বুক দারুণ শেলাঘাত! আমার রাজ্য যাক, ধন যাক, সকল যাক! পৃথিবী আমার গ্রাস করুক! মা আমার স্বর্ণ হ'তে অভিশাপ দিচ্ছেন! আমার হাতে হাতে সাঁপে দিয়েছিলেন, তারই ছিন্নমুণ্ড আমি দেখ্‌লেম!

(কুনালের প্রবেশ)

কুনাল, দেখ, আমি ভ্রাতৃঘাতী!

উপশুপ্ত। মহারাজ, ধৈর্য অবলম্বন করুন।

অশোক। প্রভু, আমি আমার ভ্রাতার মৃত্যুর কারণ হ'লেম! যখন আমি পিতৃ-স্নেহ-বর্জিত, ভ্রাতৃগণের ঘৃণিত, জনসমাজ-ত্যাক্ত, বীতশোক ছায়ার স্রায় আমার সাথী ছিল। আমি রুষ্টভাষা প্রয়োগ ক'রলে কখন' অসন্তোষ প্রকাশ করে নাই। যে দিন আমি পিতৃ-আজ্ঞা পালনে তক্ষণিলা যাত্রা করি, বীতশোক আমার সাথী হ'বার জন্য কাতরভাবে আমার নিকট প্রার্থনা ক'রেছিল। আমি নিবারণ করায় প্রতিজ্ঞা করে যে, একদিন আমার কার্যে তার দেহ অর্পণ ক'রে ভ্রাতৃবাৎসল্যের পরাকাষ্ঠার দৃষ্টান্ত প্রদর্শন ক'রবে। মহাপুরুষ প্রতিজ্ঞা রক্ষা ক'রেছে। যে দিন ভিক্ষুবেশে বিদায় গ্রহণ করে, সে দিন 'মৃত্যুঞ্জয় হ'য়ে পুনরাগমন ক'রবে'—এই প্রবোধ আমার দেয়। সে মৃত্যুঞ্জয়—কুতু উপেক্ষা ক'রেছে, কিন্তু আমার মনে আমি কি প্রবোধ দেব। প্রভু! আমি কি ক'রলেম! কেন তারে বিদায় দিয়েছিলাম! এই কি আমার ভ্রাতৃস্নেহ! (পত্র প্রদান)

কুনাল। পিতা, এ দারুণ শোক কথঞ্চিৎ

একমাত্র উপায়—এই মহাপুরুষের আদর্শ গ্রহণ, নিজদেহ উৎসর্গীকৃত করণ—সম্পূর্ণ আত্মত্যাগ! পাতিয়া বীতশোকের উদ্দেশ্যে) মহাপুরুষ, সন্তান কর—তোমার আদর্শ গ্রহণে বল দাও।

উপশুপ্ত। মহারাজ, মহাপুরুষের দেহত্যাগে করা অসুচিত। সাধু ভ্রাতার অনুরোধ পালন করুন। আপনার শোণিতে লিখেছেন—রাজ্যে হত্যাকাণ্ড হ'ক, দীন-দরিদ্র রাজ্যে না থাকে, আর এই হত্য মহাপুরুষের মস্তকের তুলায় স্বর্ণ প্রদান করেন। মহা আজ্ঞা-পালন আপনার প্রায়শ্চিত্ত। ক্রোধরূপে আপনার হৃদয় অধিকার ক'রেছিল, মহাপুরুষের আজ সেই পরম রিপু বহির্গত হ'ল। ধন্ত বীতবুদ্ধদেবের রূপায় তুমি সত্যই মৃত্যুঞ্জয়!

অশোক। বৎস বীতশোক, তোমার অনুরোধ উপেক্ষা ক'রেছিলাম—রোষাক্ত হ'য়ে জৈন-হত্যায় হই নাই। তুমি নিজ শোণিতদানে শোণিত-প্রবাহ ক'রেছ, জগতে তুমিই ধন্ত! মন্ত্রীসভা, দ্রুতগামী দ্বারা রাজ্যময় প্রচার করুন—হত্যাকাণ্ড নিবারণ রাজ্যে কোথাও কুটার না থাকে, কোথাও অনাভাব ভাগ্য হ'তে অকাতরে অর্থ বিতরিত হ'ক। এ দীনতা দূর করুন।

জৈন। মহারাজ, আমার উপদেশ দেন, আমি জৈন নই, আমি বৌদ্ধধর্ম গ্রহণ ক'রলেম।

এরূপ আত্মত্যাগ, সে-ই সনাতন ধর্ম।

উপশুপ্ত। মহারাজ, মহাপুরুষের প্রভাব দেখুন

নবাব

জননী

পঞ্চম অঙ্ক

প্রথম গভীর

তু প-সমুখস্থ বিস্তৃত প্রান্তরমধ্যে রাজসভা।

অশোক, রাধাগুপ্ত, বোধগণ, সভাসদগণ ও

বিদেশীয় রাজদূতগণ।

১ম বোধ। মহারাজ যে বিরাট সভা সংযোজন করৈ-
সংস্কারপূর্বক বৌদ্ধ-ত্রিপিটক স্থাপন করেছিলেন, এতে
রদিনের জন্ত আপনি বোধগণের কৃতজ্ঞতাজন। বোধগণ
জ হ'তে মহারাজকে সজ্ঞাধিপতি ব'লে সম্ভাষণ ক'ছে।
হাজার, বিদায় হ'লেম। আশীর্বাদ করি, সদমুঠান আপনার
রসকর হ'ক।

অশোক। আপনাদের আশীর্বাদই শ্রেয়ঃ কার্য-সাধনের
লভিতি।

[বোধগণের প্রস্থান।]

রাধাগুপ্ত। মহারাজ ! মিসর, গ্রীস, সিরিয়া, সিংহল,
গাতর প্রভৃতি সুদূর জনপদ হ'তে ও অত্যন্ত বহু প্রদেশের
রাজদূত নিজ নিজ প্রভুর অনুরোধ মহারাজকে জ্ঞাপন করবার
মিত্ত উপস্থিত। সমস্ত রাজেন্দ্রবর্গেরই বাসনা—
হারাজের সহিত যে বন্ধুত্ব-স্বত্রে তাঁরা আবদ্ধ, তা
কুবাক্রমে স্থায়ী হ'ক এবং বৌদ্ধধর্মপ্রচারার্থ যে বৌদ্ধ-
ভিক্ষু তথায় প্রেরিত হ'য়েছেন, তাঁরা অরসংখ্যক—বিস্তৃত
রাজ্যে সকল স্থানে তাঁদের প্রচার-কার্য্য সুসম্পন্ন হয় না;
এবং সেই সকল রাজেন্দ্রবর্গ বন্ধুতার চিহ্নস্বরূপ নানাবিধ
উপঢৌকন মহারাজের নিকট প্রেরণ করেছেন।

অশোক। সম্ভ্রান্ত দূতমণ্ডলী, আপনাদিগের মহারাজ-
গণের বদান্তে আমি পরম আপ্যায়িত ! তাঁদের প্রেরিত
উপঢৌকন সকল তাঁদের মঙ্গলার্থে বৌদ্ধ-সম্ভের কার্য্যের
নিমিত্ত প্রেরিত হবে, এ অপেক্ষা এই সকল উপঢৌকনের
ব্যবহার অসম্ভব। তাঁদের সদিচ্ছা-সংপূরণের নিমিত্ত অচিরে
ই সংখ্যক প্রচারক প্রেরিত হবে।

মিসর-রাজদূত। মহারাজের বশঃ-সৌরভ অধিক বা
শোভিত অধিক, আমি দাস মাত্র—তা প্রকাশ করিতে অক্ষম !

গ্রীক-দূত। মহারাজ, মিশরাধিপতির দূত মহাশয়

আমাদিগের মনোভাব সম্পূর্ণ ব্যক্ত করেছেন।

অত্যন্ত দূতগণ। সত্য সত্য !

অশোক। মন্ত্রীবর, রাজদূতগণের আতিথ্য-সংকারের
প্রতি আপনি পূর্ণ লক্ষ্য স্থাপন করেছেন, সন্দেহ নাই।

মিসর-দূত। ইহা মহারাজ, আমি দূতবর্গের মুখপাত্র
হ'য়ে নিবেদন ক'ছি যে, রাজবদান্তে আমরা সকলেই
পরিতুষ্ট। পরিশেষে আমাদের সমবেত নিবেদন যে, আমরা
সমস্ত রাজ্য পর্য্যটন করে বিম্বিত হ'য়েছি—পাটলিপুত্র হ'তে
শতমুখে বিস্তৃত পথ সকল সমস্ত রাজ্য এক বন্ধনে স্থাপন
ক'রেছে ! রাজ্যের এক প্রান্ত হ'তে অপর প্রান্তে গমন,
পল্লী হ'তে পল্লী-অন্তরে গমনের ত্রায় সুগম। শত শত
কুপ পথিকগণকে শীতল বারি প্রদান ক'ছে। বৃক্ষশ্রেণী
ছায়া দান করে শিশু ক'ছে। চিকিৎসালয় প্রতি স্থানে
জন-হুঃখ মোচনার্থ মুক্তদ্বার এবং যাহা উপত্যাসেও কলিত
হয় না—পশুপক্ষী এবং ক্ষুদ্র জীবগণের জন্তও সুশিক্ষিত
চিকিৎসকসকল নিয়োজিত। হুস্ত্রাপ্য ঔষধ প্রত্যেক স্থানেই
সুলভ। নানাহান হ'তে আহরিত বীজোৎপন্ন বৃক্ষলতা
প্রতি চিকিৎসালয়ের পার্শ্বে উপবনের শোভা ধারণ ক'রেছে।

রাজ্যের চতুঃসীমান্ত বহু প্রদেশেও জীবহিংসা রহিত। পল্লীতে
পল্লীতে বিজ্ঞান। বনবাসীরাও ধর্ম্মনীতি-দীক্ষিত। সহস্র
সহস্র স্তূপ, বিহার ও উচ্চশির স্তম্ভ সকল ধর্ম্ম-প্রচারের জন্ত
যেন স্বর্গবাসী কোন দেবশিল্পী-নির্ম্মিত। রাজ্যদেশ-প্রচারে
উপায় ও অতি অদ্ভুত মস্তিষ্কে আবিষ্কৃত—পর্য্যটনগায়ে, স্তম্ভ-গায়ে
যেন রাজ্যদেশ অক্ষয় কীর্ত্তি-স্বরূপ সুন্দর অক্ষরে খোদিত
এতদ্বারা প্রত্যেক প্রজা রাজ্যদেশ অবগত—সমস্ত রাজ্যে এবং
ভাষায় কথোপকথন ও ভাব প্রকাশ। কি অদ্ভুত কৌশলে
এই বিরাট রাজ্য একভাবী হ'য়েছে, তাহা নির্ণয় করিতে
বুদ্ধি পরাজিত। এ সকল যদি স্বচক্ষে না দৃষ্ট করিতে
অতি সত্যবাদীর বর্ণনায়ও বিশ্বাস স্থাপন হ'ত না। আমরা
সকলে একবাক্যে উচ্চ ধ্বনিতে বলি—মহারাজের জয় হ'ক
মহারাজ দীর্ঘজীবী হ'ন।

অশোক। দূতবর, আমি অকপটচিত্তে আপনাদের
নিকট প্রকাশ ক'ছি, এ সমস্তই ভগবানের কার্য্য। আমরা
নয়—ভগবানের কৃপায় সাধিত হ'য়েছে এবং সেই ভগবৎ-কৃ-
পা অচিরে সমস্ত পৃথিবীমণ্ডলে ব্যাপ্ত হবে। আপনারা নি-
জ ভূপালকে আমার ভ্রাতৃ-সম্বোধন জ্ঞাপন করবেন।

ভ্রাতৃভাব ভগবানের করুণায় স্থাপিত হ'য়ে জননী মেদি

বিষেষশূত্র হ'ন ও মানবমণ্ডলী এক পরিবারের ভ্রাতৃ বাস কক্ক। সভা ভঙ্গ হ'ক, আপনারা বিশ্রাম করুন।

[প্রণামপূর্বক দূতগণের প্রস্থান।

মন্ত্রীস্বর, আপনাদেরও বিশ্রামের সময়, আমিও বিশ্রামের অবকাশ গ্রহণ করি। (ভূতলে উপবেশন)

রাধাগুপ্ত। কি করেন, মহারাজ!

অশোক। কার্য্যান্তে বিশ্রামের প্রয়োজন হ'য়েছে।

আকাল। মহারাজ তো শিশুর পালন, ছুটির দমনের নিয়ম ক'রেছেন। কিন্তু একবার আমার রাজবুদ্ধির পরীক্ষা ক'রবার ইচ্ছা হ'চ্ছে—দেখি কতদূর দৌড়। বলুন, যদি এক ব্যক্তি সমস্ত রাজ-নিয়ম ভঙ্গ করে, তারে কি সাজা দেবেন?

অশোক। আমার তোমার মত বুদ্ধি নাই। তোমার নিকট শিথি, তোমার বুদ্ধিতে কি হয়, বল দেখি?

আকাল। রাজা ক'রে দেওয়া।

রাধাগুপ্ত। তাহ'লে তো বড় কঠোর দণ্ড হ'ল, আকাল?

আকাল। মন্ত্রীম'শায় কি বুঝবেন বলুন? কি পাকা বুদ্ধি দিয়েছি, তা মহারাজকে জিজ্ঞাসা করুন।

রাধাগুপ্ত। তুমিই ব্যাখ্যা ক'রে বুঝিয়ে দাও না?

আকাল। শুনুন! কারাবন্ধ ক'রলেন, আগুনে পোড়ালেন, জলে ডোবালেন, বিষ খাওয়ালেন, ছাল খুললেন—খানিক ধড়কড় ক'রে হুরিয়ে গেল, আর তো নয়? আর মহারাজের মত রাজা হ'তে গেলে—প্রথম বাপে খাদ্যদ্রব্য, তাই প্রাণবধের চেষ্টা ক'রবে, মা আগুন খেয়ে যাবেন; এক স্ত্রী নিরুদ্দেশ হবেন, আর এক স্ত্রী হলদে কাপড় পরে দেশে দেশে ঘুরবেন; এক ছেলে এক মেয়ে যাবেন কি না বিভীষণের দেশে—লঙ্কায়! আর এক পুত্র—রাজা হ'তে গিয়ে দোরে দোরে সঙ্গীত গান ক'রে বেড়াবেন আর ভিক্ষায়ে উদর পূরণ ক'রবেন। আর স্বয়ং আহার-নিদ্রার সাবকাশ নাই—কোথায় খাম তুলবেন, কোথায় বাটালি দে' হয়ক বসাবেন, আর দেশে-দেশে, গ্রামে-গ্রামে, পল্লীতে-পল্লীতে ঘুরে ঘুরে দেখবেন কে কোথায় কি খাচ্ছে, কোথায় শুচ্ছে। এতেও নিস্তার নাই—ঝড়ে কোন্ পাখীটার ডানা ভেঙ্গেছে, কোন্ গরুটার পা ফুলেছে, এই আজীবন তদারক ক'রবেন! বাবা, কি বুদ্ধি! যদি ক্ষুভো পায় না থাক্ত, এতদিন হাঁটুতে চ'লতেন।

অশোক। কেন তুমি আমার সঙ্গে ঘুরেছিল?

আকাল। গেরো কি এক রকম থাকে, মহারাজ, তাহ'লে কি রাজত্ব হয়!

অশোক। ইচ্ছা ক'রলেই তো চ'লে যেতে পার।

আকাল। ঐ হলদে কাপড় আর নেভা মাথা নির্দোষ না হ'লে পারব না। ঐ যে ছোঁড়া আস'মানে বুলে সেদিন কি বলে দিলে, সে দিন থেকে আমিও বিগুড়ে গেছি।

(দেবীর প্রবেশ)

দেবী। মহারাজ, দাসীকে আশীর্বাদ করুন।

অশোক। শুভে, এখন তো আমি সিংহাসনে নাই, এখন আমার পার্শ্বে উপবেশন কর।

দেবী। মহারাজ, আপনার পার্শ্বে উপবেশন ক'রবার উপযুক্ত হ'লে অবশ্যই ব'সতেন।

অশোক। ভাল, তোমার যেকোন অভিরুচি! তোমার পুত্র-কন্যার সংবাদ কি?

দেবী। সেই সংবাদই দাসী রাজ-চরণে নিবেদন ক'রতে উপস্থিত। মহেন্দ্র যে আপনার ঔরসজাত পুত্র, সিংহলে সে তা প্রকাশ ক'রতে সক্ষম হ'য়েছে। তারই উপদেশে সিংহলরাজ তিথ্য মহারাজের আদর্শে সমস্ত সিংহলে ধর্ম-প্রচার, স্তূপ, স্তম্ভ ও বিহার নির্মাণ ক'রে সিংহলদ্বীপ জম্বুদ্বীপের ভ্রাতৃ ধর্মক্ষেত্ররূপে পরিণত ক'রেছেন। মহারাজের কন্যা সম্মতিয়া পাটিলী অম্বলাকে দীক্ষিতা ক'রেছে। প্রতি অন্তঃপুরে বুদ্ধদেবের অর্চনার অন্তঃপুর-বাসিনীগণ নিযুক্ত।

অশোক। দেবি, আনন্দ সংবাদ! তোমার গর্ভের উপযুক্ত সন্তান! তুমি ভাগ্যবতী, নচেৎ পরম ভাগবত-ভক্ত সারিপুত্রের অস্থির উপর স্তূপাবরণ প্রদানে বশব্দী হ'য়েছে? চন্দ্র-সূর্য্য সে স্তূপ চিরদিন দেখবে। এখন কোন্ দেব-কার্য্যে নিযুক্তা আছ?

দেবী। দাসী মহারাজের সহধর্মিণী, মহারাজের কার্য্যে সামান্ত সহায়মাত্র। আমি আমার সেই ইষ্টদেবের কার্য্যে নিযুক্ত আছি। আমি দেশে দেশে ভ্রমণ করি। সর্ব্বস্থানে মহারাজের কার্য্য সুসম্পাদিত দর্শনে আশ্রয়প্রার্থী বিভোর হই। ভাবি যে, এই কীর্ত্তিমান পুরুষের পাদস্পর্শে আমার অধিকার আছে।

অশোক। ধন্ত তুমি!

দেবী। যদি প্রসন্ন হ'য়ে থাকেন, দাসীর একটা দাঃ গ্রহণ করুন।

অশোক। এ আবার কি রহস্য! তুমি ভিক্ষুণী, তুমি আমার কি দেবে?

দেবী। কোন এক উচ্চমনা রমণীর উচ্চ আশা—মহারাজের কার্যে নিযুক্ত হইয়া। সে অতি হীনকূলে প্রতিপালিতা। তার উচ্চ আশা—মহারাজের আবর্জনা পরিষ্কার করা, পরিবেশ বস্ত্র ধোতা করা, ভোজন-পাত্রমাংস পরিষ্কার করা। যদিচ অভাগিনীর শ্রবণ-শক্তি আছে, কিন্তু, কি জানি গুরুদেব কেন অভাগিনীকে বাক্শক্তি-বর্জিতা ক'রেছেন। কথা বোঝে, উত্তর প্রদানে অক্ষম।

অশোক। কোথায় সে রমণী ?

(অবগুণ্ঠনাবৃত্তা পদ্মাবতীর প্রবেশ ও অশোককে প্রণাম করণ)
মন্ত্রীবর, কি আশ্চর্য্য সৌন্দর্য্য দেখুন! যদি বর্ণ মলিন না হ'ত, আমার পদ্মাবতী ব'লে ধারণা হ'ত।

আকাল। (স্বগত) আমার পাকা ধারণা হ'য়েছে।

অশোক। তুমি আমার সেবা-প্রার্থী ?

পদ্মাবতী। (প্রণাম করণ)

অশোক। এমন নীচ কার্যের প্রার্থী কেন ?

পদ্মাবতী। (ছুই হস্ত উদ্ধেঃ উত্তোলন পূর্বক পুনরায় বক্ষে স্থাপন)

দেবী। মহারাজ, ও ইঙ্গিত ক'রে জানাচ্ছে—দেবকুপায়।

অশোক। মন্ত্রীবর, বোধ হয় কাঙ্গাল—ভোগ-বাস্তা অতৃপ্ত, উচ্ছিন্ন রাজ-খাদ্য প্রায়শ করে! (রাধাগুপ্তের প্রতি) চলুন। (আকালের প্রতি) আকাল, এ'র স্থান নির্দিষ্ট ক'রে দিও তো।

রাধাগুপ্ত। মহারাজ, রাজপুরে চণ্ডাল-কন্ডার কোথায় স্থান হবে ?

দেবী। মন্ত্রীবর, মহারাজ বৌদ্ধভিক্ষু—মহারাজের জাতিবিচার কি? আপনি তো অবগত আছেন, স্বয়ং বুদ্ধদেব চণ্ডাল-গৃহে আতিথ্য স্বীকার ক'রেছিলেন।

অশোক। দেবি, আমার আহার হয় নাই, এস, একত্রে ভোজন ক'রব।

দেবী। আমি প্রসাদ-প্রার্থী হ'য়েই এসেছি।

[আকাল ও পদ্মাবতী ব্যতীত সকলের প্রস্থান।

আকাল। ঠাঁড়া বেটা ঠাঁড়া, আমার কথায় চ'লতে হবে—রাজার হুকুম তো শুনলি? দেখ্ বেটা, সব তফাতে গিয়েছে, কেউ শুনতে পাবে না। ছেলের কাছে মা লুকুতে পারে না, অন্ধকারে গায়ে হাত দিয়েই ঠাঁওর পায়, মা কি না। বল্ দেখি, ব্যাপারখানা কি ?

পদ্মাবতী। বাবা, আমি জানি নে। গুরুদেব, ব'লেছেন, কোন এক হুঁচারিরা রাজার অমঙ্গল-সাধনের নিমিত্ত রাজপুরে অবস্থান ক'চ্ছে। আমা দ্বারা সে অমঙ্গল নিবারণ হবে—এ নিমিত্ত তাঁর আজ্ঞায় এসেছি।

আকাল। মা, মন অন্তর্য্যামী! ঐ আশঙ্কাই আমার দিবা-রাত্রি। আমার ধারণা, ঐ হুঁচারিণী হুসীমের উপপত্নী ছিল, মহারাজকে প্রতারণা ক'রে রাজমহিষী হ'য়েছে। কিন্তু কিরূপে মূর্ত্তি পরিবর্তন ক'রেছে, আমি বুঝতে পারি নে। মায়ে-বেটায় নিত্য কি ক'রে দেখা হবে, আমি সংবাদ পাব কি ক'রে ?

পদ্মাবতী। আমি উচ্ছিন্ন দ্রব্য নিয়ে অন্তঃপুর হ'তে বহির্গত হব, তুমি সে সময় উপস্থিত থেক'।

আকাল। (উচ্চৈঃস্বরে) কোথাকার আবাগের বেটাকে নিয়ে এল গো, ভাল যত্নগা—এ ঠাঁড়ালের মেয়েকে কোথায় রাখি! (নিম্নকণ্ঠে) এস মা—

[উভয়ের প্রস্থান।

দ্বিতীয় গর্ভাঙ্ক

স্তূপ সম্মুখস্থ পথ

মার ও তৃষা।

মার। ডরে হায় অন্তর শুধায়,
বুঝি, মম অধিকার যায়—
দ্রুস্ত অশোক—অসম্ভব তার পরাভব!
করিলাম প্রতারণা যত,
সবই হত, অজানিত কি মহা প্রভাবে!
বার বার পাপ-পঙ্কে করি নিমগন,
কিন্তু, হায়, বিফল যতন!
পুনঃ পুনঃ হইল উথান
শতগুণে নির্মলতা লভি—
অগ্নিতাপে কাঞ্চন যেমতি।
অহো, মর্ম্মবাণী কি দারুণ ব্যথা—
শত শত ধর্ম্মস্তূপ বিহার নির্মিত!
হের যেই শুভ সম্মুখে উখিত,
এইমত অত্রভেদী শুভসারি কত—

যেন বক্ষোপরি স্থাপিত আমার !
 বিপুল ধরায় আর নাহি হিংসা-দেষ—
 হেরি, হিংস্রজন্তুগণ
 জীবহিংসা ক'রেছে বর্জন—
 অশোকের ছরস্ত শাগনে !

তৃষা। পিতা, চিন্তা কর দূর,
 চিন্তহরা আছে রাজপুরে।
 মায়াজাল করিয়া বিস্তার
 সে মজাবে অশোকে নিশ্চয়।

মার। নীলাশ্বরে ক্ষুদ্র মেঘ মাত্র চিন্তহরা !
 কিন্তু,
 মলয় মারুত সম অহিংসা বহিছে—
 কেমনে সে ক্ষুদ্র মেঘে গগন ব্যাপিবে ?
 কিন্তু সাগরে নিমগ্নজন ধরে ক্ষুদ্র তৃণ।
 নিয়োগিত কর কোন অনিষ্ট সাধনে—
 কোপে যাহে বিনাশি তাহার
 লিপ্ত হয় নারী-হত্যা-পাতকে অশোক,
 মহা ইষ্ট হইবে সাধন।

তৃষা। চিন্তহরা আশ্রিতা তোমার—
 চাহ তার জীবন সংহার ?

মার। আশ্রিত আমার !
 ভেবেছ কি মনে তুমি বন্ধু আমি কার ?
 তুই দ্বিচারিণী—
 কতু তুই রুষ্ট কার প্রতি—
 পাণাচারে সহায় যেমন,
 পুণ্যকার্যে উত্তেজনা দানিস্ তেমন !
 নহে তোমার মত আমার প্রকৃতি !
 নর-নারী শত্রু মম, মিত্র কেহ নয়।
 যারে প্রয়োজন
 করি তার সাহায্য গ্রহণ,
 পরিশেষে দানি স্থান নরক ছত্তরে।
 যাও স্বরা যথা চিন্তহরা ;
 কুনালের অনিষ্ট সাধনে
 ক'র প্রবর্তিত তারে।
 দেখি, যদি মনস্কাম পূর্ণ হয় তার।

[উভয়ের প্রস্থান।]

তৃতীয় গর্ভাঙ্ক

পাটলিপুত্র—রাজ-অশুপুত্র

শয্যা উপবিষ্ট অশোক—সম্মুখে উপগুপ্ত।

অশোক। প্রভু, এই তো আমার দেহ দিন দিন রোগে
 জীর্ণ। আর কতদিনে আমার হৃদয়ে সেই মহাজ্ঞানার্ণ-
 জ্যোতি-প্রভাবে হৃদপদ্ম প্রস্ফুটিত হ'য়ে বুদ্ধদেবের আসনের
 উপযুক্ত হবে ?

উপগুপ্ত। বৎস, সমস্তই সময় সাপেক্ষ। যেদিন তোমার
 দেহে মার সমূলে নির্মূল হবে, সেই দিন সেই মহাজ্যোতি
 দর্শন পাবে।

অশোক। প্রভু, এক্ষণে মার কিরূপে আমার দেহে
 অবস্থান ক'ছে ?

উপগুপ্ত। বৎস, মোহবীজ এখন' নির্মূল হয় নাই।
 সেই বীজে বহুশাখাবিশিষ্ট মহাপাপবৃক্ষ উৎপন্ন হয়। কাম,
 ক্রোধ, মাৎসর্য, দেহাভিমান প্রভৃতি মোহবীজোৎপন্ন রিপু
 প্রতি সাবধানে লক্ষ্য রাখবে।

অশোক। প্রভু, বীতশোকের মৃত্যুতেও কি ক্রোধের
 শাস্তি হয় নাই।

উপগুপ্ত। এক রিপু বহু রিপু জনক। অবশ্যই
 ক্রোধ শাস্ত হ'য়েছে।

অশোক। প্রভু, আপনি উদ্ধার করুন, আমি নিজ চেষ্টা
 অক্ষম।

উপগুপ্ত। বৎস, অদ্ভুত এ নর-শরীর, এর চেষ্টা
 সকলই সম্পন্ন হয়। মনুষ্য স্বয়ং আপনার উদ্ধারকর্তা
 বারবার নিষ্ফল হ'লেও চেষ্টায় বিরত হ'য়ো না। মঙ্গলদায়
 অচিরে তোমার মঙ্গলবিধান ক'রবেন।

(শব্দাবতীর প্রবেশ ও উপগুপ্তকে প্রণাম করণ)

শাস্তি, তোমার মনোবাঞ্ছা পূর্ণ হ'ক !

অশোক। প্রভু, দেখি এ চণ্ডালিনীর আপনার পা
 স্পর্শের অবিকার আছে।

উপগুপ্ত। মহারাজ, এর স্থায় পুণ্যবতী রমণী ভারত
 হ্রত।

অশোক। প্রভু, আমারও এর প্রতি একরূপ ধারণা
 আমি এর নিকট চিরঞ্জে আবদ্ধ। দিব্য-রাজ আবার সেই
 নিম্বন্ধ। যদিচ একরূপ লজ্জাশীলা যে, আমি এর মুখ

ধন' দেখি নাই, কিন্তু আমার কোন প্রকার সেবার এ কুস্তিভা
র। অত্র দাস-দাসীকে আমার বস্ত্রাদি স্পর্শ ক'রতে দেয়
না, পাছে আমার গ্রহণীরোগে তাদের ঘৃণার উদ্রেক হয়।
বাধ হয়, এর সেবা ব্যতীত এতদিনে আমি মৃত্যুমুখে পতিত
হ'তাম। দিবসে সেবা, সমস্ত রাত্রি আমার পরিচর্যার নিমিত্ত
সংগঠিত থাকে। প্রভু, সত্যই অদ্ভুত রমণী!

(তিষ্যরক্ষিতাবেশী চিত্তহরার প্রবেশ)

চিত্তহরা। মহারাজ, এই ঔষধ নিন। আমি কয় দিন
অল্পপণ্ডিত ছিলাম, মহারাজের মনে কি উদয় হ'য়েছে জানি
না। কিন্তু কঠোর দেবসেবার ফলে এই দণ্ডেই আরোগ্য লাভ
ক'রবেন। ঔষধ সেবন করুন।

অশোক। (ঔষধ গ্রহণ করিয়া) এ কি—এ যে
পলাণ্ডু!

উপপণ্ড। মহারাজ, পলাণ্ডু জ্ঞান ক'রবেন না; এ
ঔষধ—সেবন করুন।

(অশোকের ঔষধ সেবন করণ)

চিত্তহরা। মহারাজ, এ ঔষধ দেব-প্রদত্ত, এখনই
ঔষধের গুণ উপলব্ধি ক'রবেন।

উপপণ্ড। মহারাজ, বিশ্রাম করুন, আমি আসি।

[উপপণ্ডের প্রস্থান।]

চিত্তহরা। দাসীকেও মাজ্জনা আজ্ঞা হয়, দেব-পূজায়
গমন ক'রবে।

অশোক। যাও সাধিব, আমার নিদ্রাকর্ষণ হ'চ্ছে,
আমার শরীরের যন্ত্রণার অনেক উপশম বোধ হ'চ্ছে।

চতুর্থ গর্ভাঙ্ক

চিত্তহরার (তিষ্যরক্ষিতা) কক্ষ

চিত্তহরা ও তৃষা।

চিত্তহরা। ওষুধ খেয়েছে—খেয়েছে। চাঁড়াল মাগী রইল,
আমি পালিয়ে এলাম। তুমি ব'লেছিলে, ওষুধের গুণে ক্রমি
নির্গত হবে, আমার মনে হ'য়েই ঘৃণা বোধ হ'তে লাগলো।
ওভক্ষণে মাসীকে পাওয়া গিয়েছে! না হ'লে এই কুৎসিত
রূপ, গ্রহণীরোগপ্রস্তের কাছে থেকে দাসী দ্বারা সেবা
করাতে হ'তো। এক একবার ঘরে বাই, তা না জান ক'রে

আমার গা ঘিন্ ঘিন্ যায় না! আর ঐ মাগী ছ'হাতে সেবা
করে। মাগো—চণ্ডালগুলোর কি ঘৃণা নাই! এখন কি
ক'রবে, বল? কি ক'রে কুনালকে পাব? তাকে না পেলে
আমার সকলই বিফল!

তৃষা। তুমি যদি তার নামস্ত্র এত ব্যাকুলা, তাকে
তক্ষশিলায় যেতে দিলে কেন?

চিত্তহরা। আমি যেতে দিয়েছি? সে আমার নিকট
থেকে দূরে থাকবার জ্ঞাত তক্ষশিলার অধিকার
নিয়োগে। বল বল—কি উপায়ে তাকে পাব? যার জ্ঞাত
এই কুৎসিত রাজার আলিঙ্গন সহ ক'রেছি, তারে না পেলে
তোমাদের আর কোন কথা শুন্ব না। তোমার বাপকে আমি
মিথ্যাবাদী জানুব। তার জ্ঞাত আমার শিরায় শিরায় শত-
অগ্নি-স্রোত! একবার ক্রোধ হয়, আবার তার মুখ মনে
পড়ে—প্রাণ গ'লে যায়! মনে হয়, তক্ষশিলায় গিয়ে আবার
তার পায়ে ধ'রে বলি যে, আমার প্রাণ রাখ, অবলাকে বধ
ক'র না। কিন্তু ভয় হয়, সে নিষ্ঠুর, তার দয়া নাই। বে
দিন রাজা তাকে তক্ষশিলায় পাঠায়, আমি কি না ক'রেছি!
নারীর লজ্জা-মান সব বিসর্জন দিয়ে তার পায়ে ধ'রেছি।

তৃষা। তবে তার মমতা ত্যাগ কর। তুমি তার কুনালের
মত চক্ষু দেখে মুগ্ধ—সেই চক্ষু যা'তে উৎপাটিত হয়, সেইরূপ
বন্ধ কর। তাহ'লে আর তোমার তার প্রতি আসক্তি
থাকবে না। তোমার অন্তর্দাহ নিবারিত হবে।

চিত্তহরা। অ্যা—চক্ষু! ঠিক ব'লেছ—ঠিক ব'লেছ!
তার চক্ষু ছুটি উৎপাটন ক'রবে। তার চক্ষুই আমার শত্রু,
সে চক্ষু কাকের উদরে যাবে। ঠিক ব'লেছ! ঠিক ব'লেছ!
কিন্তু কি ক'রে ক'রবে—রাজার প্রিয় পুত্র।

তৃষা। তুমি রাজার প্রতি ঘৃণার তার মন ভোলাবার
জ্ঞাত সেরূপ বন্ধ কর না! তুমি মারাজাল বিস্তার ক'রে
তারে মুগ্ধ কর, অন্যাসেই পারবে।

চিত্তহরা। এখন আর হয় না! ও "বুদ্ধদেব, বুদ্ধদেব"
ক'রেই উন্মত্ত।

তৃষা। কেন চিন্তা ক'ছ? তোমার ঔষধে রাজা
আরাম হবেন। তুমি পুরস্কার স্বরূপ সাত দিন রাজ্যভার
গ্রহণ কর।

চিত্তহরা। তার পর?

তৃষা। তুমি রাজার নামাক্তিত মোহর দিয়ে তক্ষশিলায়

হ'খনি পত্র লিখ্বে—একখানি রাজকণ্ঠচারীদের আর একখানি তা'রে। কি লিখ্বে হ'বে, আমি ব'লে দেব। তুমি আগে রাজার নিকট রাজ্যভার গ্রহণ করো।

চিত্তহরা। কিন্তু তোমায় তো বললুম, রাজার আর আমার প্রতি সে ভাব নাই। আমি যে ধর্ম-পিপাসু হ'য়ে রাজার নিকট এসেছিলুম—এ কথা বোধ হয় আর বিশ্বাস করে না।

তৃষা। তারও উপায় আমি ক'ছি—বা'তে রাজার নিশ্চয় ধারণা জন্মে যে, তুমি দেবপ্রিয়।

চিত্তহরা। কি ক'রে?

তৃষা। গয়ায় বোধিবৃক্ষ আছে। প্রবাদ—সেই বৃক্ষের মূলে বুদ্ধ সিদ্ধিলাভ ক'রেছে। সেইজন্ত রাজ্যদেশে প্রত্যহ সহস্র কলসী ছুঁড় তার মূলে ঢালা হয়, প্রত্যহ সমারোহে পুষ্পচন্দন-নৈবেদ্য দিয়ে পূজা হয়। আমি সেই বৃক্ষে মস্তপুত ক'রে একটা স্তূপা বেঁধে ক'রে দেব। তা'তে সেই বৃক্ষ দিন দিন শুষ্ক হ'বে। কিন্তু সেই স্তূপাটা কেটে দিলেই আবার সেই বৃক্ষ পূর্বের ছায় সসীব হ'বে। তুমি সেই স্তূপ ছেদন ক'রে গাছটা পুনর্জীবিত ক'রলেই রাজা তোমায় পরম ধার্মিক বিবেচনা ক'রবেন, আর পূর্বের অধিক তুমি আদরগীয়া হ'বে। যাও, অগ্রে রাজ্যভার গ্রহণ কর। পরের কথা পরে।

[উভয়ের প্রস্থান।]

পঞ্চম গর্ভাঙ্ক

রাজ-অন্তঃপুর

অশোক ও পদ্মাবতী।

অশোক। তুমি কি কোন দেবী! চণ্ডালিনী-বেশে কৃপা ক'রবার নিমিত্ত উপস্থিত হ'য়েছ? তোমার ঋণ আমার ইহজীবনে পরিশোধ হ'বে না।

পদ্মাবতী। (ইজিতে মনোভাব প্রকাশ করিয়া পদতলে পতিতা হ'ওন)

অশোক। না না, তুমি দাসী নও, তুমি গুরুদেবের কৃপাপাত্রী—আমার মস্তকের মণি! সত্যই তোমার ছায়

রমণী জঘ্নুদীপে বিরল। তোমায় দেখে আমার নানাভাবের উদয় হয়। এক একবার ভ্রম হয়—বুঝি অভাগিনী পদ্মাবতী আমার পাগাচার দৃষ্টে নির্জনে কোন কুটারবাসিনী ছিল, হুঃখতাপে একরূপ মলিনা হ'য়েছে। তুমি চণ্ডাল-গৃহে পালিতা হ'তে পার, কিন্তু কদাচ চণ্ডাল-গুরুরে তোমার জন্ম নয়।

(চিত্তহরার প্রবেশ)

চিত্তহরা। মহারাজ, কেমন?

অশোক। আশ্চর্য্য ঔষধ! অগণ্য ক্লমি নির্গত হ'য়েছে। আমার রোগের যন্ত্রণা মাত্র নাই, তবে কিঞ্চিৎ দুর্বল।

চিত্তহরা। (পদ্মাবতীর প্রতি) তুমি এখন যাও। ক'দিন দিবারাত্র পরিশ্রম ক'রেছ, একটু বিশ্রাম করগে। আমি রাজার কাছে আছি। [পদ্মাবতীর প্রস্থান।]

মহারাজ, যদি আরোগ্য লাভ ক'রে থাকেন, দাসীরে পুরস্কৃত করুন।

অশোক। আমিই তোমার নিকট বিজ্ঞীত, আর বিপ্লবকারী তুমি প্রার্থী? তোমায় অদেয় আমার কিছুই নাই।

চিত্তহরা। আমি সপ্তাহ মহারাজের নিকট রাজ্যভার প্রার্থনা ক'ছি।

অশোক। তিস্তরক্ষিতা, তোমার ব্যবহারে দিন দিন আমি বিম্বিত হ'ছি! আমার ধারণা ছিল যে, তুমি ধর্ম-পিপাসায় আমার বরণ ক'রেছ। ভেবেছিলুম, সস্ত্রীক বুদ্ধ-দেবের কার্য্যে দিবারাত্র নিযুক্ত থাকব। আমি রাজভিক্ষু, তুমি রাজভিক্ষুণী হ'বে। কিন্তু সে ধারণা আমার দিন দিন অপসৃত হ'চ্ছে। যে দিন তুমি আমার সঙ্গে রাজ্য-পরিদর্শনে যেতে অসম্মত হ'ও—ব'লেছিলে, অন্তঃপুরবাসিনীর অন্তঃপুরেই কার্য্য, পর্যটন কার্য্য নয়—আমার তখনই মনে সন্দেহ হ'য়েছিল। আমার এখন মনে হয়, তোমার ভোগ-বাসনা অচূণ্ড। ভোগের নিমিত্ত রাজ-গৃহে আগমন ক'রেছ।

চিত্তহরা। মহারাজের তিরস্কার—আমার শিক্ষা অবশ্যই আমার ক্রটি আছে, নচেৎ মহারাজ কেন তিরস্কার ক'রবেন। কিন্তু যে নিমিত্ত দেবসেবা পরিত্যাগ ক'রে রাজ-কার্য্যভার-গ্রহণ বাসনা ক'রেছি, অমুমতি হ'লে শ্রীচরণে নিবেদন করি।

অশোক। কি বল?

চিন্তহরা। মহারাজ, আপনি রাজভিক্ষু। ভিক্ষুর কর্তব্য
রাজার কর্তব্য—উভয় কর্তব্যই আপনার। আপনার
পতামহ-স্থাপিত ও আপনার বাহুবলে বর্দ্ধিত এই বিশাল
রাজ্য যাতে স্থায়ী হয়, যাতে ভিন্নদেশে ভিন্ন রাজ্যোৎসব
হয়ে পরস্পর হৃদয় না হয়, যাতে এক পরিবারের শ্রায় সমস্ত
জম্বুদ্বীপ পাটলিপত্রের অধিকার স্বীকারপূর্বক শান্তিলাভ
করে, এই বৃহৎ কার্য যদি মহারাজের কর্তব্য-কার্য্য হয়,
তাহ'লে—দাসীকে মার্জনা করবেন—সে কার্য্যে মহারাজের
কট্ট হ'চ্ছে।

অশোক। কেন?

চিন্তহরা। মহারাজ, দেহ চিরস্থায়ী নয়। আপনার
অবর্তমানে এ বিপুল রাজ্যভার কার উপর স্তম্ভ করবেন?
পাটরাণীর একমাত্র পুত্র ভাবী সিংহাসন-অধিকারী কুনাল
দূর-তক্ষশিলায় থেকে কিরূপে রাজকার্য্যে দীক্ষিত হবে?
মহারাজ যখন কুনালকে তক্ষশিলায় প্রেরণ করেন, দাসী
নিষেধ করেছিল, মহারাজ তা গ্রাহ করেন নাই। বলেন—
তক্ষশিলায় রাজকার্য্য শিক্ষা করুক। কিন্তু সে শিক্ষার
পরিচয় মহারাজ নিজমুখে দিয়েছেন। কুনাল সপত্নীক
ভিক্ষার নিমিত্ত ঘারে ঘারে গান করে।

অশোক। কিন্তু তুমি সে ভিক্ষকের প্রেমের রাজ্য
স্থাপন দেখলে কদাচ এ কথা বলতে। তথায় রাজ-
দণ্ডের প্রয়োজন নাই। শান্তি-রক্ষকের প্রয়োজন নাই।
কুনালের শিক্ষায় তক্ষশিলাবাসী পরস্পর পরস্পরের প্রতি
ভ্রাতৃত্বাবে অবস্থান ক'চ্ছে।

চিন্তহরা। মহারাজ, আমার সন্ধিগ্ধ চিন্ত। আমার
মনে হয়, তক্ষশিলাবাসীরা জানে যে, কুনাল মহারাজ অশো-
কের বাহুবল-রক্ষিত, সেই ভয়ে কুনালের বশীভূত। কিন্তু
যেদিন সে ভয় দূর হবে, প্রেমের বশতাতো বর্জন করবে।
সাধারণ মানব-চরিত্রে এইরূপ আমার ধারণা। শাসন ও
প্রেম রাজকার্য্যে উভয়ই প্রয়োজন।

অশোক। তোমার মন্তব্য কি?

চিন্তহরা। আমার মন্তব্য কতদূর আমার মুখে শোভা
পাবে জানি না। পঞ্চাবতী জীবিতা থাকলে তাঁর শোভা
পেত। আমি বিমাতা, আমার পুত্র নাই, আমার কুনালের
স্বপ্ন প্রাণ বড় ব্যাকুল! আমি রাজ্যভার পেলে বেরূপে
হয়, তারে গৃহে আনব।

অশোক। ভাল, তোমার বেরূপ অভিকৃতি! আমি
রাজ্যভার তোমায় সপ্তাহের জন্য প্রদান ক'ছি। কল্যা
আমি গয়াধামে গমন করব, বহুদিন বোধিবৃক্ষ দর্শন করি
নাই, আমার প্রাণ বড় ব্যাকুল হ'য়েছে।

[অশোকের প্রস্থান।

(তৃত্বার প্রবেশ)

তৃত্বা। এই পত্র শোন—“কুনাল, তুমি রাজমহিবীর
সহিত হৃদ্যবহার ক'রেছ; হয় মার্জনা প্রার্থনা ক'রে তাঁর
কৃপালাভ কর, নচেৎ নিজহস্তে চক্ষু উৎপাটনপূর্বক তক্ষশিলা
হ'তে দূর পর্বতশৃঙ্গে বাস কর।” আর এই পত্র তক্ষশিলায়
কর্ম্মচারীদের উপর—“পাষাণ কুনালের চক্ষুদ্বয় উৎপাটন-
পূর্বক রাজ-সমীপে প্রেরণ কর, আর ছুটকে তক্ষশিলা হ'তে
বহিষ্কৃত ক'রে দূর পর্বত-শৃঙ্গে স্থান দিও।” এস, রাজ্যের
নাশাঙ্কিত মোহর দিয়ে পত্র প্রেরণ কর।

চিন্তহরা। যদি সে চক্ষু উৎপাটন করে, এ কথা গোপন
থাকবে না। তাহ'লে আমার নিশ্চয় প্রাণবধ হবে।

তৃত্বা। চিন্তা কর না, রাজা স্বয়ংই ম'রবে।

[উভয়ের প্রস্থান।

ষষ্ঠ গর্ভাঙ্ক

তক্ষশিলা—রাজকক্ষ

কুনাল ও কাঞ্চনমালা।

কাঞ্চন। কুহুম স্থান্য যদি নয়,

কেন তায় পূজে দেবতায়?

ভোজ্য বস্ত্র সুবাহু গকল

দেবতার পদতলে কি হেতু অর্পিত?

দেবমূর্ত্তি স্থান্য গঠন কোন্ প্রয়োজন—

নর-দৃষ্টি যদি নাথ, প্রয়োজনহীন?

আমি তো তোমায়

কুহুমমালায় সাজিয়ে জুড়াই প্রাণ!

অঙ্গের সৌরভে গরবে উথলে ছদি!

শ্রবণবিবর মধুস্বরে তৃপ্ত মম।

প্রসাদ অমৃত হয় জ্ঞান,

স্পর্শে হয় স্বর্গ অমৃতব !

হয় হ'ক নম্বর এ সব,

তোমা ছাড়া নিত্য সুখ নহি অভিলষী।

কুনাল। অন্তরের ফুলরাজি দেখে নাই ধ্যানে,

তাই তব নম্বর কুসুমের অমুরাগ।

প্রকৃতির শোভা যা নেহার—

অক্ষুট অন্তর-ছবি মাত্র পে সুখমা ;

নয়ন, শ্রবণ, নাসিকা, রসনা

কিছা স্পর্শে স্ত্রিয়—

অংশে অংশে করে মাত্র সুখ অমৃতব।

পঞ্চমুখ একত্র মিলিত—

বর্জিত সহস্রগুণে—

সমাবিষ্ট পুরুষের হয় উপভোগ।

সে সুখ-আশায়, নম্বর ইন্দ্রিয়-লালসায়,

মুগ্ধ নহে চিত্ত মম।

নম্বর এ দেহে তব কেন অমুরাগ ?

এস, বসি দৌহে ধ্যানে—

ধ্যান সংমিলনে

উভয়ে অনন্তে বাই মিলি।

কাঞ্চন। নিয়ত অনন্ত ভাবে তুমি মোর হৃদে,

সান্ত নহে—অনন্ত পে ভাব !

অন্তরে বাহিরে সমভাবে সে ভাব বিহরে—

ধ্যানে বা নয়নে পার্থক্য না হেরি নাথ,

প্রত্যক্ষ দেবতা তুমি হৃদয়-ঈশ্বর।

(দূতের প্রবেশ)

কুনাল। কে তুমি ?

দূত। পাটলিপুত্র হ'তে মহারাজের পত্র এনেছি।

কুনাল। (পত্র মন্তকে স্পর্শ করিয়া পাঠ পূর্বক)

এতদিনে মহারাজের কৃপার আমার মমতা দূর হ'লো।

কাঞ্চন। কি পত্র ?

কুনাল। এই দেখ। (পত্র প্রদান)

কাঞ্চন। (পত্র পাঠ করিয়া) নাথ, নাথ, তুমি তো

কারো নিকট দোষী নও। তবে কেন মহারাজ লিখেছেন,

তুমি মহারাজের নিকট অপরাধী ?

কুনাল। মহারাজী আমার শিকার জন্ত মহারাজকে

এইরূপ বলেছেন। সকলে বলে—আমার নয়নছটা মন্দর।

সেইজন্ত বোধ হয় আমার চক্ষের উপর মমতা আছে।

রাজরাণীর কৃপার সে মমতা আমার দূর হবে।

দূত। কুমার, মহারাজের আদেশে আপনাকে জিজ্ঞাসা

ক'চ্ছি, আপনি পাটলিপুত্র যেতে প্রস্তুত ?

কুনাল। না। (প্রণামান্তর দূতের প্রহানোত্তোগ)

যাবেন না। আপনি রাজদূত—আমার পুজ্য। আমার

আতিথ্য গ্রহণ করুন।

দূত। আমার বহুকার্য্য, মার্জনা ক'রবেন।

কুনাল। আপনি কি উত্তর ল'য়ে পাটলিপুত্র গমন

ক'রবেন ? তবে যদি কৃপা ক'রে আমার নিকট পুনর্বার

আসেন, আমি কোন উপচোকন রাজরাণীর নিকট প্রেরণ

ক'রব।

দূত। যে আজ্ঞা।

(দূতের প্রস্থান।)

কাঞ্চন। নাথ নাথ, তুমি কি তোমার চক্ষু উৎপাটন

ক'রবে ?

কুনাল। তুমি আমার প্রাণেশ্বরী, সহধর্ম্মিণী, কর্তব্যে

বাধা দিও না।

কাঞ্চন। প্রভু, প্রভু, এ হল ! কদাচ এ মহারাজের

পত্র নয়। কে ও দূত—এমন বিকট আকৃতি তো আমি

কখন' দেখি নাই ! আসূয়া মাত্র আমার অন্তরাঙ্গা শিউরে

উঠেছে।

কুনাল। দূত বেই হ'ক, এ মহারাজের নামাঙ্কিত

পত্র, আমি কদাচ রাজ্যদেশ লঙ্ঘন ক'রব না।

কাঞ্চন। চল, আমরা পাটলিপুত্রে বাই। মহারাজকে

বলি, তুমি নিরপরাধ।

কুনাল। এ তো আমার অপরাধের দণ্ড নয়, এ আমার

শিক্ষা। পাটলিপুত্র যাওয়া নিষ্প্রয়োজন।

কাঞ্চন। নাথ নাথ, কি বলছ ! কি সর্ব্বনাশ ক'রবে ?

কুনাল। সর্ব্বনাশ নয়। বার বার গর্ভবজ্রণা, মৃত্যু-

যন্ত্রণা হ'তে মুক্তিলভ ক'রব।

কাঞ্চন। নাথ, দাসীর বৃকে কেন শেলাঘাত করেন ?

কুনাল। প্রিয়ে, মন বাঁধ। উচ্চ কার্য্যের সহায় হও।

আমার আদেশ, আমার মিনতি।

কাঞ্চন। তবে আমার চক্ষু উৎপাটন করো।

কুনাল। প্রিয়ে, তুমি আমার সেবা ক'রতে ভালবাস,

কনয় তোমার সম্পূর্ণ সেবার সুযোগ দিচ্ছেন। তুমি কাত বশতঃ অন্ধ হ'লে এ অন্ধের সেবা তো হবে না। সন্ত হও।

কাঞ্চন। (নীরবে বোদন)

কুনাল। প্রিয়ে, বোদন কর না। কারা আসছেন।

[অঞ্চলে চক্ষু আবৃত করিয়া কাঞ্চনমালার প্রস্থান।

(মন্ত্রী ও রাজকর্মচারিগণের প্রবেশ)

কি মন্ত্রীমহাশয়, আপনারা বিষয় কেন?

মন্ত্রী। কুমার, দেখুন, এ কঠোর আজ্ঞা কে প্রতিপালন করবে? এ নিশ্চিত কোন শত্রুর প্ররোচনায়—

মন্ত্রী। (কুনালের হস্তে আদেশ-লিপি প্রদান)

কুনাল। (লিপি পাঠ করিয়া) পত্র তো মহারাজের সামাক্ষিত।

মন্ত্রী। হ'ক নামাক্ষিত! রাজা স্বয়ং এসে আদেশ দিলেও আমরা এ কঠোর কার্যে প্রস্তুত নই।

কুনাল। রাজ্য-পরিচালনায় অনেক কঠোর কার্যের প্রয়োজন হয়, এ তো মন্ত্রীমহাশয় অবগত আছেন।

মন্ত্রী। না, এরূপ কঠোর কার্যের প্রয়োজন হয় না। এ রাজকার্য নয়—এ বাতুলতা।

কুনাল। ছিঃ ছিঃ, ওরূপ বলবেন না।

মন্ত্রী। বলব না কি? আমরা বিদ্রোহী হ'তে প্রস্তুত। এ কার্য করবার আগে নিজের চক্ষু উৎপাটন করব, দ্বীর চক্ষু উৎপাটন করব, পুত্রের চক্ষু উৎপাটন করব, বাহ ছেদন করব। এই প্রেমিক পরমপুরুষের চক্ষু উৎপাটন—এ কথা শ্রবণেও পাতক আছে! আমরা একমতে দৃঢ়বাক্যে বলছি, আমরা এ পত্রের আদেশ পালন করব না।

কুনাল। মন্ত্রীবর, আপনাদের বিদ্রোহচরণের প্রয়োজন হবে না, নিশ্চিত হ'য়ে গৃহে যান।

মন্ত্রী। হ্যাঁ হ্যাঁ, মহারাজ—আপনার উপর আমাদের করুণ শ্রদ্ধা—তা পরীক্ষা করবার জন্য পত্র দিয়েছেন। বোধহয়, আপনার নিকট অপর পত্রে মনোভাব ব্যক্ত করেছেন যে, তিনি পরীক্ষার নিমিত্ত পত্র প্রেরণ করেছেন।

কুনাল। যদিচ পত্রের মর্ম ওরূপ নয়—আপনারা নিশ্চিত হ'য়ে আবাসে যান।

সকলে। জয় কুমার কুনালের জয়! জয় ধর্মপ্রচারক কুনালের জয়! জয় প্রজাপালক কুনালের জয়! জয়-মানববন্ধু

কুনালের জয়! জয় পরম শিক্ষাদাতা কুনালের জয়!

[মন্ত্রী ও রাজকর্মচারিগণের প্রস্থান।

(দূতের প্রবেশ)

দূত। আমি অল্পই প্রত্যাগমন করব। কি উপঢৌকন আছে, দিন।

কুনাল। আমি আনিছি—অপেক্ষা করুন।

[কুনালের প্রস্থান।

দূত। উঃ, বৃদ্ধ এরে দিবারাত্র কোলে ল'য়ে অবস্থান করছে! এ কি উচ্চ মানব-প্রকৃতি! এ কি দেহের মগতা-বিসর্জন! এর নরকেও তো শাস্তি ভঙ্গ হবে না। বৃদ্ধ নির্দোষ-লাভ কর'য়ে একেই কি বোধিসত্ত্ব প্রদান করবে! (উৎপাটিত চক্ষুদ্বয় কোঁটার লইয়া অন্ধ কুনালের প্রবেশ)

কুনাল। মহাশয়, গ্রহণ করুন।

[কোঁটা লইয়া দূতের প্রস্থান।

(কাঞ্চনমালার পুনঃ প্রবেশ)

কেমন, তুমি প্রস্তুত?

কাঞ্চন। আমি দাসী। তোমার যা আজ্ঞা তাই হবে। কিন্তু কোথায় যাবে?

কুনাল। প্রিয়ে, অন্ততঃ ছদ্মবেশে এ পুরী পরিত্যাগ করা বিশেষ প্রয়োজন। আমি রাজ্যদেশে চক্ষু উৎপাটিত করছি। আমায় এ অবস্থায় দেখে সকলে রাজদ্রোহী হবে। আজ গভীর রাত্রে আমরা ভিক্ষু-ভিক্ষুণীর বেশে নগর হ'তে বহির্গত হব। জেন, প্রিয়ে, সে বেশ ছদ্মবেশ নয়, আজ হ'তে ভিক্ষা আমাদের জীবিকা।

[উভয়ের প্রস্থান।

সপ্তম গর্তাঙ্ক

পাটলিপুত্র—রাজ-অন্তঃপুর

চিত্তহরা ও তৃষা।

চিত্তহরা। তোমাদের কথায় আর আমার বিশ্বাস নাই। তোমরা আমার সর্দনাশ করবে। আমি পত্র প্রেরণ কর'য়ে ছদ্মবেশে স্বয়ং তব্ব নিতে গিয়েছিলুম। কুনাল চক্ষু উৎপাটন

ক'রে গভীর নিশীথে সস্ত্রীক তক্ষশিলা পরিত্যাগ ক'রে কোথা চ'লে গিয়েছে। রাজ-কণ্ঠচারীরা চতুর্দিকে তার অতুসন্ধান ক'চ্ছে। আমার পত্র ল'য়ে রাজার নিকট উপস্থিত হবার পরামর্শ ক'রেছে। তাদের মনে দৃঢ় ধারণা যে, পত্র জাল। সংবাদ পেলেই রাজা আমার প্রাণবধ ক'রবে। কুনালকেও পেঙ্গুম না—আমার প্রাণবধও হবে।

তৃষা। তুমি রাজার প্রাণবধ ক'রে হুখে রাজ্যভোগ কর।

চিন্তা। মুখের কথা তো ব'ললে! আমি রাজপুরী ছিলাম না, এ সংবাদ পেয়ে রাজা আমার প্রতি বড়ই অসন্তুষ্ট।

তৃষা। শোন! আমি গয়ায় মন্ত্রপূত হুত্র দ্বারা বোধিবৃক্ষ বেটন ক'রে এসেছি, বৃক্ষ শুষ্ক হ'চ্ছে। সে হুত্র অপর হস্তে ছেদিত হবে না। তুমি এই অস্ত্র নাও। এই অস্ত্র দ্বারা হুত্র ছেদিত হ'লেই বৃক্ষ হ'তে বহুশাখা নির্গত হ'য়ে বৃক্ষ পুনর্জীবিত হবে। তখন তুমি রাজাকে যা ব'লবে, রাজা শুনবে। তুমি ব'লবে—“আপনার রোগের শেষ আছে, এই ঔষধ সেবন করুন—তাহ'লে সম্পূর্ণ আরোগ্যলাভ ক'রবেন ও দীর্ঘজীবী হবেন।” রাজা ম'লে তুমিই রাজরাণী, আমরা তোমায় সাহায্য ক'রব। আর তোমায় বাধা দেয় কে! এই অস্ত্র নাও, আর এই বিষ নাও। তুমি আমাদের অবিশ্বাস কর! অচিরে বুঝবে, তুমি আমাদের আপনার লোক। আর ভাঙার তো তোমার হাতে—ভাঙারে ধন বিতরণ ক'রে সেনাদের বশীভূত কর। আর রাজার বিরোধী লোক অনেক আছে, নানাপ্রকার উৎসব ক'রে তাদেরও বশে আন', তাহ'লেই রাজ্য তোমার। এক অশোককে ভর, সে ম'লে কে আর তোমায় বাধা দেবে?

[তৃষার প্রস্থান।]

চিন্তাহরা। আমার ভয়ে প্রাণ কাঁপছে! এর মুখের ভাব দেখে বোধ হয়, যেন আমার সঙ্গে বাঙ্গ ক'চ্ছে। আমি ওদের আপনার লোক! ওরা তো দানব-দানবী—ভূত-প্রেতিনী! কি ব'লে গেল! অদৃষ্টে যা থাকে হবে, তক্ষশিলার সংবাদ না আসতে আসতে রাজাকে বিষ দেব।

[চিন্তাহরার প্রস্থান।]

(পদ্মাবতীর প্রবেশ)

পদ্মাবতী। কি হবে, কি ক'রবে! কুনাল সম্বন্ধে কি

ব'ললে বুঝতে পারলুম না। নিশ্চয় বাছার কোন অমি সাধন ক'রেছে। রাজাকে বিষ দেবার কথা কি ব'ললে। আমি আকালকে সমস্ত কথা বলি, সে যদি কোন উপায় ক'রতে পারে।

[প্রস্থান।]

অষ্টম পর্ভাঙ্ক

পর্বত-সম্মুখস্থ পথ

পর্বতগাত্রে অশোকের 'আদেশ' খোদিত।

কয়েকজন পথিকের প্রবেশ ও 'আদেশ' পাঠকরণ।

(দেবীর প্রবেশ)

দেবী। (স্বগত) আমার প্রাণ কেন আজ এত ব্যাকুল হ'চ্ছে! আমার প্রাণের ভিতর যেন হাকাকার-ধ্বনি উঠছে! যেন “কুনাল কুনাল”—ব'লে আমার প্রাণ কাঁদছে বাছার কি কোন অমঙ্গল হ'ল! আমি তো স্থির থাকতে পাচ্ছি নে!

১ম পথিক। ওরে ওরে! এ'কে জিজ্ঞাসা করি আয়—

২য় পথিক। ও যেয়েমাহুষ—ভিক্ষুণী। ও কি ব'লবে?

১ম পথিক। আরে, না না, উনি সর্বস্থানে ঘুরে বেড়ান। লোককে বুঝিয়ে দেন, এর মর্ম কি।

২য় পথিক। ইনি কে?

১ম পথিক। জিজ্ঞাসা করছি, দাঁড়া। (অগ্রসর হইয়া) হ্যাঁ মা, এই পর্বতের গায়ে কি লেখা?

দেবী। মহারাজ পর্বতগাত্রে খোদিত ক'রে প্রজাদের আদেশ দিয়েছেন যে—সকলে দানধর্ম আচরণ ক'রে ইহকাল ও পরকালের কার্য কর। উচ্চ-নীচ সকলেই মুক্তি অধিকারী। কঠোর আত্মত্যাগই সাধন। এ সাধন—হীন অপেক্ষা উচ্চ ব্যক্তির কঠিন।

১ম পথিক। মা, আমরা ব্যাপারী, দেশবিদেশে বেড়াই সকল জায়গাই তোমাকে দেখি। যেখানে যেখানে এমনি সা লেখা আছে, তুমি বুঝিয়ে দাও। তুমি কে মা?

দেবী। আমি রাজদাসী, আমার এই কার্য।

২য় পথিক। ও, খুব পাকা পাকা কথা সব রাজা' গিয়ে দেয়! আমরা কি সব বুঝতে পারি? তবে এই বুঝি

ক মুঠো থাকে, কেউ খেতে চায়, আধ মুঠো দিয়ে খাব।

দেবী। বাব', ক্রমে সব বুঝবে।

৩য় পথিক। কি ক'রে লিখলে?

দেবী। (স্বগত) না, আমি হির হ'তে পাচ্ছি।
আমার আরও প্রাণ আঁকুল হ'চ্ছে! কোথাও নিরুজ্জ্বল ব'সে
আন করি।

[দেবীর প্রস্থান।]

(অন্ধ কুনালের হস্ত ধরিয়া কাঞ্চনমালার প্রবেশ)

(উভয়ের গীত)

কুনাল। মানস-সরে চিত-কমল-কলি, জ্ঞানাক্ষয় হেরি হাসে।

কাঞ্চন। হৃদয়চাঁদ মম স্বস্তরে বাহিরে, চিত-কুমুদিনী সনে বিহরে বিলাসে।

কুনাল। নশ্বর নয়ন নাহি আর কাঁজ,

কাঞ্চন। শত অঁখি পেলে মম হেরি হারিয়ার;

কুনাল। পূর্ণ পূর্ণ কিবা নির্মল জ্যোতি,

কাঞ্চন। পূর্ণ পূর্ণ প্রাণ—পাশে প্রাণপতি,

কুনাল। মুক্ত মুক্ত—পেল বন্ধন-পাশ,

কাঞ্চন। পতি-পদ-আশ,

সোহাগে প্রাণ বাঁধা পতি প্রেম-ক'সে।

উভয়ে। মাধুরী-নাগরে অন্তর ভাসে।

(জটনৈক বৃদ্ধার প্রবেশ)

বৃদ্ধ। আহা, কার বাছারে! আহা, ছটি চক্ষু নাই!

কি খায় নাই—রোদে রোদে ঘুরে ঘুরে বাছাদের মুখ
খানি শুকিয়ে গিয়েছে। আহা বাছারা, আমাদের বাড়ীতে
সে একটু জিরুবি? আয়, খুদকুঁড়ো যা ঘরে আছে, খেয়ে
গিবি।

কুনাল। চল, মা দয়াময়ি!

১ম পথিক। ওগো ওগো, পয়সা নেবে? আমরা
দেছি—এই নাও।

কাঞ্চন। না বাবা, আমরা ভিক্ষু, আমাদের উদর পূর্ণ
হ'লেই যথেষ্ট, আর আমাদের প্রয়োজন নাই।

বৃদ্ধ। এস, বাবা, এস!

[বৃদ্ধার পশ্চাৎ কুনালের হস্ত ধরিয়া কাঞ্চনমালার প্রস্থান।]

২য় পথিক। দেখ, বড় ঘরের ছেলে—বড় ঘরের
ময়ে! এখন এই সব হ'য়েছে। যে-সে ভিখিরী হ'লে কি
মিসা ছাড়ে!

(দেবীর পুনঃ প্রবেশ)

দেবী। নিশ্চয় কুনালের কণ্ঠস্বর! (পথিকগণের প্রতি)

বাবা, এইখানে কে গান ক'চ্ছিল নয়?

১ম পথিক। হ্যাঁ মা! একটা অন্ধ বোটাছেলে আর তার

সঙ্গে একটা টুকটুকে মেয়ে। আমরা পয়সা দিতে চাইলুম,—
নিলে না। এক বুড়ী তাদের সঙ্গে ক'রে নিয়ে গেছে।

দেবী। তারা কোন দিকে গেল, বাবা, কোন দিকে
গেল?

(নেপথ্যে কুনালের সঙ্গীত)

কাঁদাকাঁদামন মহে তো আমারি

সকলই তোমারই—

বারি মনে কবে মিশাইবে বারি!

দেবী। ঐ যে আমার কুনাল—ঐ যে আমার কুনাল!

[বেগে দেবীর প্রস্থান।]

২য় পথিক। আহা, এই মাগীর বুঝি কেউ হবে রে!

চল চল, দেখিগে।

[সকলের প্রস্থান।]

নবম গর্ভাঙ্ক

বুদ্ধগয়া—শুদ্ধ বোধিবৃক্ষ-সম্মুখ

অশোক, বৌদ্ধগণ, রাধাগুপ্ত ও পারিষদগণ।

অশোক। আমরা নিষ্ফল তিন দিন অনাহারে প্রার্থনা
ক'চ্ছি, বৃক্ষ দিন দিন অধিক শুষ্ক হ'চ্ছে! অবশ্য রাজ্য কোন
মহাপাপে কলুষিত। রাজার পাপেই রাজ্য কলুষিত হয়।
এর কি প্রায়শ্চিত্ত! আপনারা আজ্ঞা করুন।

১ম বৌদ্ধ। মহারাজ, অশ্রুগণ কেন আত্ম-নিষ্ঠা
ক'ছেন? আপনি রাজর্ষি, পরম নির্মল—এর কোন গুচ
তত্ত্ব আছে, শুদ্ধদেব উপগুপ্তের নিকট তাঁর শিষ্যেরা
গিয়েছেন, অচিরে তাঁরে ল'য়ে হেথা উপস্থিত হবেন।

অশোক। মন্ত্রীবার, রাজ্যে প্রচার কর, যে এই বোধিবৃক্ষ
পুনর্জীবিত ক'রবে, আমি তা'রে রাজ্যেশ্বর ক'রব। জগতে
যে যে প্রিয় বস্তু তার প্রার্থনা—সমস্তই তা'রে প্রদত্ত হবে।

(চিত্তহরার প্রবেশ)

এ কি, তুমি হেথায় কেন? সংবাদ পেলেম, তুমি অতি দুর্নীত কার্য ক'রেছ। আমার অনুপস্থিতিতে নগরে কুৎসিত উৎসবাদি সম্পন্ন হ'য়েছে। সেনাদের ভাঙার হ'তে ধন বিতরণ ক'রেছ, তারা রাজমন্ত্রীদেব উপেক্ষা করে। তুমি গুপ্তবেশে যথায় ইচ্ছা গমন কর, তোমার বিরুদ্ধে এ সকল কি সংবাদ?

চিত্তহরা। মহারাজ, আমার কার্য—আমি কার্যে পরিচয় প্রদান ক'রব। সমস্ত কার্যই দেবাদেশে ক'রেছি—দেবতার প্রসাদে আমি এই জীর্ণ বোধিবৃক্ষ পুনর্জীবিত ক'রব। এই দণ্ডেই বৃক্ষ পূর্বাংগে বহু নবশাখা বিস্তার ক'রে আমার নিম্নকের মস্তক অবনত ও আমার প্রতি দেব-কৃপা সপ্রমাণ ক'রবে। এই স্তম্ভরূপ বৃক্ষনাশক কীট অপর অস্ত্রে ছেদিত হবে না,—যদি কার' ইচ্ছা হয়, পরীক্ষা করুন।

অশোক। না, না, পরীক্ষার প্রয়োজন নাই। তুমি বৃক্ষ সজীব কর, আমারও প্রাণদান কর।

(চিত্তহরার স্তম্ভ কর্তন এবং বৃক্ষের পুনর্জীবিত হওন)

সকলে। ধন্ত রাজরাণী ধন্ত!

চিত্তহরা। মহারাজ, দেবাদেশে আমি অর্থ ব্যয় ক'রেছি—নিম্নকের অপবাদ দিয়েছে। দেব-কৃপায় আমি আর এক পরম রত্ন প্রাপ্ত হ'য়েছি। মহারাজের এখনও পীড়া উপশম হয় নাই, পীড়ার শেষ আছে। এই ঔষধ-সেবনে রোগ হ'তে সম্পূর্ণ মুক্তিলাভ ক'রবেন আর প্রজার সুখবর্ধনের নিমিত্ত দীর্ঘজীবী হবেন। কার্য্যান্তে দাসী রাজ-চরণে বিদায় গ্রহণ ক'রবে।

(নেপথ্যে কুনালের গীত)

খাস-বায়, তুমি জীবন প্রাণ,
নাথ, হর অহমিতি অভিমান;
ধার ধার চিত উধাও ধারে,
চাছে চাছে—বার বিধে মিলাইয়ে;

অশোক। এ কে গান ক'ছে—যেন কুনালের কণ্ঠ-স্বর অনুমান হ'ছে। মন্ত্রীস্বর, দেখ—গায়ককে সত্বর হেথায় ল'য়ে এস!

(রাধাশুন্দের প্রস্থান)

চিত্তহরা। (স্বগত) আর বিলম্ব নয়, কুনাল এসেছে।
(প্রকণ্ঠে) মহারাজ, মহারাজ, ঔষধ সেবন করুন।

অশোক। প্রিয়ে, বোধ হয় তোমার কুনাল আসছে।

চিত্তহরা। মহারাজ, মহারাজ, শুভক্ষণ ব'য়ে যাক
আর এক মুহূর্ত্ত গত হ'লে ঔষধের কল হবে না।

(ঔষধ প্রদানোত্ততা)

(বেগে আকালের প্রবেশ)

আকাল। হুঠা, বারবিলাসিনি! (চিত্তহরার হস্ত হইয়া
ঔষধ কাড়িয়া লওন)

অশোক। আকাল, আকাল, তুমি কি কিণ্ড? রাজার
কি ব'লছ?

আকাল। মহারাজ, এ বারবিলাসিনী, আপনার ভ্রাতৃ
স্বপ্নমের উপপত্নী ছিল। এ বিষ। মহারাজকে বিষ দিয়া
মহারাজের প্রাণ নষ্ট ক'রতে এসেছে।

চিত্তহরা। মহারাজ, এত অপকলঙ্ক আমার অঙ্গ
ছিল! আমাকে বিদায় দিন, আমি চ'ললুম।

আকাল। মহারাজ, যেতে দেবেন না, হুঠার প্রাণদান
করুন।

চিত্তহরা। মহারাজ, কত অপমান সহ ক'রব?

অশোক। প্রিয়ে, স্থির হও! দোষীর সমুচিত দণ্ড
এখনই বিধান হবে। (আকালের প্রতি) তুমি কিরূপে
জানলে—এ বিষ?

আকাল। মহারাজ, এ হুঠা—পিশাচিনীর সর্প
পৈশাচিক কুহকে বোধিবৃক্ষ শুক হ'য়েছিল, পৈশাচি
শক্তিতে পুনর্জীবিত হ'য়েছে।

অশোক। এ সংবাদ তুমি কিরূপে অবগত?

আকাল। যে চণ্ডালিনী আপনার পরিচর্যা ক'রেছি
সে সমস্ত পরামর্শ শুনেছে, তার নিকট আমি শ্রবণ ক'রেছি
চিত্তহরা। মহারাজ, বিচার করুন, বাঞ্ছন্য নাই
আমি চ'ললুম।

(গমনোত্ততা)

আকাল। মহারাজ, ধরুন, আমি প্রমাণ দিচ্ছি
আপনি আমার জীবন দান ক'রেছিলেন, সেই জী
আপনাকে পুনরর্পণ ক'চ্ছি। আমার মৃত্যুতে আপ
পিশাচিনীর হস্ত হ'তে মুক্তিলাভ করুন।

(বিষ পান)

অশোক। আকাল, আকাল, বিষ যদি তো কে
ক'রলে?

আকাল। নচেৎ, মহারাজ, এ পাপিনীকে অবিশ্বাস
ক'রতেন না। আমার কণ্ঠস্বর বোধ হ'চ্ছে; মহারাজ
—বিদায়— (আকালের পতন)

চিন্তহরা। মহারাজ, এ আমার শত্রুর ছল। আমার
দক্ষে এত শত্রুতা, এ স্থলে আমি আর থাকব না।

(গমনোচ্ছতা)

অশোক। কদাচ যেতে পাবে না। বিষ বা আকালের
কপটতা—পরীক্ষিত হোক।

(রাধাগুপ্ত ও পশ্চাৎ কুনালকে লইয়া কাঞ্চনমালার প্রবেশ)

(কুনালের গীত)

কাঁদ-বাক্য-মন নহে তো আমারি

সকলই তোমারই—

বারি মনে কবে মিশাইবে বারি!

বাস-বাঘু তুমি জীবন প্রাণ,

নাথ, হয় অহমিতি অভিমান;

ধায় ধায় চিত উধাও ধায়,

চাহে চাহে—বায় বিধে মিলাইয়ে;

বিস্তৃত জীবন, বিস্তৃত প্রাণ-মন,

ভুবনবিহারী, শুদ্ধ বোধোদয় মোহ-ভ্রমোহারী

মাগে ভিখারী!

(দেবীর প্রবেশ)

দেবী। মহারাজ, আপনার পুত্র, পুত্র-বধূকে গ্রহণ
করুন। বাছারা পথে পথে ভিক্ষা ক'রে উদর পূরণ ক'রেছে।
হা অদৃষ্ট!

অশোক। এ কি দেবি! আমার কুনালের এ দশা
কেন? (কুনালের প্রতি) বাবা কুনাল, তোমার এ হৃদশা
কে ক'রেছে?

(তক্ষশিলা হইতে প্রেরিত দূতের প্রবেশ)

দূত। কঠিন পিতৃ-আজ্ঞায়! (পত্র প্রদান)

অশোক। (পত্র পাঠ করিয়া) কি সর্বনাশ! হুঁচকারিণী,
এ তোরই কার্য।

(পদ্মাবতীর প্রবেশ)

পদ্মাবতী। বাবা, বাবা—কুনাল, তোমার এ দশা হ'লো!
আমি কেমন ক'রে প্রাণ ধ'রবে! আমি তোমায় পরিত্যাগ
ক'রে গিয়েছিলুম, সেই জন্তু কি আমার আর যুথ দর্শন

ক'রবে না! বাবা, বনবাঁসে ত্রোনার ওই অলোক-সুন্দর যুথ-
মণ্ডল মনে ক'রে জীবন ধারণ ক'রেছি। তোমায় রাজ্যোখর
দেখব—যেদিন তোমায় প্রদত্ত ক'রেছি—সেই দিন থেকে
আমার সাধ—সে সাধে কেন বজ্রাঘাত হ'লো! বাবা, তোমায়
অন্ধ দেখে এখনও আমার চক্ষু উৎপাটিত হ'লো না! বাবা,
বাবা, কুনাল, আমার অঞ্চলের নিধি, এ কি হ'লো!

অশোক। এ কি, পদ্মাবতী! আমি এতদিন তোমায়
চিনেও চিন্তে পারি নাই!

কুনাল। মহারাজ, বনে চণ্ডালগৃহ বাস ক'রে জননী
আমার জ্যেষ্ঠতাপুত্রকে ধাত্মরূপে পালন ক'রেছিলেন।
সেই পালনের নিমিত্তই অজ্ঞাতবাস ক'রেছেন। ইনি আমার
গর্ভধারিণী, তদপেক্ষা মহাত্মা ত্রুণোদধের ধাত্ম-জননী!

অশোক। দেবি, তোমার আত্মত্যাগের তুলনা হয় না!
তুমি চণ্ডালিনীবেশে এই পাপিনীর কিঙ্করী হ'য়ে রাজগৃহে
বাস ক'রেছ! (কুনালের প্রতি) বাবা কুনাল, তোমার স্নেহ
পিতার কি প্রায়শ্চিত্ত, বল?

কুনাল। পিতা, আমি জড়চক্ষুহীন, কিন্তু বুদ্ধদেবের
রূপায় আমার দিব্যচক্ষু প্রস্ফুটিত! অলীক দৃষ্টির পরিবর্তে
দেবদৃষ্টি লাভ ক'রেছি। সমস্তই বিমাতার রূপায়!

অশোক। মস্ত্রি, এই পাপিনীর কি শাস্তি বিধান কর?
কিরূপে এর প্রাণদণ্ড করা উচিত?

কুনাল। মহারাজ, দাসকে ভিক্ষা দিন, প্রাণদণ্ড হ'লে
পরম-প্রায়শ্চিত্ত অনুতাপে বঞ্চিত হবে। অভাগিনীকে
অনুতাপের সময় দিন!

অশোক। না, বৎস, তোমার তায় দেবদ্ব আমার লাভ
হয় নাই।

চিন্ত। (বিষের মোড়ক বাহির পূর্বক সেবন করিয়া)
কুৎসিত রাজা, তুই আমায় কি দণ্ড প্রদান ক'রবি? আমার
নিকট এখনও ঐ ভীত বিষ ছিল—আমার যন্ত্রণার এখনই
অবসান হবে। তুই যাবজ্জীবন যন্ত্রণা ভোগ কর।
(কুনালের প্রতি) কুনাল, তোর দয়া আমার পক্ষে মৃত্যু-
যন্ত্রণা অপেক্ষা অধিক যন্ত্রণা! তুই আমায় উপেক্ষা ক'রে-
ছিলি, তোর চক্ষু-উৎপাটন ক'রে শাস্তি দিয়েছি। কিন্তু
দেখছি, সে তোর শাস্তি নয়। মৃত্যুর পর যদি আস্বার
উপায় থাকে, আমি তোর পশ্চাৎ পশ্চাৎ ফিরে দেখব—কিসে
তোর শাস্তি হয়। (পতন ও মৃত্যু)

দেবী। মহারাজ, সাক্ষী রাজ-কুল-বধূকে আশীর্বাদ করুন। কি যত্নে তোমার অঙ্গপুত্রের সেবা ক'রেছে— আমার কণ্ঠে বাগ্‌দেবী এলেও বর্ণনা ক'রতে অক্ষম হব।

অশোক। দেবি, আমি এই সাক্ষী জননীর কি পুরস্কার দেব—মা'র আঁধার চিত্ত-প্রসাদ পুরস্কার! মাগো, তোমার স্বামী অন্ধ, তুমি রাজবাণী হবে না—এই খেদে আমার হৃদয় বিদীর্ণ হচ্ছে!

কাঞ্চন। পিতা, আক্ষেপ ক'রবেন না! পতিপ্রেমে আমি ইজ্ঞানী অপেক্ষা বৈভবশালিনী। আমি পরম সম্পদ পতি-সেবার অধিকার প্রাপ্ত হ'য়েছি, আমি অল্প সম্পদ প্রার্থী নই।

পদ্মাবতী। (কাঞ্চনমালাকে আলিঙ্গন করিয়া) মা, মা আমার!

(উপগুপ্তের প্রবেশ)

অশোক। গুরুদেব, গুরুদেব! দেখুন, কত দিনে আমার শাস্তির অবদান হবে! বিষ্ণু রাজা, অশোক নামে ধিক্! বীতশোকের ছিন্ন মস্তক দেখেছি, রাজরাণীকে বনবাসিনী ক'রেছি, আজ আমার বংশধর কুনাল চক্ষুহীন! পরমহৃদয় প্রভুভক্ত আকাল বিষপানে মৃত! প্রভু, আমি কি ক'রে জীবন-ধারণ ক'রব।

উপগুপ্ত। মহারাজ, দেহীর ঐর্ষ্যাবলম্বনই শাস্তির একমাত্র উপায়। সংসার যদি কটক-শয্যা না হ'ত, কে নির্কাণ-কামনা ক'রত? মহারাজ, প্রভুর পরম রূপায় সংসার বিষবৎ জ্ঞান হয়। আকাল, ওঠ! তোমার রাজ-ভক্তির আদর্শ-প্রদান সম্পূর্ণ হয় নাই।

আকাল। (ধীরে ধীরে গাত্রোথান করিয়া) প্রভু, আবার কেমনালেন! আস্তে আস্তে দিব্বি আলো দেখতে দেখতে যাচ্ছিলুম!

উপগুপ্ত। বৎস, অচিরে নর-চক্ষু দিব্যজ্যোতি দর্শন ক'রবে! বৎস কুনাল, বুদ্ধদেব তোমার যেরূপ অন্তরে দর্শন দিচ্ছেন, জড়-দৃষ্টিতেও সেইরূপ দর্শন দেবেন, সেই জন্ত তোমার কুনাল-চক্ষু পুনরায় প্রাপ্ত হও।

পদ্মাবতী। রূপায়, নিরানন্দ হৃদয়ে আনন্দদাতা!

অশোক। প্রভু, প্রভু, যদি রূপা ক'রেছেন, আর আমার রাজ কার্যে গিণ্ড রাখবেন না। কুনালকে সিংহাসন প্রদান ক'রে দাসকে আপনার পদ-সেবায় নিযুক্ত করুন।

কুনাল। মহারাজ, মার্জনা করুন, আমি ভিক্ষুভৃত

অবগমন ক'রেছি, সে ব্রত ভঙ্গ ক'রবেন না।

উপগুপ্ত। মহারাজ, পটিলিপুত্রে চলুন।

অশোক। প্রভু, আর আমার সিংহাসনে ইচ্ছা নাই।

উপগুপ্ত। কুনালের পুত্র সস্ত্রীভিকে সিংহাসনে অভিষেক ক'রে যেরূপ ইচ্ছা ক'রবেন। (চিত্তহরাকে নির্দেশ করিয়া) এ হতভাগিনী রাজ-গলে মালা প্রদান ক'রেছিল, এর সংকারের আজ্ঞা দিন।

আকাল। প্রভু, রূপা ক'রে একবার বাঁচিয়ে দিন— বেটীর চক্ষু-লজ্জা হয় কিনা, দেখি।

উপগুপ্ত। বৎস, এ পাষণীকে মার নরকে ল'য়ে স্থান দিয়েছে। পাপিনীর প্রাণ আর দেহে নাই।

আকাল। বেটীকে নিয়ে মার বেটাও গ্রাহি গ্রাহি ডাকবে! ভাল, প্রভু, ও তো মারের সহচরী, মার কেন ওকে নরকে দিলে?

উপগুপ্ত। নরক মারের রাজ্য—মার স্বয়ং নরকবাদী— সমস্ত পাপীর উপর তার অধিকার। প্রজারুদ্ধির জন্ত মানবকে প্রতারিত করে। চলুন, মহারাজ, বিলম্বের প্রয়োজন নাই।

[রাধাগুপ্ত ব্যতীত সকলের প্রস্থান।]

(ছাইজন মার-অমুচরের প্রবেশ)

১ম চর। মন্ত্রীমাণ্ডল, আমরা সংকার ক'রব।

রাধাগুপ্ত। কি পুরস্কার প্রার্থনা কর?

২য় চর। কার্য শেষ ক'রে পুরস্কার গ্রহণ ক'রব—

আপনি যান।

রাধাগুপ্ত। (স্বগত) ও বাবা, এরা কে! যে হ'ক, আমি নিশ্চিন্ত।

[রাধাগুপ্তের প্রস্থান।]

(মারের প্রবেশ)

মার। ল'য়ে যাও, রাখ অস্থি নরকের দ্বারে।

[শব লইয়া মার-অমুচরদ্বয়ের প্রস্থান।]

বোধিবৃক্ষ,

তব মূল কলুষিত করিব নিশ্চয়—

রহ রহ, সময়সাপেক্ষ মাত্র তাহা।

তব মূল শাস্তিময় স্থান না রহিবে—

হিন্দুনে মহা ঘন বৌদ্ধের বাধিবে।

কিন্তু এই নিদারুণ খেদ,
নির্মূল না হলে কোন কালে—
লঙ্কাধীপে শাখা তব যত্নে আরোপিত।
যাকু, যা হবার হবে!
উপস্থিত উপায় কি করি?
পরান্নেব নেহারি শিহরি,
তবু নাহি ক্ষমা দিব রণে।
দৃঢ় হৃদে আছে মম অশোক-হৃদয়ে—
অহঙ্কার—রাজ্য-অহঙ্কার তার মনে!
তবে কি হেতু নিরাশ—
অহঙ্কার কে পারে ত্যজিতে?
করে যদি সমাগরা ধরণী প্রদান,
শতগুণে অহঙ্কার হবে বলবান,
পাবে তায় কিরূপে নিস্তার?
না না, ভয় হয়,
অলক্ষিত কি আছে আশ্রয়—
যাহে পদে পদে পরাজয় মম।
থাকে বেবা থাকুক আশ্রয়—
অহঙ্কার হৃদয়ে সহায় মম।
কি হেতু সংশয়,
কি হেতু আশঙ্কা আর?
রণজয় নিশ্চয় হইবে।

[প্রস্থান।]

দশম গর্ভাঙ্ক

পাটলিপুত্র—অশোকের কক্ষ

(রাধাগুপ্ত ও আকালের প্রবেশ)

রাধাগুপ্ত। আকাল, সর্বনাশ হচ্ছে, দেখছ না?

আকাল। ম'শায়, আমার সর্বও কখন ছিল না, নাশও
কার নাম জানি না।

রাধাগুপ্ত। ব্যঙ্গ ক'র না, মহারাজ স্বর্ণ-পাত্রে ভোজন
ক'রতেন। প্রতিদিন সে স্বর্ণ-পাত্র সম্বন্ধে পাঠিয়েছেন।

আকাল। আজ্ঞে হ্যাঁ! তারপর বুদ্ধি ক'রে মহারাজকে
রৌপ্য-পাত্রে আহার ক'রতে দিয়েছিলেন। তাও বন্ধ

ক'রে লৌহ-পাত্রে দিয়েছিলেন। তারপর মৃত্তিকা-পাত্র
দিয়েছেন।

রাধাগুপ্ত। তোমার মতন তো দায়িত্বহীন আমরা নই।
মহারাজ পৌত্রকে রাজ্য অর্পণ ক'রেছেন। তা'ত্তারের সমস্ত
অর্থ যদি বৌদ্ধ-সম্প্রদায়ের জন্য ব্যয় ক'রবেন, রাজকোষ শূণ্য
হ'লে রাজ্য চ'লবে কি প্রকারে?

আকাল। যা ক'রবার তা তো ক'রেছেন, এখন
আমায় ব'লছেন কি?

রাধাগুপ্ত। এখন' রাজাকে ক্ষান্ত কর।

আকাল। আর কি ক্ষান্ত ক'রব, আজ্ঞা করুন!

ভূমি-শয্যা, মৃত্তিকা-পাত্রে আহার, পীতবস্ত্র পরিধান, আর
কি বাসনা আছে বলুন?

রাধাগুপ্ত। চুপ কর!

(অশোকের প্রবেশ)

অশোক। আকাল, যদি কেউ আমার আজ্ঞাবাহী
থাকে—এই আমার হস্তস্থিত অর্দ্ধ আমলকী যেন সম্বন্ধে
প্রদান করে। ভূমি জান', আর আমার কিছুই নাই।
এই অর্দ্ধ আমলকী আমার সম্বল। যদি আজ্ঞাবাহী থাকেও
না পাও, ভূমি স্বয়ং এ কার্য্য ক'র।

আকাল। মহারাজ, এ কাজের লোকের ভাবনা কি?
মন্ত্রী ম'শায় মাথায় ক'রে দিয়ে আসবেন। তিস্তুরাও
বুঝবে যে, রাজার কাছে আর পাওনা-খোঁওনা কিছু নাই।

রাধাগুপ্ত। মহারাজ, কেন এরা আজ্ঞা ক'ছেন?
আমরা আপনার আজ্ঞাবাহী র'য়েছি।

আকাল। দিন, মহারাজ, মন্ত্রীম'শায়ের আর ক্রেশের
আবশ্যক নাই, আমিই পাঠিয়ে দিচ্ছি।

অশোক। ব'ল', সম্বন্ধে যেন সকলে এর এক এক
অংশ গ্রহণ করেন—আমার আর কিছুই নাই।

আকাল। (স্বগত) দশহাজার ভিক্ষু—বখ'রা ক'রতে
বড় প্যাঁচ প'ড়বে।

[আকালের প্রস্থান।]

(উপগুপ্তের প্রবেশ)

অশোক। প্রভু, আজও কি মারের অধিকার আমার
অন্তরে আছে? এত যত্নগাতোও কি আমার ভোগের
অবদান হয় নাই?

উপগুপ্ত। মহারাজ, যত্নশায় ক্ষুধা হবেন না। বটবৃক্ষের

মূলের জায় পাপবৃক্ষ হৃদয় অধিকার করে। স্থান-খনন ব্যতীত যেমন সেই দৃঢ়মূল বট নিশ্চল হয় না, অন্তরে আঘাত ব্যতীত পাপের মূলও নিশ্চল হয় না।

অশোক। রাধাশুভ্র এখন তোমাদের মহারাজা কে?

রাধাশুভ্র। মহারাজ বিদ্যমান রয়েছেন।

অশোক। সত্য বল্হ?

রাধাশুভ্র। দান ভো কখন' মিথ্যা বলে না।

অশোক। এখন' আমি রাজা?

(আকালের পুনঃ প্রবেশ)

রাধাশুভ্র। হ্যাঁ, মহারাজ!

অশোক। তবে আমি তোমার সম্মুখে বৌদ্ধ-সজ্জকে সমাগরা পৃথিবী দান কর্লেম।

রাধাশুভ্র। প্রভু, প্রভু, আপনাই রাজ্য স্থাপন কর্লে-
ছিলেন, আপনাই রাজ্য নষ্ট কর্লেম।

উপশুভ্র। মন্ত্রীবর, বৌদ্ধসজ্জ লোভী নয়। আমি সেই সজ্জের প্রতিনিধি স্বরূপ যুবরাজ সম্প্রীতিকে চারি কোটি স্বর্ণ মুদ্রায় রাজ্য বিক্রয় কর্ছি। এর কারণ শুনুন! মহারাজ শতকোটি স্বর্ণমুদ্রা সজ্জ প্রদান কর্তে প্রতিজ্ঞাবদ্ধ আছেন। তন্মধ্যে হিয়ানবই কোটি প্রদান কর্লেছেন, অবশিষ্ট মুদ্রা প্রদানে প্রতিজ্ঞা পূর্ণ হ'ক। আকাল, পদ্মাবতী প্রভৃতিকে ল'য়ে এস।

[আকালের প্রস্থান।]

রাধাশুভ্র। ভাণ্ডার শূন্য—এত স্বর্ণমুদ্রা কিরূপে প্রদান করি! কোন বন্ধু রাজার সাহায্য ভিন্ন সম্ভব নয়। দেখি কিরূপ হয়।

[রাধাশুভ্রের প্রস্থান।]

(পদ্মাবতী, দেবী, কুনাল, কাঞ্চনমালা)

প্রভৃতিকে লইয়া আকালের প্রবেশ।

উপশুভ্র। মহারাজ, স্বর্ণমুদ্রা দেবার আজ্ঞা মন্ত্রীর প্রতি প্রদান কর্লেম না?

অশোক। প্রভু, আপনার কৃপায় আমার দিব্যচক্ষু প্রস্ফুটিত। আমি বুঝি—রাজ্য, ধন, কীর্তিকলাপ কিছুই আমার নয়, সকলই বুদ্ধদেবের—আমি নিমিত্তমাত্র ছিলাম।

উপশুভ্র। মহারাজ, আপনার অন্তর হ'তে কাম-

ক্রোধাদি রিপু দাক্ষণ পরীক্ষায় ইতিপূর্বে বহির্গত হ'য়েছিল। যখন রাজ্যদান কর্লেম, তখনও দান-গৌরব আপনার অন্তঃকরণে ছিল। সে গৌরবের অধিকারী 'মার'। সে গৌরব পরিত্যাগ কর্লেছেন, বুঝেছেন—আপনি নিমিত্তমাত্র। এক্ষণে বুদ্ধদেবকে দর্শন কর্লেবার দৃষ্টি আপনার সম্পূর্ণ উন্মুক্ত—জ্যোতির্শ্রমকে দর্শন করুন! মা পদ্মাবতী, মা দেবি, তোমাদের কার্য্য পূর্ণ, তোমাদের যশোগাধায় ধরণী ব্যাপ্ত হবে। পতির সঙ্গে একত্রে দর্শন করো। বৎস কুনাল, তুমি দিব্যচক্ষে সঙ্গীক দিবারাত্র প্রভুকে দর্শন কর্ছ, তথাপি নর-চক্ষে দর্শন কর, এ নিমিত্ত চক্ষু প্রাপ্ত হ'য়েছ। আকাল, তুমি প্রভুর দর্শনে ত্রিকালজ্ঞ হ'য়ে প্রভুর ধর্ম প্রচার কর। তোমার আত্মত্যাগী-সাধনের তুলনা হয় না। মন্ত্রীকে বল যে, বৌদ্ধ-সজ্জ লোভী নয়। অংশে অংশে ক্রমে ক্রমে অর্থ প্রেরণ করবেন। সজ্জের অর্থের নিমিত্ত চিন্তিত হবার প্রয়োজন নাই। মহারাজকে প্রতিজ্ঞা হ'তে মুক্ত কর্লেবার জন্য সজ্জ মুদ্রা গ্রহণ করবেন। সকলে জ্যোতির্শ্রম মূর্তি দর্শন করো।—

পটপরিবর্তন

শূন্য বুদ্ধদেবের মূর্তি প্রকাশ

সম্মুখে মার কর্জড়ে দণ্ডায়মান।

উপশুভ্র। মার, এইবার আমি তোমার উপদেশ গ্রহণ করব। প্রভুর ইচ্ছায় কার্য্য বর্জন কর্লে নির্লিপ-কামনায় ধ্যানস্থ থাকব।

মার। তিরস্কার করবেন না, আমি পরাজিত। নিশ্চল হৃদয়ে আমার অধিকার নাই। জয় বুদ্ধদেবের জয়! সকলে। জয় বুদ্ধদেবের জয়! জয় ধর্মের জয়!! জয় সজ্জের জয়!!!

(সমবেত সঙ্গীত)

মরি ভুবনমোহন মূর্তি—

হরে জ্ঞান-ভিদির চরণ-মিহির-জ্যোতি!

বিমল বদনমণ্ডলে কল্পশার্ণব উৎপলে,

হেরি পরশে পুলক মানব-হৃদয়-কমলে;

দীন-শরণ গতি, স্মরণে অমল মতি,

অবনী, তপন, ব্যোম, সমীরণ, নিয়ত করিছে আরতি!

ভ্রান্তি

(ভ্রান্তিমূলক বৈচিত্র্যপূর্ণ নাটক)

“ব্রহ্মভূতঃ প্রসন্নাত্মা ন শোচতি ন কাঙ্ক্ষতি ।

সমঃ সর্বেষু ভূতেষু মনন্তি লভতে পরাং ॥”

শ্রীমন্তগবদগীতা ।

৩রা জ্যৈষ্ঠ, ১৩০৯ সাল, ক্লাসিক থিয়েটারে প্রথম অভিনীত ।

চরিত্র

| পুরুষ | গায়ারাম ... পুরঞ্জনের ভৃত্য । |
|--|--|
| মুরশিদকুলিখাঁ ... বাঙ্গালার নবাব । | জমীদারগণ, পারিষদগণ, অহরিগণ, দূতগণ ইত্যাদি । |
| সরফরাজখাঁ ... মুরশিদকুলিখাঁর দৌহিত্র । | |
| উদয়নারায়ণ ... রাজসাহীর জমীদার । | স্ত্রী |
| শালিগ্রাম রায় ... রাজমহলের জমীদার । | অন্নদা ... উদয়নারায়ণের গোপনে বিবাহিতা স্ত্রী । |
| নিরঞ্জন ... শালিগ্রামের পুত্র । | মাধুরী ... অন্নদার কন্যা । |
| পুরঞ্জন ... মালদহের জমীদারপুত্র । | ললিতা ... উদয়নারায়ণের প্রতিপালিতা বন্ধুকন্যা । |
| রঙ্গলাল ... নিরঞ্জন ও পুরঞ্জনের বন্ধু । | গঙ্গা ... নর্তকী (বাই) । |
| গোলাম মহম্মদ ... উদয়নারায়ণের সেনানায়ক । | সখীগণ, যোগবালাগণ, নর্তকীগণ ইত্যাদি । |

প্রথম অঙ্ক

—

প্রথম গর্তাঙ্ক

বন

ললিতা ও নিরঞ্জন ।

ললিতা। মারবেন না—মারবেন না—আপনাদের
গায় বীরপুরুষের অস্ত্র সিংহ-ব্যাঘ্রের জন্ত, সামান্য শশকের জন্ত
নয় ।

নিরঞ্জন। সুন্দরি, মার্জনা করুন, অপরাধ ক'রেছি ।

ললিতা। দেখুন—প্রাণভয়ে ব্যাকুল হ'য়েছে দেখুন ।

নিরঞ্জন। আর ওর এখন ভয় কি ? আপনি যখন

ওকে বুকে নিয়ে রক্ষা ক'রছেন, ওর মত ভাগ্যবান কে ?
আপনি কে ? অকস্মাৎ বনদেবীর মত এ বনমধ্যে উদয়
হ'য়েছেন !

ললিতা। আমরা পূজা দিতে এসেছি, সুন্দর ফুল ফুটে
র'য়েছে, ফুল পাড়তে এদিকে এসেছিলুম ।

নিরঞ্জন। যদি অসুমতি করেন, আমি পেড়ে দি ।

ললিতা। পেড়ে দেন, দেব-পূজার লাগবে। উঁচু
ডালে দিবা ফুলগুলি ফুটে র'য়েছে ।

নিরঞ্জন। আচ্ছা, আমি ধনুক দিয়ে ডাল হুইয়ে ধরছি ;
দেব-পূজার ফুল—আমি আমার অপবিত্র হস্তে পাড়বো না,
আপনি তুলে নেন ।

(গুল-চয়ন,—একটা ফুল ভূমে পতিত হওন)

তুয়ে প'ড়ে গেল, এটি তো আপনি নেবেন না, পূজায়
লাগবে না।

ললিতা। না।

নিরঞ্জন। তবে আপনার হাতের পাড়া ফুল আমি নিই।

ললিতা। ওদিকে বিস্তর ফুল র'য়েছে, আমি পাড়ি গে।

নিরঞ্জন। চলুন, আমি ডাল হুইয়ে ধরি গে।

[উভয়ের প্রস্থান।]

দ্বিতীয় গর্ভাঙ্ক

বনের অপর পার্শ্ব

মাধুরী ও পুরঞ্জন।

মাধুরী। আহা, সুন্দর পাখী!

পুরঞ্জন। আমি ধ'রে দেব?

মাধুরী। না, না—ধরো না। বনের পাখী বনে বনে
গেয়ে বেড়াচ্ছে।

পুরঞ্জন। তুমি পাখী পোষ না?

মাধুরী। না—পিঞ্জরে রেখে পুখি না। কিন্তু আমাদের
উপবনে নিত্য কত পাখী আসে, আমার হাত থেকে তুল-
কণা খেয়ে যায়। আমি যখন উপবনে আসি, তখন তারা
উড়ে উড়ে গান করে।

পুরঞ্জন। তুমি কি কর?

মাধুরী। আমিও তাঁদের সঙ্গে গান করি। আহা,
দেখেছো, দেবীর উপবনে কি সুন্দর ফুল ফোটে;—আহা,
মরি মরি! কি সুন্দর রক্তোৎপলগুলি ছুটে র'য়েছে, যেন
দেবীর চরণ!

পুরঞ্জন। আমি তুলে এনে দিচ্ছি।

মাধুরী। (হাত ধরিয়া) না, না,—বেও না, ওখানে
বড় সাপ।

পুরঞ্জন। আমি এই বর্ষা দিয়ে দল টেনে আনবো।

মাধুরী। না, না, ও মায়ের ফুল, মায়ের পূজায় যাবে।
তুমি অস্ত্র এনেছ কেন?

পুরঞ্জন। আমি শীকার কর'তে এসেছি।

মাধুরী। শীকার কর!—তোমার মায়ার হয় না?

আমার বড় মায়ার হয়, তুমি শীকার কর'বো না।

পুরঞ্জন। না, আমি আর কখনও শীকার কর'বো না।

মাধুরী। আমি তবে আসি।

পুরঞ্জন। তুমি হেথায় কি কর'তে এসেছিলে?

মাধুরী। বাবা দেবীপূজা কর'তে এসেছেন, আমাদের

সঙ্গে নিয়ে এসেছেন।

পুরঞ্জন। তোমার পিতা কে?

মাধুরী। মহারাজ আমার পিতা।

পুরঞ্জন। কে?—রাজা উদয়নারায়ণ?

মাধুরী। হ্যাঁ।

পুরঞ্জন। আপনার নাম কি?

মাধুরী। মাধুরী। আবার যদি কখন আদি, আপনিও
যদি আসেন, তবে আবার দেখা হবে। [প্রস্থান।]

পুরঞ্জন। স্বপ্নের ভায় চ'লে গেল। এমন অলৌকিক
সৌন্দর্য্য, এমন সরলতা আমি কখনো দেখি নাই।

(নিরঞ্জনের প্রবেশ)

নিরঞ্জন। হাঁ কর'রে চেয়ে র'য়েছ যে?

পুরঞ্জন। বেশ, তোমায় চা'রদিক্ খুঁজছি। হ্যাঁ হে!
এখানে কি রাজা উদয়নারায়ণ পূজা দিতে এসেছেন?

নিরঞ্জন। হ্যাঁ, সেই এক বিপদ। তাঁর বাড়ীতে
'হোরি'র নিমন্ত্রণ কর'ছেন।

পুরঞ্জন। তা তোমার জোর বরাত।

নিরঞ্জন। তোমার বরাতও শুব জোর; এই দেখ,
এই বিশ্বপত্রে রক্তচন্দনে লিখে নিমন্ত্রণ-পত্র দি'য়েছেন।
যাওয়া উচিত, কি বল?

পুরঞ্জন। না যাওয়া ভাল দেখায় না। রাজা বুকি
পূজা দিতে এসেছেন?—ও'র সঙ্গে কে আছে?

নিরঞ্জন। কে অত ঠাউরে দেখে—অলঙ্কারের শব্দ
হ'চ্ছিল বটে, বোধ হয় স্ত্রীলোক সঙ্গে আছে।

পুরঞ্জন। তা তুমি মন্দিরে গিয়েছিলে কি কর'তে?

নিরঞ্জন। এদিকে এসে প'ড়েছি, একবার দেবী-দর্শন
ক'রলেম।

পুরঞ্জন। অম্বরের মত তলোয়ার কোমরে বেঁধে দেবীর
সম্মুখে হাজির হ'লে যে,—কোন যুবতীর পেছনে পেছনে
যাও নি তো?

নিরঞ্জন। ওঃ! এতক্ষণে বুঝলেম, কেন হাঁ কর'
দাঁড়িয়েছিলে! কোন সুন্দরীর সঙ্গে বুকি প্রেমলাপ
হ'চ্ছিল? সুন্দরী চ'লে গেল—তাই পথপানে চেয়েছিলে?

পুরঞ্জন। হাঁ হাঁ, বুঝেছি, বুঝেছি—ঐ

মাথায় গায়ে ফুল র'য়েছে, কোন স্তন্দরীকে কি ফুল পেড়ে দিছিলে ?

নিরঞ্জন। তা যদি ফুল পেড়ে দিয়ে থাকি, তাতে দোষটা কি ?

পূরঞ্জন। তা আমি যদি পথপানে চেয়ে থাকি, তাতে দোষটা কি ?

নিরঞ্জন। দোষ আর কি, তা রাজাকে ব'লে তাঁর ময়ের সঙ্গে তোমার বে' দিয়ে দেব ;—দিব্য স্তন্দরী, তোমার তারে মনে ধ'রবে।

পূরঞ্জন। তুমি তাকে দেখেছ না কি ?

নিরঞ্জন। বোধ হয়, দেখেছি।

পূরঞ্জন। ওঃ ! তাই মন্দিরের দিকে ধাওয়া ক'রেছিলে !

নিরঞ্জন। না না, তা নয়, দেবী প্রণাম ক'রতে গিয়ে-ছিলেম্। চল, কাপড়-চোপড় ছেড়ে রাজবাড়ীতে যেতে হবে। [উভয়ের প্রস্থান।

তৃতীয় গর্ভাঙ্ক

গঙ্গা-তীর

গঙ্গা ও রঙ্গলাল।

গঙ্গা। তুমি কে গা ?

রঙ্গলাল। তাই তো, কেউ একজন হ'ব বোধ হয়, না ?

গঙ্গা। হ্যাঁ, তা একজন বোধ হ'চ্ছে বটে।

রঙ্গলাল। বাঃ, তোমার বেশ বোধ-সোধ।

গঙ্গা। তা এখানে কেন ?

রঙ্গলাল। যতদিন বেঁচে থাকি, এক জায়গায় থাকতে হবে তো চাঁদ !

গঙ্গা। মুখখানি তুলে একবার আমার পানে চাও না !

রঙ্গলাল। চাইলে চোখ দিয়ে প্রাণ বেরিয়ে যাবে।

গঙ্গা। হোক—চাও, ছ'টো কথা কও।

রঙ্গলাল। কথা তো ক'ছি, এই নাও চাইলুম। যায় প্রাণ ভিক্ষে যোগে খাব—কি বল ?

গঙ্গা। এখানে কি ক'ছ ?

রঙ্গলাল। তোমার কি দরকার, তা বল না ?

গঙ্গা। আমি তোমায় দেখে মোহিত হ'য়েছি।

রঙ্গলাল। বেশ, তোমায় বাহবা দিলুম।

গঙ্গা। তুমিও আমায় দেখে একটু মোহিত হও না !

রঙ্গলাল। মনে কর—হ'য়েছি।

গঙ্গা। তবে আমাদের বাড়ী এসো।

রঙ্গলাল। দেখ, তাহ'লে বড় পীরিতের যুত হবে না।

পীরিতের স্মৃতি হ'ল বিচ্ছেদ। তুমি ঘরে গিয়ে বিরহে হা-হতাশ কর গে,—আমিও এখানে ব'সে অবস্থার কাদি ; ব্যস্, প্রেমের তুফান উঠে যাবে।

গঙ্গা। আচ্ছা, তোমার সে বন্ধু ছ'টি কোথা ?

রঙ্গলাল। তার ভেতর কোনটিকে তোমার দরকার ?

গঙ্গা। দরকার আমার তোমায়।

রঙ্গলাল। সে দরকার তো মিট'লো, এখন ও ছ'টির মধ্যে কোনটিকে দরকার বল না ?

গঙ্গা। তোমাদের খুব বন্ধু বোধ হয় ?

রঙ্গলাল। এতদিন তো ছিল, এখন বোধ হয়, দুষমন হ'য়ে দাঁড়াবে।

গঙ্গা। কেন ?

রঙ্গলাল। এই তোমায় আমার যখন পীরিত হ'লো, তখন বন্ধুত্বের গোঁড়ায় কুড়ুল প'ড়'লো।

গঙ্গা। কই পীরিত হ'লো ?

রঙ্গলাল। ইস্, এঁতেও পীরিত হ'লো না ? তবে তুমি পথ দেখ।

গঙ্গা। আচ্ছা, তুমি কি কর ?

রঙ্গলাল। তুমি কি কর ?

গঙ্গা। আমি নাচি, গাই, মুজ'রো করি।

রঙ্গলাল। আমি দালালী করি

গঙ্গা। কিসের ?

রঙ্গলাল। ফপলের।

গঙ্গা। ওঃ ! তুমি ফপল-দালাল ! আমার মুজ'-রোর দালালী ক'রতে পার ?

রঙ্গলাল। কেন, তোমার ভাঙ্গা দশা হ'য়ে এসেছে না কি ? দালাল না হ'লে খন্দের জোটে না ?

গঙ্গা। এখন তোমার মত সব বেরসিক লোক হ'য়েছে, খন্দের জুটবে কোথেকে বল ?

রঙ্গলাল। তবে তুমি এক কাজ কর, হয় পীরের দরপায় সিন্নি মান, নয় পৈরাগে মাথা মুড়োও।

গঙ্গা। বাংলাই, আমি মাথা মুড়োব কেন? আমার দিবা চুলগুলি।

রঙ্গলাল। তা বেশ, বাড়ীতে ব'দে বিছনি ঝোলাও গে।

গঙ্গা। তোমায় আমি বুঝতে পারলুম না।

রঙ্গলাল। ছনিয়ায় সব কথা কে বোঝে বল?

গঙ্গা। পড়াশুনাও কর, বাবুয়ানাও কর, ইয়ারকীও দাও, চিকিৎসাপত্রও ক'রে থাকো, বে'থাও করো নি, খবর রেখেছি,—মেয়ে মানুষের কাছেও যাও না; দান ধ্যানও করো, এদিকে পুজা-আশ্রয়ের ধারও ধার না।

রঙ্গলাল। আমার প্রতি এ শুভদৃষ্টি প'ড়েছে কেন? কামদেবও নই, আর তেমন ট্যাঙ্কও ভারী নয়। কিছু মতলব আছে কি?

গঙ্গা। তুমি আমায় চিনেছ?

রঙ্গলাল। না, ও চাঁদবদন তো আমার মনে প'ড়েছে না।

গঙ্গা। এই তো, আরও গোল বাধাও।

রঙ্গলাল। কেন?

গঙ্গা। আজ ক' বছরের কথা,—আমি ঠাকুরতলায় সন্দিগ্ধ হ'য়ে রাস্তায় মুচ্ছিত হ'য়ে পড়ি; বেজ্ঞা ব'লে রূণা ক'রে কেউ মুখে একটু জল দিলে না, তুমি তুলে এনে তোমার বাড়ীতে নিয়ে এলে। আপনি নীচে শুয়ে, নিজের বিছানায় জায়গা দিলে। যে যন্ত্র ক'রলে, ভালবাসার লোকও সে রকম করে না। আমি তখন মনে ক'রেছিলুম যে, তোমার মনের কথা বুঝি কিছু আছে। অনেক ভ্রম লোকের ছেলে আমাদের গোলামের মত সেবা করে; পা টেপে, গা টেপে, তারা মনে করে—আমাদের পীরিতের লোক হওয়ার চেয়ে ছনিয়ায় আর পুরুষ নাই। ভেবে-ছিলেম, বুঝি তুমিও সেই একরকম। তার পর যখন ভাল হ'য়ে আমি বাড়ী গাই, তুমি যেন আমার চেনই না।

রঙ্গলাল। পাঁচ রকমতো লোক থাকে, বুঝে নাও না,—আমি ঐ এক রকম।

গঙ্গা। তুমি কি মেয়েমানুষের সঙ্গে ভাব কর না?

রঙ্গলাল। কেন চাঁদবদনি! এই যে তোমার সঙ্গে খুব প্রণয় ক'রছি।

গঙ্গা। দেখ, আমরা বেশ্যা;—ভাল কিছু বুঝি না বুঝি, মন্দটা আগে বুঝি। ঢং-টাঙে যে আমাদের বড় কেউ

ফাঁকি দেবেন, সে বড় দোজা নয়, তবে ফাঁকে যদি আপনি পড়ি তো পড়ি। তুমি কথা ক'রো, ইয়ারকী দিচ্ছ, কিন্তু তোমার মুখ-চোকের ভাবে বোধ হয়, বরং ঐ গাছটার পানে দরদ ক'রে চাইচ, তবু আমার পানে চাইচ না। অনেক রাজা-রাজদার মজলিস বেড়িয়েছি—আমি হেসে কথা কইনে মন টলে নি, এমন লোক আমি দেখি নি।

রঙ্গলাল। দেখ বিবিজান, একটু আধটু যার নেশা হয়, তার মন টল-বেটল ক'রতে থাকে, কিন্তু আমি তোমার রূপের নেশায় ভরপূব হ'য়ে গেছি, যতদূর নাকাল হ'বার তা হ'য়েছি, এখন তুমি কৃপা ক'রে স'রে পড়।

গঙ্গা। না, আমি যাব না, তুমি কি মতলবে এখানে ব'সে আছ, আমি দেখবো।

রঙ্গলাল। আচ্ছা, আমি যদি স্বীকার পাই, তোমার বাড়ী যাব,—তা হ'লে তুমি সর?

গঙ্গা। না, তা হ'লে তো স'রবই না।

রঙ্গলাল। আচ্ছা থাক,—তুমি আমার একটা কাজ ক'রবে?

গঙ্গা। কি?

রঙ্গলাল। খুব দোজা কাজ, এক ব্যাটাকে পীরিতে ফেলার চেষ্টেও দোজা কাজ।

গঙ্গা। পীরিতে ফেলা যদি দোজা হ'তো, তা হ'লে তোমায় তো পীরিতে ফেলতুম।

রঙ্গলাল। দেখ, ঐ অনুগ্রহটি আমার ক'রো না। আমি একটা বোকারাম, আমার পীরিতে ফেলে মজা পাবে না। আমার বাবার বাবা ইস্তক পীরিতে প'ড়েছে। একটা পাট্টা ছোঁড়া দেখে পীরিতে ফেল যে, আরাম পাবে, গা-পা টিপে দেবে।

গঙ্গা। আরাম ছিল—তোমায় পীরিতে ফেলতে পারলে।

রঙ্গলাল। তা একটা অ্যারাটে ফ্যারাটে দেখে ক্ষেমাঘোষা ক'রলেই বা!

গঙ্গা। তোমার খুব চং আছে, আমি বুঝছি। এখন তোমার কি কাজ বল?

রঙ্গলাল। দেখ, ঐ এক পাগলী আসছে। এঁ বাবারগুলি রইল; তুমি ব'লো যে, সে পাঠিয়ে দিয়েছে তুমি খাও।

গঙ্গা। কে পাঠিয়ে দিয়েছে ব'ল্বে ?

রঙ্গলাল। ব'ল্বে, সে পাঠিয়ে দিয়েছে।—ভাবটা এই, যেন ওর কোন ভালবাসার দূতী,—ও যেমন যেমন ব'ল্বে, তুমি তেমন তেমন ওর কথার জবাব ক'রো ;—যেমন রসাত্যাক'রে আমার সঙ্গে কথা ক'চ্চো।

গঙ্গা। তুমি স'রে যাচ্ছ কেন ?

রঙ্গলাল। আমি দিনকতক ঘটকালী ক'রেছিলুম। ন আর মাগী আমার ঘটকালীতে বিশ্বাস করে না।, বেটা এদিকে আসবে না না কি ?

গঙ্গা। আচ্ছা ঠাকুর, তুমি বামুন, এই গঙ্গাতীরে যায় মিথ্যাকথা কহিতে শেখাচ্ছ, আর তুমিও মিথ্যা কও ? রঙ্গলাল। আমি তো তোমায় বলি নাই যে, আমি পুঞ্জ যুধিষ্ঠির,—মিথ্যাকথা কহি না।

গঙ্গা। হোক, এদিক ওদিকে মিথ্যাকথা কও ;—তবে ঠা-তীরে দাঁড়িয়ে !

রঙ্গলাল। বিবি, কথাটা পাড়লে তো শোন। মা গঙ্গা দ জগদীশ্বরী হন, তা হ'লে সর্বত্রই তিনি আছেন, যেখানে থাকা কথা ব'ল্বে, সেইখানেই দোষ। অত জায়গায় মিথ্যাকথা কওয়াও যা, এখানেও মিথ্যাকথা কহাও তাই। আর দ লোক ভোলাতে অত জায়গায় মিথ্যাকথা ক'বার দোষ থাকে, এখানেও একজন অনাথাকে আহাৰ দিতে মিথ্যাকথা ক'বার দোষ নাই। ঐ আস্চে, তুমি থাইও।

[প্রস্থান।

(অন্নদার প্রবেশ)

গঙ্গা। ওগো, এই খাবার নাও।

অন্নদা। কেন লো মাগী, তোর খাবার নেব ! আঃ ল,—আমি রাজরাণী, তোর খাবার কেন নিতে যাব ?

গঙ্গা। আহা, সে যত্ন ক'রে তোমায় পাঠিয়ে দিয়েছে।

অন্নদা। অ'্যা !—সে পাঠিয়ে দিয়েছে ? দেখ, তুমি তারে ন গে, আমার আমোদে পেট ভোরে আছে, আমি র খেতে পারবো না, আমার মেয়ের বে,—আমোদে আমি নেচে বেড়াচ্ছি,—বুঝেছ মা ! ঐটি আমার রঁধ। আমি দেখা দিইনি কেন জান, আড়াল থেকে থি,—হিঃ হিঃ, সব ধপর রাধি—তার মাথা হেঁট হবে।

গঙ্গা। কেন—মাথা হেঁট হবে কেন ?

অন্নদা। হবে না ?—পোড়া লোককে তুমি জান না,—

লোকের জিবে বিষ আছে মা ! আমি সতী, তা কি তারা বিশ্বাস করে ? এই গঙ্গার তীরে, এই এমনি সময়, স্থিয়া অন্ত যাচ্ছে, মা গঙ্গা সোণা প'রে নাচ্ছে, গঙ্গা সাক্ষী ক'রে, স্থিয়া সাক্ষী ক'রে, এই ঘাটে মালা প'রেছি। পোড়া লোকে কি তা বিশ্বাস করে ! দেখ, সে বাপের ভয়ে লোককে ব'লতে পারে নি, তার বাপ আমার সঙ্গে বে' দিতে চায় নি, তাই আমরা লুকিয়ে বে' ক'রেছিলুম, বুঝলে মা ! দেখা দিইনি—দেখা করিনি, মেয়ের মাথা হেঁট হবে !

গঙ্গা। তুমি কে গা ?

অন্নদা। আমি রাজরাণী, আমি কান্দালিনী, আমি পতিসোহাগিনী, আমি অনাথিনী ; আমি বেঁচেছিলুম,—ম'রেছি, আবার বাঁচবো ; বুড়ো হ'য়েছি, আবার যৌবন ফিরবে, আবার সোহাগ ক'রে তার গণা ধ'বো। আমি কে, তুই চিনি নু ? আমি ছাওয়া, আমি হাওয়া, আমি সর্বত্র ঘুরি, কি করি, তা জানিনে ; আমায় কেউ দেখে না, আমি সবাইকে দেখি ; আমি একলা, আমার কেউ নাই ; বালাই !—আমার সব আছে, আমার সোণার টান মেয়ে আছে। দেখ,—তুমি নাচতে পার ? তোমার মত অনেকে আমাদের বাড়ী নাচতে আসতো ; আমার বিয়েতে নেচেছে, আমার মেয়ে হ'লে নেচেছে, তুমি নাচতে পার ?

গঙ্গা। পারি।

অন্নদা। আচ্ছা, তুমি মহলা দাও ; আমার মেয়ের বেঁতে তোমাকে নাচতে নিয়ে যাব ; যা চাও, তাই দেব।

গঙ্গা। না, আমি মহলা দেব না। তুমি খাও যদি ত মহলা দিই। আমি দিব্যি গাইতে পারি ;—যার মেয়ের বেঁতে গাই, তার ঝি-জামাইতে বড় ভাব হয়। তুমি যদি খাও, তা হ'লে মহলা দিই।

অন্নদা। সত্যি না কি—সত্যি ?

গঙ্গা। এই দেখ না, কেমন গাই।

(গীত)

সাধ করে, সে ডাকে আদরে, তারে আদর করি।

সে তো মনের মতন, কেন নহে সে আপন,

হ'লো বিফল যতন, তবু ভুলিতে নারি,—

তবু ভুলিতে জরি !

ভুলি আকাশ-কুহুম, ভরি সাধের ডালা,
মন ভুলিয়ে হেলা, গাধে সোহাগে মালা,
মালা ধরি হুবয়ে, মালা হুবয় দহে,
ভাসি বিবাদে, নারি ত্যক্তিতে সাধে—
দিন অবশে হরি!

অন্নদা। আর বাছা খাওয়া হবে না! মনের ভেতর
সমুদ্র উথলে উঠলো, সব কথা মনে পড়লো! আমার
কিসের খাওয়া—কিসের খাওয়া!—লোকভয়ে সে আমায়
ত্যাগ করেছে, আমার কিসের খাওয়া,—কিসের খাওয়া!
তার খাবার তারে ফিরিয়ে দিও। (প্রস্থানোক্ত)

গঙ্গা। ওগো, ঠাঁড়াও, ঠাঁড়াও! তোমার মেয়ের
বিয়েতে আমায় নিয়ে যাবে না?

অন্নদা। হ্যাঁ, হ্যাঁ, নিয়ে যাব, নিয়ে যাব। এস, এস।

গঙ্গা। দেখি, যদি ভুলিয়ে বাড়ী নিয়ে যেতে পারি।

[উভয়ের প্রস্থান।]

চতুর্থ গর্ভাঙ্ক

উপবন

(হোরির গান গাহিতে গাহিতে ললিতা ও স্ত্রীগণের প্রবেশ)

লাল বৃন্দাবন নিধুবন লালি।

লাল ব্রজাননা, লাল কালিয়া বনমালা।

যৌবন মাতুঙ্গারী, সমরি ব্রজনরী,

ভরি ভরি পিচকারী,

হোরিকা মেলা, আখির খেলা,

রসরস তরঙ্গ উখালি।

ফাগুন আগুন, সোহাগ বিগুন,

মন ব্যাকুল, কুন্তল আকুল,

অকল নেহি সামারে,—

কুহুম মারে, খেল ছাম ফুকারে,

খাণ্ড দেওত ঘন করতালি।

[ললিতা ব্যতীত সকলের প্রস্থান।]

ললিতা। কি ভাব্‌চি, কত কি ভাব্‌চি,—ভেবে কি
হবে? পয়ের মন পর কি বোঝে! আমি তার মন কি
ক'রে বুঝবো? আমার মুখপানে চেয়ে রইল;—অমন ত
চায়,—ফুলটি বৃকে তুলে রাখলে, এতে কি বুঝবো? কিন্তু
বুঝছি, আমি জন্মের মত ম'জ্জেছি! সে উড়ে পাখী এলো,

চ'লে যাবে, বোধ হয় আর দেখা হবে না। মনের ক
কারেও জানাবো না, উপহাস ক'রবে। আমিই কত লোকে
সঙ্গে উপহাস ক'রেছি! মনের আগুনে পুড়ে খার হবো
আমায় সে কেন চাইবে?—কত শত স্তন্দরী আছে। আমি
মেয়েমানুষ, মান রেখে ছোটো মিষ্টি কথা ক'য়েছে;—
প্রকৃষের স্বভাব।

(নিরঞ্জনর প্রবেশ)

নিরঞ্জন। এই যে, আমার প্রাণপ্রতিমা এইখানে বসে
আঁশ মরি মরি, রূপের লহরী বেন খেলচে!

ললিতা। এ কি! এখানে কেন? আমার জন্তু কি
এসেছে, না বেড়াতে বেড়াতে এদিকে এসে প'ড়েছে
হোরির দিন প্রহরীরা কিছু বলে নাই।

নিরঞ্জন। দেবি! আজ হোরির দিন, গায়ে ফাগ দিয়ে
আছে, কিছু মনে ক'রো না। (ফাগ দেওন)

ললিতা। তোমার গায়ে ফাগ দিই, কিছু মনে ক'রো না
(ফাগ দেওন)

নিরঞ্জন। মনে ক'রবো না!—চেয়ে দেখ, সেই ফুলটি
আমি বৃকে রেখেছি!

ললিতা। শুকিয়ে গেলে ফেলে দিও।

নিরঞ্জন। তোমার হাতের ফুল কখনো শুকোবে না
তবে যদি আমার বৃকের তাপে শুকায়।

ললিতা। ইস,—তোমার বৃকে কি বড় তাপ!

নিরঞ্জন। তুমি কি বুঝতে পারছ না?

ললিতা। আমি তো তোমার বৃকে হাত দিই নাই,—

কেমন ক'রে বুঝবো?

(নেপথ্যে) মাধুরি! মাধুরি! কোথা গেল?

ললিতা। ঐ সখীরা খুজ্‌চে।

(নেপথ্যে) মাধুরি—মাধুরি!

ললিতা। আমি চ'ললাম।

নিরঞ্জন। শোন শোন—যতদিন থাকি, একবার পে
দিও। আমি প্রতিদিন বৈকালে এই উপবনের বাহি
বেড়াব, তুমি রূপা ক'রে এক একবার এইখানে এসে
ঠাঁড়িও।

[ললিতার প্রস্থান]

নিরঞ্জন। নাম শুন্‌লুম মাধুরী,—রাজা উদয়নারায়ণ

নাম শুনেছি মাধুরী,—তবে এই সেই মাধুরী।
আমি পিতাকে পত্র লিখবো। যদি এই মাধুরীর
বিবাহ দেন, তবেই বিবাহ ক'রবো, নচেৎ আর বিবাহ
না। পুরঞ্জনকে এ কথা জানাবো না, সে ব্যঙ্গ
। মরি মরি, কি মাধুরীময়ী নাম! মুহূৰ্ত্ত নব
অঙ্গে বিকশিত! মাধুরীর মাধুরীতে ভুবন মাধুরীময়,
মাধুরীপ্রবাহে পরিপূর্ণ! মাধুরীর ধানে মাধুরী,
মাধুরী, নয়নে মাধুরী, মাধুরীর সকলই মাধুরীময়!
কি পাবো?—নিত্য ভ্রমণচ্ছলে আসবো—দেখা কি
না?

[নিরঞ্জনের প্রস্থান।]

(অন্নদার প্রবেশ)

মনসা। এদেরও ভালবাসাবাসি হ'য়েছে; লুকিয়ে
পাসা—লুকিয়ে ভালবাসা ভাল নয়; কি জানি, শেষে
। খুব ভালবাসাবাসি, খুব ভালবাসাবাসি! আমারও
হ'য়েছিল। লুকিয়ে ভালবাসা ভাল নয়,—হুঃখ পেতে
হুঃখ পেতে হয়—পথে পথে ঘুরতে হয়,—ভালবাসা
না।

[প্রস্থান।]

পঞ্চম গর্ভাঙ্ক

মাধুরীর কক্ষ

গঙ্গা ও মাধুরী।

গঙ্গা। কেন গা কুমারি, আজ অমন দেখছি কেন?
। অস্থখ হ'য়েছে কি?

মাধুরী। কে জানে গঙ্গা, আজ আমার মন কেমন
গেছে, আমার কেবল কান্না পাচ্ছে,—আচ্ছা, বাবা
র নিমন্ত্রণ ক'রে এনেছেন, তারা কে, তুমি জান?

গঙ্গা। ওঃ, বুঝেছি! তা কারে দেখে মন কেমন
হ?

মাধুরী। না, তা নয়, আমার মন কেমন হ'য়ে গেছে,
তার হাত ধ'রেছিলুম, যেন আমার পা হ'তে মাথা

পর্যন্ত বিহ্বল থেলে গেল! আমি তার কথা শুনেছিলুম,
এমন কথা আমি কখনো শুনি নাই। এ কি হ'লো, আমার
ইচ্ছা হ'চ্ছে, বনে গিয়ে আবার তার সঙ্গে কথা কই।

গঙ্গা। কুমারি! তোমার বের ফুল ফুটেছে, তাই মন
অমন হ'য়েছে।

মাধুরী। বের ফুল ফোটা কি? তুমি বুঝতে পাচ্চ না,
আমি বলুম যে, জীবজন্তু মারলে আমার মন কেমন করে, সে
বল্লে, “আর আমি শীকার ক'রবো না,” সত্যি শীকার
ক'রবে না,—সে আমার কথা শুনলে কেন?

গঙ্গা। সে তোমায় দেখে ভালবেসেছে।

মাধুরী। ভালবেসেছে?—সে তো আমার কেউ নয়,—
আমায় ভালবাসলে কেন?

গঙ্গা। তুমি তারে ভালবাসলে কেন?

মাধুরী। আমি তারে ভালবেসেছি?—কই, কেমন
ক'রে?

গঙ্গা। ঐ অমনি ক'রে।

মাধুরী। না—না, তুমি বুঝতে পাচ্চ না,—আমার
মন হ হ ক'রছে! বাবাকে ভালবাসি, তাতে তো আমার
মন হ হ করে না; ললিতাকে ভালবাসি, তাতে তো
আমার মন হ হ করে না!

গঙ্গা। কুমারি, একটি গান শুন্বে?

মাধুরী। না না, আমার গান শুন্তে ইচ্ছা ক'রছে না,
গান গাইতে ইচ্ছা ক'রছে না, কিছু ক'রতে ইচ্ছা ক'রছে না।

গঙ্গা। তারে দেখতে ইচ্ছা ক'রছে?

মাধুরী। হ্যাঁ! তাতে দোষ আছে কি? না, আমি দেখা
ক'রবো না, আমার লজ্জা ক'রবে। দেখ, এতদিন আমি
লজ্জা ক'রতে পারতুম না, আজ আমার লজ্জা হ'চ্ছে! ছিঃ
ছিঃ, আমি হাত ধ'রলুম, সে কি মনে ক'রলে! বাবাকে যদি
ব'লে দেয়, তা হ'লে আর আমি বাবার সামনে বেরতে
পারবো না। আমি ভুলে হাত ধ'রেছি—সে আমার জন্ত
রক্তকমল তুলতে জলে নামতে যাচ্ছিল, সেখানে বড় সাপের
তরুণ জান তো, তাই ভয়ে হাত ধ'রে মানা ক'রেছি।

গঙ্গা। সে কি ক'রলে?

মাধুরী। আমার যুগপানে চেয়ে রইলো;—আর পর
তুলতে গেল না।

গঙ্গা।—

(গীত)

কে জানে কেমন—

যেন হারিয়ে গেছি, বিলিয়ে মিছি, নই তো আর তেমন!

কে জানে কি যেন চাই, কি যেন হারাই হারাই,

কি হয় কি হয় মনে হয় সনাই,

মনের কথা মনে বলে না, সরমে করে বারণ ॥

কেন মন উদাস হ'য়ে যায়,

জানে না কি কথা কয়, কারে কি স্বধায়,

বুকের ভিতর উথলে উঠে আঁধার ব'য়ে যায়,

সাধের সনে বিযাক মিলে চলেছে দোণার স্বপন!

মাধুরী। দেখ, তোমার গান শুনে আরও আমার কান্না পাচ্ছে,—আরও যেন কি মনে হ'চ্ছে!—মনে হ'চ্ছে, যে যেন আমার আপনার লোক, কোথায় যেন তারে দেখেছি, কোথায় যেন তার সঙ্গে কথা ক'রেছি—ব'লতে পার, কোথাও কি দেখেছি?

গঙ্গা।—

(গীত)

এ কি দার, মন কেন তার চায়?

পায় কি না পায় তবে না হয় উধাও হ'য়ে যায়!

অবোর সোহাগ শুনে, আপ'নি বিধেয় কিন্তে পরে,

আশা ধ'রে আকুল অন্তরে, কাঁপে আশা প্রাণ কাঁপায়।

মনে মনে উঠাপড়া, মনে মনে ভাঙাপড়া,

অকুল সাগরে, ভাসে সাধ ক'রে,

কাঁদে প্রাণ ফিরতে কুলে, সাধের তরী ব'য়ে যায়!

মাধুরী। ঠিক ব'লেছ গঙ্গা!—তুমি এত জানলে কি ক'রে, তোমার কি অমনি আপনার লোক আছে?

গঙ্গা। না।

মাধুরী। তবে তুমি দীর্ঘনিশ্বাস ফেললে কেন?—
আমার কথা শুনে কি তোমার ব্যথা লাগলো?

গঙ্গা। কুমারি, আমরা এমন আপনার লোক কোথা পাব?

মাধুরী। কেন, আর কি কেউ এমন পায়না! তুমি ওর সঙ্গে কথা ক'য়েছ?

গঙ্গা। না, আমার সঙ্গে উনি কথা কইবেন কেন?

মাধুরী। কথা কইবে;—তুমি কথা ক'য়ে দেখো দেখি!—কথা শুনে মনে হবে, তোমার আপনার লোক,—
সত্যি আপনার লোক—পর ব'লতে প্রাণ কেঁদে উঠবে!

তুমি তারে জিজ্ঞাসা ক'রতে পার, সে কি আমার আপনার ভাবে?—ভাবে, নইলে আমি কেন তারে আপনার মনে ক'র্বো?

গঙ্গা। কুমারি! তুমিই তারে এই কথা জিজ্ঞাসা ক'র না কেন?

মাধুরী। কোথা দেখা পাব, কি ক'রে জিজ্ঞাসা ক'র্বো!

গঙ্গা। আচ্ছা, যদি আমি তোমার মহলে তারে নিয়ে আসি?

মাধুরী। কি ক'রে, কেউ যে টের পাবে, সকলে যে বলে, পুরুষ মানুষকে মহলে আনতে নাই?

গঙ্গা। পর-পুরুষকে আনতে নাই, যে আপনার, তারে আনতে দোষ কি?

মাধুরী। না না, তুমি লুকিয়ে আনতে পার তো এনো। না না,—এনো না, কিছু যদি মনে করে!

গঙ্গা। কি মনে ক'র্বো?

মাধুরী। কি জানি, আমার ভয় হয়—আমি যেন আর এক রকম হ'য়েছি,—আমার এ সব ছিল না। আমার ভয় ছিল না, লজ্জা ছিল না, কিছু গোপন ক'রতে পারতুম না। লোকে চুপি চুপি পরামর্শ ক'রতো, আমি হাসতুম,—ভাবতুম, লুকোনো কথা আবার কি? কিন্তু লুকোনো কথা আছে—সে কথা ব'লতে নাই—বলা যায় না।

গঙ্গা। তুমি দেখা ক'র্বো?

মাধুরী। ক'র্বো, না না, কি ক'র্বো বল দেখি?

গঙ্গা। যদি দেখা কর তো আজকের মত সুযোগ আহবনা। আজ হোরির দিনে দোষ নাই, সকলের সম হোরি খেলতে হয়। আমি রাতে তোমার কাছে আনবে হ'জনে হোরি খেলো।

মাধুরী। চুপি চুপি এনো, কেউ যেন টের না পায় আমি কি সেজে গুঞ্জে দেখা ক'র্বো? আচ্ছা—কি প'রদে আমার ভাল দেখায়? তুমি আমার সাজিয়ে দেবে?—না, এঁ সাজেই দেখা ক'র্বো।

গঙ্গা। হোরির দিনে বেশ ফুলের গয়না প'রো।

মাধুরী। গঙ্গা, তুমি ঠিক ব'লেছ। কিন্তু যদি ভাল দেখায়, সে গয়না আর প'র্বো না,—আমি ঠাকুরবাড়ী গয়না প'রে গিয়েছিলুম, তাই প'র্বো। আমি তফাৎ থেে তার গায়ে ফাগ দেবো, ছোঁবনা—ভুলে কেমন হ'য়ে যাব, ক'

তে পারবো না। ঝুয়েছিলুম, সে কথা মনে হ'লে
মন হ'য়ে যায়। দেখ গঙ্গা, কি ক'রবো, আমি তা বুঝে
ছি না!

গঙ্গা। কুমারি, ঠিক বুঝে পারবে, মনের কথা মনই
ন দেবে। আমি চলুম।

মাধুরী। তুমি যাচ্ছ?—তোমার ছেড়ে দিতে ইচ্ছা
ছ না, এই কথাই তোমার সঙ্গে কইতে ইচ্ছে হ'চ্ছে, তবে
৩, আমি কোথায় থাকবো?—এইখানেই থাকবো, না না—
১, কুঞ্জের মধ্যে দেখা ক'রবো। আমার ইচ্ছা হ'চ্ছে, সেই
১০ উপবনে দেখা করি। তুমি এসো। আমি যাই—
১১ লা গিয়ে ভাবি।

[উভয়ের প্রস্থান।

ষষ্ঠ গর্ভাঙ্ক

বিলাস-কঙ্ক

উদয়নারায়ণ।

উদয়। কত্যা—কত্যা—কেন জন্মে হিন্দুর আলায়ে?

যেতে হ'ল পরবাসে কতাদান হেতু!

কি কুফলে দেখা মম অন্নদার সনে,

পিতৃবাক্য করি অবহেলা

সহি এই মনস্তাপ।

ক্ষুদ্র শালিগ্রাম, তার এত মান,

অসম্মত কত্যা মম নিতে ঘরে।

তাই করে এত ছল।

কি করিব—কলঙ্ক রটেছে।

সুপাত্র,—তনয়ারে বাসে ভাল,

কুঠার মেরেছি আমি আপনার পায়—

বেগ্না বলি পরিচয় দিয়াছি সতীরে।

(মাধুরী ও ললিতার প্রবেশ)

এতদিনে আমি এক দায়ে নিশ্চিন্ত হ'লেম। যে ছ'টি
আমাদের বাড়ীতে নিমন্ত্রণে এসেছে, ওর একটির নাম
১২,—

ললিতা। নিরঞ্জন কে?

উদয়। রূপে স্ত্রণে ছুটিই সমান বটে, আমারই ভ্রম হয়,

তা তোমরা তো তফাৎ হ'তে দেখেছ। শুনেছি নাকি, সে
মাধুরীকে দেখেছে, তার মন—মাধুরীকে বিবাহ করে।

ললিতা। কে, নিরঞ্জন?

উদয়। হ্যাঁ, হ্যাঁ, শোন না—আমিও তার বাপ
শালিগ্রামকে পত্র লিখেছিলেম, তিনি বিবাহে সম্মত। কিন্তু
অপমান স্বীকার ক'রতে হবে;—কি ক'রবো, তাদের
কুলপ্রথামত মেয়ে সেইখানে নিয়ে গিয়ে বিবাহ দিতে
হবে।

মাধুরী। বাবা, বাবা! এতে তোমার অপমান
হবে, আমি বিবাহ ক'রবো না।

উদয়। আরে ছাই, আমি কি সম্মত হ'তেম, বড় দায়ে
প'ড়েই সম্মত হ'য়েছি। কুলোকে কু-কথা কয়,—বিশেষ
ললিতাকে নিয়ে আমি আরও বিপদে প'ড়েছি।

ললিতা। কেন—কেন—মহারাজ, আমার নিয়ে বিপদ
কি?

উদয়। মা, তুমি আমার বন্ধুর মেয়ে নও, আমার
আপনার কত্তার অধিক। তোমারও বিবাহ দিতে পারছি
নে। নিরঞ্জনের সঙ্গে মাধুরীর বিবাহ দিতে পারলে তোমার
বিবাহ নিয়ে আর আমার দায়ে ঠেকতে হবে না।

ললিতা। নিরঞ্জন?

উদয়। আরে, এই ছোটো নাম আর মনে রাখতে
পারিস্ নে?—পুরঞ্জন আর নিরঞ্জন—শালিগ্রামের ছেলের
নাম নিরঞ্জন। মাধুরি, তোর কি অগ্রহ হ'য়েছে?

মাধুরী। বাবা, তোমার এতে বড় অপমান হবে।

উদয়। আমার তোদের নিয়ে মান-অপমান। সুপাত্র
পাওয়া গিয়েছে, কি বলিস্ ললিতা?

ললিতা। নিরঞ্জন কি বাড়ী গেছে?

উদয়। যাবে না! বে' নিয়ে একটা কথা উঠেছে,
এখানে থাকলে তার বাপ কি ব'লবে? পুরঞ্জনও আজ তার
দেশে যেতো, তা বাত্মা ক'রবার সময় হাঁচি পড়েছে, না কি
হ'য়েছে, তাই আজ গেল না। এঃ—হোরিতে ক'দিন
ছ'জনে রাত বেগে খুব অগ্রহ ক'রেছি দেখছি।

ললিতা। হ্যাঁ মহারাজ! আমার শরীর কেমন হ'য়েছে,
আমি দাঁড়াতে পাচ্ছি নে, আমার মাথা ঘুরচে।

উদয়। সে কি রে? কাল যে আমাদের যেতে হবে;
তবে বা, শুগে যা।

ললিতা। না না—বলুন না, শুনে যাই;—নিরঞ্জন কি বলে—সে মাধুরীকে দেখেছে, মাধুরীকে ভালবাসে?

উদয়। তুই যে অজ্ঞমণা হ'চ্ছিস;—সে বে' ক'রতে চাইতো না, মাধুরীকে দে'খে বাড়ীতে পত্র লিখেছে যে, “ঐ মেয়ে হয় তো বে' ক'রবো।” বড় স্নেহের কথা, কি বলিস্?

ললিতা। তা বই কি! (মাধুরীর প্রতি) কেমন লা—না?

উদয়। নে নে, তোরা ছ'জনে পরিহাস করিস্ এখন, কথা শোন। (ললিতার প্রতি) এখন তোমার মা একটা স্পাত দে'খে দিতে পারলে আমি নিশ্চিন্ত হই।

ললিতা। তা নিরঞ্জন কি বলে?

উদয়। তাহা, এ কথা প্রকাশ করিস্ নে। সে যে ক'দিন আমার বাড়ী ছিল, সে উপবনের বাইরে এসে ছাদের উপর চেয়ে থাকতো, যদি একবার মাধুরীকে দেখতে পায়। আমি সেই ভয়েই অপমান স্বীকার ক'রলেম।

ললিতা। হ্যাঁ হ্যাঁ, তাই মাধুরী ছাদে উঠতো বটে।

মাধুরী। নে, মিছে কথা বলিস্ নে। বাবা, আমা হ'তে তোমার অপমান হ'লো।

উদয়। তা হোক, আমার সহস্র অপমান হোক, তুই স্নেহে থাকলেই আমার হ'লো।

মাধুরী। না বাবা, আমি বড় অসুখী হব।

উদয়। তা যা হয়, তা হবে, নে। (স্বগত) মেয়েটা ভালমন্দ কিছুই জানে না; বে'র কথা ব'লছি—তা একটু লজ্জা হ'চ্ছে না! (প্রকাশ্যে) ললিতা, কি বলতে এসেছি, শোন। মাধুরি, মনোযোগ দাও। স্বপ্ন-বাড়ীতে পাঁচ জনে পাঁচ কথা কইবে, তাতে মনে কিছু ক'রো না। তোমার মা পরম পবিত্রা, কিন্তু লোকে কলঙ্ক দেয়। তার কারণ, আমি পিতার অমতে বিবাহ ক'রেছিলুম, সেই ভয়ে সে বিবাহ প্রকাশ ক'রতে পারি নাই। আমার দ্বিতীয়া স্ত্রী, যাকে তুমি মা ব'লতে, সে নিঃসন্দান; তোমার মামুষ ক'রেছিল। কিন্তু আমার পিতার পরলোকের পরও লোকনিষ্ঠার ভয়ে তোমার মাকে ঘরে আনতে পারি নাই। অভিমানিনী চ'লে গিয়ে তুমি না কি কাশীধামে প্রাণত্যাগ ক'রেছে, সে দ্বাপ আত্মও আমার প্রাণ হ'তে উঠে ব্লাই, কি ক'রবো

কেঁরবার নয়। আহা! মাধুরীর বে' সে দেখতে পেলে না, এই আমার পরম দুঃখ!

ললিতা। আহা! ছোট মা থাকলে এ বে'তে খুব আনন্দ ক'রতেন!

উদয়। আর বাছা, সে সব ভেবে কি ক'রবো! এখন এক দায়ে নিশ্চিন্ত হ'লেম, তোমার বিবাহটি দিতে পারলেই তোমার স্বামীকে তোমার বিষয়-আশয় দিয়ে আমি জুড়ুই। লোকে কি বলে জান মা, আমি বিষয়ের লোভে তোমাকে এনে গৃহে পালন ক'রেছিলুম। তোমার বাপের সঙ্গে আমার যে কি বন্ধুত্ব ছিল, তা হীনবুদ্ধি লোকে কি বুঝবে বল? মা, তুমি কাঁদচো কেন?

ললিতা। এতদিনে মাধুরী আমার ছেড়ে যাবে!

উদয়। তা মা, চিরদিন কি তোমাদের আইবুড়ে রাখবো? পুরঞ্জনও অতি স্পাত, ভেবেছি, তোমার বিয়ে আমি তার সঙ্গে দেব।

মাধুরী। পুরঞ্জন!—সে কি ললিতাকে ভালবাসে?

উদয়। তা কই কিছু শুনি নাই। তা ভালবাসবেই না বা কেন? মা আমার জগদ্ধাত্রী!

ললিতা। রাজমহলে কি আমায়ও যেতে হবে? আমার শরীর বড় অসুখ।

উদয়। ঘুমলেই সেরে যাবে। কি ক'রবো, অপমান স্বীকার ক'রতে হ'লো। দুর্জনেরা বলে কি জানিস্, যে, মাধুরীর গর্ভধারিণীর কাশীপ্রাপ্তি হয় নাই,—আরও কত কলঙ্ক দেয়, তা উচ্চারণ ক'রতে জিহ্বা দগ্ধ হয়। আমি চ'লেম, তোরা শুণে যা।

মাধুরী। বাবা বাবা, পুরঞ্জন কি ললিতাকে বিবাহ ক'রবে? আপনাকে কিছু জানিয়েছে?

উদয়। সে পরের কথা পরে।

[প্রস্থান।

ললিতা। তুই মনের মতন রতন পেয়েছিস!

[প্রস্থান।

মাধুরী। প্রাণ বিসর্জন ভিন্ন উপায় নাই! যে দি পুরঞ্জনকে দেখেছি, সেদিন ম'জেছি, তার পায়ে ঝিকিয়েছি, তারেও মজিয়েছি। কলঙ্কের কথা কেমন ক'রে পিতাকে জানাব? অস্ত্রের গলায় কেমন ক'রে মালা দেব? এ কি, এ কি, কি হ'লো! কার কাছে বাব!—কি হ'লো, কেন এ

লো—পাখী ধরে দেবে—রক্তাংগল তুলবে—সে নয়, বে কে?—কি হবে, কি হ'লো—কোথায় যাব'—এই যে—এই যে!—কই—কি!—আর তো দেখা হবে না, আর জা দেখা হবে না!

(পুরজনের প্রবেশ)

পুরজন। এ কি, এ কি? মাধুরি, মাধুরি!

মাধুরী। তুমি এসেছ, আমার নিয়ে যাও, আমার ফলে যেও না। আমি বুকে পেয়েছি, আমি তোমায় লাবাসি। তুমি আমার ভালবাস কি?

পুরজন। কি ব'লছে—তুমি আমার জীবনসর্বস্ব। আমি তোমার কাছে বিদায় নিতে এসেছি, আবার শীঘ্রই আসবো। আমার পিতা পত্র লিখেছেন তাই যাচ্ছি।

মাধুরী। তুমি চ'লে—যাও—যাও।

পুরজন। তুমি না বল, আমি যাব না।

মাধুরী। না, না, যাও—যাও, আর বোধ হয় তোমার সঙ্গে আমার দেখা হবে না, আমার মনে রেখো।

পুরজন। সে কি,—তুমি অমন ক'চ্ছ কেন?

মাধুরী। তুমি শুনো না—তোমায় ব'লবো না—শুনলে আমি যেতে পারবো না! আমিও তোমায় ব'লবো না। তোমার সঙ্গে আমার সঙ্গে দেখা হ'য়েছে, তুমি কারো ব'লো না;—আমিও কারে ব'লবো না। তোমায় আমি ভালবাসি, এ কথা কারে জানিও না।

পুরজন। কেন—কেন? কি হ'য়েছে?

মাধুরী। এখন নয়, এখন নয়, যদি কখনো দেখা হয় ব'লবো। তোমায় না ব'লে কারে ব'লবো! এখন যাও।—পার যদি যাবার সময় আর একবার দেখা ক'রো। এখানে আর এসো না—এলে তোমায় লোকে নিন্দা ক'রবে, আমার লোকে নিন্দা ক'রবে। পার যদি আর একবার দেখা দেও। তুমি রাস্তার দাঁড়িও, আমি জানালা হ'তে তোমায় দেখবো। আমি চ'লুম, তোমার কাছে আর আমি থাকবো না।

পুরজন। মাধুরি, যদি তুমি আমার ভালবাস, তবে কেন যেতে ব'লছো? নিন্দা হয় হবে।

মাধুরী। না, না, তোমায় ভালবাসতে নাই,—আমিও তোমায় ভালবাসবো না, তুমিও আমার ভালবেসো না। তুমিও আমার ফলে যাও, আমিও তোমায় ফলে যাব।

পুরজন। কেন মাধুরি, তুমি ত আমার ভালবাস! মাধুরী। না, না, তুমি বিশ্বাস ক'রো না।—আমি কেন ভালবাসি ব'লেছি, জানি নে। তুমিও আমার ভালবেসো না, হুঃখ পাবে, হুঃখ পাবে। যাও, যাও। আমি চ'লুম, তুমিও হেথায় থেকে না।

[মাধুরীর প্রস্থান।]

পুরজন। এ কি? সহসা উদ্ভাদিনী হ'লো না কি? আমি যাব বলে কি অভিমান ক'রেছে? কোন কি বিপদ হ'য়েছে? কারে জিজ্ঞাসা করবো? আমার ভালবাসে! কি ক'রবো? যাব না। না, না,—যাই। পিতার কাছে বিবাহের অনুমতি লব।

[প্রস্থান।]

সপ্তম গর্ভাঙ্ক

কক্ষ

ললিতা।

ললিতা। প্রতারণা—সকলই প্রতারণা,—মেদিনী প্রতারণাপূর্ণ! মাধুরীও আমার কাছে মনের কথা বলে নাই। এখনও ভাব ক'রলে, যেন সে নিরঞ্জনকে চায় না। যে দিন নিরঞ্জনের সঙ্গে দেখা হয়,—ধিক্ মন, এখনো তার আকিঞ্চন!—সে আমার নয়, সে মাধুরীকে ভালবাসে। সর স'ক, আমারই প্রাণে স'ক! পুরুষ এত কপট, তা আমি স্বপ্নেও জানতাম না। বনে ফুলের ডাল দুইয়ে ধ'রলে—আমার মনে হ'লো—যেন ফুল পেড়ে আমার পূজা ক'রবে। একটা ফুল আমার হাত থেকে প'ড়ে গেল, সেই ফুলটি তুলে বুকে রাপ'লে। আমার সঙ্গে দেখা হ'লে, ভাবতক্কোতে জানাতো, যেন আমার জন্ত উন্মত্ত। কিন্তু কি অদ্বুত ছিল! মাধুরীর জন্ত আসতো, তা আমি স্বপ্নেও জানিনে।—কিবা তার সকলেরই সঙ্গে প্রতারণা করা স্বভাব;—না, মাধুরীকে ভালবাসে, নচেৎ বিবাহ ক'রতে চাইবে কেন?

(গন্ধার প্রবেশ)

গন্ধা। আপনি আমার ডেকেছেন?

ললিতা। কেন, ডাকতে নাই?

গঙ্গা। না, আপনি তো বড় ডাকেন না! আর আমিই বা কি গান শোনাব, আপনার কাছে বড় বড় গায়িকা এসে শিখে যেতে পারে।

ললিতা। তুমি কত দিন মুজরো ক'চ্ছ?

গঙ্গা। যোগ বছর বয়স হ'তে এই কাজ ক'চ্ছি।

ললিতা। অনেক পুরুষ দেখেছ?

গঙ্গা। কি ক'রবো দেবি! যে ডাকে, সেইখানেই যেতে হয়; পাঁচ ঘোরের ভিকিরা। আর জাত-জন্ম যখন ভাসিয়ে দিয়েছি, তখন আমাদের আর কি!

ললিতা। আচ্ছা,—পুরুষ তোমার কি রকম মনে হয়? বিশ্বাসী কি অবিশ্বাসী?

গঙ্গা। এ কথার উত্তর কি দেব দেবি! আমাদের কাছে যারা আসে, আমাদের সঙ্গে যারা আলাপ করে, কেউ ভালবেসে আসে না, চোখের নেশায় ছটো মিষ্টি কথা বলে। জানে কুর্কষ ক'চ্ছি, তবু স্বভাবের দোষে আসে। কিন্তু যে পুরুষমাত্রেই অবিশ্বাসী, এ কথা আমি বলতে পারি নে।

ললিতা। আচ্ছা,—তুমি ত অনেককেই দেখেছ,—তোমার কাউকে বিশ্বাস হয়?

গঙ্গা। বিশ্বাস ক'রলে আমাদের ব্যবসা চলে না। বিশ্বাসে ভালবাসা জন্মায়, ভালবাসলেই আমাদের সর্বনাশ। ভালবাসা আর রোজগার একত্রে হুই হয় না। দেবি, আমরা বড় অসুখী! লোকের মন ভোলাবার জন্ত বেষত্বা করি, হেসে হেসে প্রেমকথা কই, কিন্তু সদাই সতর্ক থাকি, পাছে কারো ভালবাসাতে পড়ি। যতদিন যৌবন আছে—তত দিন, তারপর সকলেরই স্তূপ;—আমাদের আপনার লোক নাই।

ললিতা। আপনার লোক কেউ নাই! আপনার লোক হয় না! 'ভালবাস না, তাই সুখে আছ। ভালবাসলে যন্ত্রণা পেতে, কেউ ফিরিয়ে ভালবাস্তো না! পুরুষ স্ত্রীলোককে অবিশ্বাসী বলে, কিন্তু পুরুষের চেয়ে অবিশ্বাসী কেউ নাই।

গঙ্গা। অমন কথা বলবেন না, আমি দেবতার মত পুরুষ দেখেছি। কি ক'রবো, সে আমার হ'বার নয়! সে যদি আমার হ'তো, তা'হলে পৃথিবীতে স্বর্গ পেতেম।

ললিতা। চমৎকার বটে!—কে বলে মেয়েমানুষের মন কুটিল?—সে আমাদের মন জানে না! তুমি বেশী, তুমিও ভালবাসতে চাও, কিন্তু পুরুষের মনে ভালবাসা নাই,—ভালবাসার ভাণ জানে।

গঙ্গা। দেবি, যদি মার্জনা কর তো একটা কথা ভিজ্ঞাসা করি। আপনি কুলবালা, কখনও পর-পুরুষের সঙ্গে দেখা করেন নাই, পুরুষের কথা কি ক'রে জানলেন?

ললিতা। আমি একটা গল্প প'ড়েছি; চমৎকার গল্প! একটা নায়িকার সঙ্গে একটা নায়কের দেবমন্দিরে দেখা হয়। নিত্য সেই যুবা সেই যুবতীর সহিত দেখা ক'রতে আসতো। যুবতী মনে ক'রতো, তারে কত ভালবাসে, কিন্তু তা নয়, তার দেখা ক'রতে আসা ভাণ মাত্র। ইঠাৎ সেই যুবতীর সখীকে সে বিবাহ ক'রলে। যার সঙ্গে দেখা ক'রতে আসতো, তার আর কোনও সংবাদ নিলে না!

গঙ্গা। তারপর সে যুবতী কি ক'রলে?

ললিতা। তারপর যুবতী এ সংবাদ পেয়ে, মনে ক'রলে আত্মহত্যা ক'রবো। প'ড়তে প'ড়তে আমার মন কেমন হ'য়ে উঠলো।

গঙ্গা। তারপর সে ম'লো?

ললিতা। ম'রবে কি না ম'রবে, মনের ভেতর তোলা-পাড়া ক'রছে;—তারপর আর আমি প'ড়তে পারলুম না।

গঙ্গা। আমার সঙ্গে যদি সে যুবতীর আলাপ থাকতো, তা হ'লে আমি তারে ম'রতে দিতেম না।

ললিতা। কেন? তার বেঁচে সুখ? আজীবন দুঃখ পাওয়ার চেয়ে মরাই ভাল!

গঙ্গা। কেন, মরা কেন? ম'লেই ত সকল আশা ভরসা ফুরিয়ে গেল।

ললিতা। আশা-ভরসা তো তার সব ফুরিয়েছে!

গঙ্গা। কেন, কি ফুরিয়েছে? সে তো তারে ভালবাসে, মনে ক'রলে তো তার সঙ্গে দেখা ক'রতে পারে, তার সেবা ক'রতে পারে, তার দাসী হ'তে পারে। পৃথিবীতে আপনার সুখই যে সুখ, তা নয়! যদি সে নায়িকা যথার্থ তারে ভালবাসে, তারে সুখী দে'খে সুখী হ'তে পারে।

ললিতা। তা কি হয়?

গঙ্গা। সবই হয়;—মন নিয়ে কথা। ভালবাসার সুখই তো—বারে ভালবাসি, তারই সুখে সুখ। নইলে আমাদের বেশার ভালবাসা! যতদিন দিলে থুলে, মিষ্টি কথা বললে, ভালবাসলুম, তারপর ফুললো। আমাদেরও ভালবাসার লোকের জন্ত কি খাওয়া-খারি হয়। কিন্তু

হ্যাঁচড়া ভালবাসা, তারে আমি ভালবাসা বলি নে।
চ'লুম।

ললিতা। আচ্ছা,—তোমার কেউ ছিল না ব'ল্‌চো,
ঘোল বৎসর বয়স, তখন বেরিয়েছ, তোমার ভাবনা
না?

গঙ্গা। অনেক ভেবেছি। তারপর দেখলুম, পৃথিবী
র'য়েছে, ভগবান্‌ হু'টি খেতে দেন।

ললিতা। একলা বেড়িয়ে বেড়াও, তোমার ভয় হয়

গঙ্গা। প্রথম প্রথম ভয় হ'তো, তারপর স'য়ে গেছে।

ললিতা। আচ্ছা,—কত লোক এমন তোমার মত একা
িচ্ছে?

গঙ্গা। কত শত!

ললিতা। তবে ভগবান্‌ সকলকেই দেখেন, সকলকেই
করেন। আচ্ছা, তুমি এসো।

[গঙ্গার প্রস্থান।

ললিতা। আর কেন? শত শত লোক একলা
িচ্ছে, আমিও বেড়াব। কি ভয়? মৃত্যুর উপায় তো
র কাছে। পোড়া মন, এখনো নিরঞ্জনকে দেখতে
? মাধুরীকে বামে নিয়ে তোর সঙ্গে কথা ক'বে, তাই
বি? তোরে উপহাস ক'র্বে, তাই গুন্‌বি? যাই।
প্রহরীরা যে ধ'র্বে! নর্তকীর বেশে যাই। গঙ্গা
ক'রে ছেড়ে দেবে। ছিঃ ছিঃ, এত অদৃষ্টে ছিল!
সাধ মনে উঠেছিল, কত কথা মনে হ'তো, আজ
লা!

(অন্নদার প্রবেশ)

অন্নদা। তুই কি ভাব্‌চিস? চ'লে যাবি! আমি
ছি, তোর আমার দশা হ'য়েছে! ঞ্চাখ, আমি পাগ্‌লী
যদি কেউ অকুল পাথার ভাবে, তার মুখ দে'খে আমি
তে পারি। আমিও অকুলে ভেসেছি, অকুলে কেন
ন, তা জানি। আমি বুঝতে পারি, বুঝতে
রি।

ললিতা। তুমি কে?

অন্নদা। আমি যে হই না,—তোর তো অকুল পাথার,
র আর ভয় কি? ঘেঁরা বড় ব্যথা লাগে! যারে

আপনার ভাবি, সে আপনার না হ'লে বড় ব্যথা লাগে!
আমি জানি—আমি জানি! তুই আসবি? আমার সঙ্গে
আয়।

ললিতা! কোথায় যাব?

অন্নদা। ঠিকানা ক'রে কি যেতে পারবি? ঠিকানা
ক'রে যেতে চাস্তো ঘরে থাক; সইতে পারিস্‌ তো ঘরে
থাক। কিন্তু সইবে না—সইবে না,—বড় জালা—বড়
জালা!

ললিতা। মা, তুমি কে? আমার ব্যথায় ব্যথী কেন?

অন্নদা। মা বলিস্‌ নি, মা বলিস্‌ নি! আমার মা
ব'ল্লে তোর কলঙ্ক হবে, তোর মাথা হেঁট হবে, তোরে ঘেম্ন
ক'র্বে,—আমায় মা বলিস্‌ নে!

ললিতা। কেন, কেন? তুমি কে?

অন্নদা। আমি কে, তা কি জানি!—তবে লোকে
পাগ্‌লী ব'ল্বে কেন? স্রোতে পাঁচটা কুটো ভাসে না?—
আমিও তেমনি ভাস্‌চি। তুই বাবি? চ,—তুই যারে
ভালবাসিস্‌, জানি। তার সঙ্গে দেখা করিয়ে দেব।
চল্—চল্।

ললিতা। আমি কারে ভালবাসি?

অন্নদা। আমি কি জানি নি!—আমি সব জানি।
সে তোর গায়ে ফাগ দিয়েছিল জানি, তুই তার গায়ে ফাগ
দিয়েছিলি জানি। সে তোর—সে তোর। দেখা হ'লে
বুঝতে পারবি। মিছি মিছি মন খারাপ করিস্‌ নে। তারে
দেখ'বি আয়—দেখ'বি আয়।

ললিতা। আর সে যদি আমায় না চায়?

অন্নদা। না চায়, ভেসে বেড়াবি। কিন্তু ভুলতে
পারবি নি, ভুলতে পারবি নি,—ভোলা যায় না—ভোলা
যায় না—সে দাগ উঠে না! এই ঞ্চাখ, না, আমি পাগল
হ'য়েছি, তবু ভুলতে পারি নে। আয়, আয়, আয় দেবী করিস
নে। এখন সকলে জাগ'বে, রাজমহলে যাবার জন্ত ত'য়ের
হবে।—তুই চল্—তুই চল্, তুই তারে পারি!—আমি
মিলিয়ে দেব। আমি মিছে কথা কই নে, মিছে কথা
জানিনে, আমার বড় সরল প্রাণ! তুই আমার সঙ্গে থাকলেই
বুঝতে পারবি।

ললিতা। কোথায় যাব?

অন্নদা। চল্‌ না, চল্‌ না, সব দিক্‌ বজায় থাক'বে।

যাঁর যে—সে তাঁর হবে। তাঁর ধন আমি তোরে দিইয়ে দেব। যাঁর ধন, সেই পাবে,—আমিও পাব! তাঁরপর তাঁর চিত্তের গুরে কুলের কলঙ্ক বোচাব। কারো মুখ হেঁট হবে না, কারো কলঙ্ক রবে না, প্রাণ দিয়ে কলঙ্ক দূর ক'রবো, চিত্তের গুরে জুড়বো। সব দিক্ বজায় ক'রবো!—নইলে এত দিন বাচ্তেম না! আয়, আয়—শীগ্গির আয়—ভাবিস্ নে।

ললিতা। চল না, তোমার কথায় অকুল সমুদ্রে ঝাঁপ দেব।

অন্নদা। কি ভাব্‌ছিস্—কি ভাব্‌ছিস্?—আমি লুকিয়ে রাখ্‌বো, কেউ খুঁজে পাবে না। ওরা সব বজরায় গিয়েছে, তাঁদের বজরা পেছিয়ে আছে। রাজা এগিয়ে গিয়েছে, মাধুরী তাঁর সঙ্গে গেছে, তাঁর আর খোঁজ ক'রবে কে?—তাঁর তো আর কেউ নেই।

ললিতা। না মা, ত্রিভুবনে আমার কেউ নাই।

অন্নদা। আছে, সব আছে—সব পাবি। বিধাতার বাঁধন—জন্মের আগে বাঁধন, দিনকতক বিচ্ছেদ—এখানে না দেখা হয়, সেখানে দেখা হবে, চিত্তের দেখা হবে। চল, কেন ভাব্‌ছিস্? কালীবাড়ীর দোর খুলে রেখেছি, গ্রহরীরা টের পাবে না, কেউ জেগে নেই, আর দেৱী করিস্ নে, চল—চল—চল।

ললিতা। মিছে কেন ভাবি, ঘরে ব'সে কেন জ'ল্‌বো, সে পরের—আমি দেখতে পার্‌বো না। না না—আত্মহত্যা ক'রবো না, চলৈ যাই।

অন্নদা। আয় আয়, কথা ক'স্‌নে, পেছনে পেছনে আয়।

[উভয়ের প্রস্থান।]

দ্বিতীয় অঙ্ক

প্রথম গভীরক

উপবনস্থ বহিঃপ্রকোষ্ঠ

পুরজন ও নিরজন।

নিরজন। কি হে, তুমি আমার পত্র না পেয়েই বেরিয়া

প'ড়েছ নাকি?

পুরজন। কই, তোমার পত্র তো পাই নাই, আমি অমনিই বেরিয়ে এসেছি। কেন, খবর কি?

নিরজন। এই তুমি যাতে শীগ্গির শীগ্গির এসে, তাই। আমার ব'লতে লজ্জা হ'চ্ছে।

পুরজন। কি, কথাটা কি?

নিরজন। যদি আমার বে' হয় তো কি বল?

পুরজন। ব'লবো আর কি, আইবুড়ো নাম ঘুচে গেল।

নিরজন। সত্যি আমার বে।

পুরজন। এর আর সত্যি মিথ্যে কি,—তোমার যদি বে' হয়, কোন্‌ না আমারও বে' হবে।

নিরজন। উপহাস ক'চ্ছ, আমিও কোন্‌ না উপহাস ক'ন্তেম, কিন্তু যে দিন আমার মত ঠেকবে, সে দিন বুঝে পার্‌বে। এতদিন মনে ক'রতেন, ভালবাসা একটা কথা—প্রণয় একটা দুর্দলতা। কিন্তু তাই, রাজসাহী গিয়ে আমার চৈতন্ত হ'য়েছে। প্রেমই মানব-জীবনে সর্ব্বম্ এতদিন জীবনে লক্ষ্যহীন বেড়িয়েছি, ভেবেছিলাম, স্বাধীন ভাবে কাটাবো, কিন্তু সে সব ব'দলে গিয়েছে।

পুরজন। তা বেশ তো, তুমিও ব'দলেছ, আমি বদলাব। বাস, শোধ-বোধ যাবে।

নিরজন। ষথার্থ তাই, আমি ম'জেছি। আমি দিবারাত্রি এক ধ্যান, এক জ্ঞান। ষতদিন না তাঁর সঙ্গে মিলন হয়, আমার একদিন ষুগ্‌ মনে হ'চ্ছে। সে নূতন চকু পেয়েছি, নূতন সংসার দেখছি।

পুরজন। তা বেশ ক'চ্ছ, আমিও দেখ্‌বো, তাঁর আভাবনাটা কি!

নিরজন। শোন, তাঁরপর বাকচাতুরী ঝেড়ো।

পুরজন। শুনতে নারাজ কিসে বুঝ্‌ছো বল? তো' পালা তুমি গেলে নাও, তাঁরপর আমার পালা আমি গাঁথি

এক সাত বেঁধে এনেছি, মনে ক'রছ কি, তুমি
ই আসর মাতাবে ?

রজন। তুমি রাজা উদয়নারায়ণের মেয়ে মাধুরীকে
?

রজন। কেন ? কে জানে ? দেখেছি বোধ হয়।

রজন। না, তুমি নিশ্চয় দেখ নাই, যদি দেখতে,
রাজার পাষণ হও, কখন ভুলতে না। মানবীতে

নও এমন রূপ সম্ভব, তা কেউ কল্পনাতেও জানে না।

রজন। হ'তে পারে,—তা কি,—তুমি তারে দেখেছ
? কোথায় দেখলে ? তোমার সঙ্গে কি তার
হ'য়েছে ? কি, কোথায় আলাপ হ'লো ? কেমন
হ'লো ?

রজন। ইস, তুমি যে প্রশ্নের ঝাঁক ছেড়ে দিলে !

কটার উত্তর ক'রবো বল ? সব ব'লছি, শোন না।

রজন। বল না, বল না, তোমার স্ত্রের কথা
! তাই মনটায় আগ্রহ হ'য়েছে।

রজন। সে ফুল তুলতে এসেছিল। মৃগয়া ক'রতে
প্রথমে আমার সঙ্গে দেখা হয়।

রজন। তোমার সঙ্গে প্রণয় হ'লো না কি ? তোমাকে
নিয়ে যেতে ? তাই কি তুমি রাজবাড়ী হ'তে
চাইতে না ? সে তোমার ভালবাসে ?

রজন। তা ব'লতে পারি নে। নিত্য উপবনের
আমি থাকতাম, সে নিত্য উপবনে আসতো,—
হ'তো।

রজন। না, তুমি ব'লছো না, তোমার তার মহলে
যেতো। হ্যাঁ, হ্যাঁ, তুমি গোখুলির সময়টা বড় উতলা
—দেখেছি। তার পর, তার পর কি হলো ?

রজন। তুমি কি সিদ্ধি খেয়েছ না কি ? অমন
হ'য়েছ কেন ? শোন না, সব ব'লছি।

রজন। হ্যাঁ হ্যাঁ, একটু খেয়েছি,—বল বল, শুন।

রজন। তার সঙ্গে আমার বিবাহ স্থির হ'য়েছে।

রজন। কি, তোমার বাপ রাজী হ'য়েছেন ? উদয়-
নারায়ণের কুলে যে একটা কলঙ্ক আছে ! তোমার বাপ
হ'য়েছেন ?

রজন। সে মিথ্যা কলঙ্ক। মাধুরী উদয়নারায়ণের
গর্ভের কন্যা।

পূরজন। তবে বিবাহের সব ঠিক হ'য়েছে ? উপবনে
নিত্য দেখা হ'তো ? কারেও বিখ্যাপ নাই, দ্বীলোককে
বিখ্যাপ নাই, ওরা অদ্ভুত সরলতার ভাণ জানে, কে শিখালে
জানি নি ! আশ্চর্য্য ! আশ্চর্য্য !

নিরজন। ভাই, আমিও ঐরূপ মনে ক'রতাম। কিন্তু
না, সে সরলতার প্রতিমূর্ত্তি দেখলে, তোমার মনেও সন্দেহ
থাকতো না।

পূরজন। হ'তে পারে,—না, কখনো না, তুমি জান না,
বড় কুটিল, দ্বীলোক অতি কপট, কি নাম ব'লে—মাধুরী ?
উদয়নারায়ণের কন্যা মাধুরী ? বার বাড়ীতে অতিথি
হ'য়েছিলেম, তার কন্যা ?

নিরজন। কি হে, তুমি কি ব'কচো ?

পূরজন। কে জানে, আমার নেশা হ'য়েছে, আমার শরীর
কেমন হ'য়েছে। আমার বড় অসুস্থ,—এসে ভাল করিনি।
আমি কালই বাড়ী চ'লে যাব। তুমি এখন যাও ভাই,
আমি দাঁড়াতে পারছি নি। সকালে এসো—সব শুন্বো।
এখন আমার মাথা ঠিক নাই, কে জানে ভাই, কি রকম
হ'য়ে গেছে। প্রাণ কেমন ক'চ্ছে—প্রাণ কেমন ক'চ্ছে !

নিরজন। ইস ! তুমি বেজায় নেশা ক'রেছ দেখছি।
চল, তুমি শোবে, তোমার মাথায় জল দি গে।

পূরজন। না না, কিছু ক'রতে হবে না। আমি ঘুমুলেই
সুস্থ হব। তুমি এসো, তুমি থাকলে ব'কবো, ব'কলেই
নেশা বাড়বে।

নিরজন। আচ্ছা, তবে তুমি স্থির হ'য়ে শোও গে,
আমি আসি।

পূরজন। হ্যাঁ হ্যাঁ, এসো এসো ! স্থির হব—স্থির হওয়া
ভিন্ন উপায় কি ! এসো এসো, দেরি ক'রো না, আমার
নেশা বাড়বে।

নিরজন। আচ্ছা, আমি তোমার চাকরকে ডেকে দিয়ে
যাই, তোমার মাথায় জল দিচ্। তুমি স্থির হ'য়ে শোও গে।

[নিরজনের প্রস্থান।]

পূরজন। বুকেছি, বুকেছি, সব বুকেছি। আমাকে যেমন
গোপনে ঘরে নিয়ে যেতো, ওকেও তেমনি নিয়ে যেতো।
না না, তা কি হয় ! তা হ'লে যে মারা যাব, কি ক'রে প্রাণ
ধ'রবো, বুক কেটে যাবে। না না, মাধুরী না, অ'র কে !

(গঙ্গার প্রবেশ)

গঙ্গা। সর্বনাশ হয়েছে, আপনি না উপায় ক'রলে আর উপায় নাই!

পুরজন। আমি কি উপায় ক'রবো! তার এত ছল, তার এত কপটতা! না না, আমি হ'তে কি উপায় হবে! উপায় তারে ক'রতে বল। নিজের উপায় নিজে করুক, আমি হ'তে হবে না, আমি কি ক'রবো!

গঙ্গা। সে বালিকা, সে কি উপায় ক'রবে? সে সব কথা তার পিতাকে কেমন ক'রে বলবে? অনর্থ ঘটবে। আপনি নিবারণ করুন, সে আপনাকে ভিন্ন কারেও জানে না। সে উদ্ভাদিনীর মত হ'য়েছে, দিবারাত্রি কাঁদছে। আপনি সব কথা আপনার বন্ধুকে খুলে বলুন। তিনি সদাশয়, এ সব কথা জানলে তিনি কদাচ বিবাহ ক'রবেন না।

পুরজন। তুমি কি আমার বন্ধুকে দেখেছ? সে জানেন উদ্ভাস্ত হ'য়েছে, পল গুণ্ছে, জগৎ মাধুরীময় দেখেছে! সে আমার বাংলাবন্ধু, এ আনন্দে তারে নিরানন্দ ক'রবো? তার সরল বুকে ছুরি মারবো? এ কাজ আমি হ'তে হবে না। তুমি জান না, পুরুষের প্রাণ তোমাদের মত নয়। লোকের প্রাণ নিয়ে খেলা করা তোমাদের কাজ, আমাদের প্রাণ সেরূপ নয়।

গঙ্গা। প্রাণের গরব ক'রছেন? এই কি উচ্চ প্রাণের পরিচয়? যে সরলা বালিকা জীবন-ঘোবন অর্পণ ক'রেছে, তারে অকূলে ভাসিয়ে দেবেন? তারে কলঙ্কিনী ক'রবেন? তার জীবন শ্মশান ক'রবেন? ভাল, খুব উচ্চ প্রাণের পরিচয় দিচ্ছেন বটে! কঠিনতার আর এক নাম পুরুষ! নচেৎ এ কমল-কলি চরণে দলিত ক'রতে পারতেন না।

পুরজন। কেন, কি বল্চো, দোষ কি? আমার বন্ধুর মত জগতে রূপ-গুণ কার? আমার বন্ধুর মত কে আদর জানে? অমন ভাল মাধুরীকে আর কে বাসবে? আমার সঙ্গে বিবাহ হয় নাই, চোখের দেখা দেখেছি, ছোটো কথা ক'রেছি। আমার বন্ধুর আদরে ছ'দিন পরে ভুলে যাবে। তাকে জিজ্ঞাসা ক'রো, বিদায়ের দিন সে আমার ব'লেছে, সে আমার ভালবাসে না।

গঙ্গা। যদি বুকে না বোঝেন, তা হ'লে কি ক'রে বোঝাব বলুন? একবার তারে মনে করুন, বিদায়ের চক্ষুজল মনে করুন, দার্দ্র্যনিখাল মনে করুন, তার সরলতা মনে

করুন। প্রভুজন কমলবনে আশ্রয় ধরিয়ে দেবেন না! আপনি ভিন্ন সে কিছু জানে না, আপনি তার ধ্যান-জ্ঞান—জীবন-সর্বস্ব—হৃদয়ের।

পুরজন। কেন কেন, আর কেন জালা লাগে, আর কেন হৃদয়ে অস্ত্রাঘাত কর? সত্য বলেছি, আমি কড় কঠিন, এখন জীবিত র'য়েছি! কঠিন না হ'লে এতক্ষণে ফেটে যেতাম। পুড়ে থাক হ'জি, তবু দারুণ অনল চেপে রেখেছি।

গঙ্গা। মহাশয়, অনর্থক কেন এ জালা সহ্য ক'রছেন? কেন আর একজনকে জালাচ্ছেন? কেন বালিকার সর্বনাশ, আপনার সর্বনাশ ক'রছেন? সব দিক্ বজায় থাকবে, আপনি সমস্ত কথা বন্ধুকে ভেঙ্গে বলুন। দেখুন—বালিকা আপন প্রাণ-মন সর্বস্ব আপনাকে অর্পণ ক'রেছে। তার সঙ্গে অস্ত্রের বিবাহ হবে, এতে তার সর্বনাশ হবে, আপনার অর্থ্য হবে। আপনার বন্ধুকে বলুন, বালিকার মিনতি রাখুন। আপনার বন্ধুর অতি উচ্চ প্রাণ, জানলে কখনো এ অনিষ্ট ঘটতে দেবেন না।

পুরজন। নিরঞ্জনকে উচ্চ প্রাণ, তা তুমি আমার কাছে পরিচয় দিচ্ছ? এ কথা আমি জানি না? আমার জন্ত সে সব পারে, সে আপনাকে বিসর্জন দিতে পারে, সে সর্বস্বত্যাগী হ'তে পারে। আমি ব'লে—সে সমুদ্রে ভেসে যেতে প্রস্তুত। তুমি জান না, আমি তার প্রাণ অপেক্ষা প্রিয়। আমার মলিন মুখ দেখলে সে দশদিক্ অন্ধকার দেখে, ছারার মত আমার সঙ্গে সঙ্গে ফেরে, ক্রীতদাসে যেমন মন যোগায়, সেইরূপ আমার গুণগ্রহণ করে;—এই বন্ধুর প্রাণে আমি আঘাত দেব?—একজন ক্রীতলোকের জন্ত এই বন্ধুকে আমি পর ক'রবো?—কখনো না—কখনো না—প্রাণ থাকতে না! আমি মরি মলুম, মাধুরী মরে মরুক, ধর্ম্য নষ্ট হয় হোক, সংসার ভেসে যায় থাক, নিরঞ্জন হুখে থাকুক।

গঙ্গা। বুক্লেম—অবলা অকূলে ভাসলো!

পুরজন। তুমি যাও, আর সে কথা তুলো না। মাধুরীকে মনে হ'লে আমি হির থাকতে পারবো না, আমি কর্তব্য ভুলে যাব, বন্ধুকে ভুলে যাব, আমি কাপুরুষের ভ্রাণ ব্যবহার ক'রবো, আমি নিরঞ্জনের সর্বনাশ ক'রবো। যাও—যাও।

গঙ্গা। এর অধিক আর কাপুরুষ কি ক'রবেন?

জন। তিরস্কার কর, যত পার তিরস্কার কর, ভারে তিরস্কার করতে ব'লো। ডেব না—ডেব না—আর এ পৃথিবীতে আমার স্থান নাই। আমি প্রাণত্যাগ করে তার হৃদয়ের কণ্টক দূর করবো। আমি ম'লে সব কণ্টক দূর হবে, ছ'দিন বাদে সকল স্থিতি লোপ হবে, নিরঞ্জনকে নিয়ে সে সুখে থাকবে।

[পূরঞ্জনের প্রস্থান।

দ্বা। আমিই সর্বনাশের মূল! কি উপায় করবো?—
কেন ছ'জনের মিলন করে দিয়েছিলেম! আমি রাজা উদয়নারায়ণকে কি জানাব? কি ফল হবে—আমারই প্রাণবধ হবে। জাম্লেও এ বিবাহ রদ হবে না। পুর-
জন এর না উপায় করলে উপায় হবে না।

[প্রস্থান।

দ্বিতীয় গর্ভাঙ্ক

পুষ্প-বাটিকা

রঙ্গলাল ও নিরঞ্জন।

রঙ্গলাল। তোমার কিছু গাঢ় প্রণয়,—প্রেম হ'তে না হ'তে বিরহ-যন্ত্রণা! এই তো তোমার বাপও বিবাহ দিতে রাজী হ'য়েছেন, আর উদয়নারায়ণ তো—“খ্যাশা, ভাত খাবি, না হাত ধোব কোথা?” তোমার বাপের কথা বজায় রেখে, তোমাদের কুলপ্রথা-মতে অত বড় একটা মানী লোক হ'য়ে, ক'নে ঘাড়ে ক'রে তোমাদের দেশে বিবাহ দিতে আসছে, এখন আর হুঁতাবনা কেন?

নিরঞ্জন। হুঁতাবনা কিসের?

রঙ্গলাল। হুঁতাবনা কিসের? নাগাড় হুঁতাবনা চ'লেছে! এতেও যদি তোমার না ভরপুর হ'য়ে থাকে, তোমার পীরিতকে হ'শো ছেলাম!

নিরঞ্জন। আমার মনে বড় হুঃখ হ'য়েছে।

রঙ্গলাল। সুখ-হুঃখ, কান্না-হাসি, লক্ষ-বক্ষ—প্রেমের সঙ্গ, এ সব ত আছেই,—এ সব তো আর নূতন নয়।

নিরঞ্জন। দেখ, পূরঞ্জনের মনে কি হ'য়েছে,—আমি কিছুই বুঝতে পারিনি। যে বালাবধি আমার অন্ন প্রাণ দিতে প্রস্তুত ছিল, সে বেন ইচ্ছা করে আমার সঙ্গ ত্যাগ

করে। সদাই অশ্রুমনস্ক, সদাই মলিন বদন, ঘন ঘন দীর্ঘ নিশ্বাস, আমাদের সঙ্গ ছেড়ে নির্জনে নদীর ধারে গিয়ে ব'সে থাকে।

রঙ্গলাল। ওর বাড়ীর কোন দৃষ্টিনা হয় নাই তো?

নিরঞ্জন। এই তো আমোদ করে বাড়ী থেকে এলো।

রঙ্গলাল। হ'য়েছে, রোগের লক্ষণ আমি বুঝছি। এখন মনে প'ড়লো—তোমার সঙ্গে রাজসাহী বরা শীকার কর'তে গিয়েছিল।

নিরঞ্জন। তাতে কি?

রঙ্গলাল। পীরিতে প'ড়েছে আর কি!

নিরঞ্জন। কিসে জামলে?

রঙ্গলাল। ও একলব'ড়ে চাল প্রায়ই পীরিতের লক্ষণ।

নিরঞ্জন। না না,—পীরিতে প'ড়বে কেন?—বরাবরই তো জানিস, তার বিবাহ কর'তে ইচ্ছা নাই, আর কিছু হ'য়েছে।

রঙ্গলাল। কেন, তোমারও তো বিবাহ কর'বার ইচ্ছা ছিল না। তারপর রাজসাহী হ'তে এসে পীরিতে একেবারে লাটু হ'য়ে গেছ। উনিও রাজসাহী গিয়েছেন, শীকারেও ফিরেছেন, তোমার মত দৈববিপাকবশতঃ কোন কামিনীর কুঞ্জে গিয়ে প'ড়বার আশঙ্কিত কি? তারপর শীকার কর'তে গিয়ে, তোমারই মতন শীকার হ'য়ে এসেছেন।

নিরঞ্জন। দ্যাখ, তোর কথাটা আমার এক রকম লাগছে। আমি যখন রোজ সন্ধ্যাবেলা গোপনে মাধুরীর সঙ্গে দেখা কর'তে যেতাম, ও-ও কোথা যেতো। আমি আগে ফিরে আসতুম, কোন কোন দিন সে আগে ফিরে আসতো।

রঙ্গলাল। তার পর তোমার জিজ্ঞাসা কর'লে ব'লতে, —“এই এদিকে একটু বেড়িয়ে এলোম”, সেও ব'লতো, “এই ওদিকে একটু বেড়িয়ে এলোম।” পরস্পর কেউ কারে কিছু ভাঙ্গতে না।

নিরঞ্জন। তুই খুব বিদান, আমি শুনেছি,—কিন্তু তোর এমন যে হাতগোণা বিদ্যা আছে, তা আমি জানতেম না। দ্যাখ, এখন আমার মনে প'ড়ছে, আমিও যেমন কখন বেকই কখন বেকই কর'তাম, ও-ও তেমন কখন বেকই কখন বেকই কর'তো। আর আমিও বেধানে মাধুরীর

সঙ্গে দেখা ক'রতে যেতেন, ও-ও বোধ হয়, তার কাছাকাছি কোথায় যেতো। হ'—ঠিক!—বোধহয়, সেই বাড়ীতেই কার সঙ্গে দেখা ক'রতো;—হ্যাঁ হ্যাঁ মনে হ'চ্ছে—ঐ-ই বটে। একদিন গুপ্তদ্বার দিয়ে বেরুতে দেখেছি,—অন্ধকারে আমি ভাল ক'রে ঠাওরতে পারি নাই। আর মাঝে মাঝে ঐ পথে দেখা হ'তো। আমি ওরে দেখেও দেখতেন না, পাশ কাটিয়ে চ'লে যেতেন।

রঙ্গলাল। তুমি একা পাশ কাটাতে না, ও-ও পাশ কাটিয়ে স'রতো। তুমিও যেমন দেখেও দেখতেন না, ও-ও তেমন দেখেও দেখতেন না। এবার ঠিক ধ'রেছি, পীরিতে প'ড়েছে।

নিরঞ্জন। আচ্ছা, তুইও কেন পীরিতে পড়' না,—তুই একা কেন ক'কে পড়িস'?

রঙ্গলাল। রসো, প্রেমতীর্থ রাজসাহী একবার ভ্রমণ ক'রে আসি। রাজসাহী তো নয়—বোধহয় ঐখানে প্রমীলার পুরী ছিল; দেখ'ছি—প্রেমের বাগান; ছ-ছটো বয়সকে প্রেমে জর-জর ক'রে ছেড়ে দিয়েছে।

নিরঞ্জন। নে, তুই-ও একটা দে'খে শুনে পীরিতে পড়'।

রঙ্গলাল। ও দে'খে শুনে কি আর পড়ে? পড়'বো যখন—হুমড়ি খেয়ে পড়'বো।

নিরঞ্জন। আচ্ছা, তুই বে' ক'র'বি নে?

রঙ্গলাল। বে' ক'র'বো না বল'বো, যখন মেয়েমানুষ-বংশ নির্কণ্ঠ হ'বে, কিংবা যখন কণ্ঠস্থ হ'বে। নইলে তোমাদের মতন ভাল ঠুকে পালোয়ানী ক'রে বেড়াতে বেড়াতে কার কুঞ্জে গিয়ে সে'বু'বো, হা-ছত্যাশ দীর্ঘশ্বাস ফেলতে থাক'বো, আর সরল প্রাণে তিন পাক দে গাঁট দেবো।

নিরঞ্জন। সে কি, প্রেমে নতুন জীবন হয়, তা জানিস'? সে দিন গান গাইলে শুন্লি নি,—“পীরিতে গজায় নতুন প্রাণ।”

রঙ্গলাল। পুরণো প্রাণে এখনও একটু দরদ আছে, প্রেমের শুট'কো চারা সখের জন্মবাগানে পুরতে চাই নি।

নিরঞ্জন। প্রেম শুট'কো? কে তোরে বিদ্বান বলে? তুই বুধ'। প্রেমে প্রাণ উদার করে, তা জানিস'?

রঙ্গলাল। এই যেমন উদার প্রাণ তোমরা হ'জনে হ'রেছ। বাবা, আমি ঢের দেখেছি, বেই একটা মগী কুট'লো, অমনি লুকোচুরী আরম্ভ হ'লো, বন্ধুকের গরার

অমনি পিণ্ডি প'ড়'লো, মনের দ্বারে অমনি বিধুমুখী চাবী দিলেন! আপনা হ'তেই বোঝ, না। এক আত্মা, এক প্রাণ—তুই বন্ধুতে শীকারে গেলে, তার পর বিধুমুখীদের পাল্লায় প'ড়ে মনের দোরে আগড় দিয়ে জুড়ো হ'য়ে এলে, প্রেমের কথা কেউ কারেও ভাঙ্গ'লে না।

নিরঞ্জন। আমি যে ভাই, কুটেগিরি ক'রে ভাস্‌নি, তা নয়, আমি ওরে ভয় ক'রতুম্। ওর বড় পট'পটানি, জানিস' হো, মেয়েমানুষের মুখ দেখতে নাই বল'তো; কি জানি, উপদেশের লম্বা এক ছড়া মাউড়ে দেবে, তাই বলি নাই।

রঙ্গলাল। ও-ও, উপদেশের ভয়ে তোমায় ভাঙ্গে নাই, তা জেনো। তুমিও কি কম পালোয়ানী ক'রতে, তুমিও যে কতবার বল'তে, “মেয়েমানুষের ছায়া মাড়াতে নাই!” তোমারই মুখে শুনেছি, “মেয়েমানুষের পাল্লায় প'ড়ে দশরথ রামকে বনে দিলেন, কৃষ্ণ গয়লার ভাত খেয়ে বাঁশী বাজানেন—তার পর বিধুবদনীদেব পায়ে ধ'রে আমানী কোঁমানী কাঁদলেন।”

নিরঞ্জন। ভাখ' ভাখ', পুরঞ্জন আমাদের দে'খে স'রে যাচ্ছে, আজ ওরে চাপাচাপি ক'রে ধ'রতে হ'বে। দেখতে পেয়েছি হে—দেখতে পেয়েছি, পালাচ্ছ কোথায়?

(পুরঞ্জনের প্রবেশ)

পুরঞ্জন। এঁা—তোমরা হেথায়?

রঙ্গলাল। আমি ভাই পালাবো পালাবো ক'র'ছিলুম, ভাব'ছিলুম,—কোন নদীর ধারে গিয়ে দীর্ঘনিশ্বাস ফেল'বো, কিন্তু নিরঞ্জন ছাড়ে না, ও ওর প্রেমের কথা বল'ছে।

পুরঞ্জন। কেন, নদীর ধারে দীর্ঘনিশ্বাস ফেল'বে কেন?

রঙ্গলাল। কেন? রাজসাহী যে তোমাদের একচেটে ইজারা তা তো নয়, আমিও শীকার ক'রতে গিয়েছিলাম। তোমাদের মতন আমারও এক জমীদারের বাড়ীতে হোরির নিমন্ত্রণ হয়। সেইখানে হোরি খেলতে খেলতে বাগানে তোমাদেরই মতন এক নাগরীর সঙ্গে দেখা; তার কি রূপ! কি গুণ! চকোর খেতে মুখে চাঁদ এসে না'ব'ছে, মৃণালের মত সরু সরু কাঁটাওয়ালা ছই জুজ, হাত হ'খানি সহস্রদল পদ্ম ফুটে র'য়েছে, আর পদ্মপাতার মতন ঘোরালো ছই চক্ষু—তাতে আরক্ত আভা, সখা যেন ছাগল কেটে রক্ত দিয়েছে! কণ্ঠকণ্ঠী বাবা পোঁ পোঁ মধুর ধ্বনিতে যেন

রতি ক'রতে লাগলেন। আমি অমনি অনিমিষ-নয়নে লুই তেলাকুচা অধরে কোকিলের মত শাঁস খাবার জন্তে বীর হ'লম;—এখন সেই তেলাকুচা অধর শাঁসের বিরহে আমার কোকিল-প্রাণ নিরিবিলা কোন নির্জন কুঞ্জে-কু-ক'রবে—ভাবছে।

পুরজন। তুই নেহাত বেল্লিক, কে বলে তুই লেখা-পড়া শিখেছিলি?—কবির। মৃগাল-ভুজ, কষুকী, বিধাধর, করকমল, মুখচন্দ্র ব'লে বর্ণনা করে, তাই তোর ঠাট্টা হ'চ্ছে, তুই নেহাত বেরসিক।

রঙ্গলাল। বাস—রাজসাহী বেড়িয়ে এলেম, আবার বেরসিক! প্রাণে কবিতার লহরী খেলছে!—

ভ্রমণ করিহু সখা রাজসাহী বিমল আকাশে,
পুতান কেশজাল তার ছিল জাগিয়া বসিয়ে,
লক্ষ দিয়া ধরিল আমার—সুপ্রবীণ সে নাগরী,
মার, হৃদয়ে কৈল বিদ্যাংগর্জন।

নিরজন। আঃ, চূপ কর। পুরজন, তোমার কি হ'য়েছে?

পুরজন। সে কি হে, কি হবে?

নিরজন। কেন ভাই, আমাদের কাছে গোপন কর কেন? তুমি বল, আমার মনে বড় কষ্ট হ'য়েছে। এই জিজ্ঞাসা কর, রঙ্গলালকে আমি এই কথা ব'লছিলাম। হু'দিন বাড়ীতে থাকতে পারলে না, আমার কাছে ছুটে এলে। কিন্তু আমি যখন পরিচয় দিলেম যে, রাজা উদয়নারায়ণের কস্তার সঙ্গে আমার সখ্য হ'য়েছে, তুমি বেন কি রকম হ'য়ে গেলে। এ বিবাহে কি তোমার অমত?

পুরজন। না না, তুমি তারে ভালবাস, সে যদি তোমায় ভালবাসে, তা হ'লে আমার অমত ঠাওরাও কেন?

নিরজন। তোমায় তো ব'লেছি, সে ভালবাসে কি না জানিনে, কিন্তু আমি তারে যেদিন অবধি দেখেছি, সেদিন হ'তে তারে আমি ভুলি নাই। কিন্তু বল, যদি তোমার অমত হয়, আমি প্রাণ ছিঁড়ে কেলে দেব, তোমার অমতে আমি কোন কার্যই ক'রবো না, এ তুমি নিশ্চয় জেনো। পুরজন, আমি ভুলি নাই, যে জিনিষ তোমার মিষ্ট লাগতো, সেই জিনিষ তুমি আমার দেবার জন্য তুলে রাখতে; আমি পড়া বুঝতে পারতাম না, তুমি আমার শিক্ষা দিতে; তোমার শিক্ষায় আমি অল্পবিত্ত্য দেশবিখ্যাত। বাল্যকালে আমার প্রাণই উৎকট পীড়া হ'তো, তুমি জীবন উপেক্ষা ক'রে আমার শুশ্রূষা

ক'রতে। তুমি তোমার বাবাকে ছেড়ে বিদেশে আমার কাছে থাকতে ভালবাস। তুমি বল, এ বিবাহে কি তুমি অসম্মত?

পুরজন। না না, কেন তুমি এ কথা মনে ক'ছ? তুমি আবার কি ভাববে—আমার শরীর বড় অস্থির—কে জানে, কেন এমন হ'য়েছে;—আমার অমত নয়—আমার অমত নয়!—আমি ভাই চ'লুম, কতকগুলো পত্রের জবাব দিই নাই, জবাবগুলো দিতে হবে, আমি চ'লুম।

[পুরজনের প্রস্থান।

নিরজন। কেমন হ'য়েছে দেখলি?

রঙ্গলাল। আচ্ছা ব'লছি। তোমরা দু'জন রাজসাহী গেলে, তুমি ডাল মুইয়ে ধ'রলে, রূপসী ফুল পেড়ে নিলেন, তার পর উদয়নারায়ণ তোমাদের বাড়ীতে নিমন্ত্রণ ক'রে নিয়ে গেল, সেদিন হোরি, তোমরা দু'জন রইলে, তারপর?—

নিরজন। তার পর তো ব'লেছি ভাঙ খেয়ে গারে ফাগ দেওয়া-দেয়ি ক'রলেম, তার পর নেশার ঝোঁকে অন্দরমহলের উপবনে গিয়ে পড়ি, দেখলেম, ওড়নাতে ফাগ নিয়ে, ফাগে সর্ক-শরীর লাল, একটা যুবতা দাঁড়িয়ে।

রঙ্গলাল। তিনি সেই রূপসী, যিনি—তুমি ডাল মুইয়ে ধ'রেছিলে, তিনি ফুল পেড়ে নিয়েছিলেন। তার পর?—

নিরজন। আমি সম্মানের সহিত তার গায়ে ফাগ দিলেম যুবতীও হেসে আমার গায়ে ফাগ দিলে। এমন সময় কে একজন 'মাধুরী' 'মাধুরী' ব'লে ডাকলে, সে অমনি চ'লে গেল।

রঙ্গলাল। তাইতে বুঝলে, যুবতীর নাম মাধুরী?

নিরজন। হ্যাঁ, তার পর অমৃসন্ধানে জান্লেম, মাধুরী উদয়নারায়ণের একমাত্র কস্তা।

রঙ্গলাল। মাধুরী উদয়নারায়ণের একমাত্র কস্তা হ'তে পারে, কিন্তু তুমি যারে দেখেছ, তার নাম মাধুরী কিনা, ঠিক জান? সে যুবতী মাধুরীর কোন সখীও তো হ'তে পারে?

নিরজন। না না, আমি যারে দেখেছি, সেই মাধুরী। তার পরিচ্ছদ, চাল-চলন সব রাজকুমারীর জায়। উদয়নারায়ণের একটা বই কস্তা নয়। তবে সে যদি মাধুরী না হয়, তবে অমন সুন্দরী, সুবেশা রমণী উদয়নারায়ণের অন্তঃপুরে আর কে হবে?

রঙ্গলাল। বুঝলেম, তোমায় রোগ এইখানে ধ'রলো। তার পর একটু স্বরণ করো,—তুমি যখন নেশার ঝেতে হোরি

খেলাতে লেগে গেলে, তখন বোধ হয়, বুদ্ধিমান পুরুষনও হারি যুদ্ধে মেতেছিলেন?

নিরঞ্জন। না, সেদিন যে ও কোথায় ছিল, তা আমি জানি নে। সে রাত্রে দেখাও হয় নাই। পরদিন প্রাতে শুন্লেম, বড় নেশা হ'য়েছিল, রাজবাড়ীতেই ছিল।

রঙ্গলাল। দেখ, তুমি ঠিক জেনো, ঐ বাড়ীতে তিনিও কোথায় হোরি খেলেছেন।

নিরঞ্জন। তার পর?

রঙ্গলাল। কালসাপ বুকে কামড়ে দিয়েছে আর কি।

নিরঞ্জন। তোর সাক্ষাতে কোন কথা ভেঙ্গেছে না কি?

রঙ্গলাল। ও ভাঙ্গবার কথা নয়। এমন ছদ্মবন্ধু অতি বিরল, যিনি প্রেমের কথা ভাঙ্গেন!

নিরঞ্জন। তোর কি ঠিক বোধ হয়, কারও প্রেমে প'ড়েছে? তা যদি হয়, আমি সে কথা বার ক'রে নিচ্ছি।

রঙ্গলাল। সে ব'লবে না।

নিরঞ্জন। কি, আমায় ব'লবে না? আমার সঙ্গে কপটতা ক'রলে তার সামনে আমি বুকে ছুরি দেব না? আমায় বিমর্ষ দেখলে সে অধীর হয়, তা তো তুই জানিস!

রঙ্গলাল। আচ্ছা, মনে কর, যদি সেই মাধুরীই ওর গায়ে ফাগ দিয়ে থাকে, অমনি ক'রে হেসে চ'লে গিয়ে থাকে?—

নিরঞ্জন। সে কি? তাও কি হয়?

রঙ্গলাল। হবার তো বিশেষ আপত্তি দেখছি নে। বোধ, আনন্দ ক'রে দেশ থেকে তোর বাড়ী এলো, বে'র কথা শুনে আনন্দ ক'রলে—তার পর সেই শুন্লে, উদয়-নারায়ণের মেয়ের সঙ্গে তোর বিয়ে হবে, অমনি মাথা ধ'রলো, ক'কে ক'কে বেড়ায়, তোর সঙ্গে দেখা করে না। এদিকে রাজসাহীতে তুমিও যেদিকে মাধুরীকে খুঁজতে, সে দিকে তার দেখা পেতে, আর চক্ষের উপর দেখলেম, কথা শুন্তে পারলে না, মুখ কেমন হয়ে গেল, শরীর অস্থখ, বাড়ীতে চিঠি লেখার ধুম প'ড়লো, এদিকে যাচ্ছিলেন নদীর ধারে।

নিরঞ্জন। অ'্যা অ'্যা! তোর কথা আমার সত্যি বোধ হ'চ্ছে। তা হ'লে কি হ'বে?

রঙ্গলাল। হবে আর কি, যখন এক সর্বনাশী এনে মাঝখানে জুটেছেন, তখন বন্ধুবিচ্ছেদ, মনঃকষ্ট, এই আর

কি! শেষ তুমি ঘরের ছেলে ঘরে থাকবে, ও ঘরের ছেলে ঘরে চ'লে যাবে। মুখ-দেখা-দেখিটি পর্য্যন্তও থাকবে না,—আর ছুরি-ছোরাও যদি চ'লে যায়, তাতেও আমি আশ্চর্য্য হবে না। ইস্, তোমার ভাব ঘোরাল হ'য়ে আসছে দেখছি। একটা কিছু কেলেকার বাধাও!

নিরঞ্জন। তুমি ওকে একটা কথা জিজ্ঞাসা ক'রতে পার?

রঙ্গলাল। ধর'—ক'রলুম। আর ধ'রে নাও, সে সব মনের কথা খুলে ব'ললে। জানা গেল যে, ঐ মাধুরীই তার বুকে ছুরি মেরেছে।

নিরঞ্জন। তা যদি সত্য হয়, আমি মাধুরীকে চাইনে, ওর সঙ্গেই বে' দেবার চেষ্টা পাব। মাধুরী যেমন সুন্দরী, তার যোগ্য আমি নই, পুরুষনই তার যোগ্য।

রঙ্গলাল। বিবাহ ত দেবে—তার পর বনগমন ক'রবে বাসনা ক'ছ? তোমার উঁচু প্রাণ, লম্বা-চওড়া ঝাড়ু হ'বে বটে, আর যে ক'রবে, তাও আমি বিশ্বাস করি, কিন্তু তার পর ঘরে টেক্তে পারবে না চাঁদ, প্রাণ হ'ত ক'রবে! আর যদি সত্যি পীরিতে প'ড়ে থাক, সে ছিনে জেঁক—ছাড়বে না। ভুলবো মনে ক'রলেই মানুষ যদি ভুলতে পারতো, তা হ'লে জনিয়ার মেয়েমাছের গোলামস্ত কেউ ক'রতো না, এই তোরে পাকা ব'ললুম। ও প্রেম—কাঁটালের আটা, এখনও এমন তেল বেরায় নি, যাতে ও আটা ছাড়ায়।

নিরঞ্জন। হ'!

রঙ্গলাল। এই দেখ না, এখন হ'তেই “হম-হাম” আরম্ভ। একটা কথা শুন্বে?

নিরঞ্জন। কি?

রঙ্গলাল। যদি এক রূপসী উভয়ের প্রাণ হ'রে থাকেন, তবে উভয়েই প্রেমে ইন্তোফা দাও। অমন দোনাড়া ধনী কেউ ঘরে এন না।

নিরঞ্জন। তুমি ঠিক বল, জীবন সমস্তাপূর্ণ!—আমার জীবনে এই প্রথম সমস্ত।

[উভয়ের প্রস্থান।]

তৃতীয় গর্ভাঙ্ক

উত্তানসংলগ্ন নদীতীরস্থ পথ

পুরঞ্জন ও নিরঞ্জন।

নিরঞ্জন। হেরিয়ে তোমায় মম উদ্বাহ-সময়,
হ'য়েছিল কি আনন্দে পূর্ণিত হৃদয়—
কথায় কি কব—
বুঝ তুমি আপনার মনে।
কিন্তু হরিষে বিষাদ,
বিবাহের সাধ
আর মম নাহি পুরঞ্জন!
হেরি তব দিবানিশি গলিন বদন,
দীর্ঘাশ ঘন ঘন;
তব প্রফুল্ল নয়নে
নাহি সে আনন্দ-ছবি।
প্রাণ সম মাধুরী আমার।
কিন্তু হেরি তোমার এ দশা,
প্রেমের পিপাসা নহে আর বলবতী।
যারে করি ধ্যান, ধরা মম স্বর্গ হ'তো জ্ঞান,
সে ছবি বিষাদপূর্ণ আজি।
বিস্ময় তোমারে সখা হেরি
মাধুরীর নাহি সে মাধুরী,
বল ভাই, এ ভাব কি হেতু তব?
এ জীবনে প্রিয় বস্তু যা আছে আমার,
সকলি অসার,
এ দশা তোমার আর সহিতে না পারি।
মনোভাব কি হেতু গোপন কর?
জান তুমি, যদি তব হয় প্রয়োজন,
এ জীবন বিসর্জন দিব অনায়াসে।
বল বল, কেন তব হেন দশা?

পুরঞ্জন। তুমি চির-আনন্দ আমার,
ছই দেহ, তুমি আমি এক প্রাণ।

নিরঞ্জন। তবে কেন দীর্ঘাশ প্রকাশে হতাশ?
তবে কেন সজল নয়ন,
অবিশ্বাস কি হেতু আমার,

মনের কপাট নাহি খোল?
যেবা প্রয়োজন,
বিষাদের যে হয় কারণ,
করি জীবন অর্পণ
মোচন করিব তাহা।
কপটতা ক'রো না আমার মনে!

পুরঞ্জন। কেন হে বিষাদপূর্ণ করিব তোমায়?
যে পীড়ার নাহিক উপায়,
শুনি তব বেদনা বাড়িবে,
উপায় না হবে;
জানালে বাড়িবে আলা না হবে নির্দাশ।

নিরঞ্জন। সন্দেহ কি জন্মেছে হে বন্ধুত্বে আমার,
যেই হেতু যত্নে কর হৃদয় গোপন?
পর কি হ'য়েছি এতদিনে?
খেলিতাম বালক যখন,
হ'লে কোন বিষাদ-কারণ,
ছুটিয়া আসিয়ে,
গলা ধ'রে কহিতে আমারে;—
তবে কি হেতু এ কপটতা আজি?
ভেবেছ কি মনে,
বাল্যবন্ধু তব ভুলিয়াছে পূর্ব ভালবাসা?
বাল্যক্রীড়া, আমোদ-প্রমোদ,
জীবন উৎসর্গ পরস্পরে,
আজি কি হে তার ভাবান্তর?
প্রাণান্তরে সম্ভব তো নয়!
হেন কুটিলতা কি হেতু জন্মিল তব মনে?
দেখেছ কি কভু মম কুটিল আচার?
কুটিলতা করি—হেন হয় যদি মনে,
তীক্ষ্ণ চুরিকায়
অস্ত্রের অভ্যস্তর দেখাব তোমায়!
বিচ্ছেদ-আশঙ্কা মম বাজ সম বাজে।
তোমা বিনা কে আছে আমার?

পুরঞ্জন। হ'য়েছে হৃদয়ে তব প্রেমের সঞ্চার।
মাধুরী তোমার করিমাছে
প্রেমে প্রতিদান।
কেন প্রাণ করিবে অশান

শুনিয়ে হৃদয়-ব্যথা মম ?

নিরঞ্জন। বল, নহে বুঝে যাই

বন্ধু-বিচ্ছেদ এতদিনে।

ভাই ভাই, আশ্বস্তা করিবে আমার ?

পুরঞ্জন। না জান না জান সখা,

কিবা অস্ত্র ধরি এ জিহ্বায়,

ছিদ্র প্রাণ হবে এক ঘায়।

কর সংবরণ,—জেনো না কারণ,

উদ্ভাসিত দীপক অনল

ক'রো না হে অহুরোধ।

ভস্ম হবে,

ভস্ম হবে হৃদয় গরলে।

নিরঞ্জন। চাহ যদি দোষেতে মরণ—

করহ গোপন,

নহে জানাও বেদনা তব !

পুরঞ্জন। ভাই, বিষম সঙ্কট !

নিরঞ্জন। হাঁ রত্নলাল, সত্য তব অহুমান !

নিদারুণ প্রেমের' মমতা,

বুঝেও না বুঝে মন !

খুলিয়াছে মমতার আবরণ।

পুরঞ্জন। কি—কি ?

নিরঞ্জন। পুরঞ্জন, প্রবঞ্চনা ক'রো না আমার মনে,

বুঝিয়াছি কি পীড়া তোমার।

করো না গোপন,

বান্ধব তোমার আমি,

মুগ্ধ তুমি মাধুরীর প্রেমে—

সে তোমার প্রেমে বাঁধা।

দিও না হে মনে স্থান

হেন হীন প্রাণ বন্ধুর তোমার—

বিচ্ছেদ ঘটিবে তোমা মনে

সামান্য নারীর তরে !

শপথ তোমার,

ভব প্রণয়িনী আজি হ'তে আমার ভগিনী,

বান্ধব-রমণী আদরিণী।

তুমি যোগ্য তার !—

মিলন হেরিয়ে আমি জুড়াব জীবন।

পুরঞ্জন। এ কি এ কি, নিরঞ্জন !

কেন দাও আশ্ব-বিসর্জন ?

ভালবাস তুমি তারে,

সে বিনা হইবে তব জীবন শ্মশান।

বন্ধু হ'য়ে বুকে ছুরি হানিব তোমার !

ছি ছি, ব্যথা আর দিও না আমার।

সত্য ভালবাসি তারে,

ভুলে যাব দিন ছই পরে।

কিন্তু যদি ভুলিতে না পারি,

এলো গেলো কিবা তাহে।

তোমা হেতু জীবন অর্পণ

ভার নহে জান তুমি !

ভাল বাস তারে,—

যদি না হয় মিলন,

তিলক হবে সংসার তোমার।

নিরঞ্জন। রূপ-মোহে মুগ্ধ মন ;

প্রণয়ে আবদ্ধ নহি তোমা মন !

পুরঞ্জন। ভাল নাহি বাসি তারে ?

উদ্ধাহের কথা মোরে কহিলে স্বখন,

অস্তরের প্রেম তব দেখেছি নয়নে,

শুনিয়াছি বচনে সে প্রেমের উচ্ছ্বাস,

ছিলে তুমি আনন্দে বিভোর।

আজি হের দর্পণে বদন,

নাহি সে আনন্দ-ভাব—

অস্তর-মালিন্য দেয় পরিচয় মুখে।

করি তারে তাজিবারে পণ,

রত্নহীন করো না জীবন।

তব স্রুথের জীবনে হৃৎস্রবের কারণ

কি হেতু করিতে চাহ স্রুহুদে তোমার ?

দেহ বিদায় আমার,

দেশে যাই চলে,—

দিন হু'য়ে যাব সব ভুলে।

নিরঞ্জন। দ্বিচারিণী পত্নী কি করিবে মোরে দান ?

এই কি হে বন্ধু তোমার ?

তোমার রতন করিব গ্রহণ,

বন্ধুর কি এই উপহার ?

পূরজন। কেন, কিণে দ্বিচারিণী ?

হয় নাই উষাহ আমার সনে ।

নিরঞ্জন। কহ সত্য,

লুকায়ে রেখ না কথা,

দৌড়ে দৌড়া প্রেমে বাঁধা বুঝেছি নিশ্চিত ।

পূরজন। শুন তবে স্বরূপ ঘটনা ।

হোরি-খেলা হয় যেই দিন,

নর্তকী জনেক,

ল'য়ে গেল মাধুরী-সদন ।

সেথা পরম্পর হ'লো বাক্যালাপ ।

কিন্তু বাসে বা না বাসে ভাল,

স্থির আমি না জানি অস্ত্রাপি ।

ব'লোছিল বাসি ভাল,

কিন্তু বিদায়ের দিনে

দুঢ়পণে ক'হিল আমায়—

তোমারে বাসি না ভাল ।

শপথ তোমার—

সন্দেহের ছায়া প'ড়ে র'য়েছে হৃদয়ে ।

নিরঞ্জন। যাইতে কি নিত্য তার পাশে ?

বিদায়ের কালে—

পুন আসিবারে অল্পরোধ করিত রূপসী ?

পূরজন। হাঁ, কিন্তু কে বোঝে নারীর মন !

নিরঞ্জন। কারে কহ ভালবাসা ?

পূর্ব্বরাগে হয় সত্য সন্দেহ-সঞ্চার,

মনে হয় বাসে বা না বাসে ভাল ।

কিন্তু তুমি বুঝ লক্ষণ,

অবহেলি কলঙ্কের ডর,

গোপনে আনিত নিত্য নিরঞ্জন আলয় ।

কেন ? কিবা অভিপ্রায় ?

নহে কি এ প্রেমের লক্ষণ ?

পূরজন। তুমি কিন্তু ব'লেছ আমার,

দাঁড়াইত তব প্রতীকায় ।

নিরঞ্জন। ভ্রম মম,

প্রতীকায় থাকিত তোমার ।

কর অঙ্গীকার গ্রহণ করিবে তারে ।

নহে শুন স্বরূপবচন,

শেষ দেখা তোমায় আমার আজি ।

পূরজন। কহ বাহা সম্ভব কিরূপে ?

তব কুল-প্রথামত,

কণ্ঠা ল'য়ে আসে রাজা উদয়নারায়ণ ।

সম্বন্ধ তোমার সনে,

মোরে কেন করিবে অর্পণ ?

লোকে কিবা কবে,

দেশে দশে কুরব রটিবে,

এ ঘটনা কিরূপে সম্ভব ?

বিশেষত জানিনি নিশ্চয়,

নহে তব প্রেম-পিপাসিনী ।

ক্ৰীড়াচ্ছলে হয় তো বা ডাকিত আমার,

অসম্ভব নয়, বালিকা সে নির্মল-হৃদয়,

বোঝে নাই পরিণাম ।

নিরঞ্জন। বিশ্বাস যতপি তব থাকে মম ভাষে,

যত্নগা সম্মো না আর ।

প্রেমাধিনী সে রমণী তব ।

মনে মনে বুঝ নিজ মন,

সরল অন্তর নাহি করে কপটতা ।

পূরজন। কহ ভাই, কিরূপে প্রবেশ দিব মনে,

ছিন্ন করি তোমার হৃদয় ?

নিরঞ্জন। মম মমতায় বর্ত্তব্যে না হও পরাধুখ,

ভাসায়ো না অকুলে বালায় ।

মন-প্রাণ অর্পেছে তোমায়,

বরি মোরে হবে দ্বিচারিণী ।

আমিও বা কিরূপে তাহারে লব গৃহে ?

তুমি যদি কর পরিহার,

কি উপায় আছে তার আর !

হিন্দু-নারী অকুলে ভাসিবে,

নহে ধর্ম্ম নষ্ট হবে ।

জেনে শুনে হেন আচরণ

উপযুক্ত নহে তব ।

পূরজন। সত্য যদি হয় এসকল,

ভাল যদি বাসে সে আমার,

সম্মত কথায় তব আমি ।

কিন্তু মম সনে বিবাহ তাহার
কেমনে হইবে ?

নিরঞ্জন। আমি তার করিব উপায়।

পুরঞ্জন। কি উপায় ?

পিতারে তোমার কহিবে এ বিবরণ ?

নিরঞ্জন। ক্ষতি কিবা ?

পুরঞ্জন। না না—

কলঙ্ক রটিবে তার ভুবন ভরিয়া।
গোপনে সে ল'য়ে যেত নির্জন আবাসে,
লোকে শুনে কি বলিবে ?
একে আছে কলঙ্ক মাতার তার,
তার পর এ ঘটনা হইলে প্রচার,
বেশ্যাসুতা—বেশ্যাদিক কহিবে সকলে।
সে যদি না জানাত বারতা,
তনুভ্যাগে একথা না কহিতাম কারে।
মিনতি তোমায়,
জানাইও না জনকে তোমার।

নিরঞ্জন। মাধুরীর কলঙ্কে তোমার ডর !

আশঙ্কায় প্রকাশে হৃদয়-অনুরাগ,
ভালবেসে বুঝিয়াছি অত্যন্ত প্রেমের।
রহ নিশ্চিন্ত হৃদয়,
আমি করিব উপায়,
এস ভাই,
সখারে করহ আলিঙ্গন।

[উভয়ের প্রস্থান।]

চতুর্থ গর্ভাঙ্ক

শিবিরান্তান্তর

মাধুরী।

(মাধুরীর গীত)

কেন হে দিনমণি,—

যেও না কলঙ্ক ঘোরে ফেলিয়ে বীনা রমণী !
সহ তম-সহচরী, আসে নিশা নিশাচরী,
যেও না ভিষিক-অগ্নি, আঁধার করি ধরনী।

ছায়া হেরি ধরা'পরে, ছায়া ঢাকিবে অন্ধরে,
হরি জনমের তরে সুতীর্থ হৃদয়মণি !
পরি পুন হেমভূষা, প্রকৃতি হাসাবে উবা,
রহিবে অস্থিরে নিশা সহ অনুতাপ-কণী।

মাধুরী। এই তো সূর্য্য অস্ত যাচ্ছে, রাত্রি এলো
আমারও বলিদানের সময় হ'ল। যে দিন গেল, আর ফিরে
না, সে ছেলে-খেলা ফিরবে না, সে চঞ্চলতা ফিরবে না, সে
মনের সরলতা ফিরবে না ! দিনদেব, আজ তোমার সঙ্গে
সব অস্ত গেল ! আজ নির্মলা দেখেছি, কাল প্রাতে হে
যখন উদয় হবে, দেখবে—আমি আর সে নির্মলা বালিক
নাই,—পরে স্পর্শ ক'রেছে, পরের গলায় মালা দিয়েছি, আর
সে সরল অপকট হৃদয় ফিরে পাব না, আর মনের কথা কেউ
জানবে না। সন্ধ্যার ছায়া যেমন তোমায় ঢাকছে, কলঙ্কে
ছায়া আমার অন্তঃকরণ আবরণ ক'রে। আত্মহত্যা মহাপাপ
কেন ? কোথায় যাব ? পিঙ্গরের পাখী কোথায় পালাবে
দিনদেব ! শুনেছি, তুমি রূপের আকর, আমার কুরুপা ক'র
স্বর্ণা ক'রে যেন কেউ আমার স্পর্শ না করে। কি হবে ?
আমায় রক্ষা ক'রবে ? শেষে কি দ্বিচারিণী হ'লেম !

(উদয়নারায়ণের প্রবেশ)

উদয়। হাঁরে, ললিতার অন্তঃস্থ হ'য়েছে শুনে, তা
জন্তে বজরা রেখে এসেছিলাম। তার প্রাতে আসবা
কথা, কিন্তু পরিচারিকারা তারে খুঁজে পায় নাই। শুধি
ঠাকুরবাড়ীর দোর খুলে কোথায় চ'লে গেছে।

মাধুরী। চ'লে গেছে, কোথায় চ'লে যাবে ?—
চ'লে যাবার স্থান কোথায় আছে, আমি তাই ভাবছি
কোথায় লুকিয়ে আছে। বোধ হয়, অপমানের ভ
রাজমহলে এলো না।

উদয়। তোরে কি কিছু বলেছে ?

মাধুরী। না, কিছু তো বলে নাই।

উদয়। বা হবার হ'য়েছে, আজকের কথা নয়
ভাবিসনে, সে কোথায় লুকিয়ে আছে। (সখীগণের প্রতি
ওগো বাছারা, কি সব ক'রতে হয়—কর : ক'নে সাজি
গুজিরে সব ঠিক ক'রে রাখ।

[উদয়নারায়ণের প্রস্থান]

মাধুরী। চ'লে গেছে ? চ'লে যাবার স্থান আছে ? রা

এলো, সব ছায়াময় দেখছি—ছায়ার সংসার দেখছি—বিপুল
হায়া আমার হৃদয়ে পড়েছে ।

(সখীগণের প্রবেশ)

সখীগণ ।— (গীত)

নাই তো তেমন বনে কুহুম মন-যেমন ফোটে ফুল !

মধুগন্ধে ধরে ধরে আপুনি মুকুল হয় আকুল ।

সোহাগের চাঁদের কিরণ খেলে এ ফুলে,

ফুলে ক'লে অজানা তান হানি মুখ তুলে,

মধু উড়লে যবে, মাতে ফুল আপন সৌরভে,

আলোক-বতায় মালা গাথা বিকিয়ে গিয়ে চায় না মূল ।

[সকলের প্রস্থান ।

পঞ্চম গভাঙ্ক

বন্যস্থান—অদূরে শিবির

নিরঞ্জন ও ললিতা ।

নিরঞ্জন । ওই দূরে নেহারি শিবির ;

এসেছে মাধুরী,

মরি ব্যাকুল। সুন্দরী,

কত ব্যথা অবলার মনে !

পিতৃপণে মিলন-আশঙ্কা মম সনে ;

কিরাতের জালে বিহঙ্গিনী !

কিন্তু যবে আদরে তাহারে

হৃদয়-পিঞ্জরে

পূরজন করিবে স্থাপন,

সাধ হয় দেখিতে সে স্থখের বয়ান ।

নয়নে নয়নে প্রতিদান,

প্লবক ঝলক সলাজ রক্তিম আভা !

যাই দূরে—

নহে দূতগণে পাবে অন্বেষণ,

ল'য়ে যাবে পিতার সদন ।

বাক্যদত্তা,—অহরোধ না মানিবে পিতা, —

মাধুরীর সনে বন্ধ হব উদাহবন্ধনে ।

শুকাবে কুহুম !

স্বর্ণকান্তি মৈনাক যেমন—

বিষাদসাগরে নিমগন হবে পূরজন ।

নির্জন এ স্থান,

অগ্নি রাত্রি রহি লুকাইয়ে,

ফিরি প্রাতে বন্ধুরে করিব আলিঙ্গন ।

ললিতা । অনন্ত অনন্ত এই স্থান—

অনন্ত আকাশে ফোটে কত ক্ষুদ্র তারা ।

অনন্ত, অনন্ত সময়—

আদি অন্ত নাহি তার ।

বহিতেছে অনন্ত প্রবাহ ।

অনন্ত প্রবাহে, অনন্ত এ স্থানে—

বুদ্ধবৃদ্ধের মত কত শত ফুটেছে ললিতা,

কেবা রাখে সমাচার,

মিশে গেছে অনন্ত-সময়ে !

দিন দুই জীবন-উত্তাপ,

ফুরায় সকলি, চিহ্ন তার নাহি রহে ।

সময়-প্রবাহে কতশত ললিতা-হৃদয়ে

জলিয়াছে কত তাপ,

নিভে গেছে ক্ষুদ্র হৃদাগারে,

স্মৃতি মাত্র নাহি আর তার ।

নিভিবে এ জ্বালা,

ধরা রবে, রয়েছে যেমন ।

নিরঞ্জন ! মরণে কি হয় স্মৃতিলোপ !

না হয় না হবে, —

জলে যদি জলুক অনল,

জলে কত শত হৃদিমাঝে ।

সহেছে সকলে—সহিবে আমার ;—

না না, আত্মহত্যা মহাপাপ ।

নিরঞ্জন । থাকি লুকাইয়ে—

যতক্ষণ বিবাহ না হয় সমাধান ।

পিতা সনে এসেছে মাধুরী,

পূরজন সনে রাত্রে মিলন হইবে ।

কালি গিয়া করিব দম্পতি-সম্ভাষণ ।

(সহসা ললিতাকে দেখিয়া) এ কি,

তুমি হেথা একাকিনী ?

ললিতা । নিরঞ্জন !

আরো কিছু আছে কি তোমার মনে ?
 বল—কি হ'লে সম্পূর্ণ হয় মনের কামনা ?
 নিরঞ্জন । কেন কেন ? পেয়েছ ত মনের মতন !
 দিয়েছি তো আত্মবিসর্জন,
 নহি আমি পিয়াসী তোমার !
 ললিতা । কতদিন সত্য অমৃতরাগী !
 নিরঞ্জন । কেন ? কি বিষাদে এসেছ এখানে ?
 করিয়ে যতন, মিলায়েছি তব প্রাণধনে ;
 তবে কেন লো বিষন্ন মনে
 বসেছ বিজ্ঞনে ?
 ললিতা । কেন তাই ভাবিয়া না পাই ।
 বুঝি দেখিতে তোমায়,
 কি জানি, না বুঝি আপন মন ।
 বুঝি তোমার কারণে, এসেছি এখানে,
 কে জানে—
 কেন এসেছি হেথায় !
 বুঝিয়াছি, কেন জান ?—
 যেন এ জীবনে
 আর নাহি দেখা হয়
 তোমা সনে,
 নিরঞ্জন নাম, শ্রবণে না শুনি আর,
 যেন স্মৃতিলোপ হয়,
 যেন ভগ্ন হয় নারীর হৃদয় ।
 নিরঞ্জন । কি কি, কেন কর অপরাধী ?
 ললিতা । অপরাধী ! অপরাধী নহ তুমি ।
 কৃষ্ণে কাননে করিলাম কুসুম-চয়ন,
 কৃষ্ণে তোমার সনে দেখা,
 কৃষ্ণে জনম,
 কৃষ্ণে এ জীবন-ধারণ,—
 রমণীর কৃষ্ণে সকলি ।
 নিরঞ্জন । কি, কি বল,—ভালবাস তুমি কি আমায় ?
 ললিতা । কে বলেছে ভালবাসি ?
 ভালবাসা নারীর লাহনা !—
 ভালবেসে কিবা কল ।
 ভালবাসা । কারে বল ভালবাসা ?
 ভালবাসা আছে কি ধরায় ?

হয় কত চোখে চোখে দেখা,
 ভালবাসা সে তো নয় ।
 জান তো সকলি,—
 ভালবাসা—কথা অতি মধুময় ।
 তবে প্রতারণাময় এ ধরায়,
 কথা মাত্র ভাসে, হৃদে না পরশে,
 ভালবাসা—শুনিতে বলিতে হুমধুর ।
 নিরঞ্জন । ধন্য নারী, ধন্য লো চাতুরী,
 নারী হ'তে সকলি সম্ভব !
 হৃদয়-গঠন কুটিল যেমন,
 তেমতি কুটিল ভাষা ।
 ছিঃ ছিঃ ! স্বথ-আশা ক'রে—
 চাহে নারীর প্রণয় ।
 প্রবঞ্চনা ! ভূলায়েছ মজায়েছ মোরে,—
 পেয়েছ যাহারে মনে নাহি ধরে,
 আর কার তরে ব'সে আছ এ নির্জনে ?—
 ফুল উপবনে ভ্রমিতে যেমন—
 মম দরশন-আশে ।
 ললিতা । আরো কিছু করিবে লাহনা ?
 তব করনা প্রসর,
 কথা তব অতি মনোহর,
 শ্রবণ জুড়ায়, হৃদয় জালায় ;—
 শোন শোন নিরঞ্জন,
 তুমি ভুলিবার নয় !
 বহু যত্ন করি,
 ভুলিতে তোমারে নারি !
 কিন্তু যদি আর কত তোমারে নেহারি,
 তীক্ষ্ণ ছুরিকায় উপাড়িব ছ'নয়ন ;
 কথা তব শুনি যদি কত—
 হলাহল ঢালিব শ্রবণে ।
 কিন্তু মন কেমনে করিব নিবারণ,
 কি ঔষধে হয় স্মৃতি-লোপ !

(প্রস্থানোদ্‌যোগ)

নিরঞ্জন । কোথা যাও—কোথা যাও ?
 ললিতা । যাব, যাব ! কোথা যাব ?
 নাহি হেন নির্জন গঙ্গর,

যথা স্মৃতি নাহি রহে সাথে !
অনন্ত আকাশব্যাপী ব্রহ্মাণ্ডমণ্ডলে,
যেতে যদি পারি কোনমতে,
স্মৃতি রবে সাথে ;
হ'লে মন আত্মবিস্মরণ,
তথাপি জাগিবে স্মৃতি ;
স্মৃতিলোপ স্বপ্নে নাহি হয় !
নিরঞ্জন, এই শেষ দেখা—
যাই আমি যথায় দিয়েছ স্থান ।

[ললিতার প্রশ্নান ।

নিরঞ্জন । কোথা গেল ?
এসেছিল ভ্রমণ কারণ,
ফিরিল শিবিরে ।
যাই দূরে—
আমারে কি ভালবাসে ?
ছিল মাত্র ।
দেখা যেই দিন,
সেই দিন হ'তে,
মম প্রাণ ল'য়ে করে খেলা !

[প্রশ্নান ।

ষষ্ঠ গর্ভাঙ্ক

হুসজ্জিত প্রাঙ্গন

উদয়নারায়ণ, সরফরাজ খাঁ ও পারিষদগণ ।

উদয় । (স্বগত) চ'লে গেছে ? না রাজমহলে
দুবে না ব'লে কোথায় লুকিয়ে আছে । চ'লে
ল কি ? তা হ'লে তো অপমানের উপর অপমান ।
টি মেয়ে নিয়ে আমি বড় বিব্রত হ'লেম । কত্তা নয়—
লস্প ।

সরফরাজ খাঁ । আপনার মনে কিছু রনজ্ দেখছি ।

উদয় । না—না ।

সরফরাজ খাঁ । এই যে দুই তস্বীর দেখলেম,
মোর দেল তবু হ'য়ে গেছে । কোনটি আপনার লেডকী,
র কোনটি আপনার দোস্টের লেডকী ?

উদয় । এইটি আমার কত্তার,— আর এইটি
কত্তার ।

সরফরাজ খাঁ । বাঃ বাঃ, দুনো বরাবর ! ছনিয়া চুঁড়ে
নবাবের ঘরে সুন্দরী নিয়ে আসে, পদ্মিনীর কেছা শুনা,
ও বহুত খুবস্বরং ছিল, কিন্তু এ দোনোকার বরাবর নেই !
বাঃ বাঃ বহুত খুবস্বরং !

উদয় । দেখুন, আমার প্রতি নবাবের বড় রূপা,
আমার কত্তার বিবাহে নবাব আপনাকে পাঠিয়েছেন ।
এ কৃতজ্ঞতার কিছু উপহার আমি নবাবকে ছেলাম দিয়ে
জানাব ।

সরফরাজ খাঁ । (হস্তস্থিত ছবি দুইখানি দেখিতে
দেখিতে) বাঃ বাঃ, দোনই খুবস্বরং !

(শালিগ্রামের প্রবেশ)

শালিগ্রাম । মহারাজ, আপনারও সর্বনাশ ক'রেছি,
আমারও সর্বনাশ উপস্থিত ।

উদয় । কি বেয়াই ?—কি হ'য়েছে ?

শালিগ্রাম । বৈবাহিক ব'লে আর আমায় সঘোদন
ক'রবেন না ।

উদয় । কেন—কেন, কি হ'য়েছে ? কোন অমঙ্গল
তো হয় নাই ?

শালিগ্রাম । সম্পূর্ণ অমঙ্গল । আমার পুত্র কোথা
চ'লে গেছে, আমি উদ্দেশ্য পাচ্ছিনে । অকস্মাৎ সে তার
বন্ধুর সঙ্গে আপনার কত্তার বিবাহ দিতে অহুরোধ করে ।
আমি অসম্মত হই । সে আমায় ভয় দেখায়, সে কোথায়
চ'লে যাবে । আমি তারে বন্দী ক'রে রেখেছিলাম, কিন্তু
সে ক্রুরপে পলায়ন করেছে, আমি জানিনে ।

উদয় । শালিগ্রাম ! ঢের হ'য়েছে, আর... ভাল
দেখায় না ! বোধ হয়, তোমার আত্মীয়-স্বজনরা এ
বিবাহে অসম্মত হ'চ্ছে, তাই তুমি এ কৌশল ক'রছো ।
তুমি সকল বৃত্তান্ত জান । আমার বিবাহিতা পত্নীর কত্তা ।
যে কারণে তারে গ্রহণ ক'রতে পারি নাই, তাও তুমি জান ।
শালিগ্রাম, আমি তোমার দেশে বিবাহ দিতে এসেছি,
এই যথেষ্ট হ'য়েছে, আর অপমান ক'রো না । অপমান
দূরে থাক, কুল-গৌরব দূরে থাক, কত্তার গাত্রহরিদ্রা
হ'য়েছে । আজ না বিবাহ হ'লে, পূর্বে ক'রব নরক হ'বে ।
শালিগ্রাম ! তোমায় মিনতি ক'রছি, যোড়হস্ত ক'রছি,

আমার সর্বশ্রম তোমার পুত্রের নামে লিখে দিচ্ছি, আমার পিতৃপুরুষ নরকস্থ ক'রো না। তোমার পুত্র আন, আমি কন্যা সম্প্রদান করি। আমার কন্যাকে ঘরে নিও না, তোমার পুত্রের আবার বিবাহ দিও। আমায় রক্ষা কর! শালিগ্রাম, আমার সর্বনাশ ক'রো না! তুমি আমায় বাল্যবন্ধু, কথার ছলে তোমার সঙ্গে কখনো বিবাদ হয় নাই।

শালিগ্রাম। মহারাজ, বিশ্বাস করুন, আমি ছলনা ক'রছি নে। আমার পুত্র যে কোথায় চলে গেছে, তা আমি জানিনে। দেখুন, আপনার কন্যাকে দেখতে এসে আমি মাতৃ-সম্বোধন ক'রেছি, নচেৎ আমি গ্রহণ ক'রতাম। আপনার জাতিপাত হবে না। পুরজ্ঞান নামে আমার পুত্রের এক বন্ধু আছে—গুণবান, সৎসংজাত, তারে আপনি কন্যা সম্প্রদান করুন।

উদয়। তুমি তোমার পুত্রের বিবাহ দেবে না?

শালিগ্রাম। মহারাজ, ধর্মসাক্ষী ক'রে ব'লছি, আমার কোন দোষ নাই। অব্যাহত সন্তান, সহসা আমায় বল্লো,—“আমি বিবাহ ক'রবো না।”

উদয়। রায়সাহেব, তুমি পত্র লিখেছিলে যে, “আমার কন্যা ব্যতীত তোমার পুত্র অপর কাহারও পাণিগ্রহণ ক'রবে না।” তুমিই পত্র লিখেছিলে, যদি আমার কন্যার বিবাহ না দিই, তা হ'লে তুমি পুত্রহারা হবে। তুমিই পত্র লিখেছিলে,—তোমার পুত্র আর আমার কন্যায় হোরি-খেলা হ'য়েছে। তুমিই পত্র লিখেছিলে যে,—নানাপ্রকার প্রবোধ দিয়ে তোমার পুত্রকে বোঝাতে পার নাই—সে আমার কন্যার একান্ত অছুরাগী। এখন ব'লছ, সে বিবাহ ক'রতে অসম্মত, তুমি সৌজ্ঞবশতঃ তাকে আবদ্ধ ক'রেছিলে। তপাপি সে কোথায় চলে গেল। রায় সাহেব, আমি যদি তোমায় এই সব কথা ব'লতাম, তুমি কি প্রত্যয় ক'রতে?

শালিগ্রাম। মহারাজ, আমি স্বীকার ক'রছি ‘না’—কিন্তু আমি স্বরূপ নিবেদন ক'রেছি।

উদয়। ভাল! তোমার পুত্রের বন্ধু কে?

শালিগ্রাম। সেও আপনার অতিথি হ'য়েছিল, রাজা গোপীনাথের পুত্র। আমা অপেক্ষা সম্মানে রাজা গোপীনাথ উচ্চ।

উদয়। লোককে কি ব'লবো যে, তুমি তোমার পুত্রের বিবাহ দিতে অসম্মত হ'লে, দায়ে প'ড়ে যাবে হয়—আমি বিবাহ দিয়েছি?

শালিগ্রাম। মহারাজ, কি উত্তর ক'রবো!

উদয়। লোককে জানাব, আমার জারজ ছ'হিত, তোমার দ্বারস্থ হ'য়ে তোমার পুত্রের সহিত বিবাহ দিতে পারলেম না। রায় সাহেব, এতটা অপমান করা তোমার কি কর্তব্য? রায় সাহেব, আমি ধর্মনিষ্ঠ। আমি ধর্ম সাক্ষী ক'রে শপথ ক'রছি, আমার বিবাহিতা পত্নীর গর্ভে ঐ তনয়ার জন্ম। আমার স্ত্রী পবিত্রা। আমি লোক-লজ্জার তারে গ্রহণ করি নাই, সেই অভিমানে সে চলে গেছে। তোমার কুলে কোন কলঙ্ক হবে না। তুমিও পূর্ববিবরণ জান। নিশ্চকের কথায় আমায় হীনের হীন করো না! আমি তোমার চরণ ধ'রে মিনতি ক'রছি।

শালিগ্রাম। মহারাজ, কেন আমায় অপরাধী করেন! আমি নিরুপায়! আমি পুনঃ পুনঃ ব'লছি, আমি নিরুপায় আমি কোন প্রকারে পুত্রের সন্ধান পাচ্ছিনে। আমি সভায় প্রকাশ ক'রছি, আমার পুত্রের সহিত আপনাকে কন্যার বিবাহ হ'চ্ছে। আপনি পুরজ্ঞানকে কন্যা দান করুন আপনার কন্যা স্থখী হবে। রাজা গোপীনাথের পুত্রকে কন্যা দান ক'রলে আপনার অসম্মান হবে না।

উদয়। নিতান্তই আমার কন্যা গ্রহণ ক'রবেন না। তবে আর বিলম্ব নয়, আপনার পুত্রের বন্ধু কোথায় তারে ল'য়ে আসুন, এখন মালা বদল ক'রে বিবাহ হোক

শালিগ্রাম। কে আছিস?

(গ্রহরীর প্রবেশ)

গ্রহরী। মহারাজ!

শালিগ্রাম। পুরজ্ঞানকে ডাক।

উদয়। (জৈনিক ভৃত্যের প্রতি) ধাত্রীকে ব আমার কন্যাকে ল'য়ে আসে। রায়সাহেব, আপনার পুত্র খুঁজে পাওয়া যাবে না? বড় অপমানিত হব, হিতাহি জ্ঞানশূন্য হব, আমার সর্বনাশ হবে!

শালিগ্রাম। মহারাজ, কেন আর অধিক অপ করেন?

উদয়। অপরাধ তোমার নয়, আমার। বেন!

তার অবাধ্য হয়েছিলেম, কেন আমি কন্যাকে ঘরে এনে
নন করেছিলেম, কেন আমি বিষদানে তার প্রাণ নষ্ট
করিনাই; কেন সমরক্ষেত্রে প্রাণ দিই নাই, কেন রাজ-
ধান গ্রহণ করেছিলেম, কেন আমার দুঃস্বপ্ন কন্যা জন্ম
হয় করেছিল? আহা, বাছার কি দোষ অবলা—
গম্ভীর—প্রেমময়ী হুহিতা! মা গো, তোর অদৃষ্টে এই
ল, স্বপ্নেও জানিনে!

(এক দিক্ হইতে পুরজন ও অপর দিক্
হইতে মাধুরীর প্রবেশ)

পুরজন—বাবা, বাবা, তুমি আমার জাত রক্ষা করবে?
পুরজন। মহারাজ, আমি আপনার সন্তান।
উদয়। মা, এই যুব তোমার ধর্মরক্ষা করবে।
পুরজনকে ভুলে যাও, ওরা চণ্ডাল। গলার হার তুমি
গলায় দাও। (মাধুরী কতৃক পুরজনের গলে মালা
দান) বাবা, আজ হ'তে এর সকল ভার তোমার উপর।
আমি নিশ্চিন্ত হ'লেম।

সরফরাজ খাঁ। বাঃ বাঃ, কিয়া খুবসুরং! ইন্দি ওয়াস্তে
আন দেনে সেকে!

উদয়। শালিগ্রাম, আমার দুর্ভাগ্য তো বটেই, হয়
তা তোমারও দুর্দিন নিকট। ভেবেছিলেম, বৈবাহিক
হ'লে আলিঙ্গন করবো, বোধ হয়, অন্তর্মুখে আবার
স্মরণ হবে; কিঞ্চিৎ তুমি আমার অন্তরেও উপস্থিত নও।
তুমি হীন, তুমি হিন্দু নও, হিন্দু হ'লে হিন্দুর ধর্মনাশের
প্রয়াস পেতে না।

শালিগ্রাম। মহারাজ, আমি সত্য বলেছি।

পুরজন। পিতঃ! সত্যই আমার বন্ধু নিকরদেশ।

উদয়। বাবা, তুমি যেরূপ উচ্চবংশজাত, তোমার
সৌজন্তও সেইরূপ। তুমি এই চণ্ডালকে আবরণ করবার
চেষ্টা করছ, এ হিন্দুকুলাধমের অপরাধ হরণের চেষ্টা
পাছ। কিন্তু কি করবো; সহের সীমা অতিক্রম
করেছে।

সরফরাজ খাঁ। ওয়া ওয়া ক্যা খুবসুরং!

শালিগ্রাম। মহারাজ, আমি অপরাধী নই, মার্জনা
করুন।

উদয়। শালিগ্রাম, সাধ্যহীন কার্য্য কিরূপে করবো?

যে হিন্দুর মর্যাদা জানে না, যে পিতৃপুরুষের মর্যাদা জানে
না, যে অবলার মান জানে না, তারে মার্জনা করাও
অপরাধ।

শালিগ্রাম। কি উদয়নারায়ণ, তোমার বড়ই স্পর্ধা!
আমি হিন্দু নই? আমি পিতৃপুরুষকে সম্মান করি না?
আমি অবলার মান জানি না? তা নয় উদয়নারায়ণ,
তোমার অনুমানই সত্য—আমি বেষ্ঠা-কন্যার সহিত কেন
পুত্রের বিবাহ দিব? আমি পিতৃপুরুষের সম্মানের জন্ত,
হিন্দু-ধর্মরক্ষার জন্ত—বেষ্ঠাসক্ত চণ্ডালের বেষ্ঠা-কন্যার
সহিত পুত্রের বিবাহ দিই নাই! তোমার কত দম্ভ,
এখনি বুঝতেম। কিন্তু আমার অধিকারে এসেছ, অতিথি
ব'লে এনেছি,—কন্যার প্রয়োজন নাই—তুমি অতিথি।

সরফরাজ খাঁ। বাহবা—ক্যা খুবসুরং!

উদয়। দেখ, যথেষ্ট হয়েছে। আবার তোমার
চরণে ধ'রছি, স্থির হও। আমার কন্যা-জামাতার কর্ণ
তোমার কুৎসিত ভাষায় কলুষিত করো না। জেনে শুনে
পবিত্রা সতী স্ত্রীর উপর কলঙ্ক-আরোপ করো না। তোমার
অধিকার? তুমি জান না, সহস্র নবাব-সৈন্য আমার
আজ্ঞামুবর্তী, এ স্থানে উপস্থিত আছে। কিন্তু আজিকার
এ কথা নয়।

সরফরাজ খাঁ। বাঃ বাঃ, ক্যা খুবসুরং!

(অম্লদার প্রবেশ)

অম্লদা। রাজা, রাজা, লুকিয়ে মেয়ের বেঁ দেবে?
আমায় জামাই দেখাবে না? বাঃ বাঃ! আমার
চাঁদপানা জামাই—আমার চাঁদপানা মেয়ে!

শালিগ্রাম। রাজা, এই যে তোমার পত্নী উপস্থিত,
পত্নীর সহিত আলাপ করুন।

সরফরাজ খাঁ। ইয়া আল্লা—ক্যা খুবসুরং!

অম্লদা। না না, আমি ওর উপপত্নী, আমি ওর পত্নী
নই। কে বলে—আমি ওর পত্নী? আমার ও মেয়ে
নয়। কি করলুম—মেয়ের মুখ হেঁট করলুম! কেন
এলুম—কেন এলুম? আমি যাই, আমি যাই!
উদয়নারায়ণ আমার পতি নয়—আমার উপপতি।

[প্রস্থান।

শালিগ্রাম। রাজা, ধর্মের ঢাক দেশে দেশে বাজে!

আমার পিতৃপুরুষের পুণ্য, আমার কুল কেন কলুষিত হবে!

উদয়। মেদিনী! ধিমা হও! (পতনোন্মুখ ও পুরজ্ঞান কর্তৃক ধৃত হওন।)

অপেক্ষা খল। তার দণ্ড তুমি স্বচক্ষে দেখবে, তবে আমি নিশ্চিন্ত হব।

(নিরঞ্জন প্রবেশ)

নিরঞ্জন। মহারাজ, মহারাজ! আপনি যথার্থ অকুমান ক'রেছেন। আমিই সকল অনিষ্টের মূল, আমায় দণ্ড দেন, আমার পিতাকে নিষ্কৃতি দেন। পিতা—পিতা, আমি আপনার কুলদ্বার সন্তান! হায় হায়, পুত্র হ'তে আপনার সর্বনাশ করলেম!

উদয়। না না, তুমি সুসন্তান! পিতার যথেষ্ট সাহায্য ক'রেছ। রক্ষি এরে বন্ধন কর। দু'দিন রোদ্র ও হিমে রেখে দাও, এক বিন্দু জল দিও না; তারপর পিতা-পুত্রকে কারাগারে স্থান দিও।

(রক্ষিগণের নিরঞ্জনকে বন্ধনকরণ)

শালিগ্রাম। উদয়নারায়ণ, উদয়নারায়ণ! রক্ষা কর, রক্ষা কর! ও বালক—অতি যত্নে লালিত—নরহত্যা, বালকহত্যা ক'রো না; ক্ষমা কর—ক্ষমা কর, তোমার পদস্পর্শ ক'রতে আমি প্রস্তুত।

উদয়। প্রাচীরকে বলো, প্রস্তরকে বলো, অচল তরুকে তোমার মনের যন্ত্রণা জানাও, আমার ক্ষমা নাই। স্বচক্ষে পুত্রের যন্ত্রণা দেখ', তার পর কারাগারে বাস কর।

শালিগ্রাম। ক্ষমা কর, ক্ষমা কর, বালককে ক্ষমা কর!

উদয়। আমিও ঐরূপ অহুনয়-রিনয় বিস্তর ক'রেছি।

শালিগ্রাম। দেখো—দেখো, নিতান্ত বালক—দুঃখ-তাপে মলিন, পথের ভিখারী,—ক্ষান্ত হও!

নিরঞ্জন। পিতা, কেন কাতর হ'চ্ছেন? আমি আপনার এই গুরুতর যন্ত্রণার কারণ, আমার কিঞ্চিৎ প্রায়শ্চিত্ত হোক। আপনি কাতর হবেন না। রাজা, আমায় যে যন্ত্রণা দিতে হয় দেন,—ভগবান আমায় বল দেবেন—আমি সহ্য ক'রবো। মহারাজ, অপরাধীর দণ্ড দিয়ে ক্ষান্ত হোন। আমিই আপনার কণ্ঠকে বিবাহ করি নাই। আমার পিতার কোনও অপরাধ নাই। ইনি আমায় বন্দী ক'রে রেখেছিলেন, আমি রক্ষীদের উৎকোচ দিয়ে পালিয়েছিলাম। যে শাস্তি আপনার অভিপ্রেত, আমায় দেন, আমার পিতার মুক্তি আদেশ করুন।

তৃতীয় অঙ্ক

প্রথম গভীর

দণ্ড-ভূমি

শালিগ্রাম ও উদয়নারায়ণ।

শালিগ্রাম। উদয় নারায়ণ! আমার সর্বনাশ ক'রেছ, আমায় উদ্ভাস্ত ক'রেছ, আমায় কারাগারে দেবার অকুমানি নবাবের নিকট ল'য়েছ, এতে কি তোমার তৃপ্তিসাধন হয় নাই? আমার পুত্রের কেন আর অহুসঙ্কান ক'চ্ছ? আমার কারাগারে দিয়ে নিশ্চিন্ত হও। সে বালক—তোমার পুত্রের সদৃশ—তারে এ নিদারুণ যন্ত্রণা দিও না।

উদয়। না না, রায়সাহেব! তুমি না আমায় দণ্ড দেবে? তোমার অধিকারে অতিথি হ'য়েছিলাম, তাই ক্ষমা ক'রেছ! আমার উচ্চ মাথা হেঁট ক'রেছ! আমার কণ্ঠার হৃদয়গ্রস্থি ছেদ ক'রেছ তোমার পুত্রের সন্ধান না পেলে এর সমস্ত পরিশোধ হবে না। আমি কারো ঋণ রাখি নাই, তোমারও ঋণ রাখবো না।

শালিগ্রাম। উদয়নারায়ণ, যে অপরাধ ক'রে থাকি, তার সমুচিত দণ্ড দিয়েছ। সামান্ত অপরাধীর স্ত্রায় আমায় বিবস্ত্র ক'রে রোদ্রে হিমে দাঁড় করিয়ে রেখেছ। আবর্জনা-পূর্ণ স্থান—মুসলমানেরা উপহাস ক'রে যার নাম “বৈকুণ্ঠ” দিয়েছে, সেখানে আমায় আবদ্ধ ক'রেছ!

উদয়। না, আমার হৃদয়ে এখনও শাস্তি হয় নাই। তোমার পুত্রই সকল অনিষ্টের মূল; সর্পশিশু সর্প

উদয়। কারাগার তোমাদের উভয়ের উপযুক্ত স্থান; কারাগারে লইয়া আইস। যুবরাজ খুলিয়া দাও।
তোমাদের অপরাধের অতি সামান্য দণ্ড দিলেম। [সকলের প্রস্থান।

[প্রস্থান।

শালিগ্রাম। হা পরমেশ্বর!

নিরঞ্জন। পিতা, কেন শোক করেন? শত্রুর হৃদয়
প্রকুল হ'চ্ছে। আমি কুসন্তান, আমার মমতা ত্যাগ
ন। ভগবান কি দিন দেবেন না!

(সরফরাজ খাঁর প্রবেশ)

সরফরাজ খাঁ। শুন রায় সাহেব! তুমি আমার একটা
যদি ক'বতে পারো, আমি তোমাদের উভয়কে মুক্তি
ত পারি।

শালিগ্রাম। কি, আজ্ঞা করুন? আমি এই দণ্ডে
ত।

সরফরাজ খাঁ। অবশ্য তুমি বুঝিয়াছ, যে, রাজা উদয়-
নাথ তোমার কিছুই করিতে পারিত না। তোমার
জনা বাকী ছিল না। আমিই নবাবদাদাকে বলিয়া—
গাব গোল করিয়া—তোমাদের এই দণ্ড দিয়াছি।

শালিগ্রাম। নবাবজাদা, তবে আমাদের মুক্তি দেন,
মাকে না দেন, আমার পুত্রকে মুক্তি দেন।

সরফরাজ খাঁ। আচ্ছা, আমি মুক্তি দিব। কিন্তু যদি
মার সেই কার্য সাত দিনের মধ্যে করিতে না পার,
বে তোমার পুত্রের প্রাণদণ্ড হইবে। তুমি কোন সন্ধান
রিয়া উদয়নারায়ণের কণ্ঠকে আমায় দিতে পারিবে?

নিরঞ্জন। পিতা, পিতা, এ প্রস্তাবে কর্ণপাত করবেন
। উদয়নারায়ণ চণ্ডাল,—আপনি চণ্ডাল নন—ধর্মের
তি লক্ষ্য ক'রে সকল সহ্য করুন।

সরফরাজ খাঁ। শুন রায়সাহেব! (রক্ষিণের প্রতি)
কে আমার পক্ষাং লইয়া আইস।

নিরঞ্জন। পিতা, পিতা! আমার মিনতি,—জীবন
ভ্রমুর, দুর্দিন স্থায়ী নয়—পুত্রের অল্পরোধে অধর্মকার্যে
বৃত্ত হবেন না।

শালিগ্রাম। নবাবজাদা, আমার পুত্রকে এই নির্দাক্ষণ
গী হ'তে অব্যাহতি দেন, কারাগারে স্থান দেন।

সরফরাজ খাঁ। আচ্ছা, ইহাদের পিতা-পুত্রকে

দ্বিতীয় গর্ভাঙ্ক

পুরঞ্জনের বাটার কক্ষ

পুরঞ্জন ও মাধুরী।

পুরঞ্জন। শুভক্ষণে দেখা তব সনে।

বংশে হ'লো কলঙ্ক-সংকার,
ছারখার বন্ধুর আবাস।

বন্ধু নিরুদ্ধেশ,

পিতা তার কারাবাসে।

ঘৃণা হয়,

করি ছার পরিণয়,—

মজায়েছি স্বথের সংসার।

মাধুরী। কেন কর অপরাধী!

ভালবাসি, নহি অন্ত দোষে দোষী!

দেছ পদাশ্রয়, হ'য়োনা নিদয়,

ভয় হয় কথায় তোমার;—

বিমুখ না হও প্রভু, অধিনীর প্রতি।

পুরঞ্জন। ভালবাস!

বেগ্নাহতা—বেগ্নার আচার—

ভালবাস কত জনে?

ভালবাসা ভাণ ক'রেছিলে নিরঞ্জন সনে—

ভালবাসা ভাণ দেখালে আমায়;

কেবা জানে, আর কত জন

হবে তব ভালবাসা-অধিকারী।

কলঙ্কিনি! জান অতি স্বমধুর বাণী!—

কে জানিত, চিকণ সাপিনী

গরল তোমার এত।

নটীর আচার—

মুখে মাথা সরলতা—

কপটতা আপাদ-মস্তক।

ভালবাস?

দেখ, আছে বহু পুরুষ এ দেশে,—
মম সন, নিরঞ্জন সম, —
প্রত্যাহিত হ'বে অনায়াসে ;—
যত পার ভালবাসা বিলায়ে তোমার ।

মাধুরী । নহি বেয়াস্বতা,
নিরঞ্জন দেখিনি কেমন,
একমাত্র জ্ঞানি হে তোমাতে ।
কটুভাষা বলো না বলো না,
অকারণ দিও না বেদনা,
আমি পরিণীতা পত্নী তব ।

পুরঞ্জন । আপাদমস্তক তব মিথ্যায় গঠন !
ধন্য ধন্য বিধাতার নির্মাণ-কৌশল ;—
ধন্য, ধন্য চাতুরী তোমার !
নাহি হেন সন্দ্বিগ্নহৃদয়, না করে প্রত্যয়
কথায় তোমার,
নেহারি চাতুরীপূর্ণ বদনের ভাব,—
সরলতা-মাখা যেন !
স্বশিক্ষিত ধন্য তব হৃদয়ন,
স্বচ্ছায় সলিলপূর্ণ হয় !
ভুলিয়াছি—ভুলিব না আর ।
রাখিয়াছ পিতার সন্মান ।
বেয়াস্বতা ক'রেছেন দান ;—
সফল হোরির নিমন্ত্রণ ।

মাধুরী । ক্ষমা কর ক্ষমা কর,
অহেতু ক'রো না তিরস্কার !
যদি হ'য়ে থাকি ভার,—
গৃহে স্থান দিও না আমায়,
রাখ কোন নিষ্কর্ন কুটারে ;—
দাসী আমি, দিও মাত্র সেবা-অধিকার ।

পুরঞ্জন । কেন ? কুটারে কি হেতু রবে ?
লাবণ্য শুকাবে,
নাহি রবে বদনে আরক্ত আভা ।
তবে কেমনে ভুলাবে আমা সম অন্ত জনে ?
র'য়েছে যৌবন,
প্রেম-অভিনয় কি হেতু করিবে সমাপন ?
যাও ফিরে পিত্রালয়ে ।

পুনঃ হুবে হোরির সময়,
এনো গৃহে সরল ধুবায় ।
ক'রো প্রেম সম্ভাষণ বিরল নিম্নে ব'সে,
করিলাম বজ্র'ন তোমায় ।
যেবা ইচ্ছা হয় কর ভূমি,
নাহি মম বাধা ;—
কলুষিত ক'রো না আলয়,
এইমাত্র প্রার্থনা আমার ।

মাধুরী । কোথা যাব ?

পুরঞ্জন । যথা ইচ্ছা তব ।
যাও কাশীধামে,
গিয়াছিল জননী তোমার ।
কিন্তু যাও পিত্রালয়ে—
ঘটকের শিরোমণি তিনি ।
দূরিয়েছে এই অভিনয়,
অন্ত নাট্য কর আয়োজন ।

মাধুরী । রাখ রাখ, অবলায় দেহ স্থান পদে ।

পুরঞ্জন । বেয়াস্বতা—বেয়া কলঙ্কিনী,
এখনো কি প্রতারণা ?
জানিহ নিশ্চয়,
গ্রহণ না করিব তোমায় ।
খুলেছে নয়ন,
ভুলাইতে না পারিবে আর ।

মাধুরী । সাক্ষী হও অলক্ষ্য-শরীরী দেবগণ,
সাক্ষী হও জন্মদে মেদিনী,
সাক্ষী হও স্থল, জল, বন,
সাক্ষী হও পবন, তপন,
স্বামী মোরে করেন বজ্র'ন ;—
কিন্তু আমি দাসী তাঁর চিরদিন ।
যদি অন্ত জন কত হৃদে পায় স্থান,
কালসর্প দংশে যেন শিরে,
তবু যেন হয় পরমাণু,
তিন লোকে না পাই আশ্রয় ।
করহ বিদায়—
কিন্তু আমি তব দাসী চিরদিন ।
ভূমি ধ্যান জ্ঞান, ভূমি দেহ প্রাণ,

পতি তুমি সর্বস্ব সতীর।

পুরজন। যাও যাও, শিবিকা প্রস্তুত,

ল'য়ে যাবে আজ্ঞামত ভব।

মাধুরী। প্রভু, প্রণাম চরণে !

[মাধুরীর প্রস্থান।

পুরজন। এত ভাণ। তবু কাঁদে প্রাণ,

রূপমোহ অতি চমৎকার !

পেয়েছি প্রমাণ,—তবু হয় জ্ঞান,

যেন আমা বিনা নাহি জানে।

মন চায় করিতে প্রত্যয়—

ছিঃ ছিঃ, কলকিনী পত্নী মোর !

মনে হয় আনি ফিরাইয়ে—

আদরে হৃদয়ে ধরি।

বিষম দংশন—বিষম দংশন,

মরুভূমি ক'রেছে জীবন,

পড়িলাম বেগার প্রণয়ে !

কে আছ রে ?

(নেপথ্যে)। মহারাজ !

(জনৈক গ্রহীর প্রবেশ)

পুরজন। যাও, কর আয়োজন, যাইব ভ্রমণে।

নিরঞ্জন, কোথা আছ ভুলে।

দেখ এসে তাজিয়াছি পাপিনীরে ;

আর কেন আছ লুকাইয়ে ?

দিক্ অন্ত করিয়া ভ্রমণ

করিব তোমার অন্বেষণ,

জীবনসর্বস্ব তুমি মম।

[প্রস্থান।

তৃতীয় গর্ভাঙ্ক

সরফরাজখাঁর বিলাস-কক্ষ

সরফরাজ খাঁ, উদয়নারায়ণ ও বাদীগণ।

বাদীগণ।—

(গীত)

কালে কোকিল-তানে প্রাণে হানে শর।

প্রেমে হাকুল খাইল কত মধুর,

ঢলে ঢলে রসে, ভ্রমে চুনে কুহন-অধর।

অনিল চঞ্চল ধীরে বহিল,

লুটিল পরিমল দিক মোহিল,

বিপিন নবীন মুছুরিল,

চিতমোহিত হেরি শোভা বিরহিলী ভয় জর।

[বাদীগণের প্রস্থান।

সরফরাজ খাঁ। দেখো, নবাবজাদাকে বোল্কে তোমু
যো মাক্কা সব কিয়া ;—বাপ্ বেটাকো কয়েদ কিয়া,
মোকাম লুট কিয়া।

উদয়। নবাবজাদা, আপনার অপার কৃপা।

সরফরাজ খাঁ। তোমবি জেরা কৃপা কিয়ো।

উদয়। কৃপা! নবাবজাদা, এমন কথা বলবেন না,
আমিই আপনার কৃপাপ্রার্থী।

সরফরাজ খাঁ। নেই, হাম তোমারা দোয়ারমে ফকির
হায়, ভিক্ মাঙনেওয়ালা।

উদয়। নবাবজাদা আপনার ঋণ আমি এ জীবনে
শোধ ক'ব্বেতে পারবো না। আপনি অল্পগ্রহ ক'রে হুকুম
করুন, গোলাম হুকুম তামিল ক'ব্বে। নবাবজাদা, আমার
হৃদয়ের আগুন নির্বাণ ক'রেছেন! শালিগ্রামকে কয়েদ
ক'রে আমার প্রতিহিংসা তৃপ্তি ক'রেছেন।

সরফরাজ খাঁ। ওসকো জাত লেঙ্গে—মুসলমান
করেঙ্গে।

উদয়। না, না, তা ক'ববেন না, ধর্ম নষ্ট ক'ববেন
না।

সরফরাজ খাঁ। নেই? আচ্ছা, নেই করেঙ্গে। দেখো,
তোমারা দেল হাম্ ঠাণ্ডা কিয়া,—

উদয়। আমার অপমানের সমুচিত দণ্ড আপনি
দিয়েছেন। অধিক কি জানাবো, আপনার শত্রুর তরবারি,
আর আপনার মাঝে আমি যদি বুক দিতে পারি, তবে এর

কিঞ্চিৎ প্রতিদান হবে। আমি বড় অপমানিত হয়ে-
ছিলেম, আপনার রূপায় তা পরিশোধ হয়েছে।

সরফরাজ খাঁ। দেখো, তোমারা লেড়কী বড়
খুবস্বয়ং!

উদয়। গ্রিহুবনে অমন আর আছে কি না, জানি
নে।

সরফরাজ খাঁ। হায়;—তোমারা দোস্তকা লেড়কী!
ওস্কা কুছ পাভা মিলে?

উদয়। না, কেউ তো কোথাও খুঁজে পেলেন না।

সরফরাজ খাঁ। হামবি চুঁড়ুতে হৈ।

উদয়। আপনার এমনই অল্পগ্রহ বটে।

সরফরাজ খাঁ। তোমারা জান তো ঠাণ্ডা হো গিয়া?

—আউর কুছ মাস্কো? নবাবকা উজীর হোনে মাস্কো?

উদয়। না নবাবজাদা! নবাবের অল্পগ্রহে সমস্ত
রাজসাহীর খাজনা আদায়ের ভার আমার উপর, আমার
আর অধিক প্রার্থনা নাই।

সরফরাজ খাঁ। তোমারা জিউ তো ঠাণ্ডা হায়?

উদয়। নবাবজাদা, সকল আপনার রূপায়।

সরফরাজ খাঁ। দেখো, নবাবকা খবর হোনে মাস্কো?

উদয়। একি!

সরফরাজ খাঁ। আরে, বাতিকা বাত হাম পুছে।

উদয়। না না, আপনার রূপায় আমার যা আছে,
তাতেই আমি সন্তুষ্ট।

সরফরাজ খাঁ। তোমারা জিউ তো ঠাণ্ডা হায়?

উদয়। আপনার রূপায় বহু ঠাণ্ডা।

সরফরাজ খাঁ। হামারা জিউ ঠাণ্ডা করে।

উদয়। কি বলছেন?

সরফরাজ খাঁ। হাম দানা-পানি ছোড় দিয়া।

উদয়। কেন, কেন, আপনার কি অল্পগ্রহ হয়েছে?

সরফরাজ খাঁ। হ্যাঁ;—ইস্কা মারে, দোস্তিকা মারে।

তোমারা লেড়কীকো হাম দেখা।

উদয়। নারায়ণ! কি বলে!

সরফরাজ খাঁ। দেখো, আকবর শা চলন কিয়া হায়,
হিন্দু লোক মুসলমানকা ঘরমে আওরাত দেতাখা দেখো
মানসিং কলু কিয়া।

উদয়। হাঁ হাঁ—নবাবজাদা,—কিন্তু সবাই কি তা
করে—সবাই কি তা করে?

সরফরাজ খাঁ। উস্কে গুণা ক্যা, হামারা জান
বাঁচাও।

উদয়। নবাবজাদা, আর তো আমার কল্যা নাই।

সরফরাজ খাঁ। সে তো মালুম হায়, লেকেন একটো

তো হায়।

উদয়। নবাবজাদা, আপনার সামনে তো সাদি
হ'য়েছে।

সরফরাজ খাঁ। পরোয়া ক্যা—কলুমা পড়ায়কে ঘরমে
লেঙ্গে।

উদয়। না না, হিন্দুর ঘরে তা হয় না।

সরফরাজ খাঁ। রাজা সাব, সব কুছ হোতা। পইলে
পইলে রাজোয়াড়ামে এ বাত উঠা; লেকেন কোন্ শাজাদা
না হিন্দুকা লেড়কী বেগম কিয়া? তোমারা ধরম বড়া
সিদা হায়;—সব কুছ সড়ক মিলে,—সব হো সেক্তা। হাম
নবাব হোঙ্গে তোমাকো উজীরী মিলেগা, উল্কা খসমকো
দশহাজারী করেঙ্গে। আচ্ছা সাদি দেলায়ে দেঙ্গে।

উদয়। নবাবজাদা, এ কাজ আমার জীবন থাকতে
হবে না।

সরফরাজ খাঁ। পইলে সবকোই উসিমাফিক বোলতা,
লেকেন সম্জো, নবাবকা মেহেরবানগি ধোড়া নেহি।
মেরি বাতসে নবাব উঠে বৈঠে। দেখো, শালিগ্রাম
পাখনা দিয়া, নবাবকো বহু সেলাম দিয়া, উল্কা কয়েদ
কেস্ ওয়াস্তে হয়? হামারা বাতসে। হাম ওজর কিয়া
নবাব মান লিয়া। নবাবকা লেড়কা নাই—হাম বেটীকো
লেড়কা হামকো নবাবী দেঙ্গে—নেইতো শালিগ্রাম ক্যা
কহুর কিয়া, বাপ-বেটা কয়েদ হয়। দেখো, বেটীকা
মাদ্রাসকে হামারা পাশ ভেজ দিও। তোমারা দোস্তকা
লেড়কীকো হাম চুঁড় চুঁড় পাকুড়াকো। ও বি বেগমক
লায়েকী। তুনো বরাবর—তুনো খুবস্বয়ং।

উদয়। নবাবজাদা, আমার লেড়কী তো আমার
কাছে নেই, তার কথা আমি কেমন করে বলবো?

সরফরাজ খাঁ। আচ্ছা, তোম উসকি সম্জাও
হামকো দেনেকা তোমারা মতলব নেই হায়, হা
সম্জা। তোমারা গোঁস্কা হয় হাম দেখতে; লেবে

মারা দাদা কো রাজমে রহোগে, কাঁহা যাওগে চাচা!
পড়া সমবন্ধে লেড়কীকো ভেজ দেও। যাও, যাও,
ঝকে পিছে কহিও।

[সরফরাজ খাঁর প্রস্থান।]

উদয়। বুঝি বা আমার প্রায়শ্চিত্ত হয়! হিন্দু হ'য়ে
হিন্দুর সর্কনাশ ক'রেছি, এই বুঝি বা আমার দণ্ড।

[সকলের প্রস্থান।]

চতুর্থ গর্ভাঙ্ক

কারাগার-দ্বার

জমাদার ও প্রহরীদ্বয়।

জমাদার। দেখো, রায় সাহেব আর উম্মা লেড়কা
ভি নেহি ভাগে—নবাবজাদা সরফরাজ খাঁকা জোর
কুম হায়,—বহৎ হঁসিয়ার! বহৎ হঁসিয়ার!!

১ম প্রহরী। বহৎ হঁসিয়ার হায় খামিন।

[জমাদারের প্রস্থান।]

(রঙ্গলালের প্রবেশ)

১ম প্রহরী। কোন্ রে?

রঙ্গলাল। তোমু তো গোলাম আলী হায়, আর
তাম তো নসীবন্দ?

১ম প্রহরী। তব কা?

রঙ্গলাল। এই পীরের দরগার সিন্নি নাও, আর দু
তাড়া টাকা নাও—একশো একশো। আছে—ফকিরসাহেব
তমাদের দিয়ে পাঠিয়েছেন।

১ম প্রহরী। ফকির সা'ব?

রঙ্গলাল। আরে, তোমাদের নসীব ফিরে গেছে।
একজন হিন্দু যদি পাকড়াতে পার—যারে কোত্তা
খাওয়াবার হুকুম হয়—তা হ'লে তোমাদের জায়গীর আর
এক এক নবাবজাদী মেলে। নাও নাও টাকাগুলো
তোল, আমায় ফকির সাহেবকে খবর দিতে হবে।

২য় প্রহরী। আরে, এ ক্যা বাৎ বোলে?

রঙ্গলাল। শুণ্বে তো গোণো, রাত হ'য়েছে, আমি
চলে যাই।

১ম প্রহরী। আরে শুনো তো ভাই—শুনো তো
ভাই!

রঙ্গলাল। আর কি শুনবো বল? একটা হিন্দু
পাকড়াবার যোগাড় দেখ না, যে এমনই কহুর করে, যাতে
কোত্তা খাওয়াবার হুকুম হয়। বলি, পান্নবে? ফকির
সাহেব জিজ্ঞাসা ক'রেছেন। পীরের কোত্তা একটা হিন্দু
খাবার জন্তে খেপেছে।

১ম প্রহরী। আরে, এসা হিন্দু কাঁহা মিলে ভাই?
গারদমে পাহারা দেতে হৈ।

রঙ্গলাল। কেন, তার ভাবনা কি? সরফরাজ খাঁর
তো হুকুম এই যে, রায় সাহেব আর তার ছেলেকে কেউ
যদি গারদ হ'তে বা'র ক'রে দেয়, তারে ধ'রতে পান্নলে
কোত্তা খাওয়াবে, এই সহরে সহরে টাড্ডা দিয়েছে।

২য় প্রহরী। আরে, সো তো দিয়া, সো তো দিয়া!

১ম প্রহরী। আরে, হাম লোক পাহারা দেতা, কোন্
আয়েগা?

রঙ্গলাল। কেন, খুব সোজা—এই ধর, আমি
এসেছি। এই কথার কথা ব'লছি, ধর—আমি এসেছি।
—তোমার হাতে চাবী, তুমি চাবী খুলে দু'জনকে বার
ক'রে দিলে, তার পর আমায় পাকড়ালে। নবাব সাহেব
কোত্তা খাওয়াবার হুকুম দিলে,—তোমরা দু'জন জায়গীর
পেলে, নবাবজাদী পেলে!

১ম প্রহরী। আরে, হ্যাঁ হ্যাঁ!—

রঙ্গলাল। আরো মজা শোন। কোন্ না দু'চার ঘা
মা'বুবে, হাতের স্থখ কোন্ না হবে? তোমরা গারদে
পাহারা দাও, কাউকে মা'বুতে ধ'রতে পাও না,—সে খুব
মজা হবে!

২য় প্রহরী। আরে, সো তো ঠিক—আরে সো তো
ঠিক—লেকেন এসা হিন্দু মিলে কাঁহা?

রঙ্গলাল। কেন, যে হিন্দুর বরাত ভাল, সেই তোমা-
দের হাতে ধরা প'ড়বে।

১ম প্রহরী। এ বড়া মজেকা বাত ব'লে! কাহে
কাহে, ওঝা বক্ৎ কাহে আছা?

রঙ্গলাল। কি জান—তুমি কা'ল সকালে ফকির
সাহেবের কাছে যেও না, শুনবে—এ পীরের কোত্তা সে
হিন্দুকে যত কামড় খাবে, তত লাখ লাখ বরষ সে বেহেস্তে

হাউড়ি নিয়ে থাকবে। কা'ল ছুটি হ'লে ফকির সাহেবের কাছে গিয়ে শুনো না!

২য় প্রহরী। আরে শুনকে ক্যা করে ভাই! হিন্দুকা বিচমে ধরম করে, এসা আদমি কা'হা?

রঙ্গলাল। কেন, অমন কথা ব'লো না; আমার ধরম ক'রতে ভারি মন।

১ম প্রহরী। কেঁও, তোম পা'কড়া যানে রাজী?

রঙ্গলাল। রাজী হ'য়ে কি ক'রবো বল! তুমি যদি আমায় ধরো, কে বিশ্বাস ক'রবে? আমি একা, হাতে অস্ত্র-শস্ত্র নাই, কে বিশ্বাস ক'রবে বল যে, রায় সাহেব আর তার ছেলেকে আমি গারদ হ'তে বা'র ক'রতে এসেছি। ওঃ হরি! একটা কথা ভুল হ'য়েছে। ফকির সাহেব এক পরামর্শ দিয়েছিল। বেশ হবে, একজন হিন্দুকে কা'ল ভুলিয়ে ভালিয়ে এনো। তার পর চাবী খুলে দিয়ে তাদের তো বিদায় ক'রে দিলে। সে হিন্দু যেন খুব জোয়ান, তোমাদের একজনকে বেঁধে ফেলেছে, আর একজন যেন ধ'রে ফেলেছে।

২য় প্রহরী। ক্যা, হাম সম্জা নেই।

রঙ্গলাল। এই দেখ, তোমায় সমজে দি। এই যেন তোমার তলোয়ারখানা আমি নিয়েছি,—(তলোয়ার গ্রহণ করিয়া) কেমন, নিলুম বল?—

২য় প্রহরী। ই্যা ই্যা।

রঙ্গলাল। আর এরও এমনি তলোয়ার নিয়েছি। (১ম প্রহরীর তলোয়ার গ্রহণ করিয়া) এই দড়ি দিয়ে দু'জনকে বেঁধেছি, বেশ ক'রে জড়াক্টি, (তজ্রপ করণ) চ্যাচালে বৃকে দেব। এই চাবী নিয়ে দরজা খুল'লুম, চ্যাচালেই বৃকে দেব। রায় সাহেব, নিরঞ্জন—শীগ'গির বেরিয়ে এসো, চ্যাচাবারও যো রাখ'ছি নে, মুখে কাপড় গুঁজে দিয়েছি। রায় সাহেব, নিরঞ্জন—শীগ'গির বেরিয়ে এসো, দোর খুলে দিয়েছি, ঘোড়া তোয়ের আছে, শীগ'গির পালাও।

নিরঞ্জন। তুমি?

রঙ্গলাল। শীগ'গির পালাও—শীগ'গির পালাও—কাটকের প্রহরী ভাং খেয়ে প'ড়ে আছে। (প্রহরীদ্বয়ের প্রতি) নড়বার চড়বার চেষ্টা ক'রো না। এই বৃকে তলোয়ার দেবো।

[শালিগ্রাম ও নিরঞ্জনের প্রস্থান।

(গঙ্গার প্রবেশ)

গঙ্গা। ও কি ক'চ্চ, খুলে দিচ্ছ যে?

রঙ্গলাল। কেন, এদের দু'জনকে মারবো আ'চ ক'চ্চ কি? তুমি পালাও—নইলে তোমায় ধ'রবে আমায় ধ'রবে।

গঙ্গা। কি ক'চ্চ, ধরা দেবে না কি?

রঙ্গলাল। তা নয় তো কি, এই গরীব দু'জনে সর্কনাশ ক'রবো? পালাও পালাও—তুমি স'রে যাও—নইলে ধরা পড়বে।

গঙ্গা। না না, তুমি এসো।

রঙ্গলাল। চল, গোমায় রেখে এসে এদের খুঁজে দেব।

গঙ্গা। নিশ্চয় আমি যাব না।

রঙ্গলাল। তুমি না আমায় বল, ভালবাস? যদি ভালবাস, তবে কথা শোন। যাও—শীগ'গির যাও, নইলে এই দেখ, আমি আত্মঘাতী হব।

গঙ্গা। ভগবান, এ কি সর্কনাশ ক'ল্লেম! কেন প্রহরীদের ভাং খাওয়ালেম!

রঙ্গলাল। সর্কনাশ করনি, বেশ ক'রেছ। যাবে তো যাও, নইলে এই আমি বৃকে মারলুম।

গঙ্গা। ভগবান, কি ক'রলে!

[গঙ্গার প্রস্থান।

রঙ্গলাল। এইবার মিঞাসাহেব! মুখের কাপড় খুলে দিলেম। ব্যস্ত হ'য়ে না, এই বাঁধন কেটে দিচ্ছি। (তথা করণ) চ্যাচাবে কেন? এই তা আমি ধরা দিচ্ছি! দেখ, ছুটি গরাদে কেটে ফেল এই আমার কাছে উকো আছে। ব'ল'বে, তিনজনের সঙ্গে দু'জনে পার নাই। দু'জন বেরিয়ে গেছে, একজনকে ধ'রেছে। কেমন মিঞাসাহেব, আমায় কুকুরে খাবে, খুব মজা হবে! দেখো, আমি ব'ল কাছড়াই, একটু মারো আর আমি অমনি ধেই ধেই ক'রে নাচ'বো।

১ম প্রহরী। তোবা তোবা!—

রঙ্গলাল। তোবা কেন, আমায় পিছমোড়া ক'রে বাধো না! তবে জাইগীর আর নবাবজাদী যদি না পাও এই নাও, হু'টুকুরো হীরে নাও।

২য় গ্রহরী। তোম্ কোন হায় ?

রঙ্গলাল। হাম্ হিন্দু হায়, আর কোন হায় ?

১ম গ্রহরী। হাম লোককা জান যাগা।

রঙ্গলাল। কিছু পরোয়া ক'রো না মিঞা সাহেব, দেখ যেন ওদের ঠেক্ উকো ছিল, রেল কেটে রয়েছে। আমি যেন দোরের গ্রহরীদের ভাং খাইয়ে নে এসেছি। ওরা বেরিয়ে গেছে, আমি তোমাদের দাঙ্গা ক'রেছি—বাস্! কত স্বস্থবিচার হয়, তা তোমরা জান; আর আমি এক রকম ক'রে বঝিয়ে ব, ভেবো না।

২য় গ্রহরী। জমাদার কো ক্য! সমজায়েগা, হাম ক চিল্লয় নেই কাহে ?

রঙ্গলাল। এখন চেল্লাও না।

১ম গ্রহরী। (উচ্চৈঃস্বরে) জমাদার—জমাদার, কয়েদী গা।

রঙ্গলাল। দেখ, ততক্ষণ তোমরা কানটা-আসট্! গা, ছ'চার ঘা মারো, খুব আমোদ করো না।

১ম গ্রহরী। শালা বেইমান! (গ্রহরকরণ)

রঙ্গলাল। ও বাপরে—গেলুম রে! কেমন, আমোদ ছ না ?

২য় গ্রহরী। আরে মার মাং, শালা দেও হায়!

(জমাদারের প্রবেশ)

জমাদার। ক্যা হয়—ক্যা হয় ?

১ম গ্রহরী। কয়েদী ভাগা!

জমাদার প্রভৃতি সকলে। কয়েদী ভাগা—কয়েদী গা—

[রঙ্গলালকে লইয়া সকলের প্রস্থান।

পরবর্তী গভীর

সরফরাজ্‌খাঁর কক্ষ

সরফরাজ্‌খাঁ, শালিগ্রাম ও মাধুরী।

সরফরাজ্‌খাঁ। তোম কোন ?

শালিগ্রাম। আমি শালিগ্রাম রায়।

সরফরাজ্‌খাঁ। তোম গারদসে কেস তরে নিকাল ? কহো—রঙ্গলালকে ছোড়নে হামারা হুহুম হয়। (শালি-

শালিগ্রাম। তা তোমায় বলছি, ফিরে গারদে দিতে হয় নাও কিন্তু এই উদয়নারায়ণের বক্তা এনেছি দেখ। ভূমি ব'লেছিলে, কারাগারে মুক্তি দেবে,—যদি আমি উদয়নারায়ণের কথাকে এনে দিতে পারি।

সরফরাজ্‌খাঁ। এই তো মেরি জানি!

মাধুরী। অ্যা অ্যা, আমার পিতা কোথায় রায় সাহেব ?

সরফরাজ্‌খাঁ। ডরো মাং পিয়ারি! এ সহরমে ছায়। (শালিগ্রামের প্রতি) তোমকে ক্যায়সে মিলা ? রায় সাহেব, বহুত সেলাম।

শালিগ্রাম। আমি গারদ থেকে পালাচ্ছিলুম, পথে এর সঙ্গে দেখা। উদয়নারায়ণের বাসা খুঁজে পাচ্ছিল না, আমায় বন্ধু বিবেচনা ক'রে জিজ্ঞাসা ক'রুলে, আপনার কাছে এনেছি।

সরফরাজ্‌খাঁ। হাঃ হাঃ, রাজা তো চলা গিয়া। দেখো বড় মজা হয়! হাম ওসকা লেডকীকো মাঙ্গে থি, ও গোস্বা হোকে চলা গিয়া। তোম্ বহুৎ কাম কিয়া। আল্লা ক্যা মিলা দিয়া!—তোমারা যাহা খুদী চলা যাও, এই আঙ্গুট লেও—কোই নেহি রোথে গা।

শালিগ্রাম। একটা অনুগ্রহ ক'রতে হবে।

সরফরাজ্‌খাঁ। ক্যা কহো ? হামার দেলখোস হো গিয়া, যো মাঙ্গে, সো দেঙ্গে।

শালিগ্রাম। রঙ্গলাল ব'লে একজন, সে আমাদের মুক্ত ক'রেছে, মুক্ত ক'রে আপনি কয়েদ হ'য়েছে;—তারে আপনি মুক্তি দেন।

সরফরাজ্‌খাঁ। কুছ পরোয়া নেই, আবি দেঙ্গে।

মাধুরী। এ কি রায় সাহেব, কোথায় আনলেন ?

সরফরাজ্‌খাঁ। বিবি—বিবি, ডরো মাং।

মাধুরী। সাহেব—সাহেব! আমায় ছেড়ে দেন!

সরফরাজ্‌খাঁ। পরোয়া মাং করো বিবি, ঠাণ্ডা হও। (শালিগ্রামের প্রতি) কাঁহা তোমারা রঙ্গলাল ? ঠারো। এসমালি!

এসমালি। (প্রবেশ করিয়া) খামিন্!

সরফরাজ্‌খাঁ। এই আঙ্গুটি লেকে যাও, গারদমে যাকে

গ্রামের প্রতি) তোমার জমিদারী তোমাকে মিলে গা—
যাও।

মাধুরী। রায় সাহেব, রায় সাহেব! আপনি কি
অনাখিনী, পংথের কান্দালিনী কুলকামিনীর সহিত প্রতারণা
ক'রেছেন? আপনি কি বাঙ্গালীর অন্তঃপুরের গৌরব—
সতীত্ব—যবনের পায়ে কেলে দিতে এনেছেন? সত্যই
কি আপনি রায়সাহেব?—আমি আপনার ছুঁহিতা,
আশ্রিতা, আমায় রক্ষা করুন। আমি তো আপনার
চরণে অপরাধিনী নই। কেন আমায় কলহসাগরে ভাসিয়ে
দিতে নিয়ে এসেছেন?

শালিগ্রাম। কেন? বেগম হ'য়ে তোমার পিতাকে
অন্তঃপুরে ডাকিয়ে জিজ্ঞাসা কর, তিনি আনন্দ ক'রবেন।
তিনি আরও নবাবের রূপাভাজন হবেন। তিনি আরও
অনেক জমিদারকে কারাগারে আবদ্ধ ক'রে তাঁদের সর্বনাশ
ক'রতে পারবেন। তিনি তোমায় তাঁর কুলের গৌরব
মনে ক'রবেন। ভেবোনা ভেবোনা—বেগম হবে!
তোমার পিতা নবাবজাদার শত্রু হবেন!

মাধুরী। কি ব'লছেন? কি ব'লছেন?—আমি যে
আপনার কুলকামিনী, আমি যে আপনার অন্তঃপুরনিবা-
সিনী! আমার পিতা আপনার শত্রু হ'তে পারেন, আমি
নই। তিনি আপনার ঐহিক সর্বনাশ ক'রেছেন, সেই
অপরাধে নিরপরাধিনীর ঐহিক পারমাধিক সর্বনাশ
ক'রবেন না। আপনার কথায় আমার বিশ্বাস হচ্ছে না,
এত কুটিলতা আপনাতে সম্ভবে না! আপনি হিন্দু—
বাঙ্গালী। যে বাঙ্গালী-রমণী পতির সহমৃত্যু হয়—সেই
সতী-বজ্ররমণীর গর্ভে আপনার জন্ম। আপনি সতীত্বের
আদর করুন, হিন্দুরমণীর সতীত্ব রক্ষা করুন। রক্ষা
করুন—রক্ষা করুন!

শালিগ্রাম। কে বলে আমি হিন্দু? আমি কারাগারে
যবন-অগ্নে প্রতিপালিত। আমি নিরপরাধী, নিরপরাধী
পুত্রের সহিত কারাগারে বাস ক'রেছি। যবনের দান-
পানিতে আমার দেহ পুষ্টি হ'য়েছে, সে তোমার
পিতার প্রসাদ! সে ঋণ কি আমি রাখতে পারি?
তোমার মত আমিও 'রক্ষা কর—রক্ষা কর' ব'লে চীৎকার
ক'রেছি, নিরপরাধী পুত্রের প্রতি 'দয়া কর, দয়া কর,'

ব'লেছি।—তিনি আমার শিক্ষাদাতা, তাঁর শিক্ষা ভুলে
কেমন ক'রে!

[শালিগ্রামের প্রস্থান]

মাধুরী। কি হ'লো! কি হ'লো!
সরফ রাজ খা। বিবি—বিবি, ডরো মাং!
মাধুরী। নবাবজাদা, আমি আপনার প্রজা—ছুঁহি
—আমায় সতীত্ব ভিক্ষা দেন। আমার ধর্ম রক্ষা করুন,
জাতি রক্ষা করুন, রমণীর মর্যাদা রক্ষা করুন।
সরফ রাজ খা। পিয়রি, তোম্ হামারা দেল্‌মে কাটা
মারি!—বহু যতনসে ছাতিপর রাখেকে। ডরো মাং
মাধুরী। নবাবজাদা, সতীর সতীত্ব নাশ ক'রবেন
—সহস্র নবাব একত্র হ'য়ে পা'রবেন না। মা নিত্যরি
সতীকুলরাণী আমায় লোহার পিঞ্জর ভেঙ্গে নিয়ে যাবেন
যদি আমি কায়মনোবাক্যে সতী হই, সতীত্ব প্রভাবে আমায়
দেহ অনিলে মিশিয়ে যাবে, আমার প্রাণ মৃত্তিকা-পিঞ্জর
ভেঙ্গে পতির পদে লয় হবে! নবাব সাহেব, আমায়
রাখতে পা'রবে না, সতীত্ব নাশ ক'রতে পা'রবে না
আমার মা স্বর্গ হ'তে ডাকছেন, আমার প্রাণ দেহ-পিঞ্জর
ভেঙ্গে চলো।

(মুচ্ছা)

সরফ রাজ খা। এ কিয়া! গুল কেয়া শুখ গেয়ী? বিবি
—বিবি! বাদী—

(বাদীর প্রবেশ)

দেখো,—লে যাও—যতনমে রাখো।

[সকলের প্রস্থান]

ষষ্ঠ গর্ভাঙ্ক

দেবী-মন্দির

ললিতা ও যোগবালাগণ ।

(সকলের গীত)*

ত্রিকাল-সোহিনী, যোগিনী-সোহিনী,

মুক্তিযোগ-রত্নী ।

দোহিত-বাসনা-বিকৃতি-ভূষণ,

জ্ঞানকল্পা সঙ্গিনী ।

সধা নিত্য, নিত্য বিস্ত, সত্যচিন্তাসিনী—

সাধক-শান্তি, বিবেক-কান্তি,

প্রান্তি-প্রান্তিনাশিনী,

উপাধি নগনা, সমাধিমগনা,

ত্রিগুণাতীত অঙ্গিনী ।

কারণার্ণব, (অ) নাথি প্রণব,

ভাবাভাব ভঙ্গিনী ।

[যোগবালাগণের প্রস্থান ।

লিতা । মা গিরিনন্দিনি, শিবরাণি, মা কৌমারী-
নি, কুমার-জননি, মা যোগিনি, শাস্তিদায়িনি, আমার
হৃদয় শাস্ত কর মা ! আমি কৌমার-ব্রত গ্রহণ
তোমার চরণে আশ্রিতা, - আমার চিত্ত স্থির কর
আমার চঞ্চল মন-প্রবাহ এখনও তার প্রতি ধাবিত ।
তামার ধ্যান করি—তার মুখ মনে পড়ে,—তোমায়
ব্যথা জানাতে গেলে, জ্ঞান হয়, তার সঙ্গে কথা
হা মা, তোমার দর্শনে এসে, আগে তারে দেখতে
! এ কি মা, এ আমার কি হ'লো ! সদাই মনে হয়
আসছে, সে আমার প্রতীক্ষায় দাঁড়িয়ে আছে । মা,
তার পদে আশ্রয় নিয়ে কি শেষে ব্রতভঙ্গ হবে ? মা,
তার হৃদয়-ভাবে কি তোমার মন্দির কলুষিত হবে ?
তার চরণে কি আমার এই কলুষিত বাসনা অঞ্জলি
? এ কি হ'লো ! কি ক'রে তারে ভুলবো ?

(নিরঞ্জনের প্রবেশ)

নিরঞ্জন । কে ও, মাধুরী ?

লিতা । না না নিরঞ্জন, আমি মাধুরী নই ; যদি

এই পীঠের বিশেষ এই,—সাকার ভাবে নিরাকার যোগমায়া
হইয়াছে ।

মাধুরী হ'তেম, তোমায় পেতেম । মাধুরী হেথায় আসবে .
কেন ?

নিরঞ্জন । মাধুরি—মাধুরি ! তুমি বল, তুমি হেথায়
কেন ?

ললিতা । মাধুরী হেথায় আসবে কেন ? স্থির হও,
চেয়ে দেখ, আমি মাধুরী নই ।

নিরঞ্জন । তোমার কি হয়েছে, তোমার এ সম্মানসিনী
বেশ কেন ? তুমি কি পূজা দিতে এসেছ ?

ললিতা । তাতে তোমার কি ?

নিরঞ্জন । আমার কিছু নয়, তুমি ভাল আছ তো ?

ললিতা । কেন, আমার ভালোয় তোমার কি ?

নিরঞ্জন । এখনও তুমি এ কথা বলছো ? দেখ,
তোমার জন্তে আমি পথের ভিখারী, পিতার সর্বনাশ
হ'য়েছে, কিন্তু তাতে আমার খেদ নাই । তুমি বলো,
তুমি স্থখে আছ—শুন আমি চ'লে যাই । তুমি আমার
হবে, বড় আশা ছিল, কিন্তু বিধাতা বিমুখ হ'লো ।
আমার অদৃষ্ট ! তোমার ভালই আমার ভালো । বল,
তুমি স্থখে আছ, তা হ'লে আর বিরক্ত ক'রবো না ।
ললিতা । নিরঞ্জন, এখনো প্রতারণা ! কেন, আর
প্রতারণার প্রয়োজন কি ? তুমি তো আমায় ভাসিয়ে
দেছ, তবে আর কেন সোহাগ জানাও ? চেয়ে দেখ,
তোমার মাধুরী নই দেখ, ছুগিনী—উদাসিনী—বঙ্জিতা
—ঘৃণিতা ।

নিরঞ্জন । কি কি, কি হয়েছে ?

ললিতা । না, কিছুই নয় । তুমি হেথা আর থেকে
না । কেন আমায় পাতকিনী ক'রবে ? তোমার কথা
শুনলে, তোমায় দেখলে—আমি ধর্ম রাখতে পারবো
না, তোমায় পাব না, কিন্তু আমি—তাতে তোমার কি
এসে যায়, কেন তোমায় বলি ?—নিরঞ্জন, আর আমায়
পতিতা ক'রো না । যা হবার হ'য়েছে, তুমি চ'লে যাও ।
এই আশীর্বাদ ক'রো, যেন জন্মজন্মান্তরে তুমি আমার
হৃদয়ে স্থান না পাও । অনেক চেষ্টা ক'রেছি, এ
জীবনে তোমায় ভুলতে পারবো না । চ'লে যাও, চ'লে
যাও, আমায় মহাপাতকিনী ক'রো না ।

নিরঞ্জন । চল্লম, আর তোমার সঙ্গে এ জীবনে দেখা
হবে না ।

ললিতা। সেই ভাল;—স্থখে থাক, দেবীর কাছে এই আমার প্রার্থনা।

নিরঞ্জন। স্থখ:—স্থখে আমি জলাঞ্জলি দিয়েছি।

ললিতা। আবার ঐ কথা! আমি চলুম।

[ললিতার প্রস্থান।]

নিরঞ্জন। এ কি! পুরঞ্জনের কি অমঙ্গল হলো? দুর্দম মনোবেগ কোনমতেই ফেরাতে পারি নে;—দিবারাত্র পরদ্বীর চিন্তা। ইচ্ছা হচ্ছে, ছুটে গিয়ে পায়ে ধরে প্রেম প্রার্থনা করি। পিতার সর্বনাশ করেছি, পরিবার-বর্গ পথে পথে ফিরছে, নিজে পথের ভিকারী হয়েছি, এ দুঃস্থায়ী ও মাধুরী! এই কি আত্মত্যাগ, এই কি স্বার্থ-বিসর্জন! ধিক্! আমার আত্মবিসর্জনে ধিক্, আমার বন্ধুকে ধিক্! যাই, পুরঞ্জনের সন্ধান নেব; তার পর মাধুরীকে যদি না ভুলতে পারি, মার চরণে কলুষিত বক্ষের শোণিতদানে প্রায়শ্চিত্ত করবো! [প্রস্থান।]

(গঙ্গার প্রবেশ)

গঙ্গা। মা! শুনেছি, সকল নারী-দেহে তুমি বিরাজিতা। আমি পাতকিনী, আমি কলকিনী, কিন্তু মা, তুমি পতিতপাবনী,—পতিতা দুহিতাকে দয়া কর। মা অন্তর্গম্য মনি, আমার অন্তরের কথা বোঝো,—আমার রত্নলাল কারাগারে। আমার মহাপাপের শাস্তি যা তোমার ইচ্ছা দাও, কোটি কোটি জন্ম আগার শরীর নরকের কীটে দংশন করুক—মা, আমার রত্নলালকে মুক্তি দান করো; আমি তারে চাইনে, আমি দেখি, সে মুক্ত হয়েছে! মা, গা, বাঙ্কাকল্লতরু!

(রত্নলালের প্রবেশ)

কি, তুমি পালিয়ে এসেছ?

রত্নলাল। তোমার কি বোধ হচ্ছে, কারাগারে আছি?

গঙ্গা। কি জানি! তোমার চংএর কথা ভুমিই জানো।

রত্নলাল। আ মরি মরি! চং-চং যা তোমাতে নাই!

গঙ্গা। ই্যা, চং-চং আমাদের আছে বটে, কিন্তু তোমার মত নয়।

রত্নলাল। তুমি আমায় ভালবাসোই বাসো,—বি বল?

গঙ্গা। সে আমরা অমন কত লোককে বলি।

রত্নলাল। বল না কেন, একটু ভালবাস, না?

গঙ্গা। তোমায় ভালবেসে কি করবো, তোমায় কাছে তো এক পয়সার পিত্তেশ নেই।

রত্নলাল। কেন বি.ব, আমি তো তোমায় টাকা দিতে চেয়েছিলুম। তুমি প্রহরীদের ভাং খাইয়েছ, আমায় কিনে রেখেছ। তুমি যা চাও, আমি তো দিতে রাজী।

গঙ্গা। আমি তোমায় চাই।

রত্নলাল। তা আমায় কিনে নিও, আর একটা কাছ করো।

গঙ্গা। কি?

রত্নলাল। রাজা উদয়নারায়ণের কন্ঠাকে সুরক্ষা রাখা তার বেগমদহলে নিয়ে গেছে;—সতীর ধর্ম নষ্ট হবে, তারে তুমি রক্ষা কর।

গঙ্গা। আচ্ছা, তোমার পরের জন্ম অত মাথা ব্যথাকেন? তুমি তো ধর্ম-কর্ম ছাই মানো। এই তো মায়ের সামনে একবার মাথাটাও নোয়ালে না।

রত্নলাল। মার কোলে ছেলে থাকে, ক'বার প্রণাম করে বল? ক'বার স্তবস্তুত করে? ক'বার বলে,—তুমি হান, তুমি ত্যান? ক্ষিদে পেলে, দরকার হলে এসে—মার পায়ে যে মাথা ঝেঁড়ে না তাতে কি মা বেজার হয়? তবে সংমা হলে নানা কথা কহিতে হয় বটে। বলতে হয়,—মা গো, জননী গো, আমি মনে হয়, সর্বনাশী গো, কখন কি ক্রটি হবে গো, অমনি ঘাড় ভাঙবে গো;—তাই মুখে বলতে হয়,—তুমি জননী গো, তুমি কি না পার গো!

গঙ্গা। তবে তুমি মাকে মান?

রত্নলাল। অমন পাথুরে মাকে মানি না মানি, তাহে বড় এসে যায় না; দেখ না, এক পোড়ার মুখ নিয়ে পড়ে আছেন, না হয়, জিব বার করে ঠাড়িয়ে আছেন। আমি বলি,—থাক মা, বিষপত্রের গাদায়, টিকিয়ার ভট্টাখির মুখে “চিড়ি চাড়াং কিড়ি ফাড়াং” শোনো।

গঙ্গা। তুমি নাস্তিক নাকি?

রত্নলাল। আমি নাস্তিক! যে আমায় নাস্তিক বলে

মান্তিক। আমি এমন স্বককারে তীরন্দাজী করি
আমার দেবতা প্রত্যক্ষ! আমার দেবতা কথা
আমার দেবতার প্রাণ আছে, আমার দেবতা এমন
ভাগ খায় না, সত্যি ভোগ পায়, আমার দেবতা পরম
র!

গঙ্গা। কে তোমার দেবতা শুনি?

রঙ্গলাল। মানুষ আমার দেবতা!—যারে হিন্দু,
মান, ক্রিস্টান বলে—ভগবানের অংশ। শাস্ত্র নিয়ে
বিতর্ক আছে, এ কথার তর্কবিতর্ক নাই। আমার
প্রাণময় মানুষ;—যার সেবা ক'রলে প্রাণ ঠাণ্ডা
যার সেবা ক'রে মনকে জিজ্ঞাসা ক'রতে হয় না—ভাল
ছি কি মন্দ ক'রেছি,—যে দেবতা পূজায় কোন শাস্ত্রে
নাই, তর্কবিতর্ক নাই। দেখ বিবিজ্ঞান, একবার
যার সেবা ক'রে দেখ, প্রাণ তরু হ'য়ে যাবে। এইত
ক'রে রোজগার ক'রেছ, মনে মনে একবারও
যতই মনকে চাপা দাও যে কসব করাটা বড়
কাজ হয় নাই। কিন্তু আমার দেবতার পূজা যদি
, তা হ'লে মনে ক'রবে, টাকা রোজগার ক'রেছ
, ঠিকঠাক দেবতার পূজায় লেগেছে।

গঙ্গা। আমি ঠিক ঠাওরেছি, তুমি নাস্তিক।

রঙ্গলাল। কেন বিবি, বোঝ। বড় বড় টিকিদাস
খ্যিকে জিজ্ঞাসা ক'রো,—ব'লতে হ'বে, সকল
যেই মা আছেন; বড় বড় মোল্লা মানবে—খোদার
সবাকার জান; পাদুরীতে বলবে—ভগবান্ হুঁ
মানুষ তৈয়ারি ক'রেছেন; তা হ'লে আর আমি
কি ক'রে বল? 'মা সর্বময়ী—মা সর্বময়ী'
পূজা দিয়ে গেল, মুখে ব'লেন, সর্বভূতে মা আছেন,
জীবজন্তু দু'রে থাকুক, মানুষের বুকেই ছুরী দেন।
টাকা ধার দিয়ে পাঁচশো টাকা আদায় ক'রে নিয়ে,
পর তারে কয়েদ দিলে; ক্ষিদেয় একটা লোক হা-হা
হ, আপনি পেট ঠাণ্ডা ক'রে দরওয়ানকে ব'লে, 'নিকাল
। কিন্তু প্রতি হাত বল আছে, —'মা ব্রহ্মময়ী, তুমি
তে আছে।' তার মা বলা তাতেই থাক, এমন মা
বলতে চাইনে। তিনি কৈলাস প্রাপ্ত হোন, বৈকুণ্ঠ
হোন, তাতে আমার হিংসা নাই। মার কাছে
প্রার্থনা, তুমিও আশীর্বাদ কর, আমি যেন হু'

একটা ভুলো মানুষকে ভাত দিতে পারি, যে শীতে
কাঁপছে, তাকে একখান কবল দিতে পারি, তা হ'লেই
আমি চরিতার্থ হব।

গঙ্গা। ঠাকুর-দেবতা মান না—তুমি নরকে যাবে।

রঙ্গলাল। মানি নে কেন ব'লছো বল?—এই যে
তোমায় বুঝিয়ে ব'ল্লুম। আর এতে যদি নরকে যেতে
হয়, আমি রাজী আছি। বিবিসাহেব, তোমায় একটা
কথা বলি।

গঙ্গা। কি?

রঙ্গলাল। দেখ, একদিন একজনকে—খুব ক্ষিদে
পে'য়েছে, চারটি খেতে দিও, খুব তেষ্টা পে'য়েছে, একট
জল দিও,—খেয়ে ব্যাটারা 'আঃ' ক'রবে, শুনে যে তোমার
স্বখ হ'বে, কোন ব্যাটার চোদ্দপুরুষে কল্লনায় স্বর্গ সৃষ্টি
ক'রে, এত স্বখ সৃষ্টি ক'রতে পারে নাই। জোর স্বর্গস্বখ
ক'রেছে কি জান?—অপ্সরীর সঙ্গে প্রেমালাপ হ'লো,
পারিজাতের মালা গলায় দিলে, খাটি না খেয়ে একটু স্বখ
থেলে। ইন্দ্রিয়তৃপ্তি ফুরোলো, পারিজাতের মালা বাসি
হ'লো, আর অমৃতের নেশার খোঁয়ারী এলো। এ গুলো
বিবিজ্ঞান, তুমি তো দেখেছ, এ আমোদ, না ছাই!
ব্যাটারা সন্দেশ ফেলে বিষ্ঠে খায়! যাক, রাত ফুরলো,
সকালেই তোমাকে এ কাজ ক'রতে হ'বে।

গঙ্গা। কি ক'রবো বল?

রঙ্গলাল। মাধুরীকে উদ্ধার ক'রতে হবে।

গঙ্গা। কি ক'রে?

রঙ্গলাল। তা তুমিই জান। যদি পার, স্বর্গ কোথায়
বুঝবে। আমি যাই, আমার কাজ আছে।

[রঙ্গলালের প্রস্থান।

গঙ্গা। রঙ্গলাল, তুমিই আমার স্বর্গ!

[প্রস্থান।

সপ্তম গর্ভাঙ্ক

সরফরাজ খাঁর কক্ষ

সরফরাজ খাঁ ও মাধুরী।

সরফরাজ খাঁ। বিবিজ্ঞান, মেহেরবাণী করো, নেক
-নজর দাঁও।

মাধুরী। এ কি! পাপ দেহে এখনও জীবন র'য়েছে,
এখনও মুসলমানের গৃহে র'য়েছি!

সরফরাজ খাঁ। বিবি, গোলামসে জেরা বাৎ করো,
তোম' দেলখোস হায়!

(পরিচারিকার প্রবেশ)

পরিচারিকা। গঙ্গা তয়ফাওয়ালী আয়ি,—

সরফরাজ খাঁ। হাম নেই বোলায়, তোম'লোক
চলা যাও, মাং আও। (মাধুরীর প্রতি) বিবিজ্ঞান,
ছাতি পর লুটো, সিনা পর লুটো!—(আক্রমণোত্তত)

মাধুরী। ভগবান, রক্ষা ক'র! (মুচ্ছা)

(গঙ্গার প্রবেশ)

সরফরাজ খাঁ। তোম' কাছে হিয়া আয়ি?

গঙ্গা। নবাবজাদা, বুঝে না, কেন জোরজবরদস্তি
ক'রচ? তোমার জন্তু ও মরে!

সরফরাজ খাঁ। ক্যা-ক্যা?

গঙ্গা। ওর বে'র দিন তুমি ছিলে?

সরফরাজ খাঁ। হ্যাঁ হ্যাঁ, উসি ওয়াক্ত জান মে
কাটারি লাগা!

গঙ্গা। এই দেখ, ঠিক হ'য়েছে! এই তোমায়
চিনতে পাচ্ছে না, তাই এমন ক'চ্ছে! তুমি সেই
পোষাকটি প'রে এসো দেখি, তা হ'লেই তোমার গলা
জড়িয়ে ধ'রে, তোমার মুখ-চুখন ক'রবে।

সরফরাজ খাঁ। সাচ?

গঙ্গা। নবাবজাদা, তোমায় মিছে ব'ল্চি? ওর
স্বামীকে ভুলিয়ে শুধু শুধু মুরশিদাবাদে এসেছে? ও
বাপকে খুঁজতে আসবে কেন?—ওর বাপ কি হারিয়েছে,
যে খুঁজতে আসবে?

সরফরাজ খাঁ। দেখো গঙ্গা, ইস্কি ঠাণ্ডা করো,
হাম ঐ পোষাক পিহিনকে আওয়ে।

গঙ্গা। যাও—যাও সাজাদা, শীগ'গির এসো।

[সরফরাজ খাঁর প্রস্থ]

গঙ্গা। দেবি, ওঠো! শীগ'গির ওঠো! এই ওড়না
দিয়ে পালাও।

মাধুরী। মা, মা, কে তুমি?

গঙ্গা। কথার সময় নাই, শীগ'গির পালাও,—
এ'নি জাত যাবে। শোয়ারি ত'য়ের আছে,
শীগ'গির পালাও!

[মাধুরীর প্রস্থ]

(গঙ্গা কর্তৃক সরফরাজ খাঁর অস্ত্র পালঙ্কোপরি
উপাধান ওড়না দিয়া আচ্ছাদন)

(সরফরাজ খাঁর প্রবেশ)

সরফরাজ খাঁ। গঙ্গা, গঙ্গা,—বিবিকে! দেও
হাম ঐ পোষাক পিহিনা।

গঙ্গা। চূপ, কথা কয়োন, মান ক'রে ওড়না
দিয়ে প'ড়ে আছে, তুমি কিছু ব'লো না। দে
তোমার বুকের উপর গিয়ে প'ড়বে। ও যেমন
ক'রেছে, তুমিও তেমনি একটু মান ক'রো না।

সরফরাজ খাঁ। আচ্ছা, আচ্ছা! কই কই
তো আয়া?

গঙ্গা। আং, তুমি ঠাণ্ডা হও না, মুখে কাপড়
শোও না!

সরফরাজ খাঁ। (শয়ন করিয়া) কই, আবি
উঠা গঙ্গা?

গঙ্গা। আরে, আমার সামনে উঠবে কি?

সরফরাজ খাঁ। তোম হট' যাও—তোম হট'

গঙ্গা। আচ্ছা, আমি যাচ্ছি।

[গঙ্গার প্রস্থ]

সরফরাজ খাঁ। নেই আতি—আতি আবি
ছিপায়কে রহে! ওড়না হেল্‌তি—এই আতি এই
ছাতি পর লোটেন্‌কি! উঠতে নেহি, জবর মা
হাম ওড়না উখাড় লে! (উখান ও পাল
উপাধানের ওড়না উত্তোলন) আরে, ওই কাঁহা
আরে, পাক্‌ড়ো পাক্‌ড়ো!—

[

অষ্টম পর্ভাঙ্ক

মঞ্জনা-কক্ষ

উদয় নারায়ণ, গোলাম মহম্মদ ও জমীদারগণ।

উদয়। (স্বগত) সরফরাজ !

তোমার শোণিত-তৃষা হয় বলবতী।

বিমল পদ্মিনী-ধ্বাণ কুকুরের অভিলাষ !

তনয়ারে যাচিল যখন,

পারিতাম সেই দণ্ডে মস্তক করিতে ছেদ !

কিন্তু সহিল সকলি—

নবাব প্রতাপশালী,

জয়-আশা নাহিক বিদ্রোহে।

বিশেষতঃ নবাব উদারচেতা, পক্ষপাতহীন।

সরফরাজ !—

অগ্নিসম দহে তার বাণী—

কিন্তু বিগ্রহে নিশ্চয় পরাজয়।

১ম জমীদার। মহারাজ, কি চিন্তা ক'ছেন ? অস্ত্র-ধারণ করুন ;—মুসলমানের অত্যাচারে মাতৃভূমি নিপীড়িত।

উদয়। পরাজয় নিশ্চয়। রাজদ্রোহী হ'য়ে যে জয়লাভ হবে, কিছুতেই আমার বিশ্বাস হয় না। বিশেষতঃ নবাব অতি সদাশয়,—

১ম জমীদার। মহারাজ ! আপনি যদি জমীদারের চূর্ণিতর দিকে দৃষ্টি না করেন, তা হ'লে আর কে ক'রবে ? দেখুন, এক কপর্দকও খাজনা বাকী থাকলে, নিদারুণ হিমে, ছরন্ত গ্রীষ্মে বিবস্ত্র ক'রে বেঁধে রাখে ; কুৎসিত আবজ্জনা পূর্ণ গহ্বরে আবদ্ধ করে,—উপহাস ক'রে তার নাম দিয়েছে “বৈকুণ্ঠ”।

গোলাম। বেসক্—বেসক্ !

উদয়। নবাবের কর্মচারীরা এরূপ করে।

২য় জমীদার। একই কথা। নবাবের দিল্লীতে খাজনা পাঠান চায়ই, সে খাজনা যেমন ক'রে পারে—আদায় ক'রবে ! কর্মচারীরা উপলব্ধ্য মাত্র, সমস্ত কার্যই নবাবের।

গোলাম। বেসক্ !

উদয়। আমাদের সৈন্ত কই ?

৩য় জমীদার। কেন ? সকল জমীদারেরই হুশিক্ষিত পা'ক আছে। রাজসাহীর খাজনা আদায়ের জন্ত নবাবই আপনাকে সৈন্ত দিয়েছেন,—তারা আপনায় করগত। বিশেষ, এই গোলাম মহম্মদ মহা বীরপুরুষ, এর ইচ্ছিতে সৈন্ত স্ফূর্তন হবে।

গোলাম। বেসক্ !

উদয়। কিন্তু দেখুন, নবাবের অপরিমিত অর্থ, হুশিক্ষিত সেনা—নব আবিষ্কৃত অস্ত্রশস্ত্রে সজ্জিত,—ডয়লাভ স্বকঠিন।

২য় জমীদার। যুদ্ধবিগ্রহে উৎসাহই প্রধান। মধ্য-পীড়িত সমস্ত জমীদার যুদ্ধ ক'রবে। নবাবসৈন্ত বেতন-ভোগী মাত্র, এতে কেন পরাণে আশঙ্কা ক'রছেন ?

গোলাম। বেসক্ !

উদয়। থা সাহেব, তুমি সমস্ত বিবেচনা কর। প্রবলপ্রতাপশালী নবাবের বিরুদ্ধে অস্ত্রধারণ ক'রে কতদূর কৃতকার্য হ'তে পার'বো, তা বুঝতে পার'ছিনে। একে প্রজা নিপীড়িত, তার উপর বিদ্রোহানল প্রজ্জ্বলিত ক'লে প্রজার অশেষ দুর্গতি হবে। সকল দিক্ বিবেচনা করুন, সহসা এ গুরুতর কার্যে হস্তার্পণ করা কতদূর সঙ্গত ?

গোলাম। ফোজ আপ'কা ওয়াস্তে জান দেগা। তলপ বাকী রহা, আপ' প্রজাসে আদায় করনে হুকুম দিয়া, সব'কোইকো ছুনা তলব মিল্ গিয়া। ডরিয়ে মাং—আপ নবাব হোজ্জে।

উদয়। আপনার অল্পরোধে আমি প্রজাদের নিকট হতে বেতন আদায়ের হুকুম দিয়েছি। শুনতে পাই, তাতে প্রজাদের উপর ভয়ঙ্কর অত্যাচার করা হ'য়েছে।

গোলাম। নেহি, নেহি মহারাজ !

উদয়। আমি আজ বিবেচনা করি, কাল উত্তর দেব।

১ম জমীদার। বিবেচনা কি ক'রবেন ? কৃতসংকল্প হোন, মুসলমানের অত্যাচার অসহ !

গোলাম। বেসক্ !

(মাধুরীর প্রবেশ)

মাধুরী। ঐ আস্ছে ! ঐ আস্ছে ! আমায় ধ'রবে ! বাবা, রক্ষা করো, আমার জাত ধাবে ! আমায় ধ'রে নিয়ে গিয়েছিল ! আবার যদি নিয়ে যায়, আমি বাচ'বো

না' তারা আসছে, আমায় ধ'রবে, এবার ধ'রলে আর পালাতে পারবো না। বাবা, বাবা, পালাও!

উদয়। এ কি—মাধুরী!

(শালিগ্রামকে লইয়া দুইজন প্রহরীর প্রবেশ)

প্রহরী। মহারাজ, ছিপায়কে সব সন্না এ আদমি শুন্তা রাহা।

উদয়। কে তুমি?

শালিগ্রাম। আমায় তো চেন, নূতন পরিচয় তো নয়,—আমি শালিগ্রাম।

উদয়। শালিগ্রাম, তুমি আমায় মার্জনা কর। আমি না বুঝে রোষবশতঃ তোমাদের পিতা-পুত্রকে কারাগারে দিয়েছিলাম,—অতি মূঢ়ের কার্য্য ক'রেছি, আমায় মার্জনা কর।

শালিগ্রাম। মার্জন্য স্থান আমার হৃদয়ে নাই। বিধবা-কারাগারে বাস ক'রেছি, এক মাত্র সন্তানের যত্নগা দেখেছি, আমার প্রতিহিংসা-তৃষা এখনো মেটে নাই,—সেই কারাগারে তোমায় দিলে মিট'তো। কিন্তু আর এক প্রতিশোধ আমি পেয়েছি, তাতেই কতকটা শান্ত আছি।

উদয়। যা হবার হ'য়েছে, তুমি মার্জনা কর। আমি অপরাধী, তোমার পায়ে ধ'রে স্বীকার পাচ্ছি। নবাবের নৌহিন্দ্র উপস্থিত ছিল, তার সামনে তুমি আমার কণ্ঠ্যকে বেষ্ঠা-কণ্ঠ্য ব'লেছ। দেখ, মাহুষ সব সময় বুঝতে পারে না, বুদ্ধি স্থির থাকে না। শালিগ্রাম, আমি বড় অপরাধী।

শালিগ্রাম। সরফরাজ খাঁর সামনে তোমার কণ্ঠ্যকে বেষ্ঠার কণ্ঠ্য ব'লেছি, এতেই তোমার বড় অপমান হ'য়েছিল! কিন্তু আজ তোমায় ব'লছি, আবার তোমায় ব'লছি,—তোমার বেষ্ঠা-কণ্ঠ্য আজ সরফরাজ খাঁর উপপত্নী!

মাধুরী। বাবা—বাবা, রক্ষা কর। এই আমায় নিয়ে গিয়েছিল, এই আমায় ব'লেছিল, তোমার বাপের কাছে নিয়ে যাচ্ছি, এই আমার সর্বনাশ ক'রতে যাচ্ছিল। বাবা, বাবা—পালাও,—ও আবার আমাদের ধরিয়ে দেবে।

শালিগ্রাম। উদয়নারায়ণ, সমস্ত শুনলে? আর তো

তোমার অবিশ্বাস নাই? সরফরাজ খাঁর অন্তরে আমি তোমার কণ্ঠ্যকে নিয়ে গেছি। বেষ্ঠাকণ্ঠ্য ব'লেছিলাম ব'লে বড় অপমান হ'য়েছিল! সমস্ত জমীদার শোন,—সরফরাজ খাঁর অন্তরে, রাজা উদয়নারায়ণের কণ্ঠ্য গিয়েছিল। উদয়নারায়ণ, মার্জনা তুমি চেয়ে না, আমি না হয়, মার্জনা একবার চাই! মার্জনাই বা চাইবে কেন?—তুমি নবাবজাদার শ্বশুর!

মাধুরী। বাবা, বাবা! একে তাড়িয়ে দাও। পালাও—পালাও, আবার আমাকে ধ'রবে, আবার আমায় সেখানে নিয়ে যাবে।

উদয়। রায় সাহেব, দেখছি তুমি নিরস্ত। প্রহরী, দু'খানা অস্ত্র দাও। (প্রহরীর অস্ত্র প্রদান) কোন তরবারি তুমি নেবে নাও।

শালিগ্রাম। ভাল, ভাল উদয়নারায়ণ, তোমার উদারতা আছে! তোমার বক্ষের শোণিত যদি দেখতে পাই—বড় তৃপ্ত হব! এসো, আমি প্রস্তুত। (উভয়ের অস্ত্র গ্রহণ)।

উদয়। সকলে সাক্ষী হও, আমি অস্ত্রায় যুদ্ধ ক'রবো না। (যুদ্ধ করিতে করিতে) হ'য়েছে, ক্ষান্ত হও।

শালিগ্রাম। না—না, ক্ষান্ত কেন হব? (পুনরায় যুদ্ধ)

উদয়। এখনো ক্ষান্ত হও।

শালিগ্রাম। এখনো বল আছে, তোমার বক্ষের রক্ত দেখতে পারি, ক্ষান্ত হব না।

উদয়। না—না, আর যুদ্ধে প্রয়োজন নাই।

শালিগ্রাম। তোমার কণ্ঠ্য—বেষ্ঠা-কণ্ঠ্য, তোমার কণ্ঠ্য মুসলমানের উপপত্নী, তুমি হিন্দু নও, তোমার মুখে আমি নিষ্টিবন দি।

উদয়। তবে মর মুসলমানের কবর-ভূমিতে তোমায় ফেলে দেব।

(শালিগ্রাম রায়ের পতন)

কে আছি?—একে ল'য়ে গিয়ে, মুসলমানের কবর স্থানে ফেলে দিয়ে আয়।

(শালিগ্রামের দেহ লইয়া প্রস্থান)

খাঁ সাহেব, সমাগত জমীদারবৃন্দ, আমি বিদ্রোহে প্রস্তুত।

সরক্‌রাজ খাঁর শোণিত যদি দেখতে পাই, তবে আমার তৃপ্তি হবে! চণ্ডাল আমায় ব'লেছিল,—“তোমার কন্ঠাকে আমার বেগম কর”, এর কি প্রতিশোধ হবে! আমি নরশোণিতসিক্ত অসি ধারণ ক'রে প্রতিজ্ঞা ক'রছি,—নবাব-বংশ ধ্বংস ক'রবো, নচেৎ প্রাণ আমার তৃণজ্ঞান হ'চ্ছে, তুচ্ছ প্রাণ এখনই ত্যাগ ক'রতে আমি প্রস্তুত। আপনারা সকলে এক্ষণে আসুন। বহু দিনের পর আমার কন্ঠার দেখা পেয়েছি, হুঁটো কথা কব।

[মাধুরী ও উদয়নারায়ণ ব্যতীত সকলের প্রশ্নান।

মাধুরি, তোমার অপ্রে আমি অস্ত্রাঘাত ক'রতে পারবো না, কিন্তু তুমি কিসে ম'রবে? অস্ত্রে, অনলে, সলিলে না বিষপানে? ম'রবার জন্ত প্রস্তুত হও।

মাধুরী। বাবা—বাবা, আমায় মেরে ফেলুন। আপনিই আমায় অস্ত্রাঘাত করুন, আমি বুকেছি,—মরণই আমার পক্ষে মঙ্গলকর। আমি কলঙ্কিনী, আমার জন্ত অনেক স'য়েছ, অনেক কষ্ট পেয়েছ, বাবা, আমায় বধ কর।

উদয়। না, বধ ক'রতে পারবো না! তোমার মুখ দেখলে তার মুখ মনে পড়ে; ঠিক তার মত চক্ষু, ঠিক তার মত অধর, তার মত অবয়ব, তার মত কৃষ্ণ-কুঞ্চিত কেশ-দাম, আমি স্বহস্তে তোমায় বধ ক'রতে পারবো না!—তুমি আপনি মর; অস্ত্রে, অনলে, গরলে বা গঙ্গাসলিলে প্রাণ পরিত্যাগ ক'রতে প্রস্তুত হও। তুমি আমার কলঙ্কের কারণ, তা বুকেছি; তবে মরণে প্রস্তুত হও।

মাধুরী। বাবা,—আমি কালসর্পিণী, তা আমি বুকেছি, আমি কলঙ্কিনী, তা আমি বুকেছি। আমি পতি-বর্জিতা—তা আমার হৃদয়ে বিঁধে আছে, আমি মুসলমানের ঘরে গিয়েছি, তা আমার স্মৃতিতে জ্বলছে,—বাবা, আমি মরণে প্রস্তুত।

(অন্নদার প্রবেশ)

অন্নদা। রাজা, ভেবো না—ভেবো না, আমি পাগ-লিনী নই; কন্ঠা তোমার নয়—আমার। আমি তোমার চক্ষে নিরুদ্দেশ, সকলের চক্ষে নিরুদ্দেশ, কিন্তু আমি সর্ব-স্থানে বেড়িয়েছি, সকল দেখেছি, পাখীর মতন আমার বাছাকে ডানা দিয়ে ঢেকে রেখেছি, তোমার মেয়ে নয়,

তুমি আর দেখা পাবে না; মৃত্যুকালে দেখবে, আমি তোমায় দেখাবো। আমি যেমন সতী, আমি যেমন পবিত্রা, আমি যেমন পতি-অহরাগিনী, আমার কন্ঠাও সেইরূপ, মৃত্যুকালে বুঝবে। রাজা, আমি অনেক স'য়েছি, তুমিও কিছু সও। আমার কন্ঠা আমি নিয়ে যাচ্ছি, তোমায় আর ভার নিতে হবে না।

উদয়। অন্নদা!—(মুচ্ছা)

অন্নদা। আয় আয়, চলে আয়, আমার সঙ্গে আয়! আয় আয়, তুই সতীর কন্ঠা সতী—মনে দুঃখ করিসনে! আয় আয়, হেথা থাকিস্ নে—শীগ'গির আয়, শীগ'গির আয়! তোর পিতা নয়—তোর শত্রু।

[মাধুরীকে লইয়া অন্নদার প্রশ্নান।

উদয়। (উত্থিত হইয়া) এ কি, আবার কি দুঃস্বপ্ন দেখলেম! কে এলো? প্রহরি, প্রহরি,—

প্রহরী। (প্রবেশ করিয়া) মহারাজ, মহারাজ! দেও আয়িথি! আঁখ জলতা রহা, শ্বাসমে আগ্‌ছট্‌তা, মহারাজ, আয়ি,—চলা গেলি। দেও—দেও—মহারাজ দেও!

উদয়। কোথা গেল—কোথা গেল—

[প্রশ্নান।

চতুর্থ অঙ্ক

প্রথম গভর্নাক্স

দেব-মন্দির

গঙ্গা ও ললিতা।

গঙ্গা। দেবি, আপনি হেথায় কেন?

ললিতা। কি গঙ্গা, রাজমহলে বে' দে'খে এলে?

গঙ্গা। না।

ললিতা। কেন? তুমি তো রাজমহলে বে' দে'তেই গেলে?

গঙ্গা। আমি একজনকে খুঁজতে গিয়েছিলুম।

ললিতা। কে?—যারে তুমি ভালবাস?

গঙ্গা। আমি তো সর্বত্রই ঘুরি, আপনি এখানে কেন?

ললিতা। তুমি তো ব'লেছ, সংসারে অনেক লোক ঘুরে বেড়াচ্ছে।

গঙ্গা। (স্বগত) বুঝি রিষের জালায় বেরিয়ে এসে সংসারে ভেসে বেড়াচ্ছে। ছিঃ ছিঃ, আমিই সর্বনাশ ক'রলেম। রঙ্গলালকে খুঁজে যদি পেতেম, উপায় হ'তো। সে দিকে সে জ'ল্চে,—এ দিকে এ জ'ল্ছে। সংসারে আগুন জ্বলতেই এসেছিলেম, কত সরল হৃদয়ে আগুন জ্বলে দিয়েছি,—শেষে কুলবাল! মজালুম।

ললিতা। কি গঙ্গা, কি ভাবছে?

গঙ্গা। আপনি কি উদাসিনী হ'য়েছেন?

ললিতা। না, আমার বেশ দে'খে তুলে না। যেমন তোমার বেশ দেখে বোধ হয়, তুমি প্রণয়হীনা বার-বিলাসিনী, কিন্তু দেখছি তুমি তা নও। নারী নারীই থাকে, আমিও রমণী, মনে করি উদাসিনী, কিন্তু উদাসিনী নই। কই—উদাসিনী তো হওয়া যায় না!

গঙ্গা। আপনি কি গৃহত্যাগ ক'রে এসেছেন?

ললিতা। আমার ক'নে গৃহ ছিল না, ত্যাগও করি নাই। আমি চিরদিন সংসারে একাকিনী। তবে গৃহের বাসন ছিল, আজও যে নাই, তা ব'লতে পারি নে। অনেক দিনের বাসন। অনেক দিন যারে যত্ন ক'রেছি, কত

সোহাগ ক'রেছি, কত তার মধুময় কথা শুনেছি, তারে ছাড়বো মনে করি, ছাড়তে পারি না। তখন সে আদরিণী ছিল, সোহাগিনী ছিল, এখন সে সাপিনী—দংশন ক'রছে; তবু তার সেই আদরই আছে, সেই সোহাগই আছে।

গঙ্গা। যা ছাড়া যায় না, তবে তারে ছাড়বার চেষ্টা কেন ক'রছেন? কেন ফিরে যান না?

ললিতা। ফিব্বো কোথায়? ফিরে কি ক'রবো? আমার সোহাগই আমার ফিব্বতে দেয় নাই। আচ্ছা, তুমি কি এখনো ব'ল, যে যারে ভালবাসে, তারে স্থখ দে'খে তার স্থখ?

গঙ্গা। তারে দে'খে স্থখ, তারে ভেবে স্থখ, তার কথায় স্থখ, তারে নিয়ে দুঃখে স্থখ।

ললিতা। কিন্তু আমি একটা গান শুনেছিলেম, শোন—

(গীত)

কেন চাহিব তারে,—যারে দিয়েছি পরে!

কেন ভুলিতে নারি, কেন তারে নেহারি,

কেন নয়ন ঝরে।

সহিয়ে যুগা, কেন মন বোঝে না,

সহি যাতনা, ছিঃ ছিঃ ভাল এতো না;

তবে এ কি লো জ্বালা, গলে শুকান মালা,

ছিঃ ছিঃ মালা ছেঁড়ে না, ফুল ঝ'রে পড়ে না,

নীরস হারে, কেন যতন করে, কেন হৃদয়ে ধরে।

তুমি গানটা বুঝতে পার?

গঙ্গা। বেশ বুঝতে পারি। আমার মালাও জালিয়েছে, আমার মালাও শুকিয়েছে, কিন্তু ছেঁড়ে নি, ছিঁড়তে পারি নি; এখনও সে শুকনো ফুল ঝরে নাই। তবু তারে আদর করি, তবু তারে হৃদয়ে ধরি, মনে হয় যেন সেই শুকনো ফুল আবার ফুটবে।

ললিতা।—

(গীত)

এত নয়ন-জল ঢালি,

কই সরস হয় কলি?

শুকিয়ে নধু গরল হ'লে,

তাইতো লো জ্বালা!

অবতনে ফোটে এ মকুল,
জন্মর আয়োজ করা কুল,
সৌভাগ্যে প্রাণ করে মকুল;
কেন কে জানে, সে কুল শুকায় বতনে,
শুক'র বৃষ্টি মনর আগুন;
এ তুলের কুহুম ভুলে গাঁথা,
ভুল বুঝে সহি কই ভুলি!

গঙ্গা। ভুললে যদি ভোলা যায় না, তবে ভুলবো
ব'লে আবার ভুল ক'র কেন? যা হয় না, যা হবার নয়,
তা মিছে ভেবে কি হবে?

ললিতা। মিছে ভাবলে যদি মিছে হ'তো, তবে
অনেক জিনিস মিছে হ'য়ে যেতো। সকলই মিছে হ'তো,
আমিও মিছে হ'য়ে যেতেম, কিন্তু মিছেও নয়—সত্যও
নয়, এই এক বড় খেলা!

গঙ্গা। দেবি, কি মিছে ব'লছেন? পেলা বটে,
কিন্তু মিছে খেলা নয়—প্রাণের খেলা; এ খেলা মিছে
ব'লে শেষ হ'বে না, সত্যি ব'লে শেষ হ'বে না, খেলে শেষ
হ'বে না, না খেলে শেষ হ'বে না।

ললিতা। তবে কি হ'বে?

গঙ্গা। কি হবে জানলে আমি একটা রকম ক'রতুম।
কেন খেলচি, জানি নে, কিন্তু খেলচি; কেন মজ্জিচি,
জানি নে, কিন্তু মজ্জিছি; কেন চাচ্ছি, জানি নে, কিন্তু
চাচ্ছি।

ললিতা। এমন কেন হ'লো!—এ কি ভাল?

গঙ্গা। ভালমন্দ ছাড়া এ এক নূতন জিনিস।
ভালমন্দের ভেতর এরো পাই নি। তবে মনে করি, যদি
ভাল ভেবে নিই, তবে বুঝি হয় তো ভাল হয়। আপনি
কি সত্য সত্যই সন্ন্যাসিনী হ'বেন?

ললিতা। এখন তো এই, তার পর কি হ'বে—কে
জানে!

গঙ্গা। সন্ন্যাসিনী হ'য়ে আপনিই তো ব'লছেন, ভুলতে
পারবেন না; তবে কেন গৃহে যান না? আপনার সব
আছে—সবই হবে।

ললিতা। গঙ্গা, তুমি ভালবাসো না, মন বোঝ না,
মনে ক'রেছ ভালবেসেছ। এখনো ফের, অনায়াসে ফিরতে
পারবে। এখনো তোমার দাগ পড়ে নি,—মুছে ফেলবার
চেষ্টা কর, মুছে ফেলতে পারবে। আমার দাগ পড়েছে,

আর উঠবে না; মোছ'বার ধো থাকলে, মুছে ফেলে
ঘরে থাকতুম।

গঙ্গা। এখানেও কোন্ মুছে ফেলতে পারছেন?
তবে কেন ঘরে যাবেন না?

ললিতা। কেন? তুমি যে রাজমহলে বে' দেখ নি,
তা হ'লে বুঝতে কেন? যদি তাদের দু'জনের একবার
আনন্দমুগ্ধ দেখতে, তা হ'লে বুঝতে—কেন? যদি ছল-
ঢাকা সরল আবরণপূর্ণ মুখ দেখতে, তা হ'লে বুঝতে—কেন?
যদি সেই চাতুরী-ঢাকা মধুময় কথা শুনে—আশা ধরে ভেসে
অকূলে ডুবতে, তা হ'লে বুঝতে কেন? সে স্থান বিষ,
সে কথা বিষ, সে হাসি বিষ, সে চোখের চাহনি বিষ,
কিন্তু সে বিষে যে জ'ল্ছি—আমি তারে দেখাব না।
সে দেখে যেন উপহাস না করে, সে দেখে যেন মুচকে
হেসে চ'লে না যায়, সে যেন মাধুরীর গলা ধরে দেখতে
না আসে। গঙ্গা, হ'লো না, তোমার কাছে থাকবো না।
তুমি জ'লে যাবে—ভস্ম হ'বে। দেখ, পার যদি একবার
দেখে এসো, তারা কেমন আছে দেখে এসো, আমরা
ব'লতে ইচ্ছা হয়, কেমন আছে—ব'লো,—না—ব'লো না
তোমার যা ইচ্ছা হয়—ক'রো।

গঙ্গা। আমি দেখতে চ'ল্লুম, যদি ফিরে আসি, তবে
কোথায় দেখা পাব?

ললিতা। বোধ হয়, এইখানে।

গঙ্গা। কিন্তু যদি মাধুরী দেবী পুরঞ্জনের অনুরাগিনী
হন, তা হ'লে তাঁর জালা আপনার চেয়ে বেশী।

ললিতা। কেন?

গঙ্গা। দেবি, আমরা বেশী; অনেকের কুঠো
করস্পর্শ আমাদের অনিচ্ছায় সহ্য ক'রতে হয়, স্নেহ সহ্য ক'র
আমাদের অভ্যাস। কিন্তু সে যে কি জালা, তা
জানে,—সেই জানে।

ললিতা। কেন, নিরঞ্জন তো তাঁরে ভালবাসে
কিন্তু কে জানে,—সে চাতুরীময়, হয় তো তাই
মজ্জিয়েছে; সে সকলই পারে, চতুরে সকলি সম্ভব।

গঙ্গা। আর মাধুরী যদি তারে না ভালবাসে?

ললিতা। এঁা! না, তুমি জান না। নিরঞ্
নিত্য আস্তো, সেও ছাদের উপর প্রতীক্ষায় থাকতে
চোখে চোখে কথা হ'য়েছে। মনের ভাব চোখে চোখে

বাক্য হ'য়েছে, সে আমার দেহে আসতো না; ছলনা।
—ছলনা; না—না—আর ও কথায় কাজ নাই, আমি চক্ষু।

[ললিতার প্রস্থান।

গঙ্গা। এ কি! তবে কি মাঝে ভুল হ'লো? নিরঞ্জন কি একেই মাধুরী ভেবেছে? মাধুরী তো পুরঞ্জনেরই প্রত্যাশায় থাকতো, নিরঞ্জনের নয়। ইনিই কি নিরঞ্জনের প্রত্যাশায় থাকতেন? রাজসাহীতে যে গল্প ব'লেছিলেন, সে গল্পের ভাবে আগেই আমার সন্দেহ হ'য়েছিল। এখন আমার স্পষ্ট অহুভূত হ'লো, ইনি আপনিই সেই নায়িকা। অসহ্যতা না ক'রে সন্ন্যাসিনী হ'য়েছেন। তবে তো বড় সর্বনাশ হ'য়েছে! আমি রাজমহলে যাই, এর তত্ত্ব নিই। রত্নলাল কোথায় গেল? তারে তো কোথাও খুঁজে পেলেম না। তারু'দেখা পেলে উপায় হতো; এখনও উপায় হয়, সে সব পারে।

[প্রস্থান।

দ্বিতীয় গর্ভাঙ্ক

গ্রাম্য-পথ

নিরঞ্জন।

নিরঞ্জন। আমি কি সর্বনাশ ক'রলেম! মাধুরী কি আমার জন্ত উদাসিনী হ'য়েছে? পুরঞ্জন কি তারে ত্যাগ ক'রেছে? কি হ'লো, সকল দিকেই বিভ্রাট হ'লো! পৃথিবীতে আমি একটা কণ্টক জন্মগ্রহণ ক'রেছিলেম; পিতার কণ্টক, বহুর কণ্টক, মাধুরীর স্থবের কণ্টক, আমার আপনার হৃদয়ের কণ্টক! হয় তো পুরঞ্জন মাধুরীর বিরহে অতিশয় কাতর। শুনেছি, সে দেশে দেশে পর্দাটন ক'চ্ছে, মাধুরীকে খুঁজছে। যদি দেখা পাই, সংবাদ দেব, পুনর্জীবনের চেষ্টা পাব। ঐ যে পুরঞ্জন! দেখা দেব কি? হ্যাঁ, দেখা দি, মাধুরীর সংবাদ ব'লে দি।

(গয়্যারাম ও উদাসভাবে পুরঞ্জনের প্রবেশ।)

গয়্যারাম। তবে রে ব্যাটা, আবার ঘুর ঘুর ক'রে কিচ্ছো?

পুরঞ্জন। (অন্তমনস্তভাবে) কে ও?

গয়্যারাম। আজ্ঞে, ও বদমাইস, কি দাঁওয়ে ঘুরচে। ব্যাটা ভিকিরী সেজেছে,—ডাকাতীর চেঠায় কিরুচে। খালি সন্ধান রাখছে, আপনি কোঁথায় যান, কি ক'রেন। ব্যাটা, ফাঁড়ীদার ধরিয়ে দেব ব্যাটা!

পুরঞ্জন। (অন্তমনস্তভাবে) না না, কিছু ব'লো না, কি চায়, জিজ্ঞাসা কর।

গয়্যারাম। কি চাস্ রে ব্যাটা—কি চাস্?

নিরঞ্জন। আমি, আমি,—

গয়্যারাম। তুমি, তুমি! ধাড়ী বদম্যেয়স ব্যাটা, ডাকাত ব্যাটা!

নিরঞ্জন। তোমার প্রভুর সঙ্গে দেখা ক'রবো।

গয়্যারাম। অত রসে কাজ নাই ব্যাটা, দূর হ ব্যাটা! আপনার সঙ্গে দেখা ক'রতে চাচ্ছে ব্যাটা।

পুরঞ্জন। (অন্তমনস্তভাবে) কিছু দিয়ে দাও।

নিরঞ্জন। (স্বগত) এ কি! আমার চিন্তে পাচ্ছে না? আমি তো সহস্র লোকের ভিতর পুরঞ্জনকে চিন্তে পারি! না, আমার দৈন্যদশা দে'খে বোধ হয়, ইচ্ছা ক'রে চিন্তে পাচ্ছে না; নচেৎ আমার চিন্তে পারবে না; কোনরূপে সম্ভব নয়। কথা কই।

গয়্যারাম। এই নে রে ব্যাটা নে, ব্যাটা দেখছে দে'খ ই্যা ক'রে! না নিল্, ব্যাটা চল্ যা।

পুরঞ্জন। (অন্তমনস্তভাবে) কি, কি বলে?

গয়্যারাম। আজ্ঞে একটা টাকা দিয়েছি, ব্যাটার পছন্দ হ'চ্ছে না।

পুরঞ্জন। দাও, একটা মোহর দাও। বোধ হয়, বেশী আশা ক'রে আমার কাছে এসেছে।

গয়্যারাম। (মোহর দিয়া) ব্যাটা খুব দাঁও মারলে!

নিরঞ্জন। তুমি, তুমি—

গয়্যারাম। ই্যা ই্যা আমি, তোমার বোনাই আমি, তোমার সম্বন্ধী আমি,—হুঁধা লাগাতে পা'বুলে বুঝ্তেম আমি,—ব্যাটার মোহরও মনে ধ'রুচে না। সোণা রে ব্যাটা সোণা, মোহর রে ব্যাটা মোহর, তোর বাপ দাদা কখনো দেখে নাই রে ব্যাটা!

পুরঞ্জন। (স্বগত) আর কোথায় দেখা পাব? কোথা যাব, নিশ্চয়ই বেঁচে নাই! নিরঞ্জন, একবার যদি তোমার দেখা পেতাম, তা হ'লে এই দণ্ডে জীবন বিসর্জন

নিত আমি প্রস্তুত। ভাই, তুমি আমায় ভুলে র'য়েছ!

নিরঞ্জন। (স্বগত), মুখ ফিরিয়ে নিলে, চিনেও চিনলে না, তবে আর কেন, যেখানে ইচ্ছা চলে যাই! দেহ ভার ব'লে বোধ হ'চ্ছে।

[নিরঞ্জনের প্রস্থান]

গয়রাম। দেখুন ম'শায়—দেখুন, ব্যাটা মোহর ফেলে ছুটলো! ব্যাটা রাহাজানি ক'রবে ম'শায়, দলে খবর দিতে গেল ম'শায়! আপনি আবার আপনার বন্ধুকে খুঁজতে বেরিয়েছেন, সম্মান পেয়েছে ব্যাটা। কোন্ দিকে যান, তার তাগৎ রাখ'ছিলো।

পুরঞ্জন। কি, মোহর নিলে না!—ডাকো, ডাকো।

গয়রাম। ওরে, ফের রে ব্যাটা—ফের।

পুরঞ্জন। যাও, তুমি ওরে ধরো। *

গয়রাম। আজ্ঞে দেখুন ম'শায়, ব্যাটা উর্দ্ধ্বাসে নৌড়চ্ছে ম'শায়! আমি ধ'রতে পা'রবো না ম'শায়, ব্যাটা ছুরী হেনে দেবে ম'শায়! ব্যাটা বদমাইস ম'শায়, রাহাজানীর ফিকিরে আছে ম'শায়!

(রঙ্গলালের প্রবেশ)

রঙ্গলাল। কি হে, নিরঞ্জন তোমার কাছে এসেছে?

পুরঞ্জন। না, সে কোথায়?

রঙ্গলাল। দেখ, কারাগার হ'তে বেরিয়ে যে কোথা চলে গেছে, তার আমি কিছু নির্ণয় ক'রতে পাচ্ছি নে। নবাব তার বাপের জমীদারী ফিরিয়ে দিয়েছে, এ সংবাদ সে জানে না।

পুরঞ্জন। আমি তো ভাই, তার দেশে দেশে অসু-সম্মান ক'রেছি। পুরস্কার স্বীকার ক'রে, শত শত লোক চতুর্দিকে পাঠিয়েছি, কিন্তু কোথাও তো তার তত্ত্ব পেলেম না। ভাই রঙ্গলাল, আমার পিতা অতুল সম্পত্তি রেখে গেছেন, সে সমস্ত তুমি লও। তোমার সংকার্য্যে ব্যয় ক'রো। আমার জীবনে ঘৃণা হ'য়েছে! নিরঞ্জন বোধ হয় বেঁচে নাই, তা হ'লে নিশ্চয়ই সে আমার সঙ্গে দেখা ক'রতো। আমিই সকল সর্বনাশের মূল, আমার মরণই মঙ্গল।

রঙ্গলাল। মরণ যে মঙ্গল, এ তো আজ পর্য্যন্ত কোন

শাস্ত্রেও পড়ি নাই, লোকেও বলে না। তবে প্রেমের নূতন বিধি, সে বিধিতে কি লেখে, জানি নে।

পুরঞ্জন। রঙ্গলাল তুমি এখনও পরিহাস ক'চ্ছ?

রঙ্গলাল। মরি মরি, কি তোমার চমৎকার অহুমান! তুমি ম'রতে চা'চ্ছ, আর আমি পরিহাস ক'চ্ছি! আমার তো তোমার মত প্রেমিক প্রাণ নয় যে, মরাটা ন'কড়া ছ'কড়া। ম'রো না এখন, দু'দিন থাকই না। মরণ বড় খুঁজতে হ'বে না, সেই খুঁজে পেতে নেবে এখন।

পুরঞ্জন। না না, আমার জীবনে ঘৃণা হ'য়েছে!

রঙ্গলাল। তা বেশ তো, ক্ষেমা-ঘেমা ক'রে দু'দিন টে'কেই যাও না। ম'রে কি বাহাদুরী ক'রবে বল? জ্যান্ত থাকতে থাকতে খুঁজে যদি বন্ধুর দেখা পাও, সে একটা কাজ হবে। যদি সে মরেই থাকে, তার ছেলে পিলে নাই, একটা পিণ্ড দিতে পা'রবে। বন্ধুর খাতিরে তার বাপেরও কিছু উপকার ক'রতে পা'রবে। তা 'অন্তে গঙ্গা নারায়ণ ব্রহ্ম' ব'লে বিশেষ কিছু ত স্থবিধা হবে না। সংসারটা চেয়ে দেখ, বড় যে খুব স্বখে সবাই আছে, তা নয়। একটা না একটা বেগোড় চ'লেইছে। তোমার জন্ত তো আর নূতন সংসার হ'বে না। একরকম গুছিয়ে-গাছিয়ে নিয়ে, দিনকতক কাটিয়ে দাও।

পুরঞ্জন। আহা, সে কোথায় নিরুদ্ধেশ হ'য়ে বেড়াচ্ছে!

রঙ্গলাল। এ কথা তুমিও জান, আমিও জানি। এ কথা তো বিশেষ কোন সংবাদ হ'লো না।

পুরঞ্জন। কি ক'রবো?

রঙ্গলাল। হারালে খুঁজতে হয়, এ নিয়ে তো বেশী তর্ক-বিতর্কের দরকার নাই।

পুরঞ্জন। নিরঞ্জনের ছবি আমার কাছে ছিল। আমি তার অহরূপ সহস্র ছবি তয়েরি ক'রে লোক দিয়ে চতুর্দিকে পাঠিয়েছি।

রঙ্গলাল। সে বেশ ক'রেছ।

পুরঞ্জন। তবে এখন কি ক'রবো, কোথায় খুঁজবো?

রঙ্গলাল। কোথায় খুঁজতে হবে, যদি জানতেম, তা হ'লে তোমার গোঁজ ক'রতেম না—তোমার কাছে আসতেম না। সেইটুকু না জেনে প্যাচ প'ড়েছে। ভাই

তোমার কাছে এসেছি। আর এক কথা,—শুনিছ নাকি, তুমি তোমার স্ত্রী ত্যাগ ক'রেছ ?

পুরজন। ই্যা, সেই সর্বনাশের মূল !

রঙ্গলাল। বেশ ঠাউরেছ। প্রেম ক'লে তুমি, নির্জন নিকুঞ্জে গেলে তুমি, আর সর্বনাশ ক'বলে সেই অবলা !

পুরজন। বেশা-কথা—বেশা ! সে নিরঞ্জনকে মজিয়েছে, আমায় মজিয়েছে।

রঙ্গলাল। ম'জতে ম'জ্জেই সেই। গলা পেতে বরমালা না নিলে না নিতে পারতে, সে জুলুম ক'বতো না। পর,—তুমি যদি মনে কর, দু'দশটা বিয়ে ক'রতে পার। কিন্তু তার দফা গয়া !

পুরজন। তুমি কি ক'রতে বল ? সেই বেশাকে ঘরে রাখতে বল ?

রঙ্গলাল। একটা সমস্তা বটে। আমি বরাবরই তো বলি, জীবন সমস্তাময়। তবে সমস্তার এক কাটান মস্ত আছে।

পুরজন। কি ?

রঙ্গলাল। সংসার যে সাগর বলে, এ কথা ঠিক ; কুল-কিনারা নাই। তাতে একটা ঞ্জবতারা আছে, দয়া ! দয়া যে পথ দেখায়, সে পথে গেলে নবাবও হয় না, বাদশাও হয় না, তবে মনটা কিছু ঠাণ্ডা থাকে। এটি প্রত্যক্ষ, তর্কযুক্তির দরকার নাই।

পুরজন। কি—দয়া ! দুর্জনের শাস্তি দেওয়া উচিত নয় ? কপটতার দণ্ড দেওয়া উচিত নয় ?

রঙ্গলাল। দেখ, একটা বাড়াবাড়ির কথা তুলেছ। যেন ভটচাষি হ'য়ে ব্যাখ্যা করা যাচ্ছে। দুর্জনের দণ্ড, কপটতার শাস্তি ব'লতে কহিতে বড় সোজা ; কিন্তু মনটা উটকে পাটকে দেখলে ক'জন যে বুকে হাত দিয়ে ব'লতে পারে, আমি দুর্জন নই, ক'জন যে ব'লতে পারে, আমি কপট নই,—তা আমি আমার মন দিয়ে বুঝতে পারি নাই। যদি কেউ থাকে, তারে দু'শো বাহবা বটে।

পুরজন। ও কথা যাক ;—চল, দু'জনে দু'দিক দিয়ে বেরুই।

রঙ্গলাল। আচ্ছা, তুমি বেরিয়ে পড়। আমার একটু কাজ আছে।

পুরজন। কি কাজ ?

রঙ্গলাল। মনে ক'ছি, তোমার স্ত্রীর সঙ্গে একবার দেখা ক'ব্বো।

পুরজন। সে কোথা ?

রঙ্গলাল। বোধ হয়, তার বাপের বাড়ী।

পুরজন। আমি তো পাকী ক'রে পাঠিয়েছি বাটে, কি হে, তোমায়ও ম'জিয়েছে না কি ?

রঙ্গলাল। তোমার তাতে আপত্তি কি ? তুমি যে ব'ল'ছো, সে বেশা। আর যদি ম'জ্জেই থাকি, কি এমন গুরুতর অপরাধ ক'রেছি ? এমন দশজনে মজে, আমিও না হয় ম'জ্জেছি !

পুরজন। তবু কথটা কি শুনি ?

রঙ্গলাল। দেখ চাঁদ, মনের উপর জুলুম ক'রো না। তারে ত্যাগ ক'রেছ, তবু কথটা কি শুনে চাচ্ছ ভাব'ছো, হা-হতাশ বন্ধুর জন্তই করো ! তা নয়, অন্ধের নিশ্বাস মাদুরীর চরণে। হাতে পেয়ে পালোয়ানী ক'রে তারে ত্যাগ ক'রেছ, কিন্তু ত্যাগ ক'রেই যে তারে ভুলে —এ কথা তুমি দিকি ক'বলেও আমার বিশ্বাস হবে না। তুমি তোয়ের আছ দেখ'ছি, বেরিয়ে পড়।

গয়ারাম। ঠাকুর বড় কথা জানে !

পুরজন। তবে, ভাই, আসি।

[পুরজনের প্রস্থান]

রঙ্গলাল। (গয়ারামের প্রতি) ওহে, তুমি সঙ্গে চ'লেছ মনিবটা একটু ক্ষেপামত দেখ'ছ তো ? হা-হতাশ করেন ক'ব্বেন, পরম মঙ্গল মরণ যেন না আলিঙ্গন করেন ! তুমি একটু হ'সিয়ার থেকো, উনি সব পারেন।

গয়ারাম। আজ্ঞে ঠাকুর — আজ্ঞে ঠাকুর, আপনি ঠিক ব'লেছেন,—ক'দিন যেন কেমন কেমন হ'য়েছেন।

[গয়ারামের প্রস্থান]

(গঙ্গার প্রবেশ)

রঙ্গলাল। কি বিবি, হেথায়ও যে খাওয়া ক'রেছ ?

গঙ্গা। তোমার গুমোর ক'ব্বতে হবে না, তোমার মুখের উপর এই আমি হাত নেড়ে ব'ল'ছি, তোমায় আমি চাইনে।

রঙ্গলাল। অমন ক'রে সরল প্রাণে ব্যথা দিও না, আমি যে তোমায় চাই।

গঙ্গা। মুখপোড়া, তোর কি চোখ আছে যে, তুই আমার পানে চাইবি? তুই কি গানের ধার ধারিস, তুই কি রূপের ধার ধারিস, তুই কি গুণের ধার ধারিস, তুই কি রসিকতার ধার ধারিস? তোর প্রাণে যদি একটু রস থাকতো, তা হ'লে তুই আমায় চাইতিস্।

রঙ্গলাল। একটু রস আছে বিবিজান!

গঙ্গা। না, সে নিংড়ে পাওয়া যায় না।

রঙ্গলাল। তোমা চেয়ে আমি রসিক।

গঙ্গা। তোর রসের মুখে আমি হুড়ো দিই।

রঙ্গলাল। দেখ তোমার চিটে-গুড়ের রস! কেমন জান?—মুখে মুখে খুতু খাওয়া-খাওয়ি! নিঃসনে চোখে চাওয়া-চাওয়ি, 'তোমায় ভালবাসি মণি, তোমায় ভালবাসি প্রাণ!' এই ত তোমার রস? এ চিটেগুড়ের রস,—ছুনিয়ায় ছড়াছড়ি! এক জোড়া পায়রা দেখো, দু'টা চড়াই পাখী দেখো, তারাও ঠিক ঐ চিটেগুড়ের রসিক। তোমরা মাহুষ হ'য়ে আর কি বড় বাড়াবাড়ি ক'রলে!

গঙ্গা। তোমার রসটা কি শুনি?

রঙ্গলাল। এ রসের তরঙ্গ! ছুনিয়া একবার ঠাউরে দেখ, তা হ'লে বুঝবে, আমার প্রাণে রস আছে কি না। যাকে তুমি রসিক বল, সে তোমায় চাঁদের মতন মূখ ব'লবে, পদ্মের মত চোখ ব'লবে, নদীর জলের মত চললে অঙ্গ ব'লবে;—এই ত তোমার রসিক চূড়ামণি কবির বর্ণনা। তা চাঁদ দেখলেম, পদ্ম দেখলেম, নদীর ঢেউ দেখলেম, তা হ'লেই ত ফুরোল। কিন্তু গঙ্গা, একটা ছোট ফুল ফুটে কি কথা কয়, তা কি তুমি শুনেছ? মেঘের মুখে কি প্রেম, তা কি তুমি দেখেছ? চাঁদে তারায় নীরবে কেন ভেসে যায়, তা কি তুমি ভেবেছ? দেবতার প্রত্যক্ষ-মূর্ত্তি মাহুষকে কি তুমি ঠাওর ক'রেছ? দেখ, এ ছুনিয়া একটা দেখবার জিনিস। দেখলে দেখতে পার। যদি দেখতে শেখ, তা হ'লে আমার মত একটা ছোট-খাট কীট-পতঙ্গ দেখবে না। তোমার প্রাণ উদার আকাশে মিশিয়ে যাবে, তুমি আপনাকে খুঁজে পাবে না, দেখবে যে, রসের তরঙ্গ বইছে!

গঙ্গা। তোমার মত অত রস আমার নেই। আমি একটা ছিটেকোঁটা রসের কথা ব'লতে এসেছি, শোন।

রঙ্গলাল। কি?

গঙ্গা। একটা ভুলে সর্বনাশ হ'য়েছে। আমি রাজ-মহলে গিয়ে শুনলেম, পুরস্কানের সঙ্গে মাহুরীর বিয়ে হ'য়েছে, নিরঙ্গনের সঙ্গে নয়।

রঙ্গলাল। তা বেশ শুনেছ।

গঙ্গা। তোমার সব কথায় ঠাট্টা, কথাটা শোন না।

রঙ্গলাল। তোমার বলাটা আগে, আমার শোনাটা ত আগে নয়; তুমি ব'লেই পার সোণার চাঁদ!

গঙ্গা। ললিতা ব'লে রাজা উদয়নারায়ণের বন্ধুর এক কন্যা ছিল। উদয়নারায়ণ তারে ঘরে এনে রেখেছিলেন। নিরঙ্গন মনে ক'রেছে, সেই মাহুরী;—তাইতে এই জঙ্গাল বেধেছে।

রঙ্গলাল। মরি মরি, এটুকু যদি আগে ব'লতে বিবিজান, তা হ'লে এতটা ওলট-পালট হ'তো না।

গঙ্গা। তুমি আমায় তিরস্কার ক'রো না, তোমার তিরস্কার আমার বাজের মত ঠেকে; তোমার জিবে আগুন আছে, আমায় পুড়িয়ে থাক ক'রে ফেলে।

রঙ্গলাল। দেখ, গল্পে আছে,—এক রকম পাখী বুড়ো হ'লে, আপনি চিতে সাজিয়ে পুড়ে মরে; পুড়ে নবযৌবন পায়। সংসারে এসে যে পুড়তে পারে, সে নবযৌবন পায়। একটু পোড় না, নবযৌবন পাবে।

গঙ্গা। নাও নাও—স্নাকরা রাখ, এখন কি ক'রবে বল?

রঙ্গলাল। কি ক'রবে ঠাউরে আমি কোন কাজই ক'রতে পারি নে। আমি ঠাউরেছি এক রকম, হ'য়েছে আর এক রকম। কে এক ব্যাটা সময়তান আছে, সে মাহুষ নিয়ে খেলা করে। তবে দেখ, তুমিও একটু চেষ্টা কর, আমিও একটু চেষ্টা করি, এই পর্য্যন্ত আমাদের হাত! এই বোঝ না, আর একটু আগে তোমার এই কথা জানলে, ঘটনাস্রোত আর এক রকম চ'লতো। এখন কোন্ দিক দিয়ে কি চ'লবে, তা তোমারও হাত নাই, আমারও হাত নাই। তবে আসি বিবিজান, তুমিও একটু চেষ্টা কর খেঁকো।

(প্রস্থানোক্তত.)

গঙ্গা। শোন না, শোন না,—আমি ললিতা কোথা

আছে জানি, কিন্তু নিরঞ্জন কোথা বিবাহী হ'য়ে চ'লে গেছে।

রত্নলাল। সেই খবরটা চাও? সেটা আমি জানি নে। খুঁজতে পার তো দেখ, সেলাম।

[প্রস্থান।

গঙ্গা। মন, সত্যই ভালবাসলি? সত্যই দাসী হ'লি?—রাজরাজডাও যে পায়ে ফিরিয়েছিল; এই বাউলুলোকে নিয়ে ম'জলি, ওর কথার ঠিক নাই, কাজের ঠিক নাই, ওকে কখনো পাবি নি, কিন্তু ও ম'বুতে ব'লে অন্যায়সে ম'বুতে পারিস! ছিঃ ছিঃ—এ আমার কি হ'লো!

[প্রস্থান।

তৃতীয় গর্ভাঙ্ক

কবর-ভূমি

(শালিগ্রামের মৃতদেহ পতিত)

নিরঞ্জন।

নিরঞ্জন। জীবন স্বপ্নমাত্র! সমস্ত জীবনই একটা ঘোর দুঃস্বপ্ন! পূরঞ্জন কি আমায় চিন্তে পাবুলে না? এ কি সম্ভব? আমার দুর্দশা দেখে ঘুণা ক'বুলে! তা কি সম্ভব? কিছু নয়—কিছু নয়, একটা স্বপ্ন—একটা ঘোর দুঃস্বপ্ন! স্বপ্ন ব্যতীত এ ঘটনা কখনো সত্য হ'তে পারে না! কি ছিলেম, কি হ'লেম, সমস্তই স্বপ্ন! এ কি সমাধিক্ষেত্র? অতি শাস্তিময় স্থান! মহানিত্রায় মহা-দুঃখান্নে নিমগ্ন! নিশ্চিন্ত-আর জালায়গ্রাণ নাই—জীবনের তাপ শীতল! আশ্চর্য!—কণিক জীবনে এত তাপ? নিতাই আনন্দ—মহানিত্রায় মহা আনন্দ! এ কি গিতা!—তোমার এ দশা? কুক্ষণে তোমার সম্ভান জয়েছিলেম! কি হ'লো, কি সর্বনাশ হ'লো! এ কি রাজ-অধুরী! তবে কি নবাব, তুমি বধ ক'রেছো? গিতা—গিতা! একবার চাও, একবার কথা কও! কে-রে নির্দয়, বধ ক'রেও কি তোর আকাজ্ঞা মিটে নাই! এই কুৎসিত স্থানে কেলে দিয়েছিল!

(দুইজন প্রহরীর প্রবেশ)

১ম প্রহরী। দেখো ভাই, হিঁয়া কোন্? দানা হাত!

২য় প্রহরী। নেই—নেই, কবর উখারকে কাপড় চোরা নে আয়।

১ম প্রহরী। ঠিক, মূর্খা নিকাল। শালাকো পাকড় লে।

২য় প্রহরী। তোম কোন্ রে?

নিরঞ্জন। বাবা—বাবা! একবার কথা কও! সম্ভান হ'য়ে শেষে কি তোমার এই দশা দেখলেম!

১ম প্রহরী। হসিয়ারসে পাকড়ো, শালাকো পা হেতিয়ার হায়।

নিরঞ্জন। আমার অদৃষ্টে কি এত যন্ত্রণা ছিল!

(প্রহরীদ্বয়ের ধতকরণ)

১ম প্রহরী। এ ক্যা—খুন কিয়া!

নিরঞ্জন। না—না, আমায় বেঁধ না, আমার পিতা!

১ম প্রহরী। আরে যেতনা কবরমে যো সব আদমী হায়, সব কৈ তেরা বাপ হায়!

২য় প্রহরী। আরে চলো, বাবাকো পিছে দেখিও

নিরঞ্জন। সিপাই—সিপাই—আমি এ'র সম্ভান।

১ম প্রহরী। হ্যা—হ্যা, বোঁটাকো কাম কিয়া হায়।

নিরঞ্জন। আমায় নিয়ে যেও না, আমায় নিয়ে যেও না।

(মুচ্ছা)

২য় প্রহরী। শালা সরাপ পিয়া!

১ম প্রহরী। ইধার আয়া, বড়া কাম কিয়া।

২য় প্রহরী। বকসিস্ মিলেগা, খুনী পাকড়া।

১ম প্রহরী। রাম নাম সত্য হায়।

২য় প্রহরী। তেরা কি চাচা হায়?

১ম প্রহরী। চাচা সে বেহেতর। রাম নাম সত্য!

২য় প্রহরী। রাম নাম সত্য!

[সকলের প্রস্থান।

চতুর্থ গর্ভাক

দেবী-মন্দির

ললিতা ও গঙ্গা।

গঙ্গা। ললিতা দেবি, সর্বনাশ হ'য়েছে! নবাব-সরকারে প্রচার যে, নিরঞ্জন কারে হত্যা ক'রেছে। আমি হারাগারে তাকে দে'বে এলেম।

ললিতা। মিথ্যা কথা!

গঙ্গা। মিথ্যা কথা আমি জানি, কিন্তু বিচারস্থানে তিনি কোন কথা উচ্চারণ করেন নাই; সাব্যস্ত হ'য়েছে, তিনি হত্যা ক'রেছেন। নবাব সাহেবের ধারণা যে, যারে খুন ক'রেছেন, সে নবাবপক্ষীয়। উদয়নারায়ণ বিদ্রোহী। সরকারজ্ঞা ব'লেছে যে, নিরঞ্জন উদয়নারায়ণের লোক, তাই খুন ক'রেছে। কে জানে, কেন তিনি নীরব, কোন উত্তর করেন না।

ললিতা। গঙ্গা, আমি বুঝছি, কেন তিনি কথার উত্তর করেন নাই। আমি কালসাপিনী, আমি তাঁর দশনে দংশন ক'রেছি। সে আমা ছাড়া জানে না। আমি তার উপর নির্ভর হ'য়েছি, সে জ্ঞাত সে জীবনের মমতা রাখে নাই। গঙ্গা, আমার আনন্দ হ'চ্ছে!

গঙ্গা। কি কথা ব'লছেন?

ললিতা। সত্য ব'ল্চি, আমার আনন্দ হ'চ্ছে! আমি তাঁর জীবন রক্ষা ক'রবো। আমি আপনার জীবনদানে তাঁরে দেখাব, যে তাঁর ছবি একদিনের জ্ঞাত আমার হৃদয় হ'তে অন্তহিত হয় নাই। আমি তাঁর জ্ঞাত গঙ্গাসিনী, আমি জীবন আহুতি দিয়ে এই প্রেমব্রত উদ্‌ঘাপন ক'রবো।

গঙ্গা। কি ব'লছেন,—কি উপায় ক'রবেন?

ললিতা। গঙ্গা, তোমার অনেক স্বন্দর পরিচ্ছদ আছে, একটা আমায় ভিক্ষা দেবে?

গঙ্গা। যা চান—তাই দেব, কিন্তু আপনি কি উপায় ক'রবেন?

ললিতা। উপায় আছে। এটা কি দেখছেন,—এ হলাহল; আর দেখ, এই তীক্ষ্ণ ছুরী—কোমল বক্ষে মমতা-শূল হ'রে প্রবেশ করে। গঙ্গা, তুমি ভেবো না, আমি

নিরঞ্জনকে রক্ষা ক'রবো। 'তোমার একটা স্বন্দর পরিচ্ছদ নাও। আমায় স্বেশা ক'রে নাও। তুমি বেশভূষা ক'রতে নিংণা, তুমি আমায় বেশভূষা ক'রে নাও, এই তোমার কাছে আমার মিনতি।

গঙ্গা। আ! !

ললিতা। বুঝতে পাচ্ছ না? যদি কোন উপায় ক'রতে না পারি, রাজদণ্ডে যদি নিরঞ্জনের প্রাণবধ হয়, তার সঙ্গে সহমরণে আমি যাব। কুরূপা দে'থে সে যেন আমায় ঘৃণা না করে।

গঙ্গা। হায় হায়—কি উপায় হবে! আমি দৃষ্টি হ'য়েই এই সর্বনাশ ক'রেছি, আমার কি নরকেও স্থান আছে!

ললিতা। কেন গঙ্গা, তুমি কেন খেদ ক'চ্ছ? তুমি তো কিছু কর নি। আমার সে প্রাণপতি, আমি মনে মনে তারে বরণ ক'রেছি।

গঙ্গা। না না, আমিই বিভ্রাট ঘটিয়েছি।

ললিতা। গঙ্গা, তোমায় মিনতি, যতক্ষণ না নিরঞ্জনকে উদ্ধার করি, ততদিন আমায় কিছু ব'ণো না। তার পর যদি কখনো নিরঞ্জনের সঙ্গে দেখা হয়, কথার সময় চের পাব।

গঙ্গা। (স্বগত) সত্য, এখন জানিয়ে কি ফল? (প্রকাশে) তুমি অবলা, কি উপায় ক'রবে?

ললিতা। তুমি কেন ভাবছো, নিশ্চয় উপায় ক'রবো। সত্যি যদি প্রাণপতির প্রাণ ভিক্ষা চায়, ভগবান এত নিষ্ঠুর নন, যে তিনি দেবেন না। না পারি, পরিণাম তো আমার নিকটেই র'য়েছে দেখলে। যখন অসহায় আমি গৃহ হ'তে বেরিয়ে আসি, তখনই আপনার উপায় আমি ক'রেছি। নিরঞ্জনকে আমি বাঁচাবো, তজ্জন্ত তুমি চিন্তা ক'রো না। মা জগদমহার রাজ্য, সত্যি পতিনিন্দা শুনে প্রাণত্যাগ ক'রেছিলেন, আমি তাঁর কন্যা, তিনি কি আমায় স্বামীর প্রাণবধ দেখতে নজর ক'রেছিলেন?—কখনই না। ঐ দেখ মা হাসছেন, অভয় হাত তুলে ব'লছেন—ভয় কি! গঙ্গা, তুমি ভেবো না, আমি তাঁরে রক্ষা ক'রবো। তুমি একটু অপেক্ষা কর, আমি দান ক'রে আসি, অন্ধের ভয় ধরে আসি।

[প্রস্থান।

গঙ্গা। পোড়ারমুখে কোথায় গেল ? দেখতে পেল
মুখে ছুড়ো জ্বলে দিই, পোড়ারমুখে কি এক ময়্র দিলে,
পরের ভাবনা ভাবতে ভাবতেই গেলেম। গাল দিলে
গায়ে মাখে না, আমার সৰ্কনাশ করতে পোড়ারমুখে
জ্বয়েছিল। আমার এত কেন, আমি বেস্তা, নেচে
গেয়ে বেড়াই,—ও মা, কে মরে, কে বাচে, আমার এত
মাথাব্যথা কিসের গা ? ঐ পোড়ারমুখের জ্বন্তে ! মরে
না গা, মরে না ? আমার আপদ্ চোকে না ? দূর ছাই,
আর ভাবতে পারি না। ঘা দুই খ্যাংরা মারতে পারি
তো গায়ের ঝাল মেটে ! পোড়ারমুখে কি জানে, ও
অনেককে মজিয়েছে।

(রত্নলালের প্রবেশ)

রত্নলাল। গঙ্গা—গঙ্গা, তোমার বেশ চেহারা !

গঙ্গা। পোড়ারমুখে, বল না, তোমার কি কথাটা
বল না ?

রত্নলাল। তোমায় সাজলে-গুজলে যা দেখায়, তা
তোমায় কি ব'লবে।

গঙ্গা। হ্যা, তোমার পিণ্ড দেওয়া হয়।

রত্নলাল। গঙ্গা, তুমি বড় চমৎকার দেখতে !

গঙ্গা। তা বুঝেছি, তোমার কি পিণ্ডতে লাগবে
বল ?

রত্নলাল। আমার তো মন তুলিয়েছ, আর
একজনের মন ভোলাতে পার ?

গঙ্গা। তোমার মতন ঢং-ঢাং আমি অনেক জানি।
সোজা কথায় বল—কি চাও ? ওর যেন চোদ্দপুরুষের
বাদী !

রত্নলাল। গঙ্গা, তোমাদের সঙ্গে আলাপ ক'রে যার
চৌদ্দপুরুষ না উদ্ধার হ'লো, তার জীবনই বৃথা। তুমি
একবার তোমার জেতের বুলি ধ'রে গাল দাও।

গঙ্গা। দেখ, দিন-রাত্রিই দিচ্ছি, তোমার গালে
লজ্জা আছে কি ? এমন বেহায়া পুরুষ জন্মে দেখি নি।

রত্নলাল। আমি যে তোমার পায়ে ধরা।

গঙ্গা। দেখ, মুখপোড়া, এমন বকবক ক'রবি তো
ঝাঁটা খাবি।

রত্নলাল। তোমার হাতে তো ঝাঁটা নাই, কেন কঠ
ক'রে আনতে যাবে ?

গঙ্গা। দেখ মুখপোড়া, কি ব'লবি বল, নইলে আমি
চ'লেম।

রত্নলাল। আমার পীরিতে প'ড়েছ, কোথা আর যাবে
বল ?

গঙ্গা। ও মা, আমার কান্না পাচ্ছে, এই পোড়ার-
মুখকে গর্দান দিয়ে কেউ তাড়িয়ে দেয় না গা !

রত্নলাল। কেঁদো না, কেঁদো না আমি তোমার মূ-
মুছিয়ে দিচ্ছি।

গঙ্গা। আচ্ছা ভাই, আমি রাজী আছি। তুই কি
ব'লবি—বল না।

রত্নলাল। বেশ ক'রে সেজে-গুজে নবাবের মন
ভোলাতে পার ?

গঙ্গা। ও মা, বড়ো মুরশিদকুলি থা ! পোড়ারমুখে
বলে কি গো !

রত্নলাল। গঙ্গা, আমি সত্য ব'লছি, তোমার গানে
দেবতা মোহিত হয়।

গঙ্গা। হয় হবে, আমি কি ক'রবো ?

রত্নলাল। তুমি সভায় গিয়ে গান কর। যখন তোমার
বক্সিস দিতে চাইবে, তখন তুমি ব'লবে, যে হিন্দুকে
জ্যাস্তো কুকুর দিয়ে খাওবার হুকুম হ'য়েছে, তার প্রাণভিক-
দেন।

গঙ্গা। কে সে ?

রত্নলাল। আমি জানি নে, শুনলুম—একজন পাগল।

গঙ্গা। কেন, তুমিও তো নবাবের ব্যামো ভাল
ক'রেছিলে, তোমায় তো বখসিস্ দেবে ব'লেছিল, এখন
কেন চাও না ?

রত্নলাল। আমি বিস্তর অম্বরোধ ক'রেছি, নবাব
কোন কথা শোনেন না, তিনি বলেন এ রাজা উদয়-
নারায়ণের চর।

গঙ্গা। তা আমার কথা শুনবে কেন ?

রত্নলাল। তোমার একলার কথা শুনবে না, কামদেব
তোমার সহায় হবেন। তুমিও যেমন নমনবাণ মারবে,
তিনিও তেমনি পঞ্চবাণ ছেড়ে দেবেন।

গঙ্গা। তুই দূর হ—তুই দূর হ ! নইলে পোড়ারমুখে
আমি চ'লেম ! (বগত) থাক মুখপোড়া, আমি আর
এক বুদ্ধি ক'রছি, তোরই বুদ্ধি আছে, আর আমার

নাই! আমি আর এক ওষুধ ঝাড়বো। মিসে তাক হ'য়ে যাবে!—দেখবে, গন্ধার বুদ্ধি আছে কি না। মিসে দেখাকেই মলো—আপনার বুদ্ধির গরবে ফেটে ম'রুচে। পোড়ারমুখো জানে না, যে নিরঞ্জন ধরা প'ড়েছে। মনে ক'রেছে আর কে ধরা প'ড়েছে। এখন কিছু বল'বো না। আচ্ছা দেখি, তোর কাজ ক'রে দিতে পারি কি না।

[প্রস্থান।

রঙ্গলাল। মা, তুমি কি সত্যি মা, না জিব বার ক'রে অমনি দাঁড়িয়ে আছ? ছুনিয়ায় ধর্মকর্ম, দেবতা মানামনি—আমি বুঝে নিয়েছি। সংসারের দুঃখ ভোগ ক'রে মানুষের ভোরপুর হয় না। ম'রে স্বর্গে গিয়ে এমনি ঘাতে খোয়ার হয়, তার চেঁচা পান। তোমায় ছুটো বিবপত্র দিয়ে পূজা ক'রে—তার ফলে স্বর্গে উর্কশী, রস্তা প্রভৃতি মেয়েমানুষ চান। পরকালেও মান-অপমান খোজেন! সাবাস মানুষের বুদ্ধি! মেয়েমানুষ চান, মান চান, আবার স্বথও চান! ভাবেন, মেয়েমানুষ আছে—প্রতারণা নাই; মান খোজেন—ভাবেন, সেথা অপমান নাই। শুনেছি, তোমার নাম মহামায়া, তুমি যদি সংসার গড়ে থাকো, তোমায় বাহবা বটে! ছিটে-ফোটা কি একটু দিয়েছ, মানুষ মনে করে—এই বুদ্ধি। যদি কেউ নিকোঁধ বলে, রেগে টং! সব বোঝেন,—শুধু কোথা হ'তে এসেছেন আর কোথায় যাবেন, তা জানেন না! যদি সত্যি সত্যি এই কীর্ত্তিটা তোমার হয়, তা হ'লে তোমার দেখা পেলে একবার বলি, তুমি সয়তানের সয়তাননী, এত দুঃখও তোয়ের ক'রুতে পেরেছ! শাস্ত্রের মুখে ঝাঁটা, বলে লীলা—লীলা—লীলা, তোমার সাতগুটির লীলা। কিন্তু তোমার লীলার চোটে মানুষের প্রাণ হায়রাণ!

[প্রস্থান।

পঞ্চম গর্ভাঙ্ক

সরফরাজখাঁর বিলাস-কক্ষ

সরফরাজ খাঁ ও নর্তকীগণ।

নর্তকীগণ। -

(গীত)

চমকি চমকি রহে ফিরু।
লেলে নংকে দলকে নিশা উজরি।
দমকে দমকে ঘন গরজন গভীর ঘোর,
বাদর খরতর প্রথর;
দ্রুত দ্রুত মদন-ডঙ্কা বাজে,
বিরহ-হৃদিশাখে কঠোর বাজ বাজে;
বাস পবন ঘন—
তর তর স্বর স্বর নয়ন বরিখন,
ধর ধর কম্পন, মদ্রথ শাসন,
কেই সে সাংহারি নারী।
পিয়া বিহু কেই সে শুজারি।

[নর্তকীগণের প্রস্থান।

(গন্ধা ও ললিতার প্রবেশ)

সরফরাজ খাঁ। তোম'কো হাম কুস্তা খিলায়েঙ্গে। উস্কো বাদ মা'রীকো পাকড়াঙ্গে। দেখো, তোমারা ক্যা হাল হোয়।

গন্ধা। নবাবজাদা, আমার অপরাধ কি? 'সে যাহু জানে! ওড়না মুড়ি দিয়ে শুলো, আপনি উড়ে গেল, আমায়ও উড়িয়ে দিলে! আচ্ছা দেখ, কায়ে এনেছি দেখ, তার পর কুস্তা গাইয়ো; দে—একবার মুখখানি দেখ।

সরফরাজ খাঁ। বাঃ বাঃ গন্ধা! তোম'কো ইনাম দেঙ্গে—যো মাস্কো। হাম ইস্কো মাস্কা।

গন্ধা। আমি তোমার জন্ত মরি, আর তুমি কুস্তা খিলাও!

সরফরাজ খাঁ। (ললিতার প্রতি) বিবি, বিবি, তোম'মেরা জানি!

গঙ্গা। তুমি এখন তোমার জ্ঞান নিয়ে থাকো, আমি চ'লুম।

[গঙ্গার প্রস্থান।

সরফরাজ খাঁ। যাও যাও, কাল ফজিরমে আও।
বিবি, বিবি তোমারি এত্তি মেহেরবান গি!

ললিতা। নবাবজাদা, তোমার নিমিত্ত আমি ব্যাকুল হ'য়েছি। কতকণে তোমার দেখা পাব—কতকণে তোমার দেখা পাব। এই আমি ভেবেছি।

সরফরাজ খাঁ। কাঁহে? কাঁহে নেই পূজ্জা ভেজি?
হাম তোমকি চুর চুরকে হায়রাণ।

ললিতা। সত্যি?

সরফরাজ খাঁ। বহৎ সাচ হায়।

ললিতা। আচ্ছা, তার একটা প্রমাণ দাও।

সরফরাজ খাঁ। কহো, ক্যা পরখ মাশো?

ললিতা। কি মাঙ'বো, তাইতো ভাব্চি। আচ্ছা,
কাল একজনের কুস্তা খাওয়াবার হুকুম হ'য়েছে নয়?

সরফরাজ খাঁ। হাঁ হাঁ,—সো হয়।

ললিতা। আচ্ছা, তারে খালাস দাও। দেখি, কেমন
আমায় ভালবাস?

সরফরাজ খাঁ। আচ্ছা, ও তোমার কোন হায়?

ললিতা। কেউ নয়, আমি পরখ ক'বুছি, তুমি কত
আমায় ভালবাস।

সরফরাজ খাঁ। দেখো বিবি, বড়া মুস্থিলকা বাত
উঠায়ি! নবাবসাবক শোবা হয়, ও দুশমন হায়।
নবাবকা বহৎ দুশমন খাড়া হো গিয়, প্রজা বেগড় গিয়া—
উপ্কা তো ছোড়্গো নেই।

ললিতা। ওঃ তোমার পীরিতের কথা সব মিছে!
তবে তোমার সঙ্গে দোস্তি ক'বুবা না।

সরফরাজ খাঁ। ক্যা করোগি? হাম তো তোমকি
ছোড়্গো নেই।

ললিতা। নবাবজাদা, এই ছুরী দেখ্ছো?

সরফরাজ খাঁ। বিসমোজা!

ললিতা। চৈচিও না, আমি তোমায় মাঝবো না,
নিজের বুক বসিয়ে দেব। যারে ভালবাসি, সে যদি
না ভালবাসে, তবে এ প্রাণের আবশ্যক কি? এই দেশ,
আমি বুক বসাই।

সরফরাজ খাঁ। নেই নেই—সবুর। হামকো দাদাকো
পাশ জানে দেও।

ললিতা। তুমি যে মিছামিছি আমায় বলবে, ত
আমি শুনবো না। আমি দেখ্'বো, সে ছাড়ান পেলো।

সরফরাজ খাঁ। কেইসে দেখোগি?

ললিতা। কেন? যখন কোন কাকেরকে কুরা
খাওয়ান হয়, বেগমের। তো সব পরদার আড়াল হ'য়ে
দেখে।

সরফরাজ খাঁ। আচ্ছা, সোয়ি হোগা। বাদী, বাদী—

(বাদীর প্রবেশ)

মেরা জানিকি খিদমত করো।

বাদী। যো হুকুম নবাবজাদা!

[সকলের প্রস্থান।

ষষ্ঠ গর্তাঙ্ক

রাজপথ

জনতা—রাজকর্খচারিগণ।

রাজ-কর্খচারিগণ। (টেডরা দেওন) আজ জিত
আদমি কুস্তা খিলায়া বাতা, যো দেশেগে, ময়দান মে চল!
বহত হ'সিয়ার, কোই বিগড়ো মাং। যো বিগড়োগে,
নবাবকা হুকুমসে কুস্তা খিলায়া যাওগে। বিগড়কে নবাবকা
হুমনি মাং করো।

[রাজকর্খচারিগণের প্রস্থান।

(দুই জন মুসলমানের প্রবেশ)

১ম মুসলমান। হ্যাদে মামু, চ'চ'।

২য় মুসলমান। হ্যাদে কনেরে ছাওয়াল?

১ম মুসলমান। শোন্টিস নে, টাড্রা মান্টিছে!

কোস্তা খাওয়া করাবে?

২য় মুসলমান। কেডারে খাওয়া করাবে—কেডারে
খাওয়া করাবে?

১ম মুসলমান। একট: হেঁছুবে—হেঁছু।

১ম মুসলমান। এ্যা—কি বলছি!—আরে চ'—
৮—তোর নানীরে খপর দে; তোর মামীরে খপর দে,
তোর দাদারে খপর দে।

১ম মুসলমান। আরে সেটা কবরের মুদর, সেটাকে
মাথে নিতে চান?

২য় মুসলমান। আঃ—দেখ্‌তি পাবা না? বুড়া
হইচে, তামাসা দেখ্‌বা না?

(একজন বৃদ্ধার প্রবেশ)

বৃদ্ধা। ই্যা বাবা, এই যে চাঁড়রা দিচ্ছে, তা
কাদালী বিদেয় ক'ব্বে না?

১ম মুসলমান। হ্যাঁদে মানুষ, কইচে কি শোন?
বলে,—‘কাদালী বিদায় ক'ব্বে না?’

বৃদ্ধা। ই্যা বাবা, নবাব সরকারে কি বিদেয় দেবে
বাবা?

১ম মুসলমান। এই এক হাতা পিচড়ি, আর এক
এক হাতা গোস্ত।

বৃদ্ধা। পয়সা দেবে না বাবা, পয়সা দেবে না?
মামরা গোস্ত খাইনি বাবা, ছুটি টিড়ে-মুড়কি কিনে খাব

(জৈনিক হিন্দুর প্রবেশ)

হিন্দু। নারায়ণ—নারায়ণ—হিন্দুকো কুত্তা খিলায়েগা!

১ম মুসলমান। খেলাবে না—ছদ্‌মুনি ক'ব্বার
পারে?

[হিন্দুর প্রস্থান।

(জৈনিক বৃদ্ধ মুসলমানের প্রবেশ)

বৃদ্ধ মুসলমান। এ বহুং তামাসা, এস্কা বরাবর
তামাসা নেই।

২য় মুসলমান। ই্যা খাঁসাহেব,—এ বড় তামাসা হবে
গ্যানে। হ্যাঁদে, এমন তামাসা তুমি কয়ডা দ্যাখ্‌ছো?

বৃদ্ধ মুসলমান। আরে, এ ক্যা নবাবী জান্ত',
নবাবী হয় এস্কা আগাড়ি।

২য় মুসলমান। সে নবাবীটা কি ধারা খাঁসাহেব,
কি ধারা?

বৃদ্ধ মুসলমান। আরে শুন্‌ লে, হিন্দু চার পাঁচটে
গাড়া কর দিয়া,—ওন লোকক মাথ্বেমে পাটি লপেটকে

মোশাল বানায়,—আঃ রোসনাই হো গিয়! ছ'চারটে
কে পিঞ্জরামে ঘুসাকে দরক্তপর লট্‌কা দিয়া। দান-
পানি বেগর চিল্লা চিল্লা মরে।

২য় মুসলমান। ওঃ—তেমন তামাসা এংনো
হতিছে। আজম খাঁ সাহেব জমীদার ধরি আন্‌তিছে,
ল্যান্দা ক'রে রোদি রাখ্‌তিছে। সেদিন মুই দে'খে
এলাম, একটা জমীদারকে বাদ্‌ছে, আর সে পানি পানি
কত্তিছে,—আঃ, হেস্‌তে বাঁচি নে।

১ম মুসলমান। তোমার নবাবী আমলে কি বৈকুণ্ঠ
ছ্যালো? এই বৈকুণ্ঠ মদি জমীদারগুলোকে ঘোসাক্‌ছে,
আর তোবা-তাল্লা ডাক্‌তিছে।

বৃদ্ধ মুসলমান। আরে, কুত্তা খিলায়াকা সামনে বহুং
খোড়া হায়! টুকরা টুকরা গোস্ত ছিন লে, আউর
আদমি তড়পমে লাগে। আর গিন্‌দারকা মাপিক চিল্লাও
এ!

২য় মুসলমান। আরে, তুই ডব্‌কা ছোরা, তুই কি
বুঝ্‌বি,—এটা ভারি তামাসা।

১ম মুসলমান। হ্যাঁদে, তুই চ'না ক্যান, মুই কি
মানা কত্তিছি? মুই তো তোরে কলাম।

২য় মুসলমান। আরে চ, চ'—ঐ ঘট দিতিছে।

বৃদ্ধা। দান-বাড়ী কোন্‌ দিকে বাবা? তোমাদের
সঙ্গে বাব বাবা! আমি বড় কাদাল বাবা!

১ম মুসলমান। আরে বক্‌ বক্‌ কত্তিছে,—চল মায়,
চল।

[বৃদ্ধা ব্যতীত সকলের প্রস্থান।

বৃদ্ধা। ব'ল্‌বে না, বক্‌রায় কম হবে। দাতায় দান
দেবে, কাদালের বুক ফাটে। ময়—অহঙ্কারে মট্‌ মট্‌
ক'ব্‌চে। হন্‌ হন্‌ ক'রে চ'ল্‌চে, গতরের গুমর ক'ব্‌চে।
ও গুমর থাক্‌বে না, আমারও একদিন ছিল।

[প্রস্থান।

(গয়ারাম ও পুরঞ্জনের উভয় দিক্‌ হইতে প্রবেশ)

পুরঞ্জন। কোথায় ছিলে? চল, প্রস্তুত হও, দেশে
যাও যাক্‌। আর কোথায় তার দেখা পাব? সে জীবিত
নাই।

গয়ারাম। আজ্ঞে, সেই বদমাইস ব্যাটা ধরা প'ড়েছে
তারে ডালকুস্তায় খাওয়ার হুজুম হ'য়েছে।

পুরঞ্জন। কে বদ্‌মাইস?

গয়ারাম। আজ্ঞে, সেই যে সেই, যেই ব্যাটা মোহর ফেলে পালিয়েছিল। আমি ঠিক ঠাওরেছি, ব্যাটা ডাকাত।

পুরঞ্জন। সে কি ক'রেছে?

গয়ারাম। আজ্ঞে মশায়, শালিগ্রাম রায় সাহেবকে খুন ক'রেছে।

পুরঞ্জন। কেন?

গয়ারাম। আজ্ঞে মশায়, সে বোদেটে। ব্যাটা ধরা পড়ে এখন পাগল সেজেছে। ব্যাটা পাহারাওয়ালাদের বলেছিল যে, রায় সাহেব ওর বাবা। এখন ব্যাটার মুখে আর বাক্যি নাই।

পুরঞ্জন। কি কি, রায় সাহেব তার বাবা?

গয়ারাম। আজ্ঞে না, ব্যাটা দরবারে নবাবের দাব্‌ড়ি খেয়ে চুপ ক'রে রইলো, ব্যাটার মুখে বাকি হরে গেল।

পুরঞ্জন। সে কোথায়?

গয়ারাম। আজ্ঞে, ময়দানে তারে ধ'রে ডালকুড়া খাওয়াতে এনেছে। দেখছেন না, তামাসা দেখতে ময়দানে পালে পালে লোক ছুটেছে?

[পুরঞ্জনের বেগে প্রশ্ন।

ওই! খেপ্‌লো নাকি? ভুলো আমার এই খ্যাপা মুনিবের কাছে জুটিয়ে দিয়ে গেল। কাজে ভর্তি হ'য়ে অবশি ঘুরে ঘুরে সারা হ'লেম। দিলে দিলে—বউটাকেই গদ'না দিলে, মোহরটা মোহরটাই দিয়ে দিলে। ছ'হাতে টাকা খরচ ক'রছি, তার হিসেবও নাই, কিতাবও নাই। মনিবট্টা খেপাও বটে, ভালও বটে।

[প্রশ্ন।

সপ্তম গভীর

বধ্য-ভূমি

মুরশিদকুলি খাঁ, সরফরাজ্‌ খাঁ, অর্ধ-প্রোথিত

নিরঞ্জন, জন্মদ ও গ্রহরিগণ ইত্যাদি।

সরফরাজ্‌ খাঁ। দাদা, তোমারা গোড় পাক্‌য়ে আসামী কো ছোড় দেও, ওস্‌কা কসুর নেই।

মুরশিদকুলি খাঁ। ভেইয়া, তোম তোমারা গাহান-বাজানাকা কাম্‌ জানো, হামকো রাজকো কাম করনে দেও। তোমারা দেল মোলায়েম হ্যায়। ইসি ওয়ায়ে এনকো ছোড়নে মাক্তে হো। লেকেন সমজো, রাজ উদয়নারায়ণকা নোকর বহৎ ওমরাওকো মারা,—রাজ সাহেবকা মারা। এক আদমীকো জান মাক্তে হো, রাতমে বেগড় হোনেসে বহৎ আদমীকো জান ঘাগা। এস্‌কো সাজা হোনেসে আদমী লোক ডরেগা।

সরফরাজ্‌ খাঁ। দাদা, মুজপর মেহেরবানদি ফরমাইয়ে, এস্‌কো জান লেনা মৌকুব কি জিয়ে।

মুরশিদকুলি খাঁ। লেড়কা, এনসাফ করনে দেও এ আওরাতসে রং-ঢং কি কাম নেই, জুদা কাম (নিরঞ্জনের প্রতি) তোম কাহে হত্যা করিয়াছ?

সরফরাজ্‌ খাঁ। দাদা—

মুরশিদকুলি খাঁ। হুঁসিয়ার, মায় নবাব হোঁ (নিরঞ্জনের প্রতি) তুমি কি নিমিত্ত আমার বাক্যের জবাব দিতেছ না? কুকুরের দ্বারা তোমায় বধ করিবার হুকুম হইয়াছে, তোমার মৃত্যুকাল উপস্থিত। এগুনো কিছু বলিবার থাকে, বল।

নিরঞ্জন। আমি কোথায়? নরকে কি? নরকে যে ভয়ঙ্কর স্থান বলে, কই, যন্ত্রণা কই? পিতৃঘাতীর কই? এ কি সব?

মুরশিদকুলি খাঁ। আমার বাক্য কি তুমি প্রকাশ করিতে পারিতেছ না? তুমি কি ভাবিতেছ? তুমি সমস্ত প্রকাশ কর। কে তোমার দলপতি, আমার নিকট বল; তাহা হইলে হয় তো তোমায় মাফ করিতে পারি। দেখ, কুকুর দেখ—ব্যাপ্র অপেক্ষা ভয়ঙ্কর, এখনই তোমায় গোল খণ্ড খণ্ড করিবে। এখনো সমস্ত প্রকাশ কর।

নিরঞ্জন। কুকুর! নরকের কুকুর! আমা অপেক্ষা

নয়। কুকুর পিতৃঘাতী নয়, কুকুর পিতার সর্বনাশ করে না,—আমা অপেক্ষা ভাল—আমা অপেক্ষা ভাল।

মুরশিদকুলি খাঁ। কি বলিতে চাহ, বল? কেন উত্তর করিতেছ না? কেন মৃত্যু মাকো? বিদ্রোহী রাজ উদয়নারায়ণ কি তোমায় এই কার্যে প্রবৃত্তি দিয়ছে? রায়সাহেব আমার পক্ষীয়, তাই কি তুমি তারে বধ করিয়াছ? তাহাদের মুখ চাহিও না, তাহারা তোমায় বক্ষা করিতে পারিবে না। রাজা উদয়নারায়ণের হুকুম তামিল করিয়াছ কি?

নিরঞ্জন। উদয়নারায়ণ! মাধুরীর পিতা! সে এখানে কেন? মাধুরী এখানে কেন? না, অহো—পিতৃঘাতী, পিতৃঘাতী! কই—কই কুকুর? কুকুরেও আমায় স্পর্শ ক'রবে না।

মুরশিদকুলি খাঁ। এ কি, তুমি প্রকাশ করিবে না? পাগলের ভাণ করিতেছ? নরকে যাইয়া পাগলাগিরি কর।

নিরঞ্জন। নরক—নরক!

মুরশিদকুলি খাঁ। হাঁ দোজক। জন্মদ, তৈয়ারী হও। নেপথ্যে। ছোড় দেও—ছোড় দেও।

(পুরঞ্জনের বেগে প্রবেশ)

পুরঞ্জন। ভাই, ভাই, নিরঞ্জন! তোমার এ দশা? জনাব! আমি খুন ক'রেছি।

মুরশিদকুলি খাঁ। (জন্মদের প্রতি) সবুর।

নিরঞ্জন। পুরঞ্জন! তুমি এখানে কেন? ছুঁয়ো না, ছুঁয়ো না,—পিতৃঘাতীকে ছুঁলে তুমি অপবিত্র হ'বে।

পুরঞ্জন। জনাব, আমি খুন ক'রেছি, আমার শস্তরের শত, তাই খুন ক'রেছি। জাঁহাপনা, এক খুন হ'য়েছে, বিনা অপরাধে আর এক খুনের হুকুম দেবেন না।

মুরশিদকুলি খাঁ। কেঁও, তুমি খুন করিয়াছ?

পুরঞ্জন। হাঁ জনাব, একে ছেড়ে দেন, নির্দোষীকে দণ্ড দেবেন না, আমায় দণ্ড দেন।

মুরশিদকুলি খাঁ। তুমি আপনার উপর কেন গুনা নিতেছ? কুস্তা গোস্ত ছিনাবে, অনেক দুঃখ পাইবে, ওখাপি মউত হইবে না; অনেক দুঃখ! তুমি কবুল করিতেছ কেন? তোমার এরূপ আক্কেল কি নিমিত্ত হইল?

পুরঞ্জন। জাঁহাপনা, আমি খুন ক'রেছি।

মুরশিদকুলি খাঁ। সমজাঁও, তুমি তথাপি কবুল করিতেছ?

পুরঞ্জন। হ্যাঁ জাঁহাপনা, আমিই নরহত্যা ক'রেছি।

মুরশিদকুলি খাঁ। কেবল নরহত্যার জন্ত ইহার দণ্ড হইতেছে না। রাজদ্রোহীরা গোপনে আমার ওমরাও-দিগকে বধ করিতেছে। রায় সাহেব আমার একজন মোসাহেব, তাহাকে বধ করিয়াছে, এ নিমিত্ত ইহার গুরুতর দণ্ড হইতেছে। এ রাজা উদয়নারায়ণের অহুচর, বেগড় জমীদারদের পক্ষ লোক।

পুরঞ্জন। না জনাব, এ নির্দোষী।

মুরশিদকুলি খাঁ। দেখো, অগ্নিতে দগ্ধ হওয়া সিধা, জিতা কবরে যাওয়া সিধা, কিন্তু এ বড় দুঃখের মউত। অপের মাংস কুস্তা ছিনাইয়া লইবে, হাড় ডি থাকিবে, লেকেন তথাপি মউত হইবে না। সমজ লেও!

পুরঞ্জন। হ্যাঁ জাঁহাপনা, আমি খুন ক'রেছি। আমার বধের হুকুম দেন, ওকে ছেড়ে দেন। রায় সাহেব এর পিতা, ও কখনো খুন করে নাই।

মুরশিদকুলি খাঁ। রায় সাহেব এর পিতা! এই উল্ল! তোম কুছ উজর নেই কিয়া কাহে?

পুরঞ্জন। দুঃখে প'ড়ে ওর মেজাজ বিগড়ে গেছে। আমি সত্য বলছি, ও নির্দোষী। হজুর, নির্দোষীকে বধ ক'রবেন না।

মুরশিদকুলি খাঁ। হাঁ!

পুরঞ্জন। জাঁহাপনা, আমি রাজদ্রোহী, আমায় বধ ক'রে নগরে দৃষ্টান্ত প্রচার করুন যে, রাজদ্রোহীর এই দণ্ড হয়। নিরপরাধীকে মুক্তি দেন।

(চিন্তিতভাবে মুরশিদকুলি খাঁর পরিভ্রমণ)

নিরঞ্জন। এখনো বেঁচে আছি? বাবা, তোমার কাছে এখনো যাই নি? তুমি আমায় মার্জনা কর, আমি অধম সন্তান, শত শত অপরাধে অপরাধী! এখনো জীবিত আছি! বাবা, তুমি বল, নইলে আমি বিশ্বাস ক'রবো না। প্রাণ কি এত কঠিন!

মুরশিদকুলি খাঁ। (সফররাজখাঁর প্রতি) ভেইয়া, তোমারা বাং আধা রাগ্খা। আজ খুন মোউকুব রহে। (প্রহরিগণের প্রতি) এ দোনোকো কয়েদ রাখে।

[সকলের প্রস্থান]

পঞ্চম অঙ্ক

প্রথম গভীর্ণ

কারাগার

নিরঞ্জন ও পুরঞ্জন।

নিরঞ্জন। পুরঞ্জন, কি সর্বনাশ ক'রুলে? কেন অকারণ দোষ স্বীকার ক'রে আপনার প্রাণসংশয় ক'রুলে? আমার যা হয় হবে। দিক্ আমায়! শেষে কি তোমারও প্রাণনাশের কারণ হলেম!

পুরঞ্জন। ভাই, তোমার এ সর্বনাশের কারণ কে? কৃষ্ণে আমি মাধুরীর সঙ্গে দেখা করেছিলাম! অহো! অহুতাপে আমার প্রাণ দগ্ধ হ'চ্ছে! কি মায়ায় আচ্ছন্ন ছিলাম, তোমায় চিন্তে পারি নাই,—ভিখারী ব'লে বিদায় ক'রে দিয়েছিলাম!

নিরঞ্জন। প্রাণদানেও কি তোমার মনে শাস্তি হয় নাই? তুমি না আত্মসমর্পণ ক'রুলে, এতক্ষণ কুকুরের ঠঠের আমি থাকতাম। তুমি আদর্শ বন্ধু,—জগতে তোমার তুলনা হয় না! আমার যা হবার হ'য়েছে, কিন্তু কি উপায়ে তোমার প্রাণরক্ষা হবে? তুমি কিরূপে পরিত্যাগ পাবে? আমি এমনি অভাগা, মৃত্যুকালে মনকে প্রবোধ দিতে পারবো না যে, তুমি স্থখে আছ! বোধ হয়, রাজদূত আমাদের নিতে আসছে। এস ভাই, একবার শেষ আলিঙ্গন করি।

(নবাব-দুতের প্রবেশ)

দূত। আপনারা নির্দোষী, নবাব প্রমাণ পেয়েছেন। আপনারা বিনা অপরাধে কারারুদ্ধ হ'য়েছেন, এতে নবাব ক্ষুব্ধ। আপনাদের পুরস্কার দেবার নিমিত্ত দরবারে যেতে তিনি আহ্বান ক'রেছেন; আপনারা উভয়েই মুক্ত।

পুরঞ্জন। মহাশয়, মহাশয়! নবাব কি প্রমাণ পেয়েছেন?

দূত। এ'র মুক্তির জন্ত সরকারজি খাঁ যথেষ্ট অস্বরোধ করেন, আর রঙ্গলাল নামে একজন হকিম, তিনি এক সময় জাহাপনাকে উৎকট পীড়া হ'তে আরোগ্য

ক'রেছিলেন, এ'দের দু'জনের অস্বরোধে নবাব খুন মৌর ক'রবেন ভেবেছিলেন। এমন সময়ে শুনলেন, দু'জ বিদ্রোহী জমীদার জাহাপনার শরণাপন্ন হ'য়ে নিবেন ক'রেছে যে, রায় সাহেবের হত্যা তারা স্বচক্ষে দেখেছে রাজা উদয়নারায়ণের বিদ্রোহ-মন্ত্রণাগৃহে সে সময় তা উপস্থিত ছিল।

নিরঞ্জন। কে—কে? কে হত্যা ক'রেছে?

দূত। বিদ্রোহী-প্রধান স্বয়ং রাজা উদয়নারায়ণ হত্যা ক'রেছে।

নিরঞ্জন। উদয়নারায়ণ—উদয়নারায়ণ? পিতৃহত্যা জীবিত! আমি কারাগারে!—হা পিতা, হা পিতা! ও কি প্রতিশোধ হ'বে? চণ্ডালের কি দেখা পাব? উদয়নারায়ণ, এততেও তৃপ্ত হও নাই, বধ ক'রেও তৃপ্ত হয় নাই—কবরভূমিতে ফেলে দিয়েছ! পিতা—পিতা! ওঃ! আমিই পিতৃঘাতী!

পুরঞ্জন। মাধুরী, তুমিই সর্বনাশের মূল!

দূত। বিনা অপরাধে আপনাদের কারারুদ্ধ ক'রে নবাব হুংখিত হ'য়েছেন। আপনাদের সম্মানে পুরস্কার দেবেন, এ নিমিত্ত আহ্বান ক'রেছেন, আপনারা আসুন।

[সকলের প্রস্থান]

দ্বিতীয় গভীর্ণ

দরবার

মুরশিদকুলিখাঁ, রঙ্গলাল ও অমাত্যগণ।

মুরশিদকুলি খাঁ। আয়সা?

রঙ্গলাল। হাঁ জাহাপনা!

মুরশিদকুলি খাঁ। হকিম, বড়া তাজবকি বাং!

(পুরঞ্জন ও নিরঞ্জনের প্রবেশ)

তোমাদের বন্ধুত্বের কথা এই হকিম আমার নিকট সমস্ত বলিয়াছে। তোমাদের দোষিত বড় সাক্ষা। খামা তুমি হুংখ পেয়েছ। বেইমান উদয়নারায়ণ তোমার বাপকে খুন ক'রেছে, জমীদার লোককে সব বিগড়িয়েছে—হাম তুরানুত শিখলায়েছে, কুস্তা বাকালী লড়াই ক'রবে বাকালী এককান্টা হবে। আখা বেগড় জমীদার লড়াই

আগে হামারা তরফ আ গিয়া। উদয়নারায়ণ বাওরা
হায়। ইস ওয়াসতে নবাবসে বেগড় কিয়া। তুমি কিছু
মাক্কা, আমি বখসিস্ করিব।

নিরঞ্জন। তরবারি ভিক্ষা করি নবাব-দরবারে,—

যাচি পিতৃ-বৈরি নির্যাতন।

জাঁহাপনা, এইমাত্র আকিঞ্চন!

মুরশিদকুলি খাঁ। কি, তুমি লড়াই ক'রবে?

নিরঞ্জন। পিতৃঘাতী পাষণ্ডের বক্ষের শোণিতে,

করিব হে নরনাথ পিতার তর্পণ;—

নহে তুহানলে তনু-তাগ করিব নিশ্চয়।

আমি অধম তনয়,—

জনকের হত্যার কারণ!

জাঁহাপনা,

প্রের এই নফরে সমরে,

পিতৃশত্রু, রাজশত্রু করিব নিধন।

মুরশিদকুলি খাঁ। আচ্ছা লেও, হামারা “শামশের”
তোমকো দেতা হায়। এহি এনাম, বাঙ্গ্ লেমে কোইকো
নেহি মিল'। আলি মহম্মদ ফৌজ লেকে যাতা হায়,
তোমকো ওস্কা সাথ মিলায়েঙ্গে। (পুরঞ্জনের প্রতি)
তোম কিছু মাক্কা।

পুরঞ্জন। জাঁহাপনা,

তব জয় নিশ্চয় হইবে।

সৈন্তাগণ করিবে লুণ্ঠন।

প্রভু, করি নিবেদন,

বৃদ্ধ, নারী, বালক বা নির্ধিরোপী প্রজা

কিংবা অস্ত্রাঘাতে মুমূর্ষু যে জন,

তার প্রতি নাহি হয় অত্যাচার,

নাহি হয় নিপীড়িত সৈন্তের তাড়নে;—

সে সবার রক্ষা-ভার করুন অর্পণ।

মুরশিদকুলি খাঁ। আচ্ছা, তোমকে পরোয়ানা
মিলেগা, তোমারা বাং হামারা ফৌজ মান লেগা।
আর দেখো, এই আঙ্গুটি তোমকো দেতা হায়—বাদশাসে
হামকো মিলাখা, তোমার বন্ধুত্বের পুরস্কার। তোমার
নিকট দুনিয়া যেন বন্ধুত্ব শিক্ষা করে। (রঙ্গলালের
প্রতি) তোম কিছু মাক্কা।

রঙ্গলাল। হুজুর, যদি লড়াই বাধে—আমি হকিম—
শত্রু-মিত্র দু'জনকেই দাওয়াই দেব, এতে যেন কেউ
আমায় দুষমন না ঠাওরায়।

মুরশিদকুলি খাঁ। নেহি নেহি, হকিমকো তো ঐ
কামই ছায়। লেকেন তোম হামারা দুষমন নেহি হো!—

রঙ্গলাল। না হুজুর, জান্ থাকতে নয়।

মুরশিদকুলি খাঁ। তোম সাক্ষা আদমী, হাম জান্তা।
একদকে হামারা জান বাঁচায়, কোই হকিম নেহি দেখা।
হামারা সাথ আও, তোমকো কুছ পুছেঙ্গে।

[মুরশিদকুলি খাঁ ও রঙ্গলালের প্রস্থান।

পুরঞ্জন। একান্ত কি প্রতিহিংসা-পণ?

নাহি কি মার্জনা?

নিরঞ্জন। মার্জনার আছে সীমা।

নরাদম, হত্যা করি জনকে আমার—

তৃপ্ত না হইল,

হিন্দু হ'য়ে হিন্দুর না করিল সংকার,

যবন-সমাদি-স্থলে

ফেলে দিল ব্রাহ্মণের মৃতদেহ,

যাহে পরকালে গতি নাহি পায়।

মার্জনা তাহায়?

শুণুর তোমার,

সেই হেতু হেন কথা কও।

কোন্ দোষে দোষী মম পিতা?

মাধুরীর সনে তব বিবাহ-কারণ,

নিরুদ্ধেশ হইলাম আমি,

সংবাদ না জানিতেন তিনি,

কন্তার তাহার, তোমা সম স্পৃহায় মিলিল,

মিনতি করিল কত পিতা,

তাহে তার মন না উঠিল—

রুদ্ধ কৈল কারাগারে;

তবু তাহে হ'লো না মার্জনা,

হত্যা করি অগতি করিল।

বধ করি তায়ে,

মৃত্যুকালে বারি-বিনিময়ে

যবনের নিষ্ঠবন পারি যদি দিতে,

শাস্তি তাহে হয় কথঞ্চিৎ।

পুরজন। যথোচিত ক্রোধের কারণে তব ;

কিন্তু প্রতিশোধ নাই জেনে

মার্জনা হইতে।

নিরজন। ইয় নাই পিতৃহত্যা তব,

হয় নাই পিতার অগতি,

মার্জনার ব্যাখ্যা তাই মুখে।

হ'তো যদি অবস্থা বর্তন,

অন্তমত বাক্য নিঃসরণ

হইত জিহ্বায় তব।

যা'ক, তোমায় আমায়

বিতণ্ডার নাই প্রয়োজন।

হৃদে মোর জলে হতাশন ;

শত্রুর শোণিতে তাপ হইবে নির্বাণ।

[নিরজনের প্রস্থান।

পুরজন। অতিশয় ক্রোধের সময়

তাই কষ্ট-ভাষা কহিল আমায়।

[প্রস্থান।

তৃতীয় গর্ভাঙ্ক

সরফরাজখাঁর কক্ষ

ললিতা।

ললিতা। নিরজন মুক্তি পেয়েছে, তবে কেন আর জীবনের মমতা করি ! এ সময় যদি তার দেখা পেতেম, তা হ'লে দেখতে দেখতে ম'বুতেম, ব'লে যেতেম, তারে কত ভালবাসি ! কিন্তু বৃথা আশা কেন করি ! আর বিলম্ব ক'বো না, জীবিত থাকতে মুসলমান না স্পর্শ করে। বাল্যকাল মনে প'ড়ছে, বাল্য-সঙ্গিনী মনে প'ড়ছে, বাল্যকীড়া মনে প'ড়ছে, যৌবনের আমোদ-প্রমোদ মনে প'ড়ছে, পুষ্পচয়ন মনে প'ড়ছে, নিরজনের সঙ্গে দেখা মনে প'ড়ছে ! এখনও জীবনের মমতা র'য়েছে ! দিক্ আমায়, কি স্থখে বাচবার সাধ হ'চ্ছে !

(সরফরাজখাঁর প্রবেশ)

সরফরাজখাঁ। বিবি, তোমারা কাম হয়, হামকে পরখ লিয়া ?

ললিতা। ইয়া নবাবজাদা !

সরফরাজখাঁ। তব হামসে দোস্তি করো !

ললিতা। নবাবজাদা, শোনে, কাছে এসো না।

(ছুরিকা বাহির করণ)

সরফরাজখাঁ। এ কেয়া ! ফের ছুরী নিকালতি কাছে ?

ললিতা। নবাবজাদা, তুমি আমায় ভালবাস না, — আমার দেহ ভালবাস।

সরফরাজখাঁ। নেই নেই, তোম মেরা জানি, তোম মেরা কলিজাকা কলিজা !

ললিতা। না নবাবজাদা, যদি তুমি আমায় ভালবাসতে, তা হ'লে তুমি আমায় নষ্ট ক'বুতে চাইতে না। রমণীর সতীত্বরক্ষা পরম ধর্ম, সে ধর্ম ভঙ্গ ক'বুতে চাইতে না। আমি মনে-প্রাণে সেই নিরজনের — যারে তুমি উদ্ধার ক'রেছ। আমি তোমায় দেহ দান ক'বুতে আস্তেমন না, তাতেও আমার মহাপাপ ; অস্ত্রে মৃতদেহ স্পর্শ ক'বুলেও মহাপাপ। কিন্তু আমি যারে ভালবাসি, তার জন্ত পাপভার মাথায় নিয়ে ভগবানের সম্মুখে দাঁড়াব ; তাঁরে বলবো, — “প্রভু, নারীর প্রাণ, কি ক'ববো, ভালবেসেছি, তাই মহাপাতকে ভয় করি নাই, অস্ত্রকে দেহ স্পর্শ ক'বুতে দিয়েছি। তুমি দয়াময়, আমায় মার্জনা কর। কিন্তু যদি এ মহাপাতকের মার্জনা না থাকে, — পিতা ! দণ্ড গ্রহণ ক'বুতে তোমার কস্তা তোমার সম্মুখে উপস্থিত।”

সরফরাজখাঁ। বিবি, হামারা দোস্তি তোম কাছে ছোড়তি ? ছুনিয়াকা বিচমে তোমারি মাক্‌নেকা লায়েক কুছ নেই ছায় ? আও, তোম মেরা সাখি আও, হাম ছোয়েকে নেই। হামারা মালখানা দেখো, জহরৎ দেখো, সব কুছ তোমারি পায়েরমে ভালেক্কে ; যেতনি বেগম ছায়, তোমারি বাদী কর দেখে। দিল্লীমে যেইসি “মুরজিহান” রহি, বাক্‌লেমে তোম ঐসি হয়েগি। মেরো মং !

ললিতা। নবাবজাদা, কোথাও কোন ইন্ত নাই—

যার শতী হ'বার আমার সাধ আছে, কোথাও কোন স্বর্গ নাই—যা আমার তুচ্ছ নয়! আমি স্বাধীন নই, আমি পরের বাদী, আমার স্বর্গভোগেরও অধিকার নাই। সে আমার ধর্ম, কর্ম, জীবন, স্বর্গ;—সে বিনা আমার কিছুই নাই। নবাবজাদা, তোমায় এত কথা ব'ল্‌তেম না। বল্‌চি কেন জান? তুমি দু'দিন পরে রাজ্যেশ্বর হবে, হিন্দু রমণী কি, তা জেনে রাখো। কখনো কোন হিন্দু-রমণীর সঙ্গে করস্পর্শ ক'ব্বার ইচ্ছা ক'রো না। নবাবজাদা, সেলাম! (বক্ষে ছুরিকাঘাতের উদ্‌যোগ)

সরফরাজ খাঁ। সূর বিবি, মরো মং। তোম চলা যাও—হাম ছোড়্ দেতে। হাম তোমারি দোস্ত জান্‌ লিও। যব কুছ্ কাম পড়ে, হামকো বাতাইও। সেলাম বিবি! তোম মেরি মায়ী ছায়। মায়ি, তোমারি বাং হাম সারা জিন্দগি ইয়াদ রাখেঙ্গে। আজতক্ হিন্দুকা সব লেড়্‌কী হামারা মায়ী!

ললিতা। নাবাবজাদা, জগদীশ্বর তোমার মঙ্গল করুন।

সরফরাজ খাঁ। তোমারি বাৎসে হামারা আঁপি থোলা। তোমারি বাৎসে হামারা আলা মিলেগা। তোমারি বাৎসে হাম আজসে দোসরা আদমী। তোমারি ইয়ারসে মিলো, খোস্‌ রহিও।

[উভয়ের প্রস্থান।

চতুর্থ গভীর

মুরশিদকুলিখাঁর-কক্ষ

মুরশিদকুলিখাঁ ও রঙ্গলাল।

মুরশিদকুলিখাঁ। দেখো হকিম, তোম হামারা জান বাঁচায়, কুছ্ হামসে তোম মাফো।

রঙ্গলাল। জনাব, আমি যা চেয়েছি, তা তো আপনি দিয়েছেন।

মুরশিদকুলিখাঁ। দেখো হকিম, তুমি দয়ালু ব্যক্তি।

তুমি আদমীর প্রাণরক্ষা ক'ব্বে, এসমে হাম তোমকো কেয়া দিয়া? তুমি বড় জবর হকিম। তোমায় পুরস্কার দেওয়া নবাবের কাজ; এ কাম হামারে করিতে দাও।

রঙ্গলাল। নবাব সাহেব, সে বাহাদুরী আমি জানি, একটু নাক টিপে ধ'বুলেই অক্কা পাই। সামনে দু'টো চোখ আছে, কিন্তু পেছন হ'তে সাপে কামড়ালে টের পাই নে। কিছু কি দেবেন বলুন?—টাকা দেবেন? বেশ স্মৃতিতে বেড়াছি, কেন একটা ভাবনা জোটাবেন? যদি আপনাকে আরাম করাতে খুসী হ'য়ে থাকেন, তবে আমাকে হুকুম করুন, আমি স্মৃতি ক'রে হাওয়া খেয়ে বেড়াই।

মুরশিদকুলিখাঁ। তুমি কি ফকির? আমার ফকিরকা মাফিক ডোল হাম দেখ্‌তা।

রঙ্গলাল। নাবাব সাহেব, তবে আপনি কিছু ঠাওরেছেন। কিন্তু আমি তো ঠাওরে পাই না—আমি কি কছি। যদি ঠাওরাই উত্তরে যাব, কে গলাধাক্কা দিয়ে দক্ষিণে চালান দিয়েছে। নবাব সাহেব, আমি কে যদি বুঝ্‌তে পা'ব্‌তেম, তিন তুড়ি লাফ খেতেম। কিন্তু সে যো কি! খালি ঘুরে বেড়াছি, কিছুই বুঝি না। তবে বোঝ'বার মধ্যে একটা বোঝা যায় যে, ম'র্‌তে হয়, কিন্তু নানারকম ফন্দী ক'ব্‌তে হয়, যাতে না মরি—যা হবার যো নাই।

মুরশিদকুলিখাঁ। আচ্ছা, তুমি হিন্দু কি মুসলমান?

রঙ্গলাল। নবাব সাহেব, আপনি কি? হিন্দু না মুসলমান?

মুরশিদকুলিখাঁ। আরে একা বাৎ! হামি তো মুসলমান ছায়। তোমবি মুসলমান হো গিয়া। হামারা ঘরমে খিচ্‌ড়ী খায়া, তোমারা জাত মার দিয়া। হামকো দাওয়াই দেনেকা পাতের, হামারা ঘরমে র'গিয়া, হামারা খানা খায়া। লেকেন আমি গোঁকা গোস্ত নেই দিয়া; দেনেকো মানা কর দিয়া।

রঙ্গলাল। জনাব, খানা খেয়ে যদি হিন্দু মুসলমান হয়, তা হ'লে আপনি হিন্দু হ'য়েছেন। আপনার অন্তরের সময় আমি গাঁদালের ঝোল রেঁখে খাইয়েছি।

মুরশিদকুলিখাঁ। লেকেন তোম ব্রাহ্মণ হোকে মুসলমানকা খানা খায়া, তোমারা জাত গিয়া।

রঙ্গলাল। একে একে তৌঁ সব বাবে নবাব সাহেব, শরীরটাও যাবে, না হয় জ্বাত গেছে।

মুরশিদকুলিখাঁ। আচ্ছা, তোম সাদি নেই কিয়া?

রঙ্গলাল। না হজুর! তোমার মত গোলামী ক'ব্বার সখ আমার নেই। পিঁদে পেলো ছুটি খেলোম, ঘুম পেলো ঘুমুলোম, তোমার মতন গোলামী আমি চাইনে।

মুরশিদকুলিখাঁ। হাম নবাব হ্যায়! হামকো গোলাম কহো?

রঙ্গলাল। গোলামী আর কারে বল নবাব সাহেব? দিল্লীতে খাজনা পাঠাবার জন্তে রাত্রে তোমার ঘুম হয় না; খাবার দিলে এক জনকে না খাইয়ে থেতে পার না,—মনে করে, কে বিষ দিয়েছে; ঘুমিয়ে ঘুমিয়ে চ'ম্কে উঠ, ভাবো কে ছুরী মারবে। আমার অতশত কিছুই নাই। যেখানে পড়ি, সেইখানেই ঘুমুই, যা পাই, তাই খাই, দিল্লীর খাজনার ভাবনা ভাবি নে! বল দেখি নবাবসাহেব, তুমি নবাব, না আমি নবাব?

মুরশিদকুলিখাঁ। আচ্ছা, তোম উরতা নেই? হামকো গোলাম ব'ল্তে হো, হাম তোমারা জান লেনে সেকা হ্যায়।

রঙ্গলাল। আচ্ছা, আমার জান তো নিতে পার। কিন্তু নবাব সাহেব, তোমার মউত এলে একদিনও বাঁচতে পা'ব্বে?—এক ঘণ্টা—এক পল?

মুরশিদকুলিখাঁ। আচ্ছা!—হকিম? তোমারা মনমে এত্তা বল ক্যায়সে? তোমারা এত্তা শোর ক্যায়সে? তোম নবাবকো নেই মানো?

রঙ্গলাল। নবাব সাহেব, ভারি সোজা, আবার ভারি শক্ত। আমি যদি আপনার জন্ত বাঁচতেম, তা হ'লে তোমারই মত আমার প্রাণে দরদ হোতো—ম'ব্বতে চাইতেম না। কিন্তু আমার মনে কি হয় জান? যে ম'ব্ববার সময় পর্য্যন্ত যদি হাত উঠে, তা হ'লে একটা পরের কাজ ক'রে যাব; আমি পরের জন্ত বেঁচে আছি। এক মরণ-ভয় গেলেই সব ভয় গেল। আপনার জন্তই লোক বেঁচে থাকতে চায়, পরের মাথা কাটা গেলে, তাতে কার কি? আমি তো আমার নই, আমি পরের। তা পর মলো আর রইলে, তাতে আমার কি ব'য়ে পেল।

মুরশিদকুলিখাঁ। হকিম, তোম কেয়া ধরমকা ওয়াস্তে আয়সা কর?

রঙ্গলাল। নবাব সাহেব, যে ধর্মের স্ত্র পরের কাজ করে, সে আপনাকে বিলোতে পারে নাই। সে ব্যাটার মনে ধোঁকা আছে, ম'ব্বতে ভয় আছে। সে ব্যাটা ভাবে কি জানেন—পারে যদি ম'রে একটা কিছু আমোদ ক'ব্বে; 'বেহেশ্তে' যাবে, স্বর্গে যাবে, বৈকুণ্ঠে যাবে, খুব আমোদে থাকবে। আমি ও সবের অত ভোয়াকা রাখিনে। ঐ তো তোমার ব'ল্লেম,—ক্ষিদে পেলো খেলোম, ঘুম পেলো ঘুমুলোম। তবে খেতে শুতে গাঁট দেয় আমি তা দিই না।

মুরশিদকুলিখাঁ। তোম আবি কাঁহা যাওগে?

রঙ্গলাল। তা যদি জান্তেম নবাব সাহেব, তা হ'লে আমি আপনাকে মাতলব ঠাওরাতেম। এক ব্যাটা সয়তান আছে, কাণ পাকড়ে ঘোরাচ্ছে। যদি ব্যাটার দেখা পেতেম, ছ'কথা শুনিয়ে দিতেম।

মুরশিদকুলিখাঁ। ক্যা, তোম খোদা নেহি মান্তে হো?

রঙ্গলাল। ইচ্ছা হয় মানি, কিন্তু আঙ্কেলে গাল দিই। বলি, তোমার এত বদ্‌মাইসি? যদি মাল্লুষ তোমার হাতে গড়া জিনিষ হয়, তার সঙ্গে এত বদ্‌মাইসি? রক্ত-মাংসের শরীর দিয়ে পাপ-পুণ্যের নানারকম 'বায়নাকা' ক'রেই! নবাব সাহেব, তুমি আমায় কিছু দিতে চাচ্ছিলে। আমি তোমার কাছে মেগে নিচ্ছি, মাল্লুষকে ভালবেসো। মাল্লুষ বড় দুঃখী! আর একটা নিবেদন—

মুরশিদকুলিখাঁ। ক্যা?

রঙ্গলাল। ইচ্ছে হ'চ্ছে, একবার উদয়নারায়ণের সঙ্গে দেখা ক'ব্বো। যদি আমি তারে ফেরাতে পারি। আমার প্রার্থনা যে, আপনি তারে মার্জনা ক'ব্বেন।

মুরশিদকুলিখাঁ। আচ্ছা যাও, তোম ফকড় হ্যায়।

[উভয়ের প্রস্থান]

পঞ্চম গর্ভাক

বনমধ্যস্থ কুটীর-দ্বার

অন্নদা, মাধুরী ও ললিতা।

অন্নদা। এইখানে থাক—ছুটি বোনে থাক। কে হার মেনে, কে আমার মেয়ে নয়, তা আমি চিন্তে পড়ছি নে। তোমরা ছুটিই আমার মেয়ে, তোমরা দুটিই সমান। আমার ছুটি মেয়েরই ছুটি ভাল বর হয়েছে; আমার যেমন মনের মতন স্বামী, তাদেরও তেমনি হয়েছে। তবে আমি আশীর্বাদ ক'ছি, আমার মত দুঃখ পাস্ নে। ভাবিস্ নে—ভাবিস্ নে, আমি মিলিয়ে দেব; আমি যখন তার সঙ্গে যাব, মিলিয়ে দিয়ে যাব। কলঙ্কের ভয় রাখিস্ নে, আমি কলঙ্ক রাখবো না। আমি সতী, দেশে-দেশে জানিয়ে যাব—রাজ্যময় জানিয়ে যাব। সতীপুরে আমার ঢ্যাডু'রা বাজিয়ে যাব। ভাবিস্ নে—ভাবিস্ নে, সতী তার পতি পায়, তোরাও পাবি।

উভয়ে। মা, মা,—

অন্নদা। না এখন না, অনেক কাজ আছে, আমার মা'বলা শুন্তে সাধ আছে। শুন্তবো—শুন্তবো, এখন নয়, এখন নয়।

[অন্নদার প্রস্থান।]

ললিতা। (স্বগত)

বুঝি

জগজ্জননী বিপদসময়,

মা'র বেশে দেখা দেন দুহিতায়।

চ'লে গেল স্বপন সমান;

পূরিল না—মা'র ব'লে ডাকিতে সাধ।

মাধুরী। (স্বগত) কে এ পাগলিনী!

জীবিতা কি জননী আমার?

কিছু স্নেহ তাঁর ভ্রমে ধরামাঝে

জননীর সাজে,

অনাথিনী ছুঃখিনী নন্দিনী সাথে।

ললিতা। মাধুরী!

মাধুরী। ললিতা!

সন্ন্যাসিনী তুমি?

ললিতা। নহি সন্ন্যাসিনী,

বেশে মাত্র সন্ন্যাসিনী হের,

নহে বাসনায় পূর্ণ হৃদাগার।

সাধ মম করিবারে বিরাগ-আচার;

কিন্তু কই, সেই ধ্যান—সেই জ্ঞান!

দিছি পরে, তু' তারে ভুলিবারে নারি;

সে আমারে করিয়াছে অধিকার!

সন্ন্যাসিনী? নহি সন্ন্যাসিনী,

দেখ মাত্র সন্ন্যাসিনী-বেশ!

মাধুরী। সখি, ভগ্নী আমি তব,

আমারে না কবে মনোব্যাথা?

কহ কার তরে তুমি উদাসিনী,

সে কি হেন নিদ্রয় তোমার প্রতি?

তব রূপের ছটায়

মুগ্ধ করে দেবতায়;

কেবা হেন কঠিন হৃদয় ধরে,

তাজেছে তোমারে,

যার প্রেমে বাসনায় দেছ বিসর্জন?

সন্ন্যাসিনী হ'য়েছ লো ভুবনমোহিনী!

ললিতা। কেন সন্ন্যাসিনী?

কেন লো তোমা'রে দিব ব্যাথা!

কিন্তু ব্যাথা পাই হেরিয়ে তোমার দশা।

আদরে যে নিয়েছে তোমা'রে,

কেন সখি, তাজিয়ে তাহারে,

কঠোর কুটীরে

আসিয়াছ আশ্রয়ের তরে?

হেরি সীমন্তে সিন্দূর;

তবে কেন অনাথিনী সম

ভ্রম তুমি পাগলিনী সনে?

প্রাণ কাঁদে তো'র এ দশায়!

হায় হায় কপট যে হয়,

কপটতা সকলের সনে তার!

মাধুরী। সখি,

অদৃষ্ট লিখন,

দোষ কেন দিব তা'রে!

ললিতা। ছিঃ ছিঃ, বিক' নারীর জীবন!

ক'রে প্রাণ বিসর্জন
তবু প্রিয় জনে নাহি পায় ;
সাধি কাঁদি, তবু সে নিষ্ঠুর ঠেলে পদে ।
কতমত জানায় যতন,
হ'লে বাসনা-পূরণ দেয় বিসর্জন !
পুরুষ পাষণ ;
ছিঃ ছিঃ, তবু রমণীর প্রাণ চায় তারে !

মাধুরী । সখি,
তুমিও কি প'ড়েছ এ বিষম প্রমাদে ?
তাই কি স্বজন, সম্মাসিনী তুমি ?
কে হেন কঠিন,
করিয়াছে লাঞ্ছনা তোমায় ?
সত্য সখি, দিক্ নারী-প্রাণে ;
ভোলা তো না যায়,
সাধ হয় হৃদে রাখি তার পা জু'খানি !
ব্যথা পাই, তবু তারে চাই !
এ কি, এ কি সখি বিড়ম্বনা ?

লগিতা । কঠিন সে হেন হ'য়েছিল অহুমান ;
কিন্তু প্রবোধ দিয়েছি আমি মনে,—
তব অতুল মাধুরী—
হরিবে হৃদয় তার ।
ছিঃ ছিঃ, সকলি ছলনা ;—
পুরুষের সবই প্রতারণা !
যন্ত্রণা, যন্ত্রণা,—
যন্ত্রণা সহিতে হায় নারীর জনম !

মাধুরী । সখি, তুমি কি বেসেছ ভাল করে,
নহে ভালবাসা জানিলে কেমনে ?
কি পিয়াস, কি নৈরাশ,
নহে শুধু নারীর হৃদয়ে ;
ফাটিত পাষণ !
শত লাঞ্ছনায় রমণী না বুকে ;
সহে, দহে, জেনে শুনে মজে,
তবু সেই ধ্যান জ্ঞান,
সেই মন-প্রাণ !
সখি, এত অশ্বতনে—
বাচিতে তো হয় সাধ ?

মনে হয় একদিন দেখা পাব তার !
ললিতা । মনে মনে কত কথা বলি,
মনে করি যাব তাঁরে ভুলি ;
ভুলিবার নয়—
মিশিয়াছে প্রাণে প্রাণে ।
সত্য সখি, বিলায়েছি পরে ।
তবু হয় নাই মরণ-কামনা ;
এ কি মন করে প্রবঞ্চনা,
তথাপি বাসনা—ব্যাকুল দেখিতে তারে !
রহ তুমি, যাব দেবী-পূজা হেতু ।
[ললিতার প্রস্থান ।

মাধুরী ।— (গীত)

সাধে কি বিধায়ে যতন করি,
তারে ভুলে কিসে ভীষন ধরি,
কৈদে মরি তবু কাঁদিতে চাই !
তারি অশ্বতন অতি সশতনে—
মিথানিশি মনে রেখেছি তাই !
ঘরে সারা তবু মন না বারি,
ধরি ধরি যেন ধরিতে নারি,
পারি হারি তবু ধরিতে ধাই !
তৃণাতাপে গেছে পুড়িয়ে আশা,
পুড়াইয়ে আশা নিভেছে পিপাসা,
বুক পেতে দিছি নিরাশে বাসা,
ভালবাসা তাই তারে বিলাই !
বুঝেছি ম'জেছি, মজিতে বাসনা,
যত বুঝি তত মজিয়ে যাই !

[মাধুরীর প্রস্থান ।

ষষ্ঠ গর্ভাঙ্ক

মন্ত্রণা-গৃহ

উদয়নারায়ণ ও রঙ্গলাল ।

উদয় । নিশ্চয় নবাবচর তুমি ;
নহে শুধু-মন্ত্রণার স্থানে
কি কারণে গোপনে এসেছ ?

রঙ্গলাল। নহি নবাবের চর।

ভিক্ষা দেহ ব্রাহ্মণে ভূপাল,

রাজ্যের মঙ্গল যাচি।

সমরে না হবে কতু জয় ;

জেনো রাজা নবাব দুৰ্জয়।

অকারণ রাজ্যায় জলিবে অনল,

প্রজাপুঞ্জ হইবে বিকল,

নরহত্যা হবে শত শত।

নিজ নিজ স্বার্থের কারণ,

জমীদারগণ,

উৎসাহিত করিয়াছে আপনারে।

কিন্তু ফেরে ঘরে ঘরে নবাবের চর,—

করে প্রলোভন দান।

রাজ-প্রলোভনে অনেকে ভুলিবে,

জমীদারী পাবে,

পাবে রাজ-সন্মান সকলে,

তব পক্ষে পাবে কয়জন ?

যদি প্রজার কারণে,

জমীদারগণে,

নিঃস্বার্থ হইত এই সমরে উৎসাহী,

হ'ত ফলপ্রদ ;

নহে নিঃস্বার্থ এই আয়োজন।

স্বার্থ কতু উচ্চ কাণ্ড না করে সাধন।

উদয়। তব উপদেশ নাহি প্রয়োজন,—

তাজে যদি সকলে আমারে,

একা আমি করিব সমর।

কিন্তু কর আপনার রক্ষার উপায়।

আসিয়াছ মন্ত্ৰণা-আলয়,

ছেড়ে দিতে নারিব তোমায়।

অস্ত্র ধর পক্ষে মম,

নহে হও প্রস্তুত মরণে।

রঙ্গলাল। মহারাজ, বামুনের ছেলে, হানাহানি,

কাটাকাটি আমি পারুবো কেন ?

উদয়। করো না ছলনা।

এখনি স্বচক্ষে আমি করৈছি দর্শন,

নিরস্ত্র একাকী,

পঞ্চজন অস্ত্রধারী ক'রেছে দমন ;

বহুকণ্ঠে ধ'রেছে তোমায়।

বীর তুমি,

তবে মাতৃভূমি হেতু কেন না হও সজ্জিত ?

রঙ্গলাল। মহারাজ, আমার যদি শত প্রাণ থাকতো, জননী জন্মভূমির কাণ্ডে আমি তুণের ন্যায় ত্যাগ করতাম। কিন্তু এ বিদ্রোহের পরিণাম মাতৃভূমির অমঙ্গল। আমায় বধ ক'রতে ইচ্ছা হয় করুন, কিন্তু প্রজাদের মুখ চেয়ে ক্ষান্ত হোন। তাদের সর্বনাশ হবে। নবাব-বিরুদ্ধে জয়লাভ কখনো হবে না।

উদয়। জয় পরাজয় ঈশ্বর নিয়ন্তা তার।

কিন্তু কাণ্ডে আছে মানুষের অধিকার ;

কাপুরুষ—কাণ্ডপরাশ্রু !

রঙ্গলাল। মহারাজ, ঈশ্বরের দোহাইটে দিচ্ছেন বটে, কিন্তু যখন আপনার নৈশ্বেচারি নিরাশ্রয় প্রজাদের উপর পীড়ন ক'রে বেতন আদায় করে, তখন ঈশ্বরের দোহাই দেন না। মুসলমানেরা অত্যাচারী—বিজাতীয়, রাজ্য অধিকার ক'রেছে ; যদি তারা পীড়ন করে, তা কতক মার্জ্জনীয়। কিন্তু আপনারা কি করেন ? দীন প্রজাদের বিরুদ্ধে পীড়ন ক'রে কর নেন, তা যদি পরমেশ্বর থাকেন, দেখেন ; আপনার সৈন্যেরা প্রজার ঘর লুট ক'রেছে, তা ঈশ্বর দেখেন ; নবাবের উপর ক্রোধ হ'য়েছে, নবাব আপনার উপর অত্যাচার ক'রেছেন, তারই প্রতিশোধ দিতে যাচ্ছেন, জন্মভূমির জন্ত অস্ত্র ধরেন নাই—ভগবান্ তা বোঝেন। শুনেছি, ভগবান্ অবতার হ'য়ে, প্রজার মঙ্গল জন্ত, রাজা যুধিষ্ঠিরকে সিংহাসন দিয়েছিলেন। মুসলমান যদি হিন্দু অপেক্ষা অত্যাচারী হ'তো, তা হ'লে তিনি যখনকে ভারত-অধিকার দিতেন না।

উদয়। দেখছি তুমি সম্পূর্ণ নবাবের পক্ষ। তুমি ব্রাহ্মণ, কিন্তু তোমার সম্পূর্ণ বিধর্মীর প্রতি অহুসার।

রঙ্গলাল। আপনারও সম্পূর্ণ বিধর্মীর প্রতি অহুসার, স্বদেশের প্রতি নয়। আপনার যে অগ্নের পরিচ্ছদ, এ কার হাতে প্রস্তুত ?—বিধর্মীর ! দিন দিন যে রাজভোগ প্রস্তুত হয়, তা—কার অহুসারণে ? বিধর্মীর ! কার দোকান হ'তে আসবাব ক্রয় ক'রে—আপনার রাজপ্রাসাদ সজ্জিত ?—বিধর্মীর ! বিধর্মী পরিত্যাগ ক'রে—কোন

হিন্দু-শিল্পীকে উৎসাহ দেন? বিধর্মী গোলাম মহম্মদ আপনাকে বন্ধু, সে হিন্দু নয়। মুসলমানকে আপনি ঘৃণা করেন না। তবে নবাবের প্রতি ক্রোধ হ'য়েছে, তাই বিগ্রহে সজ্জিত হ'চ্ছেন।

উদয়। তুমি প্রাণত্যাগে প্রস্তুত হও।

(দূতের প্রবেশ)

দূত। মহারাজ, নবাব-সৈন্য নিকটবর্তী হ'য়েছে; সংখ্যায় প্রায় দশ সহস্র অস্ত্রমিত হ'লো। দুই ভাগে বিভক্ত। এক অংশে আলি মহম্মদ ও রঘুবীর নামক একজন সেনানায়ক চালনা ক'চ্ছে, আর এক অংশের নায়ক শালিগ্রামের পুত্র নিরঞ্জন। গোলাম মহম্মদ মহারাজের দুই সহস্র সৈন্য ল'য়ে অগ্রসর হ'য়েছেন। পঞ্চ-শত অশ্বরোহী প্রস্তুত আছে। গোলাম মহম্মদ বল'ছেন, তাদের চালনা ক'রে মহারাজ অগ্রসর হ'উন।

উদয়। জমীদারদের সেনারা কোথায়? জমীদারেরা কি অগ্রসর হ'য়েছে?

দূত। মহারাজ, সে সংবাদ দাস জানে না।

(২য় দূতের প্রবেশ)

২য় দূত। মহারাজ, বড় কুসংবাদ এনেছি,—রাজপদে নিবেদন ক'রতে আশঙ্কা হ'চ্ছে।

উদয়। কি, কি, পরাজয় হ'য়েছে?

২য় দূত। আজ্ঞে না, এখনো যুদ্ধ শেষ হয় নাই।

উদয়। তবে কি?

২য় দূত। মহারাজ, সমস্ত জমীদারই নবাবপক্ষে মিলিত হ'য়েছে, তারা নিজ দলবলে আপনার বিরুদ্ধে যুদ্ধে অগ্রসর।

উদয়। কি? অসম্ভব—মিথ্যা কথা!

২য় দূত। মহারাজ, গোলাম মহম্মদ এই পত্র দিয়েছেন। আমি বেগবান অশ্বরোহনে এসেছি, পথে অশ্ব হত হ'য়েছে, অধিক কি জানাবো।

উদয়। ব্রাহ্মণ, তুমি মুক্ত, তোমার যথা ইচ্ছা গমন কর। দ্বিজোত্তম, তুমি সত্যবাদী:

রঙ্গলাল। মহারাজ, এখনো নিরস্ত হোন, নবাব দয়াবান।

উদয়। না।

রঙ্গলাল। বাঃ বাঃ—ঠিক এক ব্যাটা সংসার চালাছে বটে, দেখা পেলে তারে কুর্ণিশ লাগাই।

[প্রস্থান।]

উদয়। হে বাঙ্গালি, বাঙ্গালীই তুলনা তোমার—, নাহি এ-ভুবনে অমূল্য তব!

সাপু এ ব্রাহ্মণ—সত্যবাদী—

চিনিয়াছে স্বজাতিরে।

সত্য কি সংবাদ?

দেবতায় সাক্ষী করি প্রতিজ্ঞা করিল,

ধখে, বখে, অভ্যমানে দিয়ে জলাঞ্জলি—

বজ্রন করিল মোরে!

হে বাঙ্গালি,

বিন্দুমাত্র মনুষ্য নাহি কি তোমার!

এ আচার সম্ভব কি নরে!

অশেষ সম্মান দান ক'রেছেন নবাব আমায়,

অত্যাচারী দৌহিত্র তাহার,—

নবাব নহে তো অপরাধী।

পাইয়াছি উপযুক্ত ফল,

কৃতজ্ঞের এই পরিণাম!

নিশ্চয় সমরে পরাজয়।

অর্ণব সমান আসে নবাবের সেনা,—

জমীদারবৃন্দ তাহে মিলিত সকলে,

ক্ষুদ্র নদী মিল যথা; ভাগিরথী সনে

প্রবাহ প্রথর করে তার।

পরাজয়!

যা থাকে ললাটে, যুদ্ধে হই অগ্রসর।

[প্রস্থান।]

সপ্তম গর্ভাঙ্ক

বন-প্রান্ত

অন্নদা।

অন্নদা। আবার স্থিতি হেসে ডুবছে,—আবার দহ আসছে! সন্ধ্যা! তোমায় বড় ভালবাস্তেম! তুঁ

স্বামীর দূতী ছিলে; তারে আনতে, তারে ঢেকে
এনে আমার কাছে দিতে। তোমায় বড় ভালবাস্তেম,
কখন এসো, কখন এসো—ভাব্তেম, এনে আর ভালবাসি
নে, তুমি তারে এনে তো দাও না। না না, এনে
ভালবাসি, তোমায় দেখে সে ছবি আমার মনে হয়।
তুমি জান তো, কত সোহাগ ক'রতম, মুখে মুখে, বকে
কে থাকতম! তখন বিচ্ছেদ হয় নি, বিচ্ছেদের ভয়
তখন ছিল না। সে দিন দেখেছ, আজ দেখ; সে দিন
পতিসোহাগিনী দেখেছ, আজ পতিবজ্জিতা কান্দালিনী
দেখ! সত্য, তুমি আমার সখী! মনের কথা তোমায় বলি,
আর কারে ব'লবো, কারে জানাবো, কে শুন্বে, পরিহাস
ক'রবে।

(পুরজনের প্রবেশ)

পুরজন। এ কি! তিমির বসনা ছায়া-সহচরীর মত
তমাচ্ছন্ন বিজনে বেড়াচ্ছে! যেন কোথাও দেখেছি।
ভয়ঙ্করী অথচ স্নেহময়ী মূর্তি!

অন্নদা। এসো এসো, তোমার জগুই আমি দাঁড়িয়ে
আছি। তুমি এ পথে আসবে আমি জানি, কে যেন
আমায় ব'লে দেয়, আমি আপনার লোকের কথা সব
জানি। আমার মন তোমাদের কাছে প'ড়ে আছে, এক-
বারও আমার কাছে থাকে না, তোমাদের সঙ্গে থাকে,
যেখানে থাক, সেখানে থাকে।

পুরজন। এ কি মাধুরীর মা,— এই কি সেই
উম্মাদিনী?

অন্নদা। ভাবচো উম্মাদিনী! উম্মাদিনী নই,— এ
সময় উম্মাদিনী নই। আমি দিন গুণ্টি, আমার স্ত্রের
দিন এলো ব'লে। সে দিন আবার নব-বাসর! সে দিন
কেউ পাগলিনী ব'লবে না, সে দিন কেউ ঘেঁষা ক'রবে না,
সে দিন আমি তারে নিয়ে ডকা বাজিয়ে চ'লে যাবো!

পুরজন। কে মা তুমি!

অন্নদা। দেখ চেয়ে—

বেশা আমি, হয় কি প্রত্যয়?

কর আপাদ-মস্তক নিরীক্ষণ।

অন্তর-দর্পণ নেহার নয়ন,

কুটিলতা বেশার কি নেহার বদনে?

আগি পতিপ্রাণা—

পতি-প্রেমে ভি়ারিণী—

উম্মাদিনী পতি-প্রেমে আমি;

পতি ধ্যান-জ্ঞান;

আছি এ সংসারে—

পতির হইতে সহগামী।

দেখ দেখ, বুঝ লক্ষণ,

পতি হেতু করিয়াছি আত্ম-বিসর্জন;

রাখিবারে পতির সম্মান,

ভগি দেশে দেশে, ভিখারিণী বেশে,—

রাজরাণী কেহ নাহি জানে।

নাহি কর অধর্ম সঙ্কয়—

সতীরে অসতী জ্ঞানে।

স্বখে থাক করি আশীর্বাদ।

পুরজন। কে মা তুমি?

অন্নদা। দেখেছ আমায় তব বিবাহের দিনে।

হয় কি স্বরণ—এসেছিল উম্মাদিনী?

সেই আত্মত্যাগী কান্দালিনী।

স্বচ্ছায় ক'রেছি শিরে কলঙ্ক ধারণ,

করি কুকুরের উচ্ছিষ্ট অশন,

শয্যা ধরাতল, আচ্ছাদন নীলাদর।

তুমি মম দুহিতার পতি।

সতী সে জননী সম তার;

তোমাগত প্রাণা,

দুঃখের পাথারে—

ভাসে বামা তোমার বিরহে।

এস, এস—

উন্নততা আসিবে আবার,

ভুলে যাব অভিপ্রায়।

এস, এস—

মনে উঠে তার নিষ্ঠুরতা,

মনে উঠে সহিয়াছি যতেক যন্ত্রণা;

অনল—অনলে দহে স্তুতি,

বিস্তৃতি—বিস্তৃতি!

যাই—যাই গঙ্গাতীরে,—

যথা অন্তাচলগাশী পবিত্র তপন,

দেখেছিল সম্মিলন,
যথা পতিত-পাবনী,
মাগুর গায়িনী—স্বর্ণ আভরণে,
ছুলে ছুলে যেতেছিল পতি দরশনে।
এস, এস—
যাই—যাই—রহিব না আর।

[অন্নদার প্রস্থান।]

পুরঞ্জন। মাধুরীর জননী এ অভাগিনী।

অসতী না হয় অনুমান,
নহে মিথ্যাবাদী;

তবে অকারণে মাধুরীরে ক'রেছি বর্জন!

[প্রস্থান।]

অষ্টম গর্ভাঙ্ক

রণস্থল

উদয়নারায়ণ।

উদয়। স্রোতে তুণের তায় ক্ষুদ্র সৈন্য ভেসে
গেল। যুদ্ধে একমাত্র উপায়—জীবন বিসর্জন। ঐ
রঘুবীরের পদাতিক সৈন্য আমার পদাতিক সেনা লক্ষ্য
ক'রে আসচে; অসংখ্য অরতি ঝাঁকে ঝাঁকে গুলিবর্ষণ
ক'চ্ছে; দেখি, যদি কোনরূপে নিবারণ ক'রতে পারি।

[প্রস্থান।]

(নিরঞ্জন প্রবেশ)

নিরঞ্জন। অকারণ নরহত্যা ক'ছি। চণ্ডালকে শত-
বার আক্রমণ ক'রলেম, শতবার আমার হস্ত হ'তে নিস্তার
পেলে। এ বয়সে আশ্রয় বীথ্য—একাকী সহস্র হ'য়ে
যুদ্ধ ক'চ্ছে; আশ্রয় পরিচালন শক্তি, ক্ষুদ্র সেনা এখনো
দলিত হ'লো না। হা পিতা, হা পিতা! কতক্ষণে তার
বক্ষের শোণিত দর্শন ক'রবো! ছুরাচার কোথায়?
এখনও অসির শোণিত-পিপাসা নিবারণ ক'রতে পারলেম
না? তবে বৃথা পরিশ্রম, বৃথা নরহত্যা, বৃথা ব্রাহ্মণের
হস্ত অস্ত্রধারণে কলুষিত ক'রলেম! কি, পিতৃধ্বংস পরিশোধ
ক'রতে পারবো না? আমার জীবন বৃথা! কোথায়

গেল, কোথায় গেল? কোথাও তার সাক্ষাৎ পাচ্ছিনে
ঐ যে—ঐ যে, দুর্জন উচ্চকণ্ঠে দৈত্য উত্তেজিত ক'চ্ছে।

[ঈর্ষ্যবেগে প্রস্থান।]

(গঙ্গা ও রঙ্গলালের প্রবেশ)

গঙ্গা। ও মুখপোড়া, এই নে, জল নে। তুই মর,
মর, আমি নিশ্চিন্দ হই। আরে, এখানে গুলি আসচে
যে রে মুখপোড়া,—এখনি মরবি যে।

রঙ্গলাল। তুমি সহমরণে যাবে, ভাবনা কি?
আমার সামনে দাড়িও না, স'রে পড়—স'রে পড়, এখানে
ঝাঁকে ঝাঁকে গুলি আসচে; বিবিজ্ঞান স'রে পড়, স'রে
পড়,—দোহাই বিবিজ্ঞান, তোমার পায়ে ধরি—স'রে
পড়।

গঙ্গা। তুই আগে মর, তা দেখে তবে আমি যাব।
ও মুখপোড়া, এর পর আসিস্ এখন, তার পর জল রিতে
হয় দিস্।

রঙ্গলাল। (একটা গুলি বুড়াইয়া লইয়া) আহ
গুলিচাঁদ! মানুষের বুকের রক্ত খেতে পেলে না, তাই
অভিমানে ধুলায় লুটছো।

গঙ্গা। ও মুখপোড়া, স'রে আয়; নইলে তোর
সামনে আমি ক্রীহত্যা হবো।

রঙ্গলাল। (একজনের মুখে জল দিতে দিতে)
বিবিজ্ঞান! সর, এখানে বড় গোলাঘোগ, বড় গরমাগরম
গুলি আসচে।

(রক্তাক্ত উদয়নারায়ণের প্রবেশ)

উদয়। জল—জল—একটু জল দাও, আবার
যুদ্ধে যাব। আমাদের হার হ'য়েছে—জল—জল,—একটু
জল দাও,—আবার যুদ্ধে যাব। (পতন)

রঙ্গলাল। (মুখে জল দিয়া) বিবিজ্ঞান, এখানে
কোথাও কুটীর-টুটীর আছে?

গঙ্গা। আছে—আছে, নে তোলা, আমিও ধ'রছি।

উদয়। ছেড়ে দাও—ছেড়ে দাও, আমি যাব, ছেড়ে
দাও।

রঙ্গলাল। চলুন—চলুন যাবেন চলুন।

উদয়। জল—জল—

[উভয়ের উদয়নারায়ণকে লইয়া প্রস্থান।]

(নিরঞ্জনের প্রবেশ)

নিরঞ্জন। কোথায় গেল, আমার অশ্রাব্যেতে পরিভ্রাণ
পেলে, ধরাশায়ী হ'লো না? কুখির দর্শন ক'রেছি, কিন্তু
বধ ক'বুতে পারি নাই—বধ ক'বুতে পারি নাই। কোথায়
গেল—কোথায় গেল? নিশ্চয় তোমায় বধ ক'বুতো;
প্রলয়ের ছায়া তোমায় আবরণ ক'বুতে পা'বুবে না;
তোমার শতজীবন হ'লেও নিস্তার নাই। কোথায় গেল?
এ দিক দিয়ে নিশ্চিত যেতে দেখেছি। কোথায় গেল?
আমার কি ভ্রম হলো? পিতা—পিতা, অতীত তোমার
তপণ ক'বুতো।

[প্রস্থান।

(পুরঞ্জনের প্রবেশ)

পুরঞ্জন। এই ত সময় অবসান। প্রজ্ঞার সর্বনাশ;
নবাব-সৈন্য আবাল-বৃদ্ধ-বনিতা বধ ক'ছে। আমি কত
দিক রক্ষা ক'বুতো?

(নিরঞ্জনের প্রবেশ)

নিরঞ্জন। পুরঞ্জন—পুরঞ্জন,—উদয়নারায়ণ কোন্
দিকে গেছে দেখেছ? পালিয়েছে—পালিয়েছে, যাছ
জানে, নইলে আমার হাত হ'তে নিস্তার পেতো না।
কোথায়—কোথায় বা'লুতে পার?

পুরঞ্জন। নিরঞ্জন,

এখনো কি হয় নাই সম্পূর্ণ তোমার?

পরাজিত, নিপীড়িত, মুগ্ধ অরতি,

তার প্রতি এখনো আকোশ?

তোমায় সাজে না ভাই!

নিরঞ্জন। হাঁ হাঁ, জান তবে কোথা সে দুর্জয়;—

বোধ হয় অদূরে কুটীরে।

পুরঞ্জন। প্রতিশ্রুত নই আমি দানিতে সংবাদ।

নিরঞ্জন। না—না, নহ প্রতিশ্রুত,

শ্বশুর তোমার, রক্ষিবে তাহায়!

ভুলিয়াছ মম আত্মত্যাগ;

সর্বনাশ হেতু তুমি মম!

করিতাম যতপি উদ্বাহ,—

অশ্রুত হ'তো না পিতার,

পুরী না যাইত ছারেখার;

পুরঞ্জন, ভাল তব প্রতিদান!

পুরঞ্জন। সত্য কহি, নাহি জানি—

কোথা সেই উদয়নারায়ণ।

কেন তার হও অছুগামী,

কর ক্ষমা।

নিরঞ্জন। ক্ষমা, ক্ষমা—

উঠিছে তরঙ্গ তব মুখে।

বুকে ধ'রে মাধুরীরে আছ মহাস্বপ্ন!

ভিক্ষকের সম মোরে করিলে বিদায়;

পরে বধ্যভূমে মাহাত্ম্য দেখালে।

জান, নবাব অতীব সদাশয়,—

পত্নীরে পাঠারে দিয়ে যবন-আগারে,

প্রাণরক্ষা-উপায় করিয়ে,

বধ্যভূমে ক'রেছিলে মাহাত্ম্য প্রচার।

মিথ্যাবাদী তুমি!

নাহি জান কোথা সেই উদয়নারায়ণ?

(দূরে কুটীর দেখিয়া)

আমি জানি—আছে ঐ কুটীর-মাঝারে।

বধি তারে—

যবনের করে মৃতদেহ করিব অর্পণ।

পুরঞ্জন। এ সঙ্কল্প তব না পূরিবে—

প্রত্যক্ষে আমার।

হেন অহিন্দু-আচার দেখিতে নারিব,

প্রবেশিতে নারিবে কুটীর-দ্বার।

নিরঞ্জন। ভীক তুমি! আমায় রোধিবে,

রোধিবারে চাহ পিতৃ-বংশল তনয়ে?

প্রতিহিংসা বিরোধী হইবে।

ভীক, মিথ্যাবাদী!

শক্তি হেন নাহি তব ভূজে।

তুমি রাজদ্রোহী,

রাজ-শত্রু কর আবরণ।

পুরঞ্জন। রাজদ্রোহী তুমি।

রাজ-আজ্ঞা আছে মম প্রতি,

রক্ষিবারে আহত অরিরে।

নিরঞ্জন। তবে কর রক্ষা—শক্তি থাকে ভীক!

পশিব কুটীরে আমি

তুচ্ছ করি তোমা হেন জনে।

পুরজন : মুখের গর্জনে আর কার্যে পরিচয়

প্রভেদ উভয়ে বহু।

নিরঞ্জন। রোধ তবে কুটীরের দ্বার।

(পুরজনের অস্বাভাবিক নিবারণের চেষ্টা)

তবে যাও যমগরে। (পুরজনের পতন)

পুরজন। নিরঞ্জন—নিরঞ্জন!

ফিরে এস মৃত্যুর সময়।

(নিরঞ্জনের কুটীরাভিমুখে যাত্রা;—সহসা

মাধুরী, ললিতা, রত্নলাল ও গঙ্গার

বেগে বাহির হওন)

মাধুরী। প্রাণেশ্বর, প্রাণেশ্বর, একবার ফিরে চাও!

আমি তোমার দাসী, অসতী নই। চাও—চাও—ফিরে চাও

—একটি কথা কও! যদি অপরাধিনী হয়ে থাকি, আমায়

মার্জনা করো, অহুমতি দাও, আমি সহমরণে যাব;

চিতায় আমায় ত্যাগ ক'রো না।

পুরজন। কে, মাধুরী! তুমি সতী, সতীর কথা

আমি জেনেছি। আমার অপরাধ মার্জনা কর।

রত্নলাল। (স্বগত) বড় শোষণশি জান্লে, আগে

জান্লে বড় মন্দ হ'তো না।

ললিতা। মাধুরি—মাধুরি! নিরঞ্জন তোমার স্বামী

নয়?

নিরঞ্জন। এ কি! তুমি মাধুরী নও? তবে কি ভ্রমে

ঘুরেছি, কি সর্বনাশ ক'রেছি!

পুরজন। নিরঞ্জন ভাই! মৃত্যুকালে প্রার্থনা ক'ছি,

তুমি উদয়নারায়ণকে মার্জনা কর।

নিরঞ্জন। ভাই—ভাই, নিরন্তর তোমায় বধ ক'বুলেম!

তুমি আত্মদানে আমায় কুন্তের মুখ হ'তে ঝাটিয়েছ, তার

যথেষ্ট প্রতিদান দিলে! আমি অতি হীন! আমি

বন্ধুঘাতী!

পুরজন। তুমি হীন নও, তুমি পিতৃবৎসল, তুমি বন্ধু-

বৎসল,—তুমি আমার জন্ত সকল বিসর্জন দিয়েছ, স্বেচ্ছায়

নিজের সর্বনাশ ক'রেছ। আমি মৃত্যুকালে মুক্তকণ্ঠে

ব'লছি, আমি তোমার নিকট স্বামী,—তোমার বন্ধুত্বের

প্রতিদান আমি দিতে পারি নাই।

নিরঞ্জন। পুরজন, নিরন্তর আমি তোমায় বধ ক'বুলেম,
এ কি ক'রে ভুলবো? এ কি,—তোমায় বধ ক'বুলেম!

রত্নলাল। তা ক'রেছ—ক'রেছ, এখন যদি কোম-
রকমে ধাঁচে, তার চেষ্টা কর না, তাতে তো আর ত-
আপত্তি নাই। (মাধুরীর প্রতি) মা মা, ভয় নাই, ত-
সাংঘাতিক লাগে নাই! নিরঞ্জন, একটা কাজ কর, উন্নত
সৈন্যদের অত্যাচার নিবারণ কর। পুরজন আহত, তুমি
এ কার্যের ভার লও।

নিরঞ্জন। (ললিতার প্রতি) শোন শোন, তুমি আমার
মার্জনা কর! আমার দ্রাবিড়ী সকল সর্বনাশের মূল
পিতার হত্যার কারণ হ'য়েছি, তোমায় সম্মানিনী ক'রেছি,
কান্দাল হ'য়ে আপনি পথে পথে বেড়িয়েছি, অনেক বধ
দিয়েছি, অবশেষে বন্ধু হত্যা ক'বুলেম! এই প্রার্থনা,
আর একবার দেখা দিও, সকল কথা শুনো। যদি অপরাধী
বোধ কর, আর কখনও অভাগার দেখা পাবে না।

ললিতা। না—না, তুমি অপরাধী নও, আমি
অভাগিনী, কেন মনের কথা গোপন ক'রেছিলে!

রত্নলাল। দিন গিয়েছে, আক্ষেপে ফিরবে না। যাও
ভাই, উন্নত সৈন্যদের নিবারণ ক'রে এদের রক্ষার উপায়
কর। তারা এ দিকে এলে কি জানি, কি হয়।

নিরঞ্জন। সত্য রত্নলাল, আমি চ'লেম। পুরজন,
ভাই—

রত্নলাল। যাও ভাই, সৈন্যদের অত্যাচার নিবারণ
ক'রে দ্রাবিড় কতক প্রায়শ্চিত্ত কর। অহুতাপের দিন
টের পাবে, ইচ্ছা হয়, আজীবন অহুতাপ ক'রো।

[নিরঞ্জনের প্রস্থান।

গঙ্গা। (ললিতার প্রতি) কেমন দেবি! যে ঘরে
ভালবাসে, সে কি তারে পায়?

ললিতা। কি হয় কে জানে।

রত্নলাল। (পুরজনের প্রতি) অত বড় জোয়ানট,
একটা পাজরা ভেঙ্গে গেছে,—তাতে অমন ক'চ্ছ কেন?
এই লও—এই ঔষধটা খাও।

পুরজন। রত্নলাল, তুমিই স্বামী। (ঔষধ সেবন)।

রত্নলাল। তা হ'তে পারি, সে প্রশ্ন এখন নয়।
এখন তোমার বাচবার কথা, বেঁচে উঠ। (গঙ্গার
প্রতি) এই যে বিবি সাহেব র'য়েছে?

গঙ্গা। ইয়ারে মুখপোড়া, তোমার মুখে ছুড়ো দিতে
পারেছি। দেখে দেপি গা, আমি বেষ্ঠা, আমার অত কেন
গা?

রঙ্গলাল। কি করবে ভাই, পিরীতে সহিতে হয়,
কেটু ক্ষেমা-যেষ্ঠা ক'রে নিতে হয়। এসো তো চাঁদ,
রোধি ক'রে একে একবার কুটীরে নিয়ে যাই।

[পুরস্কৃতকে লইয়া সকলের প্রস্থান।]

নবম গর্ভাঙ্ক

মুরশিদকুলিখাঁর শিবির

মুরশিদকুলিখাঁ, ওমরাওগণ ইত্যাদি।

স্তুতিবাদক।— (গীত)

তব নীতি শাসন হুল জল কানন মানে।

গগন-ধারা সম তব রূপা-বরিষণ,

দীন অদীন তব দানে।

বশরস গান, পূর্ণ বিমান,

বিজয়-স্বর্গ হেরি অরি ত্রিয়মাণ;

বরণে জলধর—শ্রামল প্রান্তর,

ফুল নারী-নর শাস্তি-বিধানে।

(অমদা ও তয়ফাওয়ালীগণের প্রবেশ)

তয়ফাওয়ালীগণ।— (গীত)

রসনা কুটিল কণ্ঠ মানা মানে না।

অলে নি বার বাসনা, কত জ্বালা সে জানে না।

ভাবে হায় কথার কথা, বোঝে না কত ব্যথা,

সবল প্রাণে গরল ঢালে হয় না মনসা;

বুক কেটে কালিমা ছোটে, প্রিয়জনের বুক ফোটে,

বিষ-দাঁতে কলঙ্ক-রেণা লুকিয়ে টানে না।

[তয়ফাওয়ালীগণের প্রস্থান।]

মুরশিদকুলিখাঁ। উহারা কোথায় চলিয়া গেল?

অমদা। জাঁহাপনা, ওদের আমি সঙ্গে এনেছিলাম,

ওদের পুরস্কার দিয়ে বিদায় ক'রেছি।

মুরশিদকুলিখাঁ। তোম ক্যা মাদো,—কি চাও?

সম বড়া খোস্ ছা।

অমদা। জনাব, আমি আমার স্বামী চাই। আমার
কল্লার কলঙ্ক মোচন ক'রতে চাই, আমি পতির সহগামিনী
হ'তে চাই।

মুরশিদকুলিখাঁ। তোমার খদম কোন্ ব্যক্তি?

অমদা। আপনি অঙ্গীকার করুন, তারে আপনি
দেবেন?

মুরশিদকুলিখাঁ। তোমার খদম তোমায় দেব,—এ
কেমন অঙ্গীকার?

অমদা। আমার স্বামী আমায় গ্রহণ ক'রবেন, আপনি
দেখবেন, আপনি সাক্ষী হবেন, আর কিছুই নয়।

মুরশিদকুলিখাঁ। এ ক্যা দেওয়ানা হয়?

অমদা। না নবাব সাহেব, আমি পাগলিনী ছিলাম,
এখন আর পাগলিনী নই; আমি ভিখারিণী ছিলাম,
এখন আর ভিখারিণী নই! আমি কলঙ্কিনী ছিলাম, এখন
আর কলঙ্কিনী নই! আমি সতী, রাজরাণী, আমি জগতে
এ কথা প্রচার ক'রবো, নবাব-দরবারে এই আমার
প্রার্থনা।

মুরশিদকুলিখাঁ। তোমার কথা আমি বুঝিতে
পারিতেছি না, তুমি রাজরাণী—এখানে কি নিমিত্ত
আসিয়াছ?

অমদা। নবাব সাহেব, আমার সঙ্গে একবার আসুন,
এই আমার প্রার্থনা।

মুরশিদকুলিখাঁ। কাঁহা?

অমদা। আমার স্বামী যেখানে ম'রছে।

মুরশিদকুলিখাঁ। এ ক্যা বাং?

অমদা। যদি রূপা হয়, এই ভিক্ষা দিন।

মুরশিদকুলিখাঁ। আচ্ছা চল,—কাঁহা লে যানে
মাদো?

অমদা। আপনি একা নয়, দরবার শুদ্ধ আসুন।

মুরশিদকুলিখাঁ। আচ্ছা, হাম যাতে;—আউর কুছ
মাদো?

অমদা। উদয়নারায়ণের ছাটি কথা আছে; তার
যেন স্বামী নিয়ে স্বখে থাকে, তাদের প্রতি কোন অত্যাচার
না হয়।

মুরশিদকুলিখাঁ। আচ্ছা বিবি, কুল।

অন্নদা। তবে আহ্নন, দরবার শুদ্ধ হংস-সরোবরে
আহ্নন।

মুরশিদকুলিখাঁ। তোম কীহা যাতি ?

অন্নদা। আমি সে তামাসা আরও লোকদের দেখাব।

[প্রস্থান।

মুরশিদকুলিখাঁ। আও তামাসা দেখে, হিন্দুলোগকা
বিচ্যে এঁসা তামাসা বহৎ হোতা।

[সকলের প্রস্থান।

দশম গভীর্ণ

হংস সরোবর

উদয়নারায়ণ।

উদয়। আমি কাপুরুষ,—যুদ্ধক্ষেত্র হ'তে চ'লে
এসেছি—পরিণাম আত্মহত্যা। ভিন্ন কি হ'তে পারে!
যে অস্ত্রধারী যুদ্ধক্ষেত্র হ'তে চ'লে আসে, আত্মহত্যা
তার প্রায়শ্চিত্ত। নবাব-সমীপে আত্মসমর্পণে জীবন-রক্ষা
হয়; মুসলমান হব' অঙ্গীকার ক'রলে রাজ্য মান পুনঃ
প্রাপ্ত হই, কিন্তু ত্রাঙ্গণ হ'য়ে সনাতন ধর্ম বিসর্জন দেব ?
এ অপেক্ষা আত্মহত্যা লঘু পাপ ! হলাহল, এ সময়ে
তুমিই বন্ধু। তোমার সাহায্যে সকল যন্ত্রণা হ'তে নিষ্কৃতি
পাবো;—বিস্মৃতির আবরণে ঘৃণা, উপহাস আর আমায়
স্পর্শ ক'রবে না। তীব্র হলাহল, যত্নে তোমায় লুকিয়ে
রেখেছিলেম, এসো—তোমায় হৃদয়ের অভ্যন্তরে ধারণ
করি। (বিষপান) এ সময়ে অন্নদাকে মনে প'ড়ছে,
মাধুরীকে মনে প'ড়ছে, ললিতাকে মনে প'ড়ছে;—তার
কোথায় গেল ? হেথা থাকলে ভাল হ'তো,—একবার
দেখতেম ! গরলে দেহ অবসন্ন হ'চ্ছে, ক্রমে জগৎ
অস্তরিত হ'চ্ছে, এই আসন্ন সময়।

(একদিকে অন্নদা, প্ররঞ্জন, নিরঞ্জন, মাধুরী, ললিতা,

রঙ্গলাল ও গঙ্গার এবং অন্তদিকে স্বদলে

মুরশিদকুলিখাঁর প্রবেশ)

অন্নদা। বিষ খেয়েছ ? তোমার মেয়ে এসেছে;
ম'রবার সময় ব'লে যাও যে, তোমার মেয়ে তোমার
বিবাহিত। পত্নীর গর্ভে।

উদয়। তুমি আমায় ছেড়ে কোথায় ছিলে ?

অন্নদা। সে সন্দেহ আমি তোমার সঙ্গে চিত্তে
পুড়ে সকলের মন থেকে দূর ক'রবো। এই দেখ, চেয়ে
দেখ, আমি সেই বাসরের সাজে এসেছি। শ্রাক্কা পায়ে
বেড়াতেম, মড়ার ন্যাকড় প'রে বেড়াতেম—কিন্তু এ
বেশ আমি তুলে রেখেছিলেম, বাসরে পরেছিলেম অত
আবার পরেছি, এবার আর বিচ্ছেদ হবে না!—চেয়ে
দেখ, আমি চিত্ত প্রস্তুত ক'রে রেখেছি।

উদয়। অন্নদা, অন্নদা—প্রিয়ে! কাছে এসো—এক
বার তোমায় দেখি।

অন্নদা। (প্ররঞ্জন ও মাধুরীকে দেখাইয়া) এই দেখ
তোমার মেয়েকে দেখ, তোমার জামাইকে দেখ, তুমি
বড় অস্থবী। এতদিন আমি মনে ক'রতেম, আমি তো
ছুঃখিনী, কিন্তু তোমার মত ছুঃখ আমি পাই নাই। আমি
পাগল হ'য়ে প্রাণ ঠাণ্ডা ক'রেছি, কিন্তু তুমি জ'লেছ;—নি
দিন মেয়ের মুখ দেখেছ,—তোমার আগুন দ্বিগুণ হ'য়ে
জলেছে। আমি ভুলে থাকতেম,—পাগলাম ক'রে তুমি
থাকতেম,—কিন্তু তুমি ভোলো নাই, তুমি বড় স'য়েছ
বড় স'য়েছ। আমিও স'য়েছি, পাগল হ'য়েও ভোলা
না;—আজ চিত্তে শুয়ে, ছুঃজনে সব ভুলে যাব
(মুরশিদকুলিখাঁর প্রতি) নবাব সাহেব, তুমি সাক্ষী—
আমি সত্যী, আমার কন্ঠার না অপবাদ থাকে।

উদয়। নবাব, এসেছেন ? আমার অপরাধ মার্জন
করুন; আমি কৃতজ্ঞ,—তার দণ্ড আমি আপনি গ্রহণ
ক'রেছি।

মুরশিদকুলিখাঁ। (রঙ্গলালের প্রতি) হকিম—হকিম!
এস্কা কুছ দাওয়াই হ্যায় ?

রঙ্গলাল। না জনাব, কালের ঔষধ নাই।

অন্নদা। নবাব সাহেব, আমায় পুরস্কার দাও। স'য়ে
হও, আমি সত্যী,—আমার কন্ঠার কলঙ্কমোচন হোক।

মুরশিদকুলিখাঁ। তু মেরা মাদী হ্যায়।

অন্নদা। দেখ দেখ, চেয়ে দেখ—তোমার কন্ঠ
জামাইকে আশীর্বাদ করো।

উদয়। আশীর্বাদ করি, স্থখী হও।

অন্নদা। (ললিতা ও নিরঞ্জনকে দেখাইয়া) এ

হ'মার কণ্ঠা, এও তোমার জামাতা, এদেরও আশীর্বাদ
করো।

উদয়। মা ললিতা, পতি ল'য়ে সুখে থাকো।
কো নিরঙ্কন, আশ্রয় মার্জনা কর, আমি অনেক অপরাধে
অপরাধী! অনন্দা—চ'ল্লেম! (মৃত্যু)

অনন্দ। নবাব সাহেব, সেলাম। আমার মেয়ে
টুকি দেখো। মা ললিতা, মাধুরি! আমি চ'ল্লেম!
তোরা একবার মা ব'লে ডাক,—আমার 'মা' ব'লে ডাকা
শ্রুতে সাধ আছে! তোরা মা ব'লে ডাক,—আমি শ্রুতে
শ্রুতে রাজার সঙ্গে যাই!

ললিতা ও মাধুরী। মা! মা!—

অনন্দ। জগৎ জেনো, আমি অসতী নই। দাঁড়াও
—দাঁড়াও—আমি যাচ্ছি!

(উদয়নারায়ণকে আলিঙ্গন করিয়া শয়ন)

রঙ্গলাল। বিবিজান, সংসারে এই প্রেমের খেলা।

এ খেলায় তোমার আমার কাজ নাই। ভ্রান্তি—ভ্রান্তি—

ভ্রান্তি—আগাগোড়া ভ্রান্তি! তবে রাজ ক'রতে এসেছি,

কাজ ক'রে বেড়াই এসো। পরের দায় মাথায় নিলে,

আপনার দায়ে নিশ্চিন্ত হবো, অতটা ঘোর থাকবে না।

গঙ্গা। ঠিক ব'লেছিলাম বামুন!

মুরশিদকুলিখাঁ। ইং ক্যা—হকিম দেখো, আওরাং
মর গিয়া?

রঙ্গলাল। হাঁ জাহাপনা, ও ঠিক ম'রেছে।

মুরশিদকুলিখাঁ। তাজ্জব হায়া! তোম লোক

আপ্নাকা দেওতাকা নাম লেও।

সকলে। হরিবোল! হরিবোল!! হরিবোল!!!

দক্ষ-যজ্ঞ

(পৌরাণিক নাটক)

[৬ই শ্রাবণ, ১২৯০ সাল, ষ্টার থিয়েটারে প্রথম অভিনীত]

নাট্যোল্লিখিত ব্যক্তিগণ

পুরুষ

দক্ষ, মন্ত্রী, মহাদেব, ব্রহ্মা, বিষ্ণু, নারদ, দধীচি, নন্দী, ভৃঙ্গী, প্রহরী, দূতগণ, প্রমথগণ
ইত্যাদি।

স্ত্রী

প্রস্থতি, ভৃগু-গন্ধী, সতী, তপস্বিনী, চেড়ী ইত্যাদি।

প্রথম অঙ্ক

প্রথম গভর্নাক্স

কানন

তপস্বিনী তপে মগ্ন -- মহামায়ার আবির্ভাব।

মহামায়া। বর নে রে ; পূর্ণ মনস্কাম তোর।

তপস্বিনী। মা, মা আমার!

কোথা ছিলে ভুলে মোরে ?

মহামায়া। বর নে -- সদয়া তোরে আমি।

তপস্বিনী। মা গো, চিরদিন রব তোর সনে,

অন্ত সাধ নাহি, মা আমার ;

আর কভু নাহি রহ মোরে ছাড়ি'।

মহামায়া। আজি হ'তে তুমি মম প্রধানা সঙ্গিনী।

শুন তপস্বিনি,

দেহ হ'তে যে হেতু স্বজিহ্ন তোর ;—

আছি মুগ্ধ নিজ মায়া-পাশে ;

মায়া-পাশে বাধিতে মহেশে

এ বেশে এ লীলা মম।

শিব নাহি বিমুগ্ধ হইলে

জীব নাহি রবে বরা-মাঝে ;

আনন্দ-উৎসব—

বহু রূপে করিব আনন্দ লীলা।

শিব-শক্তি-সঙ্গিনী হইবি তুই।

তপস্বিনী। মা, মা, অপার করুণা তব !

মহামায়া। এবে কার্য্য বাকী তোর।

তপস্বিনী। মা, ম', আর নাহি দেহ কার্য্যভার।

মহামায়া। বৎসে ! শিব-পূজা শিখাইবি মোরে

হেন কার্য্য-ভার আমার বাঙ্ছিত সদা।

তপস্বিনী। মা, ম', তোরে পূজা কি শিখাব ?

মহামায়া। মুগ্ধ নিজ মায়ায় প্রভাবে,

দক্ষালয়ে আছি মহাদেবে ভুলি',
 তুমি মোরে করিবে চেতন।
 তপস্বিনী। মাতা, কোথা দক্ষ-গৃহ ?
 মহামায়া। দেখ, নাহি একাৰ্ণব আর ;
 স্তম্ভিত লহর মালা,
 শ্রামকাস্তি ধরা শোভে তায় ;
 মায়ার প্রভাবে
 ভৃঙ্গ গুঞ্জে কুসুম-সৌরভে ;
 রাজ্য এবে, যথা ছিল একাকার।
 দিব্য আশি করিছ প্রদান,
 উচ্চ তব হও অবগত,
 চতুষ্পৃথ-অগোচর যাহা।
 পদ্মা নাম পাইবি কৈলাসে,
 পাইবি সুন্দর কাস্তি রবি-শশী জিনি'।
 [উভয়ের প্রশ্নান।

দ্বিতীয় গভীক্ষ

উদ্যান

(দক্ষের প্রবেশ)

দক্ষ। কি মধুর স্নিগ্ধ বায়ু পরশিছে ভালে !
 মম করে আদরে অর্পিল তাত
 প্রজা-হাপনের ভার ;
 দক্ষ নাম দক্ষ জানি' দিল।
 কি কৌশলে করি ভবে প্রজার স্থাপন ?
 বার বার কত প্রজাপতি
 কত মত করিল নির্ণয়,
 কিন্তু কোন মতে
 না হইল প্রজার স্থাপন।
 সমাজ-বন্ধনে কেমনে মানব রবে ?

(চেড়ীর প্রবেশ)

চেড়ী। প্রভু, রাজ্ঞী যাচে রাজ-দরশন।
 দক্ষ। (স্বগত) একতা বন্ধন ;
 কিন্তু কোন সাধারণ প্রয়োজনে

একতা-বন্ধনে' রবে জীব ধরাতলে ?
 একতার মূল—প্রয়োজন।
 চেড়ী। প্রভু, চাহে রাজ্ঞী চরণ-দর্শন।
 দক্ষ। (স্বগত) তর্ক অতি চমৎকার,
 কিন্তু দোষ মূলে !—
 প্রয়োজন বিনা,
 একতা-বন্ধনে কত না মানব রবে।
 কত দিনে উঠে কথা, মায়ার বন্ধন।—
 অহুমান, অহুমান—
 যুক্তি মাত্র নাহি তাহে !—
 মায়া—মায়া !
 কিবা মায়া, কহ, কে বা জানে ?
 মায়া বলি' বর্ণনা যাহার,
 মায়া নাম দিলে তারে,
 এ সংসারে মায়া নয় কিবা ?
 তুমি মায়া, আমি মায়া,
 মায়া ব্যোম তরুলতাগণে।
 তবে মায়ার বন্ধনে
 কি হেতু না রহে নর ?

চেড়ী। দেব !

দক্ষ। (স্বগত) অযৌক্তিক কথা—

[চেড়ীর প্রশ্নান।

মায়ার বন্ধন,
 শিশুকালে ঘুমাইতে উপকথা !—
 কিবা সাধারণ নরে,
 হিত-চিন্তা সাধারণ সবাকার
 নিজ হিত-হেতু—
 ভরে নরে রহিতে সংসারে,
 যে সংসারে মৃত্যু-ভয়।
 অনাচার মৃত্যুর কারণ—
 প্রসূতির প্রবেশ)

প্রসূতি। নাথ, এস স্বরা, একা আছে সতী।

নাথ,

না জানি গো কেন মম কপাল ভাঙ্গিল !

দক্ষ। রাজ্ঞী,

সতীর বিবাহ ভুলি নাই, প্রাণেশ্বর !

(সতীর প্রবেশ)

সতী । যা', আর ত শোব না ;

একা' রেখে এলে তুমি !

পিতা, পিতা—

দক্ষ । সতি, আমি ছেলে তোর,—

আর ক'টি আছে ছেলে ?

প্রস্থতি । নাথ, ধরি পায়,

এ কথা সতীরে পুনঃ না জিজ্ঞাস, প্রভু ;

আয়, মা আমার !

দক্ষ । কি হ'য়েছে, রাণী ?

প্রস্থতি । নাথ, আজি গোদুলির বেলা

সতী মোর খেলিতে খেলিতে

মা ব'লে আইল ধেয়ে ;

বদন মুছিত, চাদমুখ চুমিত যতনে,

কোলে ল'য়ে বসিত তরুর তলে—

দক্ষ । কি হ'য়েছে মা আমার ?

সতী । শুয়েছি মা'র কাছে,

একা' রেখে এলেন জননী,

তাই আইল উপবনে ।

প্রস্থতি । নাথ, না শুনিলে কেমনে বুঝিবে ?

কোলে ল'য়ে স্বধাইল সতীরে আমার,

“কত পুত্র আছে তোর ?”

উষ্টি' দ্রুত বিষমূলে বসিল সহসা ;

শত রবি-ছবি ফুটিল উদ্যানে অকস্মাৎ ;

নাহি সতী আর,

উজ্জল কিরণময়ী প্রতিমা স্তম্বর !

কত শত ব্রহ্মা বিষ্ণু, শিব লোটো পায় ;

করঘোড়ে তিনলোকে

“মা” ব'লে ডাকিছে ;

হাস্তময়ী করুণা-প্রতিমা,

রূপাকর্ণা সবারে দানিছে ;

আনন্দে নাচিছে সবে !

“সতী, সতী” বলি উচ্চৈঃস্বরে,

অচেতন হইল, প্রভু !

“সতী” ব'লে জাগি পুনঃ ;

পাশে শুয়ে মা আমার !

কেন হেন সতীরে হেরিল, প্রভু ?

দক্ষ । মহিষি, কি অস্বস্থ শরীর তব ?

প্রস্থতি । নাথ, ব্যাকুল উন্মাদ প্রাণ মোর ।

মা হ'য়ে কি দেখিলু নয়নে ?

জীবিত যে'জন,

দেবীরূপে দেখিলে তাহারে,

অকল্যাণ হয় তার ।

দক্ষ । তব মন-তৃপ্তি হেতু,

যাগ-যজ্ঞ—

যেবা কার্য্য ইচ্ছা তব কর, রাণি !

রাজমন্ত্রী করিবেক আয়োজন ;

কিন্তু জেনো মাত্র স্বপ্ন কেবল ।

(স্বগত) আহা, কি স্তম্বর বাঘু !

নিদ্রা মম আসে চ'থে ।

কোথা ছিল ?—

হা, অনাচার-নিবারণ ।

প্রস্থতি । স্বপ্ন নহে নাথ, করি নিবেদন ।

দক্ষ । জেনো স্থির, স্বপ্ন বিনা কিছু নহে আর ।

স্বপ্নের কথা কি কব তোমারে রাণি ?

আজি নিশা-অবসানে হেরি—

স্বর্ণময়ী ঝিয়ারী আমার,

অর্পি ভোলানাথ-করে ।

সতী । ভোলানাথ ? কে সে, পিতা ?

দক্ষ । ভুল সৃষ্টি আপাদমস্তক,

আপাদমস্তক ভোলা !

সতী । সকলই কি যায় ভুলে ?

যদি কেহ কহে কটু,—

তাও যায় ভুলে ?

দক্ষ । (স্বগত) অনাচার-নিবারণ—

সতী । পিতা, পিতা, সকলই কি যায় ভুলে ?

দক্ষ । হঁ ।

(স্বগত) কিসে হয় অনাচার-নিবারণ ?

সতী । আমি বড় ভালবাসি তারে ।

ভুলে যায় ; কে খাওয়ায় অন্ন-পানি ?

দক্ষ । রাণি ! তব আজ্ঞা পাইলে সচিব,

যাগ-যজ্ঞ আরোজন,
কিন্তু
সতীর কল্যাণে অথ যোবা প্রয়োজন,
সাধ্যমত ক'রে দিবে সমাধান।
কিন্তু জেনো স্থির,
স্বপ্ন মাত্র অথ কিছু নয়।

সতী। পিতা, কেবা দেয় অন্ন-পানি ?

দক্ষ। ভূতে।

সতি, আসি কার্য-গৃহ হ'তে ;
উপকথা ক'বি,
ঘুম পাড়াইবি তুই।
যাও গৃহে।
(স্বগত) মস্ত্রিগণে কি যুক্তি দানিবে ?
বিরলে করিব স্থির।

[প্রস্থান।

সতী। ও মা, ভূত কি, মা ?

ভূতে কেন দেয় অন্ন-পানি ?

প্রস্থতি। বল দেখি মা আমার,
কত অন্ন করিলি রন্ধন ?

সতী। কি কব গো কত অন্ন করিছ রন্ধন,
কত জনে দিছ, মাতা !

কিন্তু ভোলানাথে না দেখিছ।

প্রস্থতি। আয় কোলে, ঘুমা', মা আমার।

সতী। বল না, মা, কোথা ভোলানাথ ?

(তপস্বিনীকে লইয়া চেড়ীর প্রবেশ)

চেড়ী। রাজরাণি, এই সেই তপস্বিনী,

ভৃগুপত্নী ব'লেছেন ঘাঁর কথা।

সতী। হা মা, ভোলা কে, মা ?

তপস্বিনী। (স্বগত) মা আমার ব্যাकुলা ভোলার তরে,
শিবপূজা কি শিখাব তোরে !

প্রস্থতি। (স্বগত) এ কি অপূর্ব যোগিনী !

নলিনী-নিশ্চিত-কায়,

নবীন বয়সে কেন উদাসিনী বালা !

(প্রকাশে) গোষ্ঠুলিতে দেখিয়াছি অলক্ষণ।

তনুলাম ভৃগুপত্নী-মুখে,

তব অঙ্গের সৌরভে

মহারোগী পাইল পরিব্রাণ ;—

তনয়ারে অর্পি তব পায়।

দেবী-মৃতি দেখিয়াছি ছুহিতার !

সতি, নে মা পদধূলি।

(সতী কতৃক তপস্বিনীর পদধূলি গ্রহণ)

তপস্বিনী। (স্বগত) শিব, শিব, শিব !

(প্রকাশে) শঙ্কা তাজ রাজরাণি ;

কল্যাণী তনয়া তব ;

অকল্যাণ কতু না সম্ভবে।

প্রস্থতি। ভগবতি ! তব মধুময় বাণী

অমৃত দানিল প্রাণে।

ক্ষম, মা, আমারে—

কেন, মা গো,

বিভূতি মাখিলি কিশোর-কায় ?

তপস্বিনী। মাতৃমন্ত্রে দীক্ষা মম, রাজরাণি !

প্রসবি জননী,

পলাইল অর্ণবে ভাসায়ে মোরে ;

অভাগিনী, তবু নাহি গেল প্রাণ।

মা'র তরে আমি উদাসিনী,

কোথায় জননী ?

মা ব'লে নিয়ত কাঁদি।

মাতৃমন্ত্র সাধি,

দেব-দেবী নাহি করি উপাসনা।

মুখে মা'র নাম মম অবিরাম,

যে শুনে বাসনা পূরে তার ;

কিন্তু মম জননী কঠিনা,

না পূরায় মনস্কাম মম।

প্রস্থতি। (স্বগত) এ কি উন্মাদিনী ?

(প্রকাশে) ভগবতি,

অপূর্ব কাহিনী তব !

তপস্বিনী। ভৃগুর রমণী

প্রেরিলেন মোরে তব পুরে ;

কার্য কিবা আদেশ', মহিষি !

প্রস্থতি। হেন কার্য কর, ভগবতি,

হয় বাহে সতীর কল্যাণ।

যদি তব হয় অভিমত,
পবিত্র করুন গুরী
‘কয় দিন রহি’ এই স্থানে।
তপস্বিনী। রব তব আদেশে, মহিষি!
প্রহৃতি। সতি, আয় না আমার;
ভগবতি, রূপা করি আস্ত্রন সংহতি।

[সকলের প্রধান

তৃতীয় পর্ভাঙ্ক

বক্ষ

দক্ষ আসীন।

দক্ষ। এত দিনে পারিছ বৃষ্টিতে
কেন প্রজা না হ’ল স্থাপন—
শিবপূজা সৃষ্টিনাশ হেতু।
বিরিক্তির ঘটয়াছে বৃদ্ধি-ভ্রম!
আজ দেখি দক্ষপুরে
স্বপনের অধিকার।
প্রাতে স্বপ্ন অর্পি ছহিতায় হরে,
গোধূলিতে কত্যা দেবী হেরে রাণী,
রজনীতে বিধাতার আকিঞ্চন,
অর্পি কত্যা ভাঙ্গড়ের করে।
অনাচার-নিবারণ, শিবের দমন,
অগ্রে প্রয়োজন;
যত্ন-নিবারণ,
সংসারে উচিত আগে;
নহে, ক্ষণস্থায়ী পুরে—
কি স্থখে রহিবে জীব?
লয়কর্তা শিব;
লয় নিবারণ না হবে কখন,
অনাচারী শিব-নিবারণ বিনা।

(প্রহৃতির প্রবেশ)

প্রহৃতি। নাথ!

এখন কি হয় নাই নিজার সময়?

দক্ষ। ভাবি, প্রাণেশ্বর, কি উপায় করি,
সতীর না মিলে বর।
হেম হার নন্দিনী আমার,
কার গলে করিব অর্পণ,
নিশি দিন তাই ভাবি মনে।
পুনঃ উরি,
বিলিয়ে কুমারী,
কেমনে রহিব বল!
সতী মম নয়নের নিধি,
যে অবধি সতী মোর ঘরে,
প্রজাপতি-বরে দক্ষ প্রজাপতি আমি।
সর্বস্বলক্ষণা সতী,
বিষ্ণুরে না করিব অর্পণ—
পাবে সতিনীর জালা।

প্রহৃতি। প্রভু, না হও উতলা,
যবে জন্মিল তনয়া,
বর তার অবশ্য জন্মেছে।

দক্ষ। কোথা বর?
তিন পুরে কিবা মম অগোচর?
সতী-যোগ্য উপযুক্ত পাত্র কেবা,
যারে কত্যা করি দান
কুল-মান হইবে উজ্জল,
নন্দিনী রহিবে স্থখে!
অকলঙ্ক শশিকলা সম
কত্যা বাড়ে দিন দিন,
ভাবি মনে পাছে হয় জাতি-নাশ।

প্রহৃতি। সতীর যে বর, সামান্য পে নয় কভু।

দক্ষ। কর্তব্য আমার—উপযুক্ত পাত্রে দান।

প্রহৃতি। প্রভু, কোন্ কত্যা ক’রেছ অপাত্রে দান,
সতীর অপাত্রে দিবে?
সতী তব সর্বস্ব রতন,
আদরে তোমার না পারি বারিতে তারে।

দক্ষ। শুন প্রিয়ে, রহস্য নূতন,
ব্রহ্মা কন, ভাঙ্গড়ে অর্পিতে;—
যোগাযোগ দেখেছেন সার,

সতী যাবে ভাঙ্কড়ের গৃহে—
তোমাতে আমায়ে নাহি ক'য়ে !
প্রস্থতি । ভাঙ্কড় কে, প্রভু ?
দক্ষ । পিশাচপতি, পিতামহ মম,
শুভ্রকাস্তি বলদ-বাহন !
প্রস্থতি । মহাদেব ?
দক্ষ । মহাদেব !
চতুর্ভুজ শিখায়েছে নাম তবে ।
প্রস্থতি । প্রভু, রহি অন্তঃপুরে,
কে কেমন পাত্র নাহি জানি ;—
লোকে কহে, মহাদেব ।
দক্ষ । অনাচারী লোকে কহে ।
পড়িলাম বিষম ব্যাপারে—
সভাস্থলে মহা অহরোধ বিরিকির,
না দিলেই নয় শিবে সতীরে আমার ।
তনয়ায় অধিকার তব ;
মতামত সুধাই তোমায়,
পিশাচে কি দিব দুহিতায় ?
প্রস্থতি । প্রভু, কি হেতু উতলা ?
বাড়িল রংনী, শ্রম দূর কর আজি ।
দক্ষ । ক'ন বিধি, ঘটনার শ্রোতে
কহা মম মিলিবে হরের সনে ।
না জানি কি
জোটাছোট আছে তাঁর মনে !
প্রস্থতি । নাথ, ত্রিকালজ্ঞ তাত ।
কি জানি কি ঘটে নাথ,
দৈবের প্রবাহে ।
দক্ষ । দৈবের প্রবাহ ?
তবে কেন মোরে অহরোধ ?
শুন, দেবি,
কোথায় ঘটনা-শ্রোত
ঘটনা না করিলে স্বজন ?
আজি যদি অস্ত্র পাত্রে করি আমি দান,
কোন দৈব-বলে তাহা হইবে লঙ্ঘন ?
দৈব, শুন, বিধির লিখন ;
ছিল উদ্ভিত ধাত্মর

লিখিতে কল্পার ভালে বর অগ্নমত ।
এবে লিপি-পূর্ণ বাসনা তাঁহার,
এই হেতু এত অভিযোগ ।
প্রস্থতি । ভাল মন্দ বিচার উচিত, প্রভু ;
উতলার কার্য ইহা নহে ।
দক্ষ । শুন, যেবা ক'রেছি মনন,—
স্বয়ম্বরা করিব সতীরে ;
যারে অভিক্রুচি,
তারে মাল করিবে অর্পণ ।
প্রস্থতি । যদি বলে, মহাদেবে ?—
অপূর্ক দৈবের লীলা !
দক্ষ । কি ? আমার অঙ্গজা,
কুংসিত প্রকৃতি কহু তারে না সম্ভবে,—
আছে তার পুরীষ-কুসুম-জ্ঞান ।
প্রস্থতি । প্রভু, উদ্ভিন্নের নহে এ মন্ত্রণা ।
দক্ষ । রাগি, তব মতে নিতান্ত অযোগ্য আমি ।
ধরা-মাঝে সঙ্কট-স্থাপনা ভার
মোরে দিয়াছেন ধাতা ।
ভাব কি, মহিষি,
কল্পার সঙ্কটে হ'বে মতিভ্রম মোর ?
ভাব যদি বিধাতার বাক্য হেতু,
আমি পাত্র নাহি করি স্থির,
কুচিন্তিত কহা বাছি' ল'বে বর,
লিপিপূর্ণ হউক আপনি,
নাহি করি প্রতিরোধ ;
কিন্তু প্রস্তরে বাঁধিয়ে কর-পদ,
ফেলিব অতল জলে,—
পিতা হ'য়ে না পারিব ।
স্বয়ম্বরে কি তব অমত ?
প্রস্থতি । তব পদ বিনা সংসারে কি জানি প্রভু ?
বাস অন্তঃপুরে, কার্য মম তব সেবা ।
প্রভুর যে মত,
অগ্ন মত কেমনে করিবে দাসী ?
নারী জাতি,—সদা শঙ্কা হয় মনে,
কর নাথ, যে বা ভাল হয় ।
স্বয়ম্বরে ধাতার কি মত ?

দক্ষ । হৃদি রাগি, তব মতামত,

তার মত পশ্চাৎ হৃদিব ।

কহা যদি হয় দুঃখভাগী,
ভালমন্দ তাঁরে না লাগিবে,
কাঁদিয়ে তোমার প্রাণ ।

প্রস্থতি । সকলের অধিকারী, নাথ, তুমি মম ;
মম মত অপেক্ষা কি আর ?

দক্ষ । ভাল, তব অভিমত
আজই করি আয়োজন ।

[দক্ষের প্রস্থান ।

প্রস্থতি । মা গো নিস্তারিণি,
না জানি কি আছে তোর মনে ।
মম সতীর বিবাহে,
পিতা পুত্রে কেন হয় কথাস্তর ?
কেন রাজা সহসা উতলা ?
দেবদেব মহাদেব কহে লোকে,—
বিরিক্তির অভিমত বর ।

[প্রস্থতির প্রস্থান ।

চতুর্থ গর্ভাঙ্ক

উত্থানস্থ বিলম্বল

তপস্বিনী আসীন ।

তপস্বিনী । ওরে নবীন নয়ন,
মা'র বরে হও প্রসূতিত ;
হের, বিম্বতি-কালের দ্বার
উল্লাসিত সম্মুখে তোমার ।
এ কি, একাকার একাৰ্ণব !
মহান্ উদ্ভব কে পুরুষ তিনজন ?
হের, হের,
তব ভাতি সম তরুণ তপন হের,
কোটে শশী নবীন জীবনে,
ঝিকি ঝিকি ঝকে তারাগণ ।
দেখ, দেখ নবীন পবন
ঘন করে নীর সনে !

হের, তরঙ্গ বিশাল ;
দেখ, দেখ, স্তম্ভিত লহর-মালা ।
নাহি আর বিলোম লহরী,
সোপানিত ধবল কৈলাস ;
হৃদাকাশে বিকাশে নবীন ছবি ;
কে রে কামা হর-উরু' পরে ?
ডরে না পবন চলে !
আহা এলোকেশী —
দোলে রাঙা পা দু'খানি !
আহা, রজত মৃণাল-করে
বামারে কে আদরে রে ধ'রে
কায় কায় ? মুখপানে চায়,
না ফিরে নয়ন আর !
ছি ! ছি ! লজ্জাহীন কেমন সন্ন্যাসী ?
উলঙ্গ, কি রঙ্গ—হের !
এ কি, ঘোর আবরণ !
রে নয়ন, আর না দেখিতে পাই !

(সতীর প্রবেশ)

সতী । একাকিনী হেথা তুমি তপস্বিনী ?
শুন গো যোগিনি,
বড় মম অন্তর ব্যাকুল ;
ভোলা কে গো, তাই ভাবি মনে ;
হৃদালে, জননী উত্তর না দেন মোরে ।
ভগবতি, জান যদি কহ মোরে
ভোলানাথ কে বা ?

তপস্বিনী । ভোলা প্রেতপতি ;
পিশাচ-সংহতি নিয়ত অশানে ভ্রমে ;
ব্যাগু চরাচর—
ভোলা দিগম্বর,
বিভূতি-ভূষিত কায় ;
কণী আভরণ, ধরণী শয়ন,
বলদ বাহন ভোলা,
তার তরে কি হেতু উতলা, সতি ?

সতী । শুন তপস্বিনি,
দেখাইতে পার কি ভোলায়ে ?

ভোলা কেন গো সন্ন্যাসী ?
হয় সাধ মনে, আনি তারে,—
করি তারে গৃহবাসী ।

তপস্বিনী । নাহি জানি, কি ভাবে সন্ন্যাসী ;
দিবানিশি ভাঙ্গ-পানে নয়ন মুদিত,
কারো সনে কথা নাহি-কন,
অনশনে একা রহে বসি ।

সতী । আহা তাই ভোলানাথ নাম,
ভুলে থাকে নয়ন মুদিয়ে ।
শুন, তপস্বিনি,
তোমা সম পাইলে সঙ্গিনী,
যাইতাম দেখিবারে ভোলানাথে ।
কালি যবে দেখিছু তোমারে,
গলা ধ'রে কাদিতে হইল সাধ ;
কিন্তু অঙ্গস্পর্শ মানা তব,
আছে মাত্র চরণ ছুঁইতে ।

তপস্বিনী । ও গো, তোরই আশে,
যোগিনীর বেশে আছি যুগ-যুগান্তর ।
কোল দে গো,
আর তুমি ঠেলো না চরণে ।

সতী । তপস্বিনি,
মোর তরে এসেছ এখানে ?
জানিতে কি একাকিনী হেথা আমি ?
রহিবে কি হেথা চিরদিন ?

তপস্বিনী । অস্ত্র আশ নাহি কিছু মনে ।

সতী । কহু অপরাধ নাহি ল'বে ?
ভালবাসি যোগিনি, তোমারে ।

তপস্বিনী । নাহি রব,
সখী না বলিলে মোরে ।

সতী । সখী তুমি হবে মোর ?
সখি, কখন না র'ব আমি—
তোমারে ছাড়িয়ে ।

চল যাই দেখি গিয়ে কোথা ভোলানাথ ।

তপস্বিনী । ভোলানাথ মহেশ্বর হর,
সর্বত্র বিরাজমান ।

সতী । কই তবে, কই ভোলানাথ ?

ভাগ্য মানি, তুমি তপস্বিনী,
কেমনে দেখিলে তাঁরে ?
সখি, আমি কহু না দেখিব ।
মহেশ্বর দেখা কি দিবেন মোরে ?
সখি, আর না কাদিব,
কেন বা কাদিব ?
মহেশ্বরে কোথা দেখা পাব ?
ও গো, মহেশ্বর কেন গো অশানবাসী ?

তপস্বিনী । কোথা আর আছে তাঁর স্থান ?
ব্রহ্মলোক, গোলোক, অমরপুরী,
বিতরি অমরগণে,
ভূত প্রেত সনে অশানে করেন বাস ;
হীন জনে স্নেহ অতি তাঁর ;
ভূতগণে দেন আলিঙ্গন ।

সতী । সখি,
আমি ভোলানাথে ভালবাসি,
তিনি ভালবাসিবেন মোরে ?
হীন জনে স্নেহ তাঁর !

তপস্বিনী । এস সখি, বিষ্ণুমে বসি দুই জনে,
করি স্থখে শিব-গুণ-গান,—
শুনি তোর স্বর কাতর অন্তর,
দিগদ্বর হইবে উদয় ।
পরাণ ভরিব,—
শিব-ভূগা একত্রে দেখিব;
ভুলে যাব যত দুখ দেছ আগে ।

(উভয়ের আত্ম পাতিয়া করযোড়ে গীত)

আশা-যোগীয়া—একতারা ।

কিরে চাও, প্রেমিক সন্ন্যাসী ।
যুগাও বাধা, কণ না কথা,
কা'র প্রেম হে উদাসী ?
র'য়েছ মত্ত ধানে,
তব তোমার কেবা জানে ?
অন্নরাগী হুখাই যোগী,
প্রাণ দিলে কি লও হে আশি ?

(বিষ্ণুমে সতীর মালা প্রদান)

(মহাদেবের আবির্ভাব)

তপস্বিনী । সখি !

ওই তোর এলো দিগম্বর,—

নটবর কি মোহন কায় !

তপস্বিনী । (গীত)

সিন্ধু-ভৈরবী— একতারা ।

এল তোর খ্যাণা দিগম্বর,

ওলো রাখিল ধ'রে ।

কড় সেয়ানা খ্যাণা, আগ চুরি ক'রে

যেন যায় না দ'রে ।

প্রেমে ভোগা, আগ হাতে নে না,

আগে দিও না আগ, তোরে করি মানা ;

খ্যাণা বেদনা বোঝে না লো,

মজার যারে, তারে কাঁদায় এমনি করে ।

মহাদেব । সতি, তোর মালা গলে মোর ;

মালা নে রে, পতি তোর আমি,

ওরে ভিখারীর অমূল্য রতন !

(মহাদেব কর্তৃক সতীর গলায় মালা প্রদান)

সতী । সখি, সখি, কোথা তুমি ?

মহাদেব । কথা কও, কর হে করুণা,

যুগে যুগে পিপাসী, শ্রেয়সি, আমি ;

প্রাণেশ্বর, চাও ফিরে চাও,

হৃদয় জুড়াও ;

দেখ চেয়ে, সন্নাসী রে তোর তরে ।

সতী । প্রভু, ভোলা তুমি, ভুল না আমারে ।

মহাদেব । ভোলা আমি তোর ধ্যানে সতি !

(মহাদেবের অন্তর্দ্বান)

সতী । কই সই, কোথা গেল দিগম্বর ?

তপস্বিনী । স্বয়ম্বরে পাবে সতি, হরে ;

আর কভু না হবে বিচ্ছেদ ।

সতী । পদ্মমুখি !

আজি হ'তে পদ্মা তোর নাম ।

সখি, স্বয়ম্বর কিবা ?

(প্রস্থতির প্রবেশ)

প্রস্থতি । ভগবতি, প্রণমি চরণে ।

সতি, মা আমার,

একাকিনী পলায়ে এসেছ হেথা ?

কোথা, তোরে খুঁজিয়ে না পাই ।

সতী । মা গো, কারে বলে স্বয়ম্বর ?

প্রস্থতি । বিয়ে হবে তোর ।

(স্বগত) স্বয়ম্বর নাহি জানে,

হেন কন্তা কেমনে হইবে স্বয়ম্বর ;

কি ব'লে বুঝাব নুপে ?

সতী । বিয়ে ক্রি, মা ?

প্রস্থতি । দেবি,

নাহি জানি কত আছে সতীর কপালে ।

উন্নত ভূপতি,

চান স্বয়ম্বর করিবারে তনয়ারে ।

কন্তা, বিয়ে কিবা নাহি জানে !

মা গো, সাধ হয়, যাই মা বসতি ত্যজি' ।

আজি স্বয়ম্বর-দিন ; আসিতেছে দেবগণে ।

তপস্বিনী । নাহি ভাব, রাজরাণি ;

দৈবের প্রবাহে কন্তা বাছি লবে বর ।

সতি, বর তোর হবে আজি ;

সভামাঝে যার গলে দিবি পুষ্পমালা,

সেই তোর হবে বর ।

সতী । বর কি গো সখি, দিগম্বর ?

তপস্বিনী । যার ঘরে চিরদিন রবি,

আদরে যে রাখিবে তোমাংরে,

মালা দি'বি তার গলে ।

সতী । মালা দিব ?

দেখ, দেখ গো জননি,

মহেশ্বরে দিছি মালা ;

আর মালা দিব কার গণে ?

হর বিনা কার ঘরে রব ?

প্রস্থতি । সতি, গৃহে যাও, মা আমার ;

কথা ক'ব তপস্বিনী সনে ।

সতী । মা গো, ভোলা যদি ভুলে থাকে মোরে ?

প্রস্থতি । দেবি, উপায় না দেখি আর ।

শুন, তপস্বিনি,

যে হেতু এ স্বয়ম্বর আয়োজন ;—

কালি সভাতলে বিরিকি আইল,

রাজারে কহিল কন্তা দিতে মহাদেবে ।

কি কব মা, অদৃষ্টের গুণ,—

শিবদেবী মহারাজ,
কহে, মহা অনাচারী হর,
স্বয়ম্বর করে জ্ঞায়োজন
বিধিবাক্য করিতে খণ্ডন,
শিবে নিমন্ত্রণ নাহি দিল দক্ষপতি ।
হায় ! বিধি-লীলা কে বুঝিতে পারে ?

কত্না মোর উন্নত হরের তরে,
বালিকা ব্যাকুলা পতি-আশে !
মা গো, কাঁপে কায় তনয়ার দশা ভাবি ।

রাজা যদি শোনে—হর বর চাহে সতী,
সতী সনে তখনি পাঠাবে বনে !
যদি পতি-পদে থাকে মোর মতি,

মোর গর্ভে সতী—
মহেশ্বর বিনা,
বরমাল্য নাহি দিবে অজ্ঞানে ;
ক্রোধে রাজা সতীরে ত্যজিবে ।

(সতীর মুচ্ছা)

এ কি ! এ কি ! সতি ! সতি !
তপস্বিনি, দেখ গো কি হ'লো !

তপস্বিনী । (কর্ণমূলে) উঠ সতি, ডাকে তোর দিগম্বর ।

সতী । (বিভোর অবস্থায়) কোথা হর ? মা গো,
গিয়েছিছ—গিয়েছিছ তম্ব ত্যজি
ধবল-শিখর, শিব-নিন্দা নাহি তথা ।

প্রহৃতি । দেবি, কি আছে অদৃষ্টে মোর ?
তপস্বিনী । সকলি হইবে শুভ ভেব না মহিষি !

ভেব না কত্নার তরে ;
গৃহে চল কত্না সাজাইতে ।

প্রহৃতি । দেবি, আশ্বাসে তোমার বাঁধি প্রাণ ;
পুণ্যবলে পেয়েছি তোমার দেখা ।

তপস্বিনী । এস, সখি, আজি স্বয়ম্বর দিন—
আজি পাবি দিগম্বরে ।

[সতী ও তপস্বিনীর প্রস্থান ।

প্রহৃতি । 'সখি !' কে এ তপস্বিনী ?

ভৃগুপত্নী কহিল অশেষ গুণ ।
হেরি ছবি স্নিগ্ধ হয় প্রাণ,
কথা সূধা করে বিতরণ ।

ওনিয়াছি, সতীর বিবাহে
মায়া আসিবেন ভবে ;
এই কি সে মহামায়া তপস্বিনী বেশে ।
অকস্মাৎ কোথা হতে এলো বামা !
হায় ! শুভ হয়, তবে বুঝে মন ।

[সকলের প্রস্থান ।

পঞ্চম গর্ভাঙ্ক

স্বয়ম্বর সভা

ব্রহ্মা, নারদ, দক্ষ, মন্ত্রী ও দেবগণ আসীন ।
নারদ । সতী নামে রাজার কনিষ্ঠা স্ত্রী,

স্বয়ম্বর হবে আজি ;
বর-মাল্য যার গলে দিবে,
কত্না তারে অপিবেন দক্ষরাজ ।
সাক্ষ্য হও, হে দেবসমাজ,
নিজ পতি বাছি লবে সতী ।

দক্ষ । শুন, শুন, সভাস্থ সকলে,
কত্না মম অতুলনা ধরামাঝে,
যার গলে বর-মাল্য দিবে,
জামাতা সে হবে মোর ।
হের, হেমাদ্বিনী চম্পকবরণী,
সভামাঝে নন্দিনী আসিছে ।

ব্রহ্মা । দেখ চেয়ে দেখ দেবগণে,
কিরূপে মা ক্ষীরোদবাসিনী
শিব-সীমন্তিনী বিরাজেন দক্ষপুরে !

(সতীর প্রবেশ)

দেখ, দেখ রে নয়ন ভরি,
রূপাময়ী করুণা বিস্তারি,
আধ হাসি, আদরে সম্মানে !
হের মহামায়া সদয়া আপনি,—
অবনী রাখিতে, শিবে বিমোহিতে,
জীবে দিতে পরিত্রাণ,

দেহ-পাশে বদ্ধ সনাতনী ।
 স্বয়ম্বরে ডাক রে “মা” ব’লে ।
 সকলে । জয় জয় জগতজননী !
 দক্ষ । আজি দক্ষপুত্রের স্বপনের অধিকার !
 বিরিকির বুঝে বিচার ।
 এ কি, দেবগণ জ্ঞানহত !
 চুপ্চুপে কুমারী,—
 “মা” ব’লে ডাকিছে তিনলোক !
 পদ্মযোনি, সত্য মায়া উদয় সংসারে,
 নহে,
 কি প্রভাবে ভুলাইলে এ দেবমণ্ডলে ?
 বুঝিয়াছি বাসনা তোমার, —
 লিপি পূর্ণ করিবে কৌশলে ।
 ভুলাইতে ছলে এ দেবমণ্ডলে,
 কহ কহা ‘ক্ষীরোদবাসিনী’ ।
 সত্য মানি তব বাণী —
 তিনলোক জননী কহিছে ;
 কিন্তু তব না পূরিবে মনস্কাম—
 নিমন্ত্রণ নাহি দিছি হরে ;
 জেনো স্থির, শিব হেতু নহে কহা মোর ।
 ওন পুনঃ সভাস্থ সকলে,—
 যার গলে তনয়া অর্পিবে হার,
 হোক হীন, হোক নীচাচার,
 কদাকার কিণ্বা হীন জাতি কিবা,
 তারে কহা করিব অর্পণ ।
 কে জননী ক্ষীরোদবাসিনী ?
 দেখ চেয়ে ছুঁহিতা আমার ।
 বিরিকির বোলে
 মাতৃভাব উদয় ঘাহার,
 স্বয়ম্বরে তার নাহি প্রয়োজন ।
 সতি, মা আমার, কর মালাদান
 যারে তোর লয় প্রাণ ।
 নাহি ভয়, যে হয় সে হয়,
 আদরে রাখিব দক্ষপুত্র ।
 সতী । পিতা, কোথা তুমি ?
 হের, হেরি শূন্ত সব—

বিনা ভোলানাথ মোর ।
 কোথা হর—কোথা দিগম্বর ?
 বরমালা পর গলে,
 কৃপা কর প্রমথ-ঈশ্বর,
 পুনঃ হার ধর গলে,
 বিষমূলে, দিগ্বেছি হে একবার,
 ধর হার লহ হৃদয় আমার ।
 কোথা ভুলে আছি, ভোলানাথ ?
 মালা ধর, হর, প্রাণেশ্বর !
 (মালা দান ও মালার শূন্তে অন্তর্ধান)

দক্ষ । নহে দিবা—নিশ্চয় রজনী !
 বারিপাত্র দেহ মোরে ।
 দেখ চেয়ে, দক্ষপুত্রের পিশাচ নামিছে ।
 (মহাদেবকে বেগুন করিয়া প্রমথগণের গীত গাহিতে
 গাহিতে প্রবেশ)

(মহাদেবের সতীর পার্শ্বে দণ্ডায়মান)
 ঝিঁঝিট—খাড়া

বাবা সঙ্গে খেলে, মা নেবে কোলে ।
 আর সবাই মিলে, ডাকি “স্বয়ং মা” ব’লে ।
 বাবা পাগল ভোলা, মা পাগলো মেয়ে,
 কত রান্ধা মা, ওরে দেখ রে চেয়ে ;
 খেই খেই খেই, আয় খেয়ে খেয়ে,
 মা পেয়েছি রে, আমরা মাতের ছেলে ।
 মহাদেব । সতি, সতি, পর এ ধুতুরা-হার ।
 ব্রহ্মা । পুলকে দেখ রে তিনলোক,
 শিব-শক্তি ধরামাঝে !
 হবে তবে প্রজার রক্ষণ,
 হৈমবতী আপনি জননীরূপে ।
 দক্ষ । লিপি পূর্ণ হইল, ধাতা, তব ।
 ভাল হ’ল, মিটল জঞ্জাল ;—
 প্রজা রক্ষা হবে তবে
 আপনি কহিলে ।
 এবে দক্ষপুত্রের কার্য বাকী কি বা ?
 ব্রহ্মা । বৎস,
 তব ভাগ্য বর্ণনা না হয়,

আছ তুমি মায়া-বলে,
বিশ্বত সকলি ।
মহামায়া কণ্ঠা-রূপে ঘরে,—
তপ-ফলে পাইলে কুমারী
সৃষ্টি-স্থিতি-প্রলয়কারিণী,
মায়াব বন্ধন বিনা সৃষ্টি নাহি রয়,
তাই মাতা উদয় তোমার গৃহে ।

দক্ষ । হর বর তার শুনিতেছি কয় দিন ।

ব্রহ্মা । প্রত্যক্ষ দেখিছ, তাত !

দক্ষ । ধাতা !

সজ্জটন সকলি তোমার,
কিন্তু তব কার্যে—
মহাকাব্য ফলিবে আমার ।
স্বার্থশূন্য দক্ষ প্রজাপতি,
প্রচার হইবে ভবে,—
ধাতা, আজি হ'তে মমতা করিছ ছেদ ।
হে সচিব,
সম্প্রদান-আয়োজন করহ সত্বর,
পণে বদ্ধ সভামাঝে আমি ।

[দক্ষের প্রস্থান ।

(প্রমথগণের গীত)

ধাম্বাজ—কাওয়ালী ।
আয়, জবা আনি, নইনে কি দিব পায় ?
সোণা সাজে না রে মা'র রাজ্য পায় !
দেখ রে বাবার যেমন, তেমনি মায়ের চরণ,
তেমনি রাজ্য, তেমনি মনের মতন ;
আয় রে “মা” বলে চরণে লুটাবি আয় ।

[সকলের প্রস্থান ।

দ্বিতীয় অঙ্ক

প্রথম গভাক্ষ

কক্ষ

দক্ষ ও প্রস্থতি ।

দক্ষ । রাণি,

আজি হ'তে সতী নামে কণ্ঠা নাহি তব ;
কৈলাস-শিখরে নাহিক তনয়া আর—
তথা মাত্র শত্রুর আবাস ।

হা দিক্,

হেন অপমান ছার ছুহিতার হেতু ।

প্রস্থতি । মহারাজ, অবলারে করহ মার্জনা,
এ দারুণ শেল হৃদে কেন হান, প্রভু ?
সতী মম অন্তরের সার ।

দক্ষ । যদি প্রভু তব,

আজ্ঞা মম নাহি কর হেলা,—

দক্ষগৃহে সতী নাব কেহ নাহি করে আর ।

প্রস্থতি । নাথ, সতী অতি দুখিনী আমার,
কেন তারে হও বাম ?

দক্ষ । ইচ্ছা মম ।

কেন ? কেন বাম ?—

জিজ্ঞাসিতে—

কে দিয়েছে অধিকার, রাণি ?

আমি—স্বামী, রাজা, মানা মম ।

প্রস্থতি । প্রভু, প্রভু, ব'ধ না দাসীরে ।

দক্ষ । রাণি, আছে কি স্বরণ,

গর্ভে ধ'রে সতীরে তোমার

ক'রেছিলে কত ভাণ ?

নিত্য তুমি দেখিতে স্বপনে,

দেবগণে পূজে তব গর্ভস্থ কুমারী !

পরিচয় তা'রি,

দেবসভামাঝে বিত্তমান !

ছি, ছি,

ভাঙড়ে করিল অপমান !

[দক্ষের প্রস্থান ।

প্রসূতি। হা সতি! হা মা আমার!

মা গো, তুমি জনম দুখিনী!

ও মা, মা আমার,—

আহা! আহা! কি হ'ল—কি হ'ল?

(মূচ্ছা)

(সতী-ছায়ার আবির্ভাব)

সতী-ছায়া। কেন কঁাদ মা আমার?

নহি ত দুখিনী আমি,—

রাজরাজেশ্বরী।

(অদৃশ্য হওন)

প্রসূতি। মা, মা, কোথা যাও?

এ কি স্বপ্ন?

হা দম্ব হৃদয়!

হা সতী মা আমার!—

ও মা, মার প্রাণে নাহি সহ্য আর।

দেখা দে মা জনম দুখিনী।

আহা, মহারাজ,

কেন হেন হইলে নির্দয়?

যাই পুনঃ,

কাদিব পতির পদে মিনতি করিয়ে;

ও মা! সতী বিনা কেমনে জীবিত রব!

(তপস্বিনীর প্রবেশ)

দেবি, প্রথম চরণে তব।

ও শো সৰ্বনাশ মম,—

রাজা কহে সতীরে তুলিতে।

ও গো কঠিন নৃপতি।

বিবাহের দিনে বিদায় দিয়েছি মাকে!

গলা ধরে কাদিতে কাদিতে,

গেছে বাছা কৈলাস-শিখরে।

ও শো, আনিব আবার বলে বার বার

ভূলায়েছি সতীরে আমার;

সে সতীরে কেমনে শো ভুলে র'ব?

তপস্বিনী। রাণি, ঘটতেছে মতিভ্রম মম,—

আচম্বিতে কেন জলে নির্দাশ অনল?

প্রসূতি। ওগো,

ভাল মন্দ নাহি জানে ভোলা;—

ভাল মন্দ বলিল কি দক্ষরাজে,

কোণে রাজ্য চাহে তনয়া করিতে ত্যাগ!

ও মা, মা'র প্রাণে কত সহ্য?

সতী চিরদুখিনী আমার!

ভগবতি, স্বাধি গো চরণে তব,—

চল দৌহে যাই রাজার সদনে;

দৌহে মিলি দুখাইব।

তপস্বিনী। রাণি, না হও উতলা,

শ্রের চেড়ী কৈলাস-সদনে

আনিতে সতীরে তব।

প্রসূতি। কি কব গো ভগবতি?

দক্ষপতি ত্যজিবে আমারে,

যদি সতী নাম আনি মুখে।

সতীরে কেমনে গো আনি পুরে?

তপস্বিনী। শুন রাণি,

সতী বিনা উপায় না হবে।

কহি শুন, দেখেছি যা ধ্যানযোগে;—

যেন মহাযোগে মত্ত মহেশ্বর;

দেব নর, সভয় অন্তর,

করে স্তুতি চৌদিকে ঘেরিয়ে সবে।

যেন মহাপ্রলয় উদয়;

কোলাহলে বেতাল ভৈরব নাচে;

সতী এলোকেশী,

উন্মাদিনী হাড়মালা গলে,—

‘শিব শিব’ মহারব মুখে;

ধায় মহাপ্রাণ গর্জিয়ে

ক্ষীরোদ-সাগর হ'তে!

শঙ্কায় শিহরি—

ধ্যান ভঙ্গ হইল মোর!

প্রজাক্ষয় লক্ষণ এ সব।

হের যোগাযোগ,—

প্রজাপতি হইল পুনঃ মহেশ-বিরোধী,

তাই কহি সতীরে আনিতে।

প্রসূতি। ভগবতি!

মৃত্যুপ্রায় বুদ্ধিতে না পারি কিছু।

কি कहিলে ?

উন্মাদিনী সতী মা আমার ?

ওগো মা'র প্রাণে কত সহ্যে ?

তপস্বিনী। রাণি, প্রের শীঘ্র সতীরে আনিতে।

প্রস্থতি। দেবি, পতি-আজ্ঞা নাহি মম,

স্বচ্ছাচারী কেমনে হইব ?

তাই করি মিনতি চরণে,

দৌহে মিলি বুঝাইব মহারাজে।

তপস্বিনী। সন্দ মনে হয় সবিশেষ,

আছে কোন নিগূঢ় কারণ ;

নহে অকস্মাৎ উদ্দীপন দেখ কিবা হেতু ?

(ভৃগু-পত্নীর প্রবেশ)

ভৃগু-পত্নী। ভাল হ'ল, তপস্বিনী দেবী হেথা !

রাণি, ভেবে মম অন্তর আকুল—

হলস্থল হইল আজি যজ্ঞস্থলে,

শিব সনে বিবাদ করিল দক্ষরাজ।

প্রস্থতি। কেন, কেন ? কি হইল সখি ?

ভৃগু-পত্নী। মন্ত্রণা করিয়া মুনি বৃহস্পতি সনে,

কৈল যজ্ঞ-আরম্ভন,

দেবগণে আইল মিলি যজ্ঞভাগ-হেতু ;—

প্রজাবৃদ্ধি যজ্ঞের কল্পনা।

হেনকালে আইল দক্ষরাজ,

দেবের সমাজ সম্মুখে নমিল সবে—

মহাদেব প্রণাম না দিল।

প্রস্থতি। বুঝি অন্তমনে ছিল বাছা মম ?

ভোলামন ভোলানাথ।

তপস্বিনী। রাণি, অন্তমন নহে ভোলানাথ,

ত্রিভুবনে হেন শক্তি কার

মহাকল্প নমস্কার সহ্যে ?

প্রস্থতি। তার পর ?

ভৃগু-পত্নী। দক্ষরাজ ক্রোধে গালি দিল শিবে ;

শিব গেল-কৈলাস-আলয়ে ;

নন্দী কটু कहিল রাজায়,

রোষে রাজা ত্যজিল সে সভাতল।

প্রস্থতি। বুঝিলাম দৈব-বিড়ম্বনা,

হা সতি !

হা মা আমার !

চাঁদমুখ আর কি দেখিব তোর ?

ভৃগু-পত্নী। রাণি, না হও উতলা ;

বুঝাও রাজায়,

বিবাদ না করে শিব সনে।

প্রস্থতি। কি বুঝাব আর ?

নাহি জান দক্ষরাজে সখি,

কোন কথা না মানিবে।

হায়, না জানি গো কি আছে কপালে !

ভৃগু-পত্নী। বার্তা দিতে ভয় বাসি, রাণি !

নন্দী দেছে অভিশাপ

ছাগমুণ্ড হবে বলি ;

অলঙ্ঘ্য সে শৈবের বচন—

কহিল আমারে মুনি,

শিবপূজা উপায় কেবল।

প্রস্থতি। হা সতি ! হা সতি ! মা আমার !

হা বিধাতা ! এত লিখেছিলে ভালে ?

অবলায় অকুল সলিলে ভাসাইলে !

তপস্বিনী। তাই कहি রাণি,

সতী বিনা উপায় না দেখি।

প্রস্থতি। মা গো, আমি দাসী ভূপতির ;

স্বামী-বাক্য কেমনে করিব হেলা ?

যদি তাহে দোষী হই পায় ?

ভৃগু-পত্নী। কত্বারে আনিবে—

তাহে কিবা দোষ রাণি ?

প্রস্থতি। সখি, ভেঙ্গেছে কপাল ;—

অভিমনে তনয়ারে তাজেছেন রাজা ;

সতী নাম দক্ষালয়ে নিতে মানা !

ভৃগু-পত্নী। ভাল,

চল যাই তিনজনে বুঝাই রাজায়।

প্রস্থতি। একে আর হবে তায় ;

অপমান রাজা না তুলিবে।

কালি প্রাতে পাঠাইয়া দেহ মুনিবরে ;

পরোহিত তিনি,—

করিব বিধান উপদেশ মত তাঁর।

ভৃগু-পত্নী। সাধ্যাতীত তাঁর,
ব'লেছেন মূনি মোরে।
প্রস্থতি। হায়, দেবি, কি উপায় করি তবে ?
তপস্বিনী। শিবপূজা উপায় কেবল;
চল, বিজয়লে শিবপূজা করি গিয়ে।

[সকলের প্রণাম।]

দ্বিতীয় গর্ভাঙ্ক

কক্ষ

দক্ষ ও মন্ত্রী।

দক্ষ। হেন অপমান ছার তনয়ার হেতু—
স্বপনে না ছিল জ্ঞান!
করী-পদে অপিলাম স্ববর্ণচম্পক।
নাহি জানি,
কি মোহিনী জানে সে ভাঙড়—
কচ্ছা মম বশ তার!
হা ধিক মোরে—
সভাঘাটে নন্দী কহে কুবচন!
আহা,
কি স্থখ্যাতি মম রটয়াছে ত্রিভুবনে,
ভূতনাথ জামাতা আমার!
এত অহঙ্কার?
কোন্ গুণে দেবদেব নাম?
ভাল, দিব প্রতিফল।

মন্ত্রী। দক্ষরাজ! শিব সহ ঘৃণে নাহি ফল!

দক্ষ। যাচি নাই মন্ত্রণা তোমার,
আজ্ঞা মম করহ পালন,—
মহাযজ্ঞ আয়োজন করহ সত্বর;
ত্রিভুবনে হেন প্রথা করিব স্থাপন,
যজ্ঞে নিমন্ত্রণ পুনঃ নাহি পায় শিব,
শিবহীন যজ্ঞ হবে তবে।

(অদূরে নারদের গীত)

বেহাগ—চৌতাল।

মদনমোহন মুরগীধারী; মুরহর রম্যরঞ্জন।

বঙ্কিম বনমালী শ্যাম, নববারিদগঞ্জন।

পঙ্কজ-দ্বাঁধি পীতাম্বর,

নটবর কিবা চিকুর চাঁচের;

দীনবন্ধু প্রেমসিদ্ধ চিন্ময় ভগ্নভঞ্জন॥

মন্ত্রী। বুঝি আসিতেছে দেবর্ষি নারদ!

(নারদের প্রবেশ)

নারদ। মহারাজ, কিবা আজ্ঞা তব?

দক্ষ। স্বচক্ষে দেখেছ তুমি ভার্গবের গৃহে

তিনলোক করিল প্রণাম,

অহঙ্কারে শিব না নগিল;

হেয় নন্দী—সেও কটু কহিল আমারে;—

বুঝিতে না পারি, এত দর্প কিসে তার?

মাদক সেবায় ঢুলু ঢুলু আঁখি সদা,

কোন্ কার্যে অধিকার তার?

কেন তারে পূজা দেয় লোকে?

নারদ। মহারাজ,

ক্ষমুন সকলি তনয়ার মুখ চাহি।

দক্ষ। তনয়া আমার?

মতিভ্রম হ'তেছে তোমার;—

বিরিঞ্চির ছলে শ্বশানে দিয়েছি ডালি।

শুন যেবা মনন আমার;—

এবে প্রজাপতি আমি ব্রহ্মার রূপায়,—

যজ্ঞ আরম্ভিব ত্বর প্রজাবৃদ্ধি হেতু;

যজ্ঞভাগ শিবে নাহি দিব।

মন্ত্রী। ঋষিরাজ, এ কথা কি মন্ত্রণাসম্মত?

দক্ষ। মন্ত্রী, ইচ্ছা মম শুনিতে মন্ত্রণা তব,—

যাব কি কুঠার-গলে কৈলাস-আলয়ে

প্রণমিতে জামাতার পায়?

কিধা।

নন্দী-পদতলে লুটাইতে যুক্তি তব?

মন্ত্রী। মহারাজ, হিত কথা কহে মন্ত্রিগণে।

দক্ষ। হিতাহিত চিন্তা নহে তব ভার;

প্রজাপতি আমি,—

স্বৈচ্ছা মম, মম যজ্ঞে শিবে না কহিব;

যজ্ঞস্থলে পিশাচের সমাগম
যদি নাহি কচি হয় মোর,
কিবা চিন্তা তাহে তব ?
যদি ঘ'টে থাকে পৈশাচিক মতি,
নাহি সাধি মন্ত্রিবর ;
যাও তুমি কৈলাস-ভবনে,
কিধা অত্র যথা অভিরুচি ;
শিব নাম যে আনিবে মুখে,
দক্ষালয়ে নাহি স্থান তার ।

মন্ত্রী। প্রভু,

মার্জনা করুন দোষ কিঙ্কর ভাবিয়া ।

দক্ষ। এত চিন্তা কেন মন্ত্রি তব ?

মন্ত্রী। মহারাজ, ব্রহ্মা আদি দেবগণে
দেবদেব নাম দিল যার,—
শিব মঙ্গল-আলয়,
প্রচার ভুবনময় ।

যজ্ঞ তব প্রজা-স্থাপনের হেতু,
অশিব স্থাপনা নাহি হয় ।

দক্ষ। মন্ত্রি, যথা জ্ঞান মন্ত্রণা তোমার ;—

কার্যফল কে করে লজ্জন ?
যজ্ঞফলে প্রজাবৃদ্ধি অবশ্য হইবে ।
হেন মনে লয় কি তোমার,
শিব আসি হবে বিঘ্নকারী ?
তিনলোকে হেন শক্তি কেবা ধরে
কার্যে বিঘ্ন করে মোর ?

মন্ত্রি, শঙ্কা নাহি ভাব মনে,
ব্রহ্মার বচনে প্রজাপতি আমি,
তিনলোক প্রজা মম ।

সম্মান-বিভাগ
কে করিবে আমি না করিলে ;
স্বৈচ্ছাচার শিবপূজা

নাহি হবে লোকে আর ।

হীন—অতি হীন !

চিরদিন উচ্চ পদে না রহিবে ।

যাও, আজ্ঞামত কর গিয়া আয়োজন ।

[মন্ত্রীর প্রস্থান ।

হে দেবর্ষি, পাণ্ডু গণ্ড কেন তব ?

নারদ। ভাবিতেছি, মহাযজ্ঞ সমারোহ ।

দক্ষ। মহাকার্য্য বিনা মহা ফল না সম্ভবে ।

নারদ। মহারাজ,

যজ্ঞস্থলে মহাদেব কেবা হবে ?

দক্ষ। না রাখিব মহাদেব নাম ।

শুন যেবা বাসনা আমার,—

যে নিয়মে চলিছে সংসার,

সে নিয়ম না রাখিব আর ;

অত্র প্রথা করিব প্রচার ।

সৃষ্টি, স্থিতি,

সংহারের নাহি প্রয়োজন ।

প্রাচীন নিয়ম—সৃষ্টি, স্থিতি, লয়,

লয়কর্ত্তা শিব,

তাই মূঢ় মন্ত্রী এত ডরে তারে ।

মম প্রথামতে,

সংহারের নাহি হবে প্রয়োজন,

অনন্ত এ স্থান,—

রহিবে অনন্ত প্রাণী স্থখে ।

ভার তব দেবর্ষি নারদ,—

ত্রিভুবনে দেহ সমাচার,

আজি হ'তে পক্ষান্তরে যজ্ঞ আরম্ভিব ;

না যাও কৈলাসপুরী ।

নারদ। শিবহীন যজ্ঞ কথা কহিব সকলে ?

দক্ষ। অবশ্য কহিবে ।

দুর্মতি বশত যেবা যজ্ঞে না আসিবে,

স্থান তার শিবপুরে ;

প্রেতপুরে রবে চিরদিন ।

নারদ। আজ্ঞা তব শিরোধার্য্য মম ;

বিদায় এক্ষণে আমি ।

[নারদের প্রস্থান ।

দক্ষ। ভাল, কি দুর্মতি ঘটিল ধাতার ?

কেন এই সংহার-নিয়ম ?

সংহারের প্রয়োজন,

হেন সংস্কার কি হেতু জন্মিল ?

যেই সংহারের অধিকারী,

শিব নাম তার !•

মৃত্যু হ'তে অশিব কি ভবে ?

শিবের শিবস্ত্র লব ।

হায়—

কন্তার বৈধব্য নাহি সম্ভবে কখন,—

বিষপানে পাইল পরিত্রাণ ।

ওহো ! অপমানে দহে প্রাণ ।

(ব্রহ্মা ও নারদের প্রবেশ)

পিতা, কি কার্যে পবিত্র দক্ষপুত্রী ?—

ঋষিবর,

দেখি, ব্রহ্মলোকে দেখু সমাচার,

অন্য কার্য আছে বহুতর ;—

কি কারণ পুনঃ আগমন ?

ব্রহ্মা । বৎস, নারদে ফিরাই আমি ।

রাখ বাক্য,

শিবসহ দ্বন্দ্ব নাহি প্রয়োজন ।

দক্ষ । পিতা,

যোগ্য যেই, দ্বন্দ্ব করি তার সনে ।

প্রজার শাসন রাজার অবশ্য ক্রিয়া ;

প্রজাপতি মাগু চিরদিন—

প্রাচীন নিয়ম তব ;

সে নিয়ম করিব পালন ।

ব্রহ্মা । বৎস, ধরহ বচন,

তাজ অভিমান ;

মহারুদ্ধে নাহি কর অবহেলা ।

রুদ্রদেব প্রণাম করিলে

মুণ্ড তব না রহিত ।

দক্ষ । বুঝিলাম,

প্রজারুদ্ধি নহে তব অভিমত ;

কিষ্ণা, বিধি,

নাহি জান সম্ভানের তপোবল ;

হ'লে প্রয়োজন,

অগণন পঞ্চানন হজিবারে পারি,

কিন্তু মম মতে সংহারে কি কাজ ?

হস্তি-স্থিতি, অহংজ্ঞানে উন্নতি-সাধন ।

ব্রহ্মা । লয় নিবারণ ?

হেন যুক্তি কে দিল তোমারে ?

লয় বিনা উন্নতি নহে ;

অধোগতি উন্নতি বিহনে,—

অমঙ্গল ফল তার ।

শুন পূর্বের কাহিনী,—

ক্ষীরোদবাসিনী প্রসবিল তিন জনে,

আমি, বিষ্ণু, হর ;

“তপ, তপ, তপ” হইল আকাশবাণী ;

তিন জনে

মুদিত-নয়নে বসিলাম ধ্যানে,

মহার্ঘবে ভেসে এল শবদেহ—

পৃতিগন্ধে বিষ্ণু পলাইল ;

চতুমুখ হইল আমার—

চারি দিকে ফিরাতে বদন

গন্ধ-নিবারণ হেতু ;

অবিকার পঞ্চানন ধরিল শবেরে ।

মহাশক্তি শব-বেশে,—

করিল আসন তায় ;

অকস্মাৎ শূন্তে হইল মহাদেব নাম ।

ভগদগুরু মহাদেব ;

সনাতন পুরুষ-প্রধান,

স্বৈচ্ছায় প্রকৃতি যাহে দিল আলিঙ্গন ।

দক্ষ । যোগ্য যদি নহি

পিতা প্রজার বর্ধনে —

কেন দিলে প্রজাপতি নাম ?

এবে প্রজারুদ্ধি ভার মম ।

শিব সনে দ্বন্দ্ব নাহি করি ;

অন্য যোনি ভেদাভেদ

প্রেতযোনি সনে—

এই মাত্র বাসনা আমার ।

ব্রহ্মা । হর, হর, হর ! প্রেতযোনি মহাদেব !

দক্ষ । পিতা, নহে এ নিভৃত স্থান,

শিবপূজা যোগ্য স্থান নয় ।

ব্রহ্মা । শিবদেবে হবে সর্বনাশ ।

— ধর উপদেশ,

বিহিত করহ স্বরা ;
চিন্ত মনে—মহারুদ্র বৈরী তব,
মহাশক্তি বিরূপ তোমার ।
ধ্যানচক্ষে নেহার কারণ-বারি ;—
জলে বহি মহার্ঘব মাঝে,
লয়কালে জলে এ বাড়বানল !

দক্ষ । জড় প্রকৃতির উর

তব বিধিমতে, ধাতা !
তব প্রথামতে ভাঙ্গড়ে দেবত্ব দান !
উচ্চ বিধি, আপন সম্মান,
পরীক্ষিতে আছে সাধ,
যাহে সদাচার পাইবে সম্মান,—
স্বৈচ্ছাচার রবে হীন ।
জড় কারণ-সলিলে বহি জলে,—
ভয় কিবা তাহে, চতুর্মুখ ?
জড় চेतন অধীন চিরদিন ।
তপোবলে অনল জ্বালিব,
যাহে হবে লয় কারণ-সলিল !—
কেন মুখ বিবর্ণ তোমার, শ্লথি ?
যদি শঙ্কা হয় নিমন্ত্রণ দিতে,
অগ্নি জনে অর্পিব সে ভার ।

নারদ । না, না, ভাবি,—

মহানল প্রজ্জ্বলিত হবে তপোবলে ।

ব্রহ্মা । বৎস, রুদ্র-কোপে সর্বনাশ হয় :

দক্ষ । নিশ্চয় সে জ্ঞান না জন্মিবে হৃদে, ধাতা !

ব্রহ্মা । রক্ষা কর বাক্য মম ।

দক্ষ । পিতঃ ! সঙ্কল্প না ভঙ্গ হবে মোর ।

জামাতা আমার
নমস্কার না করিবে মোরে,—
দণ্ড যদি নাহি দিই তার,
কালি পত্নী নাহি মানিবে বচন ।
ভাবিছ হতাশ, কারণে অনল হেরি ;—
ভেবে দেখ মনে, সৃষ্টি হবে ছারকার,
প্রভূত্ব হারালে স্বামী ।
বহি কারণ সলিলে,
বজ্র পুরন্দর-অস্ত্রাগারে ;

চক্র বিষ্ণু-করে,—

তাহে কি ডরায়, পিতা,

অহংজ্ঞানী জনে ?

ব্রহ্মা । অহংকার কর তুমি যেই শক্তি বলে,
সেই শক্তি হুহিতা তোমার ;
তমুত্যাগে মহাশক্তি যাবে তোরে ছাড়ি ;—
শিবনিন্দা শক্তি নাহি সয় ।

দক্ষ । মহাশক্তি আমার অঙ্গজা ?

ব্রহ্মা । শুন তত্ত্বকথা ;—

মিলি তিন জনে
কত তপোবলে তুষ্টা হইল মহাদেবী,
তাই সতীরূপে আইল ধরণীতল,
নহে, সৃষ্টি না হ'ত স্থাপন ।
দেখিয়াছি বার বার করিয়া কল্পনা,
শিব-শক্তি সম্মিলন বিনা
সৃষ্টি-স্থিতি নাহি হয় ।

দক্ষ । ভাল, বিধি, কত্বারে করিব পূজা ?

ব্রহ্মা । সবাংকার পূজ্য কত্বা তব ।

দক্ষ । প্রভু, অপরাধ করুন মার্জ্জনা ;—

যজ্ঞকার্যে র'য়েছি ব্যাপৃত,
কত্বাপূজা বিধি ল'ব পরে ।—
যাও, আজ্ঞা পাল, ঋষিরাজ !
ভগবান,
আমা হ'তে শিবপূজা নাহি হবে ;
ভাঙ্গড়ের অপমান নাহি সব ।
ধিক, প্রথম কহিল কুবচন !

[দক্ষের প্রস্থান ।

ব্রহ্মা । মাতা ক্ষীরোদবাসিনি,

না জানি গো কিবা মনে আছে তোরা !

অকৃতি সন্তান,

সৃষ্টিভার সম্ভবে কি তার ?

মা গো, সদয়া হইয়ে

দেহ ধরি আপনি এসেহ সতি !

শক্তিরূপা, হ'তেছি চঞ্চল ;

অশিব লক্ষণ,

হেরি, মাতা, চারিদিকে ;

কি শক্তি আমার—ক্ষুদ্র চতুষ্পদ আমি,
প্রবল ঘটনা-স্রোত করিব বারণ ?
মম বিধি অতিক্রমি' ধায় ;
উপায়, মা, করণা তোমার।

দৈববাণী। বৎস !

সতীদেহ-ত্যাগ প্রয়োজন
সতীত্ব বিহনে,
ধরাধামে না হবে আনন্দলীলা।
মম তত্ত্বত্যাগে সতীত্ব শিথিলে নারী,—
প্রেমভুরি সৃষ্টির বন্ধন।

নারদ। ভগবান, কিবা আজ্ঞা মম প্রতি ?

ত্রফা। শুনিলে অকাশবাণী,
কারণ-সলিল-স্রোতে ভাসে ;—
দম-আজ্ঞা করহ পালন।
ধন্য নন্দী, ধন্য শিবদত্ত,
অলঙ্ঘ্য বচন তব ;—
ছাগযুগে দক্ষের নিশ্চয় !

[সকলের গ্রন্থান।

তৃতীয় গর্ভাঙ্ক

উদ্যান

তপস্বিনী, প্রস্থতি ও তৃপ্ত-পত্নী আসীন।

প্রস্থতি।— (গীত)

সাহানা বাহার—যৎ।

ওহে হর, বাগাধর, কৃপা কর অবলায়।
আকুল অকুলমাঝে, রাধা তোলা, রাজা পায়।
না জানি এ বিদ্বাদে, কেলিবে কি পরমাধে ;
প্রাণ ধাঁধে—

সকর, সড়টে তার, অমনা অঙ্গুর চায়।

তপস্বিনী। রাণি, ছুটি শিবপূজা বাঞ্চী আর ;

পূজা-অস্তে,—

সদাশিব অবশ্য উদয় হবে,
বর লবে পতির কল্যাণে ;
একমনে পুনঃ কর পূজা।

প্রস্থতি। মা গো, নাচে কেন দক্ষিণ নয়ন !
তপস্বিনী। নাহি ভয়,

শত-অষ্ট শিবপূজা-কলে—
কোন বিষয় নাহি হবে ;
পূজা কর এক মনে।

(দক্ষের প্রবেশ)

দক্ষ। (স্বগত) দৈব—দৈব !

কাপুরুষ দৈবের অধীন ;
যোগবলে দৈব করি জয়।
সতী মৃতকন্ডা মোর ;—
সতী হারাইব,
পদ্মযোনি দেখাইল ভয় ;
সে মমতা ক'রেছি ছেদন।
অপমান অঙ্গজা হইতে,—
অঙ্গক্লেদ সতী মম।
বিরিঞ্চির জন্মিয়াছে মতিভ্রম ;—
আগাশক্তি ভাঙ্গড়ের ঘরে !
পল মম বহে যুগসম,
যতদিন শিব-অপমান নাহি করি।

[দক্ষের গ্রন্থান

প্রস্থতি।— (গীত)

বেহাগ-বারোঁয়া—একতারা।

নাচে বাহ তুলে, তোলা ভাবে তুলে,
বব বম্ বব বম্ গালে বাজে।
রক্তত ভুধর, নিশি কলেবর,
শগন্ধ হৃদয় ভালো সারে।
গ্রেমধারে ত্রিনয়ন ছল ছল,
কণী কন্দকণী, লালবী কলকল
জুটা-জলদজালমাঝে।

(দক্ষের পুনঃ প্রবেশ)

দক্ষ। এ কি, শিবপূজা মম গৃহে !

ইন্দ্রিয় কি স্বকর্ম তুলেছে আজি ?

এ কি রাণি, হৃচক্ষে যা দেখি !

তপস্বিনী। দেবি, সর্বনাশ !—মহারাজ !

দক্ষ। রাণি,

তিনলোকে কোন্ কাঙ্ক্ষা অসাধ্য তোমার ?

দক্ষিনী। মহারাজ !

ক। তপস্বিনি, রাজগৃহ নহে তব স্থান।

এ কি, পুরোহিত-জ্ঞায়া !

রাণি, শিব-মন্ত্রে দীক্ষা কত দিন ?

প্রহৃতি। প্রভু, স্বামীর কল্যাণ

প্রাণপণে নারী যাচে।

ক। তাই,

প্রাণপণে যাচিতেছ পতি-অপমান !

প্রহৃতি। অপরাধ ক্ষমা কর, প্রভু !

ক। ক্ষমা ? সাধ্যাতীত মম।

যজ্ঞকার্য্য সঙ্গীক উচিত ;—

যজ্ঞ-অন্তে কৈলাসে তোমার স্থান।

প্রহৃতি। প্রভু, আমি পদাশ্রিতা তব।

ক। শিবাশ্রিতা, মমাশ্রিতা নহ তুমি।

ভাল, জিজ্ঞাসি তোমায়—

স্বহস্তে পার কি সব

জঞ্জাল করিতে দূর ?

অথবা দেখিবে, মম পদে সে কার্য্য সাধন ?

দকলে। শিব, শিব, শিব !

ক। নারীবধ অহুচিত জ্ঞান

সর্ব্বদা না রহে, রাণি !

[শিবলিঙ্গ লইয়া তপস্বিনী ও

তৎপশ্চাৎ ভৃগু-পত্নীর প্রস্থান।

তপস্বিনি, তপস্বিনি, পাবে প্রতিকল।

(রাণীর প্রতি) উঠ, চল নিজস্থানে ;

আজি হ'তে বন্দী তুমি,—

রাজ-আজ্ঞা ক'রেছ হেলন।

প্রহৃতি। প্রভু, বন্দী পায় চিরদিন।

ক। রাণি, বুঝাইতে পার মোরে,

অভিমান তাজেছ কেমনে ?

অতি হীন তুমি,

নহেঁ ভাঙড়-ঘরপী

তব গর্ভে কি হেতু জন্মিল ?

প্রহৃতি। মান, অহঙ্কার—

সকলি তোমার চরণে অর্পেছি, প্রভু !

তুমি স্বামী, আমি ছায়া মা হ্র তব !

দক্ষ। আজি তব অধিক বর্ণনা-ছটা ;

বাক্য—যথা কার্য্যের অভাব !

প্রহৃতি। প্রভু, ক্ষমা কর অপরাধ।

(চরণ ধারণ)

দক্ষ। প্রহৃতি,

রাজ-অঙ্গে কর নাহি কর দান,

আজ্ঞা পাল, চল নিজ গৃহে।

[উভয়ের প্রস্থান !

তৃতীয় অঙ্ক

প্রথম গর্তাঙ্ক

কৈলাস-পুরী

মহাদেব ও সতী।

সতী। কহ, নাথ !

কি হেতু কহিলে “ ধন্য ধন্য কলিযুগ ” ?

ক্ষুদ্র নর, অন্নগত প্রাণ—

রিপুর অধীন সবে ;

রোগ-শোক-সন্তাপিত ধরা,

পছাহারা মানবমণ্ডল

ভীম ভবার্ঘব-মাঝে ;—

কেন কহ, বিশ্বনাথ, “ ধন্য কলিযুগ ” ?

মহাদেব। বুঝ, দেবি, কলিযুগে কৃপা তব কত !—

শুনিয়া বর্ণনা, চন্দ্রাননে,

বিকল অন্তর তব ;—

নাহি জানি তবে,

যবে ‘ মা ’ বলে তোমায়ে

ডাকিবে কলির নর,

ব্যাকুল অন্তর কত হবে, হৈমবতি !

ধন্য যুগ,

যাহে নাম-বলে মোক্ষধাম,
লভিবে কীটাত্ম-নরে ।
যেবা তব শরণ লইবে,
অমরত্ব পাবে,—
মম সম হবে মৃত্যুঞ্জয় ;
কোলে ভুলে লবে তারে, সতি !

সতী । বর তবে দেহ ভোলানাথ,
ত্রিশূল-আঘাত তারে কভু না করিবে,
মা ব'লে যে ডাকিবে আমারে ।

মহাদেব । আছে কি জগতে শক্তি, সতি,
মহাশক্তি বিরোধিতে ?

সতী । বিশ্বনাথ,
দীর্ঘশ্বাস কি হেতু ত্যজিলে ?

মহাদেব । সতি, না জানি কি আছে, তব মনে ;
তুরীয় তোমার লীলা !
সতি, তুমি অন্তরে বাহিরে,
হৃদপদ্মে তব রূপ ;—
সে রূপ বিরূপ কেন হেরি ?
কাদে প্রাণ অভিমানে,—

হৃদপদ্মে ফিরে নাহি চাহে সতী !
কহ, হৈমবতি,
কোন দোষে দোষী দাস ?
কেন হৃদপদ্ম শূণ্য জ্ঞান হয় ?
হের, বক্ষ বাহি বহে ধারা ;
তারা, হারা ব কি তোরে আমি ?
কারণবাসিনি, তব মর্ষ বুদ্ধিতে অক্ষম ।

সতী । বিশ্বনাথ, অত ভাঙ নাহি দিব আর ।

মহাদেব । বিষপানে রহিল চেতন—
রূপায় তোমার, দেবি !
এবে ভাঙে হই অচেতন—
রূপার অভাব তব ।

সতী । দাসী আমি, তব পদাশ্রিতা ।
কেন, নাথ, লজ্জা দেহ ?
শিব, শিব, শিব,—
শিব মম দেহ প্রাণ,
শিবময় চ'নয়ন :

শিব মম ধ্যান স্তান ;
প্রভু, তুমি মম হৃদয়-ঈশ্বর !
হেন বুদ্ধি মনে, দাসীরে ঠেলিবে পায় ;
তাই কহ রূপার অভাব মম ।
নাথ, হেন কথা আর নাহি কবে,
ব্যথা বড় পার তাহে ।

মহাদেব । সতি, তুমি সর্বস্ব আমার !
সতী । বল নাথ,
ব্যথা নাহি দিবে মোরে আর ?
হেন কথা আর না কহিবে ?

মহাদেব । সতি,
ব্যথা দিব তোরে ?
ব্যথা পাই এ কথা শুনিলে ।
তোমা বিনা অচেতন জড় আমি ।

সতী । প্রভু, হ'ল তব যোগের সময় ;
যাই আমি আসন প্রস্তুত হেতু ।

মহাদেব । হে যোগাচ্ছা,
যোগ-যোগ সকলই আমার তুমি ।

[সতীর প্রস্থান ।

(নারদের গান করিতে করিতে প্রবেশ)

কাফি কানেড়া—কাওয়ালী ।

চাঁচর চিকুর আখ, আখ জটাঙ্গাল ।
আখ গলে বনমালা বোলে, আখ হাড়-মাল ।
আখ ভালে জলকা সাগে,
আখ ভালে চাঁদ বিরাজে,
নবজলধর, আখ কলেবর,
আখ শুভ রক্ত-শিখর,
গীত বদন আখ ছাদন, আখ বাঁশছাল ।

নারদ । আশুতোষ, আসিয়াছি বন্দিতে চরণ ।
মহাযজ্ঞ আয়োজন হয় দক্ষপুরে ;—
মন্ত্রমতি দক্ষ প্রজাপতি,
চিরদেবী তব,—
যজ্ঞের সঙ্কল্প তার শিবত্ব বিনাশ ;
যজ্ঞ-ভাগ তোমাতে না দিবে, প্রভু !
অর্পিল আমারে ভার দক্ষ প্রজাপতি

নিমগ্ন দিতে তিনপুরে,
কিন্তু মম প্রাণ কাঁপে ডরে—
অশিব যজ্ঞের কার্য করিব কেমনে !
শুনিহু আকাশবাণী,—
ঘটনার ফলে দক্ষ-যজ্ঞ প্রয়োজন ;
কিন্তু ত্রিলোচন, তবু নহে হুস্ত প্রাণ,
শিব-অপমান যাহে, কেমনে করিব ?

মহাদেব । হে নারদ, পালহ আকাশ-বাণী ।
দক্ষ প্রজাপতি, তুমি অধীন তাহার ;
উচিত তোমায় পালিতে আদেশ তা'র ।
চিতা মাখি, নিবাস অশান,—
মান অপমান কিবা মোর ?
গরল অশন—ভূজঙ্গ ভূষণ,
যজ্ঞ-ভাগে কিবা কাজ ?
নাচি প্রেত সনে,—
যজ্ঞাসনে বসিতে না রাখি সাধ ।
প্রেমে মত্ত থাকি মহাধ্যানে ;
বিশ্বকার্য জঞ্জাল কেবল !
বসি ধ্যানে তিনলোকে করিয়া কল্যাণ,—
শিবত্ব যতপি যায় ।

নারদ । হয়, প্রভু, পরাণ আকুল ;
হলস্থূল কি হবে না জানি !
শিবহীন যজ্ঞ কি সম্ভব ?

মহাদেব । কি সম্ভব, কিবা অসম্ভব—
জ্ঞানাতীত জেনো সার ।
ইচ্ছাময়ী শক্তির প্রভাবে
কি ফল ফলিবে—কে পাইবে তত্ত্ব তার ?
ইচ্ছায় সংসার, লয় বার বার,
ইচ্ছাময়ী ইচ্ছার প্রভাবে ;
ইচ্ছায় মহেশ, ব্রহ্মা, স্বয়ীকেশ ;—
সে ইচ্ছায় যজ্ঞ আয়োজন ।
শুন, তপোধন, হও সেই ইচ্ছাধীন ।

নারদ । ভূতনাথ, শিব অপমানে
অশিব ফলিবে ফল ।

ভাবি, দেবদেব,
বুঝি সৃষ্টি হ'ল না স্থাপন,—

না পুরিল ধাতার বাসন ।
ভাবি মনে, সৃষ্টি-কার্যে নাহি রব আর ;—
শিব-দেবী সৃষ্টি, দেব, কেমনে রহিবে ?
মহাদেব । ঘেম নাহি স্পর্শে মোরে, ঋষি !
রহ কার্যে, কার্য বিনা নাহি পরিত্রাণ ।
ইচ্ছায় তাঁহার,
হের কার্যে ব্যাপিত সংসার ;—
কার্য হেতু সৃষ্টি মম ;
সম্ব, রজ, তম ত্রিভাগ এ কার্য হেতু ।
এক শক্তি অনন্ত আধারে—
কার্য করে অনন্ত আকার ;
অহঙ্কারে ভাবে “আমি করি ।”
তাজ অহঙ্কার,
নির্ভিকার কার্যে রহ রত ;
ফলাফল দেখি কিবা প্রয়োজন ?
ফলে কার্য যেই শক্তিবলে,
ফলাফল কর তারে সমর্পণ ।

নারদ । ভাবি প্রভু,
শিবহীন-যজ্ঞ আবাহনে
কে আসিবে যজ্ঞভাগ হেতু ?
আমিও বা যাইব কেমনে ?
কায়মনোবাক্যে কার্যে কিবা পরিহাসে,
দেব-দেবী যেই জন,
কোথায় নিস্তার তা'র ?
না জানি কি মায়া-ঘোরে
কেলিবে দাসেরে দিগম্বর !
কোন মতে শঙ্কা প্রভু, ঘোচেনা আমার ।
আন্তর্যাম, হে অন্তর্যামি,
অন্তর বুঝ মোর ।

মহাদেব । শুন, ঋষি, আমি ‘আমি’ নই আর,—
মহা মোহে আচ্ছন্ন আমার প্রাণ ।
যজ্ঞ-ফল সুধাও আমায়,—
দৃষ্টি নাহি থায়, শঙ্কায় শুকায় প্রাণ ;
নাহি জানি কি আছে সতীর মনে !
শিব নহি, শব আমি সতী বিনা ।

নারদ । প্রভু, ক্ষমুন অধীনে—

মতিভ্রম ঘটে মোর ।

মহাদেব । কার্ঘ্যে যাও, না জিহ্বাস তব্ব মোরে ।

কি বুঝিবে মম প্রাণ বিকল কি ভাবে ?

যজ্ঞ-পূর্ণ হইবে নিশ্চয়, —

সামান্য সে নহে দক্ষপতি ;

যার ভূপে তুষ্টা ভগবতী

জন্মিলা তনয়াক্রমে ঘরে !

তিনলোকে হেন শক্তি কার—

যজ্ঞে বিশ্ব করে তার ?

আমি শিব যে শক্তি-অধীন,

সে শক্তি-প্রভাবে যজ্ঞ করে দক্ষপতি ;

যজ্ঞ হবে—যাবে অহঙ্কার ;—

প্রেমে, নহে অহঙ্কারে প্রজা রবে ভবে ।

ভ্রমে দক্ষ ভাবে

অহঙ্কারে রবে ভবে জীব,—

সে ভ্রাস্তি ঘুচিবে—

প্রেমে রবে ধরা—যজ্ঞে হইবে প্রচার ।

নারদ । যাই, প্রভু, দেবীর আদেশ ল'য়ে ।

মহাদেব । কোথা, সতীর নিকটে ?

নাহি দেহ সমাচার,—

মনে পাবে ব্যথা, সতী স্থলোচনা মোর !

সতী যদি যজ্ঞ-কথা শুনে,

যাবে পিতৃস্থানে,—

নামানিবে মানা মোর ।

বিনা আবাহনে,

পতি-নিন্দা মহা অপমানে,

না রহিবে পতিপ্রাণ সতী ।

শ্মশানে মশানে থাকি ভাঙপানে,

চিতা-ভস্ম গায়ে মাখি—

ছিলাম সন্ন্যাসী—এবে গৃহবাসী ;

স্বর্ণরাশি ভিখারীর ঘরে !

শুন, তপোধন,—

হৃদয়ে আনন্দ-মূর্তি নাহি দেখি আর ;

হেরি শূভ্রাকার,

মম দৃষ্টি অধিক না ধায় ,

কি কল ফলিবে ঘটনায়

দেখিতে না পাই আর,—

আছি সতী-প্রেম-নীরে ডুবে ।

চাই সতী,—যায় বিশ্ব যাক্ ;

নাহি দেয় নাহি দি'ক যজ্ঞভাগ,—

ধৃতুরায় উদর পূরা'ব,

ভিক্ষা করি সতীরে খাওয়াব,

বাঘ-ছালে—

আনন্দে শুইব সতীরে হৃদয়ে ধরি' ;—

মানা করি, সংবাদ দিও না তারে ।

নারদ । দেবদেব, পদাশ্রয় দেহ দাসে ;—

নির্ঝিকারে বিকার হেরিয়ে

টুটে মোর দেহের বন্ধন ।

মহাদেব । হে নারদ, কি বিকার অন্তরে আমার !

তপ, জপ বিফল সকলই,—

ঠেলিতে না পারি অন্তরের ভার মোর ।

হেরি, কোন মতে নারিব ফিরাতে

ঘটনা-প্রবাহরাশি ;

তবু প্রাণ চায়—হীন জন প্রায়,

কাধ্যফল বারিবারে !—

সতি, সতি,—

তুই রে সর্ব্বম্ব মোর !

(সতীর প্রবেশ)

সতী । ডাকিলে কি ভূতনাথ ?

মহাদেব । না না, হইয়াছে যোগের সময়—

যাব আমি যোগাসনে ।

সতী । হে নারদ,

এতদিনে পিতার কি পড়িয়াছে মনে

ছুখিনী তনয়া ব'লে ?

এসেছি কৈলাস-পুরে বিবাহের দিনে,

সে অবধি তব্ব নাহি মোর !

বসি এই বিজন প্রদেশে,

নাহি প্রতিবাসী, নাহি পুরজন—

একাকিনী থাকি সদা ;

কাদি কত বিরলে বসিয়ে

চনক জননী স্বরি,

হে নারদ, দক্ষপুত্রের কুশল সকলই ?

১৮। মাতা, আসিয়াছি বন্দিতে চরণ।

১৯। সতি, গৃহকার্য হ'য়েছে তোমার ?

২০। কহ সত্য, নারদ, আমারে,—

দক্ষপুরে কুশল সকলই ?

২১। দক্ষপুরে সকলই মঙ্গল।

২২। তবে আসিতেছ পিত্রালয় হ'তে ?—

মার্ক্ণনা কি ক'রেছেন পিতা মোরে ?

২৩। সতি, ভুলিবে কি প্রজাপতি—

বরিয়াছ ভিখারী ভাঙড়ে ?

২৪। পিতা মম নহে ত তেমন ;

বড় কৃপা তাঁর মম প্রতি।

স্বধাই নারদ,—ভুলেছেন অপরাধ ?

এস, ঋষি, অন্তঃপুরে,

গুনিব সকল কথা।

২৫। মাতা, আছে কার্য,

অন্তদিন আসিব কৈলাসে।

২৬। কি বিশেষ প্রয়োজন হেন ?

২৭। না না, নহে কোন বিশেষ কারণ।

২৮। এস তবে অন্তঃপুরে।

২৯। মাতা, যেতে হবে বহুদূর।

৩০। সত্য মোরে বল, ঋষি রাজ,—

বুঝি মম পিতার নিষেধ

আসিতে কৈলাসপুরী,—

ব্যস্ত তুমি সে হেতু যাইতে ?

বল সত্য, পিতার কি মানা ?

কল্যাণদান অপমান ঘোচে নি কি তাঁর ?

৩১। না, না, এ কি কথা ?

৩২। সত্য কহ,—

নহে, দক্ষালয়ে আপনি যাইব,

স্বধা'ব পিতায়,

কিবা হেন দোষী তাঁর পায়,—

তনয়ায় দেন জলাঞ্জলি ?

স্বয়ম্বরে বাছিয়া লইছ পতি,—

নহি অন্ত অপরাধী।

বল সত্য—

স্বখে রবে মম আশীর্বাদে ;

করি মানা, কর না বঞ্চনা।

নারদ। কিবা নাহি জান, মাতা, অন্তঃযামী তুমি !

কহিতে না যুগায় বচন মম।

ভোলানাথ, পড়িছ সঙ্কটে !

সতী। এস,

প্রভু কি করেন মানা কহিতে বারতা ?

এস, ঋষি,

অন্থথা না কর বাক্য মোর।

[সতী ও নারদের প্রস্থান।

মহাদেব। কার্য-কারণের সূত্র কে করিবে ছেদ ?

কালে—

কত হ'ল, কত গেল দক্ষ প্রজাপতি ;—

সমভাবে সৃষ্টি স্থিতি লয়

চিরদিন হয়,

ভাবান্তর কহু নাহি তাহে।

তপ—তপ—তপ—

কত সৃষ্টি স্থাপন সময়

তপ কৈলু তিন জনে ;

কতই দেখিছ—কতই শিখিছ—

তবু মায়া না টুটিল।

এই শিব এই পুনঃ শব,—

এই সৃষ্টি, সৃষ্টির বিপ্লব !—

এ মায়া বুঝিয়ে কেবা বুঝে ?

কারণে ফলিবে ফল,

জেনে শুনে অন্তর বিকল ;

চাহি কার্য করিতে বারণ !

মহাশক্তি-মায়া কেবা করে দূর ?

মৃত্যুঞ্জয়—সহিতে অনন্ত দুখ !—

সতি, সতি,—

দেখে ডুরি মজালি আমারে !

সন্ন্যাসীয়ে কেন রে করিলি গৃহী ?

[প্রস্থান।

(নারদ ও সতীর প্রবেশ)

সতী। দেবদেব, যাব আমি পিত্রালয়ে ;—

কোথা মহাদেব !

নারদ। মা গো,

যজ্ঞের সংবাদ দিতে মানা ছিল মোরে,
ব'লেছি তোমাতে ;—
ডরে কাঁপে কায় দেবি,
কি করেন দিগম্বর শুনি।

সতী। নাহি ভয়, কি দোষ তোমার ?

কর উপকার—
নিয়ে যাও পিত্রালয়ে মোরে !—
আসিব প্রভুরে কহি।

কিছু যাও, নিমন্ত্রণ দাও তিনলোকে ;
যাব আমি নন্দীরে লইয়ে।

নারদ। মা গো, মানা করি, কর' না বাসনা
পিত্রালয়ে করিতে গমন ;
অহঙ্কারে দক্ষ যদি করে অপমান ?

সতী। হে নারদ, আমি ভিখারীর নারী—

মান অপমান কিবা মম ?
যাঁর মানে মানী আমি,
তাঁর মান টুটিবে ভুবনমাঝে,—
মানে কিবা কার্য মোর ?
রহি একা বিজন শিখরে !
নাহি প্রতিবাসী, দাসদাসী, পুরজন,
বঙ্কল বসন, রুদ্রাক্ষ ভূষণ—
খেদ তাহে নাহি করি,
হেরি ত্রিপুরারি আপনা পাসরি।
পতি-প্রেম অতুল ঐশ্বর্য মোর !
তাঁর অপমান,—
রাখিব এ প্রাণ, মনে নাহি দেহ স্থান।
আহা,
অবিরোধী ভূতনাথ—
নাচে গায় প্রমথের সনে,
অভিমান নাহি মনে,
আশুতোষ নাহি জানে রোষ,—
শত দোষ করিলে চরণে।
“হর—হর—হর” যেই বলে মুখে—
মহাস্থখে কোল দেয় তারে ;
ভুট তারে রুট কহে যেই,—

জিজ্ঞাসিব পিতার সদনে,
কোন দোষে দোষী দিগম্বর !
স্বয়ম্বরে বরিলাম আমি,
শিবের কি দোষ তাহে ?
হে নারদ, কুক্ষণে জনম মম।
আমা লাগি, পতি সনে পিতার বিরোধ,—
এ বিবাদ না ঘুচিবে জীবিত থাকিতে !
কি স্থখে এ জীবন ধরিব ?
জন্মিলাম পতি-অপমান হেতু !

[প্রস্থান]

নারদ। মা গো, রেখো পায় দীন জনে ;—
বহি জলে কারণ-সলিলে !

[নারদের প্রস্থান]

(নন্দী ও ভৃঙ্গীর প্রবেশ)

ভৃঙ্গী। কহ নন্দি, কহ সবিশেষ,
কি ভাবে ভবেশে হেরি ?
রুদ্রমুখি নেহারি শিহরি !
হের, স্তম্ভিত কৈলাসপুরী ;
নাহি শিক্ষা-ডমরু-নির্দা, বব বম নাহি বলে গালে ভোলা,
রজত-শিখর কুজ্জ্বলিত যেন !
ডরে শিরে জাহ্নবী-সলিল
নাহি করে কুল কুল ধনি ;
ফণিগণে নাহি ত্যজে শ্বাস ;
বিভাবস্থ ভস্ম-মাঝে লুকায়িত !—
শঙ্কায় নারিছ চাহিতে বদন পানে ;
প্রণমি চরণে পলায়ে আইছ ত্রাসে,—
ভাল মন্দ না বলিল ভোলা ;
‘ভৃঙ্গী’ বলি ডাকিল না মোরে।
ভাই, কাঁদে প্রাণ,—
ভোলা নাহি আদর করিল।

নন্দী। কহি শুন, দেখিছ যা আজি,—
স্বধায় আবুল গেলেম মায়ের কাছে,
দেখিছ কুটরে,
জনের যোগিনী সনে কথা কন মাতা।

কহে অপূৰ্ণ যোগিনী,—

শুনি বাণী শুভিত হইছ !

কহে অপূৰ্ণ যোগিনী,—

“মা, আমারে কত দিনে করিবি সঙ্গিনী ?

দক্ষালয়ে কেন রেখে এলি ?”

ব্যগ্র হ’য়ে বুঝাইলা মাতা,—

“অল্লদিন—অল্লদিন বাছা,

যাব আমি মেনকার ঘরে,—

নিত্য পূজে মেনকা আমায়,

তথা তুই হইবি সঙ্গিনী,

কৈলাসে আনিব তোরে ।”

ক্ষিপ্ত প্রায়—

মাতার চরণে কাঁদিয়া লুটিছ,

পা ছ’খানি ধরিয়া কহিছ,

“মা, তোমারে যাইতে না দিব ।”

হাসি মাতা,

চিৎক ধরিয়ে আদরে কহিল মোরে,

“কেন নন্দি, কোথা যাব আমি ?”

দেখি চেয়ে নাহি সে যোগিনী,

হতবাণী, বার্তা না বুঝিছ কিছু.

কাঁদি নিত্য, তোরে নাহি কহি ।

বাবার এ ভাব—মা কহে ‘যাইব’ ;

বল ভুঙ্গি, কেমনে রহিব মোরা ?

ভূতগণে চরণে কে দিবে স্থান ?

ভৃঙ্গী । আয়, দৌহে মিলি করিব সে

শক্তি গুণ-গান,—

নাচিতে নাচিতে বাবা, আসিবে এখনি ।

নন্দী । কণ্ঠে মম স্বর না বুঝায়,—

হতাশে শুকায় প্রাণ !—

ভৃঙ্গী । চল তবে যাই ভাই, মায়ের সদনে ;

কৈদে বলি “যেও না জননি” !

চল, মাকে নিয়ে যাই বাবার নিকটে ;

হাসিমুখ বাবার দেখিব ।

নন্দী । ছ’কথায় ভুলাবে জননী ।

কতবার কত কথা ভাবিলাম মনে ;

মা’র কাছে গেলে ভুলে যাই ।

ভৃঙ্গী । ভাঙ খেয়ে বাস্ ভুলে তুই ;

আমি খুব কাঁদিতে পারিব ।

[উভয়ের প্রস্থান ।

(মহাদেব ও সতীর পুনঃ প্রবেশ)

সতী । পিত্রালয়ে যাব, ভোলানাথ,

দেহ মোরে পাঠাইয়ে ।

যজ্ঞ তথা—শুনিছ নারদ-মুখে ।

স্বচক্ষে দেখেছ প্রভু, আসিবার দিনে—

গলে ধ’রে কত মোর কৈদেছে জননী,

আজও শুনি, কত কাঁদে মোর তরে ;

আমারে না ছেলে,

ছ’নয়নে শত ধারা বহে ;

মা আমারে কত ভালবাসে !

ভাবি দিন, যাব মা’রে দেখিবারে ;

নিত্য ভাবি, বলি হে তোমারে,

ত্রাসে নাহি সরে ভাষ,

দেখ, আশুতোষ,

কত দিন আছি এ কৈলাসে !

মহাদেব । একি কথা কহ, সতী ?

পিত্রালয়ে কেমনে যাইবে ?

যজ্ঞ তথা, নিমজ্ঞ নাহিক কৈলাসে,

আভাষে বুঝিছ,

সমারোহ মম অপমান হেতু,—

শুনি, তপে তুষ্ট হরি—

চক্র ধরি রাখিবেন যজ্ঞ তা’র ;

যজ্ঞাহুতি বিধাতার ভার ;

ত্রিসংসার শিবে যজ্ঞভাগ নাহি দিবে ।

আমি হে ভিখারী,

তুমি ভিখারীর নারী,

হেন যজ্ঞে কেন বা যাইবে ?

অপমান হবে ;

নহে—পিত্রালয়ে যেতে নাহি করি মানা ।

সতী । প্রভু, ত্রিসংসারে তব অপমান,

যজ্ঞভাগ না দিবে তোমারে.

তবে কেন ভাব মম অপমান হেতু ?

নাথ, তব মানে মানী—

তোমা বিনা এ সংসারে নাহি জানি,

নহি ভিখারিণী—

রাজরাণী কেবা মম সম ?

পতি-প্রেম ঐশ্বর্য আমার ।

যাব জনকভবন,

পঞ্চানন, তাহে অপমান কিবা ?

বিনা আবাহনে কিবা বাধে ?

মহাদেব । পতিপ্রাণা সতী তুমি সর্বস্ব আমার !

অহঙ্কারে দক্ষরাজ কত কথা ক'বে ।

অভিমानी প্রাণে নাহি সবে তোর,

করি মানা, যেও না, যেও না,

কেন হরে কাঁদাইবি ?

তোরই তরে ভটা ধরি শিরে,

ভস্ম মাখি তোর প্রেমে !

নাহি যোগ যাগ, নাহি তপ ধ্যান—

ধ্যান জ্ঞান সকলই আমার তুমি,

শূন্য ত্রিসংসার, তুমি হ'লে অদর্শন ।

সতী । যজ্ঞ হেরি আসিব ফিরিয়ে,

সুধাব জনকে কিবা তব অপরাধ !

যদি ভিখারিণী, তবু কহা তাঁর,

কেন মোরে অনাদর ?

কেন তিনলোক-মাঝে

অপমান করেন তোমার ?

স্নেহে মম জনক ভুলিবে,

যজ্ঞভাগ দিবে,

নিমন্ত্রণ আসিবে কৈলাসে.

যাব,—প্রভু, না কর নিষেধ ।

মহাদেব । সতি,

কেবা শক্তি ধরে - অপমান করে মোরে ?

তুমি প্রাণ, তুমি মান অপমান,

ভোলার সর্বস্ব তুই সতি,

ভাল হ'ল ঘুচিল জ্ঞান,—

না হ'বে যাইতে যজ্ঞভাগ ল'তে আর !

ভাল হ'ল ঘুচিল বিশ্বের ভার,

ভাল হ'ল, গেল ভবে শিবস্ত্র আমার ।

তোরে ল'য়ে নিশ্চিন্ত রহিব,

যোগ যাগ সকলি ছাড়িব,

তোরে ল'য়ে নিশ্চিন্তে করিব কেলি ;

বিশ্ব-হিত-ধ্যানে না রহিতে হ'বে আর ।

বিজন কৈলাসে—তুমি রাণী, আমি রাজা,

লীলায় আনন্দে রব ।

সতী । তুমি সাধে কি ভিখারী ?

বিশ্বকার্যে কেমনে রহিবে,

ভাঙপানে মন তব ।

হোক মেনে, বিশ্বনাথ,

কথা শুনিবারে ভালবাসি ।

দিবানিশি রবে মম পাশে—

ভূত ল'য়ে কে নাচিবে ?

দেখেছি, দেখেছি,—

র'য়েছি কৈলাসে আমি,

নূতন ত নহে আজি ।

যতক্ষণ রহ মোর পাশে,

সদা অশ্রম,

ভাব কতক্ষণে যাইবে ভূতের দলে ;

কুতূহলে নৃত্য হ'বে - হবে ভাঙপান ।

মহাদেব । সতি, অশ্রম—নাহি কি কারণ ?

কেন তবে বল তুমি দক্ষালয়ে যাবে ?

সতী । প্রভু, ক্ষতি কিবা নাহি জানি ।

চিরদিন আলস্য তোমার,

নারী হ'য়ে দিতে যদি পারি যজ্ঞভাগ,

অমত কি তব তায় ?

মহাদেব । সতি, নিত্য সুধাই তোমায়,

ছাড়িবে না কভু মোরে ?

নিত্য কহ 'ছাড়িব না ।'

তবু মন নাহি বুঝে,

আজি ছেড়ে যেতে চাও—

কেন পাগলে কাঁদাও ?

গেলে তুমি আসিবে ন আর ।

সতী । কেন নাথ !

তোমা ছেড়ে রহিতে কি পারি ?

যজ্ঞ হেরি আসিব ফিরিয়ে ;

অন্ত কেন ভাব, প্রভু !

যাই নাথ, ক'র না নিষেধ ।

মহাদেব । যাবে যদি, কি হেতু স্নধাও মোরে ?

কর যেনা অভিরুচি ।

সতী । প্রভু, নাহি কর রোষ,

মানা নাহি কর যজ্ঞে ক্ষেতে,

বল, “যাও যজ্ঞালয়ে ।”

মহাদেব । কহি তোরে,

অন্তর শিহরে, যজ্ঞ-কথা মনে হ'লে ;

পতি-অপমানে নিশ্চয় ত্যজিব প্রাণ ।

সতী । প্রভু, প্রাণ মম কঠিন পাষণ হ'তে ;

নহে, ত্রিসংসারে তব অপমান,

ছার প্রাণ এখনও রেখেছি ?

সতী নাম কেন দিল মাতা ?

পতিভক্তি এই কি আমার ?

যজ্ঞে যেতে মানা নাহি কর মোরে ;

যদি তব পদে থাকে মতি,

দেখিব কেমনে—

ত্রিসংসার মিলি হরে করে অপমান ।

অজ্ঞা দেহ, যাব দক্ষপরে ।

মহাদেব । সতি, যেতে নাহি দিব তোরে ।

সতী । কহি সত্য,

অন্ন-হল ত্যজিব কৈলাসে ।

মহাদেব । অন্ন-পানি খাও বা না খাও,

কোন মতে যাইতে না দিব ।

সতী । শুন, ভোলানাথ, মহা দ্বন্দ্ব হবে আজি ।

যাব, হাসিমুখে করহ বিদায় ।

মহাদেব । হাসি মুখ রাখ নাই ভুমি ।

ইচ্ছা যদি যাও,

আমি নাহি যাইতে কহিব ।

সতী । নাথ,

ধরি পায়, ক'র না নিষেধ ।

মহাদেব । ইচ্ছা যাও, মোরে না স্নধাও ।

চ'লে যাই হ'ল আসি ধ্যানের সময় ।

(গমনোত্ত)

(সতীর অন্তর্দান এবং কালী-মূর্তির আবির্ভাব)

এ কি ভয়ঙ্করী করালবদনা,

লোল-জিহবা রুধির-মগনা,

গলিত-রুধির মুণ্ডমালা গলে বিলম্বিত,

মহামুণ্ড করে, রক্ত-শ্রোত ঝরে,

খড়্গা ধরে, ভাসে রক্তধারে ;

রক্তোৎপল দ্বিত্বজ দক্ষিণে !

বিবসনা বিকট-দশনা ত্রিনয়না,

চন্দ্রখণ্ড শোভে ভালে !

কোথা যাব - কোথায় পলাব ?

(অন্তদিকে পলায়নোত্ত)

(তারা-মূর্তির আবির্ভাব)

তাহি, তাহি !

কে রে নব-নীরদবরণী ?

উদ্বিজটা বিভূষিত ফণী,

লম্বোদরা বাঘাধরা ঘোরাননা,

পঞ্চ অর্দ্ধচন্দ্র শোভে ভালে,

অগ্নি ক্ষরে ত্রিনয়নে,

নৃমুণ্ডমালিনী চতুর্ভুজা,

মুণ্ড খড়্গা খর্পর কমল সাজে !

রাখ পায় সভয় মহেশ !

কোথা যাব—কেমনে পলাব ?

(অপরদিকে পলায়নোত্ত)

(ষোড়শী-মূর্তির আবির্ভাব)

পঞ্চ প্রেত পরে কে বামা বিহরে ?

রক্তবর্ণা ত্রিনয়না, শশিচূড়া,

চতুর্ভুজে পাশাস্কর ধনুঃশর,

এলোকেশী ভয় বাসি হেরি !

(ভিন্নদিকে পলায়নোত্ত)

(ভুবনেশ্বরী-মূর্তির আবির্ভাব)

অম্বুজ আসনা, ত্রিনয়না,

রত্নরাজী বিভূষণা ;

রক্তবর্ণা,

চতুর্ভুজে পাশাস্কর বরাভয় !

রূপা কর পাগল ভোলারে ।

কোথা যাব—কেমনে পলাব ?

(অত্মদিকে পলায়নোত্তত)

(ভৈরবী-মূর্তির আবির্ভাব)

অক্ষমালা পুঁথি বরাভয়,

শোভিত মণাল চারিভূজে,

রক্তবর্ণ অমল কমলে,

মুণ্ডমালা দল দল দোলে—

মণিময় হার সনে !

এলোকেশী কে গো ভয়ঙ্করী ?

রাখ গো পাগল ভোলা ।

(অপরদিকে পলায়নোদ্যত)

(ছিন্নমস্তা-মূর্তির আবির্ভাব)

ছিন্নমস্তা, ত্রিধারে রুধির ক্ষরে ;

ছুই ধারে পিইছে যোগিনী,

উলঙ্গিনী ছিন্নমুখে রক্ত খায় ;

চন্দ্র-সূর্য্য বহি ত্রিনয়নে—

শিশুশশী শিহরে কপাল-দেশে !

কে রে ভীমা রক্তোৎপল কায়,

বিপরীত রতি দলি পায়,

হরে ভয় দেখাও আসিয়ে ?

(অত্মদিকে পলায়নোদ্যত)

(ধুমাবতী-মূর্তির আবির্ভাব)

ঘোর ধুমবর্ণা বৃদ্ধা কাকধ্বজ রথে,

বিস্তার-বদনা, পতিহীনা,

ক্ষুধায় আকুলা বিভীষণা,

কুলা করে, কাঁপে অস্ত কর !

জাহি, জাহি—

রক্ষা কর দিগম্বরে !

(অপরদিকে পলায়নোত্তত)

(বগলা-মূর্তির আবির্ভাব)

শশাঙ্ক-শেখরী, ত্রিনয়না,

রক্ত-সিংহাসনে,

পীতবস্ত্রা পীতবর্ণা কে রে বামা ?

কে রে ভয়ঙ্করী,

জিহ্বা ধরি অস্থরে মৃগারে বধ ?

শঙ্কায় আকুল প্রাণ মোর ।

(অত্মদিকে পলায়নোত্তত)

(মাতঙ্গী-মূর্তির আবির্ভাব)

রক্ত-পদ্ম-শ্রামা,

কর-পদ্ম খড়্গা চর্ম পাশাঙ্কুশ শোভে ;

বিধুমৌলী গ্রিনেত্রা,

অনল ক্ষরে তাহে !

রাখ হরে রাক্ষা পায় ।

(অপরদিকে পলায়নোদ্যত)

(মহালক্ষ্মী-মূর্তির আবির্ভাব)

স্বর্ণবর্ণা নলিনী আসনা ;

পদ্মদ্বয় বরাভয়-কর ;

চতুর্দন্ত শ্বেত মন্তকরী,

চারিদিকে রক্ত ঘট ধরি'

অমৃত-বরষে শিবে,

হেরি' অন্তর শিহরে,

অপাঙ্গে নেহার বামা !

মহালক্ষ্মী । যার তরে একার্ণবে শক্তির সাধন,

তার কথা করি অযতন—

কোথা যাও মহেশ্বর ?

মহাদেব । সতি, সতি !

কবে তোরে করিয়াছি অযতন ?

(মহালক্ষ্মী-মূর্তির অন্তর্দান]

এ কি ! কোথা বামা নলিনী-বাসিনী ?

(সতীর প্রবেশ)

সতি, সতি, কোথা ছিলে এতক্ষণ ?

হায়, ফুটিয়ে না ফুটে আঁধি মোর ;

মায়া-ঘোর কেমনে ছেদিব ?

মহামায়া আপনি করিছে ছল !

সতি, নিষেধ না করি আর,

যাও পিত্রালায়ে ;

কিন্তু তুল' না—তুল' না ভাঙড়ে ।

তব অদর্শনে,

খ্যাপা তোর আকুল হইবে ।

কি কহিব আর,
অন্তরের সার তুমি মম ;
তোমা বিনা শব আমি।

সতী। নাথ, কেন এত মিনতি দাসীরে ?
তব আজ্ঞাকারী,
রহিতে কি পারি তোমা ছাড়ি ?
কেন ভাব, ভোলানাথ !
তব পদাশ্রিতা চিরদিন !

মহাদেব। আর ভুলা'ও না—আর ভুলিব না।
সতি, তোমা বিনা পলকে প্রলয়-জ্ঞান !
সতি, একান্ত কি ছেড়ে যাবি ?

সতী। হাসিমুখে আদেশ, মহেশ !

মহাদেব। এস প্রিয়ে,—মনে রেখ ভিখারীরে।
নন্দি, নন্দি !—

(নন্দীর প্রবেশ)

নন্দী। কি আদেশ, দেবদেব !
মহাদেব। ওরে, সতী যাবে কৈলাস ছাড়িয়ে,—
আন রথ সাজাইয়ে।

নন্দী। বাবা, পায়ে ধরি, যাইতে দিও না ;
মা গেলে, মা ফিরিবে না আর।
ও মা, যাস্ নে গো ভূতগণে ফেলে।

(ভূঙ্গীর প্রবেশ)

ভূঙ্গী। নন্দি, পায়ে ধর, ভুলে যাস্ তুই,
মাকে যেতে দিস্ নে কখন' !
ভূতগণে আদরে কে অন্ন দেবে ?

নন্দী। ও মা, কোথা যাবি ?
গেলে তুই আর না ফিরিবি,
ব'লেছিস্ যোগিনীরে,—
স্বকণে শুনেছি আমি।
ও মা,
হ'ও না নিদ্রা কুৎসিত তনয়গণে।
ও মা, তোমা বিনা
অঁধার কৈলাসে কে রবে, জননি, বল ?
বাবা আকুল হইবে, কে তারে বুঝাবে ?
কেন গো নিষ্ঠুর হ'লি ?

ও মা, “মা” ব'লে ডাকিব' কারে বল ?
ও গো, কারে ডেকে জুড়াব হৃদয়স্থল ?
ও মা,

ভূতদলে পুল' ব'লে কেবা মুখ চাবে ?

সতী। কেন নন্দি, কেন ভূঙ্গি, ভাব অকারণ ?
পাণ্ডুরব্য কত—
এনে দিব পিত্রালয় হ'তে !

ভূঙ্গী। মা, ভুলাতে নারিবে ;
ছেড়ে যাবে, তাই কর ছলা।
মা, মা, ক'র না গো কৈলাস অঁধার !

সতী। দেখ নন্দি, দেখ ভূঙ্গি,
মহাযজ্ঞ হবে, তাই যাই ;
তোরা সব যাবি।
নন্দি, তুই সঙ্গে যাবি,—
কি হেতু কাদিস্ আর ?
আন রথ।

[নন্দীর প্রস্থান।]

ভূঙ্গি, বাছা কেঁদ না ক' আর।

ভূঙ্গী। বাবা যাবে ?

সতী। যাবে।

ভূঙ্গী। বাবা, মা কি যাবে তবে ?

মহাদেব। ভূঙ্গি, রাখিতে নারিবি।

সতি, মনে হয়—

বুঝি বিশ্ব লয় এখনি হইবে !

অন্তরে আমার মহা হাহাকার-ধ্বনি !

হৃদপদ্মে টলেছে আসন তোর ;

বল কোন্ দোষে দোষী ?

কেন ছেড়ে যাবে,

কেন হে ভাসাবে মোরে ?

ভাবি মনে,

ক্ষুদ্র কীট হ'য়ে থাকি তোরে ল'য়ে—

শিবস্তের হেতু বন্দ নাহি বাধে আর।

সতি, তোর আনন্দ-মুরতি

নয়নের ভাতি মোর ;

সে আলো নিভাবে কেন বল ?

আর কি কৈলাসপুরে রব,

আর কি সংসার পানে চাষ,
বিশেষ কল্যাণে আর কি বসিব ধ্যানে ?
জ্ঞানহারী তোমাতে হারাই যদি ।

(নন্দীর প্রবেশ)

নন্দী । সাজায়ে এনেছি রথ ।
ভূদী । রহ আশুলিয়া পথ,—
বাবা কাদে, মাকে ছেড়ে নাহি দিব ।
সতী । নাথ, হাসি মুখে বল “এস” ।
তোমা ছেড়ে রহিতে কি পারি ?
ত্রিপুরারি !
আমি অশ্রুবিহীন তোমা বিনা ।
মহাদেব । নন্দি, যা রে সাবধানে,—
এনে দিস্ ভিখারীর নিধি ।
শিবহীন যজ্ঞ দক্ষপরে ;
সতী মানা না মানিবে,
যজ্ঞস্থলে যাবে,
কত লোকে কত কথা কবে,
সবে কি কোমল প্রাণে ?
যদি কেহ কুভাষে আমায়,
রুষ্ট তুমি নাহি হ’ও তায়,
তুষ্ট ক’রো মিত্র ভাষে ।
নন্দি, বাক্য ধর, বিবাদ না ক’র,
সতীরে এন রে ঘরে ।
দক্ষ কত কবে কুবচন,—
যদি সতী হয় উচাটন,
প্রবোধিয়ে নিয়ে এস রথে ক’রে ।
নন্দি, কি বলিব আর,—
সতীরে আমার—
কোন মতে আনিবে কৈলাসে ;
ওরে, রহিলাম পথপানে চেয়ে ।
সতি, সতি, এস তবে প্রাণেশ্বরী !
ভুল না ভোলায়ে । (শিরশ্চূষন)

[সকলের প্রস্থান ।

চতুর্থ অঙ্ক

প্রথম গভর্নিক

কক্ষ

দক্ষ ।

দক্ষ । অপমান পূর্ণ মাত্রা হবে প্রতিশোধ !
আরেই অবোধ, আরেই ভাঙড়,—
শূল ল’য়ে কর ভারিভূরি !
ভাব—সংহারের ভার তব ?
সে দস্ত ঘুচিবে,—
সৃষ্টি হবে সংহার বিহনে ।
কিন্তু মম চিন্তা নাহি হয় দূর,
বিল্ব কে করিবে ?
আপনি আসিবে বিষ্ণু যজ্ঞ-রক্ষা হেতু,
প্রতিশ্রুত মোর ঠাই ।
তিন লোক পক্ষ মম, যজ্ঞে হবে উপস্থিত,
একা শিব কি বাদ সাধিবে ?
না না, তবু চিন্তা নাহি হয় দূর ।
হেয় প্রাণ, এখন’ সতীরে পড়ে মনে !
আগে যজ্ঞ হ’ক সমাধান,—
কঙ্কার মমতা যদি না পারি ছেদিতে,
তুষানল প্রায়শ্চিত্ত মোর !
দেখ বুদ্ধি-ভ্রম,
যজ্ঞ করি মৃত্যু-নিবারণ হেতু,
মৃত্যু-চিন্তা করি পুনঃ আপনার !
অনাচার-নিবারণে মৃত্যু না রহিবে,
প্রজাবুদ্ধি সহজে হইবে ;
যুক্তিতে না হেরি কোন অশুভ ঘটনা ;
কিন্তু তবু না ঘুচে ভাষনা,—
তপোবল অধিক তাহার,
তপোবল নাহি কি আমার !

(দূতের প্রবেশ)

দূত । মহারাজ !

আসিতেছে যজ্ঞ-স্থানে নিমন্ত্রিতগণে ।

দক্ষ। কহ মন্ত্ৰিগণে,

দেয় সবে যথাযোগ্য স্থান।

[দূতের প্রস্থান।

কিন্তু যদি এ যজ্ঞ না হয় সমাধান,

অপমান রাখিতে নাহিক স্থান।

(ব্রহ্মা ও বিষ্ণুর প্রবেশ)

প্রণাম চরণে তাত,

প্রণমি, হে চক্ৰপাণি,

কি কহিব কত রূপা তব,

মহাকাব্য উদ্ধারিব প্রসাদে তোমার।

বিষ্ণু। দক্ষরাজ, যজ্ঞ-রক্ষা করিব তোমার,—

বাক্য মম হবে না অন্তথা।

কিন্তু,

প্রজার স্থাপনা যদি উদ্দেশ্য তোমার,

শিবে কেন নাহি দেহ যজ্ঞভাগ ?

শিব বিনা যজ্ঞ পূর্ণ নাহি হবে।

দক্ষ। যজ্ঞ পূর্ণ হয় বা না হয়,

এ কথা নিশ্চয়, শিবে ভাগ নাহি দিব।

আশ্বাস দিয়েছ মোরে, ওহে যজ্ঞেশ্বর !

যজ্ঞ-রক্ষা আপনি করিব ;

তাহে যদি অমত তোমার,

অঙ্গীকার যদি নাহি পাল।

যজ্ঞে তাহে নাহি দিব ক্ষমা;—

কর, দেব, যথা রুচি তব।

বিষ্ণু। যজ্ঞ-রক্ষা অবশ্য করিব,—

বাক্য মম হবে না খণ্ডন ;

কিন্তু প্রয়োজন বুঝিতে না পারি,—

প্রজার বর্দ্ধন,

কিবা শিব-অপমান মনোগত তব ;

এক যজ্ঞে দুই ফল কভু না সম্ভবে।

দক্ষ। যুক্তির সময় আর কোথা চক্ৰপাণি ?

হইয়াছি অগ্রসর,

তিন পুর সমাগত নিমন্ত্ৰণে ;

ফিরিতে না পারি আর।

যজ্ঞ-ফলে প্রজা রক্ষা যদি নাহি হয়,

অনাচার-নিবারণ হইবে নিশ্চয় ;

শিব-ভয় না রহিবে লোকে।

হ'য়েছে সময়ক যেতে হবে যজ্ঞস্থলে।

যদি হয় অভিমত,

আসিবেন যজ্ঞ-অংশ হেতু।

[দক্ষের প্রস্থান।

ব্রহ্মা। কহ হরি, কি উপায় করি ?

দেখিলে ত কোন মতে দক্ষ না বুঝিবে ;

মহাপ্রলয় ঘটবে,

না হইবে নিবারণ,

চক্রী তুমি, তব চক্ৰ বুঝিতে না পারি।

আসিয়াছ যজ্ঞের রক্ষণে,

হর-হরি-দ্বন্দ্বে বিশ্ব অবশ্য মজিবে।

বিষ্ণু। হে বিরিকি,

বুঝি না বুঝ কি কারণ ?

দ্বন্দ্ব কার সনে !

হর-হরি এক আত্মা জেন চিরদিন।

দক্ষ-যজ্ঞে ত্রৈলোক্যে দেখাব,—

শিব-দেবী মূঢ় যেই জন,

মম শক্তি নহে কদাচন—

রক্ষিতে সে ছুরাচারে ;

তিন লোক করিলে সহায়,

ত্রিপুরারি অরি যদি হয়,

কোন মতে রক্ষা নাহি তার !

ত্রিসংসার এ তত্ত্ব বুঝিবে,

পূজা দিবে মঙ্গল-আলয় শিবে,—

সৃষ্টি হবে মঙ্গল-আলয়।

যজ্ঞ ছারখার,

অমঙ্গল একত্রে সংহার,

অহংকার বিগলিত,

দক্ষ-যজ্ঞে মহা প্রয়োজন।

হবে মহামার ছারখার হিসংসার,—

শিব-দেবী প্রজাপতি।

ধ্বংস বিনা উন্নতি না হয় ;

চল, যজ্ঞে হই অধিষ্ঠান।

ব্রহ্মা। মম সৃষ্টি-ভার, পালন তোমার হরি।

বিষ্ণু। কার ভার পদ্মযোনি !

ভার যার—আসিতেছে সেই।

শুন, রথ-চক্র গভীর গরজে—

আসিছেন মহামায়া।

চল যজ্ঞ-স্থানে,

দেখিব নয়নে কি রূপ মায়ে'র আজি।

রাঙ্গা পদে রাঙ্গা জবা কিবা সাজে,

ভক্ত নন্দী দেছে উপহার ;

ভাণ্ডারের সার অলঙ্কার,

কুবের দিয়েছে স্বহস্তে সাজায়ে মায়ে ;

সফল জনম তার।

দেখিছ কৈলাসে,

আহা, কিবা রূপ ধ্যানাতীত !

মায়ে'র চরণ-তলে যাচিছ অভয়,

আশ্বাস দিলেন মাতা।

অভয়া না অভয় দানিলে,

শিবহীন যজ্ঞে হব কেমনে উদয় !

নাহি ভয়,

মায়ে'র রূপায় সকলই হইবে শুভ।

ব্রহ্মা। হবে যেবা জননার মনে।

আশ্বাসিত আছি আমি দৈববাণী শুনে।

তমু ত্যাগ করিবেন মাতা,

প্রেমে হবে সৃষ্টির বন্ধন।

বিষ্ণু। অকারণ শঙ্কা কিবা তব ?

[উভয়ের প্রস্থান।]

দ্বিতীয় গভাক

অন্তঃপুর

ভৃগু-পত্নী আসীনা, সতীর প্রবেশ।

ভৃগু-পত্নী। এস, এস—দেখ গো প্রহৃতি !

সতী তোর সেজে এল।

মরি, মরি, কিবা রূপ হেরি,

কে বলে গো ভিখারীর নারী !

কিবা অলঙ্কার

যেখানে বা সাজে, দিয়েছে জামাই তোর,—
রূপে করে দক্ষপুত্রী আলো !

(প্রহৃতির প্রবেশ)

প্রহৃতি। কই সতী, কই সতী মা আমার !

ও গো, স্বর্ণলতা কালি হ'য়ে গেছে,

বুঝি স্বপ্ন ফলে গো আমার !

ও মা, মা আমার !

ও মা, স্বপ্নে তোরে দেখিয়াছি কালি,

কালী হ'য়ে দাঁড়ালি মা এসে ;

স্বপ্নে সতী ছেড়ে গেছে মোরে,

ও মা, মায়ে'র কি ছেড়ে যাবি ?

আমি দুখিনী জননী তোর,

মা ব'লে কি রাখিবি গো মনে ?

শুনি চতুর্মুখ-মুখে,

শক্তিরূপ সনাতনী তুমি।

ও মা, তুমি যে হও সে হও,

দশ মাস ধ'রেছি জঠরে তোরে,

মার মনে দিস্ নে মা ব্যথা।

সতী। ও মা, আইছ মা নিমন্ত্রণ বিনা,

তাই ত গো হ'ল দেখা !

ওগো, সাধে কি হ'য়েছি কালি !

ও মা, দুহিতা তোমার,

পতি বিনা নাহি জানে আর ;

ত্রিসংসারে অপমান তাঁর,

শুনিছ নারদ-মুখে ;

ভেবে কালি হ'য়েছি জননি !

ও মা, অবিরোধী পতি মোর,

সংসার-বৈভব বিলায়ে সবারে,

পতি মোর হ'য়েছে ভিখারী,—

এই কি মা অপরাধ তাঁর ?

সমুদ্র-মস্থনে,

স্বধা সনে রতন উঠিল কত,

বাটি নিল দেবগণে মিলি,

দিগধর গরলের ভাঙ্গী।

পিতার আদেশে,

যার পানে পরাণ ধাইল—
 মালা দিচ্ছ তার গলে ।
 পত্নী হেতু দেবদেব হতমান,
 তবু তাহে তিল নাহি গণে ;
 কতু মোরে কুবচন নাহি কহে ।
 আশুতোষ, কতু নাহি রোষ ;
 ধিক্ প্রাণ, হেন পতি মানহীন !
 ও মা, ধরি পায়, করি গো মিনতি,—
 কহ গো জনকে মোর,
 তনয়ারে রাখিবারে পায়,
 যজ্ঞ ভাগ দিতে বল হরে ।

প্রসূতি । হায় সতি, অভাগিনী আমি !
 রাজা নাহি শুনবে বচন,
 বিরিকির বাক্য অবহেলে ;
 বধিবে আমায়, যদি কথা আনি মুখে ।
 ও মা, কি কব গো আর,
 মানা মোরে তব্ব নিতে তোঁর,
 নাহি মায়া নৃপতির মনে,
 কুবচন সহি কত ;
 কি কব গো বন্দী আমি পুরে,
 ও মা বড় অভাগিনী আমি ।

সতী । তবে আমি যাব পিতার সদনে ।

প্রসূতি । মানা করি যাস্নে গো সতি,
 তোরে হেরে দ্বিগুণ বাড়িবে ক্রোধ ;
 কত কটু কবে,
 নাহি সঙ্কে তোঁর—বড় অভিমানী তুই ।
 ও মা,
 মমতা ছেদিয়া শ্মশান ক'রেছে প্রাণ !

সতী । রূপাহীন মম প্রতি পিতা কতু নন ;
 শীর্ণকায় দেখিয়া আমায়—
 মায়া মনে হবে তাঁর ;
 কৈলাসে গো যাবে নিমজ্জন,
 পতি সনে মিটিবে বিবাদ ।

প্রসূতি । ও মা, একে আর হবে তায় ;
 ও গো বড় নিদারুণ,
 দ্বিগুণ জ্বলিবে ক্রোধ ।

সতী । কেন ভাব মা আমার,—
 বড় স্নেহ তাঁর,
 ভুলিতে মা, নারিবেন মোরে ;
 যাব যজ্ঞে, মানা নাহি কর ।

প্রসূতি । ওগো, বুঝেছি বুঝেছি—
 ভেঙ্গেছে কপাল মোর !
 বজ্রসম বাণী সবে না মা, তোঁর প্রাণে ;
 পতিপ্রাণা পতি-নিন্দা শুনি—
 অভাগীরে কীকি দিবি ।

সতী । মা গো,
 কি ফল এ ছার প্রাণ রাখি ?
 যাব যজ্ঞে—কহিব জনকে,
 ভিখারীরে করিতে বঞ্চনা
 কেন হেন আয়োজন ?
 ও মা, ভিখারিণী—যাইতে ত নাহি মানা ?
 ভিক্ষা মেগে লব যজ্ঞ-ভাগ,
 নহে মাতা পরাণ তাজ্জিব ;
 অলক্ষণা, স্বামীর কণ্টক আমি ।

প্রসূতি । ও মা, ও মা,
 আমি ত গো নহি অপরাধী,—
 কেন শেল দিয়ে যাবি বুকে ?

সতী । ও মা, কত্না আমি,
 নীতিবাণী হুধাই তোমায়,—
 যার তরে পতি লজ্জা পায়,
 প্রায়শ্চিত্ত কিবা তাঁর ?
 শুনেছি যজ্ঞের ফল প্রজার রক্ষণ ।
 প্রজাপতি পিতা মোর,
 প্রজা রক্ষা কেমনে গো হবে ?
 নারী যদি পতি-নিন্দা সবে,
 কার তরে গৃহী হবে নর ?
 প্রজাপতি-দুহিতা গো আমি,
 ও মা, পতি-নিন্দা কেন স'ব ?

প্রসূতি । ও মা, কীদিতে কীদিতে
 দিয়াছিছ বিদায় তোমারে,—
 কীদিতে গো বৃষ্টি পুনঃ দেখা !
 সতি !

চানবুখে আর কি রে মা ব'লে ডাকিবি ?

সুধা পেলে খেয়ে কি আসিবি —

অঞ্চল ধরিবি মোর ?

ও মা, প্রসবিত্ব যে দিন তোমারে,

সেই দিন হ'তে দিন দিন পড়ে মনে !

কি হবে গো—

কি হবে গো, মা আমার !

সতী । বাধা মোরে দিও না, জননি,

পতি-ভক্তি শিখাও মা মোরে,

কে শিখাবে তুমি না শিখালে ?

দে মা, বিদায় আমায় ।

প্রসূতি । সতি সতি, মা আমার !

ও মা, তোরে কি ব'লে বিদায় দিব ?

যাবি যদি, জনমের মত—

মা ব'লে মা ডাক মোরে ।

সতী । মা, মা, যাই যজ্ঞে মা আমার !

[সতীর প্রশ্নান ।

প্রসূতি । বল গো কি হবে মোর ?

ভৃগু-পত্নী । বিধাতার মনে যা আছে, তা হবে রাগি,

কি হবে কাদিলে আর ?

হায় ! জঞ্জাল বাধিবে—

ব'লেছিল মূনি মোরে ।

চল গৃহে,

গবাক হইতে দেখি যজ্ঞে কিবা হয় ।

প্রসূতি । ও মা সতি,

মার প্রতি কেন মা নিদয়া তুই ?

[উভয়ের প্রশ্নান ।

তৃতীয় গর্ভাঙ্ক

যজ্ঞস্থল

ব্রহ্মা, বিষ্ণু ইত্যাদি দেবগণ, নারদ, দধীচি

ইত্যাদি ঋষিগণ ও দক্ষ উপস্থিত ।

দধীচি । রাজা !

হেন যজ্ঞ সমারোহ দেখি নাই কতু ।

হুলড হুলড স্বসাধ্য অসাধ্য যাহা,

আয়োজন হ'য়েছে সকলি ।

কিবা সভা, তিন লোক সমাগত,

কিন্তু কোথা পুরুষ-প্রধান ?

মহেশ্বরে কেন নাহি হেরি ?

শিব অধিকার—শিবের সংসার,

যজ্ঞভাগ তাঁর ;

বিশেষতঃ জামাতা তোমার,

অগ্রে তাঁর অধিষ্ঠান ;

কোথা উচ্চাসন দেবদেব হেতু ?

কেমনে বা যজ্ঞ আরম্ভবে—

সদাশিবে না পূজিলে আগে ?

কে যজ্ঞ রাখিবে,

যজ্ঞে নানা বিঘ্ন হয় প্রজাপতি !

দক্ষ । হের মূনি, যজ্ঞেশ্বর হরি

আপনি উদয় হেথা যজ্ঞ-রক্ষা হেতু ।

ভ্রান্তি তব ঘূচে নাই মনে,

শিব-অধিকার কিবা ?

আছে ভূতগণ, আছে বৃদ্ধ বৃষ,

এই ত সঞ্চল তার ?

সুধাই তোমায়,—

‘শিব’ নাম কে দিয়েছে তার ?

অমঙ্গল কেতু সে ভাঙড,—

মৃত্যু হ'তে অমঙ্গল কিবা ?

লয়-কর্তা, অনাচার সৃষ্টি তার ।

দেবদেব নাম,—

ভ্রান্ত জীব না করে বিচার,

স্বেচ্ছাচার দৃষ্টান্তে তাহার,

কালগ্রাসে পশে অত্যাচার,—

এই হেতু লয়-কর্তা দেবদেব হর ।

শুন মূনি, যজ্ঞের যে প্রয়োজন,—

মহাদেব—ভিখারী ভাঙড,

হেন সংস্কার—

ত্রিসংসারে আর না রাখিবে ;

নিষ্ঠাচারে মানব স্থাপিব ভবে ।

মৃত্যু হেতু ভয়,

তাই জীব সংসারে না রয় ;
মৃত্যু-ভয় করিব খণ্ডন,
স্বেচ্ছাচার করিব দমন,
পিশাচ না পূজা পাবে ।
শুন মুনি, জ্ঞানহীন তুমি,
ক্মিলাম অপরাধ,—
শিব-নাম মুখে নাহি আন আর ।
শিব-নাম যে আনিবে মুখে,
প্রেরণ করে স্থান তার ।

দ্বীচি । শিব ! শিব ! শিব !
এ কি ! ত্রিসংসার শিব-নিন্দা শোনে
বুঝি প্রলয় নিকট আসি ।
শিব ! শিব ! শিব !
শিব-নাম না আনিব মুখে ?
প্রজাপতি, শিবের প্রসাদে,
কোটি প্রজাপতি নাহি গণি,
শিব-নাম করি উচ্চৈঃস্বরে,
নিবার হে মহারাজ !
কিবা শক্তি ধর দক্ষরাজ,
শিব-নাম লইতে নিষেধ কর ?

দক্ষ । শক্তি মম এখনি বুঝিবে ;—
কে আছে রে, দণ্ড দেহ ভুরাচারে ।

(রক্ষীর প্রবেশ)

দ্বীচি । এই মাত্র শক্তি তব ?
খণ্ড খণ্ড কর তব মোর,
দেখ রাজা,
শিব-নাম আনি বা না আনি মুখে ।
শিব ! শিব ! শিব !
দেহ আদেশ রক্ষকে,
কিবা দণ্ড দিবে মোরে ।

দক্ষ । বহিষ্কৃত কর এ ব্রাহ্মণে ।

দ্বীচি । রক্ষিগণে কেন কষ্ট দিবে ?
শিব-হীন যজ্ঞ কে রাহিবে ?
বধা শিব-অপমান
তাজে স্থান সাধুজন ।

কিন্তু শুন হিতবানী,
বহু যজ্ঞে করিয়াছ আয়োজন ;
মহাকাব্য প্রজার স্থাপন,
অগ্রে কর শিব পূজা ।
নহে যদি চন্দ্র-সূর্য্য নড়ে,
সাগরে না রহে নীর,
জেন স্থির, যজ্ঞ তব যাবে রসাতল ।
অনাদি সে পুরুষপ্রবর,
শক্তি যার প্রেমে বাধা,
বাদ নাহি কর তাঁর সনে ।

দক্ষ । রক্ষি, ব্রাহ্মণে কর রে দূর ।

দ্বীচি । দূর কর মোরে,
তবু কহি—কর শিব-পূজা ;
যজ্ঞ করি নাহি আন অমঙ্গল ।
শিব ! শিব ! শিব !
দিগম্বর ! করহ মার্জনা,
তব নিন্দা শুনিছ এ পাপ কাণে ।
শুন শুন, যজ্ঞে যে বা আছে উপস্থিত,
কদাচিত্ না রহ এ স্থানে ।
যাও পলাইয়ে,
নহে—রক্ত-রোষে না পাবে নিস্তার ।

[দ্বীচির প্রস্থান ।

দক্ষ । আদেশ' হে, সভাস্থিতগণে,
যজ্ঞারম্ভ করি আমি ।
যদি কেহ থাকে এ সভায়,
শিব-নিন্দা ফোটে যার গায়,
সভা ত্যজি যাইতে উচিত তার ;
কিন্তু কেহ নাহি কর' ভয়,
কি করিতে পারে সে ভাঙড় !
আছে সংস্কার,
মহাক্ষত্র ভূতের প্রধান,—
ব্রাহ্মি মাত্র তাহা ।
ভিক্ষা যার জীবন-উপায়,
কি সম্ভব তার হ'তে !
দ্বারে যদি আসে সে ভিক্ষুক,
দ্বারপাল করিবে বিদায় ।

যজ্ঞে বসি, আদেশ' হে হরি,

আদেশ' বিধাতা !

(সতী ও তৎপশ্চাত্ত নন্দীর প্রবেশ)

সতী । পিতা,

ভিখারিণী প্রণমে তোমার পায় ।

দক্ষ । সত্য বিদ্য !—

ওরে, আছে কি রে পতি-অনুগতি তোর

পিতারে প্রণাম দিতে ?

কালামুখি, কেন এলি পোড়াহিতে মুখ ?

সতী । পিতা !—

চিরদিন পতি মোর শিখান সুনীতি,

জগৎ-গুরু মহাদেব ।

পিতা, কত্না আসে পিতার সদনে,

কালামুখ তাহে কিবা ?

দক্ষ । কত্না তুমি নহে আর মম ।

ছিল দিন, কত্না ব'লে ভাকিতাম তোরে ;

কিন্তু নীচ-কচি, নীচ তুই,—

পিশাচিনী এবে ।

কি আশ্পর্শা তোর,

সম্মুখে আমার, কহ জগৎ-গুরু শিব !

যা তুই—হেথা তোর নাহি স্থান ।

সতী । পিতা, শিব গুরু শতবার ক'ব ।

তুমি প্রজাপতি—

সুনীতি শিখাবে ভবে,

পিতা হ'য়ে পতি-নিন্দা শিখায়ো না মোরে ।

পিতা, আমি অপরাধী,

আমি বরিয়াছি হরে,—

দণ্ড দেহ—যেবা তব মনে লয়,

কিন্তু কেন হরে কর অপমান ?

দক্ষ । অপমান—মান আছে যার !

ভিখারীর মান কি রে ভিখারিণী ?

আরে আরে, কুলের কণ্টক তুই,

পৈশাচিক কুটুম্বিতা তোর হেতু ।

মান-অপমান-কথা কি তুই জানিবি !

যেই অনাচারী দমিবারে

যত্ন করি চির দিন,

ঠেলিয়াছি ব্রহ্মার বচন,—

তারে তুই স্বয়ংরে মালা দিলি ।

কত্না ব'লে পরিচয় দিস্ পুনঃ ?

সেই দিন মমতা ছেদেছি,

যেই দিন কালি দিলি মুখে ।

নাহিক সম্ভব—মৃত্যুঞ্জয় সে ভাঙড়,—

যদি কতু বৈধব্য ঘটে রে তোর,

অম-পানি দিব তোরে,—

ততদিন না আস সম্মুখে ।

সতী । পিতা, পিতা, কুবচন কহ মোরে,—

নাহি নিন্দ' হরে ।

শিব-নিন্দা শুনি মরি প্রাণে,

ধরি গো চরণে, শিব-নিন্দা নাহি কর ।

নন্দী । মা, মা !—

ফিরে চল্ চল্ গো কৈলাসে ।

বাবা মোরে ব'লে দেছে ;

ও মা, আর না সহিতে পারি,

শিব-আজ্ঞা যাব ভুলে ।

সতী । নন্দি, কোন্ মুখে ফিরিব কৈলাসে ?

আসিবার কালে নিষেধ করিল হর ;

মানা না মানিছ,

বড়মুখে আইলাম পিত্রালয়ে ।

ছিল সাধ, মিটাব বিবাদ,—

বিবাদ না মিটিবে রে কতু

যতদিন রবে অভাগিনী ।

যা রে নন্দি, ফিরে যা কৈলাসে,

কহিস্ মহেশে,

জয়লাভ অপমান হেতু তাঁর ।

ছার প্রাণ আর না রাখিব,

পোড়া মুখ আর না দেখাব,

ছাড়িব এ পাপদেহ ।

নিবেদন কর রে চরণে,

বংশ-অভিমানে কত তাঁরে কহিয়াছি কেঁটু ;

আমি নারী,

মহিমা কি বুঝিবারে পারি ;

দেবদেব !

নিজ গুণে ক্ষমিবেন অপরাধ ।

বলিস্ ভোলায়ে,

ক'হু যেন মনে করে মোরে ।

অজ্ঞান অবোধ,

সেবা তাঁর করিতে নারিহু ;

ছিল বহু সাধ,

সে সাধ রহিল মনে ।

যদি পাংগল আমার,

আমা বিনা হয় উচাটন,

ক'রো রে যতন,

ভিতারীর কেহ নাহি ব্রিসংসারে ।

দিগম্বর, ক্ষমা কর অধীনীরে ;

এ অস্ত্রমে হৃদপদ্মে দেহ আসি দেখা,—

ভোলা, ভোলা, কোথা তুমি এ সময় !

(তনু তাপ)

নন্দী । ও মা, মা, কি বলিস,

কি হ'ল, কি হ'ল !

ওঠ মা, ওঠ মা,

শূন্য রথ ল'য়ে কি ব'লে কৈলাসে যাব—

শঙ্করে কি কব ?

ও মা, নিয়ে যেতে ব'লেছিল বাবা মোরে !

ওঠ গো জননি,

শূলপাণি অধীর হ'বে গো তোর তরে !

ও মা, নন্দী কাঁদে তোর—

আদর কর মা তারে !

হায় হায়, শত পিক্ প্রাণে,

দেখিহু নয়নে ভগবতী পরাণ ত্যজিল !

কি হ'ল, কি হ'ল,

কোথা গেল মা আমার !

ক'রে অভিমান, ভাসায়ে বয়ান,

কার কাছে দাঁড়াব গো আর !

অভাজনে মা বিনে কে রাখিবে গো পায় !

ও মা কৃপাময়ি,

কেন আজি হ'লি গো নির্ভর ?

ডাকে নন্দী তোর,—দে না মা উত্তর,

কাতর কিঙ্কর মা গো !

কাপে প্রাণ ত্রাসে,

কোন মুখে যাইব কৈলাসে,

কি ব'লে গো বুঝাব বাবারে ?

দক্ষালয়ে ত্যজিয়াছ প্রাণ,

কোন প্রাণে কব মাত',

ও গো, হর মোরে করে ধ'রে ক'য়েছিল,—

ফিরে এনে দিতে তার সতী ।

আমি মূঢ়মতি,

প্রভু-আজ্ঞা নারিহু পালিতে !

আশুতোষ করিবেন রোষ,

কোলে ক'রে লুকাইবি আয় !

চল্ মা গো চল,

হবে গো চঞ্চল পাংগল তোমার ভোলা !

আয় মাগো আয়, বুঝাইবি তায়,

ও মা, কোথা যাব—

মা গেছে গো চ'লে !

দক্ষ । মূঢ় প্রেত, নহে প্রেত-ভূমি,

নিবার' চীৎকার তোর ।

নন্দী । মূঢ় দক্ষ, কি কহিব বাবার নিষেধ ।

নহে শূল করে র'য়েছি দাঁড়ায়ে,—

শিব-নিন্দা করিলি পামর !

নহে মা আমার ত্যজিয়াছে তনু,

তবু তুই এখন' জীবিত !

নহে কিরে নহে কি অধম,

যজ্ঞ-ধুম উঠিত রে তোর ?

শিব-হীন সভা কিরে এখন' রহিত ?

ফাটে প্রাণ—বাবার নিষেধ,

মা ত্যজেছে প্রাণ,

আছি রে—আছি রে দক্ষ—দিতে প্রতিফল !

নহে—

আত্মহত্যা বিনা মম প্রায়শ্চিত্ত কি বা !

ধিক্ আমি অধম কিঙ্কর,

শৈব হ'য়ে হেরিলাম শিবহীন সভা ।

শোন দক্ষ, নাহি তোর ত্রাণ ।

[নন্দীর প্রস্থান ।

দক্ষ । রক্ষি, বধ ওরে ।

রক্ষী। প্রভু, কোথা আর ?

শূল-ভরে গেছে চ'লে যোজনেক পথ ;

শূল রথ আপনি' ফিরিল।

দক্ষ। ভাল হ'ল মিটিল জঙ্গাল ;

সতী গেল ঘুটিল প্রাণের ব্যথা।

ছিল কথা—মমতায় তার,

এত দিন ক্ষমেছি শিবেরে,

আর ক্ষমা নাহি মোর !

আগে যজ্ঞ করি সমাধান,

কৈলাস ডুবাব ল'য়ে সাগর-সলিলে।

সতী ম'লো, পুনঃ মুখ হইল উজ্জল,—

না কহিবে শিবের শঙ্কর।

ওহো ! কথা হেতু এ হেন যজ্ঞণা,

অপমান পদে পদে।

(সতীর প্রতি দৃষ্টিপাত করিয়া)

অন্ন নাহি ভাঙড়ের ঘরে,

না খেয়ে হ'য়েছে কালি।

কে দিল এ অলঙ্কার ?

ভিক্ষা ত্যজি—

চুরি বুঝি শিখেছে ভাঙড়।

ধন্য তব যোগাযোগ বিধি !

কিন্তু আর কথা নাই,

নবীন জামাই এনে তুমি দিবে দাতা ;

দেখি এবে যজ্ঞ পূর্ণ হয় বা না হয়।

ব্রহ্মা। দেখ হরি,

থর থরি কাঁপে তিন পুরী,

মহাধুম গগনমণ্ডলে,

ধিকি ধিকি বহি-জিহ্বা জ্বলে,

হেন ধুম প্রলয়ে না হয় কভু !

খসে বুঝি বিশ্বের বক্ষন, টলে ত্রিভুবন,

কোথায় পলাব, কোথা স্থান পাব,

এ প্রলয়ে সকলি কি হবে নাশ ?

বিষ্ণু। ওন ব্রহ্মা, কি বুঝিব শক্তির মহিমা !

কহি ওন,

যে কথা শুনেছি আমি অভয়ার মুখে ;—

নন্দী যবে মৃত্যু-কথা কবে,

ক্রোধে রুদ্র ছিড়িবে আপন জটা,

মহাবীর জন্মিবে তাহার,

মহাকায, পূর্ণ মহারুদ্র তেজে,

শূল করে ত্রিসংসার পারে বিধিবারে ;

সমরে শঙ্কর তারে দিবেন আরতি।

বুঝি জন্মিল, সে ভৈরব মুরতি ;

সাবধানে দেব-সেনা হও স্তম্ভিত,

আসে রণে কৈলাসীয় চমু,

প্রাণপণে যুঝিব সকলে মিলি ;

কোনমতে যজ্ঞ-বিঘ্ন না দিব করিতে।

(বেগে নারদের প্রবেশ)

নারদ। হরি, রক্ষা কর, মজে ত্রিসংসার !

নন্দীর পশ্চাতে গেলাম কৈলাসপুরে,

নন্দী দিল পরিচয় ;—

কাঁপিছে অন্তর মোর,

অকস্মাৎ কি দেখিছ !—

উদ্ধ জটা, ভালে বহি উঠিল গর্জিয়া !

শশিখণ্ড—রবি-জ্যোতিঃ ধরে,

ত্রিনয়নে কোটি রবি ধরে,

গর্জে ফণী বাসুকীর আস ;

জটা ছিঁড়ি ফেলিল মহেশ !—

কি কহিব, কহিতে অবশ জিহ্বা,

জটাতুট শিরে, শূল করে উঠিল পুরুষ !

ভীমকায় কহিল মহেশে,—

“কি আদেশ, তাত্ত, মোরে ?

দিক-হস্তী এখনি বধিব, সাগর শুবিব,

চন্দ্র-স্বর্ষ চিবাইব দাঁতে।

আজ্ঞা মোরে দেহ শূলপাণি,

খণ্ড খণ্ড করিব মেদিনী,

স্বর্গ ‘পরে রাসাতল খোব,

চাহ যদি স্বর্গ উপাড়িবা।”

দক্ষযজ্ঞ-নাশ হেতু—কহিল শঙ্কর তারে।

নন্দী শিঙ্গা বাজাইল বোর,

সাজিল সত্ত্ব ভূতানা অগণন,

মুক্তকেশ—শূল করে নৃত্য করে সব।

কহ প্রভু, কি উপায় হবে,
সকলই মজিবে।
বিষ্ণু। সাজ সেনা, সমুখীন অরি;
চল আশুবাড়ি দিব রণ,
যজ্ঞ-বিঘ্ন নাহি ঘটে।

কৈলাসায় মহাচমু।
বিষ্ণু যুঝ বীরভজ্ঞ সনে,
শূল-চক্র-মিলিত-গর্জনে—
বিদারিত ব্যোমদেশ!

[দ্বিতীয় দূতের প্রস্থান।]

[ব্রহ্মা ও বিষ্ণুর প্রস্থান। নেপথ্যে। হর! হর! হর!]

দক্ষ। কে যুঝিবে বিষ্ণুর সহিত?
কিন্তু রণে চক্র যদি পায় পরাজয়,
যজ্ঞ হ'তে সেনা পুনঃ করিব সৃজন,
শিব-সেনা ভূতদানা কি করিবে?
বৃদ্ধ শিব—কত বল তার?

নেপথ্যে। হর! হর! হর!

দক্ষ। শুনি ভীষণ হুকার!

[প্রথম দূতের প্রবেশ]

১ম দূত। মহারাজ, প্রাণ যদি চাও,
পালাও—পালাও, এল এল এল সবে।
ব্রহ্মদৈত্য ভৈরব বেতাগ,
ভূত প্রেত দৈত্য দানা—
না হয় গণনা, আসিতেছে রণে কত।
বিকট বদন, রণোন্মাদে করিছে গর্জন,
জনে জনে সাক্ষাৎ শমন রাজা!
মহাতেজা বীর একজন,
পদ-ভরে কাঁপে ত্রিভুবন,
শূল করে মুহু মুহু হাসে,
বায়ুবেগে আসে—
দেব-সেনা আক্রমণে।

দক্ষ। কে আছে রে, বধ লাগে ভীক দূতে;
আন কেহ সংগ্রাম-বারতা।

[প্রথম দূতের প্রস্থান।]

নেপথ্যে। হর! হর! হর!

[দ্বিতীয় দূতের প্রবেশ]

২য় দূত। প্রভু, তুমুল সংগ্রাম,—
অবিরাম বরিষার জল,
অস্ত্র ঝরে, উজ্জল প্রভায় দিশা।
প্রাণপণে—দেব-সেনাগণ করিছে বারণ

(তৃতীয় দূতের প্রবেশ)

৩য় দূত। বিস্মূলিঙ্গ ফোটে, ব্রহ্মডিষ টোটে,
মহারুদ্ধ আগত সংগ্রামে।
বজ্র হেরি বিফল সংগ্রামে,
পলায়েছে পুরন্দর।
ত্রিযমাণ পাশ রণে,
দণ্ড-করে ফিরেছে শমন;
ধনুহীন পবন পলায়;
কুদ্রকায় মহাবলি ছোটে,
একা হরি রণমাঝে!

[তৃতীয় দূতের প্রস্থান।]

নেপথ্যে। হর! হর! হর!

(চতুর্থ দূতের প্রবেশ)

৪র্থ দূত। দেব, পলাও সম্বর,
চক্রধর ত্যাগেছেন রণ!
অভূত কাহিনী, অকস্মাৎ হ'ল দৈববাণী,—
“ফের চক্রপাণি,
মহাশক্তি হরের সহায়;
অস্ত্র শক্তি লয় হবে সেই মহাতেজে।”
রণে পৃষ্ঠ দিয়াছেন হৃষীকেশ।

দক্ষ। মহামন্ত্রে বজ্রাহতি করহ প্রদান,
সেনা সৃষ্টি কর অগণন।

[যজ্ঞে অহতি প্রদান]

নেপথ্যে। হর! হর! হর!

(ভূতদলের প্রবেশ ও যজ্ঞনাশ)

নন্দী। যেই মুখে শিবনিন্দা করিলি বর্ষক,
নিজ যজ্ঞে সেই মুণ্ড দেহ রে আহতি।
সকলে। এই দক্ষ—এই দক্ষ—

[দক্ষকে লক্ষ্য করিয়া সকলের প্রস্থান।]

(মহাদেবের প্রবেশ)

মহাদেব। কে—রে, দে—রে, সতী দে আমার !

সতি, সতি, কোথা সতি !

প্রাণেশ্বর, এস রে হৃদয়ে !

ছি ছি, ভুলাইয়ে কেন রে করিলি গৃহী ?

কোথা গেলে, কি দোষে ত্যজিলে,

প্রাণপ্রিয়ে, কেন কর অভিমান ?

শত দোষ করিলে না কহ কথা !

আজি বিনা অপরাধে,

ধরণী-শয়নে কি হেতু গুয়েছ রোষে ?

দেহ রে উত্তর,

ওরে, প্রাণে না সহ আমার

ত্রিসংসার হেরি অন্ধকার,

অন্তরের সার তুই সতী !

আহা, মোর নিন্দা শুনে—

সতী ম'লো প্রাণে,

ওহো অযতনে কতই কৈদেছে !

ওহো, সতী প্রাণ দেছে,

মহেশের মৃত্যু নাই !

আয় সতি, আয় রে হৃদয়ে,

আর প্রিয়ে ছাড়িতে নারিবি মোরে !

আরে রে দুখিনী, আরে অভাগিনী,

ভিখারীকে কেন রে বরিলি,

কেন ওরে পাগলে মজালি ?

নেচে গেয়ে ভ্রমিতাম ভূত-সনে ।

সতি, প্রাণে সহ না রে আর,

কহ কথা, কহ একবার,

অধরে রে বারেক নিরখি হাসি ।

ও রে, হ'য়েছি কাতর, দেহ রে উত্তর,

নিষ্ঠুর নহ ত তুমি !

ফিরে আর যাব না কৈলাসে,

অজ্ঞাবধি কাল যথা নাহি পশে,

বিশ্ব-অন্তে বসিব বিরলে ;

নয়নের জলে—

নিভ্য যোব বদন তোমার !

ডাক একবার, ভোলারে ভোলারে সতি,
আহা, সতী মরে ভাঙড়ের তরে ।

(সতী-দেহ লইয়া গমনোচ্ছ)

(প্রস্থতি ও তপস্বিনীর প্রবেশ)

প্রস্থতি । কোথা যাও, ফিরে চাও আশুতোষ,

অভাগিনী ডাকিছে তোমায় !

হের, হর, করুণানয়নে—

দীন জনে চির রূপা তব ।

আমি দীনা, পতি বহ্না-হীনা,

পশুপতি, আশ্রিতা তোমার ।

হই যদি সতী, পশুপতি-পদে মাগি পতি,

দুখিনীকে ক'র না বধনা । ”

সদাশিব নাম,

অবলায় হ'ও না হে বাম,

অকলঙ্ক নাম তব রূপাময় ;

করুণায় অবলায় রাখ পায় ।

জানি প্রভু, পতি মম দোষী,

ওহে প্রেমময় পরম সন্ন্যাসী,

তব আমি দাসী তাঁর ।

সতী-পতি, পতি দেহ মোরে,

সতীর জননী যাচে ।

তুমি প্রভু জগতের পতি,

কুমতি স্তমতি সকলই হে সনাতন !

দক্ষ কেবা নিন্দিবে তোমায় ?

তোমার ইচ্ছায় শিব-দেবী হ'ল পতি ।

ওহে অগতির গতি,

কর দয়া পতিহীনা জনে ।

ভোলা দিগম্বর, তুষ্ট হও হর !

দেখ হে অন্তর—অন্তর্যামী ভগবান্—

মার প্রাণে কি আঘাত দেছে সতী ।

তাহে পতিহীনা, কর হে করুণা,

শিবময় করুণা-আধার !

তপস্বিনী । বিশ্বপত্র দেহ রাক্ষা পায় ।

(প্রস্থতির মহাদেবের পদে বিশ্বপত্র প্রদান)

মহাদেব । কে—রে, বর নে রে, যাব রে সত্বর,

সতী নাই, রব না সংসারে আর ।

(প্রস্থিতিকে দেখিয়া)

পতি তব পাবে প্রাণ,

কিন্তু মুণ্ড তার পুড়েছে অনলে,

অজ-মুণ্ড করিবে ধারণ ।

যজ্ঞ পূর্ণ হবে,

মম ভাগ দিতে ব'ল বিবস্মলে ।

সতি, সতি, চল যাই ;

বিশ্বকার্য্যে আর না রহিব,

সতি, সতি, চাহ রে বদন তুলে ।

[সতীদেহ লইয়া মহাদেবের প্রস্থান ।

প্রস্থিতি । ওগো তপস্বিনি, আমি অভাগিনী,

এ চন্দ্রশা হ'ল গো স্বামী !

আহা, সতী কোথা ছেড়ে গেল মোরে ?

কোথা মা আমার,

মা ব'লে গো ডাক একবার !

ও মা, লীলা হেতু তুই জন্মেছিলি ;

অভাগীয়ে কেন রে কাঁদালি—

চ'লে গেলি কেন মা আমার !

শুন তপস্বিনি,

সাধমাত্র রাজারে দেখিব,

গৃহে নাহি রব, চ'লে যাব,

সতীরে করিব ধ্যান ।

আহা, জন্ম ল'য়ে অভাগী ত'ঠরে,

কেঁদেছে রে চিরদিন ।

ছিল গো কৈলাসে,

কভু তার তত্ত্ব না করিহু !

প্রাণ দিতে কেন সতী এলো !

দেখি বা না দেখি গো নয়নে,

শুনিভাম কাণে,

সতী মোর বেঁচে আছে ;

ওগো, চাঁদমুখ কেমনে তুলিব !

তপস্বিনী । শুন রাণি, নহ তুমি সামান্য রমণী,

অভাগিনী নহ কতু ।

তুমি ভাগ্যধরী,—

তাই গর্তে জন্মিলা শরুরী ।

অন্তে পুনঃ সতীরে পাইবে,

সতী সনে চিরদিন রবে

বাঁধা সতী প্রেমে তোর ;

মন-সাধ মিটিবে তোমার ।

নিত্য ঘুমাইলে—

সতী 'দাসি মা ব'লে ডাকিবে ;

যাও রাণি, মিথ্যা নহে বাণী ।

[প্রস্থতির প্রস্থান

তপস্বিনী । ও মা, ও মা, কত দিন আর—

কার্য্যে বাঁধা রাখিবি মা কত দিন ?

দেখা দে মা,

ব'লে যা গো, প্রাণ নাহি বোঝে ।

(সতী-ছায়ার আবির্ভাব)

সতী-ছায়া । বাই হিমালয়,

যতদিন শিব-সনে না হয় মিলন,

ভ্রম তুমি শিব-গুণ করি গান,—

শিব-ধামে ল'য়ে যাব পরে ।

শোন্ পদ্মা, রাখিস্ রে মনে,

প্রস্থতি-সদনে—

নিত্য আসি 'মা' ব'লে ডাকিবি

মাম্মা-ঘোরে মেনকা জঠরে

রব আমি যতদিন,

শিব-সনে বিচ্ছেদ আমার ।

নাহিক আধার কেমনে আসিব ;

কার্য্যহীন প্রকৃতি পুরুষ বিনা ।

জ্ঞান-চক্ষু ফুটেছে তোমার,

বিকাশ তাহার,

এখনো র'য়েছে বাকী,

সখীভাব শিখিবি রে শিব-গুণ-গানে ।

সীতার বিবাহ

(পৌরাণিক নাটক)

[২৮শে ফাল্গুন, ১২৮৮ সাল, ত্রাসান্যাল থিয়েটারে প্রথম অভিনীত]

নাট্যোল্লিখিত ব্যক্তিগণ

| | | | |
|--|-----|------------------|---|
| দশরথ | ... | পুরুষগণ | পুরোহিত, নটবেশী চন্দ্র, সভাসদগণ, দেবগণ, ব্রাহ্মণগণ, |
| সুমন্ত্র | ... | অসৌম্যাদিপতি । | দূতগণ, নাপিত, কার্তিরয়াদ্বয়, নাবিক, ভট্টগণ, সৈন্যগণ, |
| জনক | ... | ঐ মন্ত্রী । | প্রমথগণ, ভূত্যগণ, নিমন্ত্রণভোজী পুরুষগণ ও বালকগণ, |
| পরশুরাম | ... | নিখিলাধিপতি । | পুরবাসিগণ, পণ্ডিতগণ ও তংশিষ্যগণ দশরথের সহচরগণ, |
| বশিষ্ঠ | ... | ৬ষ্ঠ অবতার । | ইত্যাদি । |
| বিষ্ণুমিত্র | ... | দশরথ-পুরোহিত । | |
| রাম, লক্ষ্মণ, | } | মুনি । | স্ত্রীগণ |
| ভরত ও শত্রুঘ্ন | | দশরথের পুত্রগণ । | রানী ... জনক-পত্নী । |
| রাবণ | ... | লক্ষ্মাধিপতি । | সীতা ... জনক-কন্যা । |
| কালনেমি | ... | ঐ মাতুল । | অহল্যা, রতি, নটী, লক্ষ্মী, নাবিকের স্ত্রী, গ্রাম্য |
| মহাদেব, ব্রহ্মা, ইন্দ্র, দক্ষসুতরী, অশ্বরগণ, রাজাগণ, | | | রমণীগণ, দাসী, কৌশল্যাব্রাহ্মণী, পুরোহিত-পত্নী, পুরস্কীগণ, |
| | | | নিমন্ত্রণভোজী স্ত্রীগণ ও বালিকাগণ, বেদেনী, হিজড়াগণ |
| | | | ইত্যাদি । |

সূচনা

কৈলাস পর্বত

মহাদেব ও প্রমথগণ ।

(গীত)

পঞ্চম—তেওরা ।

মহাদেব ।—গাও গাও মিলি এসবখণ্ডল !

অলস সলস ঘন ঝড় ঘল বাঁদল গাও,

সবে মিলি গাও ;

বধবোঝ বধবোঝ গাল বাজাও,

নাচত বিরত পরমানন্দে,

পরমাশ্রুতি-গুণ কর ঘন কর্তন,

ত্রিগুণা হুন্দরী

বাসিন্দা কৈলাসেরে ঘরমালা করল হ

(ব্রহ্মা ও ইন্দ্রের প্রবেশ)

ব্রহ্মা । হের ত্রিপুরারি,

আনিছেন দেবরাজ পূজিতে হোমার,

কুপাময় কর কৃপা বিশ্বপতি,

ভীতজন-ভয়-হর নাম তব ;

কাতর বান্দব ছুজ্জয়-রাবণ-ব্রাসে ।

মহাদেব । জানি জানি ওহে পদ্মবোনি,

ব্রহ্ম সনা তন—

জন্মিলা আপনি অযোধ্যায়,

মিথিলায় গোলকবাসিনী রমা,

কিবা ভয় আর ?

(গীত)

বোলা ভোলা ভাবে ভোলা,

সাম নাহি বোলা ভোলা ।

শিখা ডমক বোলো স্বামি নাম,
শিরোগরে কুলু কুলু,
রাম নাম বোলো হৃৎধ্বনী গঙ্গা ;
পরম প্রেম-ধাম পূর্ণকাম নাম,
নীলকণ্ঠ বোলো প্রেমে বিভোলা,
আনন্দে বোলো আনন্দ মেলা ॥

প্রথম অঙ্ক

প্রথম গভীর

অযোধ্যা— রাজসভা

ব্রহ্মা । কহ হে পার্শ্বতী-নাথ,
দশান্ত্র নিপাত হইবে কেমনে,
ঘুটিবে দেবের ত্রাস ?
কুস্তিবাঁদ,
রক্ষ-বংশ-ধ্বংস হেতু করহ উপায় ।

(গীত)

ইমন-কল্যাণ— আঁপতাল ।
গাও গাও হবে জানকী-মিলন ।
চপল-তারণ হেয়ে,
ভক্তি মুক্তি পতি রাম রত্নপতি
পরমা-প্রকৃতি সতী জনকী বামে,
পুলক-আলোক নিরখ নিরখ ভবে,
ঘুটিল ত্রাস পীতবাস,
ভয়হারী ধনুধারী,
হরি হরি হরি নাম,
গাও জগ-জন-ভয়-ভঞ্জন ।

ব্রহ্মা । কেমনে হইবে দেব জানকী-মিলন,
কহ ভূতপতি ?
মহাদেব । রাম-সীতা অবিচ্ছেদ্য চিরদিন—
নহে অবিদিত তব বিধি !
জনক-সদনে আমি
শ্রেয়স ভার্গবে ধনু ল'য়ে,
ধনুর্ভঙ্গে হবে রাম-সীতার মিলন ।

দশরথ, স্নমন্ত, বিশ্বামিত্র ও সন্তাসদগণ ।

দশরথ । পূর্বে পুণ্য-ফলে—
লভিলাম ঋষি-দরশন অযোধ্যায় আজি !
ঋষিরাজ,
কহ কোন্ প্রয়োজন
সাধিবে তোমার দাদ ?
রঘুবংশ চিরদিন তব পদাশ্রিত ।
বিশ্বামিত্র । হে ভূপাল, ভাগ্যবান তুমি ধরাতলে,
পুণ্যবলে পাইয়াছ রাম হেন ধনে ।
বহুদিন যাগ-যজ্ঞহীন ঋষিগণে—
রাক্ষসের ডরে ;
রাক্ষস-নিধন-হেতু জন্মিলা শ্রীপতি
তব পুত্র-রূপে মহীতলে ।
তাড়কা-তাড়নে তাপিত ব্রাহ্মণকুল,
যজ্ঞ বিঘ্নকারী নিশাচরী
করে আসি শোণিত বর্ষণ
যজ্ঞ-ধুম হেরিলে গগনে ।
তেঁই যাচি নররাজ,
ছষ্টের দমন তুমি,
তব পুত্র ল'য়ে যেতে সাথে—
রাক্ষস-উৎপাতে রক্ষিবারে মুনীগণে ।
দশরথ । এ কি কথা কহ তপোধন !
কে করিবে রাক্ষস-নিধন ?
হৃৎপোষ্য বালক সন্তান মম,
দাসে দেব, কেন বিড়ম্বনা ?

বিশ্বামিত্র । শ্রীরামে বালক বলি না জান রাজন,
পূর্ণ সনাতন আঁধারি গোলকপুরী
অবতীর্ণ অবনী-মাঝারে
ঘুচাতে ধরার ভার ;

রাক্ষস-সংহার-হেতু অবতার রাম ।

যুগ্মহস্তে ত্রিভুবন-দ্রাস,

শ্রীনিবাস পুস্তকপে তব,

সদাশয় না মান বিষয় ;

দেহ মোরে শ্রীরাম লক্ষণ,—

করি যজ্ঞ সংপূরণ,

দিব আনি নৃপমণি সন্তান তোমার ।

দশরথ । হে তাপস !

কোন দোষে দোষী দাস ও পদ-রাজীব,

কি হেতু ছগনা প্রভু ?

কত্ব কি সম্ভবে,

রাক্ষস করিবে ভয় বালক শ্রীরাম ?

শুণধাম, দিতেছি হে চকুরঙ্গদল,

বলে ইন্দ্র-তুল্য জনে জনে,

অবহেলে পরাভিবে নিশাচরগণে ।

আপনি যাইব আমি চাহ যদি মুনীর !

বিশ্বামিত্র । অজ্ঞানতা—

কি হেতু তোমার আজি হেরি মহারাজ !

কি ছায় মিছার তব চকুরঙ্গদল,

কি করিবে রক্ষ:-রণে সবে ?

ভীষণা তাত্কা !

দেবগণ সহ ইন্দ্র কাপে যার ভরে,

না হবে শক্তি তব বিমুখিতে তারে ।

দশরথ । বাখানিলে আপনি হে রাক্ষসী-বিক্রম,

কেমনে সন্তানে শমনের মুখে দিব ডালি ?

পুত্র-শোকে মৃত্যু আছে ভালে মনি-শাপে—

দিন পূর্ণ হ'ল বুঝি তার ।

বিশ্বামিত্র । পুনঃ পুনঃ নাহি মান বচন আমার,

ছারথার করিব অযোধ্যাপুরী,

দেহ রাম, চাহ যদি রাজ্যের কল্যাণ ।

রাখিল সম্মান মম হরিশ্চন্দ্র রাজ্য

আপনি বিকালে মম পায় !

নাহি তুমি দানিতে সন্তানে

দেব-কার্য্য হেতু ।

দশরথ । মনিবর, কি আর কহিব,

দেব, লহ রাজ্যধন মম,

লহ প্রাণ যদি ইচ্ছা তব,

দরিদ্রের ধন মম রাম—

শয়নে স্বপনে অণেক না হেরি,

আপন পাসরি প্রভু,

তিলেক না রহি স্থির রাম-অদর্শনে;

কেমনে বাধিব প্রাণ পাঠায়ে দুর্গমে ?

হায় হায় ! বেন হে নিদয় মুনিরাজ,

কর হে করুণা বুঝি কাতর কিঙ্কর ।

বিশ্বামিত্র । রে বর্বর, উপহাস কর মোর সনে !

দশরথ । ক্ষম অপরাধ, ক্ষমিরাজ,

রামচন্দ্রে দিব দেব,

আতিথ্য স্বীকার আজি কর মম গুরে ।

বাড়িল রজনী,

কল্য দিব শ্রীরাম লক্ষণে ।

[বিশ্বামিত্রের প্রস্থান ।

দশরথ । উপায় কি, কহ মন্ত্রিগণ,

বিপরীত ঋষির ব্যাভার ;

মৃগ্য-বংশ-শনি মনি,

তাড়কা-নিধনে চাহে নায়ে যেতে রামে,

পুত্রশোকে মৃত্যু সত্য কপালে লিখন ।

হুমঙ্গ । রাজ্যের মঙ্গল নহে তাপস কথিলে ।

দশরথ । আছে যুক্তি তনু মন্ত্রিবর,

ভরতে অর্পিব আমি রাম-বিনিময়ে ।

হুমঙ্গ । কোন মতে কথা যদি হয় হে প্রকাশ,

সর্বনাশ হইবে তাহার ।

দশরথ । সর্বনাশ হবে রাম বিনা,

যা থাকে অদৃষ্টে রামে দিব না কখন ।

[সকলের প্রস্থান ।

(দুইজন ভৃত্যের প্রবেশ)

১ম ভৃত্য । ইয়া রে ভাই, এ ব্যাটা কি ছেলে-ধরা ?

২য় ভৃত্য । ওরে না রে না, ও একটা বামুন বরা !

১ম ভৃত্য । দাড়ি দেখেছিস যেন ষোপ,

২য় ভৃত্য । জটায় বেখেছে মাথায় টোপ ।

১ম ভৃত্য । ভেড়ের ভেড়ে বড়ই বাঁকড়া ।

২য় ভৃত্য । মেজাজ বড় কড়া,

ধারে করে তাড়া,

অমনি পালায় পগার পার,

এক ছুটে গাঁ ছাড়াই।

মৃত্যু। ওর নামটা কি ভাই জানিস্ ?

মৃত্যু। ওর নাম বেশা মিস্ত্রির।

মৃত্যু। ক'লে চিত্তির,

ব্যাটা কেন এল অযোধ্যায় ?

মৃত্যু। যেখানে যায় চোকরাতি দেয়,

আর যা পায় তা অমনি সাতায়।

মৃত্যু। আর রাখে কোথায়, ঐ ছেঁড়া কাঁধায় ?

মৃত্যু। কাজ নাই ভাই, স'রে যাই আয়,

যদি ফিরে এসে রাজসভায়,

রাজাকে না দেখতে পেয়ে যদি কিছু চায়।

মৃত্যু। সটকে পড়ি,—

কোন শাল ও ভেড়ের ভেড়ের ছাওটা মাড়ায়।

[প্রস্থান।

দ্বিতীয় গর্ভাঙ্ক

বনপথ

বিশ্বামিত্র, ভরত ও শকুন্তল।

বিশ্বামিত্র।

(গীত)

জয় পীতাম্বর মূরহর,

বনফুল ভূষণ—

মোহন রূপ-জন মধুর মুরলীধারী,

বক্সিস বনচরী !

বক্সিস শিখিপাখা,

নীলাঙ্গন ভুবনপাখন,

বামন মধুসূদন হে !

আছে দুই পথ যাইবারে তপোবনে,

তিন দিনে উত্তরিব এ পথে যাইলে,

তৃতীয় প্রহর মাত্র এ পথে গমনে ;

কিন্তু পথ বড়ই দুর্গম,

ভীষণ তাড়কা বসে কানন-মাঝাবে,

নর-ঘাতী—

নরমাংস-আশে ফিরে সদা বনে,

কহ কোন পথে করিবে পয়াণ ?

ভরত। তিন দিনে যাব ভাল ভাল,—

কি কাজ জগালে মুন,

কিবা কার্য রাক্ষসী ঘাঁটায়ে।

বিশ্বামিত্র। হরে মূবারে !—

এই কি সে ব্রহ্ম-সনাতন,

রাক্ষস-নিধন হেতু জনম বাহার ?

সত্য কহ কি নাম তোমার ?

ভরত। ভ—

ভরত। ভ— রাম মম নাম পিতা।

বিশ্বামিত্র। আ রে মাথা খেয়ে ভরতে আনিছ সাথে !

প্রতারণা কৈল দশরথ,—

অদঃপথ যাইবার গঠিয়াছে সেতু।

ভরত। সত্য মুন, ভর—না—রাম আমি।

বিশ্বামিত্র। ভ রাম ভ রাম ক'রে জালালে আমায়,

চল ফিরে চল।

ভরত। পারিব যাইতে—রোষ নাহি কর মুন,

ক্লুদ হইবেন পিতা আমি না যাইলে।

বিশ্বামিত্র। ভাল ফেরে পড়িলাম—

ভাবা গঙ্গারাম ভরতে আনিয়া সাথে,

চল ফিরে চল রে বালাই।

ভরত। দোহাই দোহাই মুন !—

ক্লুদ হইবেন পিতা ফিরে গেলে অযোধ্যায়।

বিশ্বামিত্র। থাক তবে বনপথে, ধ'রে থাকে বাঘে।

ভরত। ব্যাঘ্রে মম নাহি ডর,

যাইতে নারিব আমি পিতৃ-সন্নিধানে,

পিতৃ-আজ্ঞা হইবে লজ্জন ;

কি জানি যতপি তাহে রুত্ব হন পিতা।

[সকলের প্রস্থান।

তৃতীয় গভীর্ণ

রাজা দশরথের সভা

দশরথ, শ্রীরাম ও সভাসদগণ।

(দূতের প্রবেশ)

দূত। সর্কনাথ হ'ল মহারাজ,
রাজ্য হবে ছারখার—
নিতার নাহিক আর কার,
কোণে ফিরে আসিতেছে বিশ্বামিত্র মুনি,
ছোট্টে অগ্নি নয়নের কোণে,
সে অনলে মজিবে নগর।

দশরথ। অ্যা—কি বল—কি বল ?

শ্রীরাম। পিতা, লহ সমাচার,—
কি হেতু করেন কোপ মনিবর,
বিনা দোষে তাপস না রোষে কভু।
মিনতি করিয়া শাস্ত কর তপোধনে,
নহে ক্রোধাগুনে সকলি হইবে ক্ষয়।

দশরথ। বৎস !

অযোধ্যায় আইল মুনি লইতে তোমাখ
যজ্ঞরক্ষা হেতু বনে ;
ডরিষু সঙ্কটে বৎস পাঠাইতে তোমা,
শক্রস্ব-ভরতে প্রোরিষু তাঁর সাথে,
না জানি কে কাঁহল মুনিরে,
ক্রোধে তাই আইল সভাতলে।

শ্রীরাম। আমি শাস্ত করিব ঋষিরে।

(ভরত ও শক্রস্ব সহ বিশ্বামিত্রের প্রবেশ)

বিশ্বামিত্র। আরে দুরাচার সূ্যবংশাধম,
শমন কি ক'রেছে স্মরণ তোরে,
সেই হেতু দেব-কাষ্যে কর হেলা !

শ্রীরাম। দয়া কর ঋষিরাজ, অবোধ বালকে,
রাম নাম মম, ব্রাহ্মণের দাস আমি,
কহ দেব, কি কৰ্ম সাধিব তব,
ক্রোধ করি বধো না আপন দাসে,
দেব-কাষ্যে দানিব এ দেহ—
মৃত্যু মানস মম ;

জনম সফল মানিব হে তপোধন,
যদি দেব-প্রয়োজন
কোনমতে পারি সাধিবারে।

বিশ্বামিত্র। নবদুর্কাদলশ্রামল কলেবর,
গোলক-আলোক বাগক-বেশ !
মহেশ বাহিতারমেশ সুন্দর,
কেশব নটবর, করুণা বুকু হৃষীকেশ !
ভীষণা তাড়কা-তাপে তাপিত কানন,
দীননাথ, যজ্ঞহীন ব্রাহ্মণমণ্ডলী ;
যজ্ঞবিন্য়কারী নিশাচরী,
তেই আসিয়াছি লইতে আশ্রয়,
ভীত-জন-আশ্রয় হে তুমি,
রক্ষঃ-ব্রাসে রক্ষ শ্রীনিবাস !

শ্রীরাম। তব কার্য অবশ্য সাধিব, হে ব্রাহ্মণ,
মতি গতি চিরদিন ব্রাহ্মণ-চরণে,
পাইলে হে তব আশীর্বাদ,
অবাধে জিনিতে পারি এ তিন ভুবন।
পিতা, এ বংশে মূনির বড় শ্রীতি,
তাপসে করুন পূজা।

দশরথ। অজ্ঞানের ক্ষম অপরাধ।

বিশ্বামিত্র। চিন্তা দূর কর মহারাজ,
করি অঙ্গীকার,
নির্কিঙ্কে আনিয়া দিব শ্রীরাম-লক্ষণে।
বড় ভাগ্য তব মহীপাল,
ভগবান্ আপনি সন্তান তব,
মায়ায় না চেন সনাতনে,
অকারণে কেন কর অনিষ্ট-ভাবনা,
জান না শ্রীরামে তুমি।

শ্রীরাম। পিতা,
দেবকাষ্যে উৎসাহী যে জন,
অশুভ ঘটন কভু নাহি হয় তার।
যে ব্রাহ্মণে শুষিল সাগর,
কিবা ভর তার—
যেই ব্রাহ্মণ-আশ্রিত !
অগ্রমিত বিক্রম ভুবনে
ব্রাহ্মণে যে করে সেবা,

যার বরে পিতৃদেব ভগীরথ মহাশয়
আনিলেন গঙ্গা মহীতলে ।
দেহ অমুমতি,
যাব আমি যজ্ঞ-রক্ষা হেতু ।

লক্ষণ । মূনিবর,
প্রেরিতে শ্রীরামে কাতর জনক মম,
যদি হয় অমুমতি তব,
যাই আমি যজ্ঞ-স্থানে,
এক বাণে বধিব রাক্ষসী যজ্ঞবিঘ্নকারী ।

বিশ্বামিত্র । উভয়ে লইব সাথে যজ্ঞের রক্ষণে ।

শ্রীরাম । থাকুক অযোধ্যা-পুরে বালক লক্ষণ ।

বিশ্বামিত্র । লক্ষণের পরাক্রম না জান রাখব,
দুই ভাই চল সাথে ।

দশরথ । মূনি,
নয়নের মণি আমি অর্পি তব করে,
ফিরে দিও দরিদের দন ।

[শ্রীরাম, লক্ষণ ও বিশ্বামিত্রের প্রস্থান ।

হা রাম, হা অযোধ্যার সার,
স্বর্ঘ্যবংশে রাত্ৰ সম বিশ্বামিত্র মূনি !

হরত । এত কি রে জানি আগে,—
রামচন্দ্রে লয়ে যাবে জানিলে তখন,
যাইতাম তাড়কার বনে ।

শক্রিয় । চল ভাই পাছু পাছু যাই দুই জনে,
কি কাজ করিছু ভাই ফিরে আসি ঘরে ;
কেন না লইল খনি চারি জনে সাথে ।

[উভয়ের প্রস্থান ।

চতুর্থ গর্ভাঙ্ক

বন-পথ

বিশ্বামিত্র, শ্রীরাম ও লক্ষণ ।

বিশ্বামিত্র । এই বনে বৈসে নিশাচরী,

গিরি সম দুর্জয় শরীর,
বিকটবদন নর-চন্দ্র পরিধান,
উজ্জ্বল জটা মিলে বোম্বদেমে,
করি-শির বিদরিয়া নখে

নিত্য ভূষে সে রাক্ষসী ;
ভুকায়ে শোণিত শুনি নিঃশব্দ তার
কহ যেন। লয় তব চিত্তে,
যাইবে কি বনপথে তাড়কা ভেটিতে ?

শ্রীরাম । ঋষিরাজ,
তাড়কা বধিয়ে চল যাই যজ্ঞস্থানে ।
দেখ ধনুর্ধার—
‘তরবার মূনি কৈল দান,—
অস্ত্রের প্রভাবে,
কোটি নিশাচরী নাহি ডরি,
তাহে মহাতেজা তুমি তপোধন
অলঙ্ঘ্য বচন তব,
পাঠাইব যম-বরে ভীষণা রাক্ষসী,
তব পদধূলি ল’য়ে শিরে ।

লক্ষণ । এড দাদা ব্রহ্মশির বাণ,—
ঘুচে যাক রাক্ষস-সঙ্কার ধরাতলে ।

বিশ্বামিত্র । কিবা যুক্তি কর দুইজন
বুঝিতে না পারি আমি,
যাইতে কি বল মোরে তাড়কা ভবনে !
মম কৰ্ম্ম নহে হে রাখব,
জয়কল্প হয় মম স্মরিলে তাহারে !

লক্ষণ । কহ দেব, কোন্ স্থলে বৈসে নিশাচরী,
রহ তুমি এই স্থানে ।

বিশ্বামিত্র । হেন বুঝি মনে তব—
ব্রাহ্মণেরে দিবে রক্ত-মুখে ?

একক রহিব আমি,
কি জানি যতপি পাছে আইসে নিশাচরী !

শ্রীরাম । বিশ্বনাশ হয় দেব ইন্দ্রিতে তোমার,
কি ছার সে নিশাচরী,
চল তিনজনে যাই বনে ;
মধ্যে আইস তপোধন,
আগু পাছু যাব দুইজনে ।

বিশ্বামিত্র । শালবৃক্ষ সম হস্ত তার,
শূণ্ণ হ’তে যদি মোরে লয় জটে ধরি,
সর্বনাশী রোষে সে আমার নামে ।

লক্ষণ । তবে কিবা তব অভিপ্রায়, কহ ঋষিরাজ ?

বিশ্বামিত্র । চল যাই অস্ত্র পথে,

যজ্ঞভঙ্গ হেতু যবে আসিবে রাক্ষসী,
যুঝিও তাহার সনে ।

শ্রীরাম । সসজ্জ আসিবে সেই যজ্ঞভঙ্গ হেতু

সঙ্গে ল'য়ে সেনা বহুতর ।

এবে নিশ্চিন্ত র'য়েছে নিশাচরী,
বিলম্বে কি কাজ, চল শীঘ্র বধিব তাহারে ।

ভাই রে লক্ষণ, অদূরে গঙ্গর-মাঝে

লুকাইয়ে রাখ ঋষিরাজে,

রক্ষা হেতু রহ তাঁর পাশে,

খুঁজিয়া যাইব আমি যথা সে রাক্ষসী ।

লক্ষণ । দাদা, তব আজ্ঞাকারী আমি,

বড় সাধ ছিল মনে বধিতে রাক্ষসী ।

বিশ্বামিত্র । বৎস ! সূর্য্যবংশোদ্ভব তোমা দৌড়ে,

দেখ যেন নাহি যাই রাক্ষসী-উদরে ।

শ্রীরাম । ঋষিরাজ,

এখনি ফিরিব আমি জিনিয়া সমর,

গঙ্গর-মাঝারে ল'য়ে রাখ মুনিবরে—

বৃক্ষপত্র আচ্ছাদনে,

কি জানি সংগ্রামে যবে গজ্জিবে ভীষণা,

ভয় পাছে পান ঋষিরাজ ।

[লক্ষণ ও বিশ্বামিত্রের প্রস্থান ।

কেমনে জানিব আমি কোথা সে বিকটা,

ঘন ঘন দিই বনে ধনুক-টঙ্কার ;

শব্দ অচুসারি

অবশ্য আসিবে দুই বধিতে আমায়,

নিরুপেক্ষ করিব কানন,

ঘুচাইব ব্রাহ্মণের ত্রাস ।

এত দম্ভ ধরে সে রাক্ষসী,

অযোধ্যার পাশে আসি—

ক'রেছে আশ্রয় !

ভীক বল ঘৃষিবে সংসারে,

রাক্ষসী যতপি জীয়ে মম বিচ্যমানে ।

আয় আয় আয় রে তাড়কা,

শমন ডাকিছে তোরে । [শ্রীরামের প্রস্থান ।

পঞ্চম গর্ভাঙ্ক

পর্বত-গহ্বর

লক্ষণ ও বিশ্বামিত্র ।

বিশ্বামিত্র । বৎস, পত্র আচ্ছাদন দেহ মহীতলে,—

কি জানি যতপি ভীমা উঠে ভূমি ফাটি !

দেখ, না মান ব্রাহ্মণ বলি,

বৈস মম বক্ষঃস্থলে তুগি,

দুই কর্ণে দেহ দু'অঙ্গুলি,

দুই হস্তে করি দুই চক্ষু আচ্ছাদন ।

লক্ষণ । কি ভয় তোমার দেব,

আছি আমি রক্ষা হেতু ধনুর্ধার করে,

স্বমেরু বিধিতে পারি রাক্ষসী কি ছার !

অগ্রজ আমার গিয়াছেন রণঃ-বনে,

জান না কি মুনিবর রামের বিক্রম,

তিন লোক জিনে রাম অস্ত্রের প্রভাবে ।

বিশ্বামিত্র । কিন্তু যদি হেথা আসে সে রাক্ষসী ?

লক্ষণ । কি কাজে র'য়েছি দেব, ধনুঃশর করে ?

বিশ্বামিত্র । শুন শুন, কিবা নড়ে বনস্থলে ?

লক্ষণ । শুক পত্র খসে বৃক্ষ হ'তে ।

বিশ্বামিত্র । ওইরূপ শব্দ তার,

রেখা' দৃষ্টি পশ্চাতে তোমার,—

কাম-রূপী সে রাক্ষসী ।

নেপথ্যে তাড়কা । স্বেচ্ছায় আসিয়া কেবা ঘাঁটায় নাগিনী,

প্রস্তর বাধিয়া পায় কে পশে সাগরে,

বাম্প কেবা দেয় বহ্নিমাঝে ?

বিশ্বামিত্র । বাপু, হরিষ্ঠস্ত্রে আমি না হিংসিছ,

ছিল অস্ত্র বিশ্বামিত্র মুনি !

লক্ষণ । স্থির হও ঋষিরাজ,

শুন ভীম ধনুক-টঙ্কার,

এখনি রাক্ষসী যাবে শমন-সদনে ।

বিশ্বামিত্র । কভু না চাহিছ অযোধ্যা পোড়াত্তে,

ক্ষমা কর লক্ষণ আমায়,

যাগ-যজ্ঞ নষ্ট হোক, যজ্ঞক সংসার,

কি কাজ আমার হ'য়ে রাক্ষসী-বিরোধী !

নেপথ্যে শ্রীরাম । আরে রে রাক্ষসি,

বড়ই কঠিন তোরা প্রাণ;
কিন্তু রঘুকুলে জন্ম নহে মম
যদি এই বাণে পাও পরিত্রাণ।

(নেপথ্যে তাড়কার বিকট-ধ্বনি)

বিশ্বামিত্র। আমি না—আমি না! (মুচ্ছা)

লক্ষণ। ধৈর্য্য ধর হে ব্রাহ্মণ,
শুন আর্তনাদে পড়িল ভীষণ।

বিশ্বামিত্র। অ্যা—কি বল কি বল,
নরবলি চায় নিশাচরী!

লক্ষণ। কেন মতিভ্রম হ'তেছে তোমার!—
প'ড়েছে তাড়কা রণে।

(শ্রীরামের প্রবেশ)

শ্রীরাম। দেখ আসি ঋষিরাজ,
ত্রাস দূর তব এত দিনে,
যুড়িয়া যোজন বাট প'ড়েছে রাক্ষসী,
চল, যদি থাকে সাধ দেখিতে তাহারে।

লক্ষণ। ঋষিরাজে কোন মতে—
না পারি করিতে স্থির।

শ্রীরাম। দেখ চেয়ে, রণ জিনি আসিয়াছি ফিরি।

বিশ্বামিত্র। হায় হায়,
মায়া ক'রে আসিয়াছে ভীমা!

শ্রীরাম। ঋষিরাজ,
কি সাধ্য রাক্ষসী পারে—
জিনিতে আমারে!

বিশ্বামিত্র। কে ও রামচন্দ্র,
যাও ফিরে অযোধ্যায় ছুটি ভাই,
যথা স্থানে যাই আমি চ'লে।

শ্রীরাম। দেখ দেব, তাড়কা-শোণিত,—
নাহি ডর আর তব;
চল যাই তপোবনে,
মুনিগণে কর মিলি যজ্ঞ-আয়োজন।

বিশ্বামিত্র। সত্য তবে ম'রেছে তাড়কা?

লক্ষণ। সন্দেহ করহ দূর স্বচক্ষে দেখিয়া।

[সকলের প্রস্থান।

দ্বিতীয় অঙ্ক

প্রথম গর্ভাঙ্ক

বন-পথ

বিশ্বামিত্র, শ্রীরাম ও লক্ষণ।

বিশ্বামিত্র। ধন্ত বীর শ্রীরাম-লক্ষণ,
অনায়াসে বিনাশিলে দুর্জয় তাড়কা,
যুঁচিল ধরার ত্রাস;
যজ্ঞেধর, যজ্ঞবিঘ্ন কর এবে দূর।
তাড়কা-নন্দন নাম মারীচ রাক্ষস,
তিনকোটি নিশাচর সাথে,
যজ্ঞ-বিঘ্ন করে আসি শোণিত-বর্ষণে,
এই পথে চল-হে শ্রীরাম।
গৌতম-গৃহিণী—
আছে পাষাণী হইয়া বনে পতি-শাপে,
ধরি গৌতমের বেশ
গুরুপত্নী-ধর্ম্য নষ্ট কৈল পুরুন্দর;
রোষে ঋষি-দিল অভিশাপ,
মানবী হইবে তব চরণ-পরশে।
এই সে পাষাণ,
দেহ পদ পাষাণ উপরে।

শ্রীরাম। মুনিবর,
ব্রাহ্মণী পাষাণরূপে আছে বন-লে—
কেমনে তুলিব পদ ব্রাহ্মণী-শরীরে!

বিশ্বামিত্র। নাহি জান ব্রাহ্মণী বলিয়ে,
প্রস্তুরে নাহিক দোষ পদ-পরশনে।

(শ্রীরামের পদস্পর্শে পাষাণে জীবন সঞ্চার ও
অহল্যার উত্থান)

অহল্যা। দীনবন্ধু, মহিমা-অর্ণব!—
কলকিনী পাষাণী হইয়ে,
আছিহু বিপিনবাসে,
চরণ-পরশে পবিত্রিলে, পতিতপাবন!
দীন জনে করুণা বিস্তার হেতু

জনম তোমার রমুণি !

চিন্তামণি, অচিন্ত্য মহিমা তব ।

কেমনে বর্ণিব—অবলা রমণী আমি,

পরাভব বিরিক্তি বর্ণিতে যাহা ;

গুণমণি, রহে যেন তব পদে মতি ।

অগতির গতি সনাতন,

নিরঞ্জন হে ভয়-ভঞ্জন !

হয় ভয়,

পাছে পদাশ্রয় হারাই হে পুনঃ ।

পূর্ণব্রহ্ম পরাংপর,

ভুল না ভুল না,

অবলা বাসনা কর পূর্ণ পরম-ঈশ্বর ।

শ্রীরাম । স্মরির, কি ভয় তোমার আর ?

সত্যী ভূমি—কহি মুক্তকণ্ঠে আমি,

স্মরি তব নাম তরিবে মানব ভবে ।

যাও নিজ গৃহে গুণবতি,

কৰ্মফল যা ছিল ঘুচিল,

স্বথে থাক স্নেহশিনি, মম আশীর্ষাদে ।

অহল্যা । পদে যেন রহে মতি চিরদিন,

অন্ত গতি নাহি চাহি আর ।

[সকলের প্রস্থান ।

দ্বিতীয় গর্ভাঙ্ক

নদী-তীর

দুই জন কাঠুরিয়া ও নাবিক (নেয়ে) ।

১ম কাঠুরিয়া । আরে কথা শোন না নেয়ে ভেয়ে,

ও পারে যা নৌকো বেয়ে,

আসছে দুটো ছোঁড়া ধেয়ে,

বুড়ো বামুন সাথে ।

২য় কাঠুরিয়া । ভাল চাস্তো শীগ্গির সর,

দেশে বা হয় মনস্তর,

পাথর ছিল পথে পড়ে,

মাছুষ হ'ল ছুঁতে ।

১ম কাঠুরিয়া । পা দিয়ে ব্যাটা যেটা ছোঁবে,

তখনি তা মাছুষ হবে,

ছুখী লোকের বাঁচবে কি আর প্রাণ ।

২য় কাঠুরিয়া । ঘর-দরজা থাকবে না আর,

মাছুষ ক'রবে ক্ষেত খামার,

এই বেলা ফ্যাল্ সরিয়ে নৌকো খান ।

নেয়ে । আরে বলিস্ কি রে, ফেল্বে ফেরে,

মাছুষ করে গাছপাথরে !

একে নদীর জল গেছে ঘেঁটে,

যদি ব্যাটা পেরোয় হেঁটে,—

আরে জল যদি যায় মাছুষ হ'য়ে,

তা হ'লেই হবে চর !

১ম কাঠুরিয়া । মাছুষ কি ভাই হবে পানি,

ব্যাটার যে ভিরকুটীকি জানি,

ঐ দেড়ে ব্যাটা ছোঁড়া দুটোর গুরু ।

নেয়ে । ক'সে কড়া লাগাই ঝাঁকে,

চলুক না এঁকে বেঁকে,

মাঝ দরিয়ায় থাকবে গিয়ে,

ভয় করি না কার ।

২য় কাঠুরিয়া । ঐ এল এল, পালা পালা—

[কাঠুরিয়াদ্বয়ের প্রস্থান ।

(শ্রীরাম, লক্ষণ ও বিখামিত্রের প্রবেশ)

নেয়ে । খপরদার উলিসনে জলে,

ভলে উল্লৈ কুমীরে গেলে ।

বিখামিত্র । এস বাপু, নৌকা নিয়ে তবে ।

নেয়ে । এমন স্থতের কথা আর কি কেউ কবে !

থাক্ বামুন তুই থাক্ খাড়া,

যদি জল শুকিয়ে হয় চড়া,

কোন ভেড়ের ভেড়ে নৌকা নিয়ে যাবে !

বিখামিত্র । পার কর শ্রীরাম-লক্ষণে,

যাব মোরা মিথিলায় ।

নেয়ে । ওঃ—জল যেন ঢেলে দিলে গায় !

বিখামিত্র । এসো ত্বর হে নাবিক,

পার কর শ্রীরাম-লক্ষণে,

পুণ্যবান তুমি মহীতলে,—

ভব-কর্ণধার করি পার,

অনায়াসে তরিবি রে ভবে ;
বৈকুণ্ঠে করিবি বাস চিরদিন ।
নেয়ে । তুমি বাঘুন তো আচ্ছা সেয়ান !
মাছুষ করুবি নৌকাখান,
আমায় কি তুই পেলি কচি খোকা ?
কোন শালা তোর কথা শোনে,
মাছুষ কর গে পাথর বনে,
জেনে শুনে আমি কি হই বোকা !
তোর কথাতে বৈকুণ্ঠে যাই,
নৌকো সেথা পাই কি না পাই,
নদী আছে কি আছে সেথা নালা ।
সাতপুরুষে নৌকো আমার,
কার বাবার বা ধারি ধার,
পার ক'রুব তোদের,—
পেলি এমনি ঝালা খালা ?
লক্ষণ । অহল্য! মানবী হ'ল চরণ-পরশে,
তাই ডরে অজ্ঞান নাবিক,
পাছে তরী নরদেহ ধরে ।
শুন হে নাবিক,
নাহি ভয়—নৌকা তব হবে না মানব ;
কর পার তিন জনে,
ঘুচিবে সকল দুঃখ তোর ।
নেয়ে । তোর ভোজ্জকানিতে আমি কি রে তুলি ।
লক্ষণ । এস শীঘ্র,
নহে মানব করিব জল চরণ-পরশে ।
নেয়ে । অ্যা উলুবি জলে,—
ওল্না ওল্না, এই কুমীরে খেলে—
এই কুমীরে গেলে !
লক্ষণ । এখনি নাবিব জলে ।
নেয়ে । ওরে বাপু কাদের ছেলে,
আজ রোজ্জকার-পাতি হয় নি মূলে ;
দাঁড়া, আগে কিছু কামাই,
তার পর যা বলিস্ ক'রুব তাই ;
(স্বগত) কোথা থেকে এল বালাই !
শ্রীরাম । আন তরী, নাহি ডর তব,—
দিব বহু ধনরত্ন, কর যদি পার,

চরণে না স্পর্শিব তরণী,—
করি অঙ্গীকার তব ঠাই ।
নেয়ে । যদি ছুঁয়ে ফেলিস্ ভাই !
শ্রীরাম । সত্য কহি, ছোঁব না চরণে ।
নেয়ে । (স্বগত)
এটা যেন ভালমাছুষের ছেলে,
যা থাকে কপালে—পার তো করি,
আচ্ছা, এস চলে,—
পা কিন্তু দিও না জলে ।
দাঁড়াও, কাঁধে ক'রে নিচ্ছি তোমায় তুলে,
পা দু'টো ঝুলিয়ে দাও,
জল ছোঁও তো মাথা খাও,
ভাল, কোথায় পেলি মাছুষ-করা রোগ !
(তিন জনের নৌকারোহণ)
হায় হায় ভাঙ্গল কপাল,
নৌকাখান হ'ল বেহাল,
ওরে চক্চকাচ্ছে এ কি কল্লি ছোঁড়া ?
বিধ্বামিত্র । দেখ, নৌকা তব হ'ল হেমময়
চরণ-পরশে,—
কি ভয় তোমার আর ?
শ্রীরাম । রে নাবিক, রহিলাম ঋণী তোর ঠাই ।
ভবার্ণবে আপনি হইব কর্ণধার,
তোমারে করিতে পার ।
মন আশীর্বাদে,
চিরদিন রহ মহাস্থখে,
লক্ষ্মী ঘরে রহিবে অচলা ।
নেয়ে । জ্ঞানহীন আমি অভাজন,
ভুবনপাবন, দেহ পদ মম শিরে,
ভাঙাইও না অস্ত্র পদ-দানে,—
চিন্তামণি, চিনেছি তোমায় ।
[নাবিকের প্রস্থান ।
শ্রীরাম । মূনিবর, কতদূর তপোবন আর,
পথে কোন নাহিক বাহন ?
লক্ষণ । দাদা, বল যদি,
কাদে তুলে লই আমি তোমা দুই জনে !
যে মন্ত্র পেয়েছি মূনি, তোমার প্রসাদে,

সুখ-তৃষ্ণা নাহি জানি আর।

নাহি হয় পথ-শ্রম মম,

মহুপাঠে বল মন বাড়ে শত গুণ।

শ্রীরাম। চল ভাই, যাই মহু জপিতে জপিতে!

[সকলের প্রস্থান।

তৃতীয় গর্ভাঙ্ক

নাবিকের কুটীর

নাবিকের স্ত্রী ও গ্রাম্যস্ত্রীগণ।

১ম স্ত্রী। ওলো রেখে দে তোর জাল বোনা—

মানুষ হ'য়েছে নোকোথানা,

এসেছে ছুটি মানুষ করা ছেলে;

জল আনতে ঘাটে গিয়ে,

দেখলুম লা থানা না মানুষ হ'য়ে,

তোর ভাতারের ধরেছে ক'সে চুলে!

দেখলুম, চুলোচুলি নদীর পারে—

এ মারে তো ও মারে,

আমুছে আবার ধরতে তোরে তেড়ে,

ভাল চাস্ তো পালা গাঁ ছেড়ে।

(দাসীর প্রবেশ)

দাসী। ঠাকুরাণী, হের তব অট্টালিকা দূরে,

আনিয়াছি চতুর্দোল ল'য়ে যেতে তোমা।

নাবিকের-স্ত্রী। গতর-থাকি কি,

ঠাট্টা করতে লোক পাও নি কি?

নোকোথানা মানুষ হ'ল ভাবছি ব'সে তাই,

দাড়া বেটি, ধ'রে খুঁটি, ঝাঁটায় বিষ ঝাড়াই।

[সকলের প্রস্থান।

চতুর্থ গর্ভাঙ্ক

জনক রাজার সভা

জনক ও সভাসদগণ।

জনক। পণে বুঝি পড়িল প্রমাদ,

ধর্মনাশ হ'ল এত দিনে,

না মিলিল জানকীর বর।

অঙ্গ, বঙ্গ করি নিমন্ত্রণ,

না পুরিল পণ,—

বিষম হরের ধনু,

পরাজয় ভূপতি-সমাজ যাহে।

ভৃগুরান্ আনি ধনু ঘটাইল কাল,

ভীম শরাসনে চালিতে না পারে কেহ,

দেবের দুঃসাপ্য কর্ম সম্ভবে কাহার?

কে ভাঙ্গিবে এ ধনুক—

ভুবন বিমুখ যাহে!

ঋষদ্বরে করি নিমন্ত্রণ—

মাসাবদি পূজি আজি ভূপতি সমাজ,

কাণ্য না ফলিল তায়।

বিশ্বামিত্র মুনি গেল শ্রীরামে আনিতে,

সেও না আসিল ফিরে।

বনপথে বৈসে রক্ষঃগণ,

পথে বা নাশিল তারা গাধির নন্দনে।

(১ম দূতের প্রবেশ)

১ম দূত। আজি, দেব, পড়িল প্রমাদ,—

তপোবনে যজ্ঞ পুনঃ করে ঋষিগণে;

তিনকোটি নিশাচরে আনিয়া মারীচ,

বিকটা তাড়কা-স্বত বরষিছে পাদপ-প্রস্তর,

বুঝিবা আসিবে হেথা যজ্ঞনাশ করি।

শুনিবারে লোক-উপহাস,—

মুনিগণে আনিয়াছে শিশু দুইজনে

নিশাচর-সংহার কারণ;

পালাও সত্বর ঋষিরাজ,

সহে নাহি ব্যাজ,

মরিবে সবংশে রাজা রাক্ষসের কোপে।

(বিখ্যামিত্রের প্রবেশ)

বিখ্যামিত্র । বড় পুণ্য কুপতি তোমার,
যজ্ঞরক্ষা কৈল আসি শ্রীরাম লক্ষণ,
তিন কোটি নিশাচরে করিল সংহার,
মারীচ সাগর-পার শ্রীরামের বাণে ।
এত দিনে পূর্ণ মনোরথ তব,
জানকীর যোগ্যবর রাম রঘুমণি ।
শ্রীরাম-লক্ষণে রাখি স্তম্ভ্র ব্রাহ্মণ-ঘরে,
বার্তা দিতে আইছ তব পাশে ।

জনক । আসিয়াছে শ্রীরাম লক্ষণ,
পবিত্র মিথিলা পুরী ;
কিন্তু ভাবি তাই মনে—
কেমনে দুর্জয় ধনু ভাঙ্গিবে রাঘব,
নাড়িতে অশক্ত যাহা এ তিন ভূবন ।

বিখ্যামিত্র । কি হেতু এ ভ্রম আজি হেরি রাজ-ঋষি,
চিন্তামণি নার চিনিবারে,
সামান্য মনুষ্য-প্রাণে পারে কি কখন
তিনকোটি রাক্ষস নাশিতে ?
যজ্ঞ-ধুম নিরপি গগনে,
কাপাইয়া জল-স্থল আইল গজ্জিয়া
বিকট রাক্ষসী-ঠাট,
বিবিধ আত্ম করে 'মার মার' রবে সবে ;
শিলাবৃষ্টি সম ছাইয়া গগন,
বরষিল অস্ত্র রক্ষঃ সমরপণ্ডিত ;
কিন্তু অখণ্ডিত শ্রীরামের বাণ,
মতিমান্ ভাই ছই জন,
নিমিষে বারিল অস্ত্র যত ;
তমাক্ষ ছিল দিশপাশ,
রাক্ষসের শরে,
গিরিশির কুজ-ঝটিকারূত যথা,
কিন্তু দীপ্তমান্ শ্রীরামের বাণ—
ভস্মি অস্ত্ররাশি দিনমণি সম,
দীপিল বিমানে ভেজোময়,
হ'ল ক্ষয় নিশাচরচমু ;
কি ভার রামের ছার ধনুক ভঞ্জন !
কর আয়োজন, আমি আনি রঘুবীয়ে ।

জনক । মিত্র তুমি বিখ্যামিত্র মুনি,
তব গুণ বাখানিতে নারি আমি ;
যাই আমি অন্তঃপুরে—
শুভ বার্তা দিতে গৃহিনীরে ।
যে হয় কর্তব্য তুমি কর মতিমান ;
লহ দিব্য যান, ধন রত্ন আর যেনা হয় ।
রাম দরশন করি তোমার প্রসাদে,
তব আশীর্ব্বাদে,
এত দিনে কত্কা মম পাইল যোগ্যবর ।

বিখ্যামিত্র । শুভলগ্ন আছে কালি,
শুভকর্মে বিলম্ব কি ফল ?

(২য় দূতের প্রবেশ)

২য় দূত । মহারাজ, আসিতেছে বহু রাজাগণে—
ধনু-ভঙ্গ-আশে মিথিলায় ;
লক্ষ্যপতি—
আপনি আসিছে তব কস্তার প্রয়াসে ।

জনক । কহ মন্ত্রিগণে,
যথাযোগ্য সমাধার করিতে সবারে ।

[২য় দূতের প্রস্থান ।

আইল রাবণ মম কস্তার কারণে,
না জানি কি করে বা ব্যাঘাত ।

বিখ্যামিত্র । আত্মক রাবণ,
বিস্ম বিনাশন আপনি এ মিথিলায়,
নির্কিঞ্চে হইবে তব কাণ্ড্য সমাধান ।

[সকলের প্রস্থান ।

পঞ্চম গর্ভাঙ্ক

অন্তঃপুর

সীতা ।

সীতা । লম্বোদর হর দিগধর ;
রক্ত-ভূধর বর কলেবর,
কণি-হার-বিকৃষিত গন্ধাধর,
অক্ষ-মালমাল স্কোপার ;

আধ চাঁদ কিবা অঙ্কিত ভালে,
 ত্রিনেত্র ত্র্যধক বববোম্ গালে ;
 নীলকণ্ঠ শিব হর ত্রিপুরারি,
 শোভিত শঙ্কর নর-শির সারি !
 নর-শির কুণ্ডল, বিমাণ করতল,
 ঈশান ঈশ্বর উমাপতি,
 শ্মশান-নাথক, শিব শিব গায়ক,
 কৃপাকর দেহ হর, যোগ্যপতি ।
 গজাঙ্কলে বিষদলে তুষ্ট দিগধর,
 জয় জয় জয় পশুপতি ভোলা মহেশ্বর !
 তরুণ-অরুণ চরণ-তলে, সদাই বাজায় গাল,
 বলদ-চাপা স্ত্রাংটা খ্যাপা, গলায় হাড়ের মাল ;
 ডাঙ খেয়ে শিব ভাবে ভোলা, মাথায় জটা ভার,
 কুতের মেলা নিয়ে খেলা, কণ্ঠে ফণী হার ;
 মাথায় বেলপাতা মূটো, ঢালি গন্ধা-পানি,
 দাও হে পতি পশুপতি, প্রভু শূলপাণি !
 (জনকরাণী ও কৌশল্যা ব্রাহ্মণীর প্রবেশ)

রাণী । বুড়ো হ'লে হর মতিব্রম !
 আনিয়াছে শিশু দুইজন
 ভাঙ্কিতে হরের ধম্ব,
 তিনলোক নারে যা নাড়িতে !
 সর্ব্বনেশে সে ভার্গব ঋষি,
 রেখে গেছে বিবম ধম্বক ;
 কস্তা ল'য়ে হব দেশান্তর,
 তবু কত না দিব তাহারে ।

কৌশল্যা । তাই বলি ওগো রাজরাণি,
 কাণাকাণি নাহি প্রয়োজন ।
 যদি ভগবতী মিলাইলা বর,
 শুভকণে জানকী অর্পণ কর তারে ;
 ও মা, কি দিব রূপের সীমা,
 নীলকান্তমণি জিনি কান্তি তার,
 কোন্ ভাগ্যমানী ধ'রেছে অঠরে,—
 'মা' ব'লে ডাকে মা, ধারে,—
 হেন পায়ে কর কস্তা দান,
 কায় দিবে ভার্গবের গোড়া মুখে !
 ছি ছি নাইক যরণ—

বুড়ো হ'য়ে বিয়ে বাই ।
 রাণী । হোক আগে ধম্ব-ভাঙ্কা-ভাঙ্কি,
 আগে ধম্ব ছুঁয়ে যাক রাজাঙ্কলো ।
 কৌশল্যা । কিন্তু যদি ভাঙ্কে কেহ ?
 রাণী । পোড়া দশা,
 ভাগ্য মানি নাড়ে যদি কেহ !
 দেখ তবে রাজার কি রীত,
 আনিয়াছে নবনী পুতলী ছুটি—
 ভাঙ্কিতে ধম্বক ।
 সীতা । ও মা, আমি পারি নাড়িতে ধম্বক ।
 রাণী । শুন মা কি বলে সীতা,—
 আজি কয় দিন কত কথা কয়,
 কিবা কহে ঘুমায় ঘুমায়,
 সদা অন্ত মন—
 ভাবি তাই অশান্ত বিয়ারী মম !
 যথা তথা ভ্রমে একা,—
 কহে শুন, ধম্ব পারে চালিবারে ।
 সীতা । ও মা, সত্য কথা কহি আমি ।
 রাঁধা বাড়ি খেলিছ মা সন্ধিনীর সনে,
 প'ড়েছিল ধম্ব মধ্যস্থলে,
 রাখিছ নাড়িয়ে পাশে ।
 রাণী । — শুন পুনঃ, খেলা-পাত্রে অন্ন রাখি
 আমন্ত্রণ করে রাজসভা,—
 কহে সবাকারে, অন্ন দিব এই পাত্র হ'তে ।
 সীতা । ইয়া মা, সে দিনে সন্ধিনীগণে—
 আর কত আইল ভিখারী—
 দিছ অন্ন সবাকারে ।
 রাণী । কথার আভাসে
 তরাসে কাঁপে মা কায় !
 কহে গো স্বপনে,—
 “আনিলে কি গোলক হইতে
 ভুলোকে ঠৈলিতে পায় !
 দয়াময়, দেহ দেখা,
 কত দিন রব একা আর ।”
 কৌশল্যা । জিজ্ঞাসিব ব্রাহ্মণে বাইয়ে,
 জ্যোতিষ সে গণে বড়,

চাহ যদি কবচ লইতে,
তাও সে পারিবে দিতে ।
দলী। আয় মা জানকী,
করি মানা একেলা রহিতে ।

[সকলের প্রস্থান ।

ষষ্ঠ পর্ভাক

স্বয়ম্বর-সভা

জনক, সমাগত রাজাগণ, সভাসদগণ, রাবণ, কালনেমি,
দূতগণ ইত্যাদি—

জনক। হর-ধনু হের বিগ্ধমান,—
এ বীর-মণ্ডলে,
বাহুবলে যে ভাবিবে শরাসন,
অনুপমা হুহিতা আমার—
অপিব তাহার করে ;
নাহি জাতির নির্ণয়—
যে হয় সে হয়,
ধনুর্ভঙ্গে লভিবে জানকী ;
উঠ, কেবা আছ শক্তিদর ।

রাবণ। (জনাস্তিকে) শুনলে তো মামা, কত্যা বড় হুন্দরী !
কালনেমি। (জনাস্তিকে) এবার মন্দোদরীর
খাটবে না আর জারিজুরি !
কেমন বাবা, আমি দিছি সন্ধান ব'লে ।

রাবণ। (জনাস্তিকে) তাড়াতাড়ি ধনুকখানা ভেঙ্গে ফেলে—
চল যাই কত্যা ল'য়ে চ'লে :

জনক। লঙ্কাপতি, বীর-কুল-পতি তুমি ।
কালনেমি। (জনাস্তিকে) বাপ, ওদিকে শুনছ কি,
ধনুক—জুড়ে তিনকাঠা জমি—
প'ড়ে আছে যেন শালগাছ ।
বলি ওগো জনকরাজা,
তোমার কি আঁচ,
কত্যা নিয়ে রাখবে ঘরে !
দেখব খানিক,
এ ধনুক কোন্ বরের বাবার বাবায় ধরে ।

জনক। তেঁই কহি লক্শ্মণের,
ভাবিতে ধনুক, বিমুখ এ তিন পুর ।
কালনেমি। বাড়াবাড়ি রাখ ঠাকুর,
বুঝে নিছি স্বর,
ধনুক দেখেই প্রাণ ক'রেছে গুরু গুরু ।

রাবণ। মামা, ধনুক তো দেখেছ, কি বল ?
কালনেমি। আমি বলি,

ভালোয় ভালোয় লঙ্কায় চল ।

রাবণ। হায় হায় বুঝি লোকটা হাসলে !
কালনেমি। হাসে হাহুক, তবু ত জান্টা থাকলে !

রাবণ। মামা, কি করি ?
কালনেমি। যা হয় কর ।

রাবণ। একবার ধনুকটা না হয় ধরি ।
কালনেমি। না হয় ধর,

কিন্তু যা হয় তা শীঘ্র শীঘ্র কর,
বেলাবেলি সটকাতে হবে সাগর-পার ।

রাবণ। ঝা-হাতে তুলেছি আমি কৈলাস-পর্বত,
ধনুকে কি এত ভার ?

কালনেমি। সামনেই ত প'ড়ে আছে,
পরক দেখ না তার ।

রাবণ। কি বল মামা, তুমি ?

কালনেমি। আমি ততক্ষণ
সারথিকে রথ আনতে বলি ।

রাবণ। পারব না ?

কালনেমি। কোমর বেধে দেখ না ।

রাবণ। যা থাকে কপালে ।

কালনেমি। বেটা আজ ঢালালে ।

রাবণ। মামা, এ বিষয় ধনুক !

কালনেমি। আমি তখনি বলেছিলুম,
এখন দেখ-স্বপ্ন ।

রাবণ। মামা, ইসারা ক'রে রথ আনতে ব'লো ।

কালনেমি। দেরি প'ড়বে, লাক্ষ্মণে বাড়ী-মুখো চলো ।

রাবণ। মামা, আর একবার দেখব কি ?

কালনেমি। আমি একটু এগিয়ে পড়ব কি ?

রাবণ। আর একবার দেখি ।

কালনেমি। ঠেকে শিখবে কি ?

হ'য়ে যাক যা থাকে আর বাকী।

রাবণ। মামা, ধনুক নয় যেন পাহাড়।

কালনেমি। বাবা, যার শরু হাড়—

সে পাত্বে ঘাড়।

জনক। বিলম্বে কি কাজ, তোল ধনুক, লঙ্কেশ্বর !

কালনেমি। ও আবাগের বেটা,

প্রথমে নাড়ানাড়ি, টের পাও নি,

ভাল চাস্তো এইবেলা সর।

রাবণ। মামা, বড় ভারি ধনুক, সটকে পড়।

কালনেমি। আমি তাতে দড়।

[রাবণ ও কালনেমির প্রস্থান।]

সকলে। ছি ছি লঙ্কেশ্বর,

যাও কোথা ত্যজিয়ে ধনুক ?

নেপথ্যে কালনেমি। যদি আকেল থাকে,

ওদিকে আর ফিরিও না মুখ।

(শ্রীরাম ও লক্ষ্মণকে লইয়া বিশ্বামিত্রের প্রবেশ)

সকলে। মরি মরি কে দুটি কুমার,

নীলকান্ত চন্দ্রকান্ত এক ঠাই !

বিশ্বামিত্র। হে রাজন, রামচন্দ্রে দেখাও ধনুক,

জানকীর যোগ্য বর রাম।

সকলে। বৃদ্ধ হ'লে হয় মতিভ্রম,—

কেবা তব রাম, যুনিবর ?

কে ভাবিবে এ ধনুক ?

লক্ষ্মণ। দাদা, উপহাস করে সভাস্থলে,

কি ছার এ শরাসন,—

শীঘ্র ভাঙ্গ, রঘুমণি !

শ্রীরাম। ভাই,

এখনো জনক রাজা বলে নি আমারে।

সভাস্থলে শুনি নাই আবাহন,

বিশেষতঃ শিবদাতা শিবের এ ধনুক,

চালিব কেমনে—

হিতাহিত না বিচারি মনে ?

গুরুজন-অনুমতি বিনা—

এ ধনুক ভাঙিতে নহে বিধি।

(অলিঙ্গ-উপরে সীতা, কৌশল্যা ও জনকরাণী)

কৌশল্যা। দেখ গো জনকরাণি,

নীলমণি আসিয়াছে সভাতলে

সূর্য্যকান্তমণি সাথে।

শুন মম বাণী,

এই বর ছেড়না কখন',

পণ করি ক'রো না মা, জাতিনাশ ;

সঙ্কোপনে জানকীরে কর দান।

[কৌশল্যা ও রাণীর প্রস্থান]

সীতা। আহা নব-দুর্বাদলশ্রাম—

কে ব'সেছে সভামাঝে !

এ মাধুরী কতু কি দেখেছি আর !

মন আমার ও রাজীব-পদে,

যাচে আত্ম-সমর্পণ।

দিগধর, দেহ বর,

দাসী যাচে তব পদে,

আপনি আসিয়া ভাঙ্গ' নিজ শরাসন।

নহে ভূত-পতি, ভূতনয় ধনুক তব,

কে করিবে পরাজয়—

সদয় না হ'লে সদাশিব !

উমা, গিরি-সুতা

চাহ মা তনয়া বলি !

ভগবতি, দেহ-মনোমত পতি যোরে।

আমি মা ব্যাকুলা বালা তব,

ব্যাকুলা যেমতি—

হ'য়ছিলে সতি গিরি-পূরে,

হর বর বিহনে মা হররাণি,

কাত্যায়নি, কর মা করুণা !

প্রজাপতি, দেবতা তেত্রিশ কোটি,

যে আছ যেখানে শুভদাতা,

রূপাদৃষ্টি কর দয়া করি,—

পুরাণ মনের সাধ ভকত বংশল !

বিশ্বামিত্র। সভাস্থলে করহ জ্ঞাপন,

কিবা পণ তব ঋষিরাজ।

জনক। জ্ঞাত আছ কুপতিমণ্ডল,

ভাঙিবে যে হরধনুক,

লভিবে ছুহিতা মম সীতা ;
ব্রাহ্মণ ক্ষত্রিয়, বৈশ্য, শূদ্র আদি
চণ্ডাল প্রভৃতি - .
শক্তি যার ভাঙ্গিতে এ শরাসন,
বাহুবলে কর পূর্ণ পণ -
কে আছ ধীমান,
কুল-মান রক্ষা কর মম ;

সকলে । মুনিবর,
কহ তব রামচন্দ্রে ভাঙ্গিতে ধনুক ।

বিধামিত্র । উঠ রঘুমণি,
দেব-নরে দেখুক কোতুক ।

শ্রীরাম । ক্ষুদ্র নর আমি মুনিবর,
হর-দত্ত শরাসন ভাঙ্গিব কেমনে ?
শিবদাতা মহাদেবে করিব লঙ্ঘন,
কি নিয়মে দেহ উপদেশ,
কত্যা হেতু ত্রিপুরারি কে করিবে অরি ?

ম-রাজা । মুনিবর, কেন রাম না উঠে তোমার ?

য-রাজা । উপহাস করিবারে এ তিন ভুবনে,
আবাহন করিল জনক ।

জনক । এত দিনে জানিলাম বীরহীনা মহী ।

লঙ্কণ । দাদা, না সহে ক্ষত্রিয়-প্রাণে আর,
উচ্চ-ভাষে সভাস্থলে কহে—
বীরহীনা মহীতল ;
পণে গুরু লঘু নাহি মানি,
নাহি ভরি,

বীরকার্যে ত্রিপুরারি যদি হন অরি ।

বিধামিত্র । হায় হায় মহিমা বর্ণনা,
কি করিব জ্ঞানহীন আমি ।
সতী-বাক্য করিতে পালন,
রাখিতে সতীর মান,
ভগবান আপন-বিস্বস্ত ।
কহ চক্রধারি,
কেবা তুমি, কেবা শূলধারী,
শিব-রামে ভেদ কিবা ?
প্রেমময় পূর্ণ কর কাম,
প্রেমে হরধন্য কর ক্ষয়,

রাম নাম বলে—
যম-জয় হোক ধরাতলে ।

শ্রীরাম । কোথা ধনু, ঋষিরাজ ?

জনক । দেখ সম্মুখে তোমার ।

শ্রীরাম । রুদ্রেশ্বর, করি নমস্কার,
রুদ্র-তেজ দেহ ভূজে ;
বাড়াও ভক্তের মান,
নিজ ধনু কর হুইখান ।
ভাই রে লঙ্কণ,
যবে ফেলিব ধনুক ভাঙ্গি,
মেদিনী না রবে স্থির,
দেখ ধরা ধনুকের হলে ।

বিধামিত্র । দেখ চেয়ে যে আছ সভায়,—
ধনুর্ভঙ্গ ভার নহে রাঘবের ।

(রামের ধনুর্ভঙ্গ ও জয়ধ্বনি)

(অলিন্দোপরে রাণী ও কৌশল্যার পুনঃ প্রবেশ)

লঙ্কণ । কে বলে নিকরী মহী—

রামচন্দ্র উদয় যথায় ।

(সীতার মুচ্ছা)

রাণী । ও মা ও মা, কি হ'ল কি হ'ল !

কেন মা জানকী, কেন মা এমন হলি !

সীতা । (হগত) ভাল ভাল চিনেছি তোমারে,

এতদিনে মনে হ'ল দাসী বলে,

জানিলে কি আসিতাম ধরা-মাঝে !

কৌশল্যা । নিয়ে চল, কাজ নাই এখানে থাকিয়ে ।

বিধামিত্র । হে রাজন, পণ তব হ'ল সম্পূর্ণ :

শুভদিন করহ নির্ণয় কস্তাদান হেতু ;

যাই আমি—

শ্রীরাম-লঙ্কণ ল'য়ে স্তম্ভ-আলয়ে ।

[শ্রীরাম, লঙ্কণ ও বিধামিত্রের গ্রস্থান ।

জনক । হে ভূপ-সমাজ,

রূপা করি আসিয়াছ সবে মিথিলায়,

লহ পূজা কয় দিন আর,

কস্তাদান মম কর সম্পূর্ণ,

আমন্ত্রণ করি সবে ;

যথাযোগ্য স্থানে ল'য়ে যাও দূতগণে ।

[সকলের গ্রস্থান ।

তৃতীয় অঙ্ক

প্রথম গর্ভাঙ্ক

গ্রাম্যপথ

পুরোহিত ও তৎপত্নী।

পুরোহিত-পত্নী। মিন্সেকে আর কখন কিছু ব'লব !

এই যে রাজমহলে হ'চ্ছে আনাগোনা,

ক দিন বলেছি—

'একটা নথ কিনে এন না।'

তা কৈ ? পোড়া কপাল ! কাজ নাই মেনে—

মানে মানে—

কাটা কাণ চুল দে ঢেকে চ'লব।

পোড়া কপাল—

আর কখন কিছু ব'লব !

পুরোহিত। আরে কথা শোন,

রোজকারপাতি ত বিলক্ষণ !

দেখ'ছি'বে লক্ষণ—

বে' তো আর হ'চ্ছে না মূলে।

আছে কে ভরত শক্রয়,

তারা না আনুবে যতক্ষণ,

রাম লক্ষণ ক'রবেন না বিয়ে।

যদি রোজকারপাতি হয় ভারি,

নথ কি বলিস ? বৈকি দিতে পারি।

আর যজ্ঞমান তো কেউ

দেয় না কড়া ধুয়ে।

দেখ'লুম ছোড়াটা খুব চট'পটে,

ধনুকখানা ধ'বলে সে'টে,

ফেলে ভেঙ্গে,

ধনুকভাঙ্গা আপদ গেল চুকে।

কোথাকার বেয়াড়া ছেলে,

কথাতে কি সেটা ভোলে,

ক'রবে না বে', আছে দু-ভাই বৈকে।

পুরোহিত-পত্নী। ভাল, না হয় আর একবার যাওনা,

ছ' কথা বুঝাও না,

বে' হ'লে ত দেবে আমায় নথ ?

পুরোহিত। আরে তা' হলে আর কিছু কি চাই,

একেবারে দুঃখ ঘোচাই,—

ভারি ক'রে নথ গড়াব

লিখে দিচ্ছি খত।

যাই একবার রাজসভায়,

গেছে বিশ্বামিত্র অযোধ্যায়,

দেখি গে এল কি না এল দশরথ,

নিয়ে তার শত্রু আর ভরত।

পুরোহিত পত্নী। আর দেখ,

বড় দেখে মুক্ত কিনে গড়িয়ে দিও নথ।

যাও তুমি রাজসভায়,

আমি জল আনতে যাই।

[প্রস্থান।

পুরোহিত। ঘুচল খানিক নথের বালাই,

ঘরের ভিতর ভ্যান-ভ্যানানি,

তুলতে পাই না হাই।

[পুরোহিতের প্রস্থান।

(ব্রহ্মাদি দেবগণের প্রবেশ)

ব্রহ্মা। ওন পুরন্দর,

শশধরে পাঠাও সস্তর

মিথিলার সভাস্থলে,

নট বলি দেবে পরিচয়।

জনক-আলয়ে শশী,

বিবাহ যে দিনে,

স্বরস সঙ্গীতে মোহিয়ে সভাস্থ জনে,

লয় ভ্রষ্ট সুধাংশু করিবে,—

নহে রাবণ না হবে ক্ষয়,

শুভযোগ ক'রেছে নির্ণয়,

বশিষ্ঠ ব্রাহ্মণ—

মহাজানী বিপ্রবর।

লয়ে যদি হয় সস্ত্রদান,

না হইবে আন—

রাম-সীতা হবে না বিচ্ছেদ ।
জানকী-হরণ, হবে না কখন,
এ কথা জানিও স্থির ।

ইন্দ্র । কহ বিধি,

যদি কুলগ্নে হে হয় সম্প্রদান,
কন্তার বয়ান পাত্র যদি নাহি হেরে ?

ব্রহ্ম । সে আশঙ্কা নাহি কর তুমি,
কহি শুন পূর্ব-বিবরণ,—
একদা গোলোক-মাঝে
আনন্দে আনন্দময় ত্যজি বাঁশী,
পীতাম্বর ধরু ধরি করে—
চারি অংশে বিহরিল হরি ;
দিগম্বর ভাবে হ'য়ে ভোলা—
বানরের বেশে লুটিল আসন-তলে,
আনন্দে রমেশ হাসিল ভোলার ভাবে,
হাসি হৃষীকেশ চাহিল রমার পানে !
জগন্নাভ জগতে আনন্দময়ী,
সাজিলা জানকী,
মুগ্ধ মদনমোহন মাধুরী নেহারি,
যত্ন করি বসাইলা বামে,
প্রেমে প্রশান্ত লোচনে,
প্রেমময় প্রেমময়ী
চাহিলা মহীর পানে,
কৃত্যমানা হেরিলা মেদিনী
রাবণের ভরে সতী ;—
তেঁই ধরা-মাঝে বিরাজেন দৌহে,
প্রেমময় রাম-সীতারূপে ;
নয়নে নয়ন হইলে মিলন,—
গোলোকের ভাব উদয় হইবে আসি,
প্রেম-ফাঁসি বাধিবে দুজনে দৃঢ়-বাঁধে,
তাহে প্রেরিয়াছি আমি—
রত্নের জনক-গৃহে ;
গেছে—
মদনমোহিনী ভুবনমোহিনী রূপে
সাজাইতে জানকীরে,
মোহিবারে মদনমোহন ।

শুন সৈন্ত-কোলাহল, আসিছে অযোধ্যাপতি,
শীঘ্রগতি করহ যত্নগা,
লগ্ন-দ্রষ্ট হেতু শশী যাক্ মিথিলায় ।

[সকলের প্রস্থান ।

(দুই জন সৈনিকের প্রবেশ)

১ম-সৈন্ত । যদি জানও যায়,

হস্তকী কোন্ শালা খায় ;
কোথায় ছাঁচি পান,
না, দিলে হস্তকী কেটে ।

২য় সৈন্ত । ও বামুন ভারি দাগাবাজ্ !

১ম সৈন্ত । বেটার ভারি ঝাঁজ,

হুষ্টির হস্তকী বেটা ক'রেছে একচেটে ।

২য়-সৈন্ত । আ মলো ! খাওয়ালে কি না কলা-মুলো !

১ম সৈন্ত । আরে ভুলো, তুই এগিয়ে এলি কেন ?

২য় সৈন্ত । আরে রেখে দে তোর এগোন-পেছন,
হেঁটে হেঁটে পা ক'ছে বন-বন ।

১ম-সৈন্ত । দেড়ে বেটাকে দেখে নেব—

যদি একলা পাই ;
ব'লে কি না বড় রসাল,
ভাব্লেম—দেবে কাঁঠাল,
তা নয় বুড়ো বার ক'লে পাকা তাল ;
গা শুদ্ধ ছোবড়া তা কি খাওয়া যায় ছাই,
দেখে নেব যদি একলা পাই ।

২য় সৈন্ত । আবার চ'লেছি জনক রাজার ঘরে,
তারও দাড়ি নেবেছে থরে থরে,
সে না তোফা কচি পেয়ারা খাওয়ায় ?

১ম-সৈন্ত । গোড়া থেকে যে লক্ষণ দেখছি,
সবই শোভা পায় ।

২য় সৈন্ত । আরে এত বামুনও থাকে বনে,
নিয়ে যাওয়া আছে কুটীরে টেনে,
এদিকে হাঁড়ি ঠন্ ঠনে ।

১ম-সৈন্ত । এই বা কোন্ রাজার বেটা রাজা,
সব বুড়ো বামুনের কথা শোনে ।

২য়-সৈন্ত । তুই খুব ঘ্যান-ঘেনে,
ঐ সৈন্ত চলো ঈশান কোণে ।

দেখ দেখি কত পন্নো কের,
সাধে বলি এগুন্ নে।
১ম-সৈন্ত । 'ঐ বুড়ো মূর্নি বেটার
পায়ে ধক্কু বিন্ধিনে।

[প্রস্থান।

দ্বিতীয় গর্ভাঙ্ক

উপবন

ভাবাবিষ্টা সীতা।

(রত্নির প্রবেশ)

রতি । আহা মরি কি মাধুরী হেরি,
নয়ন ভরিল রূপে !
কমলারে কেমনে সাজাব,
কোথা রত্ন পাব,
রত্নাকর-সার রত্ন রমা।
জিনি কাদম্বিনী মুক্তবেণী,
কেশরাশি চুমিছে চরণতলে,
নখরনিকরে—
সুধাকরে থেলে থরে থরে,
মরি হাসে শশীশ্রেণী—
ত্রীপদ নলিনীদলে,
সাদরে নলিনী ঘেরিতেছে কাদম্বিনী,
মরি অমল কমল, আঁখি ঢল ঢল,
মুখ নিরমল রঞ্জিত ঈষৎ রাগে,
অলুরাগে ভ্রমর ভ্রমিছে দলে
অঙ্ক মধু আশে,
কেহ করে কেহ বা অধরে
কেহ বা চরণ-তলে,
নিরুপমা রমেশ-জন্মবাসিনী,
পল্লবোনি কেন বা প্রেরিল মোরে ?
অন্তমনা রাজবীলোচন বিনা ;
যেন স্থল-পদ্ম প্রভাতে অরুণ-আশে।
সীতা । কিবা অপরাধ করেছি রাজীব-পদে,
গুণধাম, কি হেতু হইলে বাহ,
দাসীরে কি ভুলিলে ধরায় আসি !

শ্রাম শশী আধার অন্তর,
গীতাবধর তুল না হে অবলার,
দিন যায় যুগ মনে হয়,
যুগে যুগে কত বা কাদাবে আর।
অতল জনমিতলে ত্যজি অধিনীরে,
পুরে নি কি-বাসনা তোয়ার !

রতি । চেতন বিহীন,
প্রাণ-পতি ধ্যানে রমা !
দেহ-উপবনে—
রামের চরণে নিপতিত প্রাণ-মন !
অচেতন চৈতন্তরূপিণী,
কেমনে সম্ভাষি তাঁরে,
ধীরে ধীরে গান করি বসি।

(গীত)

কার তরে প্রাণ উখাও উখাও

প্রাণ খুলে বল চাঁদে।

কেন কেন শিহরণ, হিয়া গুরু কপন,

উন্মাদিনী কেন কাঁদে।

দিন বহিল, আশা রহিল,

প্রাণ গড়িল হাঁদে।

বেধিগা মোহিনু, সহিহু বহিনু,

ভজিহু মজিহু, নিশিদিন পুজিহু,

প্রাণ গলায়ে, হৃৎ বিলায়ে,

নারিহু বাধিতে প্রেম-বাঁধে।

সীতা । কে তুমি রূপসি, বসি একাকিনী,
কর গান—পুন তোল তান ?
গীত তব সঙ্করণ,—
বল কার তরে প্রাণ তব হুরে,
কেন গাও বিষাদ-সঙ্গীত ?

রতি । চিরছাধিনী কামিনী আমি,
ধন্য করে পতি ফিরে
দিগ্বিজয় করি।
একাকিনী রহিবারে নারি,
পতি যাত্র সার,
কেহ নাহিক আমার,
কার কাছে কব মনোব্যথা,
যাই যথা—তথা বঁসে করি গান,—
কে তুমি স্বামরি, পরিচয় দেহ মোরে।

সীতা। আমি সীতা।
 রতি। জনক হুহিতা ?
 সীতা। ই্যা।
 রতি। শুনিয়াছি না কি বিবাহ তোমার ?
 সীতা। না, ধনু ভাঙ্গি রামচন্দ্র গিয়াছেন চ'লে।
 ভাল তব কোথায় বসতি ?
 যদি গুণবতী—
 দয়া করি রহ মিথিলায়,
 সুধাব তোমায় কেন পতি তব,
 যান সদা তোমা ত্যজি !
 আমি রহি একাকিনী,
 ভালবাসি শুনিতে কাহিনী,
 ভগ্নী সম সদা সেবিব তোমারে।

রতি। কি হেতু মিনতি মোরে,—
 বঞ্চি একাকিনী চিরদিন,
 রব তব অনুরোধে মিথিলায়,
 অমৃতভাষিণী তুমি।

সীতা। ভগ্নী বলি ডাকিব তোমারে।

রতি। না না, সখী ব'লে,
 সম্ভাষিব পরস্পরে।

সীতা। ভাল সখি,
 জান কি—অযোধ্যা কতদূর ?

রতি। বহুদূর।

সীতা। পথে কোন আছে কি বিপদ ?

রতি। না, কি হেতু সুধাও সখি,
 বাসনা কি মনে তব অযোধ্যা যাইতে ?

সীতা। যদি রাম ল'য়ে যান সাথে।

রতি। রাম কে ?

সীতা। নাহি জান রামচন্দ্রে সখি !—
 অযোধ্যার সমাচার না সুধাব আর।
 বল' দেখি, কেন পতি তব ভ্রমে দেশে দেশে ?

রতি। দিগ্বিজয় করি ভ্রমে।

সীতা। দেখ, যাইতে নিষেধ ক'র' অযোধ্যানগরে,
 যত্বপি সংগ্রাম বাধে রামচন্দ্র সনে,
 তা হ'লে হইবে বিষম—
 তাই সখি, করি মানা।

ভাল সখি—কি হেতু না যাও তুমি,
 পতি পাছে পাছে ?

রতি। সঙ্গে তিনি নাহি লন গোঁরে।

সীতা। দেখ সখি,
 কেন্দ' ধরি পতির চরণে,—
 তাহে যদি নাহি লন সাথে,
 যেও অলক্ষিতে পশ্চাতে তাঁহার !
 যদি ভগবতী করেন করুণা,
 পাই যদি রঘুপতি পতি,
 তিলেক না রব আমি তাঁহারে ছাড়িয়ে।
 আহা ! তুমি কত কাঁদ গো স্বজনি,
 পতি বিনা একাকিনী।

(জনক-রাণীর প্রবেশ)

রাণী। ও মা, হেথা তুমি ?

(রতির প্রতি) কে মা তুমি ?

সীতা। মা গো সখী মম,
 চল সখি, যাই ঘরে।

[সকলের প্রস্থান।]

তৃতীয় গর্ভাঙ্ক

তোরণ-সম্মুখ

জনক ও সভাসদগণ।

(নটবেশী চন্দ্রের প্রবেশ)

চন্দ্র। নট-ব্যবসায়ী আমি
 আসিয়াছি মিথিলায়,
 অভিনয়ে তুষিবারে সভাজন।
 ভ্রমি রাজ-সভাস্থলে,
 অভিনয়-বলে সর্বত্র সম্মান মম।
 জন-মনোহর নাম, সুধার সাগর,
 জন পুলকিত—প্রসূর-হৃদয় গলে,
 দৃশ্য সুবিকাশ, হৃদি তমোনাশ
 উদিলে হে রঙ্গস্থলে।
 কলক আমার ভুবন প্রচার,—

ভ্রমি তারাকারা নারী সাথে,
কলকে না ডরি, জন-তমো হরি,
স্বধী পদধূলি মাথে ।
যামিনী কামিনী নিয়ত সন্ধিনী,
ভুবনমোহিনী নটী ;
নিত্য অভিনয়, তার পরিচয়,
নাচি দৌহে বেড়ি কাটি ।
দৌহে ধীরি ধীরি রক্তস্থলে ফিরি,
নানা রস-রঙ্গে লীলা,
জন-হৃদি-মাঝে কি ভাব বিবাজে,
কুসুম-মিলিত শিলা ।
শ্রায় সহ দয়া, ক্রোধ সহ মায়া,
কামে প্রেমে কত খেলা,
লীলা অবিরাম, নিত্যানন্দ-ধাম,
নিয়ত আনন্দ মেলা ।

জনক । বড় ভাগ্যে পাইছ তোমারে মতিমান,
যোগ্য সমাদর কর নটরায়,
বিশ্রাম করহ ক্ষণ ।

[নটবেশীচক্র সহ একজন সভাসদের প্রস্থান ।

(একজন ভট্টের প্রবেশ)

ভট্ট । বীর, ধীর সূর্য্যোপম দশরথ রাজা !

(অলিন্দোপরি পুরস্ত্রীগণের গীত)

পিলু ধারোয়া—কাশ্মিরী থেমটা ।

ধোর আটকানো লো, না হয় আনা গোনা ।

কে আসে কি ভাবে যায় না জানা ।

ও মা কুলনারী, ছি ছি লাঞ্চে মরি,

ও লো সাফনে এল, বল কখনে সরি ;

ও লো ছোঁয় না বেন, তোরা কবুলো মানা ।

(বশিষ্ঠ, বিধামিত্র ও সহচরগণের সহিত

রাজা দশরথের প্রবেশ)

জনক । পবিত্র মিথিলাপুরী তব আগমনে ।

দশরথ । এ কি কথা রাজষি তোমার,

পবিত্র হইছ আমি তোমা দরশনে ।

বিধামিত্র । শিষ্টাচার আড়ম্বরে

নাহি প্রয়োজন আর,
কোলাকুলি কর দুই বৈবাহিক মিলি ।
বশিষ্ঠ । বিনয়ে কি কাজ, প্রবেশ করহ পুরে,
শুভলগ্ন ভ্রষ্ট যেন নাহি হয় ।

[সকলের প্রস্থান ।

চতুর্থ গভাবন্ধ

রাজ-অন্তঃপুর

(জনক-রাণী ও পুরস্ত্রীগণের প্রবেশ)

১ম পুরস্ত্রী । ও মা এমন কি ঘটী,
আলো বা ক'টা,
আক্কেল নাই মিনসে !
এর নাম কি ক'নে গয়না,
সব টিপসে টিপসে ।—

২য় পুরস্ত্রী । আর এ গুলো ফজবেনে,
ফুঁয়ে ফুঁয়ে উড়ছে ।

৩য় পুরস্ত্রী । যেমন চাপাফুল যেয়ে,
তেমন সোনার চাঁদ বর বটে ;
কিন্তু আর কিছু ভাল নয়,
গয়নাগুলো দেখে গাটা যেন পুড়ছে ।

৪র্থ পুরস্ত্রী । রাখ মেনে তোর কারিকুরি,
ও মা, এ কি সিঁতির ছিরি !

৩য় পুরস্ত্রী । যদি তোর দেশে না সেকুরা ছিল,
কোন পাঠিয়ে দিলি হেথা !
গড়িয়ে পাঠিয়ে দিতেম,
আমরা কি নিতে যেতেম,
পোড়া কপাল !

১ম পুরস্ত্রী । আগে শুভদৃষ্টি হ'য়ে যাক,
তবে তনিয়ে দেব ছ'কথা ।

৪র্থ পুরস্ত্রী । ও মা, ওর নাম কি রুমকো বলে,
দেখে গা জলে,—
ক'নে-কাণে এমনি ভারী জিনিস নয় !

অসৈর্য সহিতে নারি, তাই ব'কে মরি,
অমন হেলার জিনিস না দিলেই নয়।

(পুরোহিতের প্রবেশ)

পুরোহিত। ও গো এই নৈবিদ্বি খানায়
পড়েনি মোণ্ডা।

রাণী। নেও না, ওখানে র'য়েছে গণ্ডা গণ্ডা,
সাধে কি বলি সঙ।

পুরোহিত। আর সেই বাস্তুপূজার কাপড় খান্ ?

রাণী। ঐখানে কাপড় সাজান থরে থরে,
ও মা এ কি চণ্ড!

পুরোহিত। বলি দক্ষিণেটা কি শেষকালে নেব ?

রাণী। বলি দক্ষিণেটা আর কবে না দিয়েছি,
দেব গো দেব।

পুরোহিত। তাই ব'ল্হি, হেথা নাই।

রাণী। দূর হোক—পারিনে ছাই।

এই রাজ্য মিন্‌সে করে যত বালাই।

এক্লা মাহু মা ঘুরে ঘুরে মলেম,

এই সীতেকে ডাক্তে

পুকুর-ঘাটে গেলেম।

আবার এলেম,—

আবার ডাকাডাকি ক'চে, চ'লেম !

আর চৈচিয়ে চৈচিয়ে গলা ধ'রে গেল মা,

আর পারি নে মা,

তোরা একবার আয় না গা।

বরণ-ভালাখানা ক'ব্বি।

[সকলের প্রস্থান।

(সীতা ও রত্নির প্রবেশ)

সীতা। অলঙ্কারে কি কাজ তাহার,

রাম যার কণ্ঠহার,

প্রাণ আমার বিকাইবে তাঁর পায়।

ভাল সখি,

কোথা তুমি শিখিলে সাজাতে ?

রত্নি। শিখেছি পতির কাছে।

শিখিয়াছি রমণী-নয়নে

কজ্জলের ছলে রাখিতে গরল-রাশি,

প্রেম-ফাঁসি রঞ্জিত অধরে,

বেণী বিনাইয়ে ফণিনী সমান,

বাধিতে পুরুষ-প্রাণ।

কেবা বলবান ঝুলিতে বন্ধন,

কাতরে লুটায় পায়।

সীতা। কহ সখি, কি কথা তোমার,—

রামচন্দ্র লুটিবেন পায় !

এলাইয়ে দেহ মোর বেণী,

দেহ সাজাইয়ে,—

যাহে দাসী বলি লন গুণমণি।

রত্নি। সখি, জান না সরলা তুমি,

পুরুষ কঠিন অতি !

ঠেকেছি শিখেছি,

সঁপি প্রাণ পতি-পদতলে ;

পায়ে ঠেলে দাসী তাঁর,

চ'লে যান যথা তথা,

মনোবাখা ব'লেছি তোমায়।

সীতা। যদি পতি মোরে ঠেলেন চরণে,

রব তবু পদতলে,

আঁখি-জলে ধোবো পা দু'খানি,

মম গুণমণি রূপা করিবেন তাহে।

শুনছি স্বজন, দয়ার সাগর রাম,

অবলায় বাম নহিবেন তিনি কহু,

দেহ বেণী ঘুচাইয়ে মোর।

রত্নি। এ বেণী কি ঘুচাব স্বজন,

কাদম্বিনী-শ্রেণী বিনায়েছি সম্বন্ধে,

ফুলমালা বিজলি খেলিছে,

হৃদয়ের চাঁদে অবাধে বাধিবে তায় ;

প্রাণ বিকাইয়ে পায়,

হৃদয়ে হৃদয়ে রবে স্বখে চিরদিন !

রূপ-ফাদে না বাধিলে সহ,

পুরুষ কি রয় স্থির ?

মলিনী নলিনী না সম্ভবে মধুকর,

স্বধ-সরোবর কলবর,

শাবণ্য-সলিল তায়,

যৌবন-কমল হাসে,
মধু-আশে রহে বাধা মধুকর।
সীতা। সখি,
হেন মধুকরে আদরে কি ফল বল?
দিনমণি সম রাম রঘুমণি,
মলিনী নলিনী নাহি করিবেন হেলা,—
স্বামী কি ঠেলেন কহু সতীরে চরণে?
বুরুপার সতীত্ব ভূষণ।
বেশে মুগ্ধ—ব্যভিচারী যেই!
জিতেন্দ্রিয় রাম গুণধাম,
প্রেম বিনা কে পারে কিনিতে।
(জনক-রাণীর প্রবেশ)

রাণী। আয় মা জানকী তোরা,
অভিনয় হবে সতামাঝে।

[সকলের প্রস্থান।]

পঞ্চম গর্ভাঙ্ক

রাজসভা—সম্মুখে রত্নমঞ্চ

জনক, দশরথ, বশিষ্ঠ, রামচন্দ্রাদি ভ্রাতৃগণ, রাজাগণ,
সভাসদগণ প্রভৃতি আসীন।
(পণ্ডিত ও ছাত্রগণের প্রবেশ)

১ম পণ্ডিত। রত্নগণ রত্নগণ ব্যাকরণ লক্ষণ,
স্বর্ণে নাক দীর্ঘ
অর্থাৎ স বর্ণের সহ।

২য় পণ্ডিত। আরে রহ রহ রহ।
আরে ভট্টাঙ্গ, শাস্ত্রে ব'লছে—
আকরে পদ্মরাগানাম।

১ম পণ্ডিত। আরে নেও না রত্নগণ রত্নগণ,
বিদ্যারত্ন মহাধনং।

২য় পণ্ডিত। আরে বিদ্যার জাঁক ক'রো না, যাও।

১ম পণ্ডিত। এ যে দেখছি ভারি দুর্জুন,
আমি বিদ্যাবাগীশ বাচস্পতি,
আমায় এসে বিদ্যার নাড়া দাও!
শ্লোক না প্রাধিকান ক'রে

একটা কচকচি তুলছে;—

শাস্ত্রে ব'লছে—হস্তী হস্তা।

১ম ছাত্র। ভট্টাঙ্গি ম'শায়, তর্ক রা',
বিদেয়ের ব্যবস্থা।

১ম পণ্ডিত। আরে বেল্লিক, শাস্ত্র-আলাপ হোক।

২য় ছাত্র। তবে হস্তী হস্তা ব'লে গিল্ছে কেন টোক!
চূড়ামণি ম'শায়,
ঘড়াটা না হয়, আমি দান্দা ক'রে নেব।

১ম ছাত্র। বিদ্যাবাগীশ খুড়ো, তর্ক তো হ'ল,
এদিকে ব'ল্ছে ঘড়াটা নেব।
নেবে—এস—

আমিও কোন্ পেচ'পা, গালে চড় লাগিয়ে দেব

২য় ছাত্র। আয়—পাছাড় লাগ'বি তো আয়।

১ম ছাত্র। মারবো থোব'না সোঁটে কিল,
দেখি শালা কত জোর তোর গায়।

২য় ছাত্র। তুমি আমায় চেন না,
আমি বিদ্যে-মুদ্রার ম'শর চেলা।

১ম ছাত্র। আমি বিদ্যে গজপতির টোলের পোড়ো,
আমায় চেন না শালা!

৩য় পণ্ডিত। আরে স্থিরো ভব—স্থিরো ভব,
কলহে কি প্রয়োজন?

২য় ছাত্র। আরে রেখে দাও তোমার টিকিনাড়া,
সাত সের ঘড়ার ওজন।

জনক। যথাযোগ্য বিদায় করিব জনে জনে,
না কর বিবাদ কেহ,
স্থির ভাবে দেখ স্নগ অভিনয়।

(রত্নমঞ্চোপরি চন্দ্র ও নটীর প্রবেশ ও গীত)

অ। সরি হাশিছে কিবা সভা মনোহর!
বিরাজে রসিকব্রজ অংশব গুণ-আকর।
রঞ্জিত রসিক-চিত, নব-রস-বিকৃষিত,
হইতেছে বিলিত সত্তর অক্ষর।

(সমুদ্রময়ন অভিনয় আরম্ভ—ধ্বজুরির উত্থান)

(গীত)

ব্রহ্মরূপা হুবা পরল কি নাম তোমারি?
মোহিনী মোহিনী মাধুরী নেহারি।

দন্তে বস্পে ভূত কস্পে,
গীড়ন গীড়া ভীষণ,
জাহি যে জাহি যে—
মানব-ভাপহারী।

ব্রহ্মা। ঔষধ দানিল রত্নাকর
লোক-হিত হেতু,
নরে আমি করিহু প্রদান।
অহর। বাট ব্রহ্মা, সসজ্জ র'য়েছি সবে।

(লক্ষ্মীর উত্থান)
(গীত)

কিবা কমলে গঠিত হেম মাধুরী,
বহন কমল হাসে।
হেম কমলিনী, কমলবাসিনী,
কমলা কমলে ভাসে।
মধুর লহরী অঁধি,
প্রাণ রাধি রাজ্য পায়,
মন-প্রাণ মধু-মাশে।

ব্রহ্মা। নারায়ণ এ'র অধিকারী।
অহর। কল্যাণ সবা'কার আগে,—
উঠে:শ্রবা, ঐরাবত আদি
কিছু না কহিহু তায়;
ঔষধ দানিলে নরে,
তাহে না কহিহু কথা,
কল্যাণ না ছাড়িব কভু।

শ্রীধাম। আমার আমার,
কার অধিকার আর—
কে হরে এ হারানিধি,
চক্রে খণ্ড খণ্ড করিব ব্রহ্মাণ্ড,
ফিরে দে রতন মম।

দশরথ। এ কি!
কেন রাম হইল এমন?

বশিষ্ঠ। কহ চক্ৰি, কোথা চক্ৰ তব,
ধনুধারী রাম তুমি!
(জনকের প্রতি) মহাশয়, লগ্ন ভ্রষ্ট হয়।
(স্বগত) অথও তোমার বিধি, হে বিধাতা—
কৃত্র আমি—লজ্জিব কেমনে।

দশরথ। কেন রাম হইল এমন?
বশিষ্ঠ। না হও চক্ৰল রাজা,
আছে তব্ব, কহিব পশ্চাৎ;
রাজকুমারি, শীঘ্র কর কল্যাণ সম্প্রদান।

[ব্রাহ্মণপণ্ডিত ব্যতীত সকলের প্রস্থান।

২য় ছাত্র। বলি ও বাচস্পতি খুঁড়ো,
চারচাটে মেয়ে ক'লে পায়,
কি ঠাওরাক ঘড়ার?
১ম ছাত্র। এ ঘড়া কে নেয় আর!
২য় ছাত্র। তবে রে শালা,
এ কি নৈবিদ্রির কলা,
যে পেলি পেলি, একটা ছেড়ে দিলেম।

৩য় পণ্ডিত। হায় হায় আমি বুড়ো হ'য়েছি,
গায়ে বল নাই।
আমি মারা গেলেম।
[পরস্পরের ঘড়া লইয়া দাঙ্গা, “কোথা যাও—
রেখে দাও, রঃ” ইত্যাদি বলিতে বলিতে প্রস্থান।

(দুই জন ভৃত্যের প্রবেশ)

১ম ভৃত্য। কেমন হ'চ্ছিল গান,
ছোঁড়াটা ক'লে ভ্যান্ ভ্যান্।
২য় ভৃত্য। আবার সব সরাতে হবে,
এখানে ব'সে বামুন খাবে।
১ম ভৃত্য। রাজার বাড়ী চাকরি,
বড়ই ঝক্কারি।
২য় ভৃত্য। তাই কি ছাই রাজার মত রাজা,
বল—‘সোনার ডিপেয় আন ছাঁচি পান।’
না বল্লে—‘আন কুশাসন খান।’
১ম ভৃত্য। বল—‘নে আয় নাচনাওলী’,
ব'সে শুনি গান;
বাজারে বাজারে খানিক ঘুরলুম,
না হকুম হ'লো—
‘কলার পেটো কর খান খান।’

২য় ভৃত্য। ওরে শালা, এটা ভেতোর বাগে টান্।
১ম ভৃত্য। ওরে ম্যাড়া, এটা টেনে জড়া।

[উভয়ের প্রস্থান।

ষষ্ঠ গর্ভাঙ্ক

প্রাঙ্গন

(দুইজন সৈন্তের প্রবেশ)

- ১ম সৈন্ত। এমন কি গান—
এতই কি তার সঙ্গরম।
- ২য় সৈন্ত। হাতীতে উঠল বটে হাতীর মতন।
- ১ম সৈন্ত। আর দেখলি নি কাজে খতম,
যখন ঘোড়া উঠল ঠেলে।
- ২য় সৈন্ত। গানগুলো বড় আচ্ছা নয়,
খ্যাম্‌টাতে লাগাতে হয়।
- ১ম সৈন্ত। যা বল—এ উঠল ঘোড়া,
আর সব কিছুই নয়,
তুমিও যেমন!
- ২য় সৈন্ত। কিছুই নয়, গেঁজেলি কারখানা।
- ১ম সৈন্ত। ওরে আয়,
তবু খানিক হ'লো প্রাণ ঠাণ্ডা,
মোণ্ডা নে যাচ্ছে গড়া গড়া।
- ২য় সৈন্ত। আর দেখছিস নে—
বামুনগুলো খুব ঘণ্ডা,
মারামারি ক'রে নেছে।
আর আমাদের দফা এবার রফা।
- ১ম সৈন্ত। সত্যি ভাই,
দেখে কলার বাসনার ঘুম,
কাল থেকে হয়নি আমার ঘুম।
- ২য় সৈন্ত। বামুনগুলো খুব ঘণ্ডা বটে,
আহা খুব লোটে;
বেস্‌ বেঁটে খেঁটে,
সিদে এল গেল,
ঘুরলে ফিরলে
নাচলে কাঁদলে।
- ১ম সৈন্ত। আমাদের নয় ত,
খালি ক্ষিদেয় পেটাই কাঁদলে।
- ২য় সৈন্ত। পাটাতে ধ'রলো কিন্ন কিন্নে!
- ১ম সৈন্ত। লড়াই হ'লো জিৎসুম,

লুটবো,—

- না রাজার হকুম, গর্দান ধ'রলে টেনে।
- ২য় সৈন্ত। ঐ লক্ষণ ঠাকুর রাজা হয়,
বেরোয় দিগ্বিজয়—খুব লুটি!
- ১ম সৈন্ত। আর রাখ ভিরকুটি,
দেখেছিস লুটির মোটটি!
আয় লুটি যা থাকে কপালে,
যাব গর্দান ফেলে;
জানিস তো বন দে যেতে হবে ফিরে,
রাখ না কিছু থোলেয় ভোরে।
- ২য় সৈন্ত। কাজ নেই বাবা জমানারের ঠেলা,
থাকলেই লোভ বাড়বে, চল—পালা।
- ১ম সৈন্ত। তোর যেমন ছাতি নাই,
তোর সঙ্গে থাকে কোন্‌ শালা।

[উভয়ের প্রস্থান]

(নিমন্ত্রণভোজী পুরুষ, স্ত্রী, বালক ও বালিকাগণের খাবার
ইত্যাদি লইয়া প্রবেশ)

- ১ম স্ত্রী। ও মিন্সে, এদিক দে আয় না!
- ১ম পুরুষ। বলি ক্ষীরের তিজেল সামলা,
শালী তুললে বায়না।
- ১ম স্ত্রী। আমি কেমন ক'রে
দয়ের মালসা সামলাচ্ছি,
খোকা কচি।
- ২য় পুরুষ। খুড়ো, বড় চ'ল্‌চ থর।
- ৩য় পুরুষ। আরে ভেড়ো ব্যাটা,
তোদের এই খাবার বয়েস,
বিশ গণ্ডা লুচি খেয়েই ক'চ্চিস্‌ ধর ধর।
- ২য় পুরুষ। মোণ্ডার গুড়াও এড়িচি,
ক্ষীর বাইশ কড়া।
- ৩য় পুরুষ। ছোঁড়া, না খেয়েই ত—
হ'য়ে যাচ্চিস্‌ দড়া।
- ৪র্থ পুরুষ। খুন খারাপস্ত, খুব খাওয়ালে বাবা!
- ৫ম পুরুষ। ভাবছি চাট্টে মেয়ে, একেবারে সালে।
- ১ম ছেলে। বাবা, ভূতি কাগড় খারাপ ক'রে।
- ৫ম পুরুষ। সালে বেটী—সালে।

হৃতি। বাবা, আমি নয়—দাদা।

১ম পুরুষ। শীগ্গির শীগ্গির চ'লে আয় গাধা।

১ম স্ত্রী। পোড়ারমুখো ছেলে।

গিলতে হয়—

আর দিতে হয় উগ্গরে ফেলে,—

আমি ধুয়ে ধুয়ে রাখ্ তেম :

হৃতি। আর আমি চিং হ'য়ে

বাপ্ বাপ্ ডাক্তেম।

[সকলের প্রস্থান।

সপ্তম গর্ভাঙ্ক

ছাদনাতলা

বর-কন্ডা, জনক-রাণী, পুরস্কীগণ,

নাপিত ইত্যাদি।

১ম স্ত্রী। ওলো ঘোর না।

২য় স্ত্রী। আ মন্, সন্ না।

রাণী। একুলা কি সব সামুলাতে পারি,

ধর না।

(স্ত্রীগণের বরণকরণ ও নেপথ্যে হিজড়ার গান)

(গীত)

ও মা ন্যাটা জানাই আমার,

আই আই আই লো,

তালে চুলু চুলু আঁধি, কপালে ছাই লো।

ওমা লালের কথা, আমার বর্ণ লতা

দিলে খেপা বরে,

ওলো ভাবি ভাই,—

একে খেপা মেয়ে তাতে খেপা বর,

কেমনে ছ'জনে ক'রবে বর ;

বর দ্বিপবর,

ওলো সন্ সন্ সন্ লো।

আই মা সরস সরসে ভাই,

বোহটা টেনে সেনে স'রে বাই।

নাপিত। ভাল মন্দ লোক থাক ত স'রে যাও।

১ম স্ত্রী। পোড়ারমুখ' মিন্লে—গলা দেখেছ।

নাপিত। স'রে যাও !

১ম স্ত্রী। গলার মাথা খাও।

নাপিত। ভাল মন্দ লোক থাক'ত স'রে যাও,
নইলে আমার মত হাত হবে।

১ম স্ত্রী। তোর মাগ কবে তোর মাথা খাবে ?

নাপিত। ভাতে হাত দিতে ছায়ে হাত দেবে।

১ম স্ত্রী। যমরাজা তোকে শীগ্গির নেবে।

রাণী। কড়ি দে কিন্লেম, দড়ি দে বাধ্লেম,

হাতে দিলেম মাকু,

একবার ভা কর তো বাপু।

১ম স্ত্রী। ও মা ছি ছি ভ্যা কর্তে জান না,

তোমরা অজ রাজার নাতি।

নাপিত। ভ্যা ক'রে ডাক' ফুলিয়ে ছাতি,

এই নেও ভ্যা—

(বর-কন্ডার শুভদৃষ্টি)

ঐরাম। মরি মাধুরী নেহারি পরাণ পুরিল,

হৃদি বিকাশিল আজি।

আশে হৃদিবাসে প্রাণ ব্যাকুল চাহে,

মন মোহে, সাধ—ধরি পদ হৃদিমাঝে।

সীতা। যেন নীল-কমল আঁখি,

কি বলে কি বলে,—

প্রাণ দেখাইয়া কহ আঁখি,

রেখ' নাথ চরণকমলে !

[সকলের প্রস্থান।

নেপথ্যে। —

(গীত)

নাগর গুণমণি করে,

মরি বালাই নিরে,

হেঁরা মাধুরী মধনে ধরে হিরে !

মুখ হাসি হাসি, মরি জামশণী,

প্রাণে লগে কানী,

সাধ—সাধে কিরি পদে বিকসিঁয়ে,

বনবাণী নিরে কুলে কালি দ্বিরে।

(পুরোহিত তৎপশ্চাৎ তৎপত্নীর প্রবেশ)

পুরোহিত। লগ্ন হ'ল পণ্ড, রাজা নয় কুয়াণ্ড,

বের দিন দিলেন বোড়ার নাচ —

যা হোক শুভ কর্ম হ'য়ে গেছে।

পুরোহিত-স্বী। ওগো, আমার নথের কথা ত

মনে আছে ?

পুরোহিত। • ছপুর রেতে,

মাগী নথ নিয়ে ফেলে প্যাচে ।

[উভয়ের প্রস্থান ।

অষ্টম গর্ভাক

বাসর-ঘর

শ্রীরাম, সীতা, রতি ও পুরস্বীগণ ।

১ম স্বী। যদি হে রসিক হও তো খুঁজে নাও,
এই ঘরেই আছে ক'নে ।

শ্রীরাম । বল গো আধারে আমি খুঁজিব কেমনে ।

২য় স্বী। আঁধারে হে ডর' তুমি,
সাগরে গম্বরে রত্ন হেতু যায় লোক ;
সংসারের সার রতন তোমার,
খুঁজে নিতে নার' ভাই ?

সীতা । (জনান্তিকে) ছি ছি আঁধারে যতপি
ছোন পায় ।

রতি । কেন ডর' তুমি শ্লোচনে,
কি হেতু শিহর ?
কুতূহলে সতী-পদতলে দিক্বাস,
স্লাম-রাঙা-পদ আশ তাঁর ।

সীতা । (যুহুস্বরে) ছি ছি ! নাথ ছুঁও না—ছুঁও না ।

রতি । সধি,
কার্য মম হ'ল সম্পূরণ,
বিনায়েছি যেণী গুণবতী,
প্রাণপতি হের পদতলে ।

(জনক-রাণীর প্রবেশ)

রাণী । ও মা,
তোরা সব বর-ক'নে নে আয়,
ভোরে ভোরে বর যাবে চ'লে ।
এর পর বারবেলা,
বর পাঠাব না বারবেলায় ।

[সকলের প্রস্থান ।

নবম গর্ভাক

তোরণ-সম্মুখ

(দশরথ, জনক, বশিষ্ঠ, সভাসদগণ, ভাটগণ ও

সমারোহ করিয়া লোকগণের একদিক দিয়া

এবং বরবেশী রাম, লক্ষ্মণ, ভরত, শত্রুঘ্ন ও কন্তাবেশী সীতা,

উম্মিলা, মাণ্ডবী ও ঋতকীর্তি, জনকরাণী, পুরস্বীগণ ও

যৌতুক-দ্রব্যাদিসহ বাহকগণের

অত্ৰদিক দিয়া প্রবেশ ।

সকলে । জয় সীতারাম !

১ম ভাট । দাতার ব্যাটা হয় তো দেয়,
ও বশিষ্ঠ,

ওর ঘরে মহা অন্নকষ্ট ।

২য় ভাট । আর এই কান শুল্ল ।

বশিষ্ঠ । আঃ, তোমরা যে ক'লে হললুল ।

দশরথ । দেহ ঋষিরাজ,
যেবা যাহা চায় ধন,
অকাতরে কর বিতরণ,
আনন্দের দিন মম,
অপ্তনের পুত্রের বিবাহ,
নিরুৎসাহ নাহি রহে কেহ ।

জনক । ছিল যা আমার রতনের সার,
সমর্পণ করিলাম চারিজন,
রেখ' যতনে ঋষির ধন ।

রাণী । ও মা,
মা ব'লে কি ভুলিলে মা এতদিনে,
দিয়ে পরে কেমনে গো রব ঘরে ?

সীতা । ও মা !

জনক । নেও, শীগ'গির নেও,
বারবেলা প'ড়লো ব'লে ।

২য় ভাট । ও রে, বর-ক'নে তো চ'ললো ।

১ম ভাট । আমি অযোধ্যায় যাব ।

দশরথ । চল, ছড়াইয়ে রত্নধন পথে,
যেবা পারে লউক কুড়িয়ে ।
হে বশিষ্ঠদেব,

দেখ বুঝি আসেন ভার্গব ।

আসিছেন সশস্ত্র হেথায়,

শঙ্কা হয় হেরিয়ে বদন,
না জানি কি অপরাধ করেন গ্রহণ !
কোধানবভাব অতি,
কতকুলান্তক নাম বিদিত জগতে ।

বশিষ্ঠ । মহারাজ,
কর তুষ্ট বিনয় বচনে ।

(সশস্ত্র পরশুরামের প্রবেশ)

দশরথ । প্রভু,
বহু কৃপা তব মম প্রতি,—
শুভদিনে পাইলাম চরণ দর্শন ।
আজি শুভযাত্রা মম,
সকলি হইবে শুভ ঋষি-দরশনে ।

পরশুরাম । সুনীলাম বীৰ্য্যবান্ তনয় তোমার—
ভাঙ্গিয়াছে হরধনু,
পণে তিনি লভিয়াছে জনকনন্দিনী,
অতি বীৰ্য্যবান তনয় তোমার,—
নহে কি রেখেছ তুমি রাম নাম তার ?
মম নাম ভৃগুরাম বিদিত জগতে,
দাশরথি রাম নামে ঢাকিবেন সে নাম ।

বশিষ্ঠ । স্বস্তি ।

দশরথ । প্রভু,
দেব নামে পুত্র নাম রাখে সর্বজন,
সেই হেতু রাম নাম পুত্রের আমার ।
ভৃগুরাম-দাস মম রাম ।

পরশুরাম । না না, বলবান তব রাম,
কই রাম—কোন জন ?

শ্রীরাম । দাস তব সম্মুখে ব্রাহ্মণ,—
আশীর্বাদপ্রার্থী তব পায় ।

পরশুরাম । তুমি রাম ?
ভাঙ্গিয়াছ শিবদত্ত ধনু মম ?

শ্রীরাম । পশুতে লজ্জায় গিরি ব্রাহ্মণ-প্রসাদে ।

পরশুরাম । না না, মহাবল পরাক্রান্ত তুমি,
শিবদত্ত মম ধনু না ভাবিলে মনে,
ভাঙ্গিয়াছ ধনু বাহুবলে !
জীর্ণ ধনু ভাঙ্গিয়াছ নহে বড় কথা,

পার যদি নোয়াইতে এই ধনু মম,
বীর বল করিব বাধান,
নহে ধনুভঙ্গ-অপরাধে না পাবে নিস্তার,
পুনঃ ক্ষত্র-রক্তস্রোতে তৃপ্ত হবে ধরা !

দশরথ । প্রভু,
অজ্ঞান বালক,
অপরাধ করুন মার্জনা ।

পরশুরাম । ক্ষত্রিয় অজ্ঞান চিরদিন,
পশুসম হিতাহিত জ্ঞান-বিবজ্জিত,
নরহত্যা-পাপ নাহি বধিলে দুর্জনে ।

বশিষ্ঠ । ঋষি তুমি,
ক্ষান্ত হও বালক বৃদ্ধিয়ে ।

পরশুরাম । বৃদ্ধ শিশু নাহি ক্ষত্রিয়ের,
সবে সম অনাচার !
নহি আমি যাজক ব্রাহ্মণ,
প্রত্যাশা না রাখি কার !

শ্রীরাম । মার্জনা-ভিখারী আমি—যদি অপরাধী,
কিস্ত
কষ্টভাব কিবা হেতু কন পুরোহিতে ?
যাজন বিপ্রেয় ক্রিয়া, ক্ষত্রিয়ের ধনুক ধারণ,
ব্রাহ্মণের ক্রিয়াভ্রষ্ট নন মুনিসর ।

পরশুরাম । পিপীলিকা—উঠিয়াছে পাখা,
দেহ গুণ এ ধনুকে বৃদ্ধি তব বল ।

লক্ষণ । তুচ্ছ কার্য্য অস্ত্রধারী দ্বিজ !
শ্রীরামের দাস আমি,
দেহ ধনু, অবহেলে করি গুণদান ।

পরশুরাম । রাজা দশরথ,
বৃদ্ধি এটা পুত্র তব ?
দোহে বলবান্ ।

ভরত । আর ছই পুত্র মোরা দোহে ।

শকুনি । সবে মোরা শ্রীরামের দাস ।

দশরথ । এ কি সর্বনাশ !

বশিষ্ঠ । ক্ষান্ত হও, মহারাজ !

পরশুরাম । কার সনে ক'ন্ কথা বৃদ্ধি কি মৃত ?

লক্ষণ । অস্ত্রবাহী ব্রাহ্মণের সনে ।

প্রণাম চরণে,
 নিজ স্থানে করুন গমন।
 পরশুরাম। নিঃকৃত্ত ক'রেছি ধরা তিন সাত বার।
 লক্ষণ। হয় নাই সেই কালে রামের জনম।
 পরশুরাম। ভাল, ভাল—
 (ত্রীরানের প্রতি) তুমি রাম?
 অতি বলবান্,
 দেহ গুণ ধন্যকে আমার।
 ত্রীরাম। দিব গুণ,
 দেন শর—করিব যোজন।
 পরশুরাম। ভাল ভাল, এই লহ বাণ,
 গুণ দিয়া কর শীঘ্র ধন্যকে সন্ধান।
 ত্রীরাম। (ধন্যকে শর যোজনা করিয়া)
 কহ দ্বিজ, কোন স্থানে এড়িব এ শর?
 বিফল হবে না মম বাণ-সংযোজন,
 অমর মরিবে অন্ত্রাঘাতে—
 কহ কোথা করিব সন্ধান?
 পরশুরাম। এ কি! কে এ অদ্ভুত শিশু!
 কেবা তুমি বালক-আকারে
 দেহ মোরে পরিচয়।
 অজ্ঞান অধম
 চিনিতে নারিহু আমি।
 ত্রীরাম। বিস্মৃত না হও মুনিবর,
 আমি মাত্র নিমিত্ত ধরায়,
 দেবকার্যে শরীর ধারণ;
 কিন্তু বুঝ তত্ত্ব ঋষিরাজ,
 জ্ঞানবান্ তুমি,
 যেই কালে নিঃকৃত্ত করিলে,
 ক্ষত্রগণ ছিল অত্যাচারী।
 নিরীহ ব্রাহ্মণগণে করিত পীড়ন।
 নারায়ণ দানিলেন বল তব ভূজে,
 দীননাথ তিনি,
 দীন ব্রাহ্মণ-রক্ষণে—
 নারায়ণ-বলে বলী হৈলা সেই কালে,
 ক্ষত্রিয় করিলা জয় নারায়ণ-তেজে।
 কিন্তু এবে সেই তেজ নাহিক তোমার,
 ব্রাহ্মণ-রক্ষক নহ—মানব-পীড়ক।
 মিথিলায় পণ শুনি আইলা রাজগুণ,
 ধনুর্ভঙ্গে হইল উদ্ধাহ;
 করি উদ্ধাহ সমাধা—

যাইতেছে বালক ফিরিয়ে,
 ভাব বলবান্ তুমি,
 সেই হেতু আদি মিথিলায়,
 চাহ তুমি দমিবারে নিদোষ বালকে,
 নারায়ণ-তেজ আর নাহি তব ভূজে।
 এবে তুমি সামান্ত ব্রাহ্মণ
 ধর্ম নষ্ট হিংসায় তোমার;
 হিংসার প্রভাবে—
 বিপ্রতেজ ক্ষুণ্ণ তব দেহে।
 কহ, কোথায় তাজিব শর?

পরশুরাম। নহে মম তেজ ক্ষুণ্ণ ওহে নারায়ণ,
 পাইয়াছি সাক্ষাৎ দর্শন,
 মম সম তেজীযান্ কেবা আর ভবে?
 স্বর্গ-পথ রুদ্ধ মম কর তব শরে,
 নহি আর স্বর্গের প্রয়াসী,
 ব্রহ্মপদ করি তুচ্ছ জ্ঞান,
 পেয়েছি পরম পদ আর কিবা চাহি!
 দীননাথ তুমি,
 তেজোহীন দীন আমি আপনি কহিলে,
 দীন জনে ত্যজিতে নারিবে।
 কলঙ্ক রাটবে তব দীননাথ নামে,
 এ দীন ব্রাহ্মণে যদি তাজ দয়াময়!

ত্রীরাম। নহ দীন, হে প্রবীণ, অবতার তুমি,
 তব দেহে নারায়ণ করিয়া আশ্রয়
 করিলেন ক্ষত্রকুল ক্ষয়,
 মহাপুণ্য জগতে রহিবে।
 শক্তি সহ গিলি ক্ষমা অতুল শোভিবে,
 পরিজ্ঞান পাবে নর তব দরশনে;
 যাও, দেব, নিজ স্থানে।

পরশুরাম। পূর্ণ মম কার্য এত দিনে—
 ইষ্টলাভ মম।
 প্রণমিয়ে ইষ্টদাতা শিবে
 নিঃস্রব্ধে করিব ধ্যান ইষ্টের চরণ।

[পরশুরামের প্রস্থান।]

দশরথ। চল, চল—
 বিলম্বে নাহিক প্রয়োজন,
 কি জানি কি ঘটে পথে।
 সকলে। জয় সীতারাম!

হীরক জুবিলী

(ভিক্টোরিয়া মহোৎসব)

মহারাণী ভিক্টোরিয়ার ষাট বৎসর রাজ্যকাল পূর্ণ হওয়ায় 'ডায়মণ্ড জুবিলী' উৎসব উপলক্ষে 'নটের রাজভক্তি উপহার' স্বরূপ এই গীতিনাট্য খানি রচিত হয়।

[৭ই আষাঢ়, ১৩০৪ সাল, ফাঁর থিয়েটারে প্রথম অভিনীত]

নাট্যোল্লিখিত ব্যক্তিগণ

(পুরুষ)

রাজা, বণিক, নট, পুরোহিত, কৃষক, বঙ্গবাসী, মাতাল, মুটে, দ্বীপাস্তুর-প্রত্যাভূত পুরুষ, নাগরিকগণ, চারণগণ, বন্দীগণ উড়িয়াগণ, সাড়ীওয়ালা, বইওয়ালা, বরকওয়ালা, ছুরিকাঁচিওয়ালা, ওষধ-বিক্রীওয়ালা, তেলওয়ালা, সাবানওয়ালা, পাহারাওয়ালা, খবরের কাগজওয়ালা ইত্যাদি।

(স্ত্রী)

গ্রাম্য স্ত্রী, নাপ্তিনী, ফুলওয়ালী, চুটকীওয়ালী, মিসওয়ালী, খিলওয়ালী, বন্দিনীগণ, নাগরিকাগণ, দ্বীপাস্তুরপ্রত্যাভূতা স্ত্রী ইত্যাদি।

প্রথম দৃশ্য

বিজয়-তোরণ

(নাগরিক ও নাগরিকাগণের প্রবেশ)

(মঙ্গল-গীতি)

রাগিকুল-রাজরাণী তুমি মা জননী।
করণ-বিভার দীপ্ত মুকুটের মণি।
পুতলি খেলার ছলে,
শিখেছ মা বাণ্যকালে,
প্রেমহরী পালিতে গো নন্দন-নন্দিনী।
স্বর্ণাক্ষরে ইতিহাস,
করিতেছে হৃৎপ্রকাশ,
তোমার সার্বভৌম-গুণ ও মা বরাননী।
ওয়েলিংটন লৌহ-হৃদি,
বিগলিত তদবধি,
দণ্ড-আজ্ঞা নিতে হবে অহিল সেনানী।

বোকা বধ-আজ্ঞা চার,

উখলিত করণায়,

লিখিল সার্বভৌম-আজ্ঞা হৃৎপ্রকাশ-ধনী ॥

পেরে মা গো অধিকার,

বলেছিলে বার বার

ধরিব ধরার তার কেমনে রমণী।

দ্রুতর সংসার বেয়ে,

প্রজাপন্ন সকাঁতরে,

তুলিবে গগনতরী হাংকার-ধনি।

বালিকা মুকুট ধরি,

প্রজার মঙ্গল স্মরি,

বরিল করণা-বারি বঙ্গলনয়নী ॥

মঙ্গল কামনা করি,

মঙ্গলা ভুবনেশ্বরী,

শান্তি-নিকতন তব সাগর ধরণী।

কতু পিতা করে রোষ,

মাতৃ-পদে নাহি দোষ,

অকৃত্তি সম্মানে মাতা চির-হাস্তাননী ॥

অকৃতি এ বঙ্গবাসী,
তাই চির অভিলষী,
কাল-প্রোতে-রহে মাতৃজীবন-ভরণী।
মাতৃ-রাজ্যে হর্ষা প্রায়,
নাহি যেন অত ব্যথ,
তিষ্ঠোয়ি। বশঃ-প্রভা জিনি দিনমণি ॥

[নাগরিকাগণের গ্রন্থান।

(জৈনক মাতালের প্রবেশ)

মাতাল। ই্যা বাবা, তোমাদের দলেরই জিত হ'লো
বুঝি ?

১ম নাগরিক। জিত কি ?

মাতাল। তোমরা তো কবির দলের দোয়ার ?

১ম নাগরিক। এ কি বলে !

মাতাল। কেন বাবা আর আমায় ভাড়াচ্ছ ? আমার
খুড়োরও পাচালীর দল ছিল।

২য় নাগরিক। এ একটা মাতাল।

মাতাল। ই্যা বাবা, একটু খেয়ে থাকি ; তা বাবা
তোমরা না খেয়ে কিসের ফুর্তি ক'চ্ছে ? কবির দলেরও
দোয়ার নও, অথচ রাস্তায় চিতেন ধ'রেছ, ব্যাপারটা কি
বল দেখি ? আমি তো বলি মেয়ে-কবি।

৩য় নাগরিক। সে কি, তুমি কিছু জান না !
মহারাজী ষাট বৎসর রাজ্যেশ্বরী হ'য়েছেন, তাঁরই উৎসব।

মাতাল। ই্যা বাবা, মনে পড়েছে, একটা নূতন পরব
উঠেছে, আজ আপিসে ছুটি দিয়েছে বাবা ; এ হীরামণি
পরব না কি বাবা ? বড় খোঁজারি হ'য়েছে, মেজাজটা ঠিক
ক'রতে পাচ্ছি না।

৩য় নাগরিক। ঐ যে তোমায় ব'ল্লুম, মহারাজীর ষাট
বৎসর রাজ্য হ'লো।

মাতাল। আচ্ছা, এ পরব তো বছর বছর চ'লবে ?

১ম নাগরিক। আর তুমিও যেমন, মাতালের সঙ্গে
কি ব'ক্ছো ?

৩য় নাগরিক। কেন হে, আজ মহোৎসব, সকলেই
আমোদ করুক।

২য় নাগরিক। কিসের মহোৎসব, তা তো বুঝতে
পাচ্ছিনে ; ব'ললে চাঁদা দিতে—চাঁদা দিলুম, গাইতে
ব'ললে—গাচ্ছি।

২য় নাগরিক। কি হে, তুমি এমন কথা মুখে আন !

ভারত-সন্তান ব'লে পরিচয় দাও, আর মাতৃরাজ্যে বাস
ক'ব্ছো, অতুল স্বথ-সন্তোষ ক'ব্ছো, তাঁর রাজ্যে ষাট
বৎসর পূর্ণ হ'লো, এতে ব'ল্ছো—কিসের উৎসব !

মাতাল। না, এদের পাচালীর দল, এ হুড়ু
কাটাচ্ছে, বেশ ভাই !

৩য় নাগরিক। চূপ ক'রে রইলে যে, উত্তর ক'ব্ছো
না ?

২য় নাগরিক। ভাই, নগদা-নগদি কিছু পাই তে
বুঝি, কিছু খেলায় পেলুম, বক্সিস পেলুম, না হয় একটা
ট্যান্ড উঠে গেল, তা নইলে উত্তর কি দেব বল ?

৩য় নাগরিক। ভাই, রাগ করো না, স্বার্থপর হ'য়েই
আপনার সর্বনাশ আমরা কচ্ছি, নচেৎ আমরা কি স্থগেই
না থাকতে পারতুম ; এই ভারতবর্ষে যারা বলিষ্ঠ, তারাই
আমাদের ঝাঞ্জালী ব'লে ঘৃণা ক'রেছে, এখনও ঘৃণা করে ;
কিন্তু দুর্বল ব'লে আমরা মাতৃরাজ্যে কি আদর না
পেয়েছি ! যখন কোম্পানীর রাজ্য, তখনও মাতৃরাজ্য,
তাঁরা মহারাণীর দাস ছিলেন ; কিন্তু তাঁরা মহা যত্নে
রাণীর দীন প্রজাদের পালন ক'রেছেন। মনে ক'রে দেখ,
বাঙ্গালী ডাক্তার হবে ব'লে যখন মড়া চিরুতে রাজি হ'লো,
তার সম্মানের জন্ত কেন্দ্র থেকে তোপ হ'য়েছিল।
মহাত্মা রাণীর কর্মচারীসকল কত যত্নে শিক্ষা দিয়েছেন,
তা স্মরণ ক'রে দেখ ; যিনি অবোধ সিপাই ভ্রম বশত
বিবি-বালক হত্যা ক'রেছিল, তখন ইংরাজেরা উন্মত্ত
হ'য়ে প্রতিশোধ দিয়েছিল, তথাপি বাঙ্গালীর প্রতি অণীম
দয়া প্রকাশ ক'রেছিল। কানপুরের নারী-বালক-হত্যা
দেখে যখন ক্রোধাক্ষ, তখনও যে বাড়ীতে "Calcutta
Babus" লেখা ছিল, সে বাড়ীতে ইংরাজ-সৈন্য প্রবেশ
করেনি,—অনেক বিক্রোহী সেই সব বাড়ীতে লুকিয়ে
প্রাণ রক্ষা ক'রেছে। মহারাণীর দয়া দেখ,—তিনি ভারতের
ভার বিক্রোহের পর প্রত্যক্ষভাবে গ্রহণ ক'রলেন ; তাঁর
অভিপ্রায় যে, স্বয়ং প্রজার ভার গ্রহণ করেন। তিনি
ভেবেছিলেন যে, অবশ্যই তাঁর কালো ছেলের প্রতি
অত্যাচার হ'য়েছে, এই জন্তই তিনি স্বয়ং ভার গ্রহণ
ক'রেছিলেন ; ঘোষণা দেন যে, সাদা কালো প্রভেদ
থাকবে না।

২য় নাগরিক। আচ্ছা ভাই, কি ক'রতে হবে, বল ?

মাতাল। ওহে, ছড়া কাটিয়ে, ওহে ছড়া কাটিয়ে, ঠাকুর-বিষয় তো হ'লো, এখন একটা বিরহের ছড়া কাটাও। দেখ বাবা, বড় খোঁটারি হ'য়েছে, ব'লতে পার, যদি নেশাটা ভাঙটা করি, রাস্তায় গড়াগড়ি দিই, তা হ'লে পাহারাওয়ালা ধ'রবে, না তো শুনেছি, তা সত্যি কি ?

৩য় নাগরিক। না, তুমি আজ প্রাণ ভ'রে আয়োদ কর।

মাতাল। বাহবা বাহবা কি মজা, বছর বছর এই পরব হবে তো বাবা ?

৩য় নাগরিক। বছর বছর কেন ?

মাতাল। কেন বাবা, এ বছর যাট বছর রাজ্য হ'লো, আর বছর ঘেটের কোলে একঘণ্টা বছর হ'বে, এক বছর বাড়লো, ডেড় দিন পরব হওয়া উচিত, ফিরে বছর ছ'দিন, এমনি বছর বছর পরব বেড়ে যাক।

২য় নাগরিক। শোন হে, তোমার ইয়ার কি ব'লছে।

মাতাল। কেন বাব', কি বৈঠক ব'লছি বল ? রাণী বেঁচে থাকুন, আর রাজ্য ক'রতে থাকুন, আর রোজ রোজ পরব হোক ; আর আমি জয় ভিক্টোরিয়ার জয় ব'লে ঢক ঢক ক'রে তাঁর হেলুথো খাই।

৩য় নাগরিক। এস, আমরাও বলি সকলে—জয় ভিক্টোরিয়ার জয় !

সকলে। জয় ভিক্টোরিয়ার জয় !

৩য় নাগরিক। ই্যা হে, তুমি না বল যে সাদা কালো প্রভেদ আছে ? কিন্তু এই উপযুক্ত সময়, আজ এস, আমরা জগতকে দেখাই, যদিচ আমরা বিজিত, কিন্তু রাজভক্তিতে আমরা তাঁর গ্নেত সন্তান অপেক্ষা ন্যূন নই। সমস্ত সভ্য জাতির সম্মুখে প্রকাশ করি যে, আমরা ভারত-সন্তান ; আমরা দিল্লীশ্বরকে 'দিল্লীশ্বরো বা জগদীশ্বরো বা' ব'লে ডাক্তেম। যে মানীকে মান দেয়, সে আপনার পরিচয় দেয় যে, সে নিজে মহামানী। মহামানী রাজরাণী, যাকে সমস্ত সভ্য স্বাধীন রাজ্যগণ সম্মান করেন, তাঁকে সম্মান ক'রবার আজ সুযোগ পেয়েছ : এমন সুযোগ আর কখনও হয়নি, এ সুযোগ আর পাবে কি না, তা

জানিনে। এস সকলে মিলে মহোৎসব করি, ভারতের উপযুক্ত মহারাণীর মহাপূজা করি।—

চিরদিন গরু তব ভারত-সন্তান।

রাজভক্ত নাহি কেহ তোমার সমান ॥

উদয় হে শুভদিন,

রাজা প্রজা ধনী দীন,

একপ্রাণ একতান কর জয় গান।

দেবীপূজা কর, রাখ ভারতের মান ॥

মাতাল। বাবা, একটা টপ্পা ধর।

৩য় নাগরিক।—

প্রাচীন বচন শুনি আছে পূর্বাপর।

বলিবারে দিল্লীশ্বরে জগত-ঈশ্বর ॥

জননী রমণী-মণি,

অতুলনা যারে গণি,

প্রীতি-উপহারে পূজে শ্রেষ্ঠ নরবর।

ভারতে সে মহাপূজা হোক শ্রেষ্ঠতর ॥

মাতাল। বাবা, ছড়া ছাড়, একটা গান ধর।

৩য় নাগরিক।—

স্বর্গ্য অন্ত নাহি যায় অধিকারে যার।

প্রবল শাসন মানে ভীম পারাবার ॥

নানা দেশে নানা ভাষে,

যার গুণগান ভাষে,

যাহার গৌরব সম চন্দ্র পূর্ণিমার।

তাঁরই গানে হোক ধলু ভাষা বাঙ্গালার ॥

মাতাল। দোহাই বাবা, বিরহ গাও।

৩য় নাগরিক।—

করণ্য প্রতিমা বামা শাস্তির আধার।

রাণীগুণ নারীগুণ একত্রে বিহার ॥

মঙ্গলা মঙ্গলময়ী,

প্রেমময়ী বিশ্বজয়ী,

অরি-মুখে জায়-গুণ যাহার প্রচার।

সসাগরা ধরা ডরে শাস্তির আগার ॥

মাতাল। ক্ষমা দাও চাঁদ, ক্ষমা দাও, সুর কেঁরাও।

৩য় নাগরিক।—

খেতাক সমান হ'তে সাধ যার মনে।

এস হই সমতুল ভক্তি প্রদর্শনে ॥

শাদা কালো ভেদ আর,
নাহি হেরে ত্রিসংসার,
জাতভাবে এস সবে উৎসব-মিলনে ।
ভিক্টোরিয়া-জয়-ধ্বনি উঠুক গগনে ॥
নাগরিকগণের প্রস্থান ।

মাতাল । ছিঃ ইয়ার, পালিয়ে গেলে ? বিরহ গাইলে
না বটে, কিন্তু খুব আমোদ ক'রে চ'লেছে । আজ কি পরব
ব'লে গেল,—ভালা মোর বাপ রে, মনে প'ড়েছে, আজ
ছুটী, নতুন পরবটার নাম মনে আসছে না, কি হীরে—
হীরে—হীরেই বটে বাবা; পরব তো নয়, যেন
হীরেবুলুলী পাখী । আর বল না হুগোংসবের উপর
না ? দেখ না, পাহারাওয়ালা ধ'রবে না, দেনার থাও ।
ঐ যে আমোদ ক'রতে ক'রতে একদল মাতাল আসছে,
আহুক বাবা, দলে মিশে যাব ।

(গান করিতে করিতে কতকগুলি উড়ের প্রবেশ)

উড়েগণ ।— (গীত)

সেযতি আউ কি হেবে, সেযতি আউ কি হেবে ।

এযতি হেবে কেবে, এযতি হেবে কেবে ।

এ খেইতা, এ খেইতা, এ থু ।

মলা কিড়ি কিড়ি ভাত খাউচি,

গ্যাস আড়ি কিড়ি টকা পাউচি,

১ম উড়ে ।—মু সন্দার বেহাড়া—

২য় উড়ে ।—মু চপরানী—

৩য় উড়ে ।—মু বাট খুঁবিহি—

৪র্থ উড়ে ।—মু জড় কাহিহি—

সকলে ।—ককচি মেমো কঁধা, পিগুচি মুখা সধা,

এ খেইতা, এ খেইতা, এ থু ।

লুছি বলুছি হ্যাই হ্যাই হ্যাই, ইয়া—

উড়াকা বলবে কেই,

ডকিব পরডাওলা নলীস হুঁসি দেইবে ।

এ খেইতা, এ খেইতা, এ থু ॥

১ম উড়ে । হঃ সন্দাড, রাণীটা মোচ রাখুচি ?

সন্দার উড়ে । মোচ রাখুচি, একি বজাডী ? মুখ
সফা রাখুচি ।

১ম উড়ে । ঝুটী রাখুচি ?

সন্দার উড়ে । ঝুটী রাখুবিনি, থরকাটি কিড়ি ঝুটী
রাখুচি ।

১ম উড়ে । ভাত খাউচি ?

সন্দার উড়ে । হঃ পকাড ।

১ম উড়ে । হুড় দিউচি ?

সন্দার উড়ে । হুড় দিবিনি, ততুড় দিউচি, হুড়
দিউচি, সিকিমাচড় ঝোড় দিউচি ।

১ম উড়ে । দুধ খাউচি ?

সন্দার উড়ে । দুধ খাউবিনি, ডেড় ছটাক ।

১ম উড়ে । তেড় মাখুচি ?

সন্দার উড়ে । তেড় মাখিবিনি, হিলিত্রা পিসি কিড়ি

১ম উড়ে । পনিকি চাপিছি ?

সন্দার উড়ে । কঁধা কে করিবে ? পনিকি চাপিবা
এ্যাঠি আসিবে ।

১ম উড়ে । হঃ, রাণীটা বড়া ভলা রাণীটা, মু কঁধা
করিব ।

সকলে । কঁধা করিব কঁধা করিব, জয় রাণী ভিটী
কিড়িয়াহু জয় !

মাতাল । একি বাবা, উড়ে ব্যাটারা মদ ধ'রেছে
নাকি, হঁ মদ ধ'রেছেই বটে ; এইবার ব্যাটারা মাছুর
মত হবে, আর তো বাবা ইয়ার কারকে দ্যাখুছি না, এই
ব্যাটারদের সঙ্গেই ইয়ারকি দিই । উড়ে চান, উড়ে চান,
মদ ধ'রেই বাবা ? বেণ ক'রেছ, বেণ ক'রেছ ।

সন্দার উড়ে । কঁড় কোছুন্তি বাবু ? মু কঁধা করি
বিনি, আজ পরব, জুজুবাড়ী ।

মাতাল । হ্যাঁ তো বাবা, আজ পরবই তো বাব
তা এস না, এক গেলাস মদ খাই গে ।

সকলে । আরে থু থু থু !

মাতাল । আহা, এস না হে এস না, এক গেলাস
খাবে এস না ।

সন্দার উড়ে । বাবু, মুখ সামার কিড়ি কিড়ি বা
বলিবিল্ল, বাবু অহিতো ঘরকু অছি, মু উড়া অছি তে
উড়া অছি, রাণীর হকুম, তু যেমতি মু তেমতি ।

মাতাল । হ্যাঁ-বাবা, চং রাখ না বাবা, আমি
আর বুঝতে পাচ্ছিনে, ভোর রান্তিরে মদ টেনেছ ।

সদ্যর উড়ে। দেখিব তু আমকে জানিতে নেই
হায়, দোই কোম্পনী বাহা ছুড়, মাতাড আউছি, মাতাড
আউছি।

মাতাল। ধর শালাদের—ধর শালাদের।

সদ্যর উড়ে। বাঙ্গল, বাঙ্গল, পড়াওলা, পড়াওলা—
[উড়েগণের প্রস্থান।]

(জনৈক মুটে ও চুটকীওয়ালীর গান করিতে করিতে

প্রবেশ)

(গীত)

মুটে।—কইছে নগা পরব বিবিজান।

চুটকীওয়ালী।—তাইতে তো মুঞ্চে তুলে, দিইছি তোরে ছাঁটি পান।

উত্তরে।—চল চল গাঙ্গের ধারে বাই,

চ্যানির থাথা জলে ক্যালে ঝাঁজলা দুই আয় থাই;

মুটে।—কি বল, জিল্পি লেবা?

চুটকীওয়ালী।—তুমি থাথা আমার ঘেবা,

উত্তরে।—শানের ঘাটে ঠাস ঘেরে চল, দিতি থাকি হকার টান।

মাতাল। উঃ মুটে ব্যাটা ভারি ইয়ারকি ক'রুছে,
আমি কাছে ঘেঁসলেই কি জানি বাবা উড়ে ব্যাটাদের
মতন স'রে পড়বে, তফাৎ থেকে একটু ইয়ারকি দেখি,
চক্ষু জুড়ুক।

চুটকীওয়ালী। হাদে, রাণীটারে ছাখ হিস?

মুটে। হঃ ছাখছিনি, মুই লাটসাহেবের গরে মোট
বইতেছি!

চুটকীওয়ালী। তবে যে শুন্ছি, সে বেলাতে থাকে?

মুটে। বেলাত আর কোনে, লাট সাহেবের গর
দেহেছিল?

চুটকীওয়ালী। চেত লায় কাটা করুতি যাইয়ে একবার
দেহেলেম।

মুটে। ঐ গধুজটা দেহেছিল? উরির তলে বেলাত।

চুটকীওয়ালী। হাদে, রাণীটা কি করুতি থাকে?

মুটে। কি করে শুন্বি? হাঁ করি বসি থাকে, আর
মাথার উপর তেলের জালা ঢালুতিছে, আর ছ'জন
পরমিটের মুটে চ্যানির পান। মুঞ্চে ঠাসুতিছে।

চুটকীওয়ালী। আর খাতিছে?

মুটে। গঁক গঁক গিলুতিছে।

চুটকীওয়ালী। জিল্পি খাতিছে?

মুটে। জিল্পি খাবে, তোরে মতন ছোট লোক
পেয়েছিল? নাকের মধ্যে শুঁজুতিছে, আর সামনে ভাসা
তালে লুচি ভাসুতিছে, তাকিয়ে তাকিয়ে ছাখুতিছে,
আর ছ' সম্বুন্ধি বায়ন ছাকুতিছে, বলতিছে—নগদা
মুটেদের দাও; আর নগদা মুটেরা মোট মোট লুচি
গরে আনুতিছে।

চুটকীওয়ালী। আহা, এমন রাণীটে মুই দ্যাখলাম
নারে, মনে বড় খ্যাদ রইলো!

মাতাল। আরে বাহবা বাহবা ক্যাবাত হায়, রাস্তায়
নইলে ইয়ারকি, পদী বেটাকে বলি, তা শুন্বে না।

মুটে। হাদে, চল চল মাতাল অইয়ে স্বমুন্দি সরকার
আসুতিছে, এহনি মোট বইতে বলবে, আজ জুবিলি
পরব, মোট বইবে কেভা?

[মুটে ও চুটকীওয়ালীর প্রস্থান।]

মাতাল। অহে শোন না, শোন না, পালাও কেন?
নেড়ি, যাসনে যাসনে, মাথা থাস।

[প্রস্থান]

দ্বিতীয় দৃশ্য

নগরস্থ ভবন—অন্তঃপুর

(নাগরিকাগণ ও গ্রাম্য স্ত্রীর প্রবেশ)

নাগরিকাগণ।— (গীত)

যদি মুহুর্ত পরি যারের কোলে তেমনি কুমারী।

হুটরে হুটরে ঘেরে দুখহারী কে নারী।

থ'রে পতির গলা প্রেম বিললা,

ঘরনী ঘরের আলো এ শশিকলা;

পতিপ্রাণা উপাসনা পতি হৃদি বিহারী।

বুকের ছেলে দেহ পতির কোলে,

প্রেমময়ী জননী ঐ রাণীকে বলে;

দেখে অবোধ শিশু দয়ার খেলা যারের বদন নেহারি।

যে হিম্মুর ঘরের বিধবা যে দাও,

চাও চাও যারেক দেবে বাও,—

দেখ পতির ধানে ধরার রাণী—

বুক ঘেরে বহে বারি ॥

১ম নাগরিকা। হ্যাঁ দিদি, শুনেছি বাদশাজাদী যেন হিঁদুর মেয়ে।

২য় নাগরিকা। হিঁদুর মেয়ের বাড়া, তা নইলে কি রাজলক্ষ্মী অচলা থাকেন।

১ম নাগরিকা। তুই তাঁর কথা কিছু বল না ভাই।

২য় নাগরিকা। আমি ব'লছি, কিন্তু তোরা ভক্তি ক'রে শোন, তাঁর কথা ব'ললেও ফল, শুনেও ফল। এখনকার মেয়েরা সব মেম হ'তে চান, আরে বেহায়ী,—বাদশাজাদী কি মেম নন, মেম যদি হবি, তাঁর মতন হ।

১ম নাগরিকা। তিনি বড় ভাল—না?

২য় নাগরিকা। ভাল ব'লে ভাল, লক্ষ্মী-অংশে জন্ম, ছেলেবেলা মা'র মুখে শুনেছিলেম, সত্যি কথা কইতে হয়, সেই অবধি তাঁর মুখ দিয়ে মিথ্যা কথা কখনও বেরোয় নি। তাঁর মা একদিন তাঁর গুরুমাকে জিজ্ঞাসা ক'রেছিলেন, যে, “হ্যাঁগা, ভিক্টোরিয়া কি আজ দুঃস্থপনা করেছে,” তা তাঁর গুরুমা ব'লেন যে, ‘একবার দুঃস্থপনা ক'রেছে;’ তিনি ব'লেন, “না গুরুমা, আমি তো ছ'বার দুঃস্থপনা ক'রেছি।”

গ্রাম্য স্ত্রী। হ্যাঁগা ব'ললে গা? তার মা মাগী গালে ঠোনা দিলে না?

২য় নাগরিকা। ননো, শোন না, কত আদর ক'বলে।

গ্রাম্য স্ত্রী। হ্যাঁগা, তার মা ভাল গিন্নী ছিলেন, না? মায়ের ভয়েই তো ছেলে মিছে শেখে।

২য় নাগরিকা। মিথ্যা নয় তিনি যে রাণী হবেন, তাঁরে কেউ বলেনি, তাঁর যখন বার বছর বয়েস, তখন তিনি শুতলেন; কিন্তু এমন ধীর বুদ্ধি নারায়ণ দিয়েছেন, যে, তিনি বুঝলেন, রাণীর যেমন ঐশ্বর্য, তেমনি শত্রু কাজ, সকলের উপর প্রজ্ঞা-রক্ষার ভার ভারি শক্ত।

গ্রাম্য স্ত্রী। আহা, যা ব'ললে মা, আমার কোলে ক বুতে সাধ হ'চ্ছে।

১ম নাগরিকা। হ্যাঁগা, কত বছরে রাণী হ'লেন?

২য় নাগরিকা। উনিশ বছরে,—তিনি ঘুমুচ্ছেন, তাঁকে ডেকে তুললে। যখন শুতলেন, তিনি রাণী হবেন, তখন তিনি সজল নয়নে তাঁর পুরোহিতকে ব'ললেন যে, পুরোহিত ব'শাই। আমার ভক্ত পুত্র-অর্চনা করুন, এই মহাভার যেন আমি বইতে পারি। তাঁরা ভগবানকে ডাকলেন, ভগবানও শুনেছেন, নইলে এমন স্থখের রাজ্য হয়।

গ্রাম্য স্ত্রী। দেখেছ, ঠেকার হ'লো না, আর আমাদের শ্রামীর মা'র জামাই একটা ডিপটা হ'য়েছে, শ্রামীর আর অন্ধারে ভুঁঞে পা প'ড়ছে না, আর ইনি রাজ্য পেলেন গা—বল কি!

৩য় নাগরিকা। একা লক্ষ্মীর অংশে কেন ব'লছে দিদি? লক্ষ্মী সরস্বতী—ছ'জনেরই অংশে।

গ্রাম্য-স্ত্রী। হ্যাঁগা, রাণী হ'য়ে দান-ধ্যান কিছুই করেন নি?

২য় নাগরিকা। সামান্য দান তো তিনি চিরদিনই করেন, কুটীরে কুটীরে ফেরেন, কগীর বিছানায় বসেন, দরিত্রের চোখের জল মুছান, কিন্তু রাণী হ'য়ে তাঁর প্রথম দান জীবন দান। তাঁর সেনাপতি কোন একজন দোষীর প্রাণদণ্ডা সই করাতে আসেন। রাণী জিজ্ঞাসা করেন, ‘এ কি!’ সেনাপতি উত্তর ক'বলেন যে,—“এই দুঃস্থতির প্রাণদণ্ড হওয়া উচিত, মহারাণী, আজ দিন।” রাণী আজ ক'লেন, “প্রাণদণ্ড! সে কি! এ ব্যক্তির কি কোনই গুণ নাই?” সেনাপতি ব'লেন, “সামাজিক-সৌজন্ত আছে শুনে পাই, কিন্তু অপর কোন গুণ নাই।” রাণী তাইতে ব'লেন, “সামাজিক-সৌজন্ত এ মহৎ গুণ” তৎক্ষণাৎ স্ববর্ণ লেখনী স্ববর্ণ অক্ষরে দণ্ডাজ্ঞার উপর মার্কনা আজ্ঞা অঙ্কিত ক'লেন। এইরূপ শত শত জীবন-দান, অশিক্ষিত জাতিকে বিজ্ঞাদান, পৃথিবীকে শান্তিদান, মহারাণীর নিত্য ক্রিয়া।

৩য় নাগরিকা। হ্যাঁ দিদি, তাঁর বে' হ'লো কার সঙ্গে? নামটা কি শুনেছিলুম, ভুলে গেছি।

২য় নাগরিকা। জারমানির একজন রাজপুত্রের সঙ্গে, তাঁর নাম আলবার্ট।

গ্রাম্য স্ত্রী। তা সে রাজপুত্র বেশে নিয়ে গেল?

২য় নাগরিকা। না, না, সে রাজপুত্রই তাঁর দেশে রইলেন। তিনি একজন জমীদারের মতন বই তো নয়, রাণীর মতন তো অত বড় রাজা ছিলেন না।

গ্রাম্য স্ত্রী। বুঝেছি ঘর জামায়ে রইলো, না? হ্যাঁগা, তবে তাঁর স্বামীকে তো হেনস্তা করেন নি?

২য় নাগরিকা। না না, পতিপ্রাণা—স্বামী অন্তপ্রাণ। আর স্বামীও তেমনি রূপে গুণে।

গ্রাম্য স্ত্রী। এখানকার মেয়ে হ'লে স্বামীকে

কুমারের মতন ক'রতো; অম্মিন্তেই তো বিবিদের
হুঃ পা পড়ে না, তার পর যিনি বাপের বিষয় আনেন,
হিন তো কাণে ধ'রে ওঠান আর বসান, একলা শুভে
শ্রেন না ব'লে ঘরের ভেতর যায়গা দেন।

১ম নাগরিকা। হ্যাঁ দিদি, দু'জনে খুব ভাব হ'য়েছিল ?

২য় নাগরিকা। যেন হরগৌরী, একত্রে বেড়াতেন,
করে গান ক'রতেন, ছবি আঁকতেন, উনি বই প'ড়ে
ঠেকে শুনাতেন, তিনি বই প'ড়ে ঠেকে শুনাতেন।

১ম নাগরিকা। হ্যাঁগা, রাণীর ছেলে মেয়ে ক'টি ?

২য় নাগরিকা। রাণীর ধনে-পুজ্রে লক্ষ্মীলাভ; ছেলেতে
মেয়েতে নয়টি, পাঁচটি মেয়ে আর চারটি ছেলে। রাণীর
নামেন তাঁকে মাছুষ ক'রৈছিলেন—তেমনি ক'রে তিনি
মার তাঁর স্বামী, ছেলে-মেয়ে মাছুষ ক'রৈছিলেন।

গ্রাম্য স্ত্রী। মায়ে—বাপে না দেখলে কি ছেলে
মতুষ হয় ?

১ম নাগরিকা। হ্যাঁগা, এ'র স্বামী আজও বেঁচে
ম'ছেন ?

২য় নাগরিকা। না দিদি, ভগবান্ রাজা প্রজা
হুজনের মাথায়ই বজ্রাঘাত করেন! তিনি বিধবা, কিন্তু
তার মত বৈধব্য-আচার কেউ কখনও দেখেনি; যদিচ
তিনি রাজ-কাৰ্য্য ক'রতেন, কিন্তু বহুদিন কোন উৎসবে
দাস্তেন না; প্রজারা অনেক কৈদে কেটে আবার তাঁরে
সে অবস্থা ত্যাগ করিয়েছে।

গ্রাম্য স্ত্রী। আর এখানকার মিন্দেগুলো বলে কি
না—ইছুর বিধবার বে দাও।

৩য় নাগরিকা। আচ্ছা ভাই, তিনি তো আমাদের
দেশে কখনও আসেন নি, তবু না কি শুনেছি, তিনি
আমাদের দেশের কথা বেশ জানেন।

২য় নাগরিকা। জানেন বই কি, তাঁর আমাদের প্রতি
বড় মায়া, আমাদের হিন্দুস্থানী অস্ত্রধারী তাঁর শরীর-
বৎক। রাজরাণী হ'য়ে পরিশ্রম ক'রে আমাদের ভাষা
শিখেছেন; তাঁর প্রিয় রাজ-প্রাসাদের একটা মহল
ভারতবর্ষের ছবি, ভারতবর্ষের সাজ-সরঞ্জাম দিয়ে সাজান।
এই দেশেরই একজন কারিকর গিয়ে সাজিয়ে দিয়েছে,
সেখানে একটাও বিলিতি জিনিস নাই।

গ্রাম্য স্ত্রী। হ্যাঁ গা, সত্যি ? ও মা দেব, আর

আমাদের বাবুদের বৈঠকখানায় সব বিলিতি সাজ-সরঞ্জাম;
ঠাকুর দেবতার ছবি রাখ, ও মা তা নয়, দেখেও শেখেন
না গা !

৩য় নাগরিকা। বাদসাজাদী আমাদের সকলের মা।
এস ভাই, আমরা সকলে জগৎ-মাতার কাছে প্রার্থনা করি,
তিনি অশ্রু অমর হ'য়ে রাজ্য করুন। মার চেয়ে মেহময়ী
কেউ নাই, সকলে মা'র রাজ্যে স্নেহে বাস করি।
আমারা হিন্দু. মা'র পূজা বড় ভালবাসি, তাই আমাদের
অদৃষ্টে ভগবান্ রাণীর রাজ্য দিয়েছেন।

(পুরোহিত, নাপ্তিনী, সাড়ীওয়ালী ও মিসিওয়ালীর

প্রবেশ)

(গীত)

পুরোহিত।—নতুন পরং চমৎকার নতুন চং পূজার।

নাপ্তিনী।—আর লো দিবি পরবে আলতার বাহার ॥

সাড়ীওয়ালী।—নয়া সাড়ি কাপড়,

মিসিওয়ালী।—নয়া মিসি লেবে গো, মিসি বড়া জবর;

সবনে।—খুব গুলজার—খুব গুলজার ॥

পুরোহিত।—পূজা বন্ধে নতুন, হবে কলাগং, হবে যৌবনং;

নাপ্তিনী।—পরবে আলতা দিলে পায়, সোণা উথলে প'ড়বে পায়;

সাড়ীওয়ালী।—নয়া সাড়ি কাপড়ে, মিন্দোর পাঁচপি ঘরে;

মিসিওয়ালী।—নিলে নতুন মিসি, ফুটেবে মধুর হাসি;

সকলে।—পরবে মজাদার—মজাদার ॥

পুরোহিত। তোমরা কে গো কে গো, গোল ক'রো
না, পূজার সময় ব'য়ে গেল, সর সর সর।

নাপ্তিনী। কে রে ডাকুরা বামুন ? এ নতুন আলতা
শীগ্গির শীগ্গির পর।

সাড়ীওয়ালী। দেখেন মা ঠাকুরণ, ঝড় জবর সাড়ী-
কাপড় মা ঠাকুরণ।

মিসিওয়ালী। মিসি লে, মিসি লে, মিসিওয়ালী
দাড়াবে না, চল দেবে।

সকলে। আরে সর সর সর। (সকলে টানাটানি)

পুরোহিত। আরে না কর টানাটানি, না কর
টানাটানি।

২য় নাগরিকা। পুরুত ঠাকুর, এন, পূজা ক'রবো।

১ম নাগরিকা। নাপ্তিনি, আর, আলতা প'রবো।

৩য় নাগরিকা। আয়, নূতন সাড়ী নেব।
 গ্রাম্য জ্ঞা। আয় লো, মিসি দাঁতে দেবো।
 সকলে। জয় জয় ভিক্টোরিয়ার জয়!

[নাগরিকাত্রয় ও গ্রাম্য স্ত্রীর প্রস্থান।

(গীত)

মিসিওয়ালী :—

তুমে সোঁতি মেরি মায় তুমে পছানি।

সাড়ীওয়ালী।—

নাপুতিনী কেজিয়া কাম কি তোর সাথে,
 তোর নয়না দুটি মেলেছে আঁতে;

নাপুতিনী।—

মুখপোড়া কি ব'লুছে শোন,
 কামার এমন বলে কেন,
 ওর সাড়ী কি ছুঁই গো আমি নবীন নাপুতিনী।

পুরোহিত।—হবে জানাজানি,

মিসিওয়ালী।—নাহি কর বেইমানি;

সাড়ীওয়ালী।—আরে এস তানি,

নাপুতিনী।—করবে কাপাকাপি,

সকলে।—খেয়েন' তা খেয়েন।

নাথের ঘেঁ ঘেঁ দানি তোমু খেয়েনি।

[সকলের প্রস্থান।

তৃতীয় দৃশ্য

কলিকাতা—কেরাণী-বারিকের সম্মুখস্থ রাস্তা

(চারপাশের গান করিতে করিতে প্রবেশ)

(গীত)

জয় ভক্তি সাগর, নতশির ভূধর,
 প্রবল প্রভাব বিভাশালিনী গো।
 জয় বলিহী-নয়না বামা, কল্পনা নিরুপমা,
 শান্তি-প্রতিমা প্রেম-বালিনী গো॥
 জয় উন্নত কবনত, ইন্দিতে বৃশ কত,
 সত্য-ভায়-ব্রত ইন্দ্রী গো।
 জয় হীলা-নন্দিনী, পতিপদ-বলিনী,
 বেহমরী জননী ওতকরী গো॥

জয় বিভা-বিধায়িনী,

মঙ্গল-বাণিনী বন্দহরা।

জয় কল্প-বিকাশিনী,

যুদ্ধমুদ্র-হাসিনী বিধায়িকা॥

অমর-প্রদায়িনী,

হৃদয়-ভাষিনী,

(বইওয়ালার প্রবেশ)

বইওয়াল।। এক এক পয়সা—এক এক পয়সা,

খাটা গাওয়া নয়কো ভয়সা।

জুবিলীর বই—জুবিলীর বই,

ছড়ায় ছড়ায় ফুটছে খই।

হীরে জুবিলীর ভারী ধুম,

কলু-বোয়ের হয়নি ঘুম।

রাণী ক'রলেন রাজ্যপাট,

গুণতিতে বছর ষাট।

ভারত-ভরা স্বেথের হাট,

চাক-চমকে চিকণ ঠাট।

গাদা গাদা সাধুছে চাঁদা,

দিচ্ছে কালা খাচ্ছে সাদা।

যে জুবিলীর ভুঁইকম্প,

ঘুরিয়ে দিতো লক্ষ-লক্ষ।

বৌ ঠাকুরগণ সব পয়সা ছাড়,

হেঁসেল ছেড়ে শুয়ে শুয়ে পড়।

[প্রস্থান

(বরফওয়ালার প্রবেশ)

বরফওয়াল।। চাই জুবিলীর বরফ,

নাও গরম গরম কর পরব।

আছে পিপড়ের ঠাং, স্যাওলা, পানা,

শুকিয়ে গেছে বাদার খানা;

এ বরফ দিলে মুখে, টাকুয়ায় ঠেকে,

দেখ চেখে, ব'সো তাল ঠুকে;

যদি গালে দাও কুকে—

মেজাজ চড়বে, ঝুঁকে পড়বে,

কেল্লায় হবে তোপ।

চাই জুবিলীর বরফ, চাই জুবিলীর বরফ

[প্রস্থান

(ছুরি-কাঁচিওয়ালার প্রবেশ)

ছুরি-কাঁচিওয়াল। চাই জুবিলীর ছুরি-কাঁচি,
ধ'রবে মশা। কাটবে মাছি।
ম'রবে ছারপোকাকার গুটি,
থাকবে না ভূত-পেত্নীর দৃষ্টি;
হবে দিল দরিয়া, হৃদিনে হিষ্টিরিয়া;
দাঁতে ঠেকলে লাগবে দাঁতি,
ভাঙবে ঘরের দা আর জাঁতি;
তবু দাঁতি খোলে কি না খোলে;
তবে যদি নাকে দিস্ জুবিলীর কাঁচি,
হবে দুটো হাঁচি।
চাই জুবিলীর ছুরি-কাঁচি ॥

[প্রস্থান।

(ফুলওয়ালীর প্রবেশ)

ফুলওয়ালী। চাই জুবিলীর বেলফুল—আদা মূল।
ঘোড়া চড়ে টেনিস্ খেলে—
তীব্র ভেতর হলফুল ॥
ভুবুভুরে গন্ধ, ক'রবে পছন্দ, যে ব'লবে মন্দ,
তার দু'টি চোখ হবে অন্ধ;
এ ফুল খোঁপায় দিয়ে,
হু'জ'নে থাক মজগল হ'য়ে;
কালো হবে সাদা চুল,
থাকবে এ কুল ও কুল,
যে মাগী না নেবে সে ড্যাম ফুল।
চাই জুবিলীর ফুল—আদা মূল ॥

[প্রস্থান।

(ঔষধ-বিক্রীওয়ালার প্রবেশ)

ঔষধ বিক্রীওয়াল। চাই জুবিলীর অরাস্তক বড়ী,
খেলে বুড়ী—হবে ছুঁড়ী।
কগীর উছুরি, আমার তেতালা বাড়ী,
ছড়ি ঘড়ি ॥
নে তাড়াতাড়ি, নইলে হবে কাড়াকাড়ি,
আমি যেই তাই এ বড়ী অল্প দরে ছাড়ি ॥
ঘটা বাটা বাধা দে, কলের বড়ী নে,
আম দোড়াদোড়ি, নৈলে খাবি হাত ছড়ি।
চাই জুবিলীর অরাস্তক-বড়ী ॥

[প্রস্থান।

(তেলওয়ালীর প্রবেশ)

তেলওয়াল। জুবিলীর তেল, জুবিলীর তেল,
মাথ'লে পাবি আক্কেল।
ক'রলে খোঁপার চাষ,
ডিগ্বাজী দে এমে পাশ;
মাথা হবে যেন লোহার ভাঁটা,
চুল বেরুবে কাঁটা কাঁটা;
লাগলে তেলের কস, নাক ঝ'রবে টস্ টস্;
মরবি ঢোঁক কাসে, নয় তুল'বি ফাসে;
পরক ক'রে দেখে নে, একটু নাকে দে;
দেখ বি মামীর মার খেল,—
নাও জুবিলীর তেল ॥

[প্রস্থান।

(সাবানওয়ালার প্রবেশ)

সাবানওয়াল। চাই জুবিলীর সাবান,
যেন এগারো ইঞ্চি থান,—
পঞ্চানন্দের পঞ্চবাণ।
মাথ' চোখ-কাণ বুজ্জে, ডুব দাও ঘাড় গুঁজ্জে;
খুব সাবধান, যাবে একটা নাক কি কাণ;
শীগ'গির নে, আর পারবনে;
যদি বেঁচে যাস্ এ সাবান মেখে,
যমে তোর দেখা পাবে না ডেকে;
যদি মারে শানে আছাড়,—
শান ফেটে হবে খান খান।
চাই জুবিলীর সাবান ॥

[প্রস্থান।

(কাগজওয়ালার প্রবেশ)

কাগজওয়াল। বঙ্গ দল্ল বঙ্গ দল্ল,—
জুবিলীর বঙ্গ দল্ল, কপাধরা ঢেঁড়া সল্ল।
এক এক আদলা—এক এক আদলা,
কি গীরিষ্টি কিবে বাদলা।
আছে জুবিলীর ছবি,
একেছেন উকীল কবি;
জবর জবর—খুব জরুরি খবর,

টুঙ্গীতে বিউলো কুতি,
ক্যামেদাটকায় মেনির কবর।
আছে জুবিলীর হিন্দু ধম্ম,
বেধ সাঁপের গুহ মম্ম;
উঁচু মেজাজে থাকি,
এমন ছোট লোক নই যে—
বাঙলার খবর রাখি।
রাস্তায় কাদা কি ধুলো,
সম্পাদক মুড়ি দিয়ে শুলো;
ওলাউঠোর লেগেহে ধুম,
প্রেমের অযুগ গরম গরম;
দেখ অ্যাডভাটাইজম্যাট,
বিগলী হাণ্ডেট পার্শেট;
ভাল ভাল আছে গান,
যে কাগজ না নেয় সামাল সামাল!
রসিকতাটি মুড়ো কাটা,
আদলা ছাড় নৈলে বাদবে ল্যাঠা।

[প্রস্থান।]

(খিলওয়ালীর প্রবেশ ও গীত)

খিলওয়ালী।—চাই জুবিলীর পানের খিলি।

এ খিলি—খেলি কি মলি।

ঠোঁট ছুটি হবে টুকটুক,

রাধ বে চোপে চেপে,—

ভাগিঃ তুই এলি, তাই এ খিলি খেলি;

দ্বিইনি কারে, মনের কথা বলে বলি।

চাই জুবিলীর পানের খিলি।

[প্রস্থান।]

(পাহারাওয়ালী ও দ্বীপান্তর প্রত্যাবৃত্ত জনৈক

পুরুষ ও স্ত্রীর প্রবেশ)

পাহারাওয়ালী। আরে মিকো, তোম কব্ব আয়া?

পুরুষ। আরে ভাই, তোমতো ও বরষ কেলাপানি
চালান দিয়া, আর বক্তের কথা বলবো কি, হুসিয়ার
সাহেবভার পায়ে ধরেছি, তবু রেহাই দিয়ে ছারান দিলে!

স্ত্রী। বললাম, মোরা যাব না, তা শুনে না।

পাহারাওয়ালী। আরে এ বিবি কোন্ মিকো, এ
বিবি কোন্?

পুরুষ। আরে পাহারোলা সাহেব, চিন্ছে না,—
ও মোর এক চালানি, ছিল খুনী আসামী। এক
চ্যাংড়ার গলায় ছিল চাঁদির চাকা, ছিনিয়ে নিয়ে নিঃ
তারে কুয়ায় ধাকা। মোর খাজনা লুটের বে দি
মামলা হয়, সে দিন ও জাহাজ চড়বার হুকুম পায়। মোর
এক চালানি, এক জাহাজে গিয়েলাম।

পাহারাওয়ালী। তোম লোক্কো ছোড় দিয়া কাহ
স্ত্রী। মোরা এক জাহাজে গিয়েলাম, এক চালানি
ছ'জনে দ্ব ব দোত্তি, মুই গিয়েলাম কড়ি কুড়তি।

পুরুষ। আর বক্তের কথা বলবো কি,—মুই মতি
দ্বতি গিয়েলাম, সাহেবভা জালিবাট ওল্টালো দেখলাম
ছ'জনে সে তরে গে সাহেবভারে তোলাম, এই ছা
পেলাম।

পাহারাওয়ালী। তোমলোক আবি ক্যা করোমে?

স্ত্রী। কারুর লেড়কা উড়কা পাই, গদানো টেপ
গহনা ছেনাব।

পুরুষ। মুই বাপ-দাদার কাম করবো, খাজ
লুটবো।

স্ত্রী। পাহারোলা সাহেব, সকলে ফুর্তি কর্তিহ
তোমার দ্বতি তাক্তিহিনি যে?

পাহারাওয়ালী। আউর ক্যা শুনগে নানী, ঘুম ঘুম
হান্নরাণ হয়! চোটা লোক বোলে আজ দ্বতিকা রে
চুরি নেই করগা; মাতোয়ালী পাকড়নেকো ছুকুম নেই
ডাঙা নেই দেনে শেক্তা, সামারকে ঘর পৌছানে হোত
বদবক্ত! বদবক্ত! আউর বখরা-বখরি বাবুলোক
বাগিচামে লেগিয়া, কা কাজিহাউস্ লে যাগা ভাই!

পুরুষ। একতা কাম ঠ্যাউরেছি, মোরা ছ'জনে চাঁ
করি, পাহারোলা সাহেব, তোম পাকড়াও।

পাহারাওয়ালী। বহত আচ্ছা, বহত আচ্ছা, তো
লোক এলেমদার হো।

(গীত)

পুরুষ। ভাবিনে এক চালানি, কিরতি জাহাজ পৌছে যাবে।

স্ত্রী। ভাষ, তুই ঠাউরে যানে, এক সাহে কি বোদের লেবে।

পাহারাওয়ালী। ক্যা পরোয়া, ওহি হোশা, ক্যা পরোয়া।

পুরুষ। বহতে আভাযানে, ছ'জনে খাটব' যানে,

চতুর। রতি কি চাই এখানে, ছাড়ান দিলে করবো কি, দ্বাধ-বেধি;

কিস্তি মোদের দ্বাধ-বেধি বাবে, সাহেবডা! পুৰ জন্ম হবে,

আর কি হবে—আর কি হবে।

পাহারাওয়াল! তোমলোক এলেনদর হো, আরে বাহোবা বাহোবা,

বেহতর আচ্ছা হুয়া—ক্যা পরোগ।।

[সকলের প্রস্থান।

(বন্দিনীগণের প্রবেশ)

বন্দিনীগণ।—

(গীত)

তব নশন বশিনী জননি!
বণিক ত্রিয তব, বণিক নৈস্তব,
নেহার উৎসব, নেহার রতননয়নী।
তব অধিকারে, নাহি ডর কারে,
সাপর ভুধরে কেহ নাহি বাবে,
বধা তথা বসে বিপশি।

(বণিকের প্রবেশ)

চতুর্থ দৃশ্য

লগুন—উইগু'সর ক্যাসেলের সম্মুখ

(কল্লনায় লক্ষ্য করিতেছে, অল্পভব করিতে হইবে)

(রাজা ও বন্দিগণের প্রবেশ)

বন্দিগণ।—

(গীত)

তয় রাজ-রাজেশ্বরী কনক-আসনে।

ভক্তি-উপহারে হের পুঞ্জ তোমায় নৃপপণে।

বরাননি, তব বরে, বসি সিংহাসনোপরে,

সাধ সধা অসি করে পুজি জীবন অর্পণে।।

রাজা। মা! আজ শুভ দিনে সন্তানের কামনা পূর্ণ কর; বর দাও, যেন অরির সম্মুখীন হ'য়ে তোমার কার্ধ্যে বৃকের রক্ত দান ক'রতে পারি। তুমিই মাথায় মুকুট পরিয়েছ, এ মন্তক তোমার; তোমার প্রয়োজনে দিব, এই একমাত্র হৃদয়ে উচ্চ বাসনা; মা, আশা পূর্ণ কর। কেন মা দুর্গ-নির্মাণ? কেন এত বেতনভোগী গোরা সৈন্ত? কেন অর্থ ব্যয়? চেয়ে দেখ—বলবান্ রাজভক্ত রাজপুত-সন্তান দণ্ডায়মান, চেয়ে দেখ, রণব্রত রাজবংশল শিখ, মারহাট্টা, মুসলমান, মাদ্রাজী, পার্শি—অসি করে দণ্ডায়মান। দুর্গের প্রয়োজন নাই, আমরাই তোমার—দৃঢ় প্রাচীর। তোমার শিক্ষা, তোমার নামে রণ-দীক্ষা; ভুবনে কে এমন অস্ব-ধারী আছে যে, এ প্রাচীর ভেদ ক'রতে পারে। আমরা একতাহীন, কিন্তু তোমার নাম দৃঢ় একতা-বন্ধন। যদি প্রয়োজন হয়, জগজ্জন দেখবে যে, ভারতে ভিক্টোরিয়ার অধিকার আক্রমণ বাতুলের স্বপ্ন মাত্র। মা! অস্বধারী সন্তানের কামনা পূর্ণ কর, ভারত-রক্ষার অধিকার দাও, 'জয় ভিক্টোরিয়া' বলে প্রাণ দিই।

[সকলের প্রস্থান।

বণিক। বণিক-জননি! বণিকের মনোবাসনা পূর্ণ কর। নানাদেশী নানাভাষী ভারতে বাণিজ্যের মেলা ক'রেছে, ভারত-অঞ্জিত বাণিজ্য-অর্থের নানাদেশ ধনী,—কিন্তু সে বাণিজ্যের উপশব্দ ভারত-সন্তান ভোগী নয়! বড় ভাইয়ের উন্নতি দেখে ছোট ভাইয়ের উচ্চ আশা হয়, সে উচ্চ আশা প্রশংসনীয়। সে মনোবাসনায় চালিত হ'য়ে আমাদের রাজসমীপে আবেদন যে, তোমার খেত সন্তানের হায়ে আমাদের প্রয়োজনীয় দ্রব্য আমরা প্রস্তুত ক'রতে শিখি। মা, মনের দুঃখ আর কারে জানাব, ভারতে কিছুই অভাব নাই, কিন্তু সম্পূর্ণ অভাব! লবণ-সমুদ্র-বেষ্টিত ভারত লবণের জগ্ন লিবারপুলের ভিক্ক! যে ভারতে প্রস্তুত কাপড় পূর্বতন জগৎবিখ্যাত গোমে বিক্রয় হ'য়েছে, সেই ভারত এখন বিদেশের নিকট বস্ত্রের নিমিত্ত অধীন। ভারতেও মা তোমার ধন-ভাণ্ডার হোক; ভারতবর্ষ ও ইংলও উভয়েই তোমার, তবে ভারত কেন ধনী নয় মা! সভ্যজগৎ দেখুক, যে মহারাজী ভিক্টোরিয়ার আশ্রয়ে ভারতও সভ্য; সভ্যজগৎ শিখুক, যে কিরূপে তাদের অধিকারের শিক্ষা দিতে হয়। সকলে ঈর্ষায় যেন ভারত-সন্তানের প্রতি দৃষ্টি করে। জয় ভিক্টোরিয়ার জয়! দীন ভারত যেন ধনী অপেক্ষাও ধনী হয়। ভিক্টোরিয়ার ভারত-ভাণ্ডার যেন সসাগরা ধরণীর রক্তে পরিপূর্ণ হয়। মা, শিক্ষা দাও, বিস্তার পথ প্রস্তুত ক'রেছ, নানা স্থানে গিয়ে তোমার গৌরব প্রদর্শন করি। জয় ভিক্টোরিয়ার জয়!

[বণিকের প্রস্থান।

বন্দিনীগণ।

(গীত)

লুপ্তিত পদতলে শ্যামলা বেরিনী।
প্রতিমা মোহিনী কনলা কামিনী।
চাহ বিদলা, হুজলা হুজলা কর মা ধরণী।
রাধ আনন্দে সন্তানে আশোষিনী।

(কৃষকের প্রবেশ)

কৃষক। মা, হলজীবী দীন প্রভার প্রতি চাও, -
আমরা উপায়বিহীন, অর্থহীন; দীন, আমাদের প্রতি করুণা-
কটাক্ষ কর! ভারতের শস্য ভারতে রাখ, - দেখ মা, জগ-
তের শস্য-ভাণ্ডার ভারতে আজ দুর্ভিক্ষ! অপর দেশের
শস্য ভারতে আসছে, তবে আমাদের অর্ধাশন হ'চ্ছে!
দেখ মা, আমরা অন্নহীন, আমাদের আশ্রয়দাতা ভূমি-
কারীরাও অর্থহীন, দীন, দৈন্য-দশায় পতিত! যাঁরা
আমাদের সন্তানের গ্রাম পালন ক'রতেন, তাঁরা বিব্রত!
অন্নহীন, বস্ত্রহীন, বলহীন, উৎসাহহীন! আমাদের গ্রাম
দীন-সন্তান আর তোমার অধিকারে নাই। করুণাময়ি!
করুণা কর, তোমার কমলা-অংশে জন্ম, অকূল পাথারে
ডুবে মরি, রূপা ক'রে উদ্ধার কর! জয় ভিক্টোরিয়ার
জয়!

[কৃষকের প্রস্থান।

বন্দিনীগণ।

(গীত)

তোল ধ'রে মা হাতে।

চ'লতে শিখিনি, চলি তোমার ছায়াতে ॥

নামে তোমার—শুখল ধসে,

করুণা—হীনে পরশে;

বলহীন চিরদিন, ভরসা রাখি তে.মাতে ॥

(বঙ্গবাসীর প্রবেশ)

বঙ্গবাসী। মাগো! তুমি ভাষা শিখিয়েছ, আধ
আধ ব'লতে শিখেছি। তুমি রাজকাৰ্য্য দিয়েছ, তোমার
শিক্ষামত চালাচ্ছি; তুমি মা বিস্তার দিয়েছ, উৎসাহ
দিয়ে শিখিয়েছ, তুমিই সাহস দিয়ে কার্য্যে বসিয়েছ।
করুণাময়ি, করুণা-বচনে প্রকাশ ক'রেছ, -তোমার সাদা
কালোয় ভেদ নাই; তাইতে আশা প্রবল হ'য়েছে।
তোমার খেত সন্তানের মত হবো, তোমার খেত সন্তানের
কাৰ্য্য পাবো, তোমার খেত সন্তানের সহিত মজ্জাগৃহে
ব'সে ভারতের উন্নতি সাধন ক'র্ব্বো; তোমার খেত
সন্তানের পাশে পাশে অস্ত্রধারণ ক'রে রণক্ষেত্রে তোমার
অগ্নির সম্মুখীন হবো, হীন হ'য়েও বড় আশায় আশাসিত
হ'য়ে আছি। কার্য্যের ভার দিয়ে কার্য্য শিখিয়েছ, সেই-
রূপ উচ্চ হ'তে উচ্চতর কার্য্যে ভার দিয়ে আমাদের কার্য্য-

শিক্ষার পথ খুলে দাও। জগতে জানে - তোমার বান্ধালীর
প্রতি বড় করুণা; জগৎ দেখুক, যে বান্ধালী নব অভ্যুদয়ে
কত উন্নত। বালক সন্তান শত, অপরাধে অপরাধী হয়,
জননী মার্জ্জনা করে; জননী জানেন, যে বালক সন্তান মা
ভিন্ন জানে না, বান্ধালীর আবাল-বৃদ্ধ-বনিতা মহারাণী
ভিন্ন জানে না সত্য-সত্য-সত্য। বান্ধালী পিতা-মাতার
প্ৰণাম্য শ্রদ্ধাক্রিয়া ক'বতে ব'সে আগে ভূস্বামীর নামে
রাজভাগ উৎসর্গ করে। মহারাণী বান্ধালীর একমাত্র
ভরসা; নইলে বান্ধালী অতি পীড়িত, বলিষ্ঠ-তাড়িত, স্বল্প
জীবী, ঘৃণ্য, লালিত, দীন। করুণাময়ি! করুণা কর,
করুণা-ভাবে বড় আশা দিয়েছ, -আশা পূর্ণ কর। জয়
ভিক্টোরিয়ার জয়!

[বঙ্গবাসীর প্রস্থান।

পট-পরিবর্তন—জুবিলী-দৃশ্য

রাজ-রাজেশ্বরী-দর্শন।

(নটের প্রবেশ)

নট। মা, তোমার ভারতের নাট্যশালা দেখ।
পুরাবৃত্ত পাঠে সংস্কৃত নাটক দৃষ্টে জানা যায় যে, একদিন
ভারতে নাটকের মহাগৌরব ও অভিনয়ের বিশেষ
আদর ছিল, কিন্তু আজ তোমারই সময়ে তোমারই
রাজ্যাধিকারে নাটক ও নাট্যশালা পুনর্জীবিত। আজ
এই হীরক জুবিলীতে 'তারা রঙ্গালয়'-বিহারী—দীন নটের
আনন্দ উপহার গ্রহণ কর।

বন্দিনীগণ।—

(গীত)

সাধ করে মা, করি তোমার শুভ-পান।

কির নেচে গেয়ে, চেয়ে থাকি করুণা-মাখা বরান ॥

ধাকি সোণার স্বপনে,

কত আশা উঠে গৌ মনে,

ধাকি গো সখাই মত্ত, অমি মা স্বপ্ন মর্ত্য

হেরি মানব মনের তত্ত্ব, মানস-নয়নে

ফেন বিচোর থাকি কে জানে, -

(আজ) জয় ভিক্টোরিয়ার স্মৃতি উঠুক একতান ॥

য্যাঁয়সা-কা-ত্যাঁয়সা

(প্রহসন)

সুপ্রসিদ্ধ ফরাসী নাট্যকার মলোয়ের “L'Amour Médecin” অবলম্বনে রচিত ।

[১৭ই পৌষ, ১৩১৩ সাল, মিনার্ভা থিয়েটারে প্রথম অভিনীত]

উৎসর্গ

স্নেহাম্পদ শ্রীমান দেবেন্দ্রনাথ বসু ।

ভায়া,

তোমার উত্তোগ ও সাহায্য ব্যতীত শয্যাশায়ী অবস্থায় এ প্রহসন খানি লিখিতে পারিতাম না । তুমি চিরদিনই আমার সহায় । এই ক্ষুদ্র গ্রন্থখানি তোমার নামে উৎসর্গীকৃত করিয়া আমি যে তৃপ্ত, তাহা নহে । তবে তোমারই সাহায্যে এই গ্রন্থখানি রচিত হইয়াছে, এ নিমিত্ত ইহার সহিত তোমার নাম জড়িত থাকে, ইহাই আমার অভিপ্রায় । ইতি—

বাগবাজার, কলিকাতা ।

২৭শে পৌষ, ১৩১৩ সাল ।

আশীর্বাদক,

শ্রীগিরিশচন্দ্র ঘোষ ।

প্রহসনোল্লিখিত চরিত্র

পুরুষ

হারাধন ... “ম্যানিয়া” গ্রন্থ বড়লোক ।
(পর হইবার আশঙ্কায় কত্কার বিবাহদান-বিরোধী)

রসিকমোহন ... প্রেমোন্মত্ত যুব ।

(রতনমালার অমুরাগী)

সনাতন ... হারাধনের প্রতিবাসী ।

মাণিক ... হারাধনের ভৃত্য ।

(গরবের অমুরাগী)

মিঃ নন্দী (দ্রুতভাষী)

মিঃ ঢোল (মধুরভাষী)

এলোপ্যাথিক ডাক্তারদ্বয় ।

জহরী, এসেন্সওয়াল, ছবিওয়াল, পোষাকওয়াল, হোমিও-
প্যাথিক ডাক্তার, বৈজ্ঞ, হকিম, পশুচিকিৎসক, ড্রেসার,
গো-বৈজ্ঞ, বাত্কারগণ, পুরোহিত, নাপিত, মালী,
বরষাত্রী ও কল্হাষাত্রিগণ ইত্যাদি ।

স্ত্রী

রতনমালা ... হারাধনের কল্হা ।

(রসিকমোহনের অমুরাগিনী)

গরব ... হারাধনের গৃহে প্রতিপালিতা দাসী ।

ধাত্রীদ্বয়, জোঁকওয়ালী, বেদিনী, এয়োগণ, বন্ধরমণীগণ,
পুরস্রীগণ ইত্যাদি ।

প্রস্তাবনা

(গীত)

ছানিরা পুরোনো, হেথা চ'লবে না কো নয়া ঢং।
 হিঁদুমানী টপ'কে গেলে, কালি মেখে সাজ'বে সং।
 ষটটা সর রয়, তার বেশী ভাল নয়,
 চাল-বেচাল কি হিঁদুর খরে সর ?
 বেচালে বেজায় নাকাল, দেখিয়ে দেনে রং বেরং।
 সেয়ানা যে শুনে শেখে, সেও ভাল যে শেখে দেখে,
 বেহুকের হাড়ে হাড়ে শিখতে হয় ঠেকে;
 নাক কাণ আপনি মলে, তালি দি লোক দেখে রং।

প্রথম দৃশ্য

হারাধনের বাটা

(হারাধনের প্রবেশ)

হারাধন। বেটাদের বায়না কত—দশ হাজার নগদ, বিংশহাজার গয়না, হীরে মাণিক, সোণারূপোর খাট বিছানা, আবার নিজের মেয়েটা; চোর-দায়ে ধরা প'ড়েছি, —সাদি নেই দেপা! আমার মেয়ে বড় ছায়া তো কার বাবার কেয়া ছায়া! বে কভি নেহি দেপা! জাত জাঙ্গা?—জাঙ্গা জাঙ্গা! বটে—বে দেবো! বেটারা লুচি খাবেন? আর আমার মেয়ের সঙ্গে গাঁটহড়া বেঁধে নবাবের বেটানবাব জামাই বাড়ী নিয়ে যাবেন,—আবার দান সামগ্রী দাও, টাকা দাও,—সে পাত্র আমি নই, সে পাত্র আমি নই।

(মাণিকের প্রবেশ)

মাণিক। আজ্ঞে সে পাত্র আপনি লয়, সে পাত্র আপনি লয়!

হারাধন। দেখ্ মান্কে, তুই একটু বুঝিস্ স্বঝিস্—

মাণিক। আজ্ঞে হাঁ।

হারাধন। বল দেখি—মেয়ে আমার কি আর কার?

মাণিক। আজ্ঞে—আজ্ঞে—

হারাধন। চোপরাও বেটা—বল্ মেয়ে আমার কি কার?

মাণিক। আজ্ঞে কোন্ মেয়েটা?

হারাধন। বল্ বেটা, আমার মেয়ে আর কোন্ মেয়ে?

মাণিক। আজ্ঞে আপনকারই মেয়ে, আপনকারই মেয়ে।

হারাধন। তবে আর কে কি বলে!

মাণিক। আজ্ঞে কে কি বলে, কে কি বলে?

হারাধন। যোল বছরের মেয়ে হ'য়েছে—হোক।

মাণিক। আজ্ঞে হোক—হোক।

হারাধন। তবে আর কি!

মাণিক। আজ্ঞে তবে আর কি।

হারাধন। খপরদার বেটা, কারকে বাড়ী ঢুকতে দিবি নি।

মাণিক। আজ্ঞে তা কি হয়—বাড়ী ঢুকবে কে?

হারাধন। দেখ্—ঘটক বেটাকে দেখ্ বি কি অমনি দোরের খিল দিয়েছি।

মাণিক। আজ্ঞে ছড়কো দেবো।

হারাধন। শোন্ মাণ'কে - বেটাদের আশ্পর্কার কথা শোন্—

মাণিক। আজ্ঞে শুন্বো বই কি—শুন্বো বই কি।

হারাধন। এখনি শোন্ বেটা।

মাণিক। আজ্ঞে কাণ পেতে খাড়া র'য়েছি।

হারাধন। বেটারা বলে,—যোল বছরের মেয়ে হ'লো, একটা পাত্র ডেকে এনে বে দাও। আবার বলে,—দান সামগ্রী দিয়ে বে দাও; আবার বলে,—নগদ কিছু দিতে হবে। শুনেছি বেটাদের আশ্পর্কা?

মাণিক। আজ্ঞে খুবই গরুজে কথা বলে—খুবই গরুজে কথা বলে।

হারাধন। আবার শোন্—বলে, দৌহিত্র হবে।

মাণিক। আজ্ঞে তা কি হয়—তা কি হয়!

হারাধন। বলে—আমার বিষয় ভোগ ক'রবে।

মাণিক। ইঃ—তা আর ক'রতে হয় নি!

হারাধন। তবে আর কি—আমি চল্লুম, তুই হ'সিয়ার থাকিস্।

মাণিক। আজ্ঞে খুব হ'সিয়ার রইলুম।

হারাধন। দেখিস্।—

[হারাধনের প্রস্থান।]

দ্বিতীয় দৃশ্য

হারাধনের বাতীর সম্মুখ

বাতীর মধ্যে মাণিক।

(গরবের প্রবেশ)

গরব। (স্বগত) আমারও যেমন পোড়া কপাল, দিদিমণিরও ভেম্‌নি। ভাগিয়া গিন্নী ঠাই দিয়েছিল, তাই পেটের জ্বালায় ভিক্ষে ক'রতে হয় নি। আহা, মাগী যেন মেয়ের মতন ক'রে পেলেছে। আর তার মেয়ের এই পোড়া কপাল! আমার যেন বাবা টাকাকড়ি দিতে পারে নাই, তাই বে হ'লো না। ও মা, বুড়ো মিলে, টাকার কাড়ির উপর ব'সে আছি। তুই মেয়ে আইবুড়ো রাখছি কি ছুখে! দিদিমণি যে তেমন নয়, তা নইলে ওই তো রসিক বাবু—ঘুর ঘুর ক'রে ঘোরে, দিদিমণিও জানালা দিয়ে চেয়ে থাকে। আমরা হতুম, জানালা দিয়ে উলে গিয়ে বে ক'রে, তবে আর কাজ।

মাণিক। (ভিতর হইতে) এই গরবি বেটা আসছে, দোর দিই। (দ্বার বন্ধ করণ)।

গরব। (অগ্রসর হইয়া) মাণকে, দোর দিচ্ছি কেন?

মাণিক। কর্তা না তোরে পাড়া বেড়াতে মানা ফ'রেছে, আবার পাড়া বেড়াতে গিয়েছ? এই কর্তাকে ডকে দেখাচ্ছি।

গরব। আহা মাণিক, আমি তোমার জন্তে মরি, হার তুমি আমায় এ রকম কর?

মাণিক। আহা মরো না, ম'রে দানো পাও!

গরব। তোরে কত সোহাগ করি—

মাণিক। সোহাগ তো ভুড় ভুড় করে,—“মাণকে, পোড়া, কাটাথেকে!” আমি কাকুতি মিনতি করি,—গরব একবার চাও না!” চাইতে ব'লে মুখে খুতুড়ি দিয়ে যাও,—আজ তেমনি খেঁতলান খেঁতলাবো।

গরব। তবে আমি বাহুবাতীর হীরের কাছে ছুম, আমার মনের কথা তাকে বলিগে।

মাণিক। কেনে তাকে বলবি কেনে—আমার কি গাণ নাই, আমি কি শুন্তে জানি নে?

গরব। তবে শোনো মাণিক শোনো—(ফুস ফুস শব্দ করণ)।

মাণিক। একটু গলা হাঁকারে বল—ওমন ফুস ফুস ক'রলে শুনবো কেমন ক'রে?

গরব। তুই দোরের আড়াল হ'তে শুন্তে পাচ্ছি নে।

মাণিক। তুই গলা হাঁকারে বল দেখি—কেমন শুন্তে না পাই।

গরব। (স্বগত) ছোড়া আমায় ভালবাসে, বলে তো আমাদের জাত। মুখপোড়া যেন পায়ে পায়ে ঘোরে। ওইতে তো আমার রাগ হয়। (অস্পষ্ট শব্দ করণ)

মাণিক। আরে বুঝতে পারছি।

গরব। দোর দিয়ে কি বোঝা যায়?

মাণিক। বোঝা যায় না!—তুই ঠায়ে ব'লেই বুঝবো।

গরব। ও মনের কথা—ঠায়ে ব'লেও বোঝা যায় না। কই, তুই বল দেখি, কেমন বুঝতে পারি?

মাণিক। ও গরব—গরবমণি—

গরব। আমর মুখপোড়া—কি ফুস ফুস ক'ছে দেখ্।

মাণিক। ফুস ফুস ক'রবো কেনে? এই যে গলা হাঁকারে বলছি,—ও গরব—গরবমণি—তুমি আমায় বে ক'রবে?

গরব। এই দেখ কি তড়বড় তড়বড় করে, আমি একটীও বুঝতে পাচ্ছি নে।

মাণিক। বুঝতে পাচ্ছি নে—তবে শোন। (দোর খুলিয়া বাহিরে আসিয়া) ও গরব, গরবমণি—আমি তোমার জন্তে মরি!

গরব। ও মাণিক—মাণিকচাঁদ,—তোমার কাণে কাণে একটা মনের কথা বলি—দাঁড়াও।

মাণিক। আচ্ছা কি বলবি বল?

গরব। তুই চোখ বুজে কাণ পেতে দাঁড়া, আমি আন্তে আন্তে মনের কথা বলবো, নইলে কেউ শুন্তে পাবে।

মাণিক। আচ্ছা, আমি চোখ মুদে দাঁড়িয়েছি, তুই বল। (চক্ষু মুদিয়া দণ্ডায়মান)

গরব। আচ্ছা আমি বলছি, তুই দাঁড়া। (বাতীর ভিতরে প্রবেশ করিয়া দ্বার বন্ধ করণ)

মাণিক। কই, বলি নি?

গরব। (ভিতর হইতে) তুই দাঁড়া—কর্তাকে বলি, তুই পাড়া বেড়াতে গিয়েছিলি।

মাণিক। ও গরব—তোমার পায়ে ধরি গরব, দোর খুলে দাও গরব!

গরব। না—তুই দাঁড়া, আগে কর্তাবাবুকে বলি, তুই সনাতন বাবুর কাছে সপক্ষ ক'রতে গিয়েছিলি।

মাণিক। দই—গরবের দই—এই নাক রঙুছি—কাণ মল্ছি, ঘাট করেছি—আর অমন করবো নি।

গরব। আমি যা বলবো—তা শুন্বি?

মাণিক। শুন্বো—শুন্বো—ঘাড় একাশি ক'রে শুন্বো, তুই যা বলবি—শুন্বো।

গরব। আচ্ছা তবে আয়। (দোর খুলিয়া দেওন)

(উভয়ের গীত)

মাণিক।—নাক কাণ মলালি, এখন পীরিত একটু কর।

গরব।—ওমা ছিঃ ছিঃ তোয় পীরিতে ভুতে ক'রবে ভয়!

মাণিক।—গরবিনী গরবমণি, কওনা কথা, চাওনা কিরে,

গরব।—মুখখানা তোয় গোমড়া পান, আত্মকে উট্টি, চাইবো কিরে?

মাণিক। এত তোয় গরব কিসে?

গরব। ঋণের গরব—মর মিলে!

মাণিক। তাইতে তো আছি ম'রে,—

গরব। ম'বেছিল, বলিস্ কিরে? দেখি দাঁড়া মুড়ো খ'রে;

মাণিক। ইন্, তোয় সোহাগ ভারি, এতটা ক'রবি কদর?

গরব। ক'রবো না কদর? সাত রাজার খন সোণার মাণিক—

তুই কি আমার পর!

[উভয়ের প্রস্থান।

তৃতীয় দৃশ্য

হারাদনের বৈঠকখানা

(হারাদনের প্রবেশ)

হারাদন। ও শাস্ত্র কি মিছে!—গিন্নী যদি ম'লো তো মেয়ে বিইয়ে গেল! তাই তে তো বলে—বিপদ একলা আসে না। মেয়ে যদি বি'য়োলো তো মেয়ে বড় হ'লো,—কোথেকে পাড়ার লোকও জুটলো—বলে বে দাঁও। আচ্ছা মেয়ে হবি হ—বড় হবি হ—তো মুখ ভুড়ে অমন ব'সে থাকবি কেন? কেন—তা আমার

বোঝা! কথাই কইবে না—তো বোঝাবে কি? এই দেখ দেখি, এই এতগুলি বিপদ একেবারে ঘাড়ে চাপলো! আবার বিপদ—মেয়েটাকে না দেখলে বাঁচিনে, মেয়েটার হাসি না দেখলে বাঁচিনে! মনে ক'রলুম, তোয়াক্কা রাখবো না;—মন খারাপ হবে—টাকা নাড়বো চাড়বো। টাকা নেড়েও সোয়াস্তি পাই নে, মেয়েটাকে মনে পড়ে!—মেয়েটার কি হ'লো—তাই তো—কি হ'লো—

(জহরী, ছবিওয়াল, পোষাকওয়াল)

ও এসেকওয়ালার প্রবেশ)

(বগত) এই দেখ, মাণিকে বেটা দোর খুলে দিয়েছে।

(প্রকাশে) এখন তোমরা যাও গো—যাও, এখন আমার বড় মন খারাপ।

জহরী। আজ্ঞে তাই তো আপনার সঙ্গে দেখা ক'রতে এলুম।

সকলে। আজ্ঞে তাইতে তো এলুম—তাইতে তো এলুম।

হারাদন। আমার বিপদ—

সকলে। আহা বিপদ শুনেই এসেছি—বিপদ শুনেই এসেছি।

(সনাতনের প্রবেশ)

হারাদন। আমার মেয়ের ব্যামো—

ছবিওয়াল। অ্যা মেয়ের ব্যামো!—তবে ব'ন্তে হ'লো।

পোষাকওয়াল। ব্যাওরাটা তো জানতে হ'লো।

এসেকওয়াল। উপায় ক'রতে হ'লো।

হারাদন। আর উপায়!—উপায়ের বা'র।

সকলে। সে কি—সে কি?

হারাদন। তা বই কি—কোন কথা ভাঙ্গে না, দিবানি রাত্রি চুপ ক'রে ভাবে, চোখ ছল্ ছল্ করে, নিদ্রা ফেলে, হ'লো—হাঁ ক'রে আকাশ পানে চেয়ে থাকে!

জহরী। এর আর কি, মোজা উপায়। এই স্বদেশী সাক্কার গড়ন একছড়া হীরের “বঙ্গবাসী নেক্লেদ” কিনে দেন, এখনি এক গাল হাসবে।

ছবিওয়াল। ওতে হবে না, ওতে হবে না—এই স্বদেশী “কোকিল-কুজিত-কুঙ্গ-কুটীর” চিত্রখনি দেন এখনি হেসে লুটোপুটি পাবে।

পোষাকওয়ালা। না-না-ওতে হবে না,—এই
হৃদেই সাক্ষাৎ “বস্ত্রের অঙ্গচ্ছেদ জ্যাকেটটি” কিনে দেন
দেখি, গায়ে দিয়ে আয়নায মুখ দেখবে, আর আত্মদে
আটখানা হবে।

এসেকওয়ালা। আঃ ওতে কি হবে,—এই স্বদেশী
“বয়কট এসেক” দেন, শুকবে—আর রোগ-বালাই দেশ
ছেড়ে পালাবে;—প্রাণ ঠাণ্ডা হবে—মন ঠাণ্ডা হবে—
বলবো কি, এসেক শুকবে পাগল ভাল হ’য়েছে।

হারাদন। আর আমায় বুঝি পাগল ক’রতে এসেছ ?
সনাতন। তাই তো, তাই তো—যে যার মাল
বেচতে এসেছেন। গুর স্বদেশী স্মার্টা হামিলটন, গুর
স্বদেশী ছবি ফরাসী, গুর স্বদেশী বডি র্যান্জিনের আর গুর
স্বদেশী এসেক জাম্বাগীর। কর্তা ওতে ভোলে না হে—
কর্তা ওতে ভোলে না। তোমাদের মত স্বদেশী জুটেই
স্বদেশী কাজটা মাটা ক’রতে ব’সেছ। আহা, শুভক্ষণে
লোকের স্বদেশী জিনিষে ঝাঁক হ’য়েছে, তোমরাও এক
টাও পেয়েছ—যত বিদেশী জিনিষ এনে জুড়ুরি ক’রে
স্বদেশী ব’লে ধাক্কা দিচ্ছ। কর্তা আমাদের সব বোঝে।
হারাদনের প্রতি) আমার কথা শোনো—মেয়ে বড়
হ’য়েছে, বের সময় হ’য়েছে,—

হারাদন। হঁ!

সনাতন। আমি যে ‘রসিকমোহন’ ব’লে পাত্রটি ঠিক
রেছি, রূপে-গুণে, কুলে-শীলে যেমন হ’তে হয়, কিছু
রচ হবে না—

হারাদন। হঁ!

সনাতন। রসিকমোহনের সঙ্গে মেয়েটির বিবাহ
গে।

হারাদন। হঁ!—আর তিনি বে ক’রে, আমার
মেয়েটির হাত ধ’রে নে বাড়ী চলে যান! ওরে বাপু—
নে রে—

[দ্রুত প্রস্থান।

সনাতন। এইখানে এসেছ দাঁও বাগাতে ?

জহরী। আমরা তো বাগিয়েছিলুম, আপনি যে
গড়া দিলেন।

সনাতন। নাও নাও—স’রে পড়ি এসো, এখানে
গ-সাগ্ চ’লবে না, দেখছো না—টাকা খরচ হবে

ব’লে মেয়ের বে দিচ্ছে না। বলে কি জানো, আমার
মেয়ে আমার থাকবে না, পরকে দেবো ?

(মাণিকের প্রবেশ)

মাণিক। ম’শয়েরা ভেতরে থাকবেন কি বাইরে
থাকবেন বলুন, আমি দোর দোব।

সনাতন। কেন বাপু, দোর দেবে কেন ?

মাণিক। আজ্ঞে কর্তার হুকুম—দোর দিতেই হবে।

সনাতন। দোর তো দেবে, আবার খুলে দেবে তো ?

মাণিক। আজ্ঞে কাল সকালে,—কর্তার হুকুম।

সনাতন। তবে আমরা চলুম।

মাণিক। আজ্ঞে থাকেন থাকুন, কর্তা তা কিছু
বলেন নেই; কিন্তু দোর আমি দেবো।

সনাতন। আচ্ছা বাপু, তুমি দোর দাও, আমরা
চ’লুম।

(সকলের গীত)

বিক্রেতগণ। কুথিছি স্বদেশ-হিতে জীবন দিতে চার জনে।

সনাতন। ভিরকুটিতে চারটি সমান, কম বেশী নাই ওজনে।

জহরী। ঠিক স্বদেশী “বঙ্গবানী নেকলেস” যে পরে,

দেশহিতৈষী ঠিক বলি তারে, দেশের মুখ আলো সে করে;

ছবিওয়ালা। “কোকিল-কুজিত-কুজ-কুটির” স্বদেশী তসবীর,

দেখলে ক্রমে স্বদেশ-প্রেমে স্ব’রবে চোখে নীর;

পোষাকওয়ালা। আঁটলে জ্যাকেট “বস্ত্রের অঙ্গচ্ছেদ,”

আয়না ধ’রে বুক দেখে স্বদেশ প্রেমের জেগ,

জ্যাকেটে জমটি বাধে বঙ্গচ্ছেদের খেপ;

এসেকওয়ালা। সাধের এসেক সাধের নাম “বয়কট,”

শুকলে পরে স্বদেশ-প্রেমে করে সে ছটকট,

ঝড়ে লেক্চার টপট, হয় বীরস্বনা চট্;

বিক্রেতগণ। দ্বির দেশের তরে দ্বির ক’রে, অমুরাগ খব গগগগে।

সনাতন। এরা সববে কবে কে জানে, কি কাছে বসের মনে।

(মাণিকের প্রস্থান ও ত্রাদনা লইয়া পুনঃ প্রবেশ)

মাণিক। শুড়ি শুড়ি দাঁও পাড়ি, বাও বাড়ি,

নইলে এই স্মার্টা বাড়ি, ধাহুতে লাগবে এখানে।

হেথায় চলবে নি কো গান,

আমি মাণিক, নই পাড়ে দরোজান,

খুব নোট দেব দোর এঁটে,

কর্তার কড়া হুকুম—নাও গুন।

[মাণিক ব্যতীত সকলের প্রস্থান।

মাণিক। আর একটা কি কর্তা বলে যে? ইয়া!—
এরা গেলো কি রইলো—খবর দিতে হবে। গেল বই কি?
যদি বলে কোথায় গেল? দোর খুলে পেছ পেছ দৌড়বো?
দেখবো—কোথায় যায়? না, এখনি দেখবো না কি?
(দৌড়াইবার উপক্রম)

(হারাদনের পুনঃ প্রবেশ)

হারাদন। মাণিকে, তুই কি ক'চ্ছিস?

মাণিক। আজ্ঞে, দৌড়ব মনে ক'রে কাপড় গুছছি।

হারাদন। কেন রে বেটা?

মাণিক। আজ্ঞে যদি জিজ্ঞাসেন—ওরা কোথায়
গেল? তাহ'লে তো বলতে লাব্বো, তাই পেছ পেছ
দৌড়োব ভাবছি।

হারাদন। নে, তুই রতনকে ডেকে আন।

মাণিক। আজ্ঞে, গরব যদি সঙ্গে আসে?

হারাদন। আসে আহুক।

মাণিক। আজ্ঞে দেখুন—আমার দায়-দোষ নাই।
সে আসবে, সে বড় বাধায়ে, দিদিমণির সঙ্গে সঙ্গেই ফেরে।
আজ্ঞে চল্লম তবে?

হারাদন। জালাতন ক'রুলে! নে তোরে যেতে
হবে না, আমিই যাকি।

[হারাদন ও তৎপশ্চাৎ মাণিকের প্রস্থান।]

চতুর্থ দৃশ্য

রতনমালার কক্ষ

রতনমালা ও গরব।

(হারাদনের প্রবেশ)

হারাদন। শোন রতন, আজ আমি একটা হেস্ত-
নেস্ত ক'রবো—তবে ছাড়বো। তোরা কি হ'য়েছে,
বলতেই হবে। বল'বিনি?

রতন। কই, কি হ'য়েছে!

হারাদন। কি হ'য়েছে! অমন মুখ গোঁমড়া ক'রে
থাক কেন? কি চাও, একটা মুখের কথা খসালেই তো
হয়। কোন্ জিনিষ তোমায় দিই নাই?—গয়না দিয়েছি,

পোষাক দিয়েছি, ছবি দিয়ে ঘর সাজিয়ে দিয়েছি, ঘরের
নীচে ফুলবাগান ক'রে দিয়েছি, লেখাপড়া শিখিয়েছি, গান
শিখিয়েছি বুনতে শিখিয়েছি, ছবি আঁকতে শিখিয়েছি,
ফটোগ্রাফ তুলতে শিখিয়েছি, কাঁড়ি কাঁড়ি টকা খরচ
ক'রেছি—

গরব। মাথা কিনেছ!—

হারাদন। চূপ মাগী চূপ।—গিন্নীর আস্কারাতে খুব
বাড়িয়ে তুলেছে। (রতনের প্রতি) ইয়ারে, একছড়া
হীরের “বঙ্গবাসী নেকলেস” নিবি?

গরব। ধুয়ে থাকে!—ঢের নেকলেস আছে।

হারাদন। রবিবন্ধার ছবি নিবি?

গরব। গোল গোল বোম্বাই মুখ দেখে স্বর্গে যাবে।

হারাদন। দ্যাখ,—বলে না,—“বঙ্গের অঙ্গচ্ছেদ
জ্যাকেট” নিবি?

গরব। ই্যা—সোলাতে পাকাবে।

হারাদন। শিশি কতক ‘বয়কট এসেন্স’ নিবি?

গরব। একটা রাঙ্গা চুসি নিবি? এসেন্স কি ক'রবে
গো—চৌবাচ্চার জল বাড়াবে না কি? এসেন্সের শিশি
যে আর ঘরে ধরে না।

হারাদন। তবে কি চায়—তুই ছাই আমায় বল
না?

গরব। চায় একটা বর।

হারাদন। চোপ মাগী চোপ—যত বড় মুখ তত
বড় কথা!

গরব। তবে কাতলা মাংসের মুড়া থাকে।

হারাদন। সত্যি নাকি—সত্যি নাকি?

গরব। সত্যি না তো আর কি? সত্যি কথা বলে
তো আর শুনবে না।

হারাদন। কি সত্যি কথা—বল না?

গরব। ঐ যে বল্লম—বর চায়।

হারাদন। বর চায়—ছেলের হাতে মো! বর চায়
—বান্দর চায়—উল্লু চায়—ভাল্লুক চায়!—রতন, বল, কি
চায়? বল—বল বল'ছি? নইলে আমি আত্মহত্যা
ক'রবো, বাড়ী থেকে বেরিয়ে যাবো, বিবাগী হ'য়ে চ'লে
যাবো!

রতন। কি বলবো!

গরব। (জনাস্তিকে) বল না কেন—বর চাই।

হারাদন। (স্বগত) আমি ম'রে পড়ি,—কি জানি
এদি ব'লে ফেলে। কথায় কথায় দেবো না। (প্রকাশে)
তুই বলি নি, আমি চলুম বিবাগী হ'য়ে।

[হারাদনের প্রস্থান।

গরব। হ্যাঁগা দিদিমণি, কলি মুখ ফুটে ব'লতে
পারলে না যে বর চাই?

রতন। নে, তুই আর জালাস উপর জালাস নি,
আমার মরণই ভাল।

গরব। হ্যাঁ—সে একরকম মন্দ নয়।

রতন। তুই আমার সঙ্গে ঠাট্টা করিস?

গরব। ঠাট্টা কি গো—তোমার এত জালা, ম'রে
ছুড়োবে।

রতন। মরণ ব'লেই তো মরণ হয় না!

গরব। তা হবে না কেন গো, ঠিক মরণ হয়।

রতন। কিসে?

গরব। এই দড়ি, ছুরি, আফিং, গঙ্গায় ডোবা—

রতন। তুই ঠাট্টা ক'চ্ছিস, আমি সত্যি বিষ পেলে
খাই।

গরব। তা বেশ তো গো, যদি মন হ'য়ে থাকে, বিষ
খেতে চাচ্চ, খাও না। যেখানে আট আনা আফিংএর
ভরি, সেখানে বিষের ভাবনা?

রতন। আফিং কে এনে দেবে?

গরব। তার জন্তে ভেবো না, আমি যোগাড়
ক'র্বো।

রতন। তুই আমায় আফিং কিনে এনে দিবি!

গরব। তা দিদিমণি, তোমাদের এদিন থাকি, পরুচি,
গিল্লী কত যত্ন ক'রেছে, কর্তা কত আবদার সয়, তুমি তার
এক মেয়ে, সখ ক'রে আফিং খেতে চাচ্চ, একটু আফিং
এনে দিতে পারবো না, লোকে যে বেইমান ব'লবে!

রতন। তুই কি সত্যিই আমায় আফিং এনে দিবি?
ঠাট্টা ক'চ্ছিস!

গরব। হ্যাঁগা, তোমার এমন খাটো মন, বিংস
করো না, তবে বুঝি তুমি ঠাট্টা ক'চ্চ?

রতন। বুঝেছি বুঝেছি, আমায় বিষ এনে দিয়ে
বাবা ব'লে দিবি।

গরব। মাইরি না, তোমার গায়ে হাত দিয়ে ব'লছি।
(গায়ে হাত দিয়া) হ'লো?

রতন। গরব, তোকে মনে ক'বুতুম, তুই আমার
আপনার। তুই আমায় হাতে ক'রে বিষ দিবি!

গরব। এ কাজ তো দিদিমণি, আপনার লোকেই
করে।

রতন। ছাখ—আমার হুখ কেউ বুঝে না।

গরব। তোমার চং কেউ বুঝে না, বল?

রতন। চং কিরে?

গরব। চং নয় তো কি? আমি কি মেয়ে মাছ
নই, আমি কি কাণা? আমি কি দেখি নি—জান্লা খুলে
তাকিয়ে থাকো—কখন সে আসবে। সে চ'লে গেলে ওমনি
বুক ধড়্ ফড়্ ক'বুতে থাকে, চথোচখি হ'লে ওমনি
আহ্লাদে আটখানা হ'য়ে যাও।

রতন। জান্লা—আমোদ আটখানা, বুক ধড়্ ফড়্—
এ সব কিলো?

গরব। ঐ সব গো—ঐ সব—

রতন। বাঃ, তুই তো বেশ গল্প ক'বুতে পারিস।

গরব। আরো গল্প বলি শোনো—এক জনের বাপের
এক মেয়ে, মাগ ছেলে আর কেউ নেই, বাপ মিসে মেয়ের
বে দেবে না, জামাই মেয়েকে বাড়ী থেকে নে যাবে, মেয়ের
ছেলে হ'লে বিষয় ভোগ ক'র্ববে। খুব আঁট ক'রে ব'সে
আছে, লোকের কথায় কাণ দেয় না। এদিকে মেয়ে
জান্লা খুলে এদিক ওদিক দেখে, মনের মতন লোকেরও
দেখা পেলে, হাহতাস করে, হবাপকেও কিছু ব'লতে পারে
না, ভেবে ভেবে সোণার অঙ্গ কালি হ'তে লাগলো।

রতন। তারপর কি হ'লো?

গরব। দিনরাত আকাশ পানে চেয়ে ব'সে থাকে, চাঁদ
দেখে, ফুল শোঁকে, খায় না দায় না। শোয় না ঘুমোয় না,
বাপকেও কিছু বলে না, জানে—ব'ললেও বাপ শুনবে না।

রতন। তারপর কি ক'র্বলে?

গরব। সে কি ক'র্বলে জানিনে। আমরা হ'লে উপায়
ক'বুতুম।

রতন। কি উপায় ক'র্বতিস?

গরব। উপায়ের ভাবনা? মনের কথা খুলে, উপায়
হয় না?

রতন। কি উপায়—কি উপায় ?

গরব। আমি তো বলেছি অমনি উপায় হয় না, মনের কথা ভাঙলে তবে উপায় হয়।

রতন। সত্যি গরব,—কিছু উপায় আছে ?

গরব। কিসের গো ?—

রতন। আচ্ছা, তুই এখনো ঠাট্টা ক'চ্ছিস ? আমার অবস্থাতো সব জেনেছিল, তোর কাছে আর লুকোচুরি কি ! বইয়ে পড়েছি, কিন্তু পরের জন্তে যে এত ক'রে ভাবতে হয়, যার সঙ্গে কেবল চোখের দেখা, কখনো কথা কইনি, কাছে বসিনি, সে যে জীবনের সর্ব্ব্ব হয়, তা আগে বিশ্বাস ক'রতুম না। এখন আর কি ক'রবো, দেখছি—অমনি ক'রে জ'লতে জ'লতে জীবন যাবে।

গরব। জীবন যাবে ! নকড়া ছকড়া জীবন কিনা, গেলেই হ'লো ! বালাই ! তুমি সব কথা খুলে বলো—কবে দেখা হ'লো, কোথায় দেখা হ'লো—এ যে 'দেখছি 'চোরে-কামারে দেখা নাই, রাজমহলে সিঁদ !' তুমি একা জ'লছ না, সে লোকটাও তোমার জন্তে জ'লছে, সব জানা চাই, দমবাক পুরুষের পাল্লায় না পড়ো।

(গরবের গীত)

পুরুষের নানান হুম্বাজী।

মন গোষ্ঠা নয় তো সোজা, সত্যি প্রেম কি কারসাজী।

অপ্রেম সে কত কাঁদে, গারে ধ'রে কত সাধে,

নারীর প্রাণ বাঁধে প্রেম-ক'রে ;

হাতে পেনে পায় ঠালে, কাঁদা সাধা ভোরবাজী।

সরলা কুলনারী, চ'মুতে হয় সাজলে ভারি,

অবুধ হ'রে চলে নানা লাহনা তারি ;

না হাতে পেয়ে, হাতে যেতে কেউ যেন না হয় র'জী।

রতন। তার মনে কি আছে, জানিনে ভাই ! আমি আড়াল থেকে শুনেছি, তার সঙ্গে সখস্বের কথা নিয়ে তাদের পাড়ার সনাতন বাবু এসেছিলেন। বাবাতো মাণকেকে দিয়ে বাড়ীতে লোক আসা বন্ধ ক'রে দিয়েছে।

গরব। তোমার সঙ্গে কি ক'রে দেখা হ'লো ?

রতন। সে অনেক দিনের কথা, একদিন নতুন কির সঙ্গে মাসীর বাড়ী হ'তে ভাড়াটে গাড়ী ক'রে আসছি, আশুবার সময় হাবাকাল। মাপী, গলির ভেতর দিয়ে আসতে আসতে পথ চিন্তে পারুলে না ; গাড়োয়ানও বাড়ী চেনে

না, আমি তো কেঁদে সারা,—সেই সময় দেখা। বিকে জিজ্ঞাসা ক'রে খবর নিয়ে কোচবাল্লো উঠে আমায় বাড়ী রেখে গেল। আমিও গ্যাসের আলোয় আমার হৃদয়-দেবতাকে দেখলুম।

গরব। অমনি প্রেমের গ্যাস জ্বলে বুঝি বাড়ীতে চ'লে এলে ?

রতন। নইলে এত জ'লছি কিসে !

গরব। তাইতো—এ গ্যাসের আলোর প্রেম—বড় দব্দবে প্রেম ! তা কিছু কথাবার্তা হ'লো ?

রতন। না দেখলুম আমার মুখপানে চেয়ে র'য়েছে, আমি লজ্জায় চোখ কিরিয়ে নিলুম। তারপর থেকে দেখতে পাই, রোজ আমার জানালার পানে চেয়ে চেয়ে রাস্তায় বেড়ায়। এখন বল—কিছু উপায় ক'রতে পারবি ?

গরব। এর উপায় যদি না ক'রতে পারি, তবে গরবের আর গরব কি ? তোমায় কিন্তু যা বলি, তা ক'রতে হবে।

রতন। কি ক'রতে হবে বল—কি ক'রতে হবে বল ?

গরব। বেশী কিছু না—গব্ গব্ ক'রে খেতে হবে আর বিছানায় শুতে হবে।

রতন। আবার ঠাট্টা ?

গরব। ঠাট্টা নয়, তুমি চূপ ক'রে বিছানা কামড়ে প'ড়ে থাকো, আমি কর্তাকে বলিগে, তোমার বড় ব্যামো।

রতন। বাবা যে ডাক্তার ডাকবে ?

গরব। ডাকলেই বা, ডাক্তার রোগই ঠাওর পায়, ভিট'কিলুমি কি ঠাওর পায় ?

রতন। আর ঢক্ ঢক্ ক'রে ওষধ যে গিলোবে ?

গরব। সে আমি আছি, সব ওষধ পুকুরসই ক'রবে।

রতন। তাতে কি হবে ?

গরব। তারপর বৈজ্ঞানিক এসে, তোমায় আরাম ক'রে বাড়ী নিয়ে যাবেন।

রতন। সে কি লো ?

গরব। সে আছে আছে,—তুমি এখন ঘরে গিয়ে রোগী হ'য়ে পড়। আমি চল্লুম, তোমার বাপকে গিয়ে খবর দিইগে।

রতন। উপায় ক'রতে পারবি তো ?

গরব। না পারি, নিদেন আফিং এনে দেবো। যাও
হাও, চুপি চুপি শোওগে, দেখনা গরবের গরবটাই! এখন
তুমি রোগী হ'তে পারলে হয়।

রতন। তা খুব পারবো,—বৈক্যবো, চুব্বো, মাথা
চালবো, হি হি ক'রে হাসবো, ফোঁস ফোঁস ক'রে কাঁদবো,
কখনো গুম থেয়ে প'ড়ে থাকবো,—তা হ'লে তো হবে?

গরব। বেধ হবে—খুব হবে—খাট আন্বার মত
হবে।

(উভয়ের গীত)

গরব। বাপটা ঘেরে ছিল পীরিত, চাগাড় ফিলে এইবারে।

না হ'লে হিষ্টরিয়া হয় না পীরিত বাহারে ॥

রতন। এমন কি বরাত আখার, পীরিতে হবে বাহার,

আমি দাঁত ছিরকুটে থাকু'বা প'ড়ে একধারে ॥

গরব। ভিরকুটা দাঁতকপাটা, সেইখানে পীরিত খাট,

এইবারে—তোমারে—কে পারে।

রতন। জানিনে পারি হারি, ফুলনারী—

বৈক্যবো চুব্বো চালবো মাথা, কইবো না কোন কথা,

ফোঁস ফোঁস নিষেস ফেলে ফোঁপাব বারে বারে ॥

গরব। মরি মরি এমন পীরিত পায় কি আর যারে তারে,

পীরিত যেমন গেলে তোমারে।

উভয়ে। যে পীরিতে খাট না আস, পীরিত কি বলি তারে ॥

[উভয়ের প্রস্থান।]

পঞ্চম দৃশ্য

হারাধনের ভিতর বাটা

হারাধন ও মাণিক।

হারাধন। মাণিক?

মাণিক। আজ্ঞে—

হারাধন। কাককে আসতে দিসনি তো?

মাণিক। আজ্ঞে, তেমন মাণিকের মাণিক নই।

হারাধন। কেউ এসেছিলো?

মাণিক। অনেক লোক।

হারাধন। ঐ সনাতনে বেটা—ঐ যে সঙ্ক করে—
সে এসেছিল?

মাণিক। আজ্ঞে না।

হারাধন। তবে ক এসেছিল রে?

মাণিক। বেলগেৎ বাগানের মালী ডালা নিয়ে
এসেছিল?

হারাধন। সে কোথা গেল?

মাণিক। সে বাড়ী ঢুকতে যায়। আমি ডালাখানা
কাছাড়ে ফেলে গর্দান্না দিলুম, সে ভেঁ। ভেঁ। ক'রে
পালালো।

হারাধন। আমার বেটা—ডালা ফেলে দিলি কেন?

মাণিক। আজ্ঞে—তাইতো—কেন ফেলুম?

হারাধন। যা বেটা, কোথা ফেলেছিল—ঝুড়িয়ে নিয়ে
আয়।

(মাণিকের প্রস্থানোত্তম)

শোন্ শোন্—বেগতেরা খাজনা দিতে এসেছিল?

মাণিক। ঝাঁকে ঝাঁক! আমি ছাদনা নিয়ে সব
তাড়া করলুম।

হারাধন। যা বেটা, সর্কনাশ ক'ব্লে, যা, এখন যা—
সব ডেকে নিয়ে আয়।

মাণিক। আজ্ঞে এই চলুম—এই চলুম।

[মাণিকের প্রস্থান।]

হারাধন। দেখ' বেটা অহাম্মুক! যাই ডালাখানা
কোথায় ফেলে দেখি।

(কপট ক্রন্দন করিয়া বেগে গরবের প্রবেশ)

গরব। ওমা, কোথা যাবো—কি সর্কনাশ! বাপ মিলে
কোথা গেল, শুনলে এখন গলায় ঝাঁপ দেবে!

হারাধন। কি কি—কি হ'য়েছে—চোঁচাচ্ছি
কেন?

গরব। ওরে—কি হ'লোরে—হায় হায়, এমন সর্কনাশ
কি কারো হয়! কর্তা গেল কোথা?

হারাধন। ওরে—এই যে আমি! কেন দশবাই চণ্ডী
হ'য়ে নাচ্চিস? কি হ'য়েছে বল না?

গরব। হায় হায়—বাপ শুনলে গলায় দড়ি দেবে।
মেয়েতো নয়—যেন জগদ্ধাত্রী! এমন সর্কনাশও হয়!—

হারাধন। ওরে কি হ'য়েছে কি! গরব, ও গরব—

গরব। আমি জলে ঝাঁপ দিইগে—কর্তাকে এ খবর
দিতে পারবো না!—

হারাধন। কি সর্বনাশ হ'য়েছে! মাগী ব'লবেও না—
কেবল ধেই ধেই ক'রে নাচবে।

গরব। 'ওগো, তোমারা কেউ কর্তাকে ডেকে দাও—

হারাধন। ওরে, এই যে আমি?

গরব। আমি অমন দমবাজীতে ভুলিনি; যাও,
কর্তাকে ডেকে দাও!—

হারাধন। আরে এই যে কর্তা—ছাথ'না?

গরব। আমি চোখে দেখতে পাচ্ছি, আমার
বুকে দম ধ'রেছে! ওরে, কি সর্বনাশ হ'লোরে—

হারাধন। ফ্যাল ফ্যাল ক'রে চেয়েই রইলো!—

এই যে আমি—দেখ'না, আমি কর্তা—আমি কর্তা—

গরব। তুমি কর্তা?—দাঁড়াও—তোমার গৌফ দেখি
ঠাউরে—ওগো আমি চোখে দেখতে পাচ্ছি নে গো—

হারাধন। ছাথ'না বেটা—ছাথ'না—(গৌফ দেখান)

গরব। কর্তা আমাদের লম্বা লম্বা পা ফেলে পায়চারি
করে,—

হারাধন। এইরে বেটা—এইরে বেটা—(পায়চারি
করণ)

গরব। কর্তা আমাদের ঝাঁকারি মারে—

হারাধন। তবে রে বেটা ছাপা—

গরব। অ্যা—তুমিই তো কর্তা—তুমিই তো কর্তা!

—ওগো সর্বনাশ হ'য়েছে গো—সর্বনাশ হ'য়েছে!—
দিদিমনি গো—

হারাধন। তোর কান্না রাখ—কি হ'য়েছে বল?

গরব। কেমন ক'রে ব'লবো গো—কর্তার যে এক
মেয়ে—

হারাধন। ওরে তোরে ব্যগ্রতা করি, শীগ্গির বল?

গরব। কর্তা বাবু, সেই যে তুমি কত মুখনাড়া দিলে,
ব'লে,—“বিবাকী হবো।” সেই শুনে দিদিমনি একেবারে
ঘরে চ'লে গেলো। তার পর বাগানের দিকে গিয়ে,
ফ্যাল ফ্যাল ক'রে পুকুর পানে চেয়ে চেয়ে—

হারাধন। তারপর—তারপর—

গরব। তাড়াতাড়ি করোনা কর্তাবাবু, আমাকে দম
ফেলতে দাও!

হারাধন। তারপর—ও গরব—আর কত দম
ফেলবি?

গরব। এখনো একটু ফেলবো—

হারাধন। না বাছা—আর দম ফেলিস্ নি—বল্ বল্

—তারপর—

গরব। তারপর পুকুর পানে চেয়ে ব'লতে লাগলো,
—“বাপই যদি বিবাকী হ'লো, আমার আর তবে থেকে
কাজকি, মরণই ভালো!”

হারাধন। ব'লে জলে ঝাঁপ দিলে?

গরব। না,—

হারাধন। তবে কি ক'বলে—তবে কি ক'বলে?

গরব। আশ্তে আশ্তে বিছানায় গিয়ে শুলো।

হারাধন। আঃ বাচ্'লেম, সর্ব রক্ষে—

গরব। সর্ব রক্ষে কি কর্তাবাবু? শোন আগে—

হারাধন। আবার কি?

গরব। বিছানায় শুয়ে এই ফোঁস ফোঁস ক'রে
কান্না! কান্দতে কান্দতে একেবারে অজ্ঞান, আর নড়েও না
চড়েও না।

হারাধন। তারপর—তারপর কি শীগ্গির বল?

গরব। তাড়াতাড়ি করোনা কর্তাবাবু, আমায় সব
মনে ক'বতে দাও!

হারাধন। আয় মনে করিস্ নি গরব! বল্—
বল্—

গরব। হ্যা, এইবার মনে হ'য়েছে—পা মুখ সব পাশ
হ'য়ে গেল, যত ডাকি “দিদিমনি—দিদিমনি”—সাদাও
নাই, শব্দও নাই, নাকে হাত দিয়ে দেখি—ওমা নিশেষও
নাই।

হারাধন। অ্যা—নিশেষ নাই? হাষ হায কেন
আমার কুমতি হ'লো কেন বিবাকী হব ব'ল্লাম। হ্যা'রে,
নিশেষ নাই?

গরব। ছিল না—অনেকক্ষণ ধ'রে মুখে জলের ঝাপটা
দিতে দিতে—নাড়তে চাড়তে চোখ চাইলে। ছোট্ট ক'রে
ব'লে—“বাবা!” আবার অজ্ঞান। সেই থেকে একবার
চেতন হ'চ্ছে, একবার অজ্ঞান হ'চ্ছে। ওরে, কি রাত পুইয়ে
ছিল রে—আজকের দিন কাটলে যে বাঁচি!

হারাধন। কি সর্বনাশ হ'লো—কি সর্বনাশ হ'লো—
মাথকে—মাথকে—

নেপথ্যে।—আজ্ঞে—

(মাণিকের প্রবেশ)

হারাধন । ওরে যা বেটা—শীগ্গির যা -

মাণিক । যে আজ্ঞে— [মাণিকের গমনোচ্ছোঁগ ।

হারাধন । যাস্ কোথায় ?—শোন—কোথা যেতে হবে
ব'লে দিই, ছুটে যাবি ।

মাণিক । যে আজ্ঞে— [ছুটিয়া গমন ।

হারাধন । ওরে আবাগের ব্যাটা—শোন্ শোন্—
আমার সর্বনাশ হ'তে ব'সেছে—জ্বালার উপর আর
জ্বালান্ নে ।

মাণিক । আজ্ঞে না—আর জ্বালান্ নি ।

হারাধন । যেখানে যত ডাক্তার বন্দি পাস, ধ'রে নিয়ে
আয় । শীগ্গির যা ।—

মাণিক । যে আজ্ঞে— [মাণিকের প্রস্থান ।

হারাধন । হায় হায়—কি হ'লো—কি হ'লো—কি সর্ব-
নাশ হ'লো!—(গরবের প্রতি) চল্ চল্—দেখে আসি ।

[উভয়ের প্রস্থান ।

ষষ্ঠ দৃশ্য

চিকিৎসকের বাজার

অ্যালোপ্যাথিক ডাক্তার মিঃ নন্দী ও মিঃ ঢোল, হোমিও-
প্যাথিক ডাক্তার, বৈজ্ঞ, হকিম, ধাত্রীদ্বয়, গো-বৈজ্ঞ,
পশু-চিকিৎসক, বেদিনী, জ্বোকওয়ালী,

ড্রেসার ও মাণিক ।

(গীত)

চিকিৎসকগণ । এসছি সকল সকল—

এড়িয়ে রোগী যায় পাছে ।

ক'রে আশ সুন্দরাস সুখ চেয়ে আছে ।

ওলাউঠো স্নেহ বসন্ত রক্তমাশা,

আমরা অছি—তাই সহরে ক'রেছে বাসা,

ম্যালেরিয়ার খাসা তাম'সা ;

আমরা সব লায়ক ভারি, বুঝারে বোঝে পাঁচ ।

তোকের ভিড় কমাই, তাই সহরে হয় ঠাই,

রোগে ক'টা চানান দিত ছাই ;

পাড়ী প'ড়ী চানান দিবান, টাইকা বাওয়াই সব কাছ ।

অ্যালোঃ ডাক্তার । পিল পাউডার মিষ্টচার—

এড়ান এতে নাই কোঁ কার,

বৈদ্য । ঠোল আর বটিকা আমার, •

(সম্য) আন্বার পারে ঘোর বিকার, •

হকিম । দন্ কুল্ বায়, এম'সা গুণ মেহি হালুচার ;

হোমিঃ ডাক্তার । আমি গবিউল ঝাড়ি, উলুটে বইয়ের পাত,

গুণ্টাতে গুণ্টাতে পাতা রোগী কুপোকাত ;

ধাত্রী । আমরা সব শিক্ষিত দাই, পরিচয় আর কি চাই ?

গো-বৈজ্ঞ । মুই গোশাগা, গরু দাগি,

পশু-চিকিৎসক । কুণ্ডাকে মলম মাখাই—

ঘোড়াকে ঝাওয়াই ঝাওয়াই ;

বেদিনী । বাত ভাল করি, দাঁতের পোকা ভাল করি,

বেদিনী বসাই শিশে রক্ত চুষে থাই,

জ্বোকওয়ালী । আমি ঝেড়ে ঝেড়ে জ্বোক লাগাই,

ড্রেসার । আমি ড্রেস করি আর পিচকিরি বাগাই ;

মাণিক । সবাই যেখ'ছি পোস্ত, রোগ বড় শক্ত,

এসো পিচিগিট চ'লে এসো, কর্তার এখন বক্ত ;

তোমাদের দিক্ হাতে, হয় যাতে—

এসপার কি ওসপার—মেয়ে মরে আর বাঁচে ।

সকলে । মেয়ে মরে আর বাঁচে ॥

[মাণিকের পশ্চাতে সকলের ভক্তিসহ প্রস্থান ।

সপ্তম দৃশ্য

হারাধনের বহির্বাবী

হারাধন ও মাণিক ।

মাণিক । আর মাণকেকে আইমুক বলতে পাবে নি ।

এই যে যেখানে ছিল, সব ঝেঁটিয়ে এনেছি ।

হারাধন । আরে বেটা, ডাক্তার-বন্দি আনতে ব'ল্লুম,

এ কি ক'রেছিস্ ?

মাণিক । আজ্ঞে—ডাক্তারে যদি না শানে, হোমাপাথী
লাগ'বে ; তায় না খই পায়, বন্দি—গুলি ঝাড়'বে ; তাতে
না বাগে, হকিম হালুয়া খাওয়াবে ; এতেও না সামাল খায়,
ডাক্তার ফাড়'বে আর পিচকিরিওয়াল পিচকিরি
ঝাড়'বে আর ল্যাংড়া জড়াবে, আর জ্বোকওয়ালী জ্বোক
লাগাবে আর বেদিনী বেটা শিশে বসাবে ।

হারাধন । আর সব ক'দের এনেছিস্ ?

মাণিক। আজ্ঞে গরু দাগতে জানে, ঘোড়ার বাত ভাল করে, কুকুরের ঘায়ে মলম দেয়।

হারাদন। আরে বেটা, সর্কনাশ ক'রেছিস, সর্কনাশ ক'রেছিস, বিদেয় কর—বিদেয় কর।

মাণিক। আজ্ঞে, বিদেয় হবে নি—সবে ককে এসেছে।

(ডাক্তারগণের প্রবেশ)

সকলে। আমাদের valueable time, ব'লে থাকতে পারি নে।

(বৈঠকের প্রবেশ)

বৈঠ। আমিও বৈঠরাজ, আমারও সময় খাটো নয়।

(হকিমের প্রবেশ)

হকিম। হাম হকিম, হামার দুবসং কম।

হারাদন। আচ্ছা—আহ্ন আপনারা, মেয়েটাকে দেখবেন।

[চিকিৎসকগণকে লইয়া হারাদনের প্রস্থান।

(ধাত্রী, গো-বৈঠ, পশুচিকিৎসক, বেদিনী, জেঁক-ওয়ালী ও ড্রেসারকে লইয়া গরবের প্রবেশ)

গরব। ও মাণিক—মাণিক আমার—

মাণিক। আরে কিরে গরুবি—কিরে গরুবি—আজ যে তোর সোহাগ বড়!

গরব। মাণিক, একটু বসো।

মাণিক। হাঃ হাঃ, আমার বরাত খুলেছে। (উপবেশন)

গরব। (জেঁকওয়ালীর প্রতি) নাও, এর কপালে ছুটো জেঁক বসাও। (বেদিনীর প্রতি) তুমি শিরে বসাও। (গো-বৈঠের প্রতি) আর তুমি হেঁদে দাগোতো গা। (পশুচিকিৎসকের প্রতি) আর তুমি তোমার ঘোড়ার দাওয়াই খাওয়াও।

মাণিক। হাঃ—হাঃ—হাঃ—খুব মস্করা কচ্ছিস।

গরব। আরে না না—মস্করা নয়—তোর বড় ব্যামো।

মাণিক। বেশ—বেশ—

গরব। নাও গো নাও—তোমরা কাজ করো। (গো-বৈঠের প্রতি) নাও—নাও ছাঁদো।

গো-বৈঠ। (দড়ি লইয়া অগ্রসর হইয়া) কই—গরু কই?

গরব। (মাণিককে দেখাইয়া) এই যে গরু। ও গরু ছিলো, মারুব হ'য়েছে। ছাঁদো—ছাঁদো।

(গো-বৈঠের মাণিককে বাধিতে অগ্রসর হওন)

মাণিক। তবেই রেটা, তুমিও মস্করা কচ্চ?

গরব। ছাঁদো গো—ছাঁদো,—এখনি হারা করে পেয়ে উঠবে।

মাণিক। ওরে বাপু রে,—ছাঁদবে কিরে?

গরব। ধরো ধরো—নাও, জেঁক লাগাও, শিরে বসাও, পিচ্কিরি দাও—

(সকলের অগ্রসর হওন)

মাণিক। ওরে বাপু রে—সাব্বলে—

(পলায়ন)

ড্রেসার। রোগী যে পালালো—পিচ্কিরি কাকে দেবো?

গরব। তুমি পিচ্কিরি আপুনি নাও।

জেঁক। আমাদের টেকা দাও, টেকা দাও—

বেদিনী। আমরা চ'লে যাই, আমরা না ডাকলে আসি নি।

(ছাদনা লইয়া মাণিকের প্রবেশ)

মাণিক। আয়, কোন্ শালা ছাঁদবি—

বেদিনী প্রভৃতি। আরে দেইয়ারে দেইয়ারে—

[গরব ব্যতীত সকলের গোলযোগ করিয়া প্রস্থান।

(হারাদনের পুনঃ প্রবেশ)

গরব। হ্যাঁ গা, কর্তা বাবু মেয়েটির আর কতখণ?

হারাদন। কতখণ কিরে বেটা?

গরব। কেন গো—সব যমদূত ডেকে এনেছ তো?

ওরা জনাজুতি বাড়ী ওজড় করে। ক'জন জড়িয়ে একটা খুদে মেয়ে আর সাবুতে পা'রুবে না!

হারাদন। চূপ বেটা চূপ, ওরা সব আসছে,—শুনলে এখনি সব রাগ ক'রে বেরিয়ে যাবে।

গরব। সে তো ভাল গো, মেয়ে তো গিইয়েছে, তোমার বাঁচবার উপায় হ'বে।

(বৈজ্ঞ ও হকিমের প্রবেশ)

হারাধন। আহুন—আহুন ক'বরেজ মশায় আহুন
হকিম সাহেব—কি দেখলেন ?

বৈজ্ঞ। ও ডাক্তারেরা দেখছেন দেখুন, - রোগটা
বিরোধ পূর্ণ, তৈল ঔষধ ব্যবহার ক'রতে হবে।

হকিম। নেই, হালুয়া খিলাও হালুয়া খিলাও, যব
দার পশিনা নিকাল যায়েগা, তব্ বেমারি ছুট্ যাগা।

বৈজ্ঞ। আরে হালুয়া খাইলে প্যাটি ফুলে ম'রবে।
তৈল ঔষধ দিয়ে বায়ুর সাম্য করা চাই।

হকিম। নেই—সরবৎ পিলাও। আউর এই মগজ
কদ্দুকা তেল শিরমে মালিশ করো—ঠাণ্ডা হো যাগা।

বৈজ্ঞ। আরে লও—লও—তোমার কর্ম নয়—
তোমার কর্ম নয়। তোমার রাজমিস্ত্রীরে যাইয়ে হালুয়া
খাওয়াও, সরবৎ পিয়াও,—আর ইসে মালিশ করো।

হকিম। কেয়া বুরা বোলতে হো—

বৈজ্ঞ। হ, হক্ বলতিছি।

হকিম। আও, দেখে—

বৈজ্ঞ। কি, আমি মুস্তরির ঝোল খাইয়ে বাকুইচি,
আমারে কম পাইছ ?

[উভয়ে দ্বন্দ্ব করিতে করিতে প্রস্থান।

গরব। কর্তা বাবু—কর্তা বাবু, দুর্গা বলে তোমার
রাহ-কেতু কাটলো !

(অ্যালোপ্যাথিক ডাক্তারদ্বয়কে আসিতে দেখিয়া)

এইবার শনি-মঙ্গল আনছে, এইটে সামলে যাও তে
অনেকদিন টেকে।

(মিঃ নন্দী ও মিঃ ঢোলের প্রবেশ)

ডাক্তার নন্দী। (দ্রুতভাষায়) আপ্নি মিছিমিছি
কতকগুলো টাকা খরচ ক'রে কতকগুলো আনাড়ি কেবল
জড় ক'রেছেন। বন্দি, হকিম, হোমিওপ্যাথ, ওরা
রোগের কি জানে, প্যাথালজি পড়েছে ?

হারাধন। আজ্ঞে, যা হয় আপনারা উপায় করুন—
আপনারা উপায় করুন, মেয়েটা বাঁচবে তো ?

ডাক্তার ঢোল। (মন্তর ভাষায়) ব—ড—শ—ক—ট !
এমিটিক—অর্থাৎ যাতে বমি করে, এমন ঔষধ ব্যবহার
ক'রতে হবে

ডাঃ নন্দী। এমিটিক ! 'by no means—কখনই'
না, পার্গেটিভ—জোলাপ দিতে হবে।

ডাঃ ঢোল। জোলাপ দিলে এখনই রোগী মারা যাবে।

ডাঃ নন্দী। বমন করালে এক মিনিট বাঁচবে না।

ডাঃ ঢোল। আপনার authority কি ?

ডাঃ নন্দী। আপনার authority কি ?

ডাঃ ঢোল। authority !—জোলাপ দিয়ে সেদিন
একটাকে মেরেছ।

ডাঃ নন্দী। নাও নাও, সেদিন বমি করিয়ে তুমিও
একটাকে মেরেছ।

হারাধন। ম'শায়, ঝগড়া ক'রবেন না—ঝগড়া
ক'রবেন না, আপনারাদের এই ফি নেন, রোগটা কি
ঠাওরালেন ?

ডাঃ ঢোল। রোগ—ক্যাক্‌হেক্সিয়া।

ডাঃ নন্দী। ক্যাক্‌হেক্সিয়া !—কখনো না—কখনো
হতে পারে না, সম্ভব নয়—অসম্ভব !—It is asphyxia
(অ্যাস্ফিক্সিয়া)।

ডাঃ ঢোল। ম'শায়, উনি অত্নায় ব'লছেন।

ডাঃ নন্দী। অত্নায় ব'লছি—একি ছেলের হাতে পিটে,
যা তা ব'লেই হ'লো, যে এলুম, ফি নিলুম, চ'লে গেলুম।
ঠাওরাতে হবে, ভাবতে হবে, বিবেচনা ক'রতে হবে,
বিচার ক'রতে হবে, চিন্তা ক'রতে হবে, তবে একটা কথা
ব'লতে হবে।

হারাধন। (হত) এক শালা স্তর ধ'রেছে একেবারে
টিমে তেতালার। আর এক শালা চৌহুম।

ডাঃ ঢোল। মহাশয়—বুঝুন, আপনার একমাত্র কন্ঠা,
এদিক ওদিক কিছু হ'লে পাগল হবেন, কেমন কিনা
বিবেচনা করুন,—রোগ হ'লো সাংঘাতিক, মৃত্যু হ'তে
পারে। ঔষধ দিতে হবে—খুব বিবেচনা ক'রে।

ডাঃ নন্দী। নিশ্চয়, তার জগ্গে যা ক'রতে হয়, আমি
প্রস্তুত। একি ছেলের হাতে পিটে, যে এলুম, ফি নিলুম,
চ'লে গেলুম।

ডাঃ ঢোল। আপনি অত্নায় ব'লছেন—অ্যাস্ফিক্সিয়া
ব'লনই হ'তে পারে না, বরং অ্যাপোপ্লেক্সি বলা যেতে
পারে।

ডাঃ নন্দী। ননসেন্স, বাজে কথা,—বরং ব'লতে

পারো ধনুষ্টকার। কারণ—শরীরের রক্ত, মাংসপেশী, শির, অস্থি, মজ্জা—সমস্ত বিকৃত হ'য়ে রোগীকে ধনুকের মত ক'রে ফেলবার চেষ্টা। ক'চ্ছে।' এর লক্ষণ—হাঁসফাঁস, এপাশ ওপাশ, ঘন ঘন শ্বাস, হাহতাশ,—কখনো বা কাসে, কখনো বা হাসে, কখনো বা রস্পন, কখনো বা কস্পন, কৃস্কৃস্কৃ দাহন, নাড়া অতি দ্রুতগতি, কখনো বা যুহুগতি, ঘন ঘন মাথা চালা, সর্কাক্কে জালা—আস্ফিক্সিয়া না বলে কোন্ শালার বেটা শালা—

হারাদন। (স্বগত) বাপ! যেন পাঞ্জাব মেল চালালে। (প্রকাশ্যে) মশায়, হ'য়েছে তো?

ডাঃ নন্দী। এখনো আছে, সব নিঃশেষ হয় নাই।

হারাদন। আপনার থাক্—এবার ঢোল ম'শায় কেমন বাজেন দেখি।

ডাঃ ঢোল। অপমান—Defamation.

ডাঃ নন্দী। Defamation—Damn nation.

ডাঃ ঢোল। Damn nation—Damn fool! (পরস্পর ঘৃণা)

হারাদন। ম'শায়,—ঠাণ্ডা হোন—ঠাণ্ডা হোন—

ডাঃ নন্দী। কি? ঠাণ্ডা হবো—শালা ঢোল বলে Damn fool, চ'ল্লুম—

ডাঃ ঢোল। চল্লুম— [উভয়ের প্রস্থানোত্তম।

(মাণিক ও গরবের প্রবেশ)

মাণিক। এজ্ঞে, কেউ যেতে পাবেন নি—কেউ যেতে পাবেন নি।

গরব। আজ্ঞে, এই রেড়ীর তেল আর ছুন জ্বলে এনেছি, কে বমি ক'রবেন—কে জ্বোলাপ নেবেন?

ডাঃ ঢোল। আমি বমি ক'রবোনা—রোগী বমি ক'রবে।

ডাঃ নন্দী। আমি জ্বোলাপ নেব না—আমি জ্বোলাপ নেবো না—রোগী জ্বোলাপ নেবে।

গরব। বদ্বি নারায়ণ, আপনারা খেলেই রুগীর খাওয়া হবে। আপনারা ম'লেই রুগী বাঁচবে।

মাণিক। খাও ডাক্তার বাবু—খাও,—তোমাদের চারিটা পায়ে পড়ি—খাও—

ডাঃ নন্দী। সত্যি খাওয়াবে নাকি! (লক্ষ দিয়া পলায়ন)

ডাঃ ঢোল। ও বাপু ও বাপু, ওকে ধোও, আমার পায়ে বাত, আমি পালাতে পা'রবো না। [দীর্ঘপদে প্রস্থান।

হারাদন। এদের তো হ'লো—এখন সে ডাক্তার বাবু কি ক'চ্ছেন?—

(নেপথ্যাভিমুখে উঠে:হরে) ম'শায়, কি হ'চ্ছে আপনার?

নেপথ্যে। সিম্‌টম্ নিচ্চি—সিম্‌টম্ নিচ্চি—

হারাদন। আস্থন—আস্থন—বেরিয়ে আস্থন।

নেপথ্যে। দাঁড়ান—দাঁড়ান—বই খুলে সিম্‌টম্ মিলুচ্চি—

গরব। আস্থন—আস্থন—

(পুস্তক পড়িতে পড়িতে হোমিওপ্যাথিক ডাক্তারের প্রবেশ)

হোমিওপ্যাথিক। ব'লতে পারেন—শুয়ে ক'বার পাশ করে? দ্রুত উপর মাছি বসে কি না?

গরব। আজ্ঞে উনি ব'লতে পারবেন না, উনি ব'লতে পারবেন না, আমি ব'লছি।—ঘুমিয়ে পাশ করে, পায়ের উপর ভর দিয়ে দাঁড়ায়, মশা কামড়ালে গা চুলকায়, মাছি ব'সলে তাড়ায়, আর তোমার মত ডাক্তার পেলে—ঝেঁটিয়ে বিষ ঝাড়ায়!—

হোমিওপ্যাথিক। কি—কি, অপমান—অপমান—আমি চল্লুম আমি—চল্লুম।

[প্রস্থান ও তৎপশ্চাৎ মাণিকের ভদ্রসহ গমন।

হারাদন। কাঁড়ি কাঁড়ি টাকা নিলে, ঝুড়ি ঝুড়ি ব'কলে, তড় তড়িয়ে স'বুলো!—যাক্, এ বেটাদের কাজ নয়। কোন রকম টোটকা ওষুধ চেষ্টা করা যাক্।

[হারাদনের প্রস্থান।

গরব। এইবার আমার ডাক্তার খুঁজতে বেরুই—যে এক তুড়িতে রোগ ভাল ক'রবে। যেমন ভরা-রস-যৌবন, তেমনি রসিক বদ্বিও তো চাই। এ রোগে বায়ু-পিত্ত-কফ তিনিই প্রবল, তবে বাইয়ের ভাগটা কিছু বেশী। আমি যে রুগী আর রোজা দুইই হ'য়ে হাড়ে হাড়ে বুঝছি। ও বালাই ডাক্তার হয় না, খামকা এঁকে জুলুম করে।

(গরবের গীত)

যৌবন কেন হানে কে জানে।

বাণ ভেদে গাঙ্গ ভ'রে যেন ব'য়ে চলে উজানে ॥

কিরে বয় মনের ধারা, থাকে না কুল কিনারা,

ভেসে গিয়ে কুলশা পেয়ে, হয় বিশেষারা;

জোণে ওঠে ভূষণ খেলে, কখন তোলে কখন কেলে,

গাথারে পাক দে নে যায়, গ্রাণ কাপে ধর টানে।

তবু তরে জোঁর বর কাণে কাণে।

[গরবের প্রস্থান।

অষ্টম দৃশ্য

পথ

(গরবের প্রবেশ)

গরব। ঐ দেখ, আবার মাগকে ছোঁড়া পেছ পেছ আসছে। ওকে তাড়াই, না তাড়ালে রসিক বাবুর সঙ্গে দেখা করা হ'বে না। ভয় দেখাই, নইলে সঙ্গ ছাড়বে না। বিস্তর কাকুতি মিনতি ক'রে,—এক একবার ইচ্ছে হয়—ছোঁড়াকে বে' করি। বড় বোকা, তা বোকা ভাতার না হ'লে, নাকে দড়ি দে' বেড়াব কি ক'রে?

(মাগিকের প্রবেশ)

মাগিক। ও গরব—গরব! তুই বা বলি, তাই তো করছ, ডাক্তারদের তাড়াছ। তুই বিয়ে ক'রবি ব'লেছিলি, বিয়ে ক'র। বিয়ে ক'রবি তো?

গরব। এসেছি—আয়, আমার সঙ্গে চল।

মাগিক। কোথায় যাচ্ছি?

গরব। ও পাড়ার ডানবুড়ী বৈষ্ণবীর কাছে যাচ্ছি, চ'।

মাগিক। ছিঃ—ছিঃ—সেখানে কেনে রে?

গরব। কাককে বলিস্ নি, তোরে বে' ক'রবো, তাই তোরে এখন চুপি চুপি ব'লছি। আমি ওর কাছে ডাইনে মস্তটী শিখেছি,—এখন গাছচালা মস্তটী শিখতে যাচ্ছি।

মাগিক। ডাইনে মস্ত শিখেছি ক'রে?

গরব। নইলে আর তোরে বে' ক'রতে চাচ্ছি

কেন? তোব কাছে শুয়ে থাকবো, আর একটু একটু ক'রে তোর বুকের রক্ত খাবো।

মাগিক। নে নে ঠাট করিস্ নে. তোর কথা শুনে ভয় পাবে।

গরব। ভয় কিরে, তোর বুকের রক্ত খাবো, তাকি তুই টের পাবি? এই ভাখ, তুই সামনে দাঁড়া দেখি,—একটু খাই, তুই টেরও পাবি নে।

মাগিক। ওমন করিস্ তো তোরে বে' ক'রবো নি।

গরব। বে' করবে বইকি!—মাগিকটাদ—মাগিক, আমার—তোমাকে কি আমি ছাড়বো, বে' ক'রবোই ক'রবো। (উচ্চৈঃস্বরে বিভীষিকা দেখাইয়া) ওরে তোর বুকের রক্ত খাবার জন্ত আমার জিত্ব শুকিয়ে উঠছে!—মাগিক, সামনে দাঁড়া, সামনে দাঁড়া—আমি তোরে বে' ক'রবো—আমি তোরে বে' করবো। হাড়ীকি চণ্ডীর দোহাই, আয় আয়, বুকের রক্ত মুখে আয়!—

মাগিক। ওরে বাসরে!

[মাগিকের পলায়ন।

গরব। হাঃ হাঃ হাঃ—যাক—আপদ গেল। এখন রসিক চুড়ামণি কোথায় দেখি। ঐ যে আসছে।

(রসিকের প্রবেশ)

রসিক। পিরীতে খুব আক্কেল দিলে বাবা! পিরীতে যে রাস্তায় রাস্তায় এমন ঘোড়দৌড় করায়, তা জান্তেম না,—আবার রাততুহুরে বুকের উপর ঢেকীর পা পড়ে। একবার চোখের দেখা দেখ্তেম, তা তো তিন দিন গা ঢাকা! নয়নাখা শুনেছিলুম, এমন হাড়ে বেঁধে, তা কে জানে! দোতারা ঘব, বিদ্যাসুন্দরের মত স্বড়ঙ্গ কাটতে. পারুলেও তো সুবিধা নাই। মাখাল ঠাকুরের বরে যদি একটা সুরাহা লাগে, দোহাই মদন রাজা, একটা পথ দেখাও, তোমার পাঁচ কড়া সিন্নি দেবো। ঐ যে—ঐ না গরবভরে গরবিনী এদিকে আসছে? চাউনিটে যেন আমার উপরে একটু নেকুনজর বোধ হ'চ্ছে, দেখি কথা ক'য়ে।

গরব। (স্বগত) এই বে'দিদমণির মতন মনে মনে ভাবছে গ'ড়ছে। নেহাত এক হাতে তালি বাঁধে নাই।

রসিক। ও গরব—গরবমণি—

গরব। ওমা, রাত্তার মাঝখানে কে ডাকে গো?

রসিক। এই যে আমি ডাকছি, তোমার নাম গরব না?

গরব। না।

রসিক। তুমি হারাধনবাবুর বাড়ী থাকো না?

গরব। ওমা—এ কে গো—পাগল নাকি?

রসিক। কেন গো—পাগল কি দেখলে?

গরব। আমি পাগল চিনি।

রসিক। পাগল চেনো?

গরব। চিনি বই কি।

রসিক। কি ক'রে চিনলে?

গরব। এই তোমায় দেখে।

রসিক। তোমার খুব জ্বর ঠাণ্ড, পাগলই ক'রেছ।

গরব। তবে আর কি—পথ দেখ, আমি চ'ল্লুম।

রসিক। কোথায় চ'লে বল না?

গরব। আমার পাগলের সঙ্গে পাগলামো ক'রবার স'র নাহি, সরো—

রসিক। আমি তো পাগল নই।

গরব। এঃ তুমি এমন মিথ্যাবাদী, আপনার মুখে ব'লে পাগল, আবার ব'লছো—পাগল নই! আমি চ'ল্লুম, আমার কাজ আছে।

রসিক। কোথায় যাচ্ছ?

গরব। রসিক খুঁজতে।

রসিক। ব্যস! তবে আর কি,—এই তো থানকে থান তোমার সামনে ব'সায়,—আমি নামে রসিক, কাজে রসিক।

গরব। মিছে কথা।

রসিক। সে কি, আমি এত বড় রসিক, তোমার পছন্দ হ'চ্ছে না?

গরব। না, তোমার রসিকের চেহারাই নয়।

রসিক। তোমার রসিক কিসে হয় শুনি?

গরব। রসিক আঁদাড়ে-পাদাড়ে ঘুরে বেড়ায়, গালে-মুখে চড়ায়, দিন রাত বিরহে হা হতাশ করে, ঘন ঘন দীর্ঘনিশ্বাস ছাড়ে, আর গাছ দেখতে পেলে একেবারে ডালে গিয়ে চড়ে।

রসিক। তবে আর কি—তবে আমিই সেই।

গরব। রসিক হ'লেই হ'লো—রসিক ওমনি প্রেমে টুপ-টুপে হবে যেন চনে ফেলা জারক নেবুটি! যার বদহজমি হবে, একবার গা চাটলেই ভাল হবে!

রসিক। আমিও প্রেমের ছনে টুপ-টুপে হ'য়ে আছি। তোমার বদহজমি হ'লে বুঝতে পারতে।

গরব। আবার তাতে লজ্জা দেওয়া।

রসিক। আমিও লজ্জার ঝোল মাখা।

গরব। তুমি ঠিক ব'লছ—প্রেমে টুপ টুপে?

রসিক। ঠিক।

গরব। আচ্ছা দেখি, তুমি চাঁদ দেখলে কি কর?

রসিক। হাঁ ক'রে চেয়ে থাকি।

গরব। হ'লো না, প্রেমিক চাঁদ দেখলে চোখে কাপড় দেয়, কাঁজ সহিতে পারে না। মলয় হাওয়ায় গায়ে ফোস্কা পড়ে, ফুলের গন্ধে মাথা ধরে, আর ভোমরা দেখলে আঁৎকে উঠে দোরের খিল দেয়; আর ঘন ঘন ভিঝুমি যায়।

রসিক। আমার রোগ ধ'রেহ—আমিও ঠিক অমনি করি।

গরব। ওঃ—তবে তোমার কাঁচা প্রেম, পাকা প্রেম হ'লে সে আর একরকম।

রসিক। আমার কাঁচা পাকা ছ'রকমই,—

গরব। কই—তোমায় তো প্রেমে ক'খম দেখছি নে?

(উভয়ের গীত)

গরব। পাকলে প্রেম জখম হয় বেজায়।

নিশিধিন করে সে হায় হায়—

পেকে পেকে গালে-মুখে দু'হাতে চড়ায়।

রসিক। হাঃ হায়—(গালে চপটাঘাত করণ)

গরব। কখন বা হিং হিং হাঃ,

কৈদে কৈদে কখন কাসে,

কখনো গুম্বাঘ, আকাশ পানে চায়—

রসিক। ওঃ প্রাণ যায়।

(হাস্ত, ক্রন্দন, কাসি,—পরে গুম্বা খাইয়া আকাশ পানে দৃষ্টিপাত করণ)

গরব। যখন প্রেম বুক ঝাঁকে, দু'হাতে বুক চেপে থাকে,

যাযকা তেওড়ে উঠে, ঘুরপাক সে যায়।

রসিক। বুক যায়, প্রেম গলায় গলায়—

(বুক চাপিয়া বসিয়া হঠাৎ খিঁচিয়া উঠিয়া গরবের চারিদিকে ঘূর্ণন)

গরব। বেশ বেশ দেখছি শেষ, ধামো ধামো—

এমন প্রেতের জমি হয় না কার' সোজায়।

রসিক। সোজা তো নয়, বুঝেছ, এখন তুমি অভয় নাও।

গরব। অভয় দিতেই তে! এসেছি, তুমি না ভয় পাও।

রসিক। তবে রতনমালা কি আমার কাছেই তোমায় পৌঁছিয়েছে?

গরব। ওমা, তোমার কাছে কেন?—ও পাড়ার ভুজুরিকে ডাকতে যাচ্ছি।

রসিক। আর নাকানি-চোবানি খাইয়ো না।

গরব। তুমি অবধূত হ'তে পারবে?

রসিক। অবধূতের আবার লক্ষণ কি আওড়াও, শুনে বুঝি।

গরব। ঝাড়িয়ে দিদিমণিকে আরাম ক'রতে পারবে?

রসিক। একটু জ্বর হেঁয়ালির ধাতে চ'লেছ, একটু শাদা কথায় বুঝিয়ে দাও।

গরব। পিরীতে ধ'রলে কি হয়, তা তো তুমি আপ-নিই দেখালে, তবে এর উপর একটু রং চড়িয়ে, দিদিমণি আমার বিছানায় শুয়ে পড়েছে। আমি কর্তাকে ব'লেছি, দিদিমণির ভারি অস্থখ। কর্তা মিন্দে—ডাক্তার বদ্বি, কিম্ব, কত কি আনলে, কিন্তু রসিক বদ্বি নইলে তো রোগ গল হ'বে না,—তাই রসিক বদ্বি খুঁজতে এসেছি। এখন বৈজ্ঞরাজ, চলুন।

রসিক। চলো—চলো—কোথায় যেতে হবে বলো? আমি যমের বাড়ী যেতেও রাজী আছি।

গরব। বলাই! তা হ'লে আমার দিদিমণি কাকে নিয়ে থাকবে?

রসিক। তাইতো, ঠিক ব'লেছ, যমের বাড়ী যাওয়া লো না, তবে কোথায় নে যাবে চলো।

গরব। অত তাড়া ক'রলে চ'লবে না, তোমায় তো র্তা চেনেন না?

রসিক। না। আমার নাম জানেন, শুধু আমার হস্ত নিয়ে সনাতন খুঁড়ো আনাগোনা ক'রেছে।

গরব। এখন কর্তা এমন লোক খুঁজছেন, যে ডান-ঝোড়ান ক'রে ভাল ক'রতে পারে। তুমি অবধূত জে আমার সঙ্গে এস।

রসিক। অচ্ছা বাবা,—প্রথমে যোগী সাজাবে সাজাও, রাজী আছি। এখন সাজিয়ে কুঞ্জে নিয়ে চলো।

গরব। শুধু যোগী সাজলে তো হ'বে না, একটু ঝাড়ান-মস্ত শিপতে হ'বে।

রসিক। আচ্ছা চাঁদ, তোমার পাঠশালের প'ড়ো ক'রে নাও।

গরব। এমন মস্ত ঝাড়তে হ'বে যে, একবার ঝাড়-ফুকেই তোমাদের দু'জনের রোগ আরাম হয়। পারবে তো?

রসিক। পারবো—খুব পারবো।

গরব। এতে একটু চালাকি চাই, তুমি ছেলে মানুষ, পারবে না, তোমার সনাতন খুঁড়োর কাছে তালিম নাও।

রসিক। আমায় তালিম নিতে হ'বে না, মদন রাজাই আমায় তালিম দেবেন।

গরব। না না, তাঁর সঙ্গে পরামর্শ করিগে চলো। বে'র সব জোগাড় ক'রতে হবে,—বরযাত্রী, কন্তাযাত্রী নিমন্ত্রণ ক'রতে হবে।

রসিক। তাতে কি হবে?

গরব। ঐ তো বলুন, তুমি ছেলে মানুষ, সব বুঝতে পারবে না। চলুন, সনাতনবাবুকে সব বলি গে। তিনি যেনন যেনন বলেন, সেই রকম ক'রো।

[উভয়ের প্রস্থান।

(বঙ্গরমণীগণের প্রবেশ)

(গীত)

কান্দালী বাঙ্গালীয়ে মেয়ে, কাজ কি বিবিয়ানা বাই।

বুকে-গটে সে'টে ধরে, জ্যাকট-বড়ির মুখে ছাই।

এখন চ'লছে কস্তাপেড়ে সাড়ী, শাঁখার আদর বাড়ী বাড়ী,

জোছে কাচের বাসন কাচের চুড়ি, যুচেছে কাচের বালাই।

প'রেছে খুঁচাচামর,

বেড়েছে তাঁতীর আদর,

কব্বাকচের কদর এখন, লিবারপুল আমদানি নাই।

দেখেছে ঠেকে শিখে,

সাহেবানা বেসাক কিং,

বলে না দাঁজতে বিবি, সাবান ছেড়ে ব্যান ম তাই।

সাহেব ব'লে দিতে বোঁকা,

নাম রাখে না আঁকাবাঁকা,

(এখন) ব'লতে বাঙ্গালীর ছেলে, বাঙ্গালীর আর সরম নাই।

বুঝিবা এতদিনে গরবের দিন এলো তাই।

[সকলের প্রস্থান।

নবম দৃশ্য

হারাধনের বহির্দ্বারের প্রাঙ্গণ

(হারাধনের প্রবেশ)

হারাধন। কি উপায় হবে? টোটকা ওষুদ্বও তো কিছু হ'লো না। ক্রমেই বৃদ্ধি—ক্রমেই বৃদ্ধি! আগে কত সন্ন্যাসী-অবদূত আসতো, শুনেছি তারা দু' দিয়ে, ছাই দিয়ে মরা বাঁচাতে পারে। কি ক'র্বো, কি হবে?

(মাণিকের প্রবেশ)

মাণিক। কষ্ঠা বাবু—কষ্ঠা বাবু, বড় ফ্যাসাদ বেধেছে গো—

হারা-ন। কিরে কি—আবার কি ফ্যাসাদ?

মাণিক। এই গরুবি বেটা হজুত ক'রে আমায় বে ক'রুতে চায়।

হারাধন। নে নে থাম্—বেলকোপনা রাখ্।

মাণিক। না কষ্ঠা বাবু, তোমার পায়ে ধরি, বেলকোপনা নয় কষ্ঠাবাবু!

হারাধন। বে ক'রুতে চায় তো কি?

মাণিক। বড় ছাপান্না গো—বুকের রক্ত চুষবে।

হারাধন। বুকের রক্ত চুষবে কি?

মাণিক। হেগো হে,—এক চুমুক বুকের রক্ত খাবে, তবে ছাড়বে। আমি দেশের মাছ—দেশে চ'লে যাই।

হারাধন। এই দেখ, গরুবি বেটা এ বোকা বেটাকে কি ভয় দেখিয়েছে। নে—তুই ভাবিস্ নে, তোর কে কি করে?

মাণিক। ওই এলো গো— [বেগে প্রস্থান।]

হারাধন। কি ক'র্বো—কি হবে—আমার বরাতে তেমন একটা সন্নিয়সি-ফন্নিয়সি ছোটো না!

(গরবের প্রবেশ)

গরব। হাঃ হাঃ—হাঃ—

হারাধন। মাণিক আর কেলে দেখেছ! বেটা সকলের সঙ্গে চ'ক'রে বেড়াচ্ছে। কাকুর সর্কনাশ, কাকুর পৌষ মাস!—কি, হ'য়েছে কি?

গরব। হিঃ—হিঃ—হিঃ—

হারাধন। আ মর—তুই খেপলি নাকি? হেসে ম'বুছিস্ কেন?

গরব। হঃ হঃ—হঃ—

হারাধন। কি কাণ্ডটা বল্ দেখি? তোর আকল কি? বাড়ীতে না ব্যারাম? দাঁড়া বেটা, তোর হাসি বা'র কচ্চি।

গরব। হোঃ হোঃ হোঃ—কষ্ঠাবাবু, হাসো গো হাসো—

হারাধন। তোর ব্যাপার দেখে সত্যি হাসি পাচ্ছে,—কি কাণ্ডটা বল্ দেখি?

গরব। হাসো—হাসো—আর দেরি ক'রো না,—আমার মত হোঃ হোঃ ক'রে হাসো।

অন্তরাল হইতে মাণিক। হেসো নি গো—হেসো নি,—বেটা রুকে এসেছে।

হারাধন। খামকা হাসতে যাবো কেন? কি হ'য়েছে বল?

গরব। সে আমায় মাথার দিব্যি দিয়ে ব'লেছে, না হাসলে কিছুতে ব'লবো না, হাঃ হাঃ হাঃ—হাসো কষ্ঠা-বাবু হাসো—হিঃ হিঃ হিঃ—

হারাধন। এই নে বেটা—হিঃ হিঃ হিঃ—এমন পাগল দেখি নি,—হ'লো?—এখন কি বল?

গরব। তবে শোনো—এইবার দিদিমণির অমুখ ভাল হবে।

হারাধন। কি বলিস্—কি বলিস্, কেমন ক'রে—কেমন করে?

গরব। আমি সেই তাঁকে পায়ে-হাতে ধ'রে এনেছি।

হারাধন। কাকে রে?

গরব। ও মা!—তুমি কিছু শোননি নাকি? সহর শুদ্ধ লোকে ধন্তি ধন্তি ক'ছে!—বলে সাক্ষাৎ পঞ্চানন্দ শিব। সবাই ব'লছে, ইনি আর দিনকতক সহরে থাকলে, নিমতলা আর কাশীমিত্রির ঘাট হাওয়া খাবার বাগান হবে। আমি স্বচক্ষে দেখেছি কষ্ঠাবাবু, একজনের মা, মরা ছেলে কোলে ক'রে এনে পায়ে কাছ ফেলে দিলে, তা তিনি কি ছ'লেন?—একটা তুড়ি দিতেই হেলেটা ধর মড়িয়ে উঠে, চিপ্ ক'রে তাঁর পায়ে একটা গড় ক'রে, মায়ের আঁচন ধ'রে তিড়িং তিড়িং ক'রে নাচতে নাচতে মরে চ'লে গেল।

আসতে কি চান—কত ক'রে হাতে-পায়ে ধ'রে, তোমার নাম ক'রে, তবে এনেছি।

হারাধন। কই, কোগাম তিনি?

গরব। এখনি ডেকে আনবো?

হারাধন। আনবি না তো কি?

[গরবের প্রস্থান।]

এদিনে বুঝি অদৃষ্ট ওসন্ন হ'লো।

(অবধূতবেশী রসিকমোহনের সহিত গরবের পুনঃ প্রবেশ)

রসিক। তেরা ভালো হোয়।

গরব। ও ঠাকুর, খোটাটাই বুলি ব'লো না, উনি বুঝতে পারেন না।

হারাধন। এক—ইনি!—এ'র যে এখনো ভাল ক'রে দাড়ী ওঠে নি, ইনি রোগ ভাল ক'রবেন?

গরব। চূপ করো কৰ্ত্তাবাবু, ও সব কথা বলো না, শুন্লে চ'টে চ'লে যাবেন। বড় দাড়ী হ'লেই বুঝি বেশী বিস্তে হয়? দাড়ীর সঙ্গে বিস্তের সঙ্গে কি? দাড়ী বড় রাখলেই যদি পণ্ডিত হয়, তা হ'লে বোকা পাঁটাগুলো এক একটা দিগগজ পণ্ডিত।

মাণিক। (অন্তরাল হইতে) রো'স্—দিদিমণি একবার ভাল হোক, একে ধ'রে বেটীর ভাইনে বিস্তি ছাড়াবো।

হারাধন। ম'শায়, শুনিছি আপনি চিকিৎসাশাস্ত্র-বিশারদ।

রসিক। না, চিকিৎসাশাস্ত্র—এমন কিছু নয়, তবে কি জানেন, আমি দৈব-বিদ্যা লাভ ক'রেছি,—মন্ত্র, কবচ, জলপড়া, ঝাড়াঝোড়া, নানারূপ স্ত্রকৌশল আমার করগত।

গরব। ও'নুহ কৰ্ত্তাবাবু—ও'নুহ?

হারাধন। (স্বগত) তাইতো—অদ্বুত লোক! (প্রকাশ্যে) আমি সেই কথা ব'লছি—আমি সেই কথাই ব'লছি।

রসিক। দেখি—আপনার হাত দেখি। (হারাধনের দাড়ী দেখিয়া) আপনার কস্তার দেখি—উৎকট পীড়া।

হারাধন। ম'শায়, কেমন ক'রে বুঝলেন?

রসিক। তাই যদি না বুঝবো, তবে আর চিকিৎসা করি কি? কি জানেন—“আত্মবৈজ্ঞান্যতে পুত্রঃ” বাপুতি বেটা—সিগাইকি বোড়া। আপনার ও আপনার কস্তার

দেহের একই ধরণ। একটা জীলোক পাগলের মতন হ'য়েছিল তার বাপকে তিন কিল মারলুম, আর তার পাগলামি ছেড়ে গেল।

মাণিক। (রসিকমোহনের নিকটে আসিয়া) ওগো, আমাকে গোটা দুই তিন কিলিয়ে, গরুবি বেটীর ভাইনে বিস্তি ছাড়াও।

হারাধন। নে নে—চূপ কর—স'রে যা। [মাণিকের অন্তরালে গমন।]

রসিক। আপনাকে পরীক্ষা ক'রে আপনার কস্তার সব রোগ নির্ণয় ক'রবো। কি জানেন, আমি জীলোকের শেহ স্পর্শ করি না। জন্মাবধি আমার স্বভাবতঃ ঘৃণা। বিবাহ তো ক'রবোই না, জীলোকের দেহও কখনো স্পর্শ ক'রবো না। এখন দাঁড়ান দেখি, ই! করুন। (হারাধনের ই! করণ)

মাণিক। (রসিকের প্রায় নিকটে আসিয়া) ওগো, আমিও ই! কচি, এই বেটীর রোগটা ঠাওরাও।

হারাধন। দ্যাখ্—দিক্ করিস্ নি। [মাণিকের অন্তরালে গমন।]

রসিক। ইস্, তাইতো—রোগ বড় সাংঘাতিক হ'য়ে উঠেছে। আচ্ছা ম'শায়, হাত্নন দেখি। (হারাধনের হাত্তকরণ)

মাণিক। (অন্তরাল হইতে) এই দেখ, আমিও—(হাত্তকরণ)

হারাধন। আবার জ্বালাতন করে!

রসিক। আচ্ছা, জ্বোরে জ্বোরে নিশ্বাস ফেলুন।

(হারাধনের জ্বোরে নিশ্বাস ত্যাগ করণ)

মাণিক। (অন্তরাল হইতে ইঙ্গিত করিয়া জ্বোরে নিশ্বাস ত্যাগ করণ)

রসিক। হুঁ—মানসিক পীড়া। আর কিছু দিন আগে খবর দেওয়া উচিত ছিল। বড় বাড়াবাড়ি হ'য়ে উঠেছে।

হারাধন। ই্যা ঠাকুর, তবে কি—এখন কোন উপায় হবে না?

রসিক। সে আপনার কস্তাকে দেখলে বুঝতে পারবো।

হারাধন। তবে চলুন।

রসিক। যাব কোথা? আমি জীলোকের মন্দিরে
কখনো প্রবেশ করি না। আপনার মেয়ে মলো কি বাঁচলো
—তাতে আমার কি? আমার চিরকুমার ব্রত ভঙ্গ হবে?
বটে—বেশ তো আপনার উপদেশ? কোথায় সে মাগী,—
তুই কেন আমার এখানে আনলি?

মাণিক। (গরবকে দেখাইয়া) ওই যো—ওই যো—
হারাধন। ন'শায়, ঘাট হ'য়েছে, মাপ করুন, কথাটা
হটাৎ আমার মুখ থেকে বেরিয়ে গেছে। তবে কি ক'রে
রোগী দেখবেন?

রসিক। হাঃ হাঃ—হাঃ হাঃ—এই, এই ভাবনা?
তিন তালিতে তাকে হেতা তুলে আনবো। এক—দুই
—তিন (তালি প্রদান)

(রতনমালার বেগে প্রবেশ করিয়া বসিয়া পড়ন)

হারাধন। বাপ্ কি কাণ্ড!

মাণিক। বলিহারি রোজা তিন তালিতে দিদিমণিকে
চলে আনলে!

গরব। ঠাকুর, আপনি আহুন, এইখানে বসুন।
চলুন কর্তা বাবু, আমরা এ ঘর থেকে যাই।

মাণিক। যাবি কোথা—তুই বেটা ব'স কর না।

হারাধন। সে কি—যাবো কেন?

গরব। সে কি, রোজা দিদিমণিকে সব কথা জিজ্ঞেস
ক'রবে, তবে তো? চলো—চলো—দাঁড়িয়ে কি দেখছে?
এই বুঝি, আবার চটালে, আর আমি মোসামদ ক'রে
ডেকে আনতে পারবো না।

হারাধন। না—না চ চ।

গরব। মাণিকে মুখপোড়া, চ'লে আয়।

মাণিক। তোর পেছ চ লুম এই যে—

[হারাধন ও গরবের একদিক দিয়া এবং মাণিকের
অন্যদিক দিয়া প্রস্থান।]

রসিক। (রতনের সম্মুখে হস্ত সঞ্চালনে ঝাড়ানের
ভাণ করিয়া রতন, বেশ মেঘনাদের যুদ্ধ ক'রেহ।
জানালার আড়াল থেকে দেদার নয়নবাণ হেনেহ আর
আমি প্রাণের জালায় রাত্তার ছুটোছুটি ক'রেছি। আর
তুমি তোকা নিশ্চিন্ত আছ।

রতন। তা ব'লবে বই কি, রাষ্ট্র থেকে তোমার

তিরন্দাজি কি কম? তুমি তো নিশ্চিন্ত ছিলে, আমি
গরবকে দিয়ে ধ'রে এনেছি, তবে তো?

রসিক। তা বেশ সম্যাসী সাজিয়েছ; এখন বাড়ী
ডেকে যেন অমনি বিদায় ক'রো না।

রতন। আমার তো আর কিছুই নাই, সম্বলের মধ্যে
একটা প্রাণ ছিলো, তা তো জোর ক'রে কেড়ে নিয়েছ।

রসিক। আচ্ছা ভাল, যদি আমার জোর চলে, তবে
জোর ক'রে নে তোমায় বুক রাখি। (বাহু প্রসারণ)

রতন। থামো থামো—বাবা দেখছেন। আমাদের
ষড় যদি জানতে পারেন, তবে তোমার বৃজ্জুকি সব
বেরিয়ে যাবে।

রসিক। যো কি? আমি তো শুধু তালি দিয়েছি,
—তুমি যে রকম বৃজ্জুকি ক'রে পাগলের মতন ছুটে এসে
ব'সে পড়লে, তাতে আমিই ধোঁকা খেয়েছিলুম, যে সত্যি
বা কি হ'য়েছে।

রতন। আমার শুভাদ কেমন—গরবিণী!

রসিক। আমরা দু'জনেই এক গুরুম'শায়ের প'ড়ে।

হারাধন। (দূর হইতে গরবের প্রতি) এত ফুস্ ফুস্
ক'রে কি ব'লছে?

গরব। ঝাড় ফুক ক'চে কর্তাবাবু—ঝাড়ফুক ক'চে।
দেখছেন না, দিদিমণির মুখে হাসি বেরিয়েছে।

রসিক। গরব তোমায় সব ব'লেছে তো?

রতন। সবই ব'লেছে, আমি ঠিক আছি। বাবা
আসছেন, আমি এখন যাই। [রতনের প্রস্থান।]

হারাধন। (নিকটে আসিয়া) কেমন দেখলেন?

রসিক। দেখবো আর কি,—সমূহ বিপদ উপস্থিত।

হারাধন। কি—কি ঠাকুর, আরোগ্য হবার কোন
আশা নাই?

রসিক। আশা আছে, উপায় ক'রতে পারলে হয়।

হারাধন। উপায় আছে?

রসিক। আছেও বটে—নাইও বটে।

হারাধন। মশায়, আমরা মূখ্য স্বস্থ লোক, আপনি
পণ্ডিত, আপনার সব কথা বুঝতে পারিনি। যদি
কোনরূপ উপায় থাকে, আপনি করুন। আমি বুঝতে
পেরেছি, আপনার দ্বারাই আমার কল্যাণ আরোগ্য হবে,
নয় তো নয়।

রসিক। আপনার কন্ঠার পীড়া সম্পূর্ণ মানসিক। আমি বিশেষ পরীক্ষা করে দেখলেম, মস্তিষ্কের বিকার উপস্থিত। সেইজন্য একটা বাতিক সৃষ্টি হয়েছে, বিবাহের বাতিক। এর মনে দিন রাত বিবাহের বাসনা প্রবল। ছিঃ ছিঃ কি লজ্জা—কি ঘৃণার কথা! ম'শায়, সমাজ থেকে বিবাহের কুপ্রথা কবে উঠে যাবে?

হারাদন। অতি উচ্চ প্রকৃতি, অতি উচ্চ দরের লোক!

গরব। মাহুষ নয় বাবু—মাহুষ নয়।

হারাদন। এখন কি উপায় হবে?

রসিক। দেখুন, যে সব লক্ষণ দেখলুম, তাতে শীঘ্র উপায় না ক'রলে মৃত্যু সন্নিকট।

গরব। দিদিমণি, তোমার কপালে এই ছিল! (কপট ক্রন্দন)

হারাদন। হায় হায়—কি হবে! ম'শায়, আমি আপনার গোলাম হয়ে থাকুবো, আপনি রক্ষা করুন।

রসিক। ব্যস্ত হবেন না, স্থির হোন। এক্ষণে আপনার কন্ঠার উপায় কি জানেন?—বিবাহের একটা অমুকল ক'রতে হবে।

হারাদন। বিবাহের অমুকল কি রকম?

রসিক। যেমন মন্দাভাবে গুড়, তুলচন্দন দিয়ে পূজা না করে যেমন গঙ্গাজলে তুলচন্দনের অমুকল করে পূজা করা হয়, তেমনি মিছিমিছি একটা বিবাহ ব্যাপার বাধাতে হবে। সবই মিছে, মিছিমিছি বিবাহ হবে।

হারাদন। আজে, বে হবে?

রসিকমোহনের কপট ক্রোধ প্রকাশ পূর্বক গমনোচ্ছিন্ন)

গরব। (ব্যস্ততার ভাণ করিয়া) বা সর্বনাশ ক'রুলে, বাপই শত্রু, মেয়েটাকে খুন ক'রুলে।

হারাদন। ম'শায়, চলে যাচ্ছেন কেন? শুধুন না।

রসিক। কি শুনবো? আমার বাজে কথা ক'বার সময় নাই। যতক্ষণ আপনাকে নিয়ে বক্চি, ততক্ষণ দশ বারটা লোকের প্রাণদান ক'রতে পারতাম।

হারাদন। (স্বগত) কোথায় যাই—মিছিমিছি কে বে ক'রতে আসবে! যদি অনেক খুঁজে কোন বেটাকে পাই তো সে দাঁড় বৃদ্ধে এতটা বাড়ি টাকা নেবে! তা না হয় নিলে, কিন্তু পাত্র পাব কোথা? একেই বলবো—

উপায় ক'রতে! সাহস হয় না, যেমন গুণী—তেমনি তিরিঞ্জে, মেজাজের ঠিক নাই।

রসিক। কি ঠাওরালেন? আমি যাবো না থাকুবো? দেখুন, আমার সময়ের মূল্য আছে।

গরব। কি হবে কর্তাবাবু—কি হবে? তুমি এত জানো আর এর একটা উপায় ক'রতে পাচ্ছ না!

হারাদন। (স্বগত) বা আছে অদৃষ্টে—বলে ফেলি, এম্পার কি ওম্পার, মেয়ে এম্‌নেও গেছে—ওম্‌নেও গেছে। (প্রকাশে) ঠাকুর, আপনি বে ক'রুলে হয় না?

রসিক। বটে!—আমায় ভেঙে এনেছিল, সে মাগী কোথায়? আমার হাতে আজ তার মৃত্যু আছে।

গরব। ওরে বাপেরে—এখনি ভাষ ক'রবে! (গরবের পলায়ন)

হারাদন। দোহাই ঠাকুর, আপনার সাত দোহাই! তুমি আমার ধর্ম বাপ, আমায় রক্ষা করো।

রসিক। চূপ করো, আমি কারো কান্ডেরতা দেখতে পারি নে।

হারাদন। দোহাই আপনার—দোহাই আপনার! (ক্রন্দন)

রসিক। থামো থামো, কি চাও বলো? বুকেছি, মাগীতে যখন ভেঙে এনেছে, তখন সমূহ বিপদ।

হারাদন। ঠাকুর, আজই বিবাহের লয় আছে—এই গোধুলিতে। আপনি দয়া করুন, আপনার অক্ষয় পুণ্য হবে,—আপনি মিছিমিছি বর সেজে বসবেন, মিছিমিছি সম্প্রদান হবে,—তারপর আমার মেয়ে আমার বাড়ীতে থাকবে, আপনি আপনার আস্তানায় চলে যাবেন।

রসিক। শুধু তো সম্প্রদান মিছিমিছি হ'লে হবে না, তোমার কন্ঠার প্রত্যয়ের জন্ত, বিবাহের সমস্ত উৎসব করা চাই।

হারাদন। তাই তো—সময়াভাব—কি করি?

রসিক। তোমায় দেখে দুঃখ হ'চ্ছে। আচ্ছা, তুমি স্থির হও, আমি অভয় দিলুম। এক—দুই—তিন তালি—আমি কে কোথায় আছি, সব চলে—

(বাচকারগণের প্রবেশ ও বাচ্চকরণ)

মানিক। ইস্—সব চেলিয়ে আনছে!

হারাদন। (বাদ্যকারগণের প্রতি) তোরা বেটা
কে? বেরো আমার বাড়ী থেকে, মজা পেয়েছ নয়?

[সভয়ে বাদ্যকারগণের প্রস্থান।

রসিক। ওদের সঙ্গে সঙ্গে আমিও বেরলুম।

(প্রস্থানোদ্যোগ)

হারাদন। কেন ম'শায় কেন?—আমার কি অপরাধ
হ'লো?

রসিক। আমি ওদের ডেকেছি, তুমি বার ক'রে
নিচ্ছ।

হারাদন। আজ্ঞে, আপনি কখন ডাকলেন?

রসিক। তিন তালিতে তোমার মেয়েকে তুলে
আনলুম, এখনো তা বিশ্বাস করো না? দৈত্য-দানা,
ভূত-প্রেত জিন যে যেখানে আছে—আসতে হবে।
এক—দুই—তিন তালি—

হারাদন। ও বাবা—এ যে ভূতগত ব্যাপার! মালী
বেটা ফুলের মালা আনছে, নাপিত বেটা এসে হাজির,
পুরুত ম'শায় শালগ্রাম হাতে ক'রে!—ও বাবা, খাতায়
খাতায় লোক!

[মালী, নাপিত ও পুরোহিতের বথাক্রমে প্রবেশ ও প্রস্থান।

মাণিক। দেখছ কি কর্তাবাবু, উড়োন ময়র ঝাড়ছে,
দেখো কেননা—গয়লাবাড়ী থেকে বাকী শুদ্ধ দই-কীর
চালছে, ময়রা-বাড়ী থেকে লুচিমণ্ডা, আর ঘেমো বামন
ছক্কার গামলা নিয়ে ভাঁড়ার বিগে চলেছে।

হারাদন। (স্বগত) নিশ্চয় এ কোন মহাপুরুষ।

রসিক। দাঁড়িয়ে ভাবছেন কি, মেয়ে সাজিয়ে
আছেন—সব আমি ঠিক ক'রে নিচ্ছি।

[হারাদনের প্রস্থান।

মাণিক। ঠাকুর, এই গরবির ডাইনেগিরিতে ভালো
করো।

রসিক। ওর আর কি, তুমি বে ক'রে ফেল্লই ভাল
হ'য়ে যাবে।

গরব। ও মা—সে কি গো—কি লজ্জা!

[হাসিয়া গরবের প্রস্থান।

মাণিক। আজ্ঞে, বে ক'রলেই ডানগিরি ভাল হয়?

রসিক। হয় বই কি, বে ক'রলে মেয়ে মাহুষের আর
রোগ থাকে না।

মাণিক। তবে আর যায় কোথায়!—

[মাণিকের প্রস্থান।

(সনাতনের প্রবেশ)

সনাতন। (রসিকের প্রতি) বাবাজি, কাণ্ডটা যেন
যাহুবিদ্যা হ'য়েছে! আমি ভাবছিলুম, পাছে তুমি
না পারো, ফ'সকে যায়; তোমার এমন পোকাই আমি
জানতুম না। এ না হ'লে বুড়া বে দিত না।

রসিক। খুড়ো, এ তোমারই তালিম, এখন চূপ করো,
না আঁচালে বিশ্বাস নাই।

সনাতন। আর আঁচানো কি বাবাজি, পান চিবানো
হ'য়ে গেছে।

(নেপথ্যে বাদ্যকারগণের প্রতি) তোরা বাজা—বাজা—

[সনাতনের প্রস্থান।

(একদিক হইতে পুরোহিত, নাপিত প্রভৃতি ও অত্রদিক
হইতে সজ্জিতা রতনমালাকে লইয়া হারাদনের প্রবেশ)

পুরোহিত। লগ্ন ব'য়ে যায় কর্তা, কল্যা সম্প্রদান
ক'রবেন চলুন।

হারাদন। (রসিকের প্রতি) চলুন ম'শায়, চলুন
অহুগ্রহ ক'রে।

রসিক। কোথায় যাবো?

হারাদন। সে কি!—বিবাহ ক'রতে?

রসিক। বিবাহ ক'রতে কি? ওঃ—হাঁ—হাঁ—বটে
বটে, চলুন—চলুন।

[সকলের প্রস্থান।

(এয়োগণের প্রবেশ)

(গীত)

দেখিলুলা সামলে থাকিস, বর ভণিন ভারি।

নয় যেমন তেমন বরণ করা, চাই হ'সিংগরি।

বর মুখ পানে চেয়ে, তিন তালি দিবে,

কি জানি মজার, কোথায় চলে নে গিয়ে!

বর যেমন তেমন নথ, গুর তুড়ি কথা কয়,

একে ছাঁদা তলা, কুলবালা, কি হ'তে কি হয়,—

শুনি, শুনের টানে প্রাণ টেনে নে, মজার এ কুলনারী।

যেন এয়োগিরি—হয় না স্বকুমারি।

[এয়োগণের প্রস্থান।

দশম দৃশ্য

হারাধনের বাটী

হারাধন, সনাতন, পুরোহিত, বরমাত্রী ও কন্যাবাগ্গিণ।

(বর কন্যাবেশে রসিকমোহন ও রতনমালার প্রবেশ)

হারাধন। (রসিকের প্রতি) ঠাকুর, এইবার আমার কন্যা সেরেছে তো ? আর তৈ ভয় নাই ?

রসিক। আজ্ঞে, নারায়ণ সাক্ষাতে আপনি সম্প্রদান ক'রেছেন, পুরোহিত মন্ত্র প'ড়েছে, এই সব বরমাত্রী কন্যাবাগ্গি উৎসাহিত ভয়ের কারণ তো কিছুই নাই। এখন আমাদের আশীর্বাদ করুন।

(হারাধনকে উভয়ের প্রণাম করণ)

হারাধন। একি ঠাকুর, কাকে প্রণাম ক'চ্ছ ?

রসিক। আজ্ঞে, আপনি যখন শশুর হলেন - পিতার স্বরূপ, আপনাকে প্রণাম ক'রবো না তো কি ?

হারাধন। এ অমূল্য প্রণাম—এ অমূল্য প্রণাম। ভাল ভাল, এইবার আমার কন্যা বাড়ীর ভেতরে যাক ?

রসিক। ই্যা, বাসরে আমরা উভয়ে যাব বই কি।

হারাধন। বাসরও অমূল্য নাকি ?

রসিক। আজ্ঞে সখস্টা অমূল্যে হ'য়েছিল বিবাহ তো ঠিকঠাক হ'য়েছে শশুর ম'শায়।

হারাধন। আঁ—শশুর কি—কার শশুর ?

রসিক। আজ্ঞে ম'শায়ের কন্যা, ম'শায়ই আমার শশুর,—এতো জলের দাগ নয়, যে মুছে ফেলতে চান।

হারাধন। শশুর—কোন্ ভেড়ের ভেড়ে শশুর ? তোর চোদ্দপুরুষ শশুর হোক ! শশুর কিসের ? জুচ্চুরি আর জায়গা পাও নি ?

সনাতন। তোমার কন্যাকে বিবাহ ক'রেছে, তুমি শশুর নও ?

হারাধন। বিবাহ ক'রেছে ! ইয়ারে বেটা, বিবাহ ক'রে বেটা ? তবে রে বেটা, তুই কেরে বেটা ?

রসিক। আজ্ঞে, আমি রসিকমোহন।

হারাধন। ও বেটা—তুমি রসিকে বেটা ! তবে রে বেটা, তোমার চিরকুমার ব্রত বেটা ! তুমি জীলোকের হৃদয়ে যাও না বেটা ? তাই বাসরে যেতে ঘুরঘুর ক'রচ বেটা ? তবে রে বেটা, বিবাহ-প্রথা উঠিয়ে দেবে বেটা ?

জীলোক স্পর্শ করো না বেটা ! তাই আমার মেয়ের হাত ধ'রে র'য়েছ বেটা ?

রসিক। আজ্ঞে না, আমারও মন, আপনার কন্যারও মন, একরূপ বিবাহে তো আমার সম্পূর্ণ মত।

হারাধন। মত বই ক'রে বেটা, বেরো বেটা। জুচ্চুরি—জুচ্চুরি !—পুলিশ ডাকে,—ও মাগ'কে, ও গরুবি—আমার মাথায় জল দে। কখনো না—কখনো না—আমি মেয়ে ছাড়'বো না।

সনাতন। ভায়া, বয়স মেয়ে ক'রে ঘরে রেখেছিলে, সে আপনার পথ আপনি ক'রে নিয়েছে। তুমি বাধা দিলে কি বিধাতার বিধান খণ্ডন হবে ? কেন আর গোল ক'চ্ছ ? এই পাত্রে ক'থা তোমায় দু'শো দিন ব'লেছি। এমন সুপাত্র আর কোথাও পেতে না।

হারাধন। ব'লেছ তো আমার মাথা কিনেছ ! সুপাত্র নেই মাঙ'তা, আমার বাড়ী থেকে সব নিকালো।

রসিক। আজ্ঞে, শালগ্রাম সম্মুখে বিবাহ দিয়াছেন, একি ব'লছেন ?

হারাধন। শালগ্রাম নেই মাঙ'তা, হুড়ি নেই মাঙ'তা, আমার খুঁটানি মত। বেরো বেটা, পাহারাওয়াল ডাক'বো। (রতনমালার প্রতি) বাড়ীর ভেতর যা বেটা, নইলে চুল ধ'রে নে যাব।

রতন। আজ্ঞে, ষাঁর পদে আমরা সমর্পণ ক'রেছেন, তাঁকে ছেড়ে আমি কোথায় যাবো ?

হারাধন। সমর্পণ ক'রেছি বেটা ? সাধুভাষা কইচ' বেটা ? তোর কোন বাবা সমর্পণ ক'রেছে ?

গরব। ই্যাগা—সে কি গো ? তুমি তো বাবা।

হারাধন। তবে রে বেটা—সবাই জোটপাট খেয়েছ ? বেটা, ব্যামো ভালো ক'রুতে রোজ' এনেছ ? ঠাকুর রাগ ক'রে চলে যাবে ? ওরে বেটা, এখন যে গলাধাক্কা দিলে যায় না ! দাঁড়া বেটা, তোর মাথা মুড়িয়ে ঘোল ঢাল'বো বেটা !

মাণিক। আজ্ঞে, ও কিছু ক'র'বেন নি, আমিই জ্বল ক'রে দিচ্ছি।

হারাধন। খুব নাকাল কর,—সব বেটা-বেটাকে নাকাল কর।

সনাতন। ভায়া, আর অমন ক'চ্চ কেন? বেতো আর কিবুবে না? পাহারাওয়াল ডেকে কিছু হবে না।

হারাদন। কিবুবে না, ওর বাপ কিবুবে। আমায় তেমন বাপের বাপ পাও নি—এর হেস্তো নেস্তো না ক'রে কি ছাড়বো?

রসিক। ম'শায়, আপনি ক্রুদ্ধ হ'ছেন কেন? এই দেখুন, আমার যথাসরস্ব আপনার কন্ঠার নামে লিখে এনেছি। আপনি তার 'ট্রাষ্টি'। আপনার কন্ঠা আপনাই থাকবে,—তার উপর আজ হ'তে আমি আপনার পুত্র হ'লেম।

(দলিলাদি প্রদান ও হারাদনের পাঠ)

সনাতন। আর ভাবছো কি?—বর-ক'নে আশীর্বাদ ক'রে বাসরে পাঠাও।

হারাদন। (পাঠ করিয়া) আ—সনাতন, এ সব তো তুমি সম্বন্ধের সময় কিছু বলে নি? আমার মেয়ে যদি পর না হয়, আমার বে দিতে আপত্তি নাই, এ তোমারই দোষ।

মাণিক। আজ্ঞে—দোষ এই গর্বির।

রসিক। দোষই তো, এইবার তুমি ওকে বে করো।

মাণিক। এজ্ঞে, আর যায় কোথায়! আমি ল্যাকা ছিলুম, বুঝ পেলুম। (গরবকে টানিয়া) এই তোমার কপালে সিন্দুর লেপলুম।

গরব। ও মড়া, কি ক'চ্ছিস?

মাণিক। আমি কি বে দেখি নি? বের সময়, রসিক বাবু, দিদিমণির মাথায় সিন্দুর লেপলে, গলায় মালা দিলে।

গরব। ছাখ—ছাখ পোড়ারমুণো, তোর বৃকের রক্ত খাবো।

মাণিক। খা, তোর মুখে চুম খেয়ে সে রক্ত আদায় করবো। তুই আমায় বে করবি বলেছিল, আর যাস কোথা।

গরব। আমি মিছিমিছি ব'লেছিলুম।

মাণিক। আমিও মিছে বে কছি। এ কঠাবাবুর কাড়ীটা কেমন,—চোখের উপর তো দেখলি ছুঁড়ি, মিছে বে দত্তি হ'য়ে যায়।

গরব। তবে নে, আমিও তোর গলায় মিছে মালা দিই।

(উভয়ের গীত)

মাণিক। আর গরবে বৃক্করিয়ে তারিবি যেতে গুমোরে।

বৃকের মাশে রাপু'বো ধ'রে জোর ক'রে তোরে।

গরব। আমি কি গুমোর করি, মাণিক মাণিক ক'রে মরি,

স'রে বাস দোষ তো তোরি, তুই ভারি মিছকতুরে।

মাণিক। মুয়ে তাই বুড়ো জ্বালো,

গরব। মুখখানি চাই ক'রতে আলো,

মাণিক। পীরিতের জোর রাতটা খুব ভালো,

গরব। এমন পীরিত পাবি কোথা, আম'লো!

মাণিক। থু'কে মুয়ে যাও পিছু কিরে,

গরব। ঠোনাতে চাই এমনি ক'রে, সতী বল মাথার কিরে,

গান পেতে তুই দিস কিরে?

মাণিক। কি সোহাগ তোমার গরবমণিরে!—

উভয়ে। যাবে দিন মজার মজার, চ'লবে পীরিত খুব জোরে।

হারাদন। সাবাস্ মাণকে, বেশ ক'রেছিস—খুব ক'রেছিস। বেটা ধেই ধেই ক'রে নাচ'তো, আমায় বেটা নাচিয়েছে।

মাণিক। এজ্ঞে, এখন আমায় লাচাবে।

হারাদন। তা বেটা পারে। (গরবের প্রতি) বেটা, রোজা খুঁজে পেয়েছ বেটা, রোজা তোর ঘাড়ে চাপ'লো বেটা, (সনাতনের প্রতি) ভায়া, রসকে বেটা যখন বে ছাড়'বে না, যখন অহুকল বে সহল ক'রেনিলে, তখন এই ভক্তলোক সব এসেছে, খাইয়ে দাইয়ে দাও। গিন্নী থাকলে আমোদ ক'রতো, আর আমি মেয়ে পর হবে ব'লে বেজার হতুম; তা বেজার তো হ'য়েইছি—এখন একটু আমোদ করি।

সনাতন। যে আজ্ঞে, পরিতোষ ক'রে খাইয়ে দিচ্ছি।

হারাদন। আমার আক্কেল হ'য়েছে। বরষাত্রী, কন্ঠাধাত্রী সব উপস্থিত আছেন, সকলে শুনুন,—আমাদের প্রাচীন ঋষিবাক্য হেলন ক'রে বিবাহ-প্রথা অন্তমত করা, আপনাদের মাথায় কলক-পসরা নেওয়া। আমার বাপ-মার পুণ্যে ধর্ম্মে অহুকল বে'তেই শেষ হ'য়েছে,—সুখে চুণকালি মাখতে হয় নি। ঋষিদের পায়ে প্রণাম ক'রে সকলকে ব'লছি যে, “বাল্যকালে কন্ঠার উপর পিতামাতার অধিকার, যৌবনে স্বামী অধিকারী;—সে স্বামীতে বঞ্চিত

ক'রে যে পিতামাতা কন্যাকে অবিবাহিতা রাখেন, তার ঘর
কলঙ্কিত হয় নিশ্চয়।

সনাতন। দেখলেন, তো—‘বায়সা-কা-তায়সা’
হ'লো, এখন আমার অবিবাহিত হেলের বাপেদের প্রতি
ঘোড় করে নিবেদন যে, তাঁদের পাওনার দৌরাছোই হিন্দুর
ঘরে সব ধেড়ে মেয়ে রাখতে বাধ্য হ'চ্ছে। হিন্দুমানীর মুখ
চেয়ে কামড় একটু কম করুন। তা হ'লে গৌরীদান
প্রভৃতি প্রাচীন শুভ বিবাহক্রিয়া আবার স্থাপিত হয়।

হারাদন। (রসিকের প্রতি) বাবাজি, তোমরা খুব
একচাল চেলেছ, তোমাদের মেয়ে হ'লে আমিও তোমা
চেয়ে মজপুত রোজা এনে দেবে নেবো। (গরবের প্রতি)
গরবি, গিন্নী তার জ্বীধন হ'তে তোকে কিছু দিয়ে গেছে,
আর মাণ্কে, তোর যে টাকা আমার কাছে জমা আছে,
তার উপর পাঁচশো টাকা আমি তোরে দিচ্ছি, তোরা স্নখে
ঘর-ঘরকরা করিস্। গরবি, এইবার তোরা বর ক'নে
নিয়ে বাসর ঘরে আমোদ ক'রগে যা। মাণ্কে, যা।

[বর-কন্যা লইয়া গরব ও মাণিকের প্রস্থান।

(সাধারণের প্রতি) ম'শায়, আমি এমন চটা
মেজাজের লোক, তবু আমোদ ক'চ্ছি; বের রাতে
আপনারা দোষ-গুণ বিচার না ক'রে সবাই আমোদ
ক'রে যান।

[সকলের প্রস্থান।

পট পরিবর্তন

বাসর ঘর।

(সমাপ্তি গীত)

দেখে হৃবের মিলন বিয়ের বেতে আমোদ যে করে।

আমোদ উৎলে ওঠে তার ঘরে।

হ'চাপে চার স্তম্ভন ঘেরন, মুখ পোড়ে তার বার পোড়া মন,

সরলের হাঁস মুখে, কুটিলের বাঁশ চাপে বুকে,

জান বলা স্বভাব যাঁদের—জান তার ঘরে পরে।

“বায়সা-কা-তায়সা” হ'লো, আমোদ ক'বে করে চলো,

সহস্রয়, হও হে সহস্র, এই মিনতি বোড় করে।

Happy New year to you all নট-নটীর সাধ অন্তরে ॥

অবনিকা।

অশ্রু-ধারা

(রূপক)

মহারাণী ভিক্টোরিয়ার স্বর্গারোহণ উপলক্ষে এই সাময়িক ক্ষুদ্র নাট্যখানি রচিত হয় ।

[১৩ই মাঘ, ১৩০৭ সাল, ক্লাসিক থিয়েটারে প্রথম অভিনীত]

চরিত্র

ভারতমাতা

ছুভিক ।

প্রেম ।

অরাজকতা ।

ভারতসন্তানগণ ।

বালকগণ ।

মহিলাগণ ।

দেবকন্যাগণ ।

প্রস্তাবনা

মেঘাস্তরাল

দেবকন্যাগণ ।

দেবকন্যাগণ ।— (গীত)

ভাঙ্গ দেবি, ধরণী ভয়ণ ।—

ধরায় বিতরি শান্তি, মলিন হ'য়েছে কাষি,

বহুদিন পুস্ত তব স্বর্গ নিকেতন ॥

ধেবদূত করে গান, কার্য্য তব অবসান,

হুগিরাছ দরার শাদন,

তোমার দয়ার বলে, নানা আতি নানা হলে,

জুড়ে ধরে উচ্চ আল, এক আতি এক ভাব,

অনন্দে প'রেছে গলে একতা বন্ধন ।

পূর্ণ তব দয়া বিতরণ ॥

হরি 'হান-গরিমাণ', ছোটে তব বাপবান,

তড়িত কহিয়ে কথা, হরে বিরহীর ব্যথা

হিরা সৌধাদিনী করে আঁধার বারণ ।

খুলিয়ে কুটীর-দার, অজ্ঞানতা অন্ধকার,

বিভা-জ্যোতি করিছে হরণ ।

ধস্ত তব মুকুট ধারণ ।

সসাগর ধরা, যেবি, করিছে কর্তন ॥

প্রথম দৃশ্য

হিমালয়-শৃঙ্গ

ভারতমাতা ।

ভারতমাতা ।— (গীত)

ভেন দেবি, হ'য়েছ নিমরা !

কারে স'পে গেলে মোর তনয়-তনরা ?

আমি দীনা হীনা, তব কুপা বিনা,

বল না কেমনে, পালিব নন্দনে,

কে দিবে আশ্রয়, কে হরিবে ভয়

বিদা দেবী অন্তরা !

সন্তান সকল, দরিদ্র দুর্দল,

তব ছায়াতল, আশ্রয় কেবল,

রাণী-শিরোমণি, তুমিই জননী,

তোমার সবার পালনের ভার ॥

শোক-পারাবার, বহে অশ্রুধার,

এস কিরে এস, সিংহাসনে ব'স,

ছুৰিনীর প্রতি হও গো সন্মত ॥

[ভারতমাতার অন্তর্দ্বান ।

দ্বিতীয় দৃশ্য

রাজপথ

ভারতসন্তানগণ।

১ম ভা। ভাইরে, আজ আমরা যথার্থই মাতৃহীন হ'লেম;—মহারাণী ভিক্টোরিয়া আর নাই।

২য় ভা। অকস্মাৎ এ বজ্রাঘাত কেন হ'লো ভাই?

১ম ভা। ভাইরে, কাল অতি নির্দয়—রাজা প্রজা কারেও বাছে না। একে মহারাণী বহুদিন রাজ্যভার বহন ক'রে প্রজার মঙ্গল-চিন্তায় সতত বিব্রত থাকতেন, ত্রাণ-ভাল যুদ্ধে আত্মীয়ের শোকসন্তাপ-ধ্বনি কর্ণকুহরে প্রবেশ কর'তো, ধারাবাহী—তাঁর যে সকল আত্মীয় স্বজন নিহত হ'য়েছিল—সে সকল মনে হ'ত। স্বামী, পুত্র, পৌত্র প্রভৃতি দুঃসহ শোকভারে হৃদয় ব্যথিত ছিল,—তার পর প্রিয় মধ্যম পুত্রের মৃত্যুতে ভগ্ন হৃদয় আরও ভঙ্গ হ'ল।

৩য় ভা। কি পীড়া হ'য়েছিল? শুনতে পাই—বিলেতে বড় বড় ডাক্তার,—তারা কেউ মহারাণীকে ভাল কর'তে পার'লে না!

১ম ভা। মহারাণীর গায় মহীয়সী—পীড়ায় অভিভূত হন না। কালে যেমন ফুল-নলিনী প্রফুল্লিত হ'য়ে ঝরে যায়,—শুভ্র তুঘার যেমন ধূমাকারে ধীরে ধীরে গগন-প্রান্তে উঠে,—শিশির-বিন্দু যেরূপ সূর্য আকর্ষণ করে—সেইরূপ তাঁর স্নেহময়ী বিমল আত্মা পরমেশ্বরের বিমল গ্লোতিতে আকর্ষিত হ'য়ে ছিন্না কমলিনীর গায় দেহ ধরাতলে রেখে, আপনার ভাগ্যবতী জীবনের পরিচয় নিতে গিয়েছেন। তিনি ঈশ্বরের প্রিয় ছহিতা, পৃথিবীর মঙ্গলের নিমিত্ত ভগবৎ-প্রেরিতা। বাল্য, যৌবন ও বার্দ্ধক্যে নিয়ত প্রজার হিতসাধনে নিযুক্ত থেকে, জগতে আদর্শ রাজ-দৃষ্টান্ত রেখে, স্বর্গীয় পিতৃচরণে প্রণাম কর'তে গিয়েছেন।

২য় ভা। আচ্ছা, বাহ্যিক মৃত্যু-লক্ষণ কি হ'য়েছিল?

১ম ভা। কিছুই নয়। সরকারি তারের খবরে প্রকাশ,—শোকসন্তাপিতা মাতা, প্রজাবৎসলা মহারাণী, দয়াময়ী রমণী মৃত্তিকা-পিঞ্জরে বদ্ধ কত দিন থাকবেন? দেব-লোকে তাঁর উজ্জল সিংহাসন প্রস্তুত। দেবজ্যোতি-বকসিত-আত্মা মৃত্তিকা-দেহ ভঙ্গ ক'রেছে। তারের

খবরে প্রকাশ—মহারাণী আহারনিব্রা বর্জিতা হন; রাজ-বৈজ্ঞেরা সম্পূর্ণরূপে নিশ্চিন্ত হ'য়ে থাকতে উপদেশ দেন,—এই উপদেশ পালনে কিঞ্চিৎ সফলও ফলেছিল। শোনা গেল, মহারাণী আহার ক'রেছেন, নিব্রা গিয়েছেন; কিন্তু সে বৈজ্ঞাতিক সংবাদ বৈজ্ঞাতিক দীপ্তির গায় ক্ষণস্থায়ী হ'ল। শোনা যেতে লাগ'লো—মহারাণীর অবস্থা মন্দ,—রাজপুত্র, রাজপরিবার, রাজদৌহিত্র প্রভৃতি তাঁর মৃত্যুশয্যা বেঠন ক'রে র'য়েছেন। প্রধান রাজমন্ত্রী মহারাণীর নিকট উপস্থিত,—প্রজাকুল আকুল,—বার বার রাজপুরীর নিশানের প্রতি দৃষ্টিপাত কর'তে লাগ'লো,—কখন সে নিশান অর্ধ পতিত হয়। সকলেই হতাশ। অশুভমুখে ২২এ জাম্বয়ারী প্রভাত হ'য়েছিল,—সে দিন সন্ধ্যা সাতটা ছয় মিনিটের সময়ে ধীর ঘণ্টানাদ মহারাণীর নিদারুণ মৃত্যু-সংবাদ রাজ্যে প্রচার কর'লে। কঠোর কণ্ঠে কামানের প্রতিধ্বনি রাজ্যময় উথিত হ'ল। সকলেই মলিন—জড়ীভূত—সকলেই স্পন্দহীন। নাই—নাই,—মাতৃস্বরূপা মহারাণী নাই! মানব-হৃদয় এ কথা ধারণা কর'তে পারে না, সংসার বজ্রাহত—অভিভূত! ঐ দেখ, অনাথ বালকেরা কেঁদে কেঁদে আনছে।

(বালকগণের প্রবেশ)

(গীত)

আমরা কেঁদে বেড়াই পথে পথে
চেয়ে ব্যাধ মা মুখ ভুলে,—
অনাথ ব'লে গেছো কি ভুলে!
আবার কি মা জঠরের জ্বালায়,
অন্ন বিনা কেঁদে কেঁদে লুটাব ধূলায়,
দারুণ শীতে বস্ত্রবিহীন কায়,—
কাপ'বো মাগো ম্যালেরিয়ার ভীষণ তড়ানায়,
ভূমি পন্ন হাতে ধুলো ঝেড়ে পাঠিয়ে দেছ ইন্সুলে,
বেগ না চলে,—মনে মা কেলে অকুলে!

[বালকগণের প্রস্থান।]

৩য় ভা। উঃ কি নিদারুণ সংবাদ! আবার কি ভারতবর্ষ নিবিড় তমসচ্ছন্ন হবে, আবার কি আমরা বলিষ্ঠ জাতির পদানত হব, আবার কি নিত্য সমরানলে ভারতের শ্রামল শস্ত্রক্ষেত্র দগ্ধ হবে, আবার কি বর্গীর দৌরাণ্যে সন্ত-প্রহৃত সন্তান ল'য়ে প্রহৃতী পালাবে,

মুখের অন্ন ত্যাগ করে বৃদ্ধ দেশত্যাগী হবে,—
বলাৎকার, ব্যভিচার আবার কি রাজ্যে নৃত্য ক'রবে,
—আবার কি ধনী ধনহীন, মানী মানহীন, উচ্চনীচ-
সম্বন্ধ-বিচারহীন অরাজকতা ভারত অধিকার ক'রবে?
আমরা বাঙ্গালী, আমাদের যে আর কেউ নাই ভাই!
কে আমাদের আশ্রয়-বাক্যে উত্তেজিত ক'রবে, কে
আমাদের রমণীর গৌরব রক্ষা ক'রবে, কে আমাদের
শিশু সন্তানকে শিক্ষা দিয়ে রাজকার্যে নিযুক্ত ক'রবে?
ভারতেশ্বরী ভিক্টোরিয়া নাই! কি ছদ্দিন! কি ছদ্দিন!

২য় ভা। কি হবে ভাই?

১ম ভা। অকূল পাথার! কিছুই থির ক'রতে পাচ্ছি
নে! মহারাণীর মহিমায় ধনী নিঃশঙ্কচিত্তে দস্য-ভয়
উপেক্ষা ক'রে স্থখে নিত্রা যেতে সক্ষম; পথিক পথে
দস্যভয় করে না; বিতর্কীর নিমিত্ত বিখবিজালয়;
জেলায় জেলায়—পল্লীতে পল্লীতে রাজ-সাহায্যকৃত
বিজালয়; অনাথ কৃষকের নিমিত্ত হাসপাতাল; চিকিৎসাশাস্ত্র
প্রচারের নিমিত্ত বিজালয়; ভারতবর্ষের এক অংশ
হ'তে অপর অংশ পর্য্যন্ত এক পয়সায় ডাকপত্র
বাহক; সাহিত্যের ত্রীযুক্তি—বঙ্গীয় সাহিত্যসেবী ও
বাঙ্গালার পুস্তক-প্রকাশকের সম্মান; সংবাদপত্রের
স্বাধীনতা প্রদান; যোগ্যব্যক্তির রাজসম্মান; স্বায়ত্বশাসন
স্থাপনে রাজনৈতিক শিক্ষা প্রদান; দেশীয় শিল্পোন্নতিতে
উৎসাহ প্রদান প্রভৃতি মহারাণীর তিরোভাবে কি
বিলুপ্ত হবে!

২য় ভা। হায় হায়! কি হ'লো,—সমস্ত স্থখে কি
আমরা বঞ্চিত হ'লুম।

(ভারতম তার আবির্ভাব)

ভারতমাতা। না, না—কদাচ নয়। চল—দেখ্বে এস,
রাজসিংহাসন শূন্য নয়। কাঁদ, শোক কর, কিন্তু মনকে
প্রবোধ দাও,—রাজসিংহাসন শূন্য নয়; মহারাণীর কীর্তি-
স্তম্ভ কালশ্রোতে বিনষ্ট হবে না। করুণাময়ীর করুণাময়
প্রকৃতিগঠিত রাজকুমার সিংহাসনে! মাতৃদৃষ্টান্তে দীক্ষিত
যুবরাজ মাতার শাসনদণ্ড ধারণ ক'রেছেন—মাতার উজ্জল
রাজমুহূর্ত তাঁর শিরে উজ্জল-আভা-প্রদান ক'রে। তবে
কাঁদ,—শোক কর। মহারাণী ভারতসম্বন্ধানের নিমিত্ত

অনেক অশ্রুজল বিসর্জন ক'রেছেন, শ্রদ্ধা-অশ্রু তাঁর
স্মৃতি-কুন্ডলে বর্ষণ কর। এস, দেখ্বে এস, যুবরাজ
সিংহাসনে দেখ্বে এস। মহারাণীর স্নেহময়ী আত্মা
যুবরাজে বিরাজিত দেখতে পাবে। হা ভয়ি! হা
মহারাণী!!

[সকলের প্রস্থান।

তৃতীয় দৃশ্য

পল্লী-প্রান্তর

(হর্তিক, প্রেগ ও অরাজকতার প্রবেশ)

হর্তিক। ভারতমাতা কেঁদে গড়িয়ে প'ড়ছেন! কাঁদ—
কাঁদ—আর কেঁদে উপায় নাই। বার বার আমায়
তাড়িয়েছ, এবার বুকের রক্ত শুষে খাব। আর তোমার
ছেলেদের কে কোলে নেবে? আর কে চোখের জল
মোছাবে? আর কে খাওয়াবে? যেমন হিমালয়ের
চূড়ায় ব'সে থাক, তেমনি তোমার ছেলেদের হাড়ে আমি
পাহাড় ক'রবো! মরুভূমি—মরুভূমি—সাহারার মরুভূমি
তিন দিনে তৈরি হবে। আমাকে দেখে, জাঁকে উঠে
ছুটে গিয়ে মহারাণীকে 'হর্তিক এসেছে—হর্তিক এসেছে'
বলতে। সে কাণে আর তোমার হৃৎকের কথা যাবে না,—
তোমার ছেলেদের হৃৎ দেখতে সে চোখ আর খুলবে না!
তুমি কাঁদ—কাঁদ, আমি নেচে নেচে বেড়াই!

প্রেগ। তুই আমোদ ক'চ্চিস বটে, কিন্তু আমার
আমোদ হ'চ্ছে না। আমি যখন ইয়ুরোপে উঁকি খুঁকি
মারুছিলুম, একদিন দেবদুতেরা গল্প ক'রে শুনলুম, যে,
পৃথিবী হ'তে আমাদের তাড়বার জন্ত দেবলোকে
ভগবানের কাছে মহারাণী প্রার্থনা ক'রেছিল, মাগী না কি
ভগবানের ভালবাসার পাত্রী ছিল। পৃথিবীর হৃৎকে কেঁদে
ভগবানের নিকট আত্মা পেয়েছিল, 'পৃথিবীতে যাও,
তোমার মনোবাঞ্ছা পূর্ণ কর'। তাই ইংলণ্ডের রাণী হ'য়ে
এসে জন্মেছিল। যা শুনলুম—সে বড় মিথ্যে নয়। দ্যাখ্
না কেন, যেটীর তাড়নায় পৃথিবীর কোন্ খানে আত্মা
গাড়তে পেরেছি!—তুই যেখানে বাদ্—খাবার পাঠায়,
আমি যেখানে যাই—ডাকার পাঠায়।

অরাজক। আর আমি যেখানে যাই—গোলাগুলি পুঠায়।

হুভিক্ষ। আর তো ভিন্নকুটী চ'লবে না। আর তো ফিরে সিংহাসনে ব'সবে না!

অরাজক। ঠিক জানিস্ তো—ঠিক জানিস্ তো, খবর তো মিছে নয়?

হুভিক্ষ। আরে দূর, খবরের কাগজ দেখিস্ নি?

অরাজক। আমি খবরের কাগজের কথা বিশ্বাস করি নি। ওরা মরা কাঁটাল গাছে—ফল ফলায়। আগে একবার ছেবেছিল—জানিস্ নি?

প্রেম। হাঁ হাঁ, শেষ ঢোঁড়া হল। কিন্তু এবার যেন সত্যি সত্যি লাগচে।

অরাজক। কিসে বুঝ'লি?

প্রেম। আমি তো ভাই, পালাই পালাই ডাক ছাড়'ছিলুম। যাবার সময় ভাবলুম, একবার কল্কাতাটা ঘুরে যাই; লাট সাহেবের বাড়ী উঁকি মেরে দেখি, লাট সাহেব তার পরিবার—পাথর হ'য়ে গিয়েছে! চান্দিকে সেক্রেটারীরে, তারাও সব পাথর! কেউ নড়ে না—চড়ে না—কথা কয় না! বলি ব্যাপারখানা কি? ভাবতে ভাবতে বড়বাজারের বাসায় ফিরে আসছি, দেখলুম—সহর যেন ম'বে পড়ে র'য়েছে। সাড়া নাই—শব্দ নাই—জোরে কথা নাই, মাথুষ যেন কলে চ'লছে। ব'লবো কি বল, মাতাল ব্যাটারী পর্যন্ত মদ খাচ্ছে না।

হুভিক্ষ। মদ খাবে, পেটের ভাত আগে জুটুক। উঃ এইবার শোধ তুলবো। কুকুর খাওয়াবো—শাল খাওয়াবো—ইন্দুর খাওয়াবো, বিড়াল খাওয়াবো—গাছের পাতা খাওয়াবো—পারি যদি নধর ছেলে কেটে খাওয়াবো! মজায় ফিরবো, মজায় ফিরবো! কেউ কিছু ব'লবার নাই—কেউ কিছু ব'লবার নাই।

অরাজক। দাঁড়া দাঁড়া, আমোদ করিস্ এখন। খাচ্ছা, তারপর তোর গল্পটা কি শুনি, দেবদূত কি ব'লছিল, 'রমেথরের সে প্রিয়পাত্রী,—পৃথিবীর দুঃখভার বহন ক'রতে ইংলণ্ডের রাণী হ'য়েছিল, তারপর কি শুনলি?

প্রেম। শুনতে হবে কেন, তারপর প্রত্যক্ষ তো দেখলুম।

হুভিক্ষ। আরে ভাই, সে দিন গিয়েছে—সে দিন গিয়েছে, আর তো মাগী ফিরে না!

প্রেম। ফিরে না বটে, কিন্তু তাদের কথা যদি সত্যি হয়, তা হ'লেই সর্বনাশ!

হুভিক্ষ। কেন কেন? সে কি স্বর্গ হ'তে আমাদের শাসিত ক'রবে নাকি?

প্রেম। তারা যা ব'লে, বড় ভয়ঙ্কর কথা! ভিক্টোরিয়া ফিরে গিয়ে ভগবানের চরণে প্রণাম ক'রবে, ভগবান আদর করে নেবেন, কিন্তু যাবার সময় তার দয়া, তার কোমল প্রকৃতি-গঠিত পুঞ্জের হৃদয়ে রেখে যাবে।

অরাজক। তাই বটে!—সকালে গুড়ুম গুড়ুম ক'রে তোপ ছাড়'ছিল—আর আমার বুক কাঁপ'ছিলো! আমি ঠিক ঠাওরেছি, ইংরেজের কামানগুলো থাকতে আমার ভালাই নাই। এখন গাখ' ভাই, তোরা ফাঁকতালে যদি কিছু ক'রে নিতে পারিস্, ক'রে নে। আমার বরাত তেমন নয়—আমার বরাত তেমন নয়! ঐ দেখ্ না, যেমন পাহারাওয়ালার সার্জন ফিরতো, তেমন ফিরে। তবে লুকিয়ে চুরিয়ে যেখানে যা করি, তালুক নিয়ে লাঠালাঠি, গ্রাম জালান, খাজনা লোটা, চুরীতে বাটপাড়িতে, কোথাও কখন রাহাজানিতে এই পর্যন্ত। বুকের ছাতি ফুলিয়ে যে বেড়াব, তার যো নাই।

হুভিক্ষ। দয়া রেখে যাবে, দয়া রেখে যাবে! তার যে অসীম দয়া, তার পুঞ্জের হৃদয়ে ধ'রবে?

অরাজক। ধ'রবে না,—তারই প্রকৃতি-গঠিত রাজ-কুমার।

প্রেম। তার দয়ার সাগর তার ইংরেজী ভাষার সঙ্গে পৃথিবী ব্যপেছে। এই বোঝ' না কেন ভাই হুভিক্ষ! যারা ইংরেজী ভাষা শিখেছে, রাণীর সঙ্গে যাদের স্নেহ সঙ্কলিত আছে, তারাই তোরে তাড়াবার জন্য চাঁদা দিয়েছে।

অরাজক। আর এই দ্যাখ, তুই ব'লছিস ম'রেছে, আর ঐ ছুঁড়িগুলো গান ক'রতে ক'রতে এদিক দে আসছে।

হুভিক্ষ। তুই যেমন গোঁয়ার, তেমন হাব'লা!—গান ক'রে কি কাঁদে, তা বুঝতে পারিস নে? ঐ দেখ, মেজের বুক চাপ'ড়াতে চাপ'ড়াতে আসছে।

(মহিলাগণের প্রবেশ)

(গীত)

ওমা বহু মহিলার তোমা বিনা কে আছে গো আর !
 রোমন-ধনি শুনে জননি, নরন-ধারা মুছাও অমনি,
 কোথায় গো রাজকুল-নগিনী !
 পতিপুত্র নিয়ে রব, বল মা কার দোহাই দিব,
 শুশ মা মেদিনী জুড়ে উঠে হাহাকার ।
 মহারানি ! মেদিনী আজ অনাধিনী,
 কুপাময়ি, এস ফিরে, দেখে ভানি নরন-নীরে,
 তুমি তো মানের ব্যথা বুঝে অবলার,
 ভিক্টোরিয়া, কোথা মা আমার !

[প্রস্থান ।

প্লেগ । যমের বাড়ী—আর কোথায় পাজী বেটীরে !
 কাঁদে—কাঁদে, এখন কাঁদবার দিন এল, ভারতে এখন কান্না
 ঘুরবে না । ঘরে ঘরে সৈঁধোবো, তোমাদের পতি-পুত্রের
 ঘাড় ভেঙ্গে রক্ত খাব । দেখি, আমায় কে তাড়ায় ।

হুভিক । আগে দেখ, কোথাকার জল কোথা মরে ।
 এখন মাগী নাই, তার দয়াও উপে যাবে । নয় তো ভারত-
 বাসী অত কাঁদবে কেন ? ঐ শুন্ছিলি নি, শুধু মাগীরা নয়,
 চারদিকে কান্নার রোল উঠেছে ।

প্লেগ । এবার পাকা ম'রেছে বটে । কান্নার হ্রস্ব বড়
 জমকে উঠেছে, (অরাজকের প্রতি) শুন্ছিলি ?

অরাজক । আমার কি তা বল ? খেতবংশ না
 নির্বংশ হ'লে, আমার আর কোন উপায় নাই ।

হুভিক । আমি জানতুম, তুই খুব গোঁয়ার, ভয়েই
 মলি ! বেয়ে চেয়ে দ্যাখই না কেন ? বিনা যুদ্ধে ভঙ্গ
 দিবি ? ডাক তোর যে যেখানে আছে—খুন, দাগাবাজী,
 বলাৎকার ; তাড়ায়—না হয় তাড়াবে । দেখাই যাক্ না
 কি হয় । কি স্ব্থের দিন—কি স্ব্থের দিন ! চারদিকে
 হাহাকার !

অরাজক । ইয়ারে, তবে আমিও ফুটি ক'বুবো না
 কি ?

হুভিক । দ্যাখ, তোর যা খুসী । এমন স্ব্থের দিনে
 মুখ তুবে বসে আছি, আমার ভাল লাগে না ।

অরাজক । তবে আমোদ করি আয় !

(তিনজনের গীত ।)

সোণার ভারত প্ৰকাশ হবে, কি আমোদের দিন ।
 ভয় কি ভাই, ভিক্টোরিয়া নাই,
 আর, নরক থেকে হৈকে ডেকে, দড়ি দানা জিন ।
 আছি কে কোথায়—চলে আয়,
 আঁদাড়ে পাঁদাড়ে চলে আয়, আছি যে যেখানে,
 হিঃ হিঃ হাঃ হাঃ—হাসির হররা ভোল,
 আরয়ে শক্তপোল, বাজারে ঢোল,
 হাত তালি দে নাচি সবে থিনাক্ থিনাক্ থিন ।

[প্রস্থান

চতুর্থ দৃশ্য

রাজপথ

ভারতমাতা ও স্ত্রীপুরুষগণ ।

ভারতমাতা । সসাগরা ধরা যে নারী পুঞ্জিত,
 জগজ্জন-হিত, যার রাজনীত,
 যে নামে স্বজন সদা পুলকিত,
 যার ধ্বজা হেরি হুজ্জন কম্পিত,

(গীত)

সকলে । নীরব মানব তমাস্কর সব,
 ভিক্টোরিয়া নাই, ভিক্টোরিয়া নাই,
 সসাগরা ধরা শোকপূর্ণ তাই ।

ভারতমাতা । যার বজ্রনাদী কামান-গর্জনে,
 কম্পিত হৃদয় নরপতিগণে,
 সাগর ব্যাপিত জলতরী যার,
 যার পরাক্রম মানে পারাবার,

(গীত)

সকলে । নীরব মানব তমাস্কর সব,
 ভিক্টোরিয়া নাই, ভিক্টোরিয়া নাই,
 সসাগরা ধরা শোকপূর্ণ তাই ।

ভারতমাতা । যাহার পতাকা বিমল উজ্জল,

খ'দে পড়ে হেরি দাসত্ব-শৃঙ্খল,
 যে নারীর ভাষে ভিন্ন জাতিগণ,
 করে পরস্পরে সখ্য সযোঁধন,

(গীত)

সকলে । নীরব মানব তমাচ্ছন্ন সব
ভিক্টোরিয়া নাই, ভিক্টোরিয়া নাই,
সদাগরা ধরা শোকপূর্ণ তাই ।

ভারতমাতা । দেশ দেশান্তর হ'তে রাজকর,
অর্ণব তরণী বহে নিরন্তর,
দূরিত অভাব রাজ্যে সমভাব,
সম উচ্চনীচে গ্রায়ের প্রভাব,

(গীত)

সকলে । নীরব মানব তমাচ্ছন্ন সব
ভিক্টোরিয়া নাই, ভিক্টোরিয়া নাই,
সদাগরা ধরা শোকপূর্ণ তাই ।

১ম পুরুষ । মহারানি, ভিক্টোরিয়া, জননি !—সম্মানের
প্রতি কেন বিমুখ হ'লে ? মা, অশ্রু-ধারা গ্রহণ কর,—
অশ্রু-ধারা ভিন্ন অস্ত্র সঞ্চল নাই ।

ভারতমাতা । বৎস, বৎস ! তোমরা শোক সঞ্চরণ
কর । মহারানীর অনন্ত কীৰ্ত্তি—অনন্ত কালে তাঁর মৃত্যু
নাই ।

পটপরিবর্তন

সিংহাসনোপরি সপ্তম এডওয়ার্ড

(ভূত-পূর্ব প্রিন্স অফ ওয়েলস্)

চেয়ে দেখ, মহারানীর রাজপ্রকৃতি তাঁর জ্যেষ্ঠ পুত্র-
রূপে সিংহাসনে বিরাজ ক'চ্ছেন । বল, জয় জয় ইংলণ্ডে-
খবরের জয় ! জয় ভারতবর্ষের জয় ! ঐ দেখ, কোটি কোটি

জাতি তাঁর সিংহাসন বহন ক'চ্ছে ।—ভিন্ন বর্ণ, কিন্তু এক
আত্মা, একান্তর, এক অন্তর হ'য়ে রাজ্যেশ্বরের সিংহাসন
শিরে ধারণ ক'রেছে ।

১ম পুরুষ । ভারতসম্রাট, সিংহাসনে তোমায় দর্শনে
আমাদের নিরাশ হৃদয়ে আশার সঞ্চার হ'চ্ছে । তুমি
ভাগ্যবতী মহারানীর পুত্র—মহারানী-দীক্ষিত ! জনহিত-
সাধনে আজীবন রত, মাতৃকীৰ্ত্তি-কলাপ-রক্ষার ভার
তোমার । আমরা দীন ভারত-সন্তান—রূপা-কটাক্ষ
নিয়ত আমাদের প্রতি রাখবে,—এই আমাদের ভরসা !
তোমার গ্রায় আমরা মাতৃশোকাতুর । রাজা, সম্রাট !
আমাদের সম্ভাপিত প্রাণে শাস্তি প্রদান কর । আমরা
দুর্বল, বাকশক্তিহীন, চির পরাধীন, রাজ-রূপা ব্যতীত
আমরা বিনষ্ট হব । মহারাজ, মহাসম্রাট ! আমরা যথার্থই
তোমার রূপার পাত্র । অশ্রু-ধারাই আমাদের সঞ্চল ।

(সমবেত সঙ্গীত)

ব্যাপি স্থলজল, অচল সচল,
ইংরাজ-শাসন সধা বিচলমান ।
জয় রাজ্যেশ্বর, বরুণা-আকর,
নর-শ্রেষ্ঠ নর, নরের সম্মান ।
চির পরাধীন ভারত মাতার
সম্মানের তার, তব প্রতি ভার,
রাজেশ্বরী মাতা, তাজিলা সংসার,
একমাত্র তুমি উপার সবার,
দুখ-পারাবার, কর প্রভু পার,
তব পদে নত কায়মন প্রাণ ।
জয় রাজ্যেশ্বর ! জয় রাজ্যেশ্বর !
অশ্রুধারে গায় ভারত-সন্তান ।

অবনিকা ।

নিত্যানন্দ-বিলাস

(প্রেম ও ভক্তিমূলক নাটক)

[বহুকাল পূর্বের মিনার্ভা থিয়েটারের নিমিত্ত এই নাটকখানি রচিত হইয়াছিল,
বহু সঙ্কানে সংগৃহীত হইয়া 'গ্রন্থাবলী'তে এই প্রথম প্রকাশিত হইল]

নাটোল্লিখিত ব্যক্তিগণ

পুরুষগণ ।

নিত্যানন্দ

গৌরান্দ

যম

উদ্ধারণ দত্ত

ঘনশ্যাম

অবিনাশ

কালচাঁদ

রামহরি

গোবর্দ্ধন

হারাদন

হিরণ্য পণ্ডিত

বামাচরণ

...

...

...

...

...

...

...

...

...

কৃপণ বণিক ।

মাতাল ভক্ত ।

ঘনশ্যামের প্রতিবাসী ।

ঐ

ঐ

ঐ

ঐ ভৃত্য ।

অধ্যাপক ।

দহ্ম-সদর্প ।

যমদূতগণ, ভট্টাচার্য্য, যছনাথ, রঘো, তেরো, ভীমে,
উদো, দয়াল, ভৈরব, বেহারে প্রভৃতি ডাকাতগণ,
প্রতিবেসিগণ ইত্যাদি ।

স্ত্রীগণ ।

শচীদেবী

বিষ্ণুপ্রিয়া

বসুধা

জাহ্নবী

কমলা

বিমলা

...

...

...

...

...

...

...

গৌরান্দের মাতা ।

ঐ স্ত্রী ।

নিত্যানন্দের স্ত্রী ।

উদ্ধারণের স্ত্রী ।

ঘনশ্যামের স্ত্রী ।

বিজ্ঞানরীগণ, গ্রাম্য স্ত্রীগণ, গ্রাম্য বালিকাগণ,

হিজড়াগণ ইত্যাদি ।

প্রথম অঙ্ক

প্রথম দৃশ্য

নীলাচল পর্বত

গৌরান্দ ও নিত্যানন্দ ।

(গৌরান্দের গীত)

ঝিঁঝিট মিশ্রিত কীর্তন—লোফা ।

নাম বিলাতে যাও হে নিতাই, যাও হে যাও ।

এসেছি তোমার আশায়, একবার আমার মুখ পানে চাও ॥

নিতাই করহে সংসার [তোমার কিসের সংসার হে,—

যাও তুমি নদীয়ার হে] হরি নাম করহে প্রচার,

নিতাই নাম বিলাতে ভয় কি কর—নাম দিগে ভুবন মাতাও ।

অষ্ট সখীর হৃৎতে ধ্বংসের ধার,—দাদা তোমার উপর ভার,

কামার জীবন সাধা তুমি হে আমার,—

এস সাধে বারে বারে, চিরদিন ত ব্যথা নাও ॥

নিত্যানন্দ । গৌর, আমার কোথায় যেতে বল্‌চিস্ ?

গৌরান্দ । দাদা, সংসারে যাও !—একবার জীবের

মুখপানে চাও ; জীবের হৃৎ দেখ, জীবের উপায় কর ।

(নিত্যানন্দের গীত)

কাফি মিশ্রিত কীর্তন—লোফা

ভাই বেঁধেছিল তো প্রেমের ডোরে ।

শক্তিশেল খঁরেছিল তোর তারে ॥

তোয় ঋণ পরিশোধ যদি গৌর হয়,

সয় যেন রে সয়, আমার প্রাণে সয়,

হরি নামে যেতে পথে পথে,
নাম বিলাস ঘরে ঘরে ॥
বার নয় হে প্রাণে স'রেছে সে কত,
ব'ল হে তোমার মনের মত,
থাক্‌বি রে তুই নীলাচলে,
আমায় হুব'বে ঘরে পরে ॥

দেখ'তে পাও, এ সখেরই বিধাসই মূল জেনো। তবে এখন
যাই ভাই, বেলাটাও গেল, কাল তবে এক সময় যেও।
যহুনাথ। যে আজ্ঞে যাব। প্রণাম। [প্রস্থান।
ভট্টাচার্য্য। হরি হে, দিন গেল দীনবন্ধো! [প্রস্থান।

(গ্রাম্য স্ত্রীগণের প্রবেশ)

(গীত)

পীলু পাহাড়ী দাদরা।

চল' চল' প্রাণ স্বজন, আলো ব'রা আনগে বারি।
আয় লো আয় বেলাবেলি, আস'বে কিরে কুলের নারী।
এ ছাপ'রাঙা ছবি—ডুবু ডুবু হ'ল রবি,
নন্দী ব'ল'বে কত, কেন লো স'বি;
সন্ধ্যা হ'লে ব'ল'বে ছলে জানিস্‌ তৌ কুটিল ভারী ॥

[প্রস্থান।

(হারান ও ঘনশ্যামের প্রবেশ)

হারান। ছিঃ, বড় বাবু! কিরুন, বাড়ী চলুন!
এমন অবস্থায় কি বাড়ী থেকে বেরুতে আছে?

ঘনশ্যাম। চোপ'রাও শালা! তোর বাবার কি?
আমার খুসি। শালা আবার আমায় বোঝাতে এল?

হারান। আজ্ঞে না—আমি তা বলি নাই। সন্ধ্যার
সময় কোথায় যাবেন! বাড়ী চলুন।

ঘনশ্যাম। হাম্‌ নেহি যায়েগা, তোর বাবার কিরে
শালা? আজ তিন দিনের পর বাড়ী গেলুম, শালা
বলে কিনা আমি মাতাল! আচ্ছা বাবা, এই তুমিই কেন
বলনা, না হয় একটু মদ খেয়েছি, তা ব'লে কি শালা
সবাই মিলে আমাকে মাতাল ব'লবে? আমি মদ
খেয়েছি খেয়েছি, তোর বাবার কিরে শালা? আমি ত আর
কারণ বাবার পয়সায় খাই নাই? মা আনন্দময়ী আমায়
এনে জুটিয়ে দেন—আমি খাই। যে দিন পেলুম—খেলুম;
যে দিন না জুটলো, সে দিন 'তার' বলে বুক হাত দিয়ে
গাছতলায় প'ড়ে থাকলুম—বাস্। কিন্তু বাবা, অমনি
অমনি আমার একটা দিনও যায় নাই—থানিক রাত্রে
উঠে দেখি, কে এক মাগী, একটা কেলে হাঁড়ীতে ক'রে
এক হাঁড়ী মদ নিয়ে মাথার কাছে ব'সে আমায় ডাক্‌চে,
'ওরে আজ খান্‌নি, খাবি ওঠ'—আমিও বাবা আস্তে
আস্তে উঠে হাঁড়ীটা সাবাড় করি। সেই মাগীই তোমাজ
তিন দিন আমাকে মদ খাইয়েছে।

দ্বিতীয় দৃশ্য

পানিহাটির রাস্তা

(যহুনাথ ও ভট্টাচার্য্যের প্রবেশ)

যহুনাথ। দাদাঠাকুর, প্রণাম! কোথায় যাওয়া হ'চ্ছে?
ভট্টাচার্য্য। বেঁচে থাক দাদা, এই একবার গঙ্গাতীরে
যাচ্ছি, সন্ধ্যোটা সেয়ে আসি।

যহুনাথ। কেন দাদাঠাকুর, বাড়ীতে চাকরদের
ব'ল্লেইত তারা এক ঘটা গঙ্গাজল এনে দিত, এত কষ্ট
ক'রে যাটে যাবার দরকার কি?

ভট্টাচার্য্য। এতে আর কষ্ট কি? ও কি জান ভাই,
আমাদের শাস্ত্রে বলে 'দর্শনে স্পর্শনে মুক্তি'—যাটে
গেলে এককাজে দু'টো হবে।

যহুনাথ। আচ্ছা দাদাঠাকুর, ক'দিন থেকে আপনার
ক'ছে যাব মনে ক'রেছি, নানান কাজের ঝঞ্ঝাটে যেতে
পারি নি; আচ্ছা দাদাঠাকুর, এই যে ন'দেতে গৌর নিতাই
নিয়ে একটা মহাছলস্থল বেবে ছিল, সেটা কি ব'লতে
পারেন? সেটা কি আমাদের শাস্ত্র-সঙ্গত?

ভট্টাচার্য্য। ওকি জান ভাই, মনে সন্দেহ রেখে যদি
জিজ্ঞাসা কর, তা হ'লে তার উত্তর এখানে দাড়িয়ে,
তোমাকে এক কথায় কিছু বোঝাতে পারব না; আর যদি
বিগাস করে জিজ্ঞাসা কর—সহজে বুঝিয়ে দিচ্ছি।

যহুনাথ। দেখুন দাদাঠাকুর, ও বিশ্বাস অবিশ্বাস কিছু
বুঝি না; তবে মনে একটা কেমন সন্দেহ হ'য়েচে, তাই
জিজ্ঞাসা করছি।

ভট্টাচার্য্য। তা হ'লে দাদা এখনকার কথা নয়, কাল
এক সময় তোমার সাবকাশ মত আমার কাছে যেও, সব
বুঝিয়ে দেব। আর দেখ ভাই, আমাদের এই মাকাল ষষ্টি
থেকে শিব দুর্গা পর্য্যন্ত যিনি যেখানে আছেন, যা কিছু

হারাদন। আচ্ছা বড় বাবু, মদ খেয়েছেন—বেশ করেছেন—বাড়ী চলুন, আর কেউ আপনাকে কখন কিছু বলবে না।

ঘনশ্যাম। না বাবা, আর আমি তোমাদের বাড়ী ঢুকছি নি। ব'লেচ বাবা ব'লেচ—খুব ক'রেচ, আমি তাই স'য়ে এলুম, আর কাকেও ব'ললে টেরুট পেতে যাই!

(অবিনাশের প্রবেশ)

অবিনাশ। কি দাদামশায়! দিগন্ত হ'য়ে সমুদ্রার সময় কোথায় চ'লেছেন?

ঘনশ্যাম। আরে কেও—নাতি! আর দাদা দেখছে। কি, আমাকে আজ শালারা মাতাল ব'লে তাড়িয়ে দিয়েচে। আর না বাবা, ঢের হ'য়েছে, আর কখন জন্মে মদ খাবনা বাবা। এত দিনের পর আমাকে সবাই মাতাল ব'লেচে।

অবিনাশ। ছি দাদামশায়! ও কথায় কি রাগ ক'রতে আছে? চলুন বাড়ী চলুন, আমি আপনাকে বাড়ীতে রেখে আসছি চলুন।

ঘনশ্যাম। কার বাড়ী? কোথায় যাব? আমার বাড়ী হ'লে কি আমাকে শালারা তাড়িয়ে দেয়?

অবিনাশ। কার এমন দমতা আপনাকে কিছু বলে? চলুন, বাড়ী চলুন।

ঘনশ্যাম। না দাদা, আমি বাড়ী যাবনা আর মদও খাবনা; সে মাগী ব'ললেও আর মদ খাবনা।

অবিনাশ। এখন এই রাতে কোথা যাবেন?

ঘনশ্যাম। যে দিকে ছ' চোখ যায়—যাবার কোন ঠিকানা নাই; যাবার অনেক স্থান আছে, যেখানে ইচ্ছে যাব, কিন্তু আর বাড়ী যাচ্ছি না দাদা।

(বিমলার প্রবেশ)

বিমলা। দেখ দেখি—মাতালের কাণ্ডই স্বতন্ত্র! মদ খেয়ে আবার লোক ঢলাবার জন্তে রাস্তাতে বের'ন হ'ল কেন?

ঘনশ্যাম। কি বাবা, মারবে নাকি? বাড়ীতে এত গালাগাল দিলে, তাতে বুঝি রাগ ক'মলো না, তাই এখন পর্যন্ত তেড়ে মারতে এসেছ? মার'—মার, কেন আর আগশোষ্টা থেকে যায়? মাথা ষাও, মরা মুখ দেখ'—ছ চার ঘা হ'য়ে যাক।

বিমলা। আমিত আর তোমার মত মদ খাই নি—মাতালও হই নি, এখন চল, বাড়ী চল!

ঘনশ্যাম। আমিত ব'লেছি বাবা, আর মদ খাবনা,—কিন্তু বাড়ীতেও যাবনা।

বিমলা। নাও নাও, ন্যাকামি রাখ, চল বাড়ী চল।

ঘনশ্যাম। না আর না, অনেক হ'য়েছে, আর না—আর কেন বাবা? এত দিন 'কালী কালী' ব'লে মদ খেয়ে বেড়িয়েছি, এখন একবার 'হরি হরি' বলে দেশে দেশে ফিরব। পেনেটীতে নাকি নিতাই ঠাকুর এসেচেন, আমি তাঁর সঙ্গে সঙ্গে ফিরব'। আমাকে কি তিনি পায়ে স্থান দেবেন না? বাবা, জগা মাথা এত বড় পাণী ছিল—তা'রা ত'রে গেল; আমি মাতাল ব'লে কি আমার ঘুণা ক'রবেন? তিনি ঘুণা করেন, শেদ ত পতিতপাবনী আছেনই।

বিমলা। তুমি যদি বাড়ী না যাও, তবে আমি আর কার জন্তে বাড়ী যাব? আমারই বা কিসের বাড়ী? চল, আমিও তোমার সঙ্গে সঙ্গে ফিরব'—তোমারও যে গতি, আমারও সেই গতি।

ঘনশ্যাম। আমার সঙ্গে যাবে?—চল, আমি বারণ ক'রব না; কিন্তু দেখ, আমি এখন থেকে তোমাকে সাবগান ক'রে দিচ্ছি, আমাকে কিছু ব'লতে পাবে না; আমার যা ইচ্ছা আমি করব', তুমি তাতে কথা কইতে পাবে না।

বিমলা। না, আমি কোন কথা কইব না, তোমার যা ইচ্ছা ক'রো; আমি ছায়া'র মত তোমার সঙ্গে সঙ্গে থাকবো, তাতে তো তোমার কোন আপত্তি নাই!

ঘনশ্যাম। না,—তবে আর দে'র কেন, এস; যখন যাব ব'লে বেরিয়েছি, তখন আর রাস্তায় দাঁড়িয়ে কেন?
[ঘনশ্যাম ও বিমলার প্রস্থান।]

হারাদন। আচ্ছা মশায়, আমিতো এঁদের ভাব কিছু বুঝতে পারলেম না। এই এক সামান্ত কথায় এঁরা হ'জনে সংসার-ত্যাগী হ'লেন?

অবিনাশ। ও কিছু বলা যায় না,—যাদের হয়, তাদের ঐ রকমই হয়। আর এখানে দাঁড়িয়ে ভেবে কি ক'রবে? চল, বাড়ী চল।

হারাদন। চলুন।

[উভয়ের প্রস্থান]

তৃতীয় দৃশ্য

পানিহাটীর ঘাট

বটবৃক্ষতলে নিতাই উপবিষ্ট

বহুধা ও সন্ধিনীগণ ।

(বহুধার গীত)

মুলতান মিশ্রিত কীর্তন—লোফা ।

হরিনাম দিতে,—

কে আমার কাছে এসেছিল কান্ধ রেতে ।

হেসে হেসে কয় কত কথা,

সে চ'লে গেল বেজেছে বাধা,

আমার মন ত প্রাণ হরি বলি,

গেছে হরিনাম প্রাণে গেছে ।

(স্বগত) আহা ! কে ঐ নবীন পুরুষরতন ব'সে
আছে ? কার ধ্যানে নিমগ্ন ?—কেন প্রাণ উচাটন হ'চ্ছে
—মরি মরি কি রূপ মাধুরী !

(বহুধার গীত)

মুলতান—দাদরা ।

এসেছে কে জাহ্নবীর ধারে,—

ব'লেছে মন তো আমারে ।

মন বলে সে আমারে চায়,

মন বলে—লুটয়ে পড়' পায়,

মন আমার দেখতে তারে চায় ;

মন যে আমার কেমন করে—

বলনা ব'লব' কারে ?

১ম সন্ধিনী । ওলো তোর হ'লো কি, জল নিতে
এসেছি'স না ? চল—ঘাটে নামি ।

(বহুধার গীত)

পিলু মুলতান—একতাল ।

জল আনা নই হ'লো ভার,

আমি যেখানে যাই চেষ্টে দেখি—

মুখপানে সে চায় আমার !

বিশ্ব ওঠে আচম্বিতে—

জলে চেষ্টে দিতে,

ওঠে প্রাণ তা'তে যেতে,

দেখি চেয়ে চেউয়ের পায়ে সে আছে তা'তে ;

আমি বুললে আঁখি তারে দেখি—

কেউ তো আমার নাইকে! আর !

নিতাই । (স্বগত) কে এ বালিকা ! (প্রকাশ্যে)
তুমি কি কুমারী ?

বহুধা । কি জানি !

নিতাই । ইস ! তোমার ত গুমোর ভারি ?

বহুধা । কি জানি !

নিতাই । আমি বিদেশী, তোমাদের দেশে এসেছি ;
কোথায় যাব জানিনা ।

বহুধা । কি জানি !

নিতাই । তুমি তো 'কি জানি'ই ব'লছো ; আমি
বিদেশী, কোথায় থাকবো আমার ঠিক নাই, তুমি জায়গা
দেবে ?

বহুধা । কি জানি !

নিতাই । তুমি তো বেশ লোক ! আমি যত কথা
ব'লছি, তুমি ব'লছ—'কি জানি' !

বহুধা । তুমি কি আমাকে মিথ্যা কথা ব'লতে বল ?

নিতাই । তুমি এমনিই ঝাকা ! তুমি কি কিছুই
জাননা ?

বহুধা । তাত তুমি জিজ্ঞাসা করনি, তুমি এ কথা সে
কথা জিজ্ঞাসা ক'রেছ, আমি ব'লেচি—কি জানি !

নিতাই । আচ্ছা, ভাল ! তুমি শুনলেও বাচি ।
তুমি কি জান,—তুমি কি কিছু জান ?

বহুধা । হ্যাঁ জানি, তোমায় জানি ।

নিতাই । বাঃ ! বাঃ ! প্রেমের ঢেউ দেখ !

বহুধা । বাঃ ! বাঃ !—তুমি প্রেম ক'রোনা, গাছ-
তলায় স্থখে থাক ।

নিতাই । তুমি কোথায় যাক ?

বহুধা । কি জানি !

নিতাই । তুমি তো ভারি অভিমানী ।

বহুধা । আমি প্রেমের দায়ে প্রাণ দিয়েছি পায়,
স'পেছি তোমায় প্রাণ-মন-কায় !

নিতাই । তুমি মালা পর । (বহুধার গলায় মালাদান)

বহুধা । আমি কি ধার রাখবো ?—তুমিও মালা
পর ।

(সঙ্গিনীগণের গীত)

সিন্দু-দাদরা ।

হ'রে উত্তরা পরোন! মালা,—

তাড়াতাড়ি পরোন! মালা—পায়ে আঁধা !

ঝাকুল হ'য়ে মুখপানে তোর চায়,

চেয়ে দেখে চায় কি না সে চায়,

কথার কথার মুখপানে তো চায় ;

কাজ নাই তার তো কথার,

জেনেছ—চার সে তোমার,

সে কোঁড়ে কোঁড়ে সদাই বলে—

‘প্রাণ দে আমার সরলা’ !

চতুর্থ দৃশ্য

পথ

কালচাঁদ, রামহরি ও গোবর্দন ।

কালচাঁদ । ওহে, আর দেখছে কি ? জাত-জন্ম আর রইলো না,—ন'দে থেকে পেনিটী এসে নেড়ানেড়ীর ঢেউ লাগলো ।

রামহরি । জ্বালাতন, জ্বালাতন ! কাল খেলের চাঁটিতে একবারও চক্ষু বুজনি ! ন'দেয় ছিল গৌরচাঁদের ঢেউ, এখানে নিতাইচাঁদের হেউ ঢেউ !

কালচাঁদ । এ সব কি হ'চ্ছে জান ? এ বৃন্দাবন লীলা ! কৃষ্ণচন্দ্র মথুরায় গেলেন, বলাইচাঁদ এসে রাস ক'রলেন ।

রামহরি । তা বাবা, এখানে কেন ? বৃন্দাবন তো ন'দেয় প'ড়ে আছে, সেখানে গিয়ে রাসলীলা করুন না ! এখানে যে লোকের ঝি-বৌ বা'র ক'রতে আরম্ভ ক'রেছে ? এই যে, এই যে মোহন চূড়ো বেঁধে বীর বলাই বেরিয়েছেন ।

(নিতাইএর প্রবেশ)

কালচাঁদ । বলাইচাঁদ !—কোন তীর্থে জটা মুড়োলে বাপ ! কোন কোন গোপের বাড়ী রাসলীলা ক'রবে ?

রামহরি । দোহাই বাবা, ভঙ্গপাড়া ছেড়ে ডোমপাড়ায়

সেঁদোও !—কেউ কিছু বলবে না । নাচ', গাও, সিঁকে বাজাও,—ফুৰ্ত্তী কর !—

(নিতাইএর গীত)

মঙ্গল বিভাস—লোকা ।

ফিরে এসেছে, নিতাই,—

নাম নিয়ে বা কিশোরীর দোহাই !

ঠেকে ঝপের দায়, পাড়িয়েছে আমার,

কিশোরীর কণের দায়ে বিকিয়ে গোরী দায়,

নইলে গুরে, ঘারে ঘারে,—

সাধ ক'রে কি নাম বিলাই ।

কালচাঁদ । দোহাই বাপধন ! তোমার অত দানাইয়ে কাজ নেই বাবা ! তুমি পেনিটী থেকে স'রে প'ড় ! দেশ জজাচ্চ—লোকের কুল মজাচ্চ—তোমার একটু হায়া:হয় না হা ?

রামহরি । কত রঙ্গই দেখালে বাবা ! জটা পাকিয়ে ছকার ছাড়লে, এখন টোপর মাথায় দিয়ে বর হ'য়েচো ! মরি, মরি ! হরগুণ, বরগুণ—একত্রে মেশামিশি রে !

[নিতাইএর প্রস্থান ।

বুজুকি দেখেছ,—সাক্ চ'লে গেল, কথাটি কইলে না ।

কালচাঁদ । ভাই, আমার প্রাণের ভেতর কেমন ক'ছে !

রামহরি । ঐ নাও ! তোকেও রোগে ধ'রলে বুঝি ?

কালচাঁদ । ভাবছি, অকুল পাথারে পড়েছি, হরি বলি এস,—নইলে উপায় কি ? হায় হায় !

রামহরি । একটু গড়াগড়ি দাও ! একটু প্রেমে লুটোপুটি খাও !—খানিকটে গাঁজলা তোলা !—আর একটা মেয়ে থাকে, তো বীর বলাইয়ের সঙ্গে বে দাও ।

কালচাঁদ । হরি হরি !

রামহরি । হ্যাঁ হে, ভগ্নম জুড়লে নাকি ?

কালচাঁদ । তুমিও হরি বলনা, এতে দোষ কি ?

রামহরি । তোমার সাত পুরুষকে বলাও বাবা ! ও নেড়ানেড়ীর কারখানায় আমি নেই ।

কালচাঁদ । না হে না, হরি বলতে আর দোষ কি বল ?

রামহরি । ভালা মোর বাপ'রে !—ছকার দাও !—

খোল বাজাও! খুলি ডাকবো কি? তুমি ছিদেম হুবোল একটা হবে নাকি? কি টাঁকটো? চাল মাগ্গি! কানাই বলাই তো স'রে গিয়েচে। এখন তুমি ছিদেম না হুবোল?

কালচাঁদ। আচ্ছা ভাই, আমার যা মনে হ'চ্ছে আমি করি,—তোমার তা'তে ঠাট্টা কেন?

রামহরি। আবা আবা ধবলী রহ!

কালচাঁদ। আচ্ছা ভাই, আমি চল্লম।

রামহরি। কেন ভাই, ব্যাজার কেন? তোমরা কানাই, বলাই, ছিদেম হ'লে, আমি না হয় বাসুদেব হ'য়ে 'আবা আবা ধবলী' ক'রেছি।

কালচাঁদ। আচ্ছা আবা আবা ধবলী না ক'রে, একবার হরি হরি বল দেখি!

রামহরি। তা হ'লে কি হুবোল ক'রে দাও নাকি?

কালচাঁদ। আচ্ছা, তুমি বলই না! বল' বল', হরিবোল—হরিবোল বল'!

রামহরি। না, বাবা! এর ভেতোর কি একটা রকম আছে; বুঝতে পারচি নি! আমারও যে প্রাণটা কেমন কেমন ক'রে উঠচে! এ কি বদ্ব হাওয়া এল দেশে!

(দুইজন জীলোকের প্রবেশ)

১ম জী। আমি আর ঘরে থাকবোনা, আমার যেখানে প্রাণ চায়—যাবো! হা নিতাই! কোথায় তুমি?

২য় জী। ওলো শোন্না, শোন্না! ও আবাগের বেটী, শোন্না! ওরে, জাতকুল ম'জ্বে যে রে?

১ম জী। যাক্ জাত, যাক্ কুল, আমি অকূলে ভাসবো!

২য় জী। বড় ভাল ঠাউরেছি!

১ম জী। তুমি এস, এস! আর কেন মিছে মায়ায় ঘোরো? চল', চল'!—নিতাইচাঁদকে দেখ'বে চল'!

(গোবর্দ্ধনের প্রবেশ)

রামহরি। কিহে, কিহে! তোমারও ভারি বিভাট দেখ'ছি যে? তোমার গিন্নী ছুটে বেরিয়েছেন যে?—

গোবর্দ্ধন। আরে, সর্কনাশ হ'লো ভাই—সর্কনাশ হ'লো!

কালচাঁদ। সর্কনাশ কেন ভাব'চো?—আমি বুঝতে পেরেচি, নিতাই সামান্য নন! জীবের উদ্ধারের জ্ঞাত এসেছেন।

রামহরি। তোমারও গিন্নীকে ডাকবো না কি? পেনিটীতে বুদ্ধি আমরা ব্রজের বালক, আর ঠাক্করণা সব গোপিনী? ওগো ঠাক্করণ! তুমি ললিতা, না বিশখা?

১ম জী। কোথায়, কোথায় তিনি? আমায় ছেড়ে দাও!

গোবর্দ্ধন। তুই কি একটা ঢলাঢলি ক'রবি?

১ম জী। আমায় ছেড়ে দাও—ছেড়ে দাও! আমার প্রাণ ব্যাকুল হয়েচে, কেন আমায় ধোরে রাখ'চো! আমার প্রাণ নিতাইচাঁদের কাছে গিয়েচে! আমার দেহ ধ'রে রেখে কি ক'রবে?

গোবর্দ্ধন। তবে যা, চুলোয় যা!

[জীলোকদ্বয়ের প্রস্থান।]

ভায়া, হ'লো আর কি? ওরে ও আবাগের বেটী! ফের, ফের!—কোলের ছেলেটার মুখপানে চা'!

১ম জী। (নেপথ্যে) হা নিতাই—হা নিতাই!

রামহরি। কেমন চাঁদ! ব'লেছিলুম, লোকের জাত-কুল রাখা ভার হবে,—এ'ন দেখলে?

কালচাঁদ। নিতাই! নিতাই! হরিবোল—হরিবোল!

গোবর্দ্ধন। তোমার ব্যাপারখানা কি? তুমি যে তাই, তাই, তাই, নিতাই নিতাই ক'চ্!

রামহরি। থোকার ভাব লেগেছে গো!

কালচাঁদ। হরি বল! হরি বল! নিতাই! নিতাই!

রামহরি। আহা! বাছা বাচ্বে না গো, বাচ্বে না! বাচ্বার লক্ষণ কই? মুখে জল দাও! অস্তে গন্ধানারায়ণ ব্রহ্ম!

কালচাঁদ। নিতাই! নিতাই!

রামহরি। আহা! বাছা কি আমায় আবোল তাবোল খ'লছে গো! বাছার কি হ'লো গো! হরি বল! হরি

বল'! হরি বল'! হরি বল'! একি এ যাহু বাবা,
যাহু! এ হরিনাম নয়—যাহু!

গোবর্দ্ধন। কি যাহু, তোমাকেও যাহু ক'লে নাকি?

রামহরি। হরি বল' বাবা, হরি বল'! এ বাবা,
বুঝতে পাচ্চিনি! এ কি বুলি বাবা? হরি বল', হরি
বল'! এ যে ছাড়ে না হে? হরি বল'—হরি বল'!

গোবর্দ্ধন। না বাবা—স'রে পড়ি; এ বাবা কি
ডাইনের মস্তুর! ও যে শোনে—সেই বলে! কাজ নেই
বাবা—স'রে পড়ি। যাক গিন্নী—বেঁচে থাকলে অমন
গিন্নী অনেক পাব।

[প্রস্থান।

রামহরি। ওহে, ওহে—কি ভাবছে? কি ভাবছে?

হরি বল', হরি বল'!

কালীচাঁদ। হরি বল, হরি বল

[সকলের প্রস্থান।

দ্বিতীয় অঙ্ক

প্রথম দৃশ্য

গ্রাম্য পথ

নিতাই উপবিষ্ট।

(গ্রাম্য বালিকাগণের প্রবেশ)

(বালিকাগণের গীত)

মল্লার—একতালা।

তুমি কেহে ব'সে,—

মনতো নয় আপন বশে।

কে জানে তোমার কথায় কেন গ্রাণ রসে!

তোমায় কিহে প্রেম পরশে,

থাক কিহে আপন বশে,

অবশ মন তো প্রেমের পরশে;—

হিলেবা কি আপন বশে,

প্রাণ চলেছ কি অবশে!

(উদ্ধারণ দত্তের প্রবেশ)

উদ্ধারণ। ঠাকুড়, কুপা ক'ড়ে আমাড় ঘড়ে চড়ণ

দেবে কি? ঠাকুড়, আমাড় দোতলাড় রকেড় ওপড়
ঘড়! খালি গিন্নী থাকে আড় আমি থাকি, আমাড় ঘড়ে
নাইকো পড়; জন, জামাই, ভাগনা—তিন নয়কো আপনা!
তাই কাছে এলে বলি—সড়, সড়; একটী গোড়,
আছে, তাড় জন্তে আমি আপনি কাটি খর। তাই ঘাটে
মাঠে, ঘাস ছি'রি চরু চরু! তুমি আমায় পড় ভেবোনা,
তুমি আমাড় ঘড়ে এস না! গিন্নী ভাড়ি ভালবাসবে!
আড় দু'তিন দিন ছানা মাখন যা পাড়', খুব ঠাসবে,—
তাড়পড় যেও চ'লে! গিন্নী যদি কিছু বলে, তা মনে
ক'ড়োনা,—মেয়ে মানবের কথা গায়ে মেখো না; তোমাড়
কোথায় ঘড়? এ পানিহাটী, এখানে সব আঁটি সাঁটি,
জেনো হেতায় সবাই পড়।

নিতাই। এই যে তুমি আমার আপনার।

উদ্ধারণ। কি ক'ড়বো আড়! নি একদিন তোমাড়
ভাড়। ছিল বাবাড় পড়িবাড়, মাসে টাকা দশেক প'ড়তো
তাড়; এখন তো আড় সে নেই, তোমাড় এক সাঁজের
ভাত দেব; আড় দিন দু'য়েক যদি থাক, এই এই সেও
সই! খাবে দাবে, না হয় দুদিন সই।

নিতাই। দেখ, আমি ছানা চিনি খাব'।

উদ্ধারণ। বাপুড়ে বাপ! কোথায় পাব'?

নিতাই। আমি ক্ষীর ভালবাসি।

উদ্ধারণ। তোড়ে দেব একটু, গিন্নী দুধ ক'ড়েছে
বাসি।

নিতাই। দেখ, তোমাদের টানাটানি, আমি আর
যাবনা।

(উদ্ধারণের গীত)

ঝি'ঝিট—দাদরা।

আমাধেড় চিড়দিন টানাটানি,—

কে জানে মন গ'লেছে হেড়ে ভোড় বধন ধানি!

কেবল নিউনকর রেড় থাকি, জান হ'য়েছে অকা,

মনে কড়ি হুথ পাব—তায় পেরেছি বকা;

তুই আয়না ঘড়ে দু'দিন না হয়—

খাওগাব, তার কি হানি।

[উভয়ের প্রস্থান এবং পশ্চাৎ পশ্চাৎ বালিকাগণের

হরিবোল বলিতে বলিতে প্রস্থান

দ্বিতীয় দৃশ্য

উদ্ধারণের বাটী

কমলা আসীন।

(উদ্ধারণ ও নিতাইএর প্রবেশ)

উদ্ধারণ। আমি খেতে দোবনা, দেখে যাস্তো যা!

একগাল চিরে মুব্বী খা!

নিতাই। আমবু ব্যাটা বেণে।—

কমলা। হ্যাঁগা, তুমি কেমন তারা নোক গা? সেই সকাল ব্যালা থেকে বেরিয়েছ—আর এতক্ষণে বাড়ী ঢুকলে?

উদ্ধারণ। আড়ে কৈপি, ডাগ কড়িস কেনে?

কমলা। রাগ কি আর সাধে হয়? তোমার আকলটা কি, তাই দেখছি; ব্যালা আড়াই প্রহর উত্রে গেল, এখন পর্যন্ত তোমার নাওয়া-খাওয়া হ'লোনা! বাড়ী থেকে একবার বেরুলে ত আর আসতে চাও না!

উদ্ধারণ। ওড়ে তোড় পায়ে পড়ি, ক'ড়েছি ভাড়ি ঝকুমাড়ি! এমন কন্নটি আড় হবে না। এখন তুই যা, আড় ঝাখ্—ঝাখ্, আমি ভাল হ'য়েচি, ওকে ঘড়ে এনেচি;—ওড়ে পুষ্টি পুতুড় ক'ড়বো—ক'ড়েছি মনে। হ্যাঁড়ে, হ্যাঁড়ে—তুই বে ক'ড়বি?

নিতাই। আমি যে অবধূত,—বে কে দেবে?

উদ্ধারণ। দ্যাখ,—ছুটো দাম্বাল ছুঁরী আছে,—আছে গিল্লিড় কাছে; তোকে তাদেড় ভাড়ি পছন্দ, তুই ক'ড়িস নি সন্দ! বে ক'ড়ে তুই থাকুনা আমাদেড় ঘড়ে। দ্যাখ—কড়ি দুপাঁচসিকে, কেন থাকে পড়ে?

নিতাই। তুমি আমার বে দেবে?

উদ্ধারণ। তুই বে কড়বি?

নিতাই। তুমি আমার বাবা! বে দাও তো ক'রবো।

উদ্ধারণ। ও গিল্লি, এদিকে আয়, এদিকে আয়! আমোদে আজ মড়বো! আয়, চ'লে আয়! বাজনদাড়েড়া যেন খুব বাজায়! ছেঁরা শালখানা ফেলে দিস তাদেড় মাথায়! ঝাড় ঝাখ্, তুই পাট খুলে, পড় কালাপেরে তুলে; গেড়োষাড়ী ছেলেড় মা আজ হ'! স', প্রাণে যত সয়—স'!

কড় খড়চ! দেখছি ক'ড়োচ; এই হাজাড় টাকা এখন দেব ঝেরে;—ভেরের ভেরে বাপ ব'লেছে! কেড়ে ব্যাটা তুই কেড়ে? গিল্লি! যাও, শিগুগিড় যাও! তোমাড় মেয়েকে সাজিয়ে-গুজিয়ে নিয়ে এস! ওড়ে! আয়তো! আয়তো—আমাড় মনেড় কথা একটা আছে! তোড়ে এমন ভাল দোয় না! ওড়ে মাগী, তুই যে বলিস—ভাল সাজাতে পাড়িস, কই দেখিদিদি কেমন সাজাস! বেশী খড়চ কড়িস নি, অল্প সল্প খড়চে সাড়িস!

[উদ্ধারণ, কমলা ও নিতাইএর প্রস্থান।

(জাহুবী ও সখিগণের প্রবেশ)

(সখিগণের গীত)

খায়াজমিশ্র—থেম্টা।

প্রাণ না বিকার, তুই স'লে থাকিস সই,—

রসময় ঝাড়িয়ে আছে ওই!

পরকে দিতে প্রাণ কি বল চার,

যেন সই ডাকছে লো আমাচ,

প্রাণ তো স'পেছে মন-কার,

বলি বা না বলি আমার,

আমিতো আর আমার নই।

১ম সখী। দেখ দেখ—তং দেখ! ঝাড়িয়ে আছে, আসবে না;—আয়তো ধ'রে আনি!

(সখিগণের প্রস্থান ও নিতাইকে লইয়া পুনঃ প্রবেশ)

(জাহুবীর গীত)

দেশ—ঠুংরী।

পর'হে মালা, তুমি ভুলাও অবলা,

অবলায় দিওনা জাল!!

অবধূত কেন সম্রাসী,—

তোমার হেরি মুখে প্রেমমহর হাসি,

প্রেমভরা হে তুমি বিলাসী,

বধি হল থাকে তোমার, কি কাজে কর ছলা?

সম্রাসী শ্রাসী কি, ভুলাতে কুলবালা!

নিতাই। আমি সম্রাসী, সম্রাসীর গলায় মালা দিয়ে লাভ কি? এই নাও, তোমার মালা তুমি ফিরিয়ে নাও।

(জাহুবীর মালার পরিবর্তে নিজের মালা দান।)

জাহুবী। মালার বদলে মালা দিলে, কিন্তু মালার

সঙ্গে আর একটা জিনিষ নিয়েচ—কই সেটীর বদলে কিছু দিলে না?

নিতাই। তোমাকে দেবার মত আমার আর কি আছে? আমার যা ছিল, তা'ত তোমাকে দিয়েছি।

জাহ্নবী। আচ্ছা, তোমরা কি সোজা পথে চ'লতে কখনও শেখ নাই?

নিতাই। আমার আবার বাঁকা পথ কোথায় দেখলে? যাদের মন সর্বদা সন্দেহের দোলনায় দুলচে, তারা আমাদের সোজা কথা সহজে বুঝবে কি ক'রে?

জাহ্নবী। তোমার কথার এত মারপেঁচ কি ক'রে বুঝব বল? জীজ্ঞাতি সহজেই বুদ্ধিহীন। দয়া ক'রে দাসী ব'লে পায়ে স্থান দিবে কি?

নিতাই। আমি তোমার ঐ অল্পরোধটি রাখতে সম্পূর্ণ অপরক। যাকে প্রাণে স্থান দিয়েছি, তাকে পায়ে স্থান দিব কি ক'রে?

জাহ্নবী। দাসী কি প্রাণে স্থান পাবার যোগ্য?

নিতাই। যোগ্য না হ'লে কি কেউ স্থান দেয়?

১ম সখী। তোমাদের ত দেনা-পাওনা আপোষে মিটল'। এখন আমাদের পাওনাটা আমাদের দিলেই যে সব গোল মিটে যায়।

নিতাই। তোমাদের পাওনা কি বল? প্রাণ দিতে রাজি আছি, যদি তোমরা তাতে স্থখী হও—নাও।

২য় সখী। না ভাই, আমাদের প্রাণে এখনও অতটুকু স্ক' তোকে নি। আর ওরকম রোদ-জল-থেকো সম্মাদীর পল্কা প্রাণ নিয়ে আমরা কি ক'রব বল! আর এক কথা,—তুমি কার প্রাণ কাকে দেবে? তোমার প্রাণে কি এখন আর তোমার কিছু অধিকার আছে, যে তুমি যাকে তাকে প্রাণ দিতে চাচ্?

১ম সখী। তোমার ক'টি প্রাণ? তোমার কি প্রাণের ব্যবসা আছে না কি?

জাহ্নবী। দেখ্' না, দেশের লোকের প্রাণ নিয়ে ঘুরে বেড়াচ্ছেন।

২য় সখী। ব্যবসা ক'রলেই লাভ-লোকসান হয়, তোমার এ ব্যবসায় লাভ না লোকসান?

নিতাই। ব্যবসার লাভ-লোকসান খোদ্বের হাতে। খোদ্বের যদি দয়া ক'রে না ঠকায়,—তাহ'লেই লাভ।

১ম সখী। আজ পর্যন্ত কি কোথাও ঠ'কেছ?

নিতাই। প্রায় সব জায়গায়।

২য় সখী। এ ব্যবসা কতদিন আরম্ভ ক'রেচ?

নিতাই। জন্মে থেকে।

১ম সখী। তাহ'লে আপনি একজন পাকা ব্যবসাদার।

জাহ্নবী। বাবা আসচেন, চূপ কর।

(উদ্ধারণ ও কমলার প্রবেশ)

উদ্ধারণ। ওড়ে জাখ্ জাখ্—দেখে জীবন সাড়'থক কড়।

কমলা। ই্যাগা, বে'ত হ'ল,—পাড়া-প্রতিবেশী পাঁচ জনকে নেমন্তন্ন ক'রবে না?

উদ্ধারণ। ওড়ে মিছে খড়চ ক'ড়ে কি হবে? চূপি চূপি সেড়ে নে, এখুনি আবাড় বাজানদাড়ে! আসবে।

কমলা। তোমার যেমন কথা,—এমন সোণারচাঁদ জামাই হ'লো। পাড়ার পাঁচজনকে এনে দেখাব না? তুমি খরচ না কর—আমি টাকা দেব'; তুমি সব জোগাড় ক'রে দাও।

উদ্ধারণ। তোড় যেমন বুদ্ধি, ওড়ে তোড় টাকা আড় আমাড় টাকা কি আলাদা? ওড়ে চূপ চূপ, ঐ কাড়া আসচে! এখন টাকা বাড় কড়? কড় খড়চ—আমাড় ত এক কড়া কড়িও নেই।

কমলা। তুমি চূপ কর, তুমি না দাও—আমি দেব'। টাকাকড়ি কি সঙ্গে যাবে নাকি, যে এত ক'রে না খেয়ে না দিয়ে পুঁজি ক'রে রাখ্চ?

উদ্ধারণ। তোড় যা ইচ্ছে কড়; আমি কিছু জানিনে।

কমলা। না, তোমাকে কিছু জানতে হবে না।

(হিজড়াগণের প্রবেশ ও গীত)

পিলু পাহাড়ী—কাহারুবা।

এমন মনের মতন কার আছে জামাই লো,—

হ'লে চ'খে চ'খে লাজে বদন কিয়ার লো।

চায় বদন তুলে, প্রাণ যায় লো গ'লে,

সে যে কোলের ছেলে,—কি যেন আমার বল,

আমি দ'রতে নাথি, কাছে থাকি জো তাই লো।

১ম হিজড়া। কর্তাবাবু, এমন সোণারচাঁদ জামাই পেয়েচ, আজ খুসি ক'রে বিদেয় কর।

২য় হিজড়া। আজ একখানা শাল না নিয়ে ছাড়িচি নি।

উদ্ধারণ। খড়চ ক'ড়বি যে, কই খড়চ কড়না? টাকা বাড় কড় না—ওড়া যা চায়, দে না?

কমলা। তা দেব নয়ত কি? তুমি চুপ কর।

উদ্ধারণ। আমি চুপ কড়েচি; এখনও আমাড কথা শোন, পয়সা ছু'চাড় আনা দে, দিয়ে বিদেয় কড়। তা না হ'লে শেষে প'রবি ভাড়ি ফেড়ে।

কমলা। (হস্ত হইতে স্বর্ণবালা খুলিয়া হিজড়াদিগকে প্রদান)

উদ্ধারণ। ওড়ে তুই কড়লি কি? সোণাড় বালটা ওদেড দিলি? তুই ত ভাড়ি বেকুব। আচ্ছা, দিয়েচিস্ বেষ কড়েছিস্; এখন কি-জামাই নিয়ে ঘড়েড ভেতড় চল্। ঐ ওড় খিদি পেয়েচে—ও ক্ষীড় খাবে ব'লেছিল।

[একদিক দিয়া হিজড়াগণের গান করিতে করিতে ও অত্রদিক দিয়া উদ্ধারণ, কমলা প্রভৃতির প্রস্থান।]

—

তৃতীয় দৃশ্য

যমপুরী

যম ও গৌরান্দ।

গৌরান্দ। তুমি আমায় কোথায় নিয়ে এলে? কি চাও?

যম। সিংহাসনে বসুন।

গৌরান্দ। কি চাও? কেন এখানে আমায় আনলে?

যম। ঠাকুর, তোমার স্বর্গ, মর্ত, রসাতলের ভার সবাইকে দিয়েছ, নরকের ভার আমার উপর। কিন্তু তুমি বারবার অবতার হ'লে আমার অধিকার কোথায় থাকবে? যেখানে তোমার ভক্তের গায়ের হাওয়া চ'লবে, সেখানকার চার ক্রোশের জীব উদ্ধার হবে।

গৌরান্দ। তুমি ভেবোনা, এত সোজা, তবু লোক অবিশ্বাস ক'রবে। আমার নাম নিয়ে ত'রবে, তবু লোকে অবিশ্বাস ক'রবে। যম, তুমি জাননা, কলির জীবের তারি নন্দেহু, তাই বারবার অবতার হবো,—কলির জীবকে

বোঝাব,—‘ঋণ, তোদের জন্ত মরি,—একবার নাম ক'লে ত'রিস, তা কেন না ক'রিস্?’

যম। ঠাকুর, কেন তুমি অবতার হও? তোমার ইচ্ছায় তো সকলি হয়।

গৌরান্দ। কি হ'য়েছে, কি হয়? আমি ব্রহ্মময় লোকে মায়া নিয়ে করে হযকে নয়।

যম। ঠাকুর, তোমার আবার কিসের মায়া?

গৌরান্দ। মায়া ব'লে মায়া থাকেনা। কর আমার ভজনা,—কিছু জাস্তে চেওনা, মায়ার মোহ বুঝেও বোঝনা? আমি তোমার, তুমি হও হে আমার, তোমার তরে নাম নিয়ে ফিরি দ্বারে দ্বার। যম, তুমি নিশ্চিন্ত হও। অবিধাসী কলির জীব সকলেই তোমার শাসনাধীন হবে।

[গৌরান্দের প্রস্থান।]

(যমদূতগণের প্রবেশ ও গীত)

মিশ্র—কাহাবুবা।

আমি চেপে ধ'রবো কার হাড়ে,—

ক'য়ত ক'য়ত মারবো লাথি—

লাগবে তার হাড়ে হাড়ে।

কোন শালা অরে মরেছে,

ওলাউঠায় কেউ বা এয়েচে,

বসন্তের ছটকটানি কেউ বা জ'লেছে,

জ্বালার চোটে সে তো এসেছে;

আগুনে কেউ পুড়েছে,

জলে ডুবে কেউ ম'রেছে,

কেউ আপ'নার হাতে আপ'নি ম'রে—

ভূত হ'য়ে এসে হাঁপ ছাড়ে।

[সকলের প্রস্থান।]

ক্রোড় অঙ্ক

স্বৰ্গ

বিদ্যাধরীগণ ।

(গীত)

সিন্ধু-পান্ডাজ - তৃংরি ।

ধরাত্তে বলে—পাপের ভার ।

বধি মন বুঝে দেখ, বল পাপ র'য়েছে বার ?

হই বিদ্যাধরী, কিরি নলনে,

কে আমারে চায় লো নগনে,

মন হয় বা না হয় চাই তার পানে ;

হাসে জটাধরী ব্রহ্মচারী—

আশে কি সর মোরা নারী,

শুমোর করে ব্রহ্মচারী—জারি তার ভারি ;

কাছে না এনে ঘের শাপ,

বিদ্যাধরী কি স্বহৃদ্যারী একি পরিতাপ,

কইতে নারি হেরের কথা,

পাপ কি আছে অধিক আর !

— — —

তৃতীয় অঙ্ক

— . —

প্রথম দৃশ্য

নদীয়া—পার্শ্বস্থিত বন

(রঘো, তেরো ও ভীমে ডাকাতের প্রবেশ)

তেরো । রঘো জ্যাঠা, ধন্তি তোর লাঠির জোর বাপু !
লোকটার মাথায় ঠেকাতে না ঠেকাতে মাথাটা ছুঁফাঁক
হ'য়ে গেল !

ভীমে । রঘো জ্যাঠার লাঠি পড়বার আগে, আমি যে
শালার গোছে আড়পাবড়া মেরেছিলুম, তাতেই শালা জখম
হ'য়েছিল ।

রঘো । লোকটা কিন্তু খুব জোয়ান ব'লতে হবে ।

বেটাকে কায়দা করবার জন্তে কতবার চেষ্টা ক'রেছি ;
শালা সব ঘাঁটা এড়িয়ে এসে শেষকালে সাঁকোর ধারে
ম'লো ।

তেরো । আগে থেকে কিছু টের পেয়েছিল বোধ
হয় ?

ভীমে । শালার এই পোটলাটায় কি আছে খোলনা—
দেখা যাক ; বড্ড ভারি ঠেকচে যে রে ?

রঘো । আর রাত নাইকো, পূর্ব দিকে শুক তারা
উঠেছে, সন্টারেরও ফেরবার সময় হ'য়েছে । সন্টার এলেই
সবাইকার কাছে খুলবো এখন । তা না হ'লে তারা আবার
কিছু মনে ক'রবে ।

ভীমে । সন্টার আজ নিজে যখন বেরিয়েচে, তখন
মোটা গোছ কিছু না নিয়ে ফিরবে না কো ।

রঘো । যে জায়গায় গেছে, তাতে ত মোটা গোছ
হবারই কথা । শুনেছি খুব শাস আছে ।

তেরো । সন্টার আজ কোথা গেল—তুই ব'লবি বলি,
কই বলি নে কো ?

রঘো । তারা আজ হেরলি পণ্ডিতের বাড়ীতে প'ড়বে
ব'লে গেছে ।

তেরো । ওরে হেরলি পণ্ডিতের আবার কি আছে ?
তার কি লেবে রে ? সন্টার বেছে বেছে আর নোক পেলেনা
বুঝি, তাই ছুঁচো মেরে হাত গন্ধ ক'রতে গেল ? আমি
আগে জানলে সন্টারকে বারণ ক'রতুম ।

রঘো । হেরলি পণ্ডিতের কিছু নেই সত্যি, কিন্তু
তার ঘরে আজ কাল লিতাই ঠাকুর এসেছে,—তার অনেক
আছে ।

ভীমে । লিতাই ঠাকুর আবার নদেতে কে এল ?

রঘো । ওরে সেই যে গৌর লিতাই ছুই ভাই, সেই
লিতাই ।

তেরো । সন্টার খেপেছে রে খেপেচে ! ওরে তার
আবার কি ধন-দৌলত দেখলে যে, তার ওখানে গেল ?
মিছে কন্মভোগ হবে আর কি !

রঘো । তো' শালারা তো সবই খবর রাখিস, মিছে
বকিস নে, যা ! ওরে আর সে গেরিমাটা দিয়ে কাপড়
ছোবান—খোল-বাজান লিতাই নাই ! এখন শালা খুব
বাবু হ'য়েচে । গায়ে, নাহ'লে খুব কম তো কম পাঁচ ছয়
হাজার টাকার গয়না দিন রাত থাকে ।

ভীমে । বেটা ছেলে, গয়না পরে কি রে ? তুই যে হাঁসালি !

রঘো । শালা ছেলেবেলা কেতন ক'রে—মাল্সা ভোগ মেয়ে ঘুরে বেড়াত', এখন মেয়ে মানুষের মতন গয়না প'রে সৰু মিটিয়ে লিচ্ছে । শালা এখন খুব বাবু রে—খুব বাবু । বড় বড় জমীদার তার কাছে কোথা লাগে ? সে মাল্সা ভোগ আর নেই ; রোজ ঘন দুধের বাটা আর খাবা খাবা চিনি না হ'লে খাওয়া হয় না । গদি না হ'লে ঘুম হয় না । শালার সব ভিটুকেনামি ; শালা আবার ছ'টো বিয়ে ক'রেচে !

ভীমে । ছ'টো বিয়ে ক'রেছে কি রে ?

রঘো । আপেকার মাগটা ম'রে গেচে, ফের আর একটা বিয়ে ক'রেচে । ঐ রে, ঐ বুঝি সন্দার আসচে ।

(বামাচরণ সন্দার, উদো, দয়লা, ভৈরবা, বেহারে প্রভৃতি ডাকাতগণের প্রবেশ)

উদো । তুই শালাই তো ঘুমিয়ে প'ড়ে সব মাটি ক'লি !

দয়লা । তুই শালা তো খুব জেগেছিলি !

বেহারে । আপনার দোষ কোন শালা দেখে নাকো ।

ভৈরবা । তোরা ঘুম'বার পরও আমি অনেকক্ষণ জেগেছিলুম ; তারপর কখন যে ঘুমিয়ে প'ড়েচি—কিছু ঠিক নেই ।

বামাচরণ । তোরা আপুনা আপনি ঝগড়া ক'রে আর কি ক'রবি ? আজ না হয় ফিরেচি—কাল তো আর ঘুমবি নে । আর আজ ফেরবার অনেক কারণ আছে । অত বড় একটা কাজে বেরোলুম, মা কালীর পূজা দিয়ে যাওয়া হয় নি । মা জগদম্বাই এই সব করিয়েচেন । আজ দিনের বেলা থেকে সব যোগাড় কর ; রাত্রে জোড়া পাঠা আর ছ'কলসী মদ দিয়ে মায়ের পূজা ক'রে বেরোন' যাবে ।

সকলে । হ্যাঁ হ্যাঁ, সেই কথাই ভাল ।

বামাচরণ । কিরে রঘো ! তোরা তো আলাদা গেছিলি ; তোদের খবর কি ?

রঘো । সন্দার, তুমি এদিন এই কাজটা ক'র, এখনও তোমার আকল হ'লো না । ও শালাদিকে

দিয়ে কখন কিছু হাঁসিল হ'য়েচে—যে আজ হবে ? তবে যা ব'লে, মা কালীর পূজাটা না ক'রে, অত বড় একটা কাজে এগুন' ভাল হয় নি । রেষতের বেলা মা কালীর পূজা ক'রে, আমরাও তোমার সঙ্গে যাবো । আমি সঙ্গে থাকলে কোন শালাকে আর ঘুমতে হবে না । যে শালা ঘুমবে, সেইখানেই সে শালাকে রেখে আসবো । আচ্ছা সন্দার, এরা না হয় ঘুমিয়েছিল', তুমিই কেন এদের হুঁস ক'রে দিলে না ?

বামাচরণ । রঘো, আমিই কি আর জেগেছিলুম রে ? কেমন একটা নিদেটা লেগে গেল, কিছু ঠাওরাতে পারলুম না ।

রঘো । তুমিও ঘুমিয়েছিলে ? তবে আর ওদের দোষ দিলে কি হবে !—এখন আমরা যেটার পেছা নিয়ে-ছিলুম, তার কাছে এই গাটরীটে ছিল ; যা আছে—আজ ভাগ ক'রবে, কি কাল এক সঙ্গে ভাগ ক'রবে দেখ ।

বামাচরণ । সকাল হয়ে গেচে, ওটা তবে আজ ঐ বনের ভেতর কোথাও রেখে চল ; কাল এক সঙ্গেই হবে ।

[বনের মধ্যে গাটরী রাখিয়া সকলের প্রস্থান ।

দ্বিতীয় দৃশ্য

নদীয়া

গ্রাম্যপথ—বৃক্ষতল

বিষ্ণুপ্রিয়া, শচী, নিতাই ও প্রতিবেশীগণ ।

বিষ্ণুপ্রিয়া । প্রভু ! আমার প্রাণ বড় ব্যাকুল হ'য়েছে ! তুমি কি জাননা,—তোমার অদর্শন যে এক-তিল আমার যুগ ব'লে বোধ হয় ! আমার চক্ষের ধারা কি তুমি দেখতে পাচ্ছ না ? আমি যে দশ দিক শূন্য দেখছি ; তোমার বিরহ আর আমি কতদিন সহ্য ক'রবো ? এলেনা, এলেনা ? এখনও এলেনা ? তবে প্রবঞ্চনা ক'রে কেন আমার প্রাণ রাখতে ব'লেছ ?' ছি ! ছি ! প্রাণ কি কঠিন ! মা এসেছেন, ঠাকুর এসেছেন,

আর কেন? আমার অন্তর্জলি কর! কই প্রভু, তুমি এলে? তুমি যে তারে ছেড়ে একদণ্ড থাক'না! তিনি কোথায়, আমার দেখাও! নাথ, আর নিষ্ঠুর হ'ওনা, দিন ব'য়ে গেল—প্রাণ র'য়ে গেল; ছি ছি! কি লাজনা! এই যে, এই যে আমার প্রাণনাথ এসেছেন, এই যে আমার হৃদ্পদ্ম বিকাশ হ'চ্ছে, এই যে, এই যে!

(বৃক্ষাভ্যন্তর হইতে গৌরাক্ষের আবির্ভাব)

(গৌরাক্ষের গীত)

রামকেলী মিশ্রিত কীর্তন—লোকা।

ডেকোনা আর আমার,—
দীনের দ্বারে এসেছি ধরায়।
পাপীর তরে প্রাণ আমার কাঁধে,
পাপী পাপ ক'রে বাঁধে,
পাপীর পায়ে বিকিয়েছি মাখে;
প্রাণ কাঁধে পাপীর তরে,
ঠেকেছি রে ভারি দায়।
নিতাই এসেছে ধরায়—
পাপীর তরে বিকিয়ে নিতাই যায়।

১ম প্রতি। তুমি এমনি দয়াময়ই বটে, তোমার দয়ার তুলনা কে পায়? তুমি যারে চাও, সে তোমারে চায় না;—আবার মজার কথা, যোগী ঋষি খুঁজে তোমায় পায় না।

গৌরাক্ষ। কি ক'রবো বল! কি ক'রতে চাও বল? সকলে মায়া নিয়ে আসে, তারা জীবন রাখে মায়ার বশে; যখন মনে করি মায়া, মায়া আমার ধরে পা, কি নিয়ে থাক'বো বল? এসেছি দয়ায়, পড়েছি দয়ার মায়ায়,—এই মায়াটি আমি রাখ'বো। আমি বারে বারে দেখ'বো, জীব যেন মায়া কাটায়। কি বল'বো তোমায়, আপনি বাঁধা গেছি দয়ার মায়ায়। আমি জীবকে ভালবাসি, আমি তাইতো আসি; নইলে সংসারে কেউ আসে? দেখে মায়ার সংসার, প্রাণ কাদে আমার, বারবার এসেছি—আবার আস'বো! আমি খেলতে খেলতে ভুলেছি,—ফের আবার খেলা ক'রবো। মায়া আমার সঙ্গে টকোর দেয়? আর বল'বো কায়!—আমি দেহ ধ'রেছি দয়ায়, যাতে মায়া ফুরিয়ে যায়; তাই আমার

প্রাণ চায়,—যদি হরিনাম কেউ বিলায়, আমি এড়িয়ে যাই ঋণের দায়।

নিতাই। হরিনাম আমি বিলাব, তোমরা আমার সঙ্গে থাক'বে?

২য় প্রতি। নিতাই, কি বল'বো?

নিতাই। বল'বে—কল' হরি, ভবের তরী, হরি ভবের কাণ্ডারী,—বল' হরি, সে নাম নিয়েছে হরি, বলে জগতের পাপ তাপ হরি, একবার প্রাণভ'রে বল হরি হরি! বিশ্বাস করিস—তোর পায়ে ধরি, বল' হরি হরি! গোপীর কাছে ছিল ছল, গোপী ভালবাসতো,—ভালবাসায় হরি বশ হ'তো; তবু একটু ক'রে ছল কল, প্রেমে চায় ছল ছুতো; কিন্তু একবার হরি বল, হরি হবে বিকল, সে অতি সরল; কোল দিয়ে তোরে ভবসমুদ্র তরাবে, হরি-তরী নিয়ে ফেরে ভব-সাগর ব'য়ে, হরি তোর সকল পাপ নেবে, একবার হরি বল, হরি তোরে হৃদয়-মাঝে ধ'রবে।

সকলে। বল হরি, হরিবোল হরি!

[সকলের প্রস্থান।]

তৃতীয় দৃশ্য

হিরণ্য পণ্ডিতের বাটীর সম্মুখ

বামাচরণ সন্দার, রঘো, ভীমে, দয়লা, বেহারে প্রভৃতি
ডাকাতগণ।

বামাচরণ। জয় কালি!—খুব হ'সিয়ার!

রঘো। কই, কোন্ বাড়ী?

বামা। ঐ সামনের বাড়ী। বাড়ীর সদর দিয়ে যাওয়া হবে না, পেছন দিয়ে ঢুকি চল। খুব হ'সিয়ার!

রঘো। সন্ধ্যার যাবার দরকার নেই; তোরা আট জন ঘাটী আগ'লা, আমরা যাই। তেমন তেমন বুঝি, তোদের ডাক'বো। মশালগুলো ঠিক আছে তো?

ভীমে। সব ঠিক। মায়ের নাম ক'রে যখন আজ বেরিয়েছি, তখন আর ভয় কি?

রঘো। তো' শালারা আবার সে দিনের মতন এখুনি ঘুমিয়ে প'ড়বি। ঐ মশালের তেল খানিকটে খানিকটে

চোকে দে—ঘুম ছেড়ে যাক। আমাদেরও খানিকটে দে।
সদ্য, তুমিও খানিকটে তেল চোকে দাও, কি জানি—
যদি ঘুমিয়ে পড়'।

বামাচরণ। আজ আর চোকে তেল দিতে হবে না;
আজ আর ঘুম' না—ভয় নেই।

রঘো। সদ্য, তুমি বোঝ' না; আমার কথাটাই
শোন না ছাই! তেল দাও না—ঘুম ছেড়ে যাবে। আর
ঘুম না ধরে থাকে, চোক থেকে খানিকটে জল কেটে
গেলেও ভাল,—চোক সফ' হবে এখন।

(সকলের চক্ষে তৈল প্রদান ও অন্ধ হইয়া ইতস্ততঃ
ভ্রমণ)

বামাচরণ। ওরে রঘো, একি হ'লো রে! এ যে
চোকে কিছু দেখতে পাচ্চিনে!—ওরে শালা, জ'লে ম'লুম
যে—জ'লে ম'লুম, জ'লে ম'লুম!

রঘো। কোন্ শালা তেল এনেছিলি রে? তেলে
লঙ্কাবাঁটা কোন্ শালা মিশিয়েচিস বল? শালারা এই
কি মস্তর ক'ব্বার সময়? ওঃ বড় জ'লচে যে রে!

বামাচরণ। ওরে কি হ'লো রে! ওরে তোরা কে
কোথায় রে! চোকে যে কিছুই দেখতে পাচ্চি নে। জ'লে
ম'লুম—জ'লে ম'লুম—বাপ্ বাপ্—পর্যণ বেরিয়ে যায় যে
রে? তোরা কেউ একটু জল এনে দিতে পারিস? বড়
তেষ্টা পেয়েচে।

ভীমে। সদ্য, তুমি কোথা? আর চুরিতে কাজ
নেই, এবারে প্রাণটা বাঁচিয়ে মা কালীর ইচ্ছে যেরে
যেতে পাল্লো ভাগ'ি ব'লে মানি।

রঘো। সদ্য, ঐ কার পায়ের আওয়াজ পাচ্চি,—
সকাল হ'য়ে গেল বুঝি? কারা কথা কইতে কইতে এই
দিকেই আস্চে! এইবার ধ'ল্লো রে—বাবা রে—গেলুম
রে! মলুম রে!

(ভয়ে সকলের ইতস্ততঃ ধাবন)

(হিরণ্য পণ্ডিত ও নিতাইএর প্রবেশ)

হিরণ্য। এরা কারা? একি! এরা যে ডাকাত! এরা
এখানে কেন?

নিতাই। ডাকাতি ক'রতে এসেছিল।

হিরণ্য। কোথায় ডাকাতি ক'রতে এসেছিল?

নিতাই। আমার গহনা চুরি ক'রবে ভেবেছিল।

হিরণ্য। সকালবেলা চুরি ক'রবে কি ক'রে?

নিতাই। সকালবেলা নয়, রাত্রি থেকে এসেছিল।

কিন্তু সকলেই অন্ধ হ'য়েচে, কেউ কিছু দেখতে পাচ্ছে না।

ঐ ব্রাহ্মণ—এই ডাকাতের দলের সর্দার।

হিরণ্য। যেমন কর্ম তেমন ফল হ'য়েছে, ঠিক
হ'য়েছে।

নিতাই। না—এখনও বাকী আছে।

হিরণ্য। আর এদের কি শাস্তি দেবেন মনে ক'রেছেন?

নিতাই। এদের শাস্তি—এরা জীবনে এ কাজ ক'রবে

না। ডাকাতি, নরহত্যা প্রভৃতি ক'রে, আর পাপের

মাত্রা অধিক বাড়াবে না। কর্মফল ভোগের জন্য এরা

এইখানে এই অবস্থায় প'ড়েছিল। এখন কর্মফল ফুরিয়েছে

—এইবার দিব্য জ্ঞান লাভ ক'রবে। (সর্দারের নিকট

গিয়া) কে তুমি? এখানে কেন? (হস্ত ধরিয়া

উঠাইবা মাত্র বামাচরণ সর্দারের দিব্য জ্ঞান লাভ করণ)

বামাচরণ। প্রভু—আমি—আমি—

নিতাই। ভয় নাই—কি বলবে বল?

বামাচরণ। আমি জাতিতে ব্রাহ্মণ, কিন্তু আমার

আচরণ চণ্ডাল অপেক্ষাও নীচ। আত্মবিন চুরি, ডাকাতি,

নরহত্যা প্রভৃতি নীচ কার্যেই জীবন কাটিয়েছি;—শেষে

আপনার গমনার উপর লোভ হয়। চুরি ক'রবো ব'লে

লোকজন নিয়ে দুদিন এসে ফিরে যাই। কাল রাত্রে

আবার এসেছিলুম, কিন্তু সকলেই অন্ধ হ'য়ে এইখানে

সমস্ত রাত্রি প'ড়ে আছি। এখন আমি সব বুঝতে পেরেছি,

—এখন আমি আর সে নেই। আমি আপনাকে এতদিন

না চিনতে পেরেই এত কষ্ট পেয়েছি। আজ চিনেছি,—

আর আমার মিছে মায়ায় মুগ্ধ ক'রে রাখ'বেন না। আমার

অস্তিমের উপায় আমার ব'লে দিন;—আমি ঘোর নারকী!

হিরণ্য। ব্রাহ্মণ, তোমার উপায় হ'য়েছে,—আর

তোমার কোন ভয় নাই। যখন স্বয়ং ভগবান তোমার

হাত ধ'রে তুলেছেন,—তখন আর ভয় কি? একবার হরি

বল।

বামাচরণ। হরিবোল, হরিবোল, হরিবোল! এতদিনের

পর প্রাণে শাস্তি পেলুম। আহা, কি সুধামাখা নাম রে!

হরিবোল, হরিবোল, হরিবোল! প্রভো, একবার দয়া

ক'রে আমার সঙ্গীদের মাথায় পদধূলি দিন, ওদের যেন
জীবনের অন্ধকার দূর হয়।

নিতাই। তুমি সকলের কাণে কাণে হরিবোল—
হরিবোল বল। একবার হরি ব'লে ভব-যন্ত্রণার হাত
থেকে এড়িয়ে যাবে।

বামাচরণ। প্রভু, আগ্নি একবার দাঁড়ান, আমি
সঙ্গীদের নিয়ে আসি। (অত্যাশ্রয় দৃষ্টান্তগণের নিকটে গিয়া
তাহাদের কর্ণ-মূলে হরিনাম প্রদান)

সকলে। হরিবোল—হরিবোল! (উন্মত্ত ভাবে নৃত্য
করিতে করিতে) হরিবোল—হরিবোল!

(সকলের গীত)

বিভাষ—লোফা।

হরি হরি হরি বল অশ্রুক্ষণ,—

হরি নামে মাত', মাত' আমার মন!

হরি ভবের কাতারী, ধ'রে চরণ-তরী—

ভ'রবে যত অন্তঃকলন।

(মেচে মেচে নেচে) জ্বর সবাই মিলে হরি বলি,

(হরিনামে গিয়ে করতালি)

ছুচে যাবে এ ভব-বন্ধন।

চতুর্থ অঙ্ক

প্রথম দৃশ্য

উদ্ধারণের বাটী

জাহ্নবী ও সঙ্গিনীগণ।

(সঙ্গিনীগণের গীত)

ভৈরবী—ঠুংরি।

দেখ বার আছে হে নয়ন,—

প্রেমিক হৃদয়-নিধি,

প্রেমে করে আকর্ষণ।

যাকুল কত সে আমার তরে

বসে এসে হৃদয়' পরে,

কত আদর সে করে ;

অবতন করি যত,

তত সে করে যতন।

জাহ্নবী। তুমি এস, আমি তো তোমার কাছে
যেতে পারবো না! এই দেখ, কাদার ব্যাড়া দিয়ে আমার
ধ'রেছে; এস—এস,—একবার এস,—কাছে ব'স!—
তোমার কাছে সকলে যায়, আমার মানা কেন? আমি
তোমায় ভুলে আছি, তাইতে কি এত নিষ্ঠুর? যদি
তোমায় না ভুলে থাকতুম, আমি মনের মতন মন পেয়ে
তোমায় দিতুম!

(সঙ্গিনীগণের গীত)

দেশমিত্র—লোফা।

মন তো আমার নয় মনের মতন,—

যে আমার আপন ভাবে

পর তারে তো করে মন।

আমি পর ক'রেছি, পর তেবেছি,

কি জানি কি নিয়ে মাছি,

তার সনে নাই দেখা-দেখি,

মাখামাখি একি একি,—

আমি তো পর করি তার,

আপন হয় সে—এ কেনন!

জাহ্নবী। কই, তুমি এখনও এলে না? শুনেছি,
আমার জন্ত এসেছ, আমার জন্ত দেহ ধ'রেছ,—তবে কেন
প্রবঞ্চনা ক'রছো? এত জোর আমার কিসের? তুমি
দয়াময়, তাইতে ভয় হয়,—পাছে ভুলে যাও! চ'লে যাও
যাবে, আবার আসতে হবে,—আমার চিরদিনই এই রকমে
যাবে। যে দিন তুমি পায়ের রাখবে, সেই দিন আর এক
রকম। নইলে প্রাণ মন, এক ধারায় ব'বে। অনেক
সহ! তুমি সহিতে বল'—আমার ক্ষতি নাই। তুমি দেহ
ধ'রেছ, ভাবি তাই,—আমায় কি পায়ের রাখবে না?
এস, এস, বস'!

(গীত)

গৌরী—একতারা।

আমার মন বোঝে না দেখতে আসি,

দেখে পাই প্রাণে ব্যথা,—

তোমার সনে কুরিয়েছে কথা!

বলি বলি মনেতে করি,

তোমার ভাব দেখে হে প্রাণে শিহরি,

তোমার মাই তো সে ভাব—ভাবের অন্তর

ব্যথা তো হবে পাঁখা!

জাহ্নবী। তুমি এখনও এলে না? এ জীবনে আর তোমায় দেখতে পাব না—এই দুঃখ থেকে গেল। আমি যাই—ই!

(জাহ্নবীর মৃত্যু)

সঙ্গিনীগণ। কি হ'লো,—কি হ'লো—সখী কোথায় গেল! আমাদের পায়ে ঠেলে কোথায় যাও—আমাদের সঙ্গে নাও! আমরা তো তোমা ছাড়া জানিনি! হা নিষ্ঠুর নিতাই! একবার আয় দেখে যা—দেখে যা! সরলা বালার কি দশা ক'রেছিস! রে নিষ্ঠুর,—তোর মনোবাঞ্ছা পূর্ণ হ'য়েছে—দেখে যা!

দ্বিতীয় দৃশ্য

গ্রাম্য পথ

প্রতিবাসীদ্বয়।

১ম প্রতিবাসী। ওরে, গেল গেল,—দেশ ম'জলো! ছুঁড়ী বুড়ী সব উন্মাদ হ'য়ে বেরিয়েছে। কি সর্বনাশ—কি সর্বনাশ!

২য় প্রতিবাসী। এ কি হ'লো? ঘরে চাবী দিয়ে রাখা যায় না যে? ঐ দেখ, ঐ দেখ! উন্মত্ত হ'য়ে, কুলবধুগণ নাচ'তে নাচ'তে আসছে।

(প্রতিবেশিনীগণের প্রবেশ)

(প্রতিবেশিনীগণের সঙ্গীর্জন)

স্বরট—লোফা।

দেখলো দেখ ডাকছে ঐ নিতাই,—

দরদ-জলে বুক ভেসে যায়,

ভাব কি মনে ভাবি তাই।

নিতাই কি ছলা জানে, মন তো মানা না মানে,

ভেসে যায় টানে,

কি বেন ঘেঁষি ঘেঁষি, ধরি ধরি আর ত নাই।

[প্রতিবেশিনীগণের প্রস্থান।

১ম প্রতিবাসী। ভায়া, আর না, এদেশে আর থাকা নয়; এ যে বাবা বড় বেজায় হ'লো হে!

২য় প্রতিবাসী। ভায়া, কাল সকালেই ঘর-দোর ফেলে পালাই চল। এ দেশেও ভদ্রলোকে থাকে? এঁকি

বাবা! হিন্দুর মেয়ে, লাজের মাথা খেয়ে এরা সব করে কি? আচ্ছা ভায়া, রাগ ক'রো না,—এর ভেতর তোমার ব্রাহ্মণীকেও দেখলাম না?

১ম প্রতিবাসী। আর ভায়া দুঃখের কথা আর ব'লো না। মাগী আজ এক মাস বাড়ী যায় নি। আহা—নিত্রা নাই, কেবল খোল বাজিয়ে ঐ কতকগুলো হাভাতে মাগীর সঙ্গে নেচে নেচে বেড়াচ্ছে। ছোট মেয়েটা এখনও তিন মাসেরও নয়, কেঁদে কেঁদে মারা যাবার যোগাড় হ'য়েছে,—তার দিকে একবার ফিরেও চায় না।

২য় প্রতিবাসী। ই্যা হে, তোমার ব্রাহ্মণী নাকি খুব সতীলক্ষ্মী ছিলেন? লজ্জায় নাকি গঙ্গা নাইতে পর্যন্ত বের'তেন না,—তীর এই দশা?

১ম প্রতিবাসী। আর লজ্জা দিও না দাদা! এখন ছেলেমেয়েগুলো নিয়ে এ দেশ থেকে কোথাও পালাই চল।

২য় প্রতিবাসী। ওহে, দেখ দেখ, ঘনশ্যাম ঘোষ আসছে না? বেটার বৃজ্জুকি দেখে বাঁচি নি!—বেটা চিরকালটা মদ খেয়ে পথে ঢলাঢলি ক'রে বেড়িয়েছে, আজ আবার অলকা-তিলকা কেটে গৌর নিতাইয়ের প্রপিতামহ হ'য়ে বেরিয়েছে দেখ!

১ম প্রতিবাসী। ওহে দেখেচ, সঙ্গে সঙ্গে আবার ওর জীও ছিটে ফোঁটা কেটে বেরিয়েছে! বেটা কি পাঞ্জি!

২য় প্রতিবাসী। ঘোর কলি দাদা—ঘোর কলি, দাদা—ম'শায় যে ব'লতেন—কলিতে জা'জন্ম থাকবে না, ব্রাহ্মণ-শূদ্র ভেদ থাকবে না, এখন দেখ'চি—সে সব একে একে ঠিক মিলছে।

১ম প্রতিবাসী। ব্রাহ্মণ-শূদ্র তো পরের কথা হে,—বেটারা যে ভোল ক'রেছে, তাতে যে হিন্দু-মুসলমান সব এক হবার যোগাড় হ'য়েছে। মাথাটা নেড়া হ'য়ে মাঝখানে চাট্ট চুল রেখে, গলাতে মোটা মোটা গাছ চারেক কাঠের মালা প'রে গায়ে ছিটেফোঁটা কাট'লেই বাস—তখন কে হিন্দু কে মুসলমান, চিন্বে কোন শালা!

২য় প্রতিবাসী। ভায়া, আর এ দেশে থাকা নয়; এই সময় পালাই চল।

[উভয়ের প্রস্থান।

(ঘনশ্যাম ও বিমলার প্রবেশ)

ঘনশ্যাম। নিতাই কখনই মাছুষ নয়, আমি খুব ঠাউরে দেখেছি,—পাতকী উদ্ধার ক'রবার জন্ত স্বয়ং ভগবান পুনরায় দেহ ধ'রেচেন। ছেলেবেলা থেকে মদ খেয়েছি, একদিন মাতাল ব'লেছিল ব'লে মনে বড় দিক্কার হ'য়েছিল; মদ ছেড়ে দিলুম। একদিন গেল—দু'দিন গেল—তিন দিনের দিন মদের জন্ত প্রাণে যে কি কষ্ট হ'য়েছিল, তা ব'লতে পারি নে; সেদিন বড়ই বিষম দিন গিয়েচে। মনে হ'লো বুঝি মদ না খেলে সেই মুহূর্তেই মারা যাব। ভাবলুম, যা থাকে অদৃষ্টে, এখন ত একটু খেয়ে প্রাণ বাঁচাই; আবার ভাবলুম, যখন খাবনা ব'লেছি,—যদি মরেও যাই, তাও স্বীকার, তবু খাব না। এমন সময় নিতাই এসে ব'ললে, “কিরে, মদ খাবি? তা এত ভাবনা কেন; তোর ঐ ঘটাতে যে মদ র'য়েচে, খা' না।” শুনে আমার মন কেমন এক রকম হ'য়ে গেল, ভাবলুম—লোকটা ব'লচে কি? বড় তেষ্ঠা পেয়েছিল, তাই গল্প থেকে একঘটা জল এনে খেয়েছি; সেই জলেরই যা কিছু ঘটাতে আছে। ঘটাতে মদ ব'ল্চে কি! খেয়েই দেখি না—কি বলে। ঘটা ধ'রে যেমন খেতে যাব, গন্ধ পেলুম—মদ! ঘটা ছুড়ে কেলে দিয়ে নিতাইয়ের পায়ে জড়িয়ে ধ'রলুম। নিতাই আমার হাত ধ'রে তুলে—বুকে ক'রে জড়িয়ে ধ'রলেন।

বিমলা। নিতাই নিশ্চয়ই দেবতা। আমারও এক দিনের কথা তোমাকে বলি শোন,—নিতাইকে কত লোকে কত কি দিয়ে সাজায়; আমারও একদিন ইচ্ছে হ'য়েছিল, নিতাইকে ফুলের মালা দেব'। তাই কতকগুলি বকুল ফুল কুড়িয়ে চার গাছি মালা গাঁথেছিলুম। মালাগাঁথা শেষ হ'লে একবার মনে হ'য়েছিল, একগাছি মালা তোমাকে দিই। কিন্তু আবার তখনই মনে হ'লো, নিতাইয়ের জন্তে মালা গাঁথি, আগে তোমাকে দেওয়া ভাল নয়। এই রকম ভাবতে ভাবতে মালাগুলি হাতে ক'রে তোমার সঙ্গে নিতাইয়ের কাছে গেলুম;—যাবামাত্রই নিতাই আমার হাত থেকে মালাগুলি নিয়ে, আগে তোমার গলায় এক ছড়া মালা প'রিয়ে দিয়ে, বাকী তিনছড়া নিজের গলায় প'রে, আমার দিকে চেয়ে হাসতে লাগলেন। সেই দিনেই আমি বুঝতে পেরেছি, নিতাই মাছুষ নয়—দেবতা। তা'না হ'লে আমার মনের কথা কি ক'রে টের পেলে!

ঘনশ্যাম। নিতাই!—সবই তোমার ইচ্ছা। চল, আর এখানে দাঁড়িয়ে কি হবে? নিতাইয়ের কাছে যাই চল।

[উভয়ের প্রস্থান।]

ভূতীয় দৃশ্য

গঙ্গাতীর

জাহ্নবীর মৃতদেহ শায়িত, উদ্ধারণ দস্ত, ঘনশ্যাম, কমলা, বিমলা, জাহ্নবীর সঙ্গিনীগণ ইত্যাদি।

(সকলের গীত)

ভৈরবী মিশ্র—লোকা।

দুনিয়া কেলে 'নিতাই' ব'লে গিয়েছে চ'লে,
কি ভাবে জ্যাঠে মরা আজীবন সারা অ'লে!
ছিল তার নিতাই-মাখা প্রাণ,
এস'না নিতাই, হ'লো জীবন অবসান,—

(নিতাই একবার এসেহে)

নিতাই তোমার এই কি প্রাণের টান,
কষ্টন দিতাই, যথাই হে তাই—
পরম্ব কেন বলে! (তোমার)

(নিতাইয়ের প্রবেশ)

নিতাই। তুমি কোথায় যাচ্ছ? তুমি আমার ছেড়ে কোথায় যাচ্ছ?—অভিমান ছাড়! আমি জীবের দায়ের ঘুরছি, তা তো জান! এস প্রিয়ে,—ফের'! আর অভিমান করো না!

[পুনর্জীবিতা হইয়া জাহ্নবীর উত্থান]

উদ্ধারণ। এই যে, এই যে, এই যে আমাড়া জাহ্নবী বেঁচে উঠেছে! হ্যাঁড়ে, তোড় এত ক'ড়ে কি ছুঁখু দিতে হয়? হ্যাঁড়ে, তোড়া লীলে ক'ড়তে হয় কড়! আমড়া যে মড়ি। তোড়া কি নিরুড় ডে!

জাহ্নবী। তুমি আমার ডাকলে কেন?—তুমি

আমায় ফেরালে কেন? তুমি কি আমার হবে? তুমি
কপট—ছল—আমি তোমায় চিরদিন জানি!

(সকলের গীত)

ভৈরবী—ঠুংরি।

নিতাই। প্রিয়ে, আমায় মার্জনা কর। আর
তোমায় ছেড়ে যাব না।

প্রেমের খেলা খোঁজা ভার,—

প্রাণে প্রাণে অন্তঃশীলে,

একটানা বর প্রেমের ধার!

সাধ করে যে খেলা দেখতে চায়,

একটানাতে অম্লি ভেসে যায়,—

তরঙ্গে খায় হাবুডুবু দেখতে সে কি পায়!

দুলে যায় ঢেউয়ে ঢেউয়ে—

হঁস্ কি তখন থাকে তার।

জাহ্নবী। তুমি অনেকবার ও কথা বলেছ, তোমার
মুখে অনেকবার ও কথা শুনেছি! কিন্তু কই? তুমি তো
কখনও কথা রাখ না।

নিতাই। প্রিয়ে, আর তোমায় ফেলে কখনও
থাকবো না। এই বার মার্জনা কর।

স্ববনিকা

সম্পাদক

[এই প্রবন্ধটি প্রথমে 'রঙ্গালয়' সাপ্তাহিক পত্রে (২৭ বৈশাখ, ১৩০৮ সাল) প্রথম প্রকাশিত হয়। তৎপরে 'নাট্যমন্দির' মাসিক পত্রিকায় (১ম বর্ষ, অগ্রহায়ণ, ১৩১৭ সাল) পুনর্মুদ্রিত হয়]

পণ্ডিতেরা সংসারে যে কার্য যে পরিমাণে কঠিন বিবেচনা করেন, সেই কার্য সেই পরিমাণে সাধারণের ধারণা, যে, তাহারা বিশেষ অবগত। সাধারণ অর্থে আমরা বলিতেছি যে, সকল দেশের লোকেই এইরূপ ধারণা; সেই ধারণা আবার বাস্তব দেশে ভীষণরূপে বলবতী। বাস্তব দেশে প্রায় এমন লোক পাওয়া যায় না যে, ধর্মের জটিল বিষয় লইয়া তর্ক-বিতর্ক না করিয়া থাকেন। রোগ সঙ্কে, ঔষধ সঙ্কে—আমাদের বন্ধুর মধ্যে অন্ততঃ এক শত জনের ভিতর নিরানব্বই জন উপদেশদাতা। বাড়ীতে ত সমূহ বিপদ, পরামর্শদাতা দ্বারা সে বিপদ শত গুণে বর্দ্ধিত হইয়া উঠে। এ ডাক্তার ডাকুন, ঐ কবিরাজ ডাকুন, অমুক ঔষধ ব্যবহার করুন, এ চিকিৎসা ভাল হইতেছে না, যিনি চিকিৎসা করিতেছেন—তিনি রোগই বুঝিতেছেন না। এইরূপ পরামর্শে বিপন্ন ব্যক্তির মস্তিষ্ক বিকল হইয়া উঠে। মকদ্দমা উপস্থিত হইলে, এইরূপ আইনজ্ঞ বন্ধুর কিছুমাত্র অভাব হয় না। কাব্যের, চিত্রপটের, সঙ্গীতের, অভিনয়ের—বিচারক নন, এমন কাহাকেও খুঁজিয়া পাইবেন না; কিন্তু যদি কোন বিজ্ঞ বন্ধুকে বলেন,—“ভাই এই ঠিক্টে দেখ’ত।” দেখবেন, সে বন্ধুর বড় ঠিক দেখিয়া অভ্যাস নাই; লেখা নকল করা সঙ্কেও সেইরূপ; অতি সামান্য সামান্য কার্য যাহা দশ টাকা বেতনভোগী ব্যক্তি দ্বারা হইয়া থাকে, তাহাতে অনেকেই অপটু।

পাঠক মনে ভাবিতেছেন, ঠাহাদের মস্তিষ্ক উপরোক্ত উচ্চ বিষয় সকলে চালিত, ক্ষুদ্র বিষয় ত ঠাহাদের দ্বারা হওয়া সম্ভব নয়। কিন্তু পাঠক কি এই সকল পণ্ডিতদের চেনেন না? এঁরা লেখাপড়ার দ্বারা বড় কয়ই ধারেন, ইহাদের

ভিতর অনেকেই দশ পনের টাকা বেতনের চাকরির উমেদার, কেবল তীক্ষ্ণ বুদ্ধির প্রভাবে ঐ সমস্ত উচ্চ বিষয় অধিকার করিয়াছেন। ঠাহাদের মধ্যে আবার যাহারা কিঞ্চিৎ পড়াশুনা করিয়াছেন, বিশ্ববিদ্যালয়ের তৃতীয়শ্রেণীর উপাধিদারী, ঠাহাদের স্পন্দার সীমায় আকাশ-সীমাও ন্যূন।

আমরা বিশ্ববিদ্যালয়ের নিন্দা করিতেছি না, আমাদের দেশে গৌরবান্বিত যিনি হন—প্রায়ই ঠাহারা বিশ্ববিদ্যালয়ের উপাধিদারী, ঠাহারা আমাদের পরম শ্রদ্ধাভাজন। আমরা যে উপাধিবিষিষ্ট স্পন্দাবান ব্যক্তির উল্লেখ করিতেছি,—ইহারা ঠাহাদের নিকট পরিচিত, অতএব উল্লিখিত সর্বস্ব পরম বিজ্ঞেরা যে আদর্শ স্বদেশ-গৌরব, উদযোদ্ধা প্রতিভাশালী ব্যক্তি নন—ইহা আমাদের বলা বাহুল্য।

ঐ পরম বিজ্ঞ ব্যক্তিদের সর্বস্বতার পরিচয় দিবার কারণ অনেক। প্রায়ই ঠাহারা সকলে উপজীবিকাহীন বা সামান্য বেতনভোগী। বড়লোকের তোষামোদ ও বড়লোকের প্রতিষ্ঠালাভ ঠাহাদের প্রধান উদ্দেশ্য। অমূল্য কতকগুলি কথায় ও অনধিকার চর্চায়, অকর্মণ্য জীবনে সময়োপার্জন করাও আর এক উদ্দেশ্য।

বলা হইয়াছে, সকল কঠিন বিষয়েই, ইহাদের সম্পূর্ণ অধিকার। সুতরাং কঠিন রাজনৈতিক বিষয়েও ইহারা বিশেষ পারদর্শী। যদি কোন রকমে একটু ছাপাখানার যোগাড় করিতে পারেন, অমনি একথাটি সংবাদপত্র বাহির করিয়া তাহার সম্পাদক হন পূর্বেই তো সব জানিতেন, পূর্বেই তো সকল বিষয়ের উদ্দেশ্য ছিলেন, এখন কালি-কলম ও মুদ্রাযন্ত্র পাইয় ঠাহাদের উপদেশপ্রদায়িনী শক্তি বড় ভীষণ হইয়া উঠিল

ইংরাজরাজ্যের সংবাদপত্রের অনেকটা স্বাধীনতা আছে, সেই স্বাধীনতা তাঁহাদের হস্তে যথেষ্টাচারিতারূপে পরিণত হয়। এই যথেষ্টাচারিতার প্রভাবে রাজপুরুষেরা এই স্বাধীনতাহরণসঙ্গ বার বার করিতে বাধ্য হইয়াছেন।

ঐ সকল সম্পাদকের দৌরাণ্যে বার বার রাজনৈতিক সভায় প্রস্তাব হয় যে, মুদ্রাযন্ত্রের স্বাধীনতা হওয়া অচুচিত। অনেক রাজনৈতিক রাজপুরুষের মত এই যে, বিপুল শোণিত ব্যয়ে যে স্বাধীনতা ইংলণ্ড লাভ করিয়াছেন, তাহা অর্ধশিক্ষিত পরাধীন দেশে কলুষিত হইয়া, হীন ঘেচ্ছাচারিতায়, সম্পাদকেরা কুৎসার অবতার হইয়া উঠিবেন—তাহা বিচিত্র নয়। এ স্বাধীনতা সীমাবদ্ধ হওয়া উচিত। কিন্তু হীনচেতা গ্রামি-ব্যবসায়ী সম্পাদকের দমন করিতে, অনেক রাজনৈতিক সম্পাদকের দেশ-মঙ্গলময় কার্যে ব্যাঘাত ঘটবে, এই উদার বিবেচনার মুদ্রাযন্ত্রের স্বাধীনতা দমিত হয় নাই।

সম্পাদকীয় কার্য যে রাজমন্ত্রী কার্য অপেক্ষা কোন অংশে ন্যূন নয়, সম্পাদকেরা যে, রাজমন্ত্রীর উপদেষ্টা, রাঁতি, নীতি ও ধর্মের রক্ষাকর্তা, ইহা ইংলণ্ডের সংবাদপত্রের ইতিহাসে প্রতীয়মান হইবে। আমরা সে সকল লইয়া স্থান পূরণ করিব না, কেবল রুঘবৃদ্ধের সময় 'টাইমস্' কিরূপে চালিত হইয়াছিল, তাহাই বিবৃত করিব মাত্র।

'টাইমস্' অর্থে সময়, ইংলণ্ডের সংবাদপত্র 'টাইমস্' সেই নামের উপযোগী হইয়াছিল। সময়ে সকল বিষয়ের মতের পরিবর্তন হইয়া থাকে, আজ যাহা গ্রাহ্য—কাল তাহা বিশেষ অগ্রাহ্য বলিয়া গণিত। যথা—চিকিৎসাশাস্ত্রের রক্ত মোক্ষণ না করিলে নরহত্যা করা হয়, জানা ছিল, কিন্তু এক্ষণে রক্ত-মোক্ষণে নরহত্যা হয়, ইহাই চিকিৎসা-শাস্ত্রের মত। চোরের প্রাণ দণ্ড হওয়া উচিত—ইহা আইনে বলিত, কিন্তু চোরকে শিক্ষা দিতে হইবে—এখন আইনের মর্ম। সংবাদপত্র 'টাইমস্'র মতেরও অনেক ছিল। সাধারণের মতই 'টাইমস্'র মত ছিল। আজ 'টাইমস্' এক কথা বলিয়াছে, পক্ষান্তরে তাহার সম্পূর্ণ বিপরীত বলিবে;—যাহা সাধারণের মত, 'টাইমস্'রও সেই মত।

'টাইমস্' কিরূপে সাধারণের মত অবগত হইত, তাহা শুনিতে উপগ্রাস মনে হয়। প্রতি রায়ে প্রতি রাজসভায়,

প্রতি সমাজে 'টাইমস্'র সংবাদদাতা ছিল। গ্রেট-ব্রিটেনের হাটে বাজারে, ক্ষুদ্র পল্লীতে, ইতর সাধারণের মুখে, অট্টালিকায়, পণ্ডিতমণ্ডলীতে রুঘবৃদ্ধে কিরূপ আন্দোলন চলিতেছে,—'টাইমস্' সম্পাদক, তাহার সংবাদ-দাতাদ্বারা সমস্ত অবগত। পদস্থ বা পদচ্যুত রাজমন্ত্রীর মন্তব্য, যুদ্ধবিষয়ে সৈনিকদিগের বিরোধী মতামত, 'টাইমস্'র স্তম্ভে প্রকাশিত হইত। 'টাইমস্'র সম্পাদক সকলেরই বিশ্বাসভাজন; রাজদণ্ডে—অর্থ-প্রলোভনে লেখকের নাম প্রকাশ হইবে না। অতএব 'টাইমস্' সংবাদপত্রে নিজ মতামত প্রকাশ করিতে কেহই সঙ্কুচিত হইতেন না। রাজমন্ত্রী প্রত্যয়ে উঠিয়া 'টাইমস্' দেখিতেন যে, 'টাইমস্' কি উপদেশ দিতেছে, তিনি যে 'টাইমস্' মতামত প্রকাশ করিয়াছেন, তাহাই বা সাধারণের কিরূপ মতামত। 'টাইমস্' রাজমন্ত্রীর উপদেষ্টা। 'টাইমস্' এতদূর জনপ্রিয় হইয়া উঠিল, এত পরিমাণে তাহার গ্রাহক হইল যে, মুদ্রাযন্ত্র সকল গ্রাহকের নিমিত্ত পত্রপ্রকাশ করিতে অক্ষম হইল। একদিনে বিশ সহস্র মার্কিং গ্রাহক ত্যাগ করিতে 'টাইমস্'র অধ্যক্ষেরা বাধ্য হন, কাগজ যত্রাক্রান্ত করিয়া যোগাইতে পারেন না। এই এক সংবাদ পত্র,—এই এক সম্পাদক।

ঐরূপ প্রভাবশালী সংবাদপত্র অনেক আছে। তাহাদের বর্ণনার স্থান আমাদের স্তম্ভে অভাব। এ সম্বন্ধে একটা কথা বলিব মাত্র। 'টুথ' অর্থাৎ সত্য নামক সাপ্তাহিক কাগজে, যদি কোন ভাগ্যবান ব্যবসাদার বিজ্ঞাপন দিতে সমর্থ হন, তাহার প্রচুর অর্থাগমের অভাব থাকিবে না। 'টুথের' মতবিরোধী অনেকে হইলে হইতে পারেন, কিন্তু 'টুথের' যখন "মর্কি ব্রাণ্ড" সাবানের বিজ্ঞাপন আছে, তখন "মর্কি ব্রাণ্ড" সাবান ব্যতীত অপর সাবান ব্যবহার করা উচিত নয়, তাহা 'টুথ'-সম্পাদকের পরম বিদ্রোহ ও বিবেচনা করিবেন। 'টুথের' স্তম্ভে, সাধারণের মঙ্গলের নিমিত্ত যদি কোন প্রবন্ধকের ব্যবহার প্রকাশিত হয়, প্রবন্ধক উকীলের চিঠি না দিলে সাধারণের চক্ষে ঘণিত হইবে, অতএব উকীলের চিঠি দেয়, কিন্তু সেই চিঠির সঙ্গে সঙ্গে বিপুল অর্থ লইয়া সম্পাদকের পদানত হইয়া থাকে। অর্থ দ্বারা, মিনতি দ্বারা, দয়াদ্রিষ্ট কৌন সন্ত্রাস্ত ব্যক্তির অনুরোধ দ্বারা এই কথা বলাইতে চায় যে, আমরা যে সংবাদ দিয়াছিলাম, তাহা আমাদের

সংবাদদাতার ভ্রমে। কিন্তু অণাবধি অর্থে, অল্পরোধে, মিনতিতে সত্যপ্রিয় সম্পাদককে কণ্ঠব্যাহুধানে বিরত করিতে পারে নাই। এই এক সংবাদপত্র—এই এক সম্পাদক।

বঙ্গদেশেও এরূপ মহানচেতা সম্পাদকের উদ্ভব হইয়াছিল। সম্পাদক ব্যবসায়ী নহে, দেশহিতৈষী;—সম্পাদক কষ্টাক্ষিত অর্থব্যয়ে নীলকর-পীড়িত প্রজাদিগের অন্ন যোগাইয়া প্রজাপীড়ন দমন করিয়া “হিন্দু-পেট্রিয়ার” নাম বিশ্বব্যাপী করিয়াছিলেন। আদর্শপুরুষ কৃষ্ণদাস সেই সম্পাদকীয় আসন গ্রহণে ও মহা মহা যোগ্য ব্যক্তির সাহায্যে ‘ব্রিটিশ ইণ্ডিয়ান এসোসিয়েশন’কে রাজপ্রতিনিধির রাজকার্য্যে উপদেষ্টা করিয়া গিয়াছেন। “রেজ এণ্ড রায়ে” সম্পাদক যাহার সম্পাদকীয় ভাষা, ইংরাজ সংবাদপত্রের অমূল্যরঞ্জী, অপকৃপাতিতা-গুণে, রেজ (ভূম্যধিকারী) ও রৈয়ে (প্রজা) উভয়েরই পূজ্য হন। রাজপুরুষদিগেরও বিশেষ সম্মানভাজন ছিলেন। সম্পাদকীয় কার্য্য তাঁহার ব্যবসা ছিল না। শুনা যায়, রাজ-প্রতিনিধি তাঁহাকে উপাধি দিতে চাহিয়াছিলেন, কিন্তু তিনি রাজ-প্রতিনিধিকে নিবেদন করেন, “আমি টাইটেল গ্রহণ করিলে লোকের নিকট একাশ পাইবে, আমি স্বার্থ-চালিত হইয়া সম্পাদকীয় পদ গ্রহণ করিয়াছি। আমায় মার্জ্জনা করুন। স্বদেশহিতসাধন সম্পাদকের উদ্দেশ্য হওয়া উচিত, স্বার্থসাধন নয়;—এই দৃষ্টান্ত স্বদেশে প্রচারিত হয়, এই আমার মিনতি। আমি উপাধি গ্রহণ করিলে তাহা হইবে না। এই জন্ত রাজপ্রসাদ গ্রহণে বঞ্চিত হইলাম, তজ্জন্ত ক্ষমা প্রার্থনা করি।” এই এক সংবাদ পত্র—এই এক সম্পাদক।

বাঙালী ভাষায় লিখিত সংবাদপত্রের সম্পাদকও এইরূপ অব্যবসায়ী হইয়া সম্পাদকীয় কার্য্য করিয়া গিয়াছেন।—নব সাহিত্য স্থাপক বক্রিমচন্দ্র এই সম্পাদকীয় কার্য্যের উজ্জল দৃষ্টান্ত; এবং যে সকল তারকামালা বেষ্টিত হইয়া “বঙ্গদর্শনের” অতুল গৌরব, বঙ্গদেশে চিরস্মরণীয় করিয়া গিয়াছেন, সেই সকল উদারচেতা মহাত্মভবরাও সম্পাদকীয় উদ্দেশ্যের পরিচয়দাতা। এ দরিদ্র ভারতে বহুি কেহ বিংশতি সহস্র গ্রাহক ত্যাগ করিবার স্বপ্নোপ পান নাই, তথ্যচ যে তাঁহার উল্লিখিত

ইংলণ্ডের সম্পাদকের গ্রায় মহাদাশয়,—তাহার প্রমাণ রাখিয়া গিয়াছেন।

এই সকল সম্পাদক-প্রদর্শিত পথগামী উন্নতচেতা সম্পাদক যাহারা আছেন, তাহারা আমাদের পরম পূজ্য। এ প্রবন্ধে যাহারা আমাদের আলোচ্য সম্পাদক—তাঁহারা উপোক্ত সর্বজ্ঞসম্পন্নকারী ‘বেকুব’। ‘বেকুব’ ব্যতীত তাঁহাদের অন্ত নাম আর নাই।

এই সম্পাদকেরা তিন শ্রেণীতে বিভক্ত। এক শ্রেণীই সম্পাদকেরা মনে করেন যে, তাঁহাদের মতে চালিত না হওয়ায় পৃথিবীতে এত বিশৃঙ্খলা। সমাজ ডুবিতে বসিয়াছে, একমাত্র রক্ষার উপায়—তাঁহাদের মতাবলম্বী হওয়া। ইহারা তাঁহাদের সংবাদ পত্রের প্রথম সংখ্যায় বলেন যে, আমরা বরাবর বলিয়া আসিতেছি, লাট সাহেব ভাল বুঝিতেছেন না। আগাগোড়া পত্রখানি পাঠে বুঝা যায় যে, যেখানে যিনি আছেন, যাহার উপরে কোন কার্য্যের ভার আছে, তিনিই ভ্রমে পতিত আর তিনি কোন কার্য্য করিতেছেন না। তাঁহাদের যে নিজের কোন মতামত আছে, এমন তাঁহাদের সংবাদ পত্র পাঠে কিছুই বোধ হয় না। তাঁহাদের ছিদ্রাচ্ছন্দানীও বলা যায় না। কারণ, আদৌ কোন বিষয়েরই কিছু জানেন না, তবে ছিদ্রাচ্ছন্দান করিবেন কি? তাঁহাদের উদ্দেশ্যহীন জীবন, সংবাদপত্র লিখিয়া চরমত্ব প্রাপ্ত হইয়াছে। ইহাদের সম্পাদক বলিতে হইবে, তাহা নইলে ইহারা বড় বেজার। তাঁহারা সদাসর্বদা এই আক্ষেপ করেন যে দেশ উৎসন্ন গিয়াছে, নচেৎ তাঁহাদের কাগজ ঘরে ঘরে প্রতিষ্ঠিত হইত। ইহাদের অভীষ্ট সিদ্ধ হইলে না জানি কি সর্বনাশই ঘটত!

অপর আর এক শ্রেণী সম্পাদকের উদ্দেশ্য,—লোককে প্রশংসা বা গালাগালি দিয়া কিঞ্চিৎ অর্থ উপার্জন করা। অর্থ লইয়া অত্যাচারী লোকের পক্ষ সমর্থন, সাধুর নিন্দা করিয়া রসিকতার পরিচয় প্রদান, ইহারা প্রতারণার অবতার। এই হীন ব্যক্তিগণ, ভীকৃতভাবে যত প্রকার অপকার সম্ভবে, সেই সমস্ত কণ্ঠে স্থনিপুণ। আজ যাহার অর্থ পাইয়া বা স্বার্থসিদ্ধি কামনায় প্রশংসা করিয়াছেন,—কাল কিঞ্চিৎ স্বার্থহানি প্রযুক্ত সেই প্রশংসিত ব্যক্তির প্রতি অবাচ্য গালি বর্ষণ করিয়া থাকেন। ইহাদের

তাড়নায় রক্তভূমির অধ্যক্ষমাত্রেই জ্বালাতন। তাঁহাদের স্ত্রী পুরুষ, সম্পর্কীয়—দূরসম্পর্কীয়—তাঁহাদের গ্রাহক ও গ্রাহকের বন্ধুবান্ধবকে যদি কোন রঙ্গালয়ের কার্য্যাধ্যক্ষ 'ফ্রি পাশ' দিতে অসম্মত হন, তাহা হইলে ঐ কুংসিত সম্পাদকের সংবাদপত্রের স্তম্ভের পর স্তম্ভ সেই নাট্যালয়ের নিন্দায় পরিপূরিত হইয়া থাকে। এই সকল সম্পাদকেরা প্রায়ই প্রথমে অতি হীন কার্য্যে ত্রুটি ছিলেন, পরে নানা উপায়ে কিঞ্চিৎ অর্থ সংগ্রহ করিয়া ছাপাখানা করেন; —সমাজ ইহাদিগকে চেনেন, বিশেষ নাম করিয়া পরিচয় দিবার আবশ্যক নাই।

আর এক শ্রেণীর সম্পাদকেরা অতি অল্প বয়সে স্থূল হইতে তাড়িত হইয়াছেন। ইহারা ভবঘুরে, যেখানে সেখানে যান। এদিক ও দিক ছু'একটা ছোট খাট সমাজে গিয়াও বসেন। জ্যাঠামীতে যাহাতে সম্পূর্ণ দীক্ষা লাভ হয়, সেই সকল কার্য্য দিবারাগ্রি করিতে থাকেন। কেহ বা ভাগ্যক্রমে কোথাও দশ টাকা মাহিনার চাকর, কেহ বা টেলার সপ, কেহ বা হাও-নোটের দালালি দ্বারায় জীবিকানির্ভর করেন। ইহারা সকল পুস্তকের সমালোচক। এটা ভাল হয় নি, ওটা ভাল হয় নি,—এ কথা অনবরত তাঁহাদের মুখে। রঙ্গালয় সকল উচ্ছন্ন যাইতেছে। ইহাদের মধ্যে যদি কেউ রঙ্গালয়ের অধ্যক্ষ হইতে পারিতেন, তাহা হইলে

রঙ্গালয় স্ফটিকরূপে চলে, তাহা তিনি দেখাইতেন। অবৈতনিক নাট্যসমাজে মাঝে মাঝে অধ্যক্ষ হইয়া থাকেন ও প্রকাশ্য রঙ্গালয়-বর্জিত এ্যাক্টর, এ্যাক্ট্রেস লইয়া বায়না লন, তাহাতে কোথাও কোথাও সাজ-পোষাক বন্দক দিয়া প্রাণে প্রাণে বাটী ফিরিয়া আসেন। স্বেযোগক্রমে বা কখনও কোন প্রকাশ্য রঙ্গমঞ্চ ভাড়া লইয়া অভিনয় করেন। এরূপ স্বেযোগ পাইলে, তাঁহাদের সংবাদপত্রের স্তম্ভ ঐ নাট্য সম্প্রদায়ের প্রশংসায় অষ্টোহ মসীকৃত হয়। ইহারা বালক বয়সে গৌরু কামাইয়া ও মোটা চাদর লইয়া বিজ্ঞ সাংগেন। প্রত্যক্ষে কুকুরের শ্রায় ষাঁহাদের অনুবর্তী হন, পরোক্ষে তাঁহাদের ঘৃণিত পত্রে ঐ সকল মাগু গণ্য ব্যক্তির কুংসা রচিত হইয়া বিক্রীত হয়। মশক-দগিকার শ্রায় জন-বিরক্তিকর জীবন পর-কুংসায় রত থাকিয়া অবসান হয়।

রাজশাসন নাই, এই সকল অধমাত্মাদের প্রতি সমাজের লক্ষ্য পড়া উচিত। তাঁহারা যে স্থানীয় ব্যক্তি —সেই স্থান তাঁহাদিগকে দেওয়া কর্তব্য। সম্পাদক বলিয়া তাঁহাদের আদর করিলে, জুয়াচোর-পায়ণ্ডের আদর করা হয়। তাঁহাদের কুকুর প্রকৃতি বলিলে, কুকুরকে গালি দেওয়া হয়। কুকুরেরও কৃতজ্ঞতা আছে— ইহারা কৃতজ্ঞ! ইহাদের তুলনা ইহারাই! কোন জন্তুর সহিত তুলনা করিলে, সেই জন্তুকে অযথা নিন্দা করা হয়।

ধর্ম-স্থাপক ও ধর্মযাজক

[‘রঙ্গালয়’ সাপ্তাহিক পত্র (১৩ই বৈশাখ, ১৩০৮ সাল) হইতে পুনর্মুদ্রিত]

ভারতবর্ষে ও অন্যান্য দেশে ধর্ম-ইতিহাসে শত শত দৃষ্টান্ত পাওয়া যায় যে যখন ধর্মের কলুষিত অবস্থায় কোন মহাত্মা অবতীর্ণ হইয়া ধর্মের সার-মর্ম ব্যাখ্যা করিয়া সত্য ধর্ম পুনঃ সংস্থাপনের চেষ্টা পান, ধর্মযাজকেরা তাঁহার শত্রু হইয়া থাকে। তাহার কারণ এই যে ধর্মের প্রকৃত মর্ম আচ্ছাদিত না হইলে, ধর্ম-ব্যবসায়ী ধর্মযাজকের স্বার্থের বিশেষ হানি হয়। অর্থ উপার্জন, রমণী-সন্তোষ, মান-সঞ্চয়,—যাহাদের উদ্দেশ্য, তাহার কখনও যথার্থ ধর্ম উপদেশ বিতে পারে না। চক্ষের উপর শত শত দৃষ্টান্ত দেখিতে পাওয়া যায়,—গুরু একবার মন্ত্র দিয়া গিয়াছেন, তারপর যখন তিনি শিষ্যের বাড়ী আসেন, শিষ্যের কতদূর ধর্মোন্নতি হইয়াছে, তাহা একবারও জিজ্ঞাসা করেন না। শিষ্যের সহিত আলাপ হয় এই যে,—“বাপু, এ বৎসর তো বড় দুর্ভিক্ষের মাঝে—ঝড়ে বড় ঘরখানির অর্দ্ধেক চালের খড় উড়িয়া গিয়াছে। ধান চা’লেরও সেরূপ হুবিধা নাই। কয় খান জমীতে প্রায় অর্দ্ধেকের কম ফসল হইয়াছে।” এইরূপ নিজের দুঃখের কথা প্রকাশ করে, অভিপ্রায় এই যে, শিষ্য, এবার বেশ ভারি রকম বিদায় দেয়। গুরুর সঙ্গে একজন ব্রাহ্মণ ও একজন ভৃত্য আছে। যে কয়দিন ‘শিষ্যে-স্নেহে’ শিষ্যের গৃহে অবস্থান করিতে লাগিলেন তিনজনে চর্যা-চোখ আহার পূর্বক রূপা করিয়া শিষ্যের নিমিত্ত প্রসাদ রাখেন। জঠরে স্থানাভাব সত্ত্বে শিষ্যের ভাগ্যে প্রসাদ মিলে, অবশ্য উত্তম মন্ত্র প্রভৃতি সে প্রসাদে থাকে না। এরূপ অবস্থায়, যদি কোন নির্মল চরিত্র সাধু প্রচার করেন যে, যিনি সদগুরু,—তিনি তাপ-অপহারক—বৃত্তি-অপহারক নন; উপরোক্ত যাজক-গুরুর যে তিনি শত্রু হন, তাহার আর সন্দেহ নাই। প্রচারকের নির্মল চরিত্র, প্রচারকের ধর্মনিষ্ঠা, প্রচারকের পাপী-তাপীর প্রতি দয়া, প্রচারকের যথার্থ ধর্মোপদেশ,—যাজক-গুরুর

ঈশ্বরের অদ্ভুত মাহাত্ম্য এই যে,—অতি নীচ, অতি পাপীরও তাঁহার নাম উচ্চারণে অধিকার আছে। সে নামে তাপ দূর হয়, চিত্ত-শুদ্ধি জন্মে, চণ্ডালকে দে বস্তু প্রদান করে। এই ঈশ্বর-মাহাত্ম্য, প্রচারক সাধনা দ্বারা উপলব্ধি করিয়াছেন এবং জনসম্মুখে হৃদয় দ্রবীভূত হইয়া, জন-হিতার্থ-জন-সমাজে ঈশ্বরের মহিমা প্রচার করেন। যাজক গুরুর সর্বনাশ! প্রচারক প্রচার করেন যে, কেহ এমন হীন নাই কেহ এমন নীচ নাই,—যে ঈশ্বর তাহার উপাসনা গ্রহণ করেন না। দয়াময় ঈশ্বর সকলেরই পূজা গ্রহণ করেন। অকপট পূজাই তাঁহার অধিক প্রিয়। অকপট চিত্তে পূজা করিলেই ঈশ্বরের প্রীতিভাজন হওয়া যায়। জাতিতে বাধে না, স্থানে বাধে না, কালে বাধে না, সকল জাতি, সকল সময়ে, সকল অবস্থায় ভগবানের নাম লইবার অধিকারী।—ইহা যে কেবল তিনি মুখে বলেন, তাহা নহে, ইহা তাঁহার উপলব্ধি কথা; অকপট চিত্তে তিনি ঈশ্বরকে ডাকিয়া তাঁহার দর্শন পাইয়াছেন। তিনি জোলা হইয়াও (যথা কবীর) চামার হইয়াও যথা রুইদাস) ঈশ্বরের নামে অধিকারী হইয়াছেন, ও নামের গুণে তাঁহার দর্শন লাভ করিয়াছেন। তাঁহার দৃষ্টান্তে প্রতীয়মান হয় যে, যে অবস্থায় আমরা বাহ্যিক অশুচি জ্ঞান করি, সে অবস্থাতেও বিভোর হইয়া তিনি ঈশ্বরের গুণ গাহিতেছেন। তাঁহার নাম উচ্চারণ করিবার নির্দিষ্ট সময় নাই;—তিনি সদাসর্বদা নাম উচ্চারণ করিয়া থাকেন। এই সকল লোকে দেখে—শেখে। প্রজ্বলিত অগ্নির নিকটস্থ হইলে যেরূপ অঙ্গ উত্তপ্ত হয়, এই ভক্ত প্রজ্বলিত-হৃদয় সাধু-সমীপে সেইরূপ ভক্তি উদ্দীপিত হইয়া উঠে। গুপ্তের সৌরভে যেরূপ মধুমক্ষিকা আকর্ষিত হয়, সেইরূপ নির্মল জীবন-সৌরভে শত শত ধর্ম-মধু-পিপাসু আকর্ষিত হইয়া, তাঁহার নিকট ধর্মোপদেশ গ্রহণ করেন। যাজক-গুরুর শিষ্যের বৃত্তি

অপহরণে বিশেষ ব্যাঘাত পড়ে। প্রচারকের ছিন্ন অস্থ-সন্ধান করিতে থাকে। যে শাস্ত্রের প্রতি জীবনে তাহার একবারও আস্থা জন্মে নাই, সেই শাস্ত্র হইতে বেদ-বিরুদ্ধ প্রক্ষিপ্ত শ্লোক সঞ্চয় করে ও প্রমাণ করিবার চেষ্টা পায় যে, প্রচারক কোন ধর্মবিরোধী অস্থর, পাপ-পঙ্কে মানবকে নিমগ্ন করিবার নিমিত্ত, কলির সাহায্যে পৃথিবীতে অবতীর্ণ হইয়াছে। চন্দের অঙ্গে নিষ্টিবন নিষ্কেপের গায়, ত্রীগৌরাস্ত্রকে অস্থর বলিয়া ব্যাখ্যা করিয়া শ্লোক প্রচার করিয়াছে। উপায় নাই,—ব্যবসা যায়,—অলস-জীবনে গুরুগরি একমাত্র ব্যবসা শিখিয়াছে;—শিষ্যালয়-ভোজী জিহ্বাও রসাস্বাদী,—উপায় কি আছে! প্রচারক ত্বরায় উৎসন্ন না যাইলে, যাজক-গুরুর সর্বনাশ!

এ যাজক গুরু আবার তিন প্রকার,—সকলেই বৃত্তাপহারক। তবে ইহাদের মধ্যে কেহ কেহ কৃষ্ণের স্বরূপ বা শিবের স্বরূপ,—রমণী মাত্রেই তাঁহার সেবকা। তাহাকে শিব-ভাবে দেহ অর্পণে সেবা করিলে নারী ভগবতী হইবে ও কৃষ্ণ ভাবে সেবা করিলে রাধা হইবার সম্ভাবনা। মদ্য, মাংস, নদী, ক্ষীর লইয়া এইরূপ গুরুগরি চলিতেছিল, অকস্মাৎ কামিনী-ত্যাগী, মুখে কিছু না বলিয়া দৃষ্টান্তে সমাজকে বুঝাইল যে, ঐ সকল কার্যের নাম ব্যভিচার। কে আর নিজের স্ত্রীরী স্ত্রীকে অপরকে দিতে চায়? তবে যে শিষ্য তাহার স্ত্রীরী স্ত্রীকে “শিববৎ” গুরুকে অর্পণ করিয়াছে, সে কেবল প্রক্ষিপ্ত শ্লোকের তাড়নায়। ব্যভিচারীকে যমের ভয়ে মৌখিক শিব বলিয়া স্ত্রীকে অর্পণ করিতে বাধ্য হইয়াছে;—ভ্রম-জড়িত ভয়াস্ত হৃদয় অনন্তোপায় হইয়া স্ত্রীকে অর্পণ করিয়াছে। এখন অব্যভিচারী প্রচারকের দৃষ্টান্তে ভ্রম দূর হইল, স্তত্রাং যাজক-গুরুর রাস-লীলারও ব্যাঘাত পড়িল। আর এক সার্টির যাজক-গুরু—তাহারা “মহা মাস্তিত”,—তাহারা শাস্ত্রাদি অধ্যয়ন করিয়া নাস্তিক। বেদের মর্ম্ম যাহাতে চাপা থাকে, তাহাই তাহাদের প্রাণপণ চেষ্টা। পণ্ডিতবর দয়ানন্দ সরস্বতী যখন যজুর্বেদ হইতে শ্লোক উদ্ধৃত করিলেন যে, বেদের মঙ্গলস্থচক বাক্য শ্রবকেও বলিবে, তখন তাহাদের মহা বিভ্রাট ঘটিল। মহাপণ্ডিত দয়ানন্দকে তর্কে পারা ভার। নীচজাতি বলিয়াও দোষা যায় না, দয়ানন্দ ব্রাহ্মণ ও বিত্ত্ব সারস্বত

সাম্প্রদায়িক সম্মানী;—অর্থের বশ নয়—সত্যের বশ। যাজক-গুরুর অতি ভীষণ শত্রু হইল!

এই তিন সাম্প্রদায়িক গুরুই ধর্ম-সংস্থাপক প্রচারকের পরম শত্রু। এই ধর্ম-সংস্থাপকেরা বৃত্তি অপহরণ করিতে দেয় না, সত্যের অপহরণের বাধা ও বিঘ্নাভিমানীর তীক্ষ্ণ কণ্টক। ধর্ম স্থাপক যাহাতে বিনষ্ট হয়, যাজকের তাহাই পরম চেষ্টা। জাতির খুঁত ধরিতে পারিলেই বড় সহজ হইয়া যায়। রুইদাস চামার—ওর কথা আবার শুনিতে হইবে?

মানব-করে সূর্য আচ্ছাদন করা সহজ, তবু সত্য আচ্ছাদন করা যায় না। অগ্নি প্রদীপ্ত হইলে আলোক প্রদান করে, ইহা অনিবার্য। চামার রুইদাসের সত্য-প্রভা এই নিমিত্ত নিবারিত হয় নাই। ঘৃণা, কটুত্ব প্রভৃতি চলিয়াছে, কিন্তু অগ্নি ফল ফলে নাই। যাজকের অভীষ্ট সিদ্ধ হয় নাই।

জোলা, চামার লইয়া যাজক ব্যঙ্গ পর্য্যন্ত করিয়াছে, কিন্তু রামানুজস্বামী ব্রাহ্মণ, তাঁহার আবির্ভাবে সে ব্যঙ্গোক্তি চলিল না। যাজক বিব্রত। নাস্তিক প্রভৃতি নানা অপবাদ পরম বৈষ্ণবের উপর নিক্ষিপ্ত হইল। শিবদেবী বলিয়া তাঁহাকে রাজার বিদেহভাজন করিল। শোনা যায় যে, রামানুজের একজন শিষ্যকে রামানুজ জানে যাজকেরা চক্ষু অন্ধ করিয়া দেয়, কিন্তু সেই শিষ্যের এরূপ ক্ষমাবান চরিত্র যে, তিনি ধ্যানের সময় ইষ্টদেবের দর্শন পাইয়া ঐ ভীষণ শত্রুর মঙ্গল-কামনায় বর প্রার্থনা করেন। এরূপ চরিত্রকে সাধারণের ঘৃণাভাজন করা যাজকের সাধ্য হইয়া উঠিল না। লোকে রামানুজকে লঙ্ঘনের অবতার জানিয়া পূজা করিতে লাগিল।

বঙ্গদেশে যখন চৈতন্য মহাপ্রভুর আবির্ভাব হয়, তিনিও ধর্ম-যাজকের বিষদৃষ্টিতে পড়েন। তাঁহাকে লইয়া কতরূপ বঙ্গ করা হইয়াছিল। উল্লেখ করা হইয়াছে যে, তাঁহাকে ত্রিপুরাসুরের অবতার বলিয়া প্রতিপন্ন করা হইয়াছিল। শত শত দৃষ্টান্ত উদ্ধৃত করিয়া দেখান যায় যে, এমন ধর্ম-স্থাপক কেহই অবতীর্ণ হন নাই, যাহাকে যাজকেরা ঘৃণা-দৃষ্টিতে দেখেন নাই। কাহাকে বধ করিয়াছে, কাহাকে কারাকন্ড করিয়াছে, কাহাকে বা দেশান্তরিত করিয়াছে;—কিন্তু ধর্ম-স্থাপকের ধর্ম্মাহুরাগবলে যাজকেরা ধর্ম-স্থাপনের ব্যাঘাত জন্মাইতে পারে নাই।

এ ধর্ম যাজকেরা কে—তাহা অনুসন্ধান করিলে বুঝা ইবে যে, যখন সমাজ শিবদেবী হইয়া ধর্মদেবী হইয়াছে, তখন পরম শৈব অবতীর্ণ হইয়া শিবের মাহাত্ম্য স্থাপন করেন। যখন শক্তিদেবী সমাজ হয়, তখন পরম শক্তি বতীর্ণ হইয়া শক্তির গুণ কীর্তন করেন। বিষ্ণুদেবী রাজ হইলে বৈষ্ণব আসিয়া বিদ্বৈষ-ভাব দূর করতঃ বৈষ্ণব-মাহাত্ম্য প্রচার করেন। ধর্মস্থাপক ধর্ম স্থাপন করিয়া ন। তাঁহাদের শিষ্যেরা সমাজের মাত্রভাজন হন বং সেই সকল শিষ্যের সন্তানেরাও সেই মাত্র পাইতে কেন। কিন্তু তাঁহারা গুরুর ত্রায় গুণসম্পন্ন নন। এ কে দেখিতে পান যে, যে মান তাঁহারা পাইতেছেন, তাহা ভাঙ্গাইয়া অনেক সাংসারিক বাসনা পূর্ণ হইতে পারে;—ইহারাই ক্রমে এই বৃত্তাপহারক গুরু। ইহাদের পরম্পরে মিল নাই, কেবল কোন 'সাধুর আবির্ভাব হইলে ইহাদের মিলিত হইতে দেখা যায়। কলুষিত শৈব গুরুর সমদর্শী রাম শাক্তের আবির্ভাব দেখিয়া বৈবরী হয়, আবার এই শাক্তের শিষ্যেরা যখন কলুষিত হইয়া বিষ্ণুদেবী হয়, তখন ভদ্র-জ্ঞানশূন্য বৈষ্ণবের আবির্ভাবে তাহারা ক্রুদ্ধ হইয়া নানা প্রকার শত্রুতা করিতে থাকে। কালে আবার ঐ বৈষ্ণব সম্প্রদায়ও কলুষিত হইয়া যায়। বাঙ্গালা দেশে এই কলুষিত দৃষ্টান্তের অভাব নাই।

বৈষ্ণব সম্প্রদায় বৈষ্ণব শাখা প্রশাখায় যে কিরূপ ব্যভিচার চলে, তাহা অনেকেই অবগত আছেন। কিন্তু একটা আশ্চর্য্য ব্যাপার এই যে, যাজকেরা যে মহাত্ম্য প্রতি বিদ্বৈষ প্রদর্শন ও বিদ্বন্মণী বলিয়া ঘৃণা করিয়াছে, কালে সেই সকল ব্যক্তির অবতার বলিয়া বাচ্য হইয়াছেন; এবং তাঁহাদের মতামত সনাতন হিন্দু ধর্মের বেদ অনুগত বলিয়া গ্রাহ্য হইয়াছে; এবং যে সকল মত এক সময়ে সনাতন ধর্ম-বিরোধী বলিয়া প্রচারিত হইত, সেই সমস্ত মত লইয়াই আবার কোন ধর্মসংস্কারকের আবির্ভাব হইলে তাহার বিরুদ্ধে ব্যবহার হইয়া থাকে।

আমরা তিন শ্রেণীর ধর্ম-যাজকের কথা উল্লেখ করিয়াছি,

আর এক শ্রেণী বর্তমান আছেন, তাঁহারা সকলেই যাজকের পুত্র। পৈতৃক মানে মাত্র এবং সেই পৈতৃক মানে চৌর্য্য ব্যভিচারাদি নানা কুংসিং দোষ ঢাকিবার চেষ্টা করেন। পৈতৃক মানে মাত্র তিনি সমস্ত রাত্রি সেবাদাসীর নিষ্ঠিবন পান করিয়াও প্রণাম গ্রহণ করেন; চুরি করিয়া আক্বেপ করেন যে, আমি অমুক শুদ্ধবংশজাত, আমি চুরি করিয়াছি—আমায় মার্জ্জনা করুন; অপরাধ-ভয়ে সমাজ মার্জ্জনা করেন। যদি কোন সংস্কারক উঠিয়া বলেন যে, চুরি—চুরিই, তাহার আর অল্প নাম নাই—ব্যভিচার ব্যভিচারই, তাহা অল্প আখ্যাহীন,—তাহাই হইলে সেই সংস্কারক নাস্তিক বলিয়া ঘৃণিত হন।

উপস্থিত দেখা যায় যে, চৈতন্য মহাপ্রভুর আবির্ভাবে যাজকেরা যে ভাষায় চৈতন্য সম্প্রদায়ের প্রতি যে সকল কটুক্তি করিতেন, চৈতন্যসম্প্রদায়ও, চৈতন্যদেবী যাজক সম্প্রদায়ের সহিত মিলিত হইয়া, অবিকল সেইরূপ কটুক্তি রামকৃষ্ণ-সম্প্রদায় সম্বন্ধে করিয়া থাকেন। “দেশ মজালে, দেশ উচ্ছন্ন গেল” এ সকল কথা যেমন চৈতন্য-সম্প্রদায়ের বিরুদ্ধে উঠিয়াছিল, শ্রীরামকৃষ্ণ পরমহংস সম্প্রদায় সম্বন্ধে ঠিক সেইরূপ উঠিতেছে। অক্রোধী, নিরভিমাত্রী, কাম-কাঞ্চনত্যাগী, বিশ্ববিজয়ী হিন্দুধর্ম সংস্থাপককে, খুঁটান, নাস্তিক প্রভৃতি নাম প্রদত্ত হইতেছে। ইহা স্থানীয় দোষ নয়, বাঙ্গালার দোষ নয়, মানবচিত্তের দোষ। স্বার্থ-চালিত যাজকেরা স্বার্থহানির আশঙ্কায়, সর্বদেশে, সর্বস্থানে এইরূপ গরল উদ্গীরণ করিয়াছে। ঈর্ষাপরবশ গ্লানিপ্রিয় সমাজও, যাহাতে কাহাকে শ্রেষ্ঠ বলিয়া স্বীকার করিতে না হয়, সেই জন্ত ঐ যাজক-উদ্গারিত গরল, সুধা বলিয়া পান করে। কিন্তু সত্যের শক্তি অনিবার্য্য,—কলুষিত, স্বার্থ-বিজড়িত, ঈর্ষান্বিত, বংশমানে মাত্র, কুচরিত্র পাষাণেরা তাহা কিরূপে বুঝিবে! এবং মহাপুরুষেরা ঈশ্বর-প্রেমিত, তাঁহাদের আবির্ভাব নিষ্ফল নয়, তাহা যে অচিরে প্রতীয়মান হইবে, ইহাই বা কিরূপে জানিবে!

পলিসি

['রঙ্গালয়' সাপ্তাহিক পত্র (১৬ই চৈত্র, ১৩০৭ সাল) হইতে পুনর্মুদ্রিত]

ছল ও কৌশল এক নয়, ছল ও কৌশলে অনেক প্রভেদ; মিথ্যা ভাণের নাম ছল, কোন কার্যসিদ্ধির সদ্ উপায়ের নাম কৌশল; যথা—বৈষ্ণব কৌশলে রোগ আরোগ্য, সেনাপতির কৌশলে যুদ্ধ জয়, রাজমন্ত্রীর কৌশলে রাজ্যে স্থানিয়ম স্থাপন, ভাণ্ডারীর কৌশলে শুল্ক ধনাগার ধনপূর্ণ। এস্থলে কৌশল অর্থে ছল নয়—আমরা সচরাচর পলিসি অর্থে ছল বুঝিয়া থাকি; কৌশল অর্থে ছল নয়, কৌশলের নাম পলিসি। সত্যের সংসার ছলে কখন' চলিত না, ছলের অর্থ মিথ্যা ভাণ। ছলপটুব্যক্তি যতদূর বুদ্ধি সঞ্চালন করিয়া প্রতারণা-জাল বিস্তার করুন, সকল অবস্থা, তাহার বুদ্ধির সীমার ভিতর নয়। তাহার গণনায় কোথাও না কোথাও ছিদ্র থাকিবে; কার্য-সিদ্ধি ভবিষ্যতের তমোগর্ভে। কপট ব্যক্তি বুদ্ধির দ্বারা বিবেচনা করিয়া দেখেন যে, এইরূপ কার্যে এইরূপ ফল ফলিবার সম্ভাবনা। বিরোধী অবস্থা যাহা তাহার সম্মুখস্থিত, তাহাই তিনি গণনা করিতে পারেন, এবং সেই সকল বিরুদ্ধ-অবস্থার বিপক্ষে কতক মিথ্যা ভাণ করিতেও সক্ষম হন; কিন্তু অজানিত, অগণিত কারণ সম্ভূত, শৃঙ্খলাবদ্ধ কার্যশ্রেণী চলিয়া আসিতেছে। সকল ঘটনা মানব-দৃষ্টিতে পতিত হয় না। মহেশ্বরের সম্মুখে মাত্র দুই চক্ষু, পশ্চাতে বা দুই পাশ্বে কি হইতেছে—দেখিতে পায় না, সেইরূপ কোন ঘটনাস্রোত, তাহার পাশ্বেবর্তী বা পশ্চাতে ধাবিত, কখন তাহাকে ভাসাইবে, তাহা মহাশয় চক্ষে দুনিয়াক্ষ্য। অনেক চেষ্টায় সম্পূর্ণ সতর্ক হইয়া চোরে চুরি করে, কিন্তু সেই সঙ্গে সঙ্গে তাহার দুষ্কর্মে প্রমাণ রাখিয়া যায়, নচেৎ আধুনিক ডিটেকটিভ পুলিশ স্থাপিত হইত না। “দুষ্কর্মে ধর্মের ঢাক বাজে” কথাটা প্রমাণসিদ্ধ—বহুকাল হইতে চলিয়া আসিতেছে, একথা সকলেই জানেন। কিন্তু লোভের প্রতারণায় প্রতারিত হইয়া লোকে ছল উপায় অবলম্বন

করে; তাহাতে কখন' কাহারও কার্যসিদ্ধি হয় বটে, কিন্তু চিরদিন যন্ত্রণা ভোগ করিতে হয়। কারণ প্রকাশ হইবে, প্রকাশ হইলে সে দণ্ডিত হইবে, এই ভয়ে ভয়ে আজীবন কালতিপাত করিতে হয়। কদাচিৎ যদি কেহ উচ্চ অবস্থায় অবস্থিতি করিয়া, দণ্ডভয় অতিক্রম করিতে পারে বটে, কিন্তু লজ্জাভয় তিরোহিত হয় না। “ভবিষ্যদ্বক্তা কবি সেক্সপিয়র” “ম্যাক্বেথের” মুখে বলাইয়াছেন, পাপের দণ্ড ইহলোকেই হয়, চিন্তাশীল ব্যক্তি মাত্রেই ইহা উপলব্ধি করিয়াছেন। ছলনা যখন এরূপ ঘণিত, ছলের দ্বারায় উচ্চকার্য সমাধা কখনই হইতে পারে না; পলিসির নাম যদি ছল হয়, তাহা হইলে মানব-জীবনে ‘পলিসি’ পরিহার করা সম্পূর্ণ উচিত।

ছলনার দ্বারায় যদিও কাহাকে কেহ প্রতারিত করিয়া থাকেন, তাহা হইলেও যিনি প্রতারিত হইয়াছেন, সে ব্যক্তি কর্তব্য-অমুষ্ঠানশীল নয়। সচরাচর গুনিতে পাওয়া যায়, গোণা কিনিতে গিয়া, কেহ দুটের ছলনায় পিতল কিনিয়াছে,—কপট জুয়ায় হারিয়াছে—ভুষ্মে সম্পত্তি বাঁধা রাখিয়া টাকা কর্জ দিয়া ঠকিয়াছে, যাহারা ঠকিয়াছে, তাহারা কিন্তু সকলেই লোভী; লোভের দ্বারে ফাঁদ পাতিয়া কপটব্যক্তি :তাহাকে প্রতারিত করিয়াছে। যে গোণা কিনিয়া ঠকিয়াছে, সে যদি বুঝিত যে, কম দরে কিরূপে গোণা বেচিতেছে, অবশ্য চোরাই মাল হইবে; আনি ভদ্রলোক, চুরির প্রশ্রয় দিয়া কেন চোরাই মাল কিনিব? এরূপ সদবুদ্ধি থাকিলে জুয়ায় তাহাকে ঠকাইতে পারিত না। জুয়া খেলিয়া লাভ হইবে, কোন এক বিষয়-জ্ঞানশূন্য ব্যক্তিকে ঠকাইয়া আনিবে, জানিয়া শুনিয়া জুয়া খেলিতে গিয়া কপট ব্যক্তির দ্বারায় প্রতারিত হইয়াছে। জুয়ায় প্রতারিত বুদ্ধি, পরস্ব-অপহরণ-লোলুপ; তাই জুয়াচোর তাহার চক্ষে ধূলা দিতে পারিয়াছিল। দালাল আসিয়া বলিল, একজন

যা, কুৎসিত আমোদ-প্রিয় হইয়া কল্প করিতে বাজারে গিয়াছে, তাহাকে কল্প দিলে বিপুল লাভ। যে কল্প দিল, সে যদি বুঝিত যে, বালক ঠকাইয়া অর্থ উপার্জন করিব বেন? তাহার দুশ্চরিত্রিত্বই বা প্রশ্রয় দিব কেন? একরূপ স্ববুদ্ধি থাকিলে কখন' সে প্রতারিত হইত না। ঋদ্ধিকাংশ ব্যক্তি, যাহারা প্রতারিত হইয়াছে,— তাহারা লোভী, তাহার লোভের সাহায্যে প্রতারক, তাহাকে প্রতারণা করিয়াছে। পারমাণবিক মঙ্গল প্রত্যাশায় যে, সদাচারী হইতে হয়, কেবল তাহা নহে; অনেকে,— যাঁহারা পরলোক মানেন না, তাঁহারাও ঐহিক শাস্তির নিমিত্ত সদাচারী। তাঁহারা জানেন, যেমন নৌকা হালি বাতাত সঞ্চালিত হয় না, সেইরূপ সদাচার-ব্রত না হইলে জীবন-তরী সময়স্রোতে ভাসিতে পারে না। মানবজীবনে বিপদ অবশ্যস্তাবী। অর্গব-তরীকে যেমন ঝটিকায় আক্রান্ত হইতে হয়, জীবন-তরী সঞ্চালনেও সেইরূপ বিপদ-ঝটিকা সর্বদাই বিচক্ষমান। সে ঘোর বিপদ-ঝটিকায় সদাচার একমাত্র হালি; দৃঢ়রূপে সদাচাররূপ হালি ধৃত করিয়া রাখিলে সে ঘোর ঝটিকা হইতে উত্তীর্ণ হইবার সম্ভাবনা। যে সদাচার-ব্রত নয়, তাহার জীবন-তরী সর্বদাই ঝটিকা-পূর্ণ সংসার সাগরে ভাসমান নৌকা-দণ্ডবিহীন, দিগ্‌বিদিশ নির্ণয়-যন্ত্র-বিহীন- (Compass) তরঙ্গ-স্বেচ্ছায় চালিত। কিন্তু যিনি সদাচার, সদাচার-সঙ্কল্পরূপ দৃঢ় নৌকাদণ্ড দৃঢ়রূপে হৃদয়ে ধারণ করিয়াছেন, সত্যতা ধ্রুবতার, যাহার মানস-নয়নে সর্বদাই দীপ্তিমান, সংসার-অর্গব-ঝটিকায় তাহার ভয় নাই; বিপদ ঝটিকায় ছিন্নভিন্ন হইয়াও অকূলে চিত্তপ্রসাদরূপ শান্তিকূল পাইবেন। সত্যতাই নিরাপদে জীবনযাত্রার একমাত্র উপায়।

যাহা ব্যক্তিগত সত্য, সমাজগত তাহাই সত্য; ছুরাচারী-সমাজ কখন স্থায়ী হয় না। রোম রাজ্যের বিপুল সমাজও স্থায়ী হয় নাই। রাজা যুধিষ্ঠির-স্থাপিত হিন্দুরাজ্য পরাধীন। সত্যপ্রিয়ই একমাত্র কৌশল; পৃথিবীতে যত বৃহৎ কার্য্য হইয়াছে, যত বড় লোক জন্মিয়াছেন, সমস্তই সত্যপ্রিয়। যিনি পলিসিকে ছলনা বলিয়া হৃদয়ে স্থান দিয়াছেন, মুক্তকণ্ঠে বলা যায়, তিনি স্বার্থপর, কার্য্যপ্রিয় নন। উচ্চকার্য্য-ব্রতী, দেশহিতৈষীতা

প্রচার, তাহার স্বার্থপরতার আবরণ মাত্র। যিনি উচ্চ-কার্য্যে ব্রতী, স্বার্থত্যাগ তাহার প্রথম শিক্ষা; সত্য তাহার একমাত্র আশ্রয়; সত্যপ্রিয় ব্যক্তি যদিও কখন জীবনে বিফলম-নোরথ হইয়া থাকেন, কিন্তু যে সত্যবীজ বপন করিয়া গিয়াছেন, তাহা কালে নিশ্চয়ই অঙ্কুরিত হইয়া গিয়াছে। স্বার্থত্যাগী ও সত্যপ্রিয় ব্যক্তির আদর্শে, অনেকে স্বার্থত্যাগী ও সত্যপ্রিয় হইয়াছেন। সত্যপ্রিয়ের দুদ্দমা উৎসাহে, স্বার্থত্যাগীর দুদ্দমা উত্তম—জগতে অঘটন ঘটয়াছে। ইতিহাসের ছত্রে ছত্রে তাহার প্রমাণ। উপস্থিত “জাপানের” উন্নতি, স্বার্থত্যাগী মহাপুরুষের উত্তম স্থাপিত। একজন স্বার্থত্যাগী পুরুষ, নিজ আদর্শে জাপানের গৃহবিবাদ ভঙ্গ করিয়া জাপানকে রুষের প্রবল প্রতিদ্বন্দ্বী করিয়াছে।

আমেরিকায় গৃহবিবাদে, উত্তর আমেরিকার জয়, বেতনভোগী সৈন্যের দ্বারা হয় নাই, কোমলহস্ত স্বার্থত্যাগী (ভলেন্টার) রণজয় করিয়া ক্রীতদাসকে মুক্তি প্রদান করিয়াছেন।

আমেরিকার স্বাধীনতা স্থাপন, স্বার্থত্যাগী ওয়াশিংটন-কৃত। অস্ত্রের কথা কেন কহিতেছি, যবন-প্রাবল্য স্বার্থত্যাগী গুরুগোবিন্দের দ্বারায় দমিত। একটা হৃদয়-প্রফুল্লকর কথা, যবন-দ্বন্দ্বে গুরুগোবিন্দ সিংহের সৈন্য সংখ্যা অল্প ছিল। সেনারা গুরুগোবিন্দসিংহকে নিবেদন করিল, ‘প্রভো! এই অসংখ্য যবন-সৈন্য, আমরা কয়জনে কিরূপে পরাজয় করিব!’ স্বার্থত্যাগী বীর পুরুষ সদন্তে উত্তর দিলেন, “সওয়া লাখ পর এক চড়াই!” তাহাই হইল। একজন শিশু সওয়া লাখ বিপক্ষ দেখিয়া অত্যাধি বিমুগ্ধ হয় না কেন? একজন মিথ্যাবাদীর কথায়? একজন কি মিথ্যা ভাণকারীর কথায়? তাহাই হইল কেন? শিশু দেখিল, গুরুগোবিন্দ বীর কোটি কোটি বিপক্ষ ভেদ করিয়া তরবারি চালন করেন। তাঁহার সম্মুখেরাও সেইরূপ বিপক্ষ অপেক্ষা দৃঢ় অস্ত্রধারী, ভাণে ভোলে নাই। শিশু নিঃস্বার্থ আদর্শে মুগ্ধ হইল। থালুসা সৈন্য গুরুগোবিন্দের স্বার্থ ত্যাগে হতজিত, ইংরাজ-বিরুদ্ধে তাহারাই রামনগর, চিলেন্ডালা জয়ী,— একজন গুরুগোবিন্দ সাম্প্রদায়িক শিশু যদি আপনাতরূপে হিংস্র হয়, শিক্ষা প্রাপ্তে বিদায় গ্রহণ কালে বলিবে, ‘ভিক্ষা মিলা, আঁব

পলটন চলে ?” গুরুগোবিন্দের কথা মত ভিক্ষুর ধারণা যে, সওয়া লাখ বিপক্ষের সম্মুখীন সে একা হইতে পারে,— সেই নিমিত্ত আপনাকে একা বলে না, পলটন বলিয়া পরিচয় দেয়। হায় গুরুগোবিন্দ! যখন জয় করিতে হইবে, তাহাই তোমার সঙ্কল্প ছিল, জানিতে না—যখন অপেক্ষা শতগুণে বলবান কোন জাতি ভারত-রাজ্য-পিপাসায় অর্ধ-তরী বাহনে ভারতে উপস্থিত হইবে; তাহা হইলে তুমি কালাপানি যাওয়া নিষেধ করিতে না। তোমার খালসা সৈন্য কাহারও অধীন হইত না। পঞ্চককার সাধক, শিখই ভারতের অধীশ্বর হইত, কিন্তু ‘গতন্ত শোচনা নাস্তি।’ স্বার্থত্যাগী মহাপুরুষ-প্রভাবে দুর্দান্ত প্রতাপ প্রথম নেপোলিয়ান পরাজিত হন। মাতৃ-ভূমির প্রয়োজনে, প্রত্যেক ব্যক্তি তাহার কর্তব্য সাধন করিবে। ট্রাফেলগার-জয়ী নেলসনের ইহা জপমন্ত্র ছিল, এই মন্ত্রবলে ভারতবর্ষ ইংলণ্ডের করতলগত, নচেৎ ফরাশী ভারত-ঈশ্বর হইতেন।

আমাদের বিরুদ্ধে কেহ কথা তুলিতে পারেন বটে, কিন্তু এ সকল ত কাটাঁকাটা মারামারি বর্ণনা, রাজনৈতিক বিষয় হইতে স্বতন্ত্র; যদিও নয়—তথাপি তর্কের নিমিত্ত, আমরা স্বীকার করিয়া লইতেছি যে, গুরুগোবিন্দ সিংহের শিখ জাতি স্থাপন করা রাজনৈতিক প্রভাবে হয় নাই। রাজনীতি-বিশারদ মন্ত্রীর প্রভাবে ট্রাফেলগার জয় হয় নাই, স্বার্থত্যাগী মন্ত্রী, যাহারা কখনও অন্তর্স্পর্শ করে নাই, তাহাদের ত্যাগবলে কি অঘটন ঘটয়াছে, তাহাই বলিব। ইংলণ্ডের ইতিহাস অনেকেই অবগত। সেই ইতিহাসের পট্রেই দেখিবেন, সে সংসার-স্বখ-বিরক্ত রাজমন্ত্রী “পিট্ সাহেব” যিনি কর্জ করিয়া সংসারযাত্রা নির্বাহ করিয়াছিলেন, রাজমন্ত্রী হইয়াও জীবন-ব্যয়োগযোগী উপায় করিতে পারেন নাই, স্বকৌশলে ইউরোপীয় রাজগণকে নেপোলিয়ানের আধিপত্য-লালসা বুঝাইয়া দিয়া এক ক্ষম্মে আবদ্ধ পূর্বক কিরূপে দুর্দম শত্রু জয় করিয়াছিলেন। তাহার কৌশলের সাফল্য তিনি জীবনে দেখেন নাই, না দেখুন; কিন্তু তাঁহারই স্বার্থত্যাগী মন্ত্রণাবলে মহাবীর নেপোলিয়ান সেণ্টহেলেনায় আবদ্ধ হইয়াছিলেন। পিট্ সাহেব কার্যপ্রিয় ছিলেন। কার্যই তাঁহার সর্বস্ব, স্বার্থ নয়; তাহার প্রমাণ, তাঁহার মৃত্যু। স্বকৌশলে সমস্ত

রাজবৃন্দকে এক প্রয়োজনে আবদ্ধ করিয়া কার্যসিদ্ধি হইবে পিট্ সাহেব ইহা ভাবিয়াছিলেন, কিন্তু অমাহুষিক বুদ্ধি ও উত্তম-বলে নেপোলিয়ান অষ্টালিজ্ যুদ্ধ জয় করায় পিট্ সাহেব বিবাদপূর্ণ হন। অষ্টালিজ্ যুদ্ধ-ভাব তিনি প্রাপ্ত হইয়াছিলেন। এই বলিয়া ইতিহাসে তাঁহার বর্ণনা। “জিনা যুদ্ধ” পরাজয় শুনিয়া তিনি প্রাণবায়ু ত্যাগ করেন। ইহাতে প্রমাণিত হয়, স্বদেশহিত তাঁহার হৃদয়ের একমাত্র আকাঙ্ক্ষা ছিল। তাঁহার কৌশল স্বার্থের উপর স্থাপিত নয়, স্বার্থশূন্য। রাজমন্ত্রী স্বদেশের অমঙ্গল-আশঙ্কায় প্রাণ ত্যাগ করিলেন। যদি তাঁহার মন্ত্রণা ছলনাপূর্ণ হইত, যে অর্থে পলিসি আমরা গ্রহণ করি, তাহা হইলে তাঁহার পার্লামেন্টে প্রতিদ্বন্দ্বী বার্ক, ফক্স প্রভৃতি মহাত্ম্যব রাজনীতি-দীক্ষিত পুরুষেরা বক্তৃত-বলে ইংলণ্ডকে “পিটের” স্বার্থপরতা বুঝাইয়া দিয়া তাঁহাকে মন্ত্রী পদচ্যুত করিতে পারিতেন। আমেরিকা যখন স্বাধীনতার জয় ইংরাজ বিরুদ্ধে যুদ্ধ করে, রাজা তৃতীয় জর্জ যদি স্বাধীন-চেতা, স্বদেশ-কার্যে প্রাণদাতা মন্ত্রীর “চ্যাপ্লেম” এর নিঃস্বার্থ বাক্য উপেক্ষা না করিয়া আমেরিকা-পীড়নে সৈন্য প্রেরণ না করিতেন,— বোধ হয় ট্রান্সভাল যুদ্ধে কেনেডিয়া ও অষ্ট্রেলিয়ার ছায় আমেরিকা, যোদ্ধা-সন্তান প্রেরণ করিত। স্বার্থশূন্য রাজমন্ত্রীর বাক্য উপেক্ষাই, আমেরিকা হস্তচ্যুতির কারণ। স্বার্থশূন্য রাজনৈতিক মন্ত্রণাফলে বান্ধালা আজ হৃদয়বন নহে। রাজপ্রতিনিধি কর্ণওয়ালিস যদি কালেক্টরীর কর আদায়কারীদিগকে স্থানীয় স্থায়ী অধিকার (Permanent Settlement) না দিতেন, বান্ধালা এতদিন বন হইত। কালেক্টরেরা,— যাহারা এখন জমীদার, কর আদায় করিয়াই শান্ত হইতেন, স্থানীয় শুভাশুভের প্রতি দৃষ্টি রাখিবার কি প্রয়োজন ছিল; কিন্তু স্থানীয় আধিপত্য প্রাপ্তে কালেক্টর অর্থাৎ জমীদার রাজস্ব দিয়া, প্রজার ক্রীড়ি সাধনাকাঙ্ক্ষী হইলেন, তাই বান্ধালা জঙ্গল না হইয়া, পরগণায় বিভক্ত ও প্রতি পরগণায় নগর সংস্থাপিত।

যদিচ এ প্রবন্ধ-বহির্ভূত কথা,— যাহা বলিতেছি, অপর প্রবন্ধে সমালোচ্য,— যখন বিষয়টা উপস্থিত, তখন একটা কথা বলি—যদি সকল জমীদার তাহাদের মহলে তাঁহার ‘রাজা’ এই কথা উপলব্ধি করিতেন; প্রজা স্বাধী হইলে তাঁহাদের উত্তরাধিকারী স্বাধী হইবে, যে রূপ অধ্যবসায়

হককারে, তাঁহাদের পূর্বপুরুষেরা তাঁহাদের উত্তরাধিকারীর নিমিত্ত বস্তু ভূমিতে পল্লী করিয়াছেন; সেই অধ্যবসায় হককারে প্রজার মঙ্গলে তাঁহারা সেইরূপ যত্নবান হইলে ইংরাজের প্রজার পক্ষে পক্ষপাত বা তাহাদের সেই পার্বমানেন্ট সেটলমেন্ট (Permanent Settlement) অধিকার হইতে বঞ্চার চেষ্টা অসম্ভব করিতে হইত না। হে জমীদার! জুজু হইবেন না; প্রজার সহিত পিতা-পুত্র সখ্য, যাহা আপনার পূর্বপুরুষের ছিল, কাছারিতে মার খাইয়া, আপনার পিতামহীর কাছে আভাং তৈল মাখিয়া, 'মচ্ছি-মুলার' সহিত আহার করিয়া স্নেহের কথার সহিত কিছু বা অর্থ পাইয়া প্রজারা আর এখন গৃহে ফেরে না।

বস্তুকি করিয়া খাজনা দেয় না, কাছারিতে মার খায়, ধর্মঘট করে, জমীদারের বিপদ পড়িয়াছে, স্বেচ্ছায় টাকা তুলিয়া দেয় না, প্রজারা বড় চুষ্ট,—সকলই সত্য, কিন্তু মহাশয়, আপনি কি আপনার পূর্ব-পুরুষোচিত কার্য করিয়াছেন, হৃদয়ে হস্ত দিয়া বলিবেন। যদি করিতেন, ইংরাজের কি সাধা, জমীদার-প্রজা ভেদ করিয়া পিতা-পুত্রের স্নেহের বন্ধন ছেদ করে? কলিযুগেরও সাধা নাই। এ প্রসঙ্গে নিম্নয়োজন অনেক কথা বলিলাম, পাঠক মার্জনা করিবেন।

ধনাধ্যক্ষের পলিসিতে অর্থাৎ কৌশলে এক পয়সায় ডাক চলিতেছে, ইহাতে রাজকোষ বিশেষ পুষ্ট। দুর্ভাগ্যের বিষয়, ভারতবর্ষে দু'পয়সা দিতে পারে না অনেক লোক; “আচ্ছা, একটা পয়সা বই তো নয়”—তাহা বলিয়া পত্র লেখেও অনেক লোক; আবার ইহা ব্যারিং হয় না, ভাষাতে পত্র গ্রাহকের সুবিধা। ব্যারিং পত্র যাহা অগ্রে কিরাইয়া দিত, তাহার আর এখন আবশ্যক নাই। এক পয়সার ডাকে ব্যারিং নাই। ডাকঘরের আয় যে বেশী হইয়াছে, তাহা অস্বাভাবিক ও হিসাবের অন্ধে প্রতীয়মান।

ইহার নাম পলিসি, যাহাকে আমরা কৌশল

বলিতেছি; কৌশল কথাটি চাতুরীর দ্বারা ব্যবহার হইয়া থাকে, তাই পলিসির নাম আমরা ‘সুকৌশল’ বলিব। যাহারা মনে মনে জানেন (যে প্রাণ না দিয়া সুকৌশলে নয়, অর্থাৎ স্বার্থত্যাগে নয়, পরের হিতসাধনের নিমিত্ত নয়) বক্তৃতায়, অনায়াসলব্ধ কালি-কলম পাইয়া সংবাদপত্রের স্তম্ভ পরিপূর্ণ করিয়া, ছলনার দ্বারা স্বার্থসিদ্ধি করিবেন ও ভবিষ্যতে পূজনীয় হইবেন,—যদি তিনি না বিফল-মনোরথ হন, তাহা হইলে সংসার যে নিয়মে চালিত হইতেছে, সে নিয়ম আর থাকিবে না। চুষ্ট, ঝল, কপট, ছল, বহুদিন আশ্বাসপান করিতে পারিবে না, এ কথা নিশ্চয় জানিও। যদি কেহ পরহিত সাধন ইচ্ছা কর, যদি কেহ স্বদেশ-কল্যাণকাজী হও, যদি কেহ উচ্চকার্যে ব্রতী হও, যদি কাহারও দরিদ্রের সহিত সহানুভূতি থাকে, যদি কেহ বৃদ্ধুৎ ভারতকে অন্নদান করিতে প্রস্তুত থাক, তাহা হইলে স্বার্থত্যাগ কর, ছল করিও না। স্বার্থ-ত্যাগের দ্বারা পলিসি অর্থাৎ সুকৌশল অত্যাধিক সৃষ্টি হয় নাই। স্বার্থত্যাগ করিলে সত্য তোমার অবলম্বন হইবে। স্বথে দুঃখে একরূপ অবলম্বন বন্ধুর উপর নির্ভর করিয়া, জীব উপর নির্ভর করিয়া, পুত্রের উপর নির্ভর করিয়া যাবে না, সত্য বড় বলবান অবলম্বন।

পলিসি অর্থাৎ সুকৌশল, যাহার দুর্বুদ্ধিতে মিথ্যা ভাণ বলিয়া উপলব্ধি, তিনি কেবল আপনার অনিষ্ট সাধন করিবেন তাহা নহে, জগতের অনিষ্ট সাধন তাহার দুষ্ট জীবনের ফল হইবে নিশ্চয়।

ভাবশ্রোতে আমরা চলিত সাপ্তাহিক পত্রে প্রবন্ধ স্থান অতিক্রম করি, ইহাতে স্থখ্যাতি না হইয়া আমাদের অলস পাঠকের নিন্দাভাজন হইতে হইয়াছে; সুতরাং এই বিপুল প্রবন্ধ এইস্থানে সমাপ্ত করিলাম। কিন্তু যদি একজন পাঠকের হৃদয়ে এই ধারণা দিতে পারিয়া থাকি, যে, ছলের নাম পলিসি নয় অর্থাৎ সুকৌশল, তবে আমার প্রবন্ধ লেখা সাধক বলিয়া বিবেচনা করিব।

ধ্রুবতারা

['উদ্বোধন' মাসিক পত্রে (১০ম বর্ষ, জ্যৈষ্ঠ, ১৩১৫ সাল) প্রথম প্রকাশিত]

ঈশ্বর সম্বন্ধে যেরূপ মতভেদ, এরূপ মতভেদ বোধ হয় আর কোনও বিষয়ে নয়। ঈশ্বর আছেন কি না, তিনি সাকার বা নিরাকার এবং কোন্ সাকার মূর্তি তাঁহার স্বরূপ মূর্তি, অজ্ঞানতা বশতঃ ইহা লইয়া বাদানুবাদ নিয়তই চলিতেছে। ম্যাক্সমুলার বলেন যে, প্রধানতঃ আট প্রকার ধর্ম প্রচলিত আছে। অধিক থাকুক বা না থাকুক, দেখা যায় প্রত্যেক ধর্মাবলম্বীর মধ্যে নানা প্রকার সম্প্রদায় ও প্রতি সম্প্রদায় যেন বিরোধী ধর্মাবলম্বী। প্রতি সম্প্রদায়ই অপর সম্প্রদায়ের জন্ত নরক বন্দোবস্ত করিয়াছেন। হিন্দু-ধর্মেও এইরূপ বিরোধ, আবার এক সম্প্রদায়ভুক্ত ব্যক্তির উপাসনা লইয়া পরস্পরে এইরূপই বিরোধ। কিরূপে ভগবান্ রামকৃষ্ণ পরহংস এই সকল বিরোধ মীমাংসা করিয়াছেন, তাহা যিনি পরমহংসদেব সম্বন্ধে কোন কথা কিছু শুনিয়াছেন, তাঁহার অগোচর নাই। কিন্তু সে বিষয় উপস্থিত আমাদের আলোচ্য নয়। পরমহংসদেব সকল প্রকার উপাসনার কথাই বলিয়াছেন, তাঁহার মতে মনুষ্য মাত্রেই স্বীয় আধ্যাত্মিক অবস্থা অনুসারে উপাসনা করিয়া থাকে এবং অকপটচিত্তে যেরূপই উপাসনা করে, সেই উপাসনাই প্রশস্ত। মনুষ্যের আধ্যাত্মিক অবস্থা সম্বন্ধে যাহা তিনি বলিতেন ও সে কথা আমরা যেরূপ বুঝিয়াছি, বর্তমান প্রবন্ধে আমি তাহাই প্রকাশ করিবার চেষ্টা পাইব।

ঈশ্বরলাভের উপায় সম্বন্ধে বিভিন্ন ব্যক্তি বিভিন্ন অভিপ্রায় প্রকাশিত করেন। কেহ মনে করেন, ঈশ্বর কি সম্বন্ধে পাওয়া যায়? একজন বড় লোকের দেখা করিতে হইলে কৃত লোকের উমেদারী, কত প্রকার পরিশ্রম, কত লোকের কত প্রকার স্তব-স্ততি করিতে হয়। এই সকল উমেদারী ও পরিশ্রমের ফলে সেই বড় লোকের দেখা

পাইবে কি না সন্দেহ, কিন্তু এরূপ কষ্ট ব্যতীত যে দেখা পাইবে না, ইহা নিশ্চিত। কেহ মনে করেন, ঈশ্বর নিগূর্ণ, শত উপাসনা করো, কিছুতেই কিছু হইবে না। আপনাকে নিগূর্ণ অবস্থায় লইয়া যাইবার চেষ্টা করো, বহু সাধনার পর সেই নিগূর্ণ অবস্থা প্রাপ্ত হইবে। 'কেহ মনে করেন, তাঁহার উপাসনার প্রথা সকল রহিয়াছে, সেই প্রথা-অনুসারে কার্য্য করো, পুষ্প, নৈবেদ্য প্রভৃতি দিয়া অর্চনা করো, শুদ্ধরূপে মন্ত্র সকল উচ্চারণ করো, এই সকল কার্য্য করিতে করিতে যদি ক্রটি না হয়, তাঁহার রূপাদৃষ্টি পড়িলেও পড়িতে পারে। কেহ বা বলেন, ও সকল বাহ্য পূজায় কি ঈশ্বরের তৃপ্তি হয়? ও সকল বাহ্য পূজা নিম্ন অধিকারীর নিমিত্ত। তাঁহার নাম করো, ধ্যান করো, কীর্ত্তন করো, ক্রমে ক্রমে উন্নতি হইতে থাকিবে। কেহ বলেন, অতি শুদ্ধাচারে থাকিতে হইবে, প্রত্যহ স্নান করিয়া শুচি হও, সকাল বিকাল সন্ধ্যাহ্নিক করো, হবিগ্ৰাহ্য আহার করো, আগে দেহ শুদ্ধি করো, তারপর সে কথা। কেহ বা বলেন, প্রাণায়াম করিয়া আগে মনস্থির করো, 'নেতি ধ্যেতি করিয়া দেহশুদ্ধি' করো,—উপাসনার কথা পরে। কেহ তাঁহাদের কথায় আপত্তি করিয়া বলেন যে, সংসারে থাকিয়া নানা সাংসারিক কার্য্য করিয়া—ও সকল কার্য্য কিরূপে হইবে? তাহার উত্তরে যোগপন্থী বলেন,—“সত্যই তো, তাহা হইবার নয়, অতএব সন্ন্যাস-আশ্রম অবলম্বন করো।” সে কথার প্রত্যুত্তরে তাহার প্রতিবাদী বলেন, “কেন, গার্হস্থ্য ধর্ম কি ধর্ম নয়? গার্হস্থ্য ধর্মে কি হয় না?” এই বাদ প্রতিবাদে অস্তিত্বভূত একটা কথা আছে, হওয়া কাহার নাম, এ কথা তাঁহাদের উপলব্ধি হয় নাই। ‘নিয়তই ঈশ্বরে মনোনিবেশ’ তাহার নাম যদি হওয়া হয়, সংসারে যে সে পক্ষে পদে পদে বিষ, তাহার আর সন্দেহ নাই।

যাহাই হউক, এই তো বাগদান। ঈশ্বরের সহিত আমাদের কি সম্বন্ধ, ইহা স্থির করিতে না পারাতেই এই হল বাগদান উপস্থিত হয়। ঈশ্বর বহুদূরে, এইরূপ স্ফাটন এই বাগদানের মূল। কিন্তু যে ভাগ্যবান কৃপায় বুঝিয়াছেন যে, ঈশ্বর মঙ্গলময়, তিনি দূরে নাই, আমার অন্তরেই অন্তরে আছেন, অসহায় বাল্যকালে যে স্নেহেই পাইয়াছি, সে ঈশ্বরেরই স্নেহ, —সাকার মাতৃমূর্তি ইতে আমার উপর আসিয়া পড়িয়াছিল; তাঁহারই কৃপায় লিতেছি, বলিতেছি, তাঁহার কৃপায় ডুবিয়া আছি, তিনি কালে লইতে চান, আমরাই দূরে যাইতেছি; আমার কি দল, আমার ক্ষুদ্র বুদ্ধিতে স্থির করিতে পারিতেছি না, তিনি নিয়ত মঙ্গল বিধান করিতেছেন, এরূপ ভাগ্যবানের জ্ঞাপকত্ব বসন্ত। তিনি যখন পুষ্প-চন্দন লইয়া পূজা করিতে বসেন, তিনি কি হয় না হয়, তাঁহার প্রতি দৃষ্টি করেন না। ফুলগুলি স্বন্দর, আমার মা'র পাদপদ্মে দিব ১? এই ভাবিয়া পূজা করিতে বসেন। স্বন্দর স্নিগ্ধ ললিত, সুবাস্ত্র আহার্য, সেই সকল দ্রব্য তিনি স্বয়ং বড় গলবাসেন, তিনি তাঁহার মাকে আনিয়া দেন। তাঁহার মনে নৈশ্চিন্তই ধারণা, তিনি শুদ্ধ মস্ত উচ্চারণ করুন বা না করুন, মা তাঁহার ফলমূলাদি গ্রহণ করিয়াছেন। তিনি মা'র গুণাঙ্গীকর্তন করেন, কেননা, তাঁহার প্রাণ টলিয়াঠে, না করিলে মহা অশান্তি জন্মে। তাঁহার নিকট অপরাধ নাই, পাপ নাই, তিনি অপার স্নেহময়ী মায়ের স্তান। তিনি নিজেকে যত ভালবাসেন, তার শতগুণে মা তাঁহাকে ভালবাসেন। এ মা'র কেন দেখা পাইতেছি না বলিয়া কাদিয়া অস্থির হন।

এরূপ ভাগ্যবান ব্যক্তির অবস্থা অতি প্রার্থনীয়। শুক্ল কৃপায় এই প্রার্থনীয় অবস্থায় যাঁহার দৃষ্টি পড়ে, এই প্রার্থনীয় অবস্থা যিনি চান, তাঁহার ও কঠোর পন্থা নয়। সেই অবস্থা পাইবার ঈশ্বরের নিকট প্রার্থনাই একমাত্র পন্থা। হয় তো তিনি ভাবেন, আমার মন অতি দুর্বল, এরূপ প্রার্থনা করিতেও পারি না। এই দুর্বলের নিমিত্ত কৃপায় রামকৃষ্ণদেব কি সহজ উপায়ই করিয়াছেন। তোমার এই মনের দুর্বলতা একপট হৃদয়ে ঈশ্বরের নিকট জানাও, হৃদয় পায়ে জানাও, তিনি

বিশুদ্ধে সিদ্ধ করিয়া তোমার এই প্রার্থনা পূর্ণ করিবেন। তুমি দুর্বল—তিনি জানেন, তুমি একবার শরণাগত হইলে, তিনি শরণাগতকে পরিত্যাগ করিবেন না,—তিনি শরণাগত দীনের পরিত্যাগ পরায়ণ। এই রামকৃষ্ণের মহাবাক্য, কেহ এরূপ দীন নয়, কেহ এরূপ সাংসারিক হীন অবস্থাগত নয় যে, দিনান্তে একবার এইরূপ তাঁহার মনের অবস্থা ঈশ্বরকে জানাইতে না পারে।

হয় তো শাস্ত্রাভিমानी বলিবেন, একবার প্রার্থনা করিলেই যদি হইত, তাহা হইলে কেহ কি প্রার্থনা করে না? করে কি না করে, তাহা আমরা বিচার করিতে বসি নাই, কিন্তু আমাদের কথা এই যে, যিনি রোগ, শোক, মৃত্যু-সঙ্কল সংসারে আপনার অসহায় অবস্থা, আপনার হীনতা, আপনার দুর্বলতা কিছু মাত্র উপলব্ধি করিয়াছেন, তিনি এই মহাবাক্য তাঁহার জীবনের ঋবতারা করিবেন সন্দেহ নাই, এবং সেই ঋবতারার প্রতি লক্ষ্য রাখিয়া সংসার-সমুদ্রে নির্ভয়ে তাঁহার জীবন-তরণী সঞ্চালন করিতে পারিবেন। সন্দেহের ঝটিকা উদয় হইলে, অন্ধকারে দিক নির্ণয় করিতে না পারিলে, সেই ঋবতারার প্রতি লক্ষ্য করিলেই সেই ঋবতারা দেখিতে পাইবেন; দেখিতে পাইবেন, সেই উজ্জল তারকার অলক্ষিত প্রভাবে ভীষণ তরঙ্গ-মাঝে তাঁহার ক্ষুদ্রতরণী খানি 'অটুট রাখিয়াছে, দেখিতে দেখিতে ঝটিকা শান্ত হইয়া যাইবে, আবার নির্ভয়ে চলিবেন। যদি কেহ আমাদের স্ত্রায় হীন, আমাদের স্ত্রায় দুর্বলচিত্ত থাকেন, তাঁহার চরণে আমার সবিনয় নিবেদন, একবার এই মহাবাক্য হৃদয়ে স্থান দেন, এই মহাবাক্যের প্রভাব দিন দিন উপলব্ধি করিবেন। নিরাশ হৃদয়ে আশা আসিয়া বসিবে, বলবান আশা—কোনরূপ সংসার-তাড়নায় তাহা টলিবে না। যাহা বলিতেছি, যদি না উপলব্ধি করিতাম, এরূপ দৃঢ়বাক্যে প্রকাশ করিতে কুণ্ঠিত হইতাম। একবার সেই ঋবতারার প্রতি যাঁহার দৃষ্টি পড়িবে, তিনিও ক্রমে এইরূপ দৃঢ়বাক্যে রামকৃষ্ণদেবের কথায়ত্তের অভূত প্রভাব প্রকাশ করিবেন ও হৃদয় উজ্জ্বল "জয় রামকৃষ্ণ" বলিয়া করতালি দিবেন।

